

9(49.6)

0.646





2 currys 85p-

2004

ՊԸՏՄՈՒԹԻԻՆ

() Ս Մ ԸՆ Ե ԸՆ Յ



F. G. G. G.



MAHMOUD II.
Empereur des Turcs

181-222

9/496

2424

ՊԵՏՄՈՒԹԵԱՆ

Օ Ս Մ ԵՆ Ե ԱՆ

4-53

պ.

ՊԵՏՈՒԹԵԱՆ

№ 3509

ՅՕՐԻՆԵԱՑ

Հ. ԳԱԲՐԻԷԼ, Վ. ԱՅՎԱԶՈՎԱԲԻ

ՄԻԹԱՐԵԱՆՑ

ՀԱՏՈՐ Ա.

1009
19556



Ի ՎԵՆԵՏԻՎ

Ի ՍՈՒՐԲՆ ՂԱԶԱՐ

1841

9 (56) 1111



ՅԻՇԱՏԱԿ ՀՈԳԻՈՅ
ՏԵԱՌԻՆ ՍՏԵՓԱՆՈՍԻ ԵՒ ԵՂԲՕԴ
ՆՈՐԱ ՊԱՐՈՆ ԲԱՂՏԱՍԱՐԱՅ
ՆԵՓԻՍԵԱՆՅ



ՅԱՌԱԶԱԲԱՆ

Ի վէպս անցից ազգաց հզօրաց այնու-
քիկ առաւել բնաւորեցան յախորժ
վերժանութիւն գալ, յորս խիտ առ
խիտ հիւսք իմն և մանուածք գտանիցին
մեծամեծ պատերազմաց, շքեղ յաղ-
թականաց, արագ արագ աշխարհա-
կալութեանց, և այնպիսի արդասեաց
արիութեան և հանճարոյ՝ որ անկա-
րօք իցեն ստէպ ստէպ իմաստասիրու-
թեանց վիպագրին: Ընդ առաջինս՝ ի սո-
ցանէ յերաւի է վարկանել և զօմաննան
պետութեանն պատմութիւն, որ ՚ի
վերջան զկարծիս հասարակաց բովան-
դակեալ ունի գէպս նշանաւորս, հիա-
ցուցիչս խորազնին մտաց, և է զի զուար-
ճալիս կամ ահարկուս լաղաց:

Վկայ աներկմաւ լի կացցէ իրացս և

խուռն բազմութիւն սպասագրաց աղ-
գին՝ որ հետ զհետէ և որ 'ի միասին իսկ
ինամկալան դրով աւանդել զանցս իւ-
րեանց ժամանակին առ ժամանակակից
մարդիկն և առ որս զինի նոցա դայցեն
ժողովուրդք : Բայց թէպէտ և այս
չէր , սպաքէն անհրաժեշտ հարկ 'ի
վերայ կայր մերուսն ազգի դիտել հա-
ւաստեալ զելս և զյառաջագիտութիւն
և զերևելի հանգամանս հոյակապ թա-
գաւորութեան , զոր ամենախնամ տես-
չութիւնն Աստուծոյ շնորհեաց մեզ 'ի
հովանաւորութիւն ընդ ժամանակս
հնգից և աւելի ևս դարուց : Եւ ահա
'ի սոյն աղագս մերս այս համառօտա-
գիծ յօրինեցաւ սպասմութիւն . և ըն-
ծայի 'ի վայելս այնոցիկ 'ի մերազնեաց
ուսումնասիրաց , որ վերջացեալք 'ի
տաճկականին հմտութենէ , կամ թէ
նովիմք հանդերձ և բովանդակութեան
օսմանեան սպասմութեանս տենչա-
ցեալք՝ ցանկացան արգարասէս 'ի հայ-
րենի բարբառս իւրեանց ընթեռնուց
զնոյն :

Միայն թէ ոչ երկամօխմբ և ներողա-
 մտութեան ինչ 'ի սոցանէ հանդիպել,
 որպէս 'ի բազում մարդկօրէն վրիպանս
 գործոյս, նոյնպէս և յաղազս այնր՝ զի
 պատմաբանիցն աղատութեամբ եր-
 կիւղած մտօք վարեալ՝ անթարգման և
 անյեղափոխ 'ի մէջ բերաք զանուանա-
 կոչութիւնս ինչ օտարս 'ի հայկական
 խօսից . որպիսիք իցեն վէզիր, խան,
 շահ, սուլթան, ենիչէրի և այլք սա-
 կաւք : Սակայն կամակար մտօք յան-
 ձին կալաք ըստ բնիկ հնչման արդի Օս-
 մանեանց կարգել զանուանս մարդկան
 և զնորոց քաղաքաց, քան ըստ ուղղա-
 գրութեան միջին և վերջին դարու մա-
 տենագրացն մերոց դրոշմել զնոսին, և
 զընթերցանելիսն խրատւցանել . սմին
 իրի Մէհէմմէտ գրեցաք և ոչ Մահ-
 մատ, Պայէզիտ և ոչ Բայազիդ, Ղէնկ-
 թիմուր և ոչ Ղանկ թամուր, Պէշիր և
 ոչ Բշր, Էպուսպէքիր և ոչ Աբուբաքր,
 և որ այլն ևս :

Եւ զի անսայթաք յակն արկանիցեն
 ընթերցողք զանցս անցելոց Տամանա-

կաց, փոյթ 'ի մօտ եղաք զանգ անմեկին
սրահել յայնցանէ զուսաւորութիւն
ժամակագիր յիշատակաց . որոյ վասն
զթուականն Տաճկաց զհիճրէթն ա-
'նուանեալ՝ եղաք յէջս իւրաքանչիւր
յաջմէ, և հանդէսը նմին յահեկէ զփրկ-
չականն թիւ հասարակաց . իսկ զա-
ւուրս ամսոց ըստ նորումն հաշուեցաք
ամսարի :

Այլ 'ի վերքան զամենայն 'ի հաւա-
տարիմ միտադրութիւն և յանաւելորդ
ճշգրտաբանութիւն ուշ արարեալ, որ-
պէս ոչ ինչ 'ի կարևորացն յապաւեցաք
կամակար, ըստ նմին և ոչ ինքնահնար
ինչ բնաւ յօդեցաք 'ի սլատմութեանս .
թէպէտ և յատակութեան տալադրու-
թեանն հոգացեալ՝ ոչ խանեցաք 'ի
'ներքոյ իջից իւրաքանչիւր զսլատմա-
գրացն զանուանս՝ որ երաշխաւորեցին
մեզ զստուգութիւն իրացն :

Քանզի առաջնորդ հաւատարիմ
կալաք մեզ 'ի սլատմութեանս զքաջա-
հմուտ գերմանացին զհամմէր Փուրկ-
սթալ, որ զամս երեսուն վաստակեալ

'ի յօրինուած բազմահատոր պատմու-
թեանն Օսմանեանց և քաղեալ զայն 'ի
բուն յաղբերաց անախ, պատմաբանիցն
Տաճկաց զորս երկերիւրովք չափ յիշա-
տակէ նա, դրուատեալ է առ հասա-
րակ յեւրոսպական աղբաց, և աշխատա-
սիրութիւն նորա թարգմանեալ այժ-
մէն 'ի զանազան լեզուս նոցա: Սակայն
պարս անձին վարկաք և ինքնին յակն
արկանել ստէս ոչ միայն յայլոց եւրո-
սպացի մատենագրացն բանս, զոր օրի-
նակ 'ի Մուրաաճա, 'ի Քանթէմիր, 'ի
Թոթ, 'ի Թոաէրինի, յԱլիքս, 'ի Ժուա-
նէն և յայլս, այլ և որ կարևորն էր մեզ,
և քաջին համմերայ ևս արգեօք ըզձա-
լի, մեծատէս սատարութիւն գրտաք
'ի բազում ինչ իրս և 'ի մերոցն պատմա-
բանից, և մանաւանդ 'ի ժամանակակից
մարդկանէն, որպիսիք են Թովմա վարդ-
գասեա Մեծոփայ, Առաքել վարդա-
սեա Գալիթիճեցի, Զաքարիա Աղաբ-
շտպատեցի, Երեմիա Չէլէսլի, Մա-
ղաբիա գալիր Ճէվահիրճեան, Գէորդ
գալիր Պալատեցի, Գէորդ Օլուլու-

դէան Տրասլիզոնցի, և յայլոց ոչ սակաւ
յիշատակարանաց և 'ի թղթոց ակա-
նատես և ականջալուր պատմագրաց :

Ոչ ինչ դանդաղեցաք ականարկել եր-
բէք և յօսմանեան պատմաբանս, զորոց
զտպագիր մատեանն մեծաւ մասամբ
ունէաք 'ի ձեռին, իսկ 'ի գրչագրացն
սակաւ : Եւ ահա կարգեմք աստէն
զսակաւս 'ի բազմաց անտի որ տպեալ
և որ գրչագիր, 'ի բաց թողեալ զմասնա-
կան ինչ պատմութիւնս, և զաշխարհա-
գրական գրուածս, և զպատմութիւնս
վարուց երևելի արանց :

ՊԱՏՄԱԳՐՈՒԹԻՒՆՆԵՐ

ՕՍՄԱՆԵԱՆՑ

ԳՐԶԱԳԻՐՆԵՐ

Թարգմանի Աշգրտաշարքէ. Մեծարդի
պատմագրութիւն Տերգիւշ Անմէտայ
ուրումն որդւոյ Եահէայի թողին Ա-
շգր փաշայի. և կեցեալ է պատմագիրս
առ Պայէզիտաւ Բ. ալքայիւ իսկ զպատ-
մութիւն իւր քաղեալ 'ի գրութենէ
ուստեք Եախչի անուն պատմագրի որդ-
ւոյ Էլիասայ պաշտօնէի սուլդան Օր-
խանայ :

Ճիհաննի-ճա , որոյ մատենագիր է
'նկչի Ճամանակակից Աշգրփաշաղա-
տէին :

Հէշէ գիհիշէ այս ինքն է Եօթն գը-
րախաք, զոր արարեալ է Մօլա Խարխա

հրամանաւ Պայէզիտայ Բ արքայի 'ի
բարբառ Պարսից :

Թաւրիտի Աւի Օսման, այն է Պատմու-
թիւն Օսմանեանց, զոր գրեաց Լուդ-
ֆի փաշա ցամն 1553 :

Թաւրիտի Աւի Օսման, որոյ սլատմա-
դիր է Միւհեյէտտին Ճէմալի :

Թաճի-Բե-Է-Նարի, այսինքն է Պսակ
սլատմութեանց, զոր յօրինեալ է սերժ
և ճոխ բանիւք դենսկեան Սատէտտին
էֆէնտի՝ առաջին արքունական սլատ-
մագիր :

Թաւրիտի Աւի Օսման, զոր գրեաց ան-
կողմնատէր բանիւք սլատմագիրն Ալի,
և հասոյց ցմահ արքային Մէհեմեդ-
տայ Գ :

Թաւրիտի Աւի Օսման, յօրինեալ 'ի հա-
սանսկէկզատէ սլատմագրէ, սա մինչև
ցթագաւորութիւն Սիւլէյմանայ ար-
քայի համառօտէ զՍատէտտին, և յարէ
զիւրոյ ժամանակին զգէտս մինչև ցամն
1636 յորում և մեռաւ : Զայս սլատ-
մութիւն թարգմանեալ Ղ. Երզայ դըս-
րի սլալատեցւոյ, և յայլոց ոմանց

յաւելլուածս 'ի սոյն արարեալ՝ գրեաց
'ի մերս բարբառ զսպասմութիւն ինչ
Օսմանեանց յերկուս հատորս, և էթե-
րակատար :

Թարգմտի Աւի Օսման, գրեալ 'ի Սո-
լադզատէ սպասմագրէ ցամն 1644 :

Զհետ հանրասպատում մատենա-
գրացս երևելի են և սպասմաբանքն ճե-
լալզատէ Մուսղաֆա, Գարաչէլէպի-
զատէ Աստիւլազիզ էֆէնտի, Փէչույի
կամ Փէչէլի Իպրահիմ էֆէնտի, Սէլա-
նիքի, Շէմսի փաշա, Քէմալփաշազատէ,
Վէճիհի, Նասուհիփաշազատէ, Նուրի,
Սիւհէյլի, Մէհէմմետ խալիֆէ, Հաճի
խալիֆէ Քեաթիպ շէլէպի, Վէյդի,
Կնվերի, Մէլէք էֆէնտի, Բէսմի Ահ-
մետ էֆէնտի և այլք. որք է զի զոմանց
ոմանց 'ի թագաւորացն Օսմանեանց ա-
ւանդեցին զգործս, և է զի զսպատերազ-
մաց ինչ կամ զբաղմավորում խուովու-
թեանց սկսութեանն ճառեցին :

Թեօհֆել-ի-լ-ի-պար ֆի է-ֆ-ր-ի-լ-է-դ-հ-ր , Պատմութիւն նաւամարտիցն Օսմանեանց , որոյ մատենագիր է բազմամէսն Քեաթիպ շէշէպի , տպագրեալ յամի 1728 :

Կէ-լէ-ի-ի-լ-է-ֆ , զոր յօրինեալ է պատմագիրն Նազմիզատէ , տպագրեալ յամի 1730 :

Թ-գ-լ-ի-մ-ի-է-լ-է-ի-ի , որ է ժամանակագիր աղիւսակք , գործ Քեաթիպ շէշէպուոյ՝ յաւելուածովք այլոց ոմանց տպագրեալ յամին 1732 :

Ն-ի-ի-ի , պատմագիր արքունի՝ որ յերկուս հատորս բովանդակէ զվէսպ սկտութեանն ցամն 1659, տպագրեալ յամի 1734 :

Բ-լ-ի-ի , որ գրէ յերիս հատորս զպատմութիւն անցիցն անցելոյ յամի 1661 ցամն 1721 , տպագրեալ յամին 1741 :

Չէ-ի-ի-ի-ի , որ բովանդակէ զպատ-

մուծիւնս անցից աշխարհին յամէ 1722
ցամն 1728, տպագրեալ 'ի 1741 :

Սօֆի, Շափիշ և Սոսոկի, երբեակ պատ-
մաբանք որ աւանդեն զզրոյցս թագա-
ւորութեան Մահմուտայ արքայի Ա,
յամէ 1730 ցամն 1743, միահատոր
տպագրեալ 'ի 1783 :

Իֆ, որ պատմէ զանցս պետութեանն
յամէ 1744 ցամն 1750, տպագրեալ
յամին 1784 :

Ահմէթ Վաւաթ էֆէնի, որ զարայա-
րութիւնս պատմութեանն Իսկայ յօրի-
նեալ հասոյց ցամն 1774, տպագրեալ
յամին 1814 :

Ափի Ղաֆէշ կամ Ոսի Ղաֆէշ, գործ-
արքունի պատմագրին Էսասայ, յո-
րում պատմէ զանցս կոտորածի և բարձ-
ման Էնիշէրեայ :

Պ Ա Տ Մ ՈՒ Թ Ի Ի Ն

() Ս Մ Ա Ն Ե Ա Ն Յ

Ա Ջ Գ Ա Բ Ա Ն ՈՒ Թ Ի Ի Ն

Ն Ա Խ Ն Ե Ա Յ Ն Օ Ս Մ Ա Ն Ե Ա Ն Յ

Օ Օ Ս Մ Ա Ն Ե Ա Ն Յ նախնիս ըստ կարգի ազգաբանելով ածեն հասուցանեն պատմագիրք նոցա մինչև 'ի Յարեթ, որոյ թոռն համարին զԹիւրք զնախահայր ազգին թուրքաց, և զինքեանս սերունդ նոցա :

Աշխարհ բնակութեան թուրքաց ցարդ ևս թուրքաստան կոչեցեալ 'ի վերնակողմանս Ասիոյ կայ, յարևելից սահման զՉինս ունելով, յարևմտից զԵրկիրն Խարեզմի, 'ի հիւսիսոյ զԱլիսիւր, և 'ի հարաւոյ զմեծ Թաթարս :

Բնիկ բարբառ նոցա, որ Չէղաթայ. ահանն կոչի՝, 'ի հնդեաստաներորդ դարէ և այսր մաքսելով իմն 'ի լեզուացն Արարացւոց և Պարսից՝ պերճ և ճոխ ընծայի 'ի բերանս Օսմանեանց քան զամենայն բարբառս արևելեայց:

Իսկ աւանդ նոցա պատմական յայս բովանդակի: Էր, ասեն, 'ի Ժամանակս Աբրահամու Ուղուզ խան որդի Գարայի, որդւոյ Գայեայ, որդւոյ Թիւրք խանի, այր որսորդ և հուժկու. որոյ եկեալ 'ի ծանօթութիւն ճշմարտին Աստուծոյ, յուրաստ կայ 'ի հայրենի գիցն պաշտամանէ, և զամն եօթանասուն զդէմ կալեալ պատերազմաւ հօրն իւրում Գարայի, յետոյ ուրեմն յաղթէ նմին, և հաստատեալ զաթոռ իշխանութեան իւրոյ 'ի մեծ քաղաքն Եաշ ընդ իւրև նուաճէ զամենայն զթուրքաստան:

Եւ էին Ուղուզայ որդիք մեց. Կիւն խան, Այ խան, Երչարզ խան, Կէօք խան, Տաղ խան, Տէնիզ խան: Յաւուր միում դատեալ սոցա յորսս աղեղն մի

1 Ի Չէղաթայէ յորդոսայ ճինիկու խանին առեալ զանուանն:

2 Որ յարդի Ժամանակս ևս մայրաքաղաք էր Թագասորոսեան Իւզպէտանց: Եւ զի արչասեալ հասին Ուղուզեանք մնչև 'ի Մուրասիս, իւրեանց մայրաքաղաքին անուամբն իռլիցին և զփլիսասոր քաղաք էրիւրին Եաշ:

և նե տա երիա՝ ածէն առ հայրն իւրեանց .
 և նա տայ զաղէզն ՚ի սարդէ երկոցն ե-
 րկցադունից , և կրտսերացն երեցուն
 զնե տան : Սոքա բաժանեն յիւրեանա ըզ-
 նե տան , և առաջինքն խորտակեն զա-
 ղէզն . և Ուղուղ զկրտսերսն անուանեալ
 Եռանե տա , Իւջ օգ , կարդէ ՚ի գլուխ
 ձախու թևի բանակին իւրոյ , և զերի-
 ցադոյնան կոչէ խորտակիչա , Պօղուգ , և
 զաջ թև բանակին տայ ՚ի ձեռս նոցա :

Իբրև մեռաւ Ուղուղ , Եռանե տրն
 կալան իւրեանց բաժին զարևելեան
 մասն Թուրքաստանի , և խորտակիչքն
 զարևմտայինն . և մէն մի ՚ի վեցեցունց
 իշխանացս աւանդի հայր լեալ չորից ևս
 որդւոց , յորոց սերեալ համարին քսան
 և չորս առհմք անուանիք յաշխարհին
 Թուրքաց :

Արդ մեր թողեալ զպատմութիւն
 իշխանացն արևելեան Թուրքաստանի ,
 զարևմտեայն ակասանեմք հզօրացեալս
 յոյժ յոյժ , և մինչև ՚ի Բիւզանդիոն և ՚ի
 Դանուբ յաղթանակս կանգնեալս . և ՚ի
 սոցունց ահա սերին Ուղուղեանք , Սեւ
 ճուղեանք և Օսմանեանք : Ուղուղեանցն
 ցեղապետ համարի Տաղ խան , Սեւ ճու-
 գեանց ¹ Տէնիզ խան , և Օսմանեանց
 Կէօք խան :

1 Եւ զի նախահայր արքունախան Գոհմ
 սոյն Սէլճուգ իւլէր որդի Տագագայ՝ հզօ-
 րորեալ ՚ի Գասնէր որդի Գարուն ՚ի իողմանս

Չնւզուելանց այսչափ ինչ յիշա-
տակք են ՚ի կարծոյ, զի յար ՚ի պատե-
րազմունս էին ընդ թագաւորացն Պար-
սից և ընդ ամիրապետացն Արարացւոց-
և զի Սալուր խան նոցա ՚ի տանկերորդ
դարուն ընկալեալ զմահմետական կը-
րօնս՝ կոչեցաւ Չանագ խան կամ Գա-
րա խան, և զժողովուրդ իւր սա առա-
ջին անուանեաց ասէն թիւրքմանս՝
կամ թորդումականս՝ առ որոչեւոյ յայ-
ւոյ թուրքաց, որք յեա ժամանակաց
ևեթ դարձան ՚ի նոյն կրօնս:

Իսկ Սելճուէկանք զկնի տանկերոր-
դի դարուն հզորացեալք ակրեցին ՚ի Ասս-
պից ծովէ մինչև ՚ի Միջերկրականն,
գրաւեալ զՊարսս, և զԲամասկոս, զԲե-
րիս և զԲոքրն Ասիա. և ՚ի սոցուն պե-
տութեան աւերակաց կանգնեցաւ հաս-
տակառոյց շինուածն Օսմանեան պե-
տութեան. զորմէ ժամ է ասել:

Սմբղանդաց, սին իրի և յաջորդո նորին ՚ի
նորս անուն յորջորջեցան:

1 Պարսմագիրն՝ Նէշրի սփոփաբանէ զա-
նուն սոցա թիւրք իման, որպէս թէ թուրքա-
հասափ: Բնիի աշխարհ սոցա յարեւելս Ասս-
պից ծովուն յգի. և անքի ապա ՚ի Ռփասսա-
նէրորդի դարուն հաստաժ ՚ի նոցանէ է-
լեալ սփոփոցաւ ՚ի հայաստան աշխարհ:

Ի ԲԱՌՆԱԼ Ճինկիզ խանին զտերու-
 թիւնն Խարեզմի, որ թումք խնն հզօր ար-
 ձանացեալ կայր ցայնժամ ընդդէմ ար-
 շաւանացն Մողոլաց յարեմուտս կոյս,
 Սիւլէյման շահ որդի Գայալիայ յազ-
 նուտտոհմ սերնդոց Վէօք խանին՝ եւ
 ընտանեօք իւրովք արամիք յիսուն հա-
 զարսա ՚ի Մահան դաւառէ աշխարհին
 Խորասանայ, և գիսեալ ՚ի Հայս՝ բնա-
 կութիւն կալաւ ՚ի կողմանս Արզնկայ
 ՚ի դաւառին Եկեղեաց մինչև ՚ի Խլաթ:

Ապա իբրև մեռաւ ճինկիզ խան յեւ
 Էօթն ամաց՝ չաւ արար Սիւլէյման իւ-
 րովքն հանդերձ դառնալ յերկիրն հայ-
 բենի ՚ի Մահան, և յանցանել իւրում
 ընդ գեան Եփրատ մերձ ՚ի Բերխա՝ սա-
 հեալ անկաւ երիվարաւն ՚ի գեա անդր
 և հեղձաւ: Զմարմինն նորա հանեալ
 թաղեցին իւրքն առ Ճապեր անուն
 ամրոցաւն, ուր ցարդ ևս յիշատակի գե-
 բեզմանն նորա, և ինքեանիք անառաջ
 նորդք ցրուեցան յերկրին Ասորոց, և
 կէսք երթեալ դադարեցին ՚ի Հայս յա-
 մի տեառն 1251, և ՚ի հիճրէթին 629:

Արդիք չորք էին Սիւլէյմանայ. Սէն-
 գուրթէկին, Վիւնդօղաի, Տուտտար և
 Կրդօղրուլ: Երկցադոյնքն երկոյքին գար-
 ձանն անդրէն ՚ի Խորասանն, իսկ Տու-
 տար և Կրդօղրուլ խաղացին դնացին ՚ի
 ՚ի բարձր Հայս ՚ի դաշան Բասկնոյ, և
 անաի յարեմուտակողմն ՚ի սահմանս տե-

րու թեան Սեւծուգեանց, որոց թա-
գաւորէր յայնժամ քաջն Ալայէտափն
Ա: Առ որ աւաքեալ էրդօղրուլայ զփի
յորդուց իւրոյ՝ ինդրեաց ՚ի նմանէ
տեղի բնակու թեան, և նա ետ նմա ՚ի
կալուածս զԳարաճատաղանուանեալ
լեանն՝ որ յարեւմտից կայ գաւառին
Անկիւրիոյ:

Գէպեղև էրդօղրուլայ սրատահէլը
ճանսսպարհայն մեծի սրատերազմի Սեւ-
ծուգեանց ընդ թաթարս, և չև ևս ծա-
նուցեալ եթէ ոչք ոմանք իցեն որ մար-
տին չին, ընտրեալ կալաւ արխաբար
ձեռն տալ տկարագունի կողմանն, և
տարաւ յաղթու թիւն մեծ ՚ի վերայ
թաթարաց իւրովքն չորէքհարիւր քա-
ռասուն և չորիւք ընտիր հեծելովք:
Սակս որոյ և Ալայէտափն զգեցոյց նմա
հանդերձ սրատուոյ, և զաւարն բաշ-
խեաց ՚ի մարտիկս նորուն:

Յետ այնորիկ նեղեալ էրդօղրուլայ
՚ի մերձակայ Յունաց, խաղայ ընդդէմ
նոցա մարտիւ սրատերազմի, և էառ զա-
մուրն Գարաճահաար և զայլ ևս տե-
ղիս առ Կուսփնաւ, որ է Քիւթահիէ,
և Ալայէտափն յաւել նմա փառս և կա-
լուածս բազումս:

Եւ մեռաւ էրդօղրուլ ամաց ինն-
սուն և երից, թողեալ երիս որդիս,
որոց անուանք էին Օսման, Կիւնտիւզ-
ալի, և Սալճի, որ և Սարըպալի. և սո-
քա թաղեցին զհայրն իւրեանց յաւանն

Սէօկիւթ, որ է ընդ մէջ Ղեւքէ և Կսկի
 շէհր քաղաքաց:

Այսօրինակ եղև սկիզբն Օսմանեան
 Թագաւորութեան 'ի փոքրիկ և յան-
 նշան դաւառի անդ՝ որ կոչի Սուլդան
 էօնիւ, և քաղաքք 'ի նմա էին Կսկիշէ-
 շիր, Սէօկիւթ, Սիասի Ղազն և Ղեւքէ:



ՍՈՒԼԴԱՆ ՕՍՄԱՆ Ա

ԴԱԶԻ

ՔՍԱՆ և չորից ամաց էր Օսմանն 'ի մեռանեւ Հօրն իւրոյ Էրդօղլուչայ, անդրանիկն յեղբարս իւր, և քաջութեան Հօրն լիութի Ճառանգորդ : Քանզի էր իսկ Օսման բարեբարոյ, գեղեցկադէմ, յօնեղ, թխահեր, սևամորուս, արծառնգն, երկայնաբազուկ, և ցորենագոյն . սակս որոյ անգատին 'ի պատանեկութեան գոլով ախա՝ Գարա Օսման անուանէր, և ահարկու էր իշխանացն Յունաց որ շուրջ բնակեալ էին զտեղեօքն . վասն որոյ և բազումք 'ի նոցանէ ընդ ահամբ հայէին 'ի նա և նեղէին զարս նորա :

Միայն իշխանն Պիլէճիկ ամրոցին բարեկամութեամբ գնայր ընդ Օսմանայ . սակս որոյ և նա 'ի գնալ իւրում ամի ամի յամարաստան տեղևաղաջեաց զիշխանն պահել յաւանդ զկահս և զսպասս տան իւրոյ և զարանցն որ ընդ իւր էին՝ յամրոցի անդ . և նա յանձին կալաւ զհանդիքն . այլ պայմանաւ՝ զի մի յարանց ոք, այլ կանայք լինիցին որ զկահսն 'ի բերդ անդր ա-

ծիցենն . և Օսմանն այնպէս առնէր զամսինն :

Ընդ այն ժամանակս էր ասենն ՚ի գեղջուրեմն մերձ Եսկիշէնէն ծերունի ոմն Կտէպալի անունն այր երկիւղած և իմաստուն ¹ : Առ սա յաճախէր Օսմանն, և տեսեալ զգուտոր նորա խնդրէր առնուլ զնա իւր ՚ի կնուծիւնն, այլ հայրն ոչ ետ . զի և յոյն իշխանն Կսկիշէնէնէ կամէր փեայանալ Կտէպալեայ : Սմին իրի և սխացաւ իշխանն ընդ Օսմանայ և յարեաւ ՚ի վերայ նորին մարտիւ պատերազմի . այլ վանեցաւ ՚ի նմանէ . և բարեկամ նորին Քէօսէ Միխալ առնուն գերի վարեալ յՕսմանայ՝ այնպէս իմն կատեցաւ ՚ի սէր բարեկամութեան նորին, զի և ՚ի հաւատոց քրիստոնէութեանն անկաւ . և տոհմ նորա Միխալ օղլու անուամբ ընդ բազում ժամանակս հռչակեցաւ ՚ի պետութեան Օսմանեանց :

Արդ ՚ի գլուխ երկուց ամաց տեսիլ երազոյ պատմեաց Օսմանն Կտէպալեայ, հայցելով ՚ի նմանէ և զմեկնուծիւնն . ասէ . « Թուէր ինձ ընկողմանեալ զնիլ առ քե . և տեսանէի

1 Ձսա ընչաչաք ասենն լեալ պատմաբանք, այլ սակս ողորմածութեանն պանդոկ ասենն ՚ի գեղջուրեմն, և զանցաւորս ասա իւր պատմանելով իրի պատմասիրել : Են որք ընթեանան զանուանն իւրեպալի :

և ահա ելանէր 'ի ծոցոյ քուսմէ լուսին կարակնաձև, գայր խոնարհէր առ իս, և մտեալ 'ի ծոց իմ ամփոփէր: Ընձիւղէր ապա 'ի ծոցոյս ծառ վարսագեղ աճունաձիւղ, և գամ քան ըղգամ ընդարձակեալ հովանաւորէր ըղլերինս և զծովս առ հասարակ, և չորք գետք գրախտին առ ոգանէին զնա: Տեսանէի ընդ ծառովն և լայնանիստ քաղաքս և աւանս անհամարս զարդարեալս պարախօք և աշտարակօք, և տերեք ծառոյն սուսերաձև իմն երևէին: Յարեալ յանկարծակի հողմն ուժգին, և 'ի բլունութեան իւրում զգաղաթունս ծառոյն մեծի հակէր խոնարհէր դէսդղիղ 'ի թագաւորեալ քաղաքն 'ի Բիւղանդիոն, որ յերկուց ծովուց միջոցի զնիսան ունելով իբրև զադամանդ 'ի մէջ շափիւղայ և զմրխտի, մատանի իմն հոյակապ աչաց իմոց երևէր. զոր այն ինչ կամէի, ասէ, ագուցանել 'ի մատունս իմ, թօթափեցաւ յինէն քուն, և ահա երազ էր 7:

Ի լուր պարզ և մեկին անընդոյս քաջիկ խելամուտ եղև ծերունին իմաստիցն Օսմանայ, և քան զանուրջան ճըշգրտագոյն գուշակութիւն հանդերձելոյ մեծութեանն Օսմանայ համարեալ զքնատուր քաջութիւն նորին և զարանց որ ընդ նմա, աւետաւորեաց նմին և որդւոց նորա զփառս թագաւորութեան մեծի, և ինքնին կամեցեալ

սկիզբն առնել կատարման իրացն գուշակելոց, ետ Օսմանայ զգուսարն իւր 'ի կնութիւն . զի ահա սա է, ասէ, լուսինն զոր յերազեցեր :

Գարձեալ և միանձն՝ ոմն Աստալ Գուսրալ անուն ասէր զանձնէ՝ թէ տեսեալ իցէ բազէ մեծ հովանացեալ թևատարած 'ի վերայ Օսմանայ 'ի նշանակ թագաւորելոյ նորա . և Օսման շնորհատարտ նմին զանձն իւր համարեալ, սրարգևեաց նմա սուսեր մի և բաժակ, և խոստացաւ կառուցանել մենաստան մի յանուն նորին 'ի լրանալ գուշակութեանն . որպէս և արար իակ 'ի թագաւորել իւրում :

Այսպիսեօք քաջալերեալ կանխասացութեամբք արին Օսման՝ յորդորագոյնս միտ գնէր ընդարձակելոյ սահմանաց իւրոց . և նախ առաջին փութացաւ վրէժիսնդիր լինել 'ի յոյն իշխանէ Այնեկէօլ բերդին, որ նեղէր զհովիւս հօտիցն Օսմանայ : Խաղաց 'ի վերայ նորա եօթանասուն արամբք, և էառ զբերդն, և զամրոցն Գարաձահիսար որ առ նովաւ :

1 Տէր-Վիշ : Եւ մանկուսն քաճկաց որ անրշափն 'ի Ժամանակաց Մահմեփի հաշուեն շատոտն իւրեանց, 'ի Բազմաթիւ խորհրտորհին . այլ հուշախեալն 'ի նոսա են որ ինչին Նագըլդեմփի, Գափըրի, Մեւլանի, Պեթաւաշի, և Ռիֆայի :

Եւ Աւայէտտին Բ արքայ Իկոնիոնի առաքեաց առ Օսման նշանա իշխանութեան, այսինքն դրօշ մի, և սուսեր, և երիվար, և թմբուկ, և թուղ՝ որ է ձար՝ որոց ընդառաջ ելեալ Օսմանայ մեծաւ պատկառանօք, և իւրով աւագաւ հետին հանդերձ մինչև ցվախաճանել հրնչման փողոցն և թմբկաց յոտին կացեալ, սպա ընկալաւ զընծայսն 2 :

Ձեկեղեցին Գարաճահաարայ փոխեաց սպա 'ի մզկիթ, և կարդեաց 'ի քաղաքին օրէնտուսոյց զոմն, և զայլ ոմն գատաւոր, պատուէր հրամանի սուեալ նմա՝ անխափր իրաւ առնել սաճկաց և քրիստոնէից :

Ընդ այսչափ ճոխութիւն Օսմանայ մախացաւ իշխանն Պիլէճիկ ամրոցին,

1 'Աշանակ է սա մեծի իշխանաւնեան՝ 'ի Թաթարաց անախի 'ի վաղ Ժամանակաց հեփեանցեալ և 'ի սովորաւնիւնս Օսմանեանց. և է յարս ագի յիւր իսիւեալ 'ի Ժագ սսիէֆլուխ յողոյ, և իանգնի 'ի դարս արգունեաց և վրանաց ամօրեաց Ժամանակաւ յառաջ քան զլու Ռաֆաաորին իմ սպարապետին և իմ իոսախալին : Քառեակ յարս էն Ռաֆաաորին, վեշիբաց երբեակ, դենպետին և մեծամեծ իոսախալաց իրիին, և այլոց մակ :

2 Սովին արարողաւնեամբ վարեցան և յալըրդս նորին մինչև յՄեհեմետ Բ. այլ նա զսովորաւնիւն սփնակացաւնեանն դարարեցողոյ :

և խորհէր դաւաճանել զնա յաւուր
հարսանեաց իւրոց, յորում առնչոց
էր զգուտար իշխանին Եարհիարայ :
Իբրև գիտաց Օսման զգաւն 'ի մատ-
նութեանէ մտերմին իւրոյ Քէօսէ Մի-
խալայ, որ առ երեսս խորհրդակից էր
բերդակալին և այլոց Յունաց, հնարե-
ցաւ խորագիտադոյն դաւով զգէմ ու-
նել խարէութեանն :

Առաքեաց նախ 'ի Պիլէճիկ հօտ մի
ոչխարաց իբր 'ի պարգևս հարսանեացն,
և միանգամայն հրաման հայցէր 'ի բեր-
դակալէն՝ զնեւոյ զինչս իւր և զընտա-
նիս առ նմա 'ի պահեսախ. որպէս սո-
վոր էր առնել՝ յորժամ զնայրն բացօ-
թեաց ընել ամարայնի ընդ տուարա-
ճականս իւր : Ինդաց յոյժ բերդա-
կալն 'ի միտս իւր ընդ անաշխատ յա-
ջողել դաւոյն, և մտադիւր ետ զհրա-
մանն. և Օսման ընդ երեսուն և ինն
այրլնաիր քաջաց իւրոց ծպտեւոց 'ի
կերպարանս սբառաւանց՝ խաղայոյց 'ի
բերդն բեռինս զինուց սպառատօք : Եւ զի
ամրականքն մեծաւ մասամբ 'ի հարսա-
նիս երթեալ էին յամրոցն Եարհիար,
սորս անխափան օիրեցին ամրոյն : Ան-
տի գիմեալ 'ի տեղի հարսանեացն՝ սպա-
նին զփեւայն զբերդակալն Պիլէճիկու,
և զհարսն յինքեանս առին, զոր և ա-
պա կարգեաց Օսման 'ի կնութիւն որ-
դւոյ իւրում Օրխանայ :

Ի նմին ժամանակի Ալայկատին Բ

մեռաւ, և տէրութիւն Սեւծուգեանց
'ի տասն մասունս բաժանեցաւ, որոց
ամենեցուն գաւառապետք որպէս մի
մի թագաւորք տիրեցին ինքնագլուխք .
և էին գաւառք տէրութեան սոցա Այ-
տին, Սարուխան, Կերմիան, Հէմիա,
Թէքէ, Մէնթէշէ, Գարէսի, Գատգէ-
մունի, և Գարաման՝ որ մասն է Կիլիկիոյ :

Յայնժամ սկիզբն եղև և ինքնիշխան
տիրապետութեանն Օսմանայ 'ի շրջա-
կայս անդ Ալիմսկայ . հաստատեաց
զաթոս թագաւորութեան իւրոյ 'ի քա-
ղաքն Ենիշէհիւր . կարգեաց իւր գեւ-
պեա՝ զՏուրսուն Ֆաղրհ զորդին Կաէ-
պալեայ, և հրաման ետ յիւր անուն
կարգալ այնուհետև զմաղթանան յա-
ւուրս ուրբաթուց ² :

Իսկ զայլ տեղիս աշխարհին իւրոյ
բաժանեաց 'ի նիղակակիցս իւր : Զոր-

1 Մի-Փնի, այսինքն է վճռաբառ իսմ
Բարգման օրինաց . գլուխ է զէնի նոցա և
գիպնախանաց, գերագոյն քան զամենայն աւա-
գանին և հասասորապափ- վէշիբին մեծի :

2 Այն է Խոս-Ղոյէ, իբրև հանգանակի զա-
ւանս-Բէան նոցա, յոր յարին մաղթանս վասն
Մահմէփի և յաջորդաց նորա, և ապա վասն
Բաթասորի Ժամանակին . և սովոր է ընկեր-
ցող մաղթանացն 'ի Բարձրասանդակի Բեմի ըն-
կենանու զնոյն՝ յեղեալ 'ի պափեանս սոս-
ների . և այս 'ի քաղաքս առնալս զինսս զՏ-
րոս-Բէանի :

դին իւր զՕրիսան կացոյց իշխան Գա-
րաճահաարայ, զեղբայր իւր զԱխն-
տիւզալի 'ի քաղաքապետ Կակիշէհ-
րին. Այլուտաւրիայ ետ զամրոցսն Ին
էօնիւ և Եօնտհաար, Հասանաւրիայ
զԵարհաար, և Տուրղուտաւրիայ զԱյ-
նէկէօլ. և զՊիլէճիկ ետ 'ի կալուածս
աներոյ իւրում Կտէպալէայ :

Ի բազմաց հետէ ակն եղեալ էր Օս-
ման ամրոցին Քէօփրիւհաարայ որ
հանդէպ կայ Ենիշէհրին. վասն որոյ
խորհուրդ կալաւ ընդ զօրավարս իւր
յառուսն ամրոյն : Հօրեղբայրն իւր ծե-
րունին Տուտաար հակառակ եկաց խոր-
հրդոյն, և ոչ խոհականութեան հա-
մարէր գործ անդէն 'ի սկզբանն յաճա-
խել իւրեանց ոտխա և նախանծորդս .
և Օսման սրամտեալ՝ արձակեաց զնեա
իւր և տասպատա արկ զնա :

Ապա յարձակեցաւ էառ ոչ միայն
զՔէօփրիւհաար, այլ և զայլ ամրոցս
առ'Նիկիառ Բիւթանացւոց, որ է Իզնիկ,
և արշաւեաց մինչև հուպ 'ի պարխապս
քաղաքին. և առ 'ի գիւրերոյ զյառուսն
նորին կանգնեաց առ նովառ ամրոց մի,
զոր կոչեաց յանուս միոյ 'ի զօրավարաց
իւրոյ Գարդան :

Զհետ ամաց վեցից իշխանք բերդո-
րեից ոսմանց առ Պրուտայիւ միաբա-
նեալ ելին ընդդէմ Օսմանայ, և վանե-
ցան 'ի նմանէ. և քաղաքապետն Ռւլու-
պատ քաղաքի, որ է Ապոզոնիա, անձ-

Նատուր եղև յաղթականին՝ սրայմանաւ
 զի Օսմանեանք մի երբէք անցցեն ըստ
 գեան համանուն: Բան ետ Օսման, և
 զքաղաքատեան անդէն յօշատեալ ըս-
 պան, այլ և նա և յաջորդք նորին ըզ-
 խոստումն չանցանկերոյ ըստ գեան սա-
 հեցին ըստ ձայնին, թէպէտ և ոչ ըստ
 խնաստիցն. զի չանցին երբէք ընդ գեան
 Ուլուպատ, այլ ՚ի ծովէ շրջան առեալ
 նաւուք արշաւեցին յայն կողմն գե-
 սոյն:

Մինչդեռ Օսման Ղազի յաւերցր
 զերկրակալութիւնս իւր ՚ի հիւսիսա-
 կողմն, և առնոյր զամուր ամուր տեղիս
 Բիւթանիոյ, Օրխան որդի նորա նիզա-
 կակից ունելով զԲեօսէ Միխալ, զԱգ-
 ճէ գօճա, զԳօնուրալի և զայլս ՚ի քա-
 ջաց, վանեաց զԹաթարս յարձակեալս
 ՚ի հարաւոյ կուսէ ՚ի Գարաճահասար,
 և ընդարձակեաց և ևս զսահմանս հօրն
 իւրոյ:

Զսմն տասն նորօրինակ իմն սաշար-
 մամբ ՚ի նեղ արկ Օսման զՆիկիա և ըզ-
 Պրուսա, գրաւեալ զամենայն բերդո-
 րայս որ զնորօք, և նորս ևս իբրև մարտ-
 կոցս կանգնեալ հանդէպ նոցին:

Եւ յետ այնորիկ կարգեալ զորդին
 իւր սպարապետ ամենայն զօրաց իւրոց՝
 արձակեաց յառումն Պրուսայի. զի ինքն
 վասնդէր յոտնացաւ:

Էսա Օրխան զամուրն Կարէնուս,
 և զիմեաց ՚ի Պրուսա, այլ քաղաքա-

պետ նորին միջնորդութեամբ քեզուէ
Միխայիլայ յանձին կալաւ տալ խաղա-
ղութեամբ զքաղաքն, միայն թէ ամրա-
կանքն ելցեն անտի աղատութեամբ .
և Օրիսան զիջաւ ինդրոյն՝ պահանջեալ
ոսկիս երեսուն հազար : Եւ եղև հրո-
ջակաւոր մայրաքաղաքն Բիւթանացւոց
աթոռ թագաւորութեան նախնի Օս-
մանեանց :

Այլ Օսման ՚ի գրունս մահու ա-
ռեալ զաւետիս մեծի յաղթանակին,
հաղիւ հազ ետես զորդին իւր զՕրիսան,
և պատուիրեալ նմա քաղցրութեամբ
և արդարութեամբ թագաւորել, և ըզ-
մարմին իւր ՚ի Պրուսա թաղել, մեռա-
յամին 1326, ամաց Եօթանանից՝ թա-
գաւորեալ ամս քսան և Եօթն :

Եիրիմ նորա Աիւմիւշքիւմսէթ ա-
նուամբ ուխտատեղի է տաճկաց . որ ՚ի
սկզբան գարուս այրեցաւ ՚ի մեծի հրը-
դեհին Պրուսայի, և այժմ փոխանակ
արծաթափայլ գմբէթին գերեզման
բռեալ և Եթ տեսանի ՚ի տեղւոջն : Իսկ
գրոջն Օսմանայ և սուսերն երկասյրի
պահեալ կայ ՚ի դանձի թագաւորաց .
և այն սուսեր է որ գրոջմի ՚ի գրոջու ծո-
վակալին Օսմանեանց մինչև ցայսօր :



ՍՈՒԼԻԱՆ ՕՐԽԱՆ

ԴԱԶԻ

() ՐԽԱՆ արքայ անցեալ յաթոուն հայրենի՝ նախ քան զամենայն հոգա-
յաւ բաժանել ընդ եղբօր իւրում ե-
րկու, որ կոչէր Ալայէտափն փաշա՝,
զանպաճոյճ ժառանգութիւնս հօրն
իւրեանց, այսինքն է զերխվարս և զար-
ջառ և զոչխար: Ալայէտափն ըստ իւ-
րում անգորրասէր բարուցն հրաժեշտ
կալաւ ՚ի բաժնէն իւրմէ, և կամէր մեկ-
նել առանձինն կալ ՚ի գեղջ ուրեք-
այլ Օրխան գխակելով չամբ զխոհական
խնաստութիւն եղբօրն՝ աղաչեաց զնա
երկրորդ իւր լինել ՚ի թագաւորու-
թեանն, և անուանեաց զնա վէզեր՝ 2:

Եւ մինչդեռ Օրխան արքայ և զօ-

1 Փաշայն երեք որդի է ՚ի Բարբառ-Թուր-
+աց. և +անշի Ալայեքոբն երեք եր որդի-
Օսմանայ և եկաց վէշիւր Օրխանայ, աստի ըս-
կիւքն իալաւ սովորութիւնն Փաշա խայնելոյ
ամենայն վէշիւրաց և իռասիալաց:

2 Որչոյսբարբաղի Բարբառ Բենամբարձ
լտի. իւրի և Սոփրի աշխատ, որպէս Բէ գե-
րագոյն լանջ պէտքութեան:

բավարբ իւր քաջակորովք նորանոր
յաղթանակս կանգնէին արտաքոյ, վէ-
զիրն Ալայէտտինն փաշա խմաստուն օ-
րէնադրութեամբք զարդարէր զպետու-
թիւնն ՚ի ներքուստ :

Նորին խորհրդով սկիզբն արար Օր-
խան դրամ հասանել յիւր անուն . ու-
րոշեալ սահմանեաց զձև և զգոյն գլլ-
խանոցացն Օսմանեանց, և կարգեաց
խումբս հեռեակ զօրաց, որոց թոշակք
էին ՚ի ժամանակս սրատերազմի փող-
մի՝ յաւուր ըստ գլուխ, (զիցայնժամ
Երդօղրուլ և Օսման հեծելազօրս ևեթ
վարէին հրոսակ² անուանեալս.) և կա-
ցոյց ՚ի վերայ նոցա տասնապետս, հա-
րիւրապետս և հազարապետս :

Այլ իբրև զեղծան այս զօրականք
ուսման իւրեանց, և յանկարգու-
թիւնս մտաբերեցին, խորհուրդ կալաւ
Օրխան ընդ Ալայէտտինայ և ընդ դա-
տաւորի զօրաց իւրոց, որ կոչէր Մէվ-
լանա Գարա խալիլ ճէնտէրէլի այր խո-
րագէտ յոյժ. և սա խրատ ետ նորդունդ
զօրաց կազմել ՚ի մանկանց քրիստոնէից
ևեթ դարձուցելոց ՚ի մահմետական հա-
ւաստս :

1 Ագձէ . որ էր յայնժամ լորրորդ մասն
արժանի գրամակընոյ :

2 Ագձնձի . և սոքա ասպաքախաւորք էին
մեկնակազմեպ՝ յատաւը ընկաց լինելով Բանա-
խոյ :

Հաւանեցաւ Օրիսան և արար ըստ
խորհրդոյ դատաւորին : Եւ յաւուր
միում առեալ ընդ իւր զոմանա 'ի նոր-
ընտիր զօրականացն գնաց առ անուա-
նի շէխն Հաճի Պէկեթաշ, և խնդրէր 'ի
նմանէ զօրհնութիւն, և զնշան խնն գրօ-
շու, և զկոչումն անուան սակս իւրոցն
զօրաց : Չեռս եղ Պէկեթաշ 'ի վերայ
միոյ 'ի նոցանէ, և ասէ. «Մեռն կո-
չեացի սոցա Ենիչէրի (այս ինքն է Նոր
գունդ) . յաղթական լիցի բազուկ սո-
ցա, և հատաւ սուսեր սոցա” :

Ի յիշատակ այնր օրհնութեան յա-
ւելաւ 'ի թաղեայ սոխասկ գլխարկն
սրածայր՝ զոր ունէին զօրականքն՝ և
փերթ մի թաղեայ կախեալ յետուստ
կողմանէ գլխարկին, 'ի յիշատակ թեղա-
նեայ վերարկուին Պէկեթաշայ :

Ի սկզբան անդ հազար ևեթ էր թիւ
Ենիչէրեաց . և ասլա ամի ամի այլ ևս
հազար մանկունք քրիստոնէից գերեւոյ
'ի սատերազմի ուրացեալք 'ի հայրենի
հաւատոցն խառնէին 'ի գունդն, և 'ի
նուազն սրատահել գերեաց՝ զթերի
հազարին հարկ էր ընուլ 'ի մանկաւոյ
քրիստոնէից որք ընդ իշխանութեամբ
Օսմանեանց : Արով յերեքարիւր ամս
ևեթ երեքարիւր հազար քրիստոնեայ
մանկունք միայն այսու սրածառանօք
յաւելուլ ունէին յՕսմանեանա . թող
զի հազարն առ Մէհէմմետաւ երկրոր-
դիւ եղև երկոտասան հազար, առ Սիւ-

էյմանաւ քան հազար, և առ Մէհէմ-
մէսառ չորրորդիւ քառասուն հազար :
Եւ ուր ուժիկ նոցա մի կէթ փող էր,
յետ ժամանակաց կօթնապատիկ առա-
ւելաւ :

Եւ իբր 'ի ցոյց առատ և ճոխ թոշա-
կի նորոյ գնդի ա՛զօրավարք նոցին 'ի խահ-
արարու թեան սպասուց ընկալան ըզ-
կոչումն . զի գնդապետին անուն կոչէր
Չօրպաճը , և որոց ըստ նմանէ՛ Աշճը-
պաշը և Սագապաշը : Գրօշ նոցա կար-
միրագոյն էր , և 'ի վերայ մահիկ արծա-
թափայլ , և երկապրին Կօմերայ . և առ
կատասայիւ բոլորէին նաև առ 'ի խոր-
հուրդ 'ի մէջ առնուլ :

Կարգաւորեաց ապա Ալայէտափն
և զայլ զօրականն , և հեծեւազօրուն
սպարտա 'ի վերայ եգ զճանապարհս յար-
գարել առաջի բանակին , խրամս հա-
տանել , և կամուրջս կազմել : Եւ էին
չորք վաշտք հեծեւազօրուն կամ սպայ-
իցն , որք 'ի սկզբան անդ ոչինչ աւելի
էին քան զհազար և չորեքհարիւր , և ա-
պա առ մեծն Սիւլէյմանաւ եղէն չորք
հազարք , այս ինքն հազար սպայք , հա-
զար զինակիրք , հազար թոշակաւորք և
հազար օտարականք . և ապա առաւե-
լան յոյժ յոյժ : Իսկ անկանոն հեծե-
ւազօրքն հրոսակքն էին :

Առաջին շահատակութիւն օսմա-
նեան քաջամարտկացս երևեցաւ յառ-
ման անդ Նիկիոյ , որ մի միայն մարտ-

կոց ամրակառոյց մնացեալ էր նուազելոյ կայսերութեանն Յունաց արասքոյ Բիւզանդիոնի :

Յարձակեցաւ Օրխան զօրօք իւրովք 'ի վերայ քաղաքին 'ի միրկայոյզ գիշերի միում . և քաղաքացիքն որ յամաց հեռէ յոգիս սպաստան կային 'ի սովոյ և 'ի տարածամ մահուանէ , անձնատուր եղէն Օսմանեանց . և սակաւք ոմանք ևեթ 'ի բերդականացն ինդրեցին դնալ յաղատութիւն :

Եմուտ Օրխան խաղաղութեամբ 'ի Նիկիա , և փոխանակ աւարի քաղաքին՝ որում ծարաւէին զօրականք իւր , զայրիս և զորբացեալ օրիորդս նորին բաժանեաց 'ի նոսա : Զհոյակապ զայն տաճար , յորում երբեմն կրկին ակեղերական ժողովք հռչակեցան՝ փոխեաց Օրխան 'ի մղկիթ . կարգեաց առ նմին և դպրոց մեծ և աղքատանոց , յորում երբէք երբէք ինքնին արքայ սպասաւորէր ասեն աղքատաց և լուցանէր զճրարագունսնոցա :

Կացոյց քաղաքապետ Նիկիոյ զօրդին իւր զՍիւլէյման փաշա , և 'ի դատաւոր զԳարախալին ճէնտերէլի , և ինքն դարձոյց զզէնս իւր 'ի Յունաց 'ի վերայ իննեցունց թագաւորացն՝ որք բաժանեալ էին յիւրեանս զերկիր տերութեան Սելճուգեանց : Էսա զՊերդամա մայրաքաղաք Սիւսիոյ , որ է Գարէսի , և զայլ տեղիս , և ապա զամս քսան լուեալ

ի պատերազմաց՝ զհետ եղև զարգարե-
լոց զաթոս թագաւորու թեան իւրոց
զՊրուսա բազմապատիկ շինու թեամբք :

Ի նմին ժամանակի և ուխտ բարե-
կամու թեան հաստատուալ ընդ կայսեր
Յունաց Վաստանդնի Վանտակուզենաց,
ինդրեաց ՚ի նմանէ իւր ՚ի կնու թիւն
զցուսորնորին զԹէոդորա : Եւ նա քան-
զի կարօտէր նիզակակցու թեան նորա
ընդդէմ այլոց թշնամեաց իւրոց որ ան-
դարար ստպատակէին ՚ի Յունաստան,
հաւանեցաւ ընդ ինդիրն :

Յայնժամ աւարեաց Օրիսան ՚ի Սի-
լիվրինաւս երեսուն բազմու թեամբ հե-
ծեւոց առնուլ զհարանն և ածել : Եւ
հաս անդր և կայսրն ինքնին գլխովին
հանդերձ զօրօքն և պալատականօք . և ՚ի
վճարել հանդիսիցն և արարողու թեանց
և ինջոյից կարդելոց երկուստեք ՚ի տեղ-
ւոջ անդ երևելի սպասուք՝ յանձն ա-
րարին զօրխորդն ՚ի ձեռս փեւաւիրացն,
և դարձան : Ի միւսում ամին Օրիսան
արքայ ինքնին եւ յայց աներոց իւրում
յուսկիւսար, և դարձեալ ինջոյք և
խրախուճք յաճախեցին անդանօք : Եւ
արգասիք բարեկամու թեանցս ոչ այլ
ինչ եղէն, բայց անցանել Օսմանեանց
յերոսպակողմն :

Քանզի ՚ի լրանալ ամացն քսանից իբ-
րևեալս Օրիսան՝ զի շփոթք են ՚ի Վաս-
տանդնուպօլլիս վասն աթոսոց կայսե-
րու թեան, ժամ պատահ համարեցաւ

հաստատել զոտս իւր յԵւրոպա : Սիւ-
 լէյմանն փաշա որդի նորինն և վէղեր՝ յա-
 ջորդ Ալայէասինայ, երխտասարդ փա-
 աասէր և իրոխտ, խորհուրդ կալաւ ընդ
 քաջ նիզակակից իշխանս իւր, որոց ա-
 նուանք էին Էճէպէյ, Ղաղի Փաղըլ,
 Էվրէնոս և Հաճի Իլպէկի, և առ ան-
 ցանկոյ յասիական ծովափանց անտի
 յԵւրոպա՝ ետ կաղմել լաստափայտս
 երկուս, և երեսուն և ինն արամբք անց
 ՚ի հանդիպակողմն, և մասնութեամբ
 ուրումն յունի էառ զամբոցն Չէմէն-
 լիք կամ Չիւմնի. անտի առաքեաց նա-
 լակս, և այլ ևս երեքարիւր մարտիկս
 անցոյց յայսկոյս :

Կայսրն Կանտակուղէնոս պահանջէր
 ՚ի Սիւլէյմանայ զամբոցն, և խոստա-
 նայր աասն հազար ոսկիս հատուցանել
 նմա, որպէս և հատոյցն իսկ. այլ քան-
 զի ընդ նոյն աւուրս սասանութիւն մեծ
 եղև ՚ի Յունաստան, և գրեթէ ամե-
 նայն ծովեզերեայք Թրակիոյ կործա-
 նեցան, Սիւլէյման ոչ միայն զամբոցն
 ոչ դարձոյց անդրէն, այլ և յառաջ ևս
 խաղացեալ էառ զքաղաքն Կէլիպօլու
 ՚ի ձեռն Էճէպէյ և Փաղըլ Ղաղի զօ-
 րավարաց իւրոց. ապա և ինքնին եկեալ
 էառ զայլ ևս բերդորայս և քաղաքս, և
 գաղթականս ՚ի Թուրքաց և յԱրաբա-
 ցոց բերեալ բնակեցոյց ՚ի նոսին մինչև
 ՚ի Չորլու :

Բողոք կալաւ կայսրն առ Օրխանն

սակս արշաւանին Օսմանեանց յերկիր
իւր . և նա խոտոացաւ իրաւաստն լի-
նել ընդ նմա 'ի դէս Ճամանակի : Եւ
էր դէպն Ճամանակ անդորրու թիւն
կայսերու թեանն Յունաց, որ երթալով
երթայր և վատ թարեր ներքին շփոթիւք :

Մինչև վայելեալ Սիւլէյմանայ ընդ
երկար 'ի մրցանակս իւր, զհետ եր-
կուց ամաց անկաւ յերթիւարէն իւրմէ
յորսս և մեռաւ, և թաղեցաւ 'ի Պու-
լայր . և դերեզմանն նորա ուխտատեղի
է տաճկաց, ըստ որում սա երկրորդ
վէզիր եկաց, և առաջին հիմնեաց յԵւ-
րոպա զօսմանեան պետութիւն :

Յետ սակաւուց և Օրխան արքայ մե-
ծարդէս ցաւագնեալ 'ի վերայ մահուան
որդւոյն՝ մեռաւ ամաց եօթանասուն
և հնգից, թագաւորեալ ամս երեսուն և
հինգ, և եթող զյիշատակ քաջայաղթ
աշխարհակալի, արդարակորով թագա-
ւորի, և խնայտուն օրէնադրի : Եւ էր,
ասէն, ըստ նկարագրի կերպարանացն՝
երկայնահասակ և թիկնաւետ, լայնա-
ճակատ, մրայօն և շիկահեր, և 'ի բըլ-
թակ ունկանն աջոյ ունէր պիսակ մեծ :



ՍՈՒԼԴԱՆ ՄՈՒՐԱՏ Ա
ՂԱԶԻ ԽԻՒՏԱՎԷՆՏԿԵԱՐ

ՆԵՍՏԻՆ 'ի սկզբանէ թագաւորու-
թեան իւրոյ ստուգեաց սա արդեամբք
գործոցն զչքեղ անուանակոչութիւնս
իւր : Քանզի անդէն վաղվազակի անց
յԵւրոսլա , զի ընդարձակեացէ զյաղ-
թանակա եղբորն իւրոյ Սիւլէյմանայ :
Այլ իբրև լուր եհաս առ նա , եթէ իշ-
խան երկրին Ախլիկիոյ , որ է Գարաման ,
յարձակի 'ի դաւառս Օսմանեանց , խոյ-
ացաւ յարևմտից յարևելս , վանեաց
զթշնամին մինչև անդր քան զԳաղա-
տիա , և սասանեցոյց զաշխարհն . և բռ-
նակալքն Անկիւրիոյ , որ կոչէին Ախի-
լէր , ելին ընդ առաջ արքայի , և ետուն
'ի նա զքաղաքն յամի 1360 :

Յայնժամ ընդ բանակին Օսմանեանց
գնայր և դատաւորն Պրուսայի . վասն ո-
րոյ Մուրատ արքայ կարգեաց առան-
ձինն Գատի ամբէր կամ Գաղխապէր ,
որ է դատաւոր զօրաց , զԳարա խալիլ
ճէնտէրէլի . և զմի 'ի քաջ նիղակակ-
ցացն Սիւլէյմանայ Լալա Շահին անուն
անուանեաց Պէյլէրպէյի , այսինքն է իշ-
խանաց իշխան կամ կողմնապետ , և ա-

սլա անց դարձեալ յԵւրոպա և էառ
զբաղում քաղաքս և զամուրս . ուր և
զօրավարք իւր հաճի Իլպէկի և Էւրե-
նոս յոլով տեղիս գրուեալ էին մինչև ՚ի
Պուրղազ :

Անտի արձակեաց Մուրատ զսպա-
րասեան Լալա Շահին, և ընդ նմա զՍ-
պէկի, ՚ի վերայ Ագրիանուպօլսոյ : Իշ-
խան քաղաքին էլ ընդ առաջացա, և չա-
րաչար հարուածեալ ՚ի փախուստ խու-
ճապեցաւ, և եթող ելիք զամուր սպ-
առաւորն բիւզանդեան կայսերութեան
՚ի ձեռս Օսմանեանց :

Անդ եգ ՚ի մտի Մուրատ արքայ հաս-
տատել զաթոռ թագաւորութեան իւ-
րոյ . այլ առ ժամն յանձն արարեալ
զքաղաքն ՚ի Լալա Շահին, ինքն հաստա-
տեաց զբնակութիւն իւր ՚ի Տիմեթոքա :
Իսկ զօրավարք իւր անընդհատ յաղթա-
նակօք տիրեցին մինչև ՚ի Փիլիպպէ, և
առին ևս զայն ¹ :

1 Անլաֆ էր ՚ի ժամանակին բազմա-
գերեաց, զի հարիւր և ասանակինգ իողոյ
վաճառէր մարդագերին : Սին իրի իւրհը-
րով Գարա Ռիսնէճ անուն օրէնագիտին սահ-
մանեաց արասյ յայնմհեպէ զհինգերից մասն
արժեից մոյ գերաց, այսինքն է իողս ասան
և հինգյարասնիս փաւ . և այն էին Փենճի-
կաճ Իսիէնճն անուանեալ փորտ գերեաց
և սորիաց :

Մինչդեռ Մուրատ դարձ արարեալ
 'ի Պրուսա հրովարտակա աւետեաց ա-
 ռաքէր առ շրջակայ թագաւորս արևե-
 լից վասն երկրակալութեանց իւրոց ,
 լուր էառ զի թագաւորքն Մաճառաց ,
 Սերվաց , Պոսնացւոց , և իշխանն Ալա-
 հաց յարձակեալ դան 'ի սահմանս Օս-
 մանեանց : Եւ մինչև Մուրատայ հրա-
 ման ինչ տուեալ վասն իրացն , և ահա
 եկին հասին թշնամիքն մերձ յԱդրիա-
 նուպօլիս :

Լալա Շահին անյոյս գոչով զգէմ ու-
 նել սակաւաձեռն գնդաւ այնչափ զօ-
 րաց , արձակեաց 'ի վերայ նոցա զքաջն
 հաճի Իլպէկի : Նա տասն հազար զօրօք
 գիշերախառն անկաւ 'ի վերայ արևմը-
 տեայց , և ձայնք թմբկաց և փողոց և գո-
 ջիւն աղաղակի Օսմանեանց Ալահ Ալահ
 լցին զսիրտ թշնամեաց առ հասարակ մե-
 ծաւ արհաւրօք , և հալածեցին զնոսա
 մինչև 'ի սպառ : Բայց Լալա Շահին մա-
 խացեալ ընդ փառս Իլպէկեայ՝ դեղ մա-
 հու արբոյց նմին , և սպան զնա :

Ի միւսում ամին զիջաւ Մուրատ ար-
 քայ 'ի հաշտութիւն ընդ Բակուղայիսն ,
 որ խոստանային հատուցանել Օսմա-
 նեանց ամ ըստ ամէ հինգ հարիւր ոս-
 կիս : Եւ զի անգէտ էր դպրութեան , 'ի
 յետկարի դաշանցն փոխանակ ստորա-
 գրելոյ՝ թաթաւեաց զձեռն իւր 'ի մե-
 լան , և տպաւորեաց 'ի թղթին . և ահա
 այն է գուղրա , զոր յետ ժամանակաց

ճարտարքն վայելչագրեցին, և յաւելին
 'ի նմա զանուն թագաւորին և զհօրնորա:

Յետ հնգամեայ արշաւանացն դար-
 ձաւ Մուրատ անդրէն յԱսիա, կար-
 դեաց զՃէնաէրէլին 'ի վեղիր մեծ, և
 անուանեաց զնա Խայրէտաթին փաշա:
 Ապա արձակեաց զնա ընդ Էւրէնոս
 պէյին 'ի վերայ իշխանացն Ալահայ և
 Մուլաախոյ¹, և նորա առին քաղաքս
 և բերդս բազումս, ևս և զամուրն 'Նիշ:

Յայնժամ իշխանն Սերվայ խնդրեաց
 'ի Մուրատայ զխաղաղութիւն, և խոս-
 տացաւ հատուցանել Օսմանեանց ամի
 ամի հեծեալս հազար, և ոսկիա երե-
 սուն հազար, և մեծ իշխանն Բուլղարաց
 Սիաման կամ Սուաման փոխանակ հար-
 կի ետ Մուրատայ զգուստր իւր 'ի կը-
 նութիւն:

Զամս վեց խաղաղութեամբ անցոյց
 Մուրատ արքայ յԱդրիանուպօլիս, ու-
 րանօր կառուցեալ էր իւր ասպարանս:
 Բազում բարեկարգութիւնս արար 'ի
 զօրս իւր 'ի ձեռն թխմուրդաշ կողմնա-
 պետին: Սահմանեաց սպայիցն մեծ և
 փոքր ռոճիկս, որ կոչին Զխամէթ և Թի-
 մար, և ետ նոցա դրօշ կարմիր: Աար-
 դեաց և գունդ մի քրիստոնեայ զօրա-

1 Եւ Ժանըի Պողոսան այսինքն Աստու-
 ծաստար անուն էր իշխանին Մուլաա-
 խոյ, ու շրէշին Օսմանեանս, յայնժհեփէ և զՄու-
 րատիս Պողոսան անուանել:

կանաց Վոյնիք կամ Վոյնաք անուամբ յանարգ պաշտօն դարմանելոյ զերիվարս արքունի, և ազատս արար զնոսա ՚ի հարկատուութենէ :

Աստարեաց և զհարսանիս անդրանկանն իւրոյ, որում անուն էր ԵՂՆՈՐՐԱՄ Պայէզխո, մեծաւ շքով ՚ի Արուսա. և հարսնն դուտոր մեծի իշխանինն Վէրմիանու որ կոչէր Եագուայ՝ երբեր ընդ իւր պաշտատահանս զքանալիս Էյրիկէօզ, Գաւլչանլը, Սիմաւ, և Վուտինա քաղաքաց. և հարսնածուքն էին դատաւորն Արուսայի Գօճա Մահմուտ էֆէնտի և գրոշակիրն Ագսէնգուր՝ հանդերձ կանամբք իւրեանց, և այլ ևս հաղարաւոր անձինք : Իսկ ՚ի հանդիտի հարսանեացն գտան դեսպանք ոչ միայն սահմանակից իշխանացն Մէնթէշէի, Գասգէմուճեայ և Գարամանու, այլև Ասորոց և Եգիպտոսի, ածելով ընդ իւրեանս օժիտս և ընծայս բազումս երիվարաց և կերպասուց, և յոյն դերեաց և ազախնայց :

Յաւարտ հարսանեացն սակ Մուրատ ցդեսպան իշխանինն համիտու. « Ողջունեալ յինէն զիշխանդ քո զՀիւսէյին պէյ՝ ծանո՛ նմա զի կամիմ զնեւ զքանի մի քաղաքս նորա սահմանակիցս իմոյ աշխարհիս » : Եւ իշխանն առ ահի վաճառեաց Մուրատոյ զքաղաքս իւր, որոց զլիաւորք էին Պէկէհհէրի, Սէյաիշէհրի, Եալաւաճ, Գարա աղաճ, Սպարթա, և

Ազգէհիւր, ուր թաղեալ կայ ասէն խի կարն տաճկաց Նասրէտտին խօճա :

Ի միւսում ամի իշխանն Պաշապան էառ զմեծ քաղաքն Սոֆիա, որ է Սարդիկէ, յետ երկամեայ պաշարման այսպիսի իմն հնարիւք : Պատանի ոմն յՕսմանեանց անտի իբրև դասալիք փախրատեայ ապաստանեալ 'ի քաղաքատեան Սոֆիայի՝ եմուտ 'ի սպասաւորութիւն նորին յորա որպէս բազէկալ, և յաւուր միում որսոյ աղադաւ հեռացուցեալ զքաղաքատեան 'ի քաղաքէն՝ յանկարծակի կապեաց կաշկանդեաց զնա 'ի վերայ երիվարին, և ած տարաւ առ Պաշապան, և նա յածեցուցեալ այնպէս երիվարաւ զքաղաքատեան զքաղաքաւն՝ էառ զայն խաղաղութեամբ յամի 1382 :

Կայսրն Յունաց Յովհաննէս Պալէոլոգ ոչ ևս հանդուրժեալ ահամայ բարեկամութեամբ գնալ ընդ Օսմանեան որպէս ցայնժամ, գիմեաց 'ի Հռովմառ Ռըբանոս Ե, և պատն խոստացաւ նմա զձեռնտուութիւն իւր և զթագաւորացն արեւմտից : Այլ կայսրն 'ի դարձին իւրում 'ի Հռովմէ իբրև եհաս 'ի Վենետիկ, վաճառականք քաղաքին արգելին զնա անդէն սակս պարտուցն :

Իսկ երէց որդի նորա Անդրոնիկոս, որ ունէր յայնժամ զինամս տերութեանն 'ի Վոստանդնուպօլիս, չսելոյն արար զաղաչանս հօրն, մինչև կրտսեր

Եղբայր նորին Մանուէլ խաղաց 'ի Վե-
նետիկ, և հատուցեալ զպարտիս հօրն՝
դարձոյց զնա յաթոռ իւր, և կայսրն ետ
զիշխանութիւնն Անդրոնիկեայ 'ի ձեռս
Մանուէլի :

Յայնժամ և ևս զկծեալ Անդրոնի-
կեայ՝ եգիտ իւր համախոհ զՍաւլճիպէյ
զորդի Մուրատայ արքայի հանգոյն ին-
քեան սպաշնորհ ընդդէմ հօրն և փա-
փաքող մահու նորին, և մինչդեռ Մու-
րատ յԱսիա էր՝ սոքա սպստամբեցին
յայանապէս յերկաքանչիւր հարցն :

Իբրև ազգ եղև Մուրատայ՝ կոչեաց
վաղվաղակի զկայսրն 'ի դուռն իւր, և
պահանջէր 'ի նմանէ զհամար վտարան-
ջութեան որդւոյն իւրոյ, և յասել նո-
րա երգամամբ չափ՝ եթէ ոչինչ յեղեւոցն
բնառ յիմ գիտութիւն եկն, միաբանե-
ցին հարքն երկոքեան ընդդէմ որդւոցն,
և խոտտացան բրեւ զաչս նոցին :

Էանց Մուրատ յԵւրոպա մերձ 'ի Աու-
տանդնուպօլիս, ուր առ հեղեղատառ
միով բանակ հարեալ էին սպստամբն
երկոքեան, և գիշերայն անցեալ երի-
վարաւն յայնկոյս հեղեղատին՝ 'ի ձայն
բարձր կարդաց առ սպստամբան դառ-
նալ յիւրաքանչիւր պարտս : Յայնժամ
մարտիկքն Սաւլճիպէյին իակ և իակ խըռ-
նեցան զՄուրատառ, և խնդրեցին զնե-
րուսն :

Ի վաղիւ անդր պաշարեաց Մուրատ
զՏիմեթոքա, ուր փախուցեալն էր Սաւլ

ճի, և կաշեալ զնա բրեւաց զաչա նորա, ապա և տպան ևս . և զհաւատարիմ նիզակակիցս նորին զյոյնս երկուս երկուս գեաավէժս նորար ՚ի սգարսպաց քաղաքին առաջի աչաց իւրոց : Ազդարար և կայսերն կատարել զնոստունն իւր . և նա կուրացոյց զԱնդրոնիկոս եռացեալ քացախով :

Սակաւ ինչ ընդհատ յայսմանէ էր վտանգն՝ յոր արկ և Մանուէլ զկայսերու թիւն հօրն իւրոյ : Ձի ելեալ ՚ի Թեսաղոնիկեայ, որոյ քաղաքապետ կարգեալ էր ՚ի հօրէն, յարձակեցաւ յեղակարծուստ ՚ի վերայ Սէրէզ քաղաքի որ ՚ի ձեռս Օսմանեանց էր : Առաքեաց Մուրատ վաղվաղակի զվէզիլն իւր ըզխայրէտտին փաշա ՚ի Թեսաղոնիկէ . և Մանուէլի թողեալ լքեալ զքաղաքն՝ փախեաւ ընդ ծով ՚ի Կոստանդնուպօլիս . այլ հայրն իւր երկեաւ ընդունել զնա ՚ի քաղաքն, զի մի համամիտ կարծեացի ընդ որդւոյն յաչս Մուրատայ :

Գիմեաց Մանուէլ ՚ի Աեսքոս կղզի առ Գենուացիս . և ՚ի նոցունց ևս մերժեալ՝ քաջալերեաց զանձն իւր և անկաւ առ նա ինքն Մուրատ, հայցելով զներունն յանդուգն խորհրդոյն : Մուրատ արքայ յետ յերկար լուռ թեամբն ահայուցանելոյ զպատանին՝ յանդիմանեաց զնա և խրատեաց, և ապա առաքեաց առ հայրն՝ սատուիրեալ նմա ընդունել զորդին ՚ի ներքս : Յայս չափ անար-

գուժեան հասեալ էր կայսրն Յունաց,
մինչև առանց հրամանի Օսմանցոյն չի
խելաապնջական լինել իւրումն որդւոյ :

Ընդ այն աւուրն մեռաւ քաջ սպա-
րապետն Խայրէտտին փաշա Յենիշէ-
հիր՝ կնքեալ զյաղթանակս իւր առ-
մամբն թեաղոնիկեայ, և էր ինքն ա-
մաց հարիւրոց, ամս բազումս խորհրդ-
դական լեալ Օսմանայ, ամս ելեաուն
և հինգ դատաւոր կացեալ ՚ի Պրուսա
առ Օրխանաւ, և ամս քսան և եօթն
ծառայեալ Մուրատայ :

Յայնժամ թագաւորն Գարամանայ
կամ Վիլիկիոյ Ալայէտտին ժամ պա-
տեհ համարեցաւ յագեցուցանել զզայ-
րոյթ նախանձուն իւրոյ յայտնի պա-
տերազմաւ ընդ Օսմանեանս, և ճակա-
տեցան կողմանքն երկոքին ՚ի դաշտին
Իկոնիոյ :

Զաջ թե բանակին իւրոյ զատիացիա
եա Մուրատ արքայ ՚ի ձեռս Եսդուպ
պէյ անուն որդւոյ իւրոյ, և նիզակակից
նմին կարգեաց զՍարուձէ փաշա, զՊա-
լասրան պէյ, զԻլիաս պէյ, և զՄիւսթէ-
ճարպ պէյ, զձախնդեւրոպացիա եա Պայ-
կզիտայ, և նիզակակից նմա զՖիրուզ
պէյ, և զԽօճա պէյ : Ի թիկանց կուսէ
բանակին կարգեաց զկողմնապետն թի-
մուրդաշ, և ինքն եկաց ՚ի միջավայրին՝
շուրջ պտտեալ ՚ի սպայիցն և ՚ի զինա-
կրաց՝ յառաջապահս ունելով զենիշէ-
րիս : Եւ այս կարգ պատերազմի օրինակ

եղև ամենայն յետագայ պատերազմացն
Օսմանեանց :

Այն ինչ յառաջէր աջ թևն թշնա-
մեաց ընդդէմ ձախոյ թևին Օսմա-
նեանց, և երկուստէք թնդմունք թըմբ-
կաց և հնչմունք վողոց և գոցիւն աղա-
ղակի զօրացն վառելոց՝ եթէ Մեծ է
Աստուած՝ յերկինս հասանէր, Երբոր-
ըրմ Պայէզիան ոչ ևս հանդարտեալ էջ
յերթվարէն իւրմէ, անկաւ առ ոտս հօրն,
երկիր եպագ նմա, և առեալ զհրաման
յարձակելոյ՝ ի թշնամիս անդր, ոտեաւ
սլացաւ իբրև զշանթ իւրովքն հանդերձ
՛ի վերայ Գարամանեանց, և անդէն սկը-
սան խոխոջել վտակք արեան :

Թխմուրդաշ հալածական տարեալ
զթագաւորն Գարամանայ վճարեաց ըզ-
պատերազմն, և սրատուցաւ վէզիր կոչ-
մամբ. և յայնմհեաէ սովորութիւն եղև
Վէզիր անուանել ամենայն կուսակա-
լաց, որոց երբեակ իցեն ձարքն ձողա-
բարձք. և երկրորդն արքայի կոչեցաւ
Վէզիրի ազէմ, այն է վէզիր մեծ :

Յետայնորիկ պաշարեցին Օսմանեանք
զՎիոնիոն, որ է Ղծնեա. և յետ երկո-
տասան աւուրց թագաւորն Գարամա-
նայ առաքեալ առ արքայ զկին իւր ըզ-
գուստրն Մուրատայ, աղաչեաց զնա ՛ի
խաղաղութիւն. և Մուրատ խոնարհեալ
յաղաչանս նորին՝ հրաման ետ զի եկե-
ցէ թագաւորն և համբուրեսցէ զձեռս
իւր. և նա իբրև եկն, եթող Մուրատ

անդրէն 'ի ձեռս նորա զամենայն երկիրն, և դարձաւ 'ի Պրուսա:

Ի պաշարման անդ Իկոնիոնի Մուրատ արքայ պատուիրեալ էր զօրաց իւրոց շիողոպտել բնաւ զբնակիչս քաղաքին, և յանաստել ոմանց 'ի Սերվացի զօրականէն՝ 'ի մահ դատապարտեալ էր զնոսա: Իբրև դարձան Սերվացիքն յերկիր իւրեանց՝ 'ի վրէժ մահու ազգակցացն գրգռեալ զարթուցին զթագաւորն իւրեանց զլազար կամ զլաս յապատամբումն: Միաբանեցին ընդ նոսա և Պոմնացիք և Բուլղարք, և կոտորեցին յՕսմանեանց բնակելոց 'ի կողմանսն յայնոսիկ արս քսան հազար, յորոց հազարք հինգ ևեթ հազիւ թէ ճոզոպրեցան 'ի փախուստ:

Աճապարեաց Մուրատ արքայ և արձակեաց զվէղիրն մեծ զԱլի փաշա զորդի Խայրէտտինայ երեսուն հազար զօրօք 'ի վերայ Լազարայ, և 'ի վերայ Սիամանայ արքային Բուլղարաց: Եւ ինքն կատարեալ յԵնիշէհիր զհանգէս հարսանեաց զիւրև զերկուց օրդւոցն, առնելով իւր 'ի կնուծիւն զոմն յազգակցաց կայսերն Յուճաց, և զորդիան ամուսնաւորելով ընդ այլոց երկուց յոյն օրիորդաց, ապա աւարտեալ և զհանգէս թըլ փատուծեան երկից թուանցն՝ յուղի անկաւ անցանել յԵւրոպա:

Ալի փաշա իբրև և հաս յամուրն Շումլա և էառ զայն, խաղաց անտի և պա-

շարեաց զՆիկոսյօլիա, ուր ամրացեալ
կայր Սիաման. որոյ անճարացեալ իբրև
անճնատուր եղև, ած զնա վէզիլին առ
Մուրատ, և նա պահանջեաց ՚ի նմանէ
զՏարկին, և զամրոցն Սիլիատրէ:

Ալի փաշա առաքեաց անտի զԲու-
ղան պէյ հրոսակօքն իւրովք մինչև ՚ի
Գոսովա, որ ՚ի հարաւոյ կուսէ Պոսնիոյ
կայ. և քանզի Սիաման ոչ կացեալ ՚ի
խոսամանն՝ և ևս ամրասինդէր զՍիլիա-
տրէ ընդդէմ Օսմանեանց, գարձեալ
խաղաց ՚ի վերայ նորա վէզիլին բուռն
զօրութեամբ, և կալեալ զնա հանդերձ
ընտանեօքն ած միւսանդամ առ Մու-
րատ. և նա թէպէտ շնորհեաց Սիամա-
նայ զկեանսն, այլ գրաւեալ կալաւ զա-
մենայն երկիրն Բուլղարաց:

Ջայն իբրև ետես Լազար արքայ Սեր-
վաց՝ և ևս պնդեաց զանձն իւր և զնի-
զակակցաց իւրոց, որք էին Պոսնացիք,
Ալպանիացիք կամ Անաւուտք, Վլահք,
Լէհք և Մաճառք, և խրոխտաբար դես-
պանս արձակեալ առ Մուրատ՝ ձայն
տայր նմա ՚ի պատերազմ: Իսկ նորա կո-
չեցեալ առ իւր յԱսիոյ զորդիան զսուլ-
դան Պայէզիտ և զԵագուպ չէլէպի՝
խուռն բազմութեամբ նիզակակից զօրաց
եկեւոյ ՚ի Սարուխանէ, յԱյտրնայ, ՚ի
Մէնթէշայէ և ՚ի համիտայ՝ ստուարա-
ցոյց յոյժ յոյժ զբանակ իւր, և նոքօք
հանդերձ խաղաց գնաց ՚ի Գոսովա, ուր
բանակեալ մնային թշնամիք անհամարք

ի բազմութեանն : Խորհուրդ կալաւ Մուրատ արքայ ընդ զօրավարս բանակին՝ գառաւորել յառաջոյ զբազմութիւն ուղտուցն , որպէս զիխրաուցեալ ի տեսլենէ նոցին երիվարաց թշնամեացն՝ խռովեացին և խուճապեացին անդէն ի սկզբան : Այլ արքայորդին Պայէզիա և կողմնապետն Թխմուրդաշ հակառակ կացին խորհրդոյն . զի վտանդ է ասէին՝ մանաւանդ ուղտուց մերոց տագնապել ի սատե՛նապէն վառելոց երիվարացն :

Յայնմ երկոյի զկայ առեալ գաղարեցին երկոքեան ճակատքն հանդէպ միմեանց . զի Օսմանեանց ընդդէմ շնչելով ուժգին հողմոյ՝ զփոշի թշնամեացն բանակին յաչս սոցս արկանէր : Դարձեալ և ի Սերվացւոցն խորհրդի մի ոմն ի խրոխասագունից զօրավարացն սընդեաց զկարծիս խր՝ թէ չիցէ օգուտ գիշերախառն անկանել ի վերայ Օսմանեանց , իբրու զի մի փախուցեալ նոքա ի մթանն զերծանիցին ի սրոյ խրեանց :

Ապա ընդ այգանալ առուրն կարգեցան կազմեցան երկուստեք : Մուրատ արքայ ըստ յաճախ սովորութեանն եկաց ի միջավայրի բանակին . զաջ թեմեա ի ձեռս քաջին Պայէզիտայ , և նիզակակից նմին զարի ալևորն Կերէնոս պէյ և Ղբխւրս աղա . իսկ զճախն ետ Կագուպ պէյին , և նիզակակից զԱյնէպէյ և զՍարուճէ փաշա :

Հասին բաղխեցան ընդ միմեանս ճակատքն երկոքեան անհնարին սաստիկութեամբ իբրև զկոհակս ծովու մրկելոյ: Անդ էր տեսանել զարքայորդին Պայէզիտ իբրև զփայլակն ընդ շամբս եղեգանց ընթացեալ, և լախտիւն երկաթեաւ զգլուխս թշնամեացն առ հասարակ խորտակել:

Ի նոյն օրինակ արքայորդւոյն խրախուսեալ և այլք ՚ի քաջաց զօրավարացն վարազաբար յարձակէին, և ՚ի վերայ թշնամեացն անկելոց վազս առեալ նախ ճիրս բազումս ՚ի թշնամիսն գործէին, և զգետն ժիթնիցս որ ընդ մէջ դաշտին անցանէ՝ յարիւն յապաժոյժ ներկանէին:

Յայն շփոթ տագնապի երկաքանչիւր կողմանցն ընդ միմեանս գոռալոյ՝ ահա ՚ի միջոյ գեղադէզ դիականցն կուտակելոց յանկարծակի ՚ի վեր երևեալ Սերվացի ոմն Միլոշ Քոպիլովիչ անուն, իբրև զարծուի գիշակեր խոյացաւ, եհերձ բաժանեաց զյառաջապահ գունդն Օսմանեանց և եհաս մինչև առ Մուրատ, աղաղակելով թէ բանք ինչ են իմ ընդարքայի: Եւ յակնարկել Մուրատայ զմտախցէ, յարձակեցաւ հարաւ Միլոշ ՚ի վերայ նորա, և իբրև խոնարհեալ իմն ՚ի համբոյր ոտիցն՝ եհար մխեաց զգաշոյնն ՚ի փոր նորա:

Սրացան ՚ի վերայ առնն թիկնապահք թագաւորին, այլ նա երկիցս և երկիցս խուսափմամբ ճողոպրեալ ՚ի խուռն բազմութենէ հետամտից և զբազումս

ի նոցանէ, դիտածաւալ կացուցեալ, ընկ-
ճեցաւ սպա և ինչքն և գիշադէշ սպ-
տառեցաւ յՕսմանեանց: Աւ սպառա-
զինութիւն նորա և երխմարին խորոյ
ցարդ ևս սահի, ասէն, յարքունի զինա-
րանին Կոստանդնուպօլսոյ ¹:

Իսկ Մուրատ արքայ թէպէտ և ի
մահ վիրաւորեալ էր, սակայն ժամա-
նեաց տեսանել և զկատարած մարտին,
և զմահ Ղազարայ արքային Սերովայ,
զոր կենդանւոյն ձերբակալ արարեալ
ածեալ էին ի խորան նորա: Անդ ի
տեղւոջ խորանին կառուցաւ ի ժամուն
մզկիթ փոքրիկ, այլ դիակն արքայի ա-
ծեալ ի Պրուսա՝ անդանօր թաղեցաւ
ի մզկիթին մեծի զոր խոր իսկ շինեալ էր:

Աւ էր արքայն Մուրատ Ղազի խիւտաւ
վէնտիկար ամաց Էօթմանասուն և միոյ,
յորժամ մեռան թաղաւորեալ ամս
երեսուն: Աշանաւոր էր սա ի բարե-
պաշտութեան մասին ըստ խրումն դե-
նի, և չմիւր ասէն երբէք ի գործ ինչ՝
մինչև կարդացեալ աղօթիւք առ Աս-
տուած. որպէս և յոլով սքանչելիս ա-
ւանդէն Օսմանեանք վճարեալ նորա
աղօթիւք: Իսկ մարմին նորա թաղեցաւ
ի Պրուսա:

1 Են որ + ասէն ասքի սիիւքն ասեալ աս-
վորսնէան յարսանիս Օսմանեանց, ըի որ
հասնիցէ որ աս արսայ՝ անշէն ասի լինել
և երիսսքի + աս ընդ անսնէ իսկեալ ի ԴԸ-
բանն պաշտօնէից:

ՍՈՒԼԴԱՆ ՊԱՅԷԶԻՏ Ա
ԵՐԼՏԸՐԸՄ

Ընդ փչել Մուրառայ զողին՝ սպան
Պայեզիս զեզրայր իւր զԵտողուպ չէլէ-
պի՝ ընդ սրաարուակաւ բարւոյ և հան-
գըտուան հասարակաց ։

Ապա արձակեալ յարեւելս ըստ օրի-
նի հրովարտակա աւետարտոյ զյաղթու-
թեանէն և զիւրոյ ամբառնաւոյն ՚ի դահն
հայրենի , միտ եղ ՚ի բարեկարգել զիւր
աշխարհին Սերվաց ։ Պատուէր ետ Ի-
կիթ պէյ զօրավարին արշաւել մինչև ՚ի
Պանիս , և Ֆիրուզայ մինչև ՚ի Ախաին ։
Կիրեաց Գարաթովա քաղաքի՝ ուստի
արծաթն ելանէ , և հասուած յՕսմա-
նեանոց ւածեալ բնակեցոյց ՚ի քաղաքն
Իւպիւպ յամին 1389 ։

Յեա այնորիկ ՚ի գալ Ստեփանոսի

1. Ձայն գործ Պայեզիսայ ոմանս ՚ի պապ-
ճափրաց ունճա , այլ զօրավարաց զօրուն գրեն ։
Սին հակառակ և ոմանս յեւրոպայի աւելա-
խօս ճափենափրաց ասեն սպանեալ Պայեզի-
սայ զիօնն եղիարս իւր Տիանփամայն . ուր
նորա լիւնն եղիարս աւելի քան զիւրոս , և
՚ի Բագաուրենն ու ևս իայր Տին ՚ի Տիլի ։

որդւոյ Լազարայ Թագաւորին Սերվայ
 'ի մեծարանս երեսաց Պայէղիտայ, զի
 ջաւ արքայ խօսել ընդ նմա 'ի հաշտու
 թիւն խաղաղութեան այսու պայմա
 նաւ, զի յամենայն պատերազմունս նի
 զակակից լինիցի նա Օսմանեանց, զի տա
 ցէ նմա 'ի կնութիւն զքոյրն իւր, և զի
 հատուցէ նմա հարկս ամի ամի յար
 ծաթոյ երկրին :

Ընդ այն ժամանակս Անդրոնիկոս որ
 դի կայսերն Յովհաննու, և Յովհաննէս
 եղբօրորդի նորին թէպէտև զաչացուք
 ընդ թերատես լուսոյ աչաց իւրեանց
 ունելով 'ի սրտի և կայծակն յուսոյ ամ
 բանալոյ յաթոռն Կոստանդնուպօլ
 սոյ, և 'ի բանտէ անտի յորում կային
 ազատաբար՝ դիմեցին աղաչանօք առ
 Պայէղիտ : Նորա ինդամիտ հասեալ 'ի
 Կոստանդնուպօլիս վեցհազար հեծե
 լովք և չորեքհազար հեռեակօք՝ զկայսրն
 հանդերձ որդւոյն Մանուէլիւ արգել
 յայն բերդ, յորում բանտեալ կային
 Անդրոնիկոս և Յովհաննէս, և զԱնդրո
 նիկոս Թագաւորեցոյց դաշամբ՝ զի հար
 կեսցի Օսմանեանց ամ ըստ ամէ այսչափ
 ինչ արծաթ և ոսկի, և սպանցէ զհայրն
 իւր և զեղբայրն :

Ի յապաղել նորա ղկատարումն ան
 արժան խոսամանն, կայսրն Յովհաննէս
 ընդ որդւոյ իւրում կրտսերոյ Մանուէ
 լի զերծաւ յարգելանէն օղնականու
 թեամբ Գենուացւոյ և դիմեաց առ նա

ինքն Պայէղիտ աղերսիւ սրադատանայ,
 և խոստանայր հատուցանել նմա զնոյն
 հարկ զոր հարկէրն Անդրոնիկոս, և նի
 զակակից լինել Օսմանեանց ամի ամի
 երկոտասան հազարաւ արանց:

Յայնժամ Պայէղիտ արքայ կարգեաց
 զՄանուէլ գահակից հօրն, և Անդրո-
 նիկեայ եթող զքանի մի քաղաքս՝ որ
 գտանէին յայնժամ ընդ ձեռամբ Յու-
 նաց արտաքոյ կոստանդնուպօլսոյ:

Մինչև գարձէալ Պայէղիտայ արքայ-
 ին յԵւրոպիոյ յԱսիա՝ կառոյց յԱդ-
 րիանուպօլիս մզկիթ մեծ. և եղ ՚ի մախ-
 առնուլ ՚ի Յունաց զԱլաշէհիր քա-
 ղաք, որ է Փիլադեղփիա, և կարգել
 զայն ՚ի կալուած մզկիթին: Խաղաց ՚ի
 վերայ քաղաքին նիղակակից զօրօք Սեր-
 վաց և Յունաց, որոց առաջնորդէին ան-
 ձամբ կայսերքն Յովհաննէս և Մանու-
 էլ: Սոքա զառաջինն յորդոր լինէին յոյն
 քաղաքապետին՝ տալ խաղաղութեամբ
 զքաղաքն. և յարհամարհել նորա զկայ-
 սերսն իբրև զմասնիչս իւրեանց քաղա-
 քի ՚ի ձեռս խուժից, Պայէղիտ սաստ-
 կացոյց զպաշարումն և էառ զքաղաքն:

Յայնժամ իշխանն Այալնի, ընդ ո-
 բոյ սաշտապանութեամբ էր և Ալաշէ-
 հիր, էա Պայէղիտայ և զբովանդակ գա-
 լառ սէրութեան իւրոյ հանդերձ Ե-
 փեսոսիւ, և ինքն մեկնեցաւ ՚ի քաղաքն
 Թիրէ:

Նոյնպէս և իշխանքն Սարուխանայ և

Կէն թէչայի թողեալ զերկիր իւրեանց՝
 խոյս ետուն յերեսաց Երըտըրըմին առ
 Քէօթրիւմ Պայէզիա, որ իշխէր 'ի Գաս-
 դէմունի և 'ի Սինոպ : Որով 'ի տասն
 թագաւորութեանց անտի Գասդէմու-
 նի և Գարաման և եթ ազատ էին 'ի լծոյ
 Օսմանեանց, մին ընդ հարաւ և միւսն
 ընդ հիւսիսի : Ի դէպ ժամուն բողոքար-
 կուք հասեալք յաշխարհէն Գարամա-
 նայ ընդգէմ թագաւորին իւրեանց՝ ա-
 զաչէին զՊայէզիա արքայ ազատել զան-
 ձինս իւրեանց 'ի հարստահարութենէ
 բռնաւորին : Եւ նորա լուծեալ այնու-
 հետև զգաշն բարեկամութեանն զոր
 հաստատեալ էր ընդ նմա հայրն իւր
 Մուրատ, խաղաց 'ի վերայ թագաւորին՝
 որում Ալայէտտին անուն էր : Թագա-
 ւորն փախատեամբ զերծեալ ամրացաւ
 'ի վերինն Վիլիկիա, և Պայէզիա սլաշա-
 բեաց Ղիկոնիոն, և խստութեամբն առ-
 զօրականս իւր և ողոք բանիւքն առ քա-
 ղաքացիս այնպէս իմն յինքն յանկոյց
 զնոսա, զի կամակար մտօք բացին նմա
 զգրունս Իկոնիոնի և զայլոց քաղաքաց,
 որ էին Ադշէհիւր, Նիկաէ և Ադսէրայ :

Իսկ Ալայէտտին զի մի հանցէ 'ի ձե-
 սաց զքնաւ իսկ աշխարհն, յանձին կա-
 լաւ տալ 'ի բաց զմասն ինչ նորին . և
 հաստատեցաւ 'ի միջի սլայման հաշտու-
 թեան, զի գեան Չարչամագա սահման
 իցէ այնուհետև ընդ մէջ երկուց սե-
 տութեանցն :

Պայէզիտ արքայ այսօրինակ 'ի կարգի եղեալ զտեսչութիւն ասիակողմանն, ուչ եղ անցանել յԵւրոպա: Ամբացոյց յառաջ քան զամենայն զքաղաքն Վէլիպօլու անքոյթ նաւակայիւք և հաստակառոյց աշտարակաւ:

Ապա զակն եղեալ 'ի կղզիա Յունաստանի և 'ի Բիւզանդիոն՝ առաքեաց կոչեաց իւր 'ի թիկունս զկայսրն ըստ դաշանցն պայմանի, և նիզակահցութեամբ նորին վաթսուն նաւուք անցեալ 'ի Բիոս, որ է Սագրղ, 'ի հուր և 'ի սուր դատեցաւ զքաղաքս և զգիւղս կղզւոյն:

Ազգ եղև նմա անդանօր՝ եթէ Յովհաննէս կայսր զհետ է ամբացուցանել և ևս զՎոստանդնուպօլիս, և զեկեղեցիս քաղաքին փլուզեալ՝ բերդս երկուս յաւելու կառուցանել 'ի նմա: Պատգամ հրամանի առաքեաց առ նա Պայէզիտ հիմնայատակ առնել վաղվաղակի զբերդսն, սպա թէ ոչ, ասէր, ընդ հուպ կուրացեալ տեսցես առ քեզ զորդին քո զՄանուէլ: Անդէն ահաբեկ օրտիւ հնազանդեցաւ կայսրն ծերունի, և առ գութ աղէտից սպառնացելոց որդւոյն իւրոյ՝ հիւանդացեալ մեռաւ:

Ջայն իբրև լուա Մանուէլ, փախուցեալ գնաց 'ի Վոստանդնուպօլիս, և Պայէզիտ արքայ ծանրացասումն եղեալ 'ի վերայ իւրոցն՝ որ չգիտացին սահունել Մանուէլի, և ընդդէմ նմին իսկ, պատգամ առաքեաց առ նա՝ զե

յայնմհետէ գատաւոր որ տաճիկ կար
գեալ 'ի Կոստանդնուպօղիս՝ նա տեսցէ
զգատ տաճկաց գաւելոց անդանօր . զի չէ
և չէ արժան ասէր մերոցն կալ յատե-
նի քրիստոնէից : Միանգամայն և զօրս
բազումս զհետ գեապանին 'ի Բիւթա-
նիոյ 'ի Թրակիս անցուցեալ՝ յաւար և
'ի քանդումն մատնեաց զամենայն ըզ-
վայրսն , և զբնակիչսն 'ի գերութիւն վա-
րեաց , և հրաման ևա նոցա պաշարել
զԲիւզանդիոն : Եւ զմնացորդս զօրացն
արձակեաց յասպատակել 'ի Բուլղարս ,
'ի Վլահս , 'ի Պոսնիս , և յերկիրն Մա-
ճառաց :

Մինչդեռ այսպէս ահացուցանէր
Պայէզլիս արքայ զամենայն Եւրոպա՝
հարկեցաւ անցանել զարձեալ յԱսիա .
զի իշխանն Գարամանայ մեծաւ սաստ-
կութեամբ հասեալ էր մինչև յԱնկիւ-
րիս և 'ի Պրուսա , և ձերբակալ ևս արա-
րեալ զկողմնապետն Թիմուրդաշ : Աւ-
րնդ առաջ նմին ինքն Պայէզլիս , և ըզ-
գեապան Ալայէտաիմայ՝ որ 'ի Պրուսա
կալով աղաչէր զարքայ 'ի հաշտութիւն
և 'ի ներումն՝ յետս դարձոյց ասելով .
Սուսերիս է այսուհետև վճիռ հատա-
նել զերացդ :

Ի պատերազմի անդ առ Ադջայ գե-
տով գերի վարեցաւ յՕսմանեանց իշ-
խանն Գարամանայ երկոքումբ որդւովք
իւրովք , և ինքն աւանդեցաւ 'ի Պայէ-
զլիսայ 'ի պահ զգուշութեան Թիմուր-

դաշինն (զոր իշխաննն Գարամանայ ընդ առնուլ զլուր գալտտեանն Պայէզիտայ մեծամեծ պարզևօք արձակեալ էր յազատութիւն) : Իսկ Թխմուրդաշ անդէն վաղվաղակի կախեաց զնա և զորդիս նորին զփայտէ . ընդ որ տխրեցաւ և Պայէզիտ ինքնին :

Ի համբաւ առման բովանդակ երկրին Գարամանայ՝ և Պիւրհանէտաին իշխան Սեբաստիոյ, Եւդոկիոյ և Աեաարիոյ խոյս ետ ՚ի ըերինս խարբերդու : Անդ սպան զնա Գարա Օսման ոմն իշխան երկրին, և հրաւիրեաց զՊայէզիտ ՚ի Ժառանգել խաղաղութեամբ զամենայն աշխարհն :

Ըստ նմին օրինակի և Վէօթրիւմ Պայէզիտ իշխան Գասդէմունեայ, կամ նախնոյն Պափղագոնիոյ, թողեալ զգրլխաւոր քաղաքս իւր զՍամսուն, զՃանիկ և զՕսմանճրգ՝ փախեաւ ՚ի Սինոպ, և անտի աղաչէր զարքայ՝ շնորհել նմա զկեանսն և զամրոցն . և Պայէզիտ լուսունմա :

Այսչափ աշխարհակալութեամբք արտաքոյ իմն անձին եղեալ Երլարբումս սկսաւ անտես առնել և զինամն թագաւորութեանն մեծի : Սա առաջին ընդդէմ յայտնի հրամանաց դենին իւրոյ, որպէս ասեն պատմագիրք Օսմանեանց, ետ զանձն ՚ի դինըմսութիւն և ՚ի մեղկութիւն՝ պատրեալ ՚ի հրապուրանաց ամուսնոյն իւրոյ դատեր արքային

Սերվաց, և 'ի գրգռելոյ կնամարդի Ա
լի փաշային: Սահայն Պայէզիտ արքայ և
յայնժամ չանկաւ յարդարասէր մը-
տացն կորովոյ: Եւ տեսեալ զի օրինակաւ
խրով և խրոյ վէզիբին Ալեայ զեղծեալ
զառածանէին 'ի չարիս ոչ միայն սլա-
ւատականք խր, այլ և զօրականք և ժո-
ղովուրդք և դատաւորք, անաչառ խրս-
տութեամբ սկսաւ սլատուհասակոծ
առնել զամենայն անօրէնութիւն:

Ութսուն դատաւորս կամէր յաւուր
միում 'ի տան ուրեք 'ի Պէկէհէհրի քա-
ղաքին հրոյ ճարակ տալ, փոխանակ զի
անխրաւ դատատտանօք և կաշառակուրծ
լինելով խուէին զժողովուրդն: Մա-
տեաւ առաջի արքային արաբացի ծաղ-
րածունորին խրատեալ յԱլի փաշայէն,
և աղաչէր առաքել զինքն դեռականու-
թեամբ 'ի Վոստանդնուպօլիս: Եւ 'ի հար-
ցանել Պայէզիտայ զպատճառս չուոյն,
« Զի առից, ասէ, 'ի կայսերէն մոնո-
ղոնս Յունաց գիտունս և բերից այսր
փոխանակ դատաւորաց մերոց տգիտաց,
զորս այրելն կամիսք »: Իմացաւ թա-
գաւորն զհնարան, և ձայնեալ զվէզիբին՝
հարցանէր եթէ զի է զի այսպիսի խնա-
տուն դատաւորք խոտորէին զհետ կա-
շառուց: Ասէ վէզիբն. « Նախ այն խակ՝
զի անորիչ և անասման խն է թօշակ
նոցին և հասոյթ »: Եւ սահմանեցաւ
այնուհետև զերկուս 'ի հարխուրէ յու-
րաքանչիւր դատաւորին:

Յեա այնորիկ 'ի զըջումն եկեալ ար-
քայ 'ի խրատուց Շէմսէտափն Մէհէմ-
մէա Պախարի անուն ծերունոյն, որ 'ի
ատհմէն Մահմեաի համարելով Էմիր
Սուլթան ' կոչէր, ապաշաւեաց յայտ-
նապէս զմեզսն, և յայնմհետէ գուն
գործեալ զի և անձին օրինակաւ շինեա-
ցէ զմիսս իւրոյ ժողովդեան, կառոյց
մկիլիթս երկուս 'ի Պրուսա: Սա նախ
խնդրեաց և ընկալաւ յամիրապեանէն Ե-
գիպտոսի զպատիւ Սուլթան անուա-
նակոչութեան:

Պարսպեաց և զՊրուսա, և 'ի նմին ժա-
մանակի կանգնեաց մերձ 'ի Աստան-
դիուպօլիս զբերդն Աիւղէլճէ հիասար, որ
և Անասուլու հիասարի, զի սասակագոյն
սնդեացի պաշարումն թագաւորեալ
քաղաքին:

Այլ միւսանգամ հարկեցաւ զխմել
յարեմտեան սահմանս տերութեան իւ-
րոյ և նուաճել անդրէն զՍիւսթով, ըզ-
Վիսին, զՆիկոպօլիս և զՍիլիստրէ, զԵ-
տարանջեալն յիւրմէ: և էառ զար-
ձեալ քաջայազմ պատերազմաւ զԹե-
սաղոնիկէ:

1 Արաբացի բառք Էմիր իշխան նշանա-
իէ, որպէս և 'ի մէլ Դնի Ամիր և Ամիրայ-
այլ առ Օսմանեանս անուն պարսոսոյ է սա-
սերնոց Գարիբէի Դսփէր Մահմեդի և Էմը
Աւեայ: Աս Արաբացիս անուանին սոփ-
Սէյիք, և առ Պարսիկս Աւեմի:

Սիգիսմունդ կամ Զիկմունտ արքայ Մաճառաց գետական առարկեալ առ Պայէզիս ինդրէր զհաշտութիւն խաղաղութեան : Իսկ Պայէզիս արքայ փոխանակ պատասխանի առնելոյ գետականին՝ ած զնա՝ ի սրահ ընդարձակ զարգարեալ զինուք և դրօշիւք Բուլղարաց և եցոյց նմա զնոսին, և զնետա և զաղեզունա . որով յայտ առնէր եթէ տէր է նա աշխարհին Բուլղարաց :

Յայնժամ և Սիգիսմունդ յանհնարս մտեալ ինդրեաց իւր թիկունս յարքայէն Վաղղիոյ և յիշխանէն Վլահաց, ի մադիսորոսէն Հռոդացոց, և յայլևայլ պետութեանց Վերմանիոյ, և եկն պաշարեաց նոքօք հանդերձ արամբք վաթսուն հազարաւ զՆիկոպօլիս, յորում ամրացեալ Գուզան պէյ արխաբարդէմ կալաւ պաշարմանն զաւուրս վեց . զի աներկմիտ յուսով սպասեալ մնայր օգնականութեան յԱսիոյ :

Եւրոսրացիք, և մանաւանդ Վաղղիացիք ընկղմեալ ՚ի ինջոյս գիներբուաց՝ արհամարհէին խրոխտանօք զՊայէզիս, և հաւատալ անգամ չկամէին բանբերացն, որք ասէին թէ Օսմանեանք եկեալ հասեալ են մինչև ՚ի հեռաւորութիւն ժամուց վեցից :

Եւ ահա յանկարծակի երևեցան յառաջապահք օսմանեան բանակին հրոսակքն մեկնակազէիք, և ծածկեցին զամենայն երեսս գաշաին :

Սիգիսմունդ արքայ որ համուսնու և կիրթ էր յօսմանեան պատերազմունս՝ խորհուրդ պիտանի տայր նիզակակից զօրավարացն թեթևազէն զօրս հանել նախ ընդդէմ թշնամեաց, և զընտիր ընտիրան յետկուսէ պահել ընդդէմ ենիչէրեացն և սպայից : Սակայն Գաղղիացիք այնպէս խն ջերմաջերմ պնդեալ էին դիմադրաւ լինել 'ի թշնամիս անդր, մինչև առ սաստիկ եռանդեանն անկեալ 'ի վերայ օսմանեան գերեաց՝ որ գտանեին 'ի բանակի անդ, խժարար ընդ սուր անցուցին զամենեանն :

Ջհեա աղետալից կոտորածիս սկիզբն եղև ահագնալուր պատերազմին : Յառաջապահք Օսմանեանց ոչ հանդարտեցին ընդդէմ բուռն յարձակման Գաղղիացւոց, այլ և ոչ ենիչէրիք . զի ըստ մասին անկան սոքա անդէն, և ըստ մասին խոյս ետուն 'ի թիկունս սպայիցն : Բախեցան և սպայքն ընդ Գաղղիացիս, և խորասակեցան և նոքա արք իբրև հինգ հազարք :

Յայնմ պահու եթէ անաային Գաղղիացիք զօրավարին իւրեանց, և զկայ առեալ 'ի տեղւոջ անդ մնային հասանելոյ Մաճառաց, անշուշտ նոքա էր յաղթութիւնն : Սակայն նոքա ձիգ զհեա պնդեցան զերծելոց սպայիցն դէպուղիղ 'ի բլուրն որ հանդիպոյ կայր, և կարծէին վախճան առնել այնու բովանդակ պատերազմին :

Այլ իբրև տեսին յետ կուսէ բլրոյն զանտառածն բանակն Պայէզիսայ ընդ երկայնութիւն քառասուն հազար կանգնոց տարածեալ անշարժ և անվրդով, յապուշ հարեալ զմրեցան. և ընդ խլրտել ահեղ բանակին, սորա ահարեկ խուճապմամբ ՚ի փախուստ դարձեալ՝ կոտորեին ՚ի հետամտիցն Օսմանեանց. և գուքան Նեւերս հանդերձ քան և չորս նիզակակից սպայիւքն ձերբակալ եղև : Այլ ՚ի նիզակակիցաց, որ իբրու քայլս հազար ՚ի հեռուս կային, իբրև տեսին զխորտակումն Գաղղիացւոց՝ աճապարեցին և նորա ՚ի փախուստ : Եւ արքայն Մաճառաց եւ թ իւրովքն երկոտասան հազարօք առ ժամ մի խորտակեալ զենիչերիս, ապա յետս վանեցաւ և նա . և մուծեալ յիւրոցն ՚ի նաւ մի փախեաւ ՚ի Կոստանդնուպօլիս, և անտի ապա յաշխարհն իւր :

Ի վախճան զարհուրելի պատերազմիս իբրև ետես յաղթական արքայն Պայէզիս ՚ի տեղւոջ ճակատուն զգունդագունդ գիակունս իւրոցն իբրու վաթսուն հազարաց, ցամախասուն արտասուօք երգուաւ վրէժինդիր լինել արեան նոցին ՚ի բրիտոնեից. և անդէն հրամայեաց զի ՚ի վաղիւ անդր զառաջեաւ իւրով ածցին ամենայն բազմութիւն գերեւոցն : Եւ ճան քարչեցան առաջի նորա պարանօք տասն հազար կապեալք. և Պայէզիս արքայ յետ յառաջ կոչելոյ ըզ-

գուքան՝ Նեւերս, զի ականատես լիցի
 կոտորածի խրոցն, ակնարկեաց առետեղ
 ընդ սուր անցուցանել զամենեւեան :
 Ըստ աղերսանաց գքսին շնորհեաց նմա
 արքայ և քսան և չորից աւագ մարդկան
 որ ընդ նմա զկեանան . իսկ զայլս հրա-
 մայեաց կոտորել յանխնայս : Արդին
 Պայէզխայ գլծացեալ ՚ի դեռահասակ
 սպասանի մի գերմանացի ազնուատոհմ՝
 Շիլթպէրկէր անուն՝ ինդրեաց ՚ի հօրէն
 շնորհէլ և նմին զարկն կենաց, և արքայ
 աղատեաց զնա՝ : Յայգուէ մինչև ցրնդ-
 երեկս աւուրն անընդհատ տեւը կո-
 տորածն, մինչև անկան առ ոտս թագա-
 ւորին աւագանին իւր հայցելով ինայել
 ՚ի մնացեալն : Եւ Պայէզխա զիջեալ
 յազաչանս նոցա՝ հրամայեաց զգուքան
 քսան և չորիւք սպայիւքն արդէլուլ ՚ի
 Վելիպօլու, և զայլս բաշխել յիւրաքան-
 չիւր գերիչս :

Երբև տեսին Օսմանեանք, զի տորմիզ
 նաւուց խաչակրացն առեալ տանին
 զՍիդիամունդ արքայ ՚ի Կոստանդնու-
 սօլսոյ ՚ի Դաղմասիա, հանին տողեցին
 զդերխան յախուհս ծովուն առ Վելի-
 սօլեաւ, և սկսան այսին առնելով կար-
 դալ ՚ի նաւս անդր առ թագաւորն՝ զի

1 Սա զինի երեսնամեայ գերութեանն Դաւիթ
 արարեալ յերիւր իւր, ՚ի գիւր Դրոշմեաց ապա
 զամենայն ազէփս և զանոցս դափերաւի՞ն՝ որոյ
 սխանափեան էղեալ էր :

փրկանաւորեացէ զգերիան : Եւ արքայն վսեմախոհ, որ ինքնայօժար ձգէր ՚ի նոյն, ՚ի դաւ ամին միւսոյ եօթն հազար ոսկիս առաքեաց առ Պայէզիտ արքայ, և զերծ ոյց զնիզակահիցան իւր ՚ի դերութենէ :

Զնոյն արարին և թագաւորք Գաղղիոյ և Ախպրոսի, և փրկանաւորեցին զգերիս իւրեանց : Իսկ դուքսն Նեւերս հանդերձ գերեկցօքն երթեալ ՚ի Պրուսա՝ անտի արձակեցաւ յաղատութիւն ընդ երկերիւր հազար ոսկւոյ : Ասէ Պայէզիտ ցՆեւերս յարձակել անդ իւրում զնա . « Ահա լուծանեմ զքեզ յերդմանէդ՝ զոր երգուար ինձ ոչ ևս ամբառնալ զձեռս քո ՚ի վերայ Օսմանեանց . նա երդմնեցուցանեմ ևս զքեզ փութալ յարուցանել ՚ի վերայ իմ՝ ըզհասօրէն քրիստոնեայս, զի և ևս յաճախեացեն փառք իմ » : Եւ մինչև մեկնեալ նորա իւրովքն ՚ի Պրուսայէ՝ որսասէր արքայն կամեցաւ կարգել առաջի նորա որս բաղէից մեծահանդէս, յորում էին եօթն հազար բաղէկալք, և վեց հազար բարակապանք : Յորմե սրատուէցան որորդացն դունդք, և աւել լիքան յերեսուն խումբս արոհեալք՝ մասն եղեն օմանեան զնուորութեան :

Յետ այնորիկ աւետաւորս առաքեաց Պայէզիտ արքայ առ ամենայն թագաւորս և իշխանս արևելից վասն մեծի յաղթութեանն : Առ ամիրասպեան Նզիպ-

տոսի ընդ աւետարելր հրովարտակին յղեաց 'ի սրարգևս և սրատանիս վաթսուն 'ի գերութենէ անտի . զի զկնի այնրր յաղթութեան արշաւեալ էր նա և անդր ընդ բացարձակ վայրս և ածեալ գերիս վեշտասան հազար :

Ապա վերատին դարձոյց զաչս իւր 'ի Կոստանդնուպօլիս . և արձակեաց զվէզիրն Ալի փաշա մինչև 'ի դրունս թագաւորեալ քաղաքին առ 'ի հարկի կացուցանել զկայսրն Յովհաննէս . որ և խոստացաւ զի թոյլ տացէ կանգնել 'ի Կոստանդնուպօլիս միկիթ և դատարան , և հարկեսցի Օսմանեանց առ ըստ ամէտասն հազար ոսկիս , և վէզիրին տացէ ձկունս վեց լցեալս ոսկեով և արծաթով :

Ի նմին ժամանակի կողմնապետն թիմուրդաշ ընդարձակէր զսահմանս Օսմանեանց ընդ հիւսիսի և ընդ արևելս . որով էառ զԳանդրա , զՏիւրքիէ , զՏէրէնաէ , զՊէհէսնի , զՄեղիսնէ , և զամուրն Կամախ :

Իսկ ինքն արքայ մինչդեռ 'ի Բերիս կայր , որ է Գարաֆէրիէ , յոյն եպիսկոպոսն Փովլիղեայ մասնառու հայրենի աշխարհին՝ հրաւիրեաց զնա 'ի Յունաստան . և նա գիմեալ էառ զգլխաւոր քաղաքս Թեսսաղիոյ զԱրիասսա , այն է Ենիշէհիք , զԹրհալա , զՓարսաղիս , ըզՋէյթուն՝ որ 'ի Թերմոպիլէ , զԱրգոս և զԱթէնս . և 'ի բնակչաց անտի ոգիս

երեսուն հազար խախտեալ անցոյց յԱսիա, և ամ փոխանակ նոցին յայսկոյս հատուածս թուրքաց և թաթարաց:

Այսպէս ՚ի սուղ ժամանակի էապրեա թէ զամենայն զՅունաստան և ըզՊեղոպոնէս, որ է Մոռա, և դարձաւ անդրէն ՚ի Պրուսա:

Ապա յամին 1401 դիմեալ անտի ՚ի Կոստանդնուպօլիս, զոր ՚ի հնգից ամաց հետէ պաշարէին իւրքն, դեսպանս արձակեաց առ Յովհաննէս կայսր և ասէ. «Ոչ վասն քո ինչ, այլ վասն իմ վանեցի ես յաթոռոյ այսի զՄանուէլ. արդարի՛ տեղի սուր այսի, և ես տաց քեզ զիշխանութիւն զոր և կամիցիս. ասա թէ ոչ պատրաստ կաց ճարակ լինել քոյովքդ հանդերձ սրոյ խնում»:

Սակայն յայս նուագ ևս բռնագատեցաւ թողուլ լքանել զպաշարուին յահէ արշաւանացն թաթարաց ՚ի սահմանս իւր, որք առեալ էին և զՍերաստիա զամուր պատուարն տէրութեան իւրոյ:

Քանզի ասեղ տիեզերակալն Վէնկթիմուր, որ և թիմուրլէնկ և թիմուրկոչի, յերեսուն ամաց հետէ բռնացեալ հզօր զօրութեամբ ընդ արևելս մինչև յաջտարհն Չինաց, յարևմուտս մինչև ՚ի ծովամիտեացս Միջերկրականին, ընդհիւսիսի մինչև ՚ի միջնաշխարհն Ռուսիոյ, և ընդ հարաւ մինչև ՚ի սահմանս Եգիպտոսի, անհամար զօրօք և զարհու-

բե լի պատերազմօք անբազակեաց քան
և եօթն աշխարհաց . և սպա դարձ ա-
րարեալ յաթոռ իւր 'ի Սմրդանդ մե-
ծաւ յաղթանակաւ , խաղաց վերստին
'ի Պարս և 'ի Հայս և 'ի Վրաստան , և նը-
կուն արար զորս միանգամ խլրտէին
յապատամբէլ 'ի ներքուստ ձեռին նորա :

Արդ մինչդեռ բանակեալ էր Թխմուր
յաշխարհին Սիւնեաց , իշխանքն Վեր-
միանու , Այսրնայ , Մէնթէշէի և այ-
լոց գաւառաց՝ որ մարդ կացեալ էին
Օսմանեանց , և ընդ նոսին Գահէրթէն
կամ Գուհուրթէն իշխան Արզնկայի ,
փախուցեալ անկան առ Թխմուր , և բո-
ղոք կալան առ նա զբռնու թեանց Պայէ-
ղիսայ արքայի , որ յափշտակեաց ա-
սէին զգաւառս տերութեանց մերոց :

Հայնժամ արձակեաց Թխմուր դես-
պանս առ Պայէղիս արքայ և ձայն տայր
նմին յասարէզ մարտի . և ինքն չու ա-
րարեալ բանակաւն եկն էառ զամուրն
Սեբաստիա . զպարիսպն բանդեալ կոր-
ծանեաց , զբնակիչն 'ի սուր սուսերի
կոտորեաց , և զքաջամարտիկն Հայոց
կենդանոյն թաղեաց անհնարին սան-
ջանօք խժգժութեան : Ընդ այս լուր
գառնաղէտ և ընդ բանս դեսպանացն
'ի սրամասութիւն բարկութեան բորբո-
քեալ Պայէղիս կամէր անդէն տա-
պաստարկանել զթղթաբեր դեսպանան-
այլ իբրև աղաչեցին զնա իւրքն չյանցա-
նել ընդդէմ օրինաց ազգաց , գրեաց

առ թխմուր թուղթ լի նախատանօք և արձակեաց առ նա ընդ ձեռն դեսպա նաց, և ինքն կազմեցաւ պատրաստեցաւ դիմել ՚ի վերայ նորա :

Մինչդեռ ՚ի Սեբաստիա էր թխմուր ընկալաւ զթուղթն, և հաղիւ սանձեալ զզայրոյթ ցասմանն՝ չէառ զընծայս բե բեալս ՚ի նոցանէ : Հրամայեաց կազմել զգունդս զօրաց իւրոց ՚ի հանդէս համարոյ, որ տեւաց զօրն ցերեկ, և զդեսպանս Պայէզխոսայ յաճեցուցեալ ընդ ամենայն բանակն՝ արձակեաց զնոսա, և խոտացաւ հաշտել ընդ Պայէզխոսայ՝ եթէ թողցէ նա յազատութիւն զընտանիս Գահէրթէնայ իշխանին Երզնկայ, և առաքեսցէ առ ինքն զմի յորդուց իւրոց, զոր իբրև զեմ որդի գգուեցից ասէր :

Սակայն Պայէզխոս արքայ ոչ միայն զնորին խորհրդակցութիւն առ ոսն եհար, այլ և զիւրոցն՝ որք լաւ համարէին պաշտպանել աշխարհին յանձուկ կիրճս պահ և եթ կալեալ, և ոչ միտիլ ՚ի յայանի պատերազմ, և հարիւր և քսան հազար արամիք չուեաց գնաց ՚ի Պրուսայէ : Ի սոցանէ ութուտան հազարք էին թաթարքն, և տասն հազար Սերվացիք ընդ արքային իւրեանց Լազարայ :

Ազդեղև թխմուրայ եթէ եհաս Պայէզխոս զօրօք իւրովք յԱւդոկիա, անդէն խաղաց ընդդէմ նորա, և յաւուրս երկոտասան և հաս մինչև յԱնկիւրիա, և

պաշարեաց զքաղաքն : Այլ իբրև լուսա
ղմերձենալ օսմանեան բանակին , Է-
թող զպաշարումն և եհար զահագին
բանակ իւր 'ի ջրաբբի կողմն դաշտին :
Իսկ Պայէզխա եկն բանակեցաւ 'ի միւս
կողմն յանջրդւոջ . և առ 'ի նշանակ իւ-
րում աներկիւղութեան 'ի Թխմուրայ
կարդեաց 'ի քարձուռան հանդէս որսոյ .
և հինգ հազարք յւրոցն մեռան պա-
պակեալք 'ի ծարաւոյ :

Կարգեցան ճակատեցան ապա կող-
մանքն երկոքին թուով իբրու հազարք
հազարաց . զի Օսմանեանք հարիւր և
քանհազարք էին , իսկ Թաթարք եօթն-
սպասիկ առաւել : Աջում թևի Թաթա-
րացն բանակին զօրավարէր Միրզա Մի-
րանշահ երէց որդի Թխմուրայ . 'ի ձա-
խումն կրտսերքն Միրզա Շահրուխ և
Միրզա Խալիլ . 'ի միջավայրին առաջ-
նորդէր թուռն Թխմուրայ Մէհէմէտ
Սուլդան . և ինքն Թխմուր յեա կուսէ
բանակին կայր 'ի գլուխ քառասուն
գնդից : Աստի և Պայէզխա արքայ զաջ
թևն աայր 'ի ձեռս որդւոյ իւրում Է-
միր Սիւլէյման շահին , զձախն՝ յորում
էին և սերվացի զօրք՝ 'ի ձեռս Լազա-
րայ թագաւորին Սերվաց որդւոյ Վուլ-
քայ աներոյն Պայէզխայ . և 'ի միջի
բանակին ինքն կայր ընդ որդւոյ իւրոց ,
որք էին Իսա , Մուսա , և Մուսղաֆա .
իսկ զվերջապահս զօրականին վարէր
միւս որդինորին Չէլէպի սուլդան Մէ-
հէմէտ :

Ընդ արեւածայրս քսաներորդի աւուր
ամսեանն յուլիսի յամին 1402 սկիզբն
եղև պատերազմին 'ի ձայն փողոց Թա-
թարաց, 'ի Թնդիւն Թմբկացն Օսմա-
նեանց և 'ի գոչիւն աղաղակի երկարան-
չիւր կողմանց: Միրզա Էպուսպէքիւր որ-
դի Միրանշահի գխնագրաւ եղեալ յար-
ձակեցաւ 'ի վերայ Սերվաց, և ուժգին
վանեցաւ 'ի նոցանէ, և մինչդեռ քաջքն
այնորիկ բազում նախճիրս գործէին 'ի
Թաթարս, գունդք գաւառին Այսը-
նայ տեսեալ զիշխան խրեանց 'ի կողմն
Թխուրայ՝ խուժեցին անցին յայնկոյս:
Զնոյն արարին և գունդք Սարուխանայ,
Կէրմիանու, Մէնթէշէի, և գրոհից ո-
մանց Թաթարաց:

Յայնժամ Թագաւորն Սերվաց խ-
րովքն սպառազինօք հերձեալ զբազ-
մու թիւն Թշնամեաց՝ եհաս առ Պայէ-
զիտ արքայ, և գոչէր առ նա ապրեցու-
ցանէլ զանձն խր: Այլ Պայէզիտ յա-
մառեալ սնդեալ մնայր 'ի բլրին՝ ակն
կալեալ կատարածի ճակատուն տան
հազար ենիչէրեօք, մինչև օրն տարածա-
մէր, և ենիչէրիքն ևս 'ի ծարաւոյ և 'ի
սրոյ մաշեալ սպառէին:

Այն ինչ զիջեալ արքայի յաղաչանս
Միննէթպէյին՝ որ յորգորէր զնա խոյս
տալ 'ի տեղւոջէ անախ՝ գարձուցանէր
զերասանակ երիվարին, և ահա երիվար
նորին գթեալ անկաւ, և Մահմուտ խան
Թաթարաց հասեալ 'ի վերայ՝ կալաւ

զնա և յամիշտակեալ տարաւ առ Թխմուր,
 առ որում կային և որդի նորա Մուսա, և
 զօրավարքն Միննէթ, Մուսդաֆա, Ալի,
 Ֆիլուզ, և կողմնասպեան Թխմուրդաշ, և
 որդի նորին Եախշի պէյ: Իսկ միւս ար-
 քայորդիքն Սիւլէյման, Մէհէմմէտ և
 Իսա փախուցեալ զերծան. և Մուս-
 դաֆա անյայտ եղև ՚ի տեղւոջ ճակա-
 տուն:

Չամենայն պատիւ և զմեծարանս Ե-
 րոյց Թխմուր Պայէզլիսայ. և տեսեալ
 զնա թաղացեալ խնն ՚ի տօթոյ աւուրն
 և ՚ի տաղնապէ պատերազմին, և փոշե-
 լից և տխրագէմ, խօսեցաւ ընդ նմա մե-
 ծաւ քաղցրութեամբ, նստոյց զնա առ
 խւր, կարգեաց նմա ՚ի բնակութիւն վը-
 րանս երկա շքեղազարդս, և երգմամբ
 երգուաւ չմեղանչել կենաց նորին:

Ազաչեաց Պայէզլիս խնդիր առնել
 վանն որդւոց խւրոց. և Ալէնկթխմուր ան-
 դէն արձակեաց պնդով խնդրակա զկնի
 նոցա. այլ միայն Մուսա Չէլէօլի՝ զը-
 տեալ ՚ի բանակին Թխմուրայ՝ շքեղ հան-
 դերձիւք ամաւ առ հայրն:

Մի ՚ի մեծամեծ պատերազմաց աշ-
 խարհի է Անկիւրեանս այս ճակատա-
 մարտ անուանի և բազմութեամբ մարտ-
 կացն, և քաջութեամբ և մեծութեամբ
 աշխարհակալ թագաւորացն, և ազ-
 նուականութեամբ թագաւորազն սպա-
 րապետացն: Չի զԹխմուրաւ շուրջ
 պար առեալ կային վեցեքին որդիք նո-

րա և Երկոտասան թուռուք՝ իշխանք մեծամեծ աշխարհաց :

Նախկին այն քաղցրութիւն թխնուրայ առ Պայէզիս փոխեցաւ սուր ՚ի փոքր մի խատութիւն : Քանզի հրամանաւ Մէհէմէտայ որդւոյ Պայէզիսայ, որ զերծեալ էր փախատեամբ ՚ի պատերազմէն, Օսմանցիք ոմանք գիշերայն մըտեալ ՚ի բանակն թաթարաց՝ ՚ի մօտակայ վրանէ միջէ ահան հասին մինչև ՚ի վրանն Պայէզիսայ արքայի, զի զերծ ուսցին զնա :

Այլ այն ինչ հասին ահանահատքն ՚ի միջավայր անդր վրանին Պայէզիսայ, հարան ՚ի վերայ նոցա պահանորդքն թաթարաց : Օսմանեանքն փախուցեալ ճողոպրեցան . և թխնուր յանդիմանեալ զՊայէզիս՝ խափու պատուիրեաց իւրոցն զգուշագոյնս պահ ունել նմա, և զցայդ շղթայակապ պահել ՚ի սենեկի միում, որոյ գուռն էր վանդակ երկաթի : Աւքանզի տաճկականն Գաֆէ* զվանդակ թռչնոց և զորպիսի և իցէ վանդակս անխափրնշանակէ, աստի յայտնանէ տեղի կալաւ բանն՝ իբրու եթէ ՚ի վանդակ պարզ երկաթի արդեւեալ իցէ թխնուրայ զՊայէզիս : Եւ առաջին յողիչ առապելին ասին Փրանդասբուղանդացի, և Արապշահ ասորի ¹ :

1 Պափնաֆէր + Եւրոպացոց ժամանակափէր + այսմ պափերաւի, ընդ որս և գերմա-

Հաւատարմագոյն քան զայս թուին
 և օգտակարագոյն արդեօք՝ բանք թի-
 մուրայ առ Պայէզկիս, և սրատասխանիք
 սորա առ նա ՚ի սրատահել անդ նոցա
 զառաջինն իրերաց և ՚ի բազմել առջն-
 թեր: Ասաց, ասեն, Ահնկթիմուր առ
 Պայէզկիս. « Ընորհապարտ եմք առ Աս-
 տուած և ես և դու սակս տէրութեանս
 տուելոյ մեզ առ ՚ի նմանէ: »: Պայէզկիս

նաոյն Ըիւնդերիէր տկանապետն ամենայն ան-
 յից ճակատամարտիս, զվանդակին իրս համա-
 յայն ճառեն Օսմանէանն պարամաբանից: Յե-
 ղեցուն Բուզանդացի պարամագրաց, յորոց մե-
 շ Փրանզաս, հասարարմագոյնքն էրիոքին Պառ-
 իսս և Քալինդիզաս զվանդակն շիշապա-
 ինն Բնաս: Այլ և ոչ պարամաբանք Պարսից
 և Արաբացոց՝ Էրեբեֆեպին, Տաթիֆի,
 Արի, Ճենապի, և Իպն Էհօհնէ: Իսկ հնա-
 փոյնն ՚ի պարամագիրս Օսմանէանց Աշրֆա-
 շաղափէ, ընդ որում և Նեշրի, այսպիսի ինչ
 և եթ յառելումն՝ լուեալ յտկանապետ վիայից,
 եթէ թիմուր ՚ի լուեալ իրում զՊայէզիփ
 արտայածէր ընդ իր ընդ մեջ էրիոց էրի-
 վարաց՝ Բաշեցոցեալ ՚ի վանդակայն կամ ՚ի
 խաղխամեայ պարամագիրի. որպիսի է և պար-
 փարակ իանանայն Օսմանէանց: Վասն որոյ
 յիրսի պախարակի ասորին Արապշահ ՚ի քաջ
 պարամագրէն Սափեփափեայ որպէս սրայօր և
 անխոհէմ: Ու ինչ ընդհասք յայսմանէ թո-
 ւ ան՝ եթէ թիմուր ՚ի վերելակէն իրում ՚ի
 մի ՚ի Պայէզիփ արտայանալ իցէ ուժերեալ:

ասէ. « Եւ ընդէր »: Ասէ Թխմուր.
 « Ձի բաժանեաց զայն ընդ իս ընդ
 կազս ¹, և ընդ քեզ ընդ ոտնացաւդ.
 ինձ առեալ ՚ի բաժին ՚ի Հնդկաց մինչև
 ՚ի Սերասափա, և քեզ ՚ի Սերասափոյ
 մինչև ՚ի Մաճառս: Յորմէ յայտ իսկ է
 էթէ քանի խոտան իցէ յաչս Բարձրե-
 լոյն թողաւորու թիւն աշխարհի. զի փո-
 խանակ անարատից զիսեղանագամս ընտրէ
 նմին անօրէնս: Ես դաւաղան բարկու-
 թեանն Աստուծոյ եմ ՚ի մերայ քո,
 փոխանակ զի ոչ ծանկար դու զբարե-
 ըարու թիւնս նորա. այլ մի ինչ վշտաս-
 ցիս և զբայր. է հնար անն որ յուժի և
 ՚ի քաջողջու թեան իցէ՝ դառնալ անօրէն
 յիւր նախկին բարեբասաու թիւն »:

Ձհեա ճակատամարտին Անկիւրիոյ
 Միրզա Մէհէմմէա թոռն Թխմուրայ և
 րեսուն հազար հեծելովք հեռամուտ
 լեալ Սիւլէյմանայ որդւոյ Պայէղիսայ՝
 չորիւք հազարօք և հաս ՚ի Պրուսա, ուս-
 փի փախուցեալ էր Սիւլէյման:

Կողոստեաց և հրդեհեաց զքաղաքն

1 Ձխաշու-Թիւնն ու ՚ի Բնէ Ինչ ունէր նա,
 այլ զի ըն ամբարձեալ յաթուռ Լազարու
 Թեան՝ վէրս ՚ի Բարձրան առեալ էր ՚ի Տարաթ և
 խաշաղեալ: Իսկ Ինչն ըստ նկարագրին Բարձ-
 րահասակ էր և յաշ Լանդամ, Տեժագլուխ,
 լայնաճակափ և գեղադիփակ. և հէր+ գլու-
 խոյն էր իայնսթիփ+, և ՚ի Ժննդենէն հեփե-
 ուղիփակ+ ԻԲրե զՅիւն:

ողջոյն, զմզկիթա կարգեաց յախոռա և ըրիվարաց, և զկանայս և զգաստերս թագաւորին հանգերձ ամենայն գանձիւն և ոսկեղէն և արծաթեղէն սպասուքն բարձեալ յուղոս՝ առաքեաց առ Թիմուր ՚ի Առաքինա թմբիօք և պարուք, և ինքն աստատակ սիրեաց ընդ ամենայն երկիրն Օսմանեանց մինչև ՚ի ծովեղերեայս աշխարհին:

Թիմուր դարձոյց ետ անդրէն Պայեղիտայ զկին նորա զսերվացին: Զորդի իշխանին Գարամանայ թագաւորեցոյց ՚ի վերայ հայրենի աշխարհին՝ առեալ նմա զքաղաքն Իկոնիոն, Արեւոտա, Ագսերայ, Անթալիա, Ագշէհիր, Սիվրիհիսար և Պէկաղազարի:

Առաքեաց դեսպանս առ կայսրն Յունաց և պահանջէր ՚ի նմանէ հարկս և նա աճապարեաց յղէլ ընդ հարկացն և ընծայս բազումս: Գարձեալ և զորդին Պայեղիտայ զՍիւլէյման առաքեաց կոչեաց յԱնատոլու հիսարէն. ապա թէ չկամիս դալ, ասէր, հաստ ինձ զհարկն: Եւ Սիւլէյման ընդ հարկացն առաքեաց առ նա և երիվարս և բաղէս որսականս և գալ ևս առ նա խոտոացաւ ՚ե թէ թողցէ Թիմուր յազատութիւն զհայրն իւր:

Խոտագոյնս վարեցաւ Թիմուր ընդ կողմնապեալին Թիմուրդաշայ, զորոյ ըզգանձս ճոխութեանն գտեալ էր ՚ի Առաքինա. ասէ. « Է՞ր աղագաւ կուտեցեր զգանձսդ. և զն է զի ոչ վարձկանեցեր

դոքսք զօրս 'ի պաշտպանութիւն թագաւորիդ քում": Եւս պատասխանի թիմուրգաշ. «Թագաւորն իմ ոչ երիկեան որ թագաւոր է, զի առ 'ի զօրս գումարեւոյ պէտս ունիցի ընչից իշխանացն իւրոց»: — «Ապա ուրեմն կաց մնա 'ի գերութեանդ, ասէ թիմուր. զի չես արժանի ազատութեան սակս գոռող պատասխանելոց»:

Աչդու ևս արձակեալ էր թիմուր ըզզօրավարս իւր յառումն Չմիւսնիոյ 'ի ձեռաց ասպետացն հռոգացւոց. և 'ի յամել նոցա ինքնին խաղաց 'ի վերայ քաղաքին: Ազդ արար բնակչացն դառնալ 'ի մահմետական կրօնս, կամ թէ հարկս հարկանել նմա, և զգրօշ իւր կանգնել 'ի վերայ պարսպացն: Եւ 'ի չանսալ ասպետաց՝ պատնէշ պաշարմամբ 'ի նեղ արկ զքաղաքն ընդ ծով և ընդ ցամաք, և զաւուրս հնդետասան սասակապէս մարտուցեալ էառ զայն: Հաղարողիս 'ի բնակչաց անախ կոտորեալ, ըզգլուխս նոցա ըստ մասին կուտեաց 'ի գրունս քաղաքին, և ըստ մասին ետ ընկենուլ 'ի նաւս քրիստոնէից՝ որ դեռ ևս ժամանելին յօգնութիւն քաղաքին:

Աէս նախտակի արշաւանին թիմուրայ յարևմուտս կոյս Չմիւսնիս ըւալ, անախ վերստին դարձ արար յարևելս նովին խժական ընթացիւք սրով ցայնվայր եկեալն էր: Ի մօտել նորս 'ի մի 'ի քաղաքաց փոքուն Ասիոյ՝ ամենայն

մանկահին այնր տարաբաղդ քաղաքի ելին նմա ընդ առաջ՝ զկուրանն 'ի գիրկս ունելով և կարդալով անտի գլուխս ինչ 'ի բերան : Եհարց խուժագուժն՝ եթէ զինչ այն խղուրթախն իցէ ձայնից . և իբրև գիտաց՝ զի յաղերս ամել կամին զնա , հրաման եա հեծելազօրուն առ հասարակ ոտնակոխ առնել զանսպարտ մանկահին :

Մինչդեռ այսպէս Թխմուր հանդերձ որդւովքն և թուամբք 'ի հուր և 'ի սուր ասպատակէր 'ի փոքրն Ասիա , որդիքն Պայէզկոսայ արքայի բաժանէին յերեանս զթագաւորութիւն հօրն իւրեանց :

Սիւլէյման որդի Պայէզկոսայ առանձինն դեսպանութեամբ խնդրեաց 'ի Թխմուրայ զթագաւորութիւն եւրոպակողմանն . և Թխմուր եա զայն նմա հրովարտակաւ՝ զոր թաթով ձեռինն թաթաւելոյ 'ի կարմրագեղ գրոշմեալ էր 'ի հաստատութիւն՝ ըստ Թաթարաց օրինի :

Յաւուր միում ասէ Թխմուր ցՊայէզկոս . « Եթէ դու դառնայցես յերկիրքս , զնորդ թուի քեզ , մի թէ որդիքն քո խոնարհեացին քեզ 'ի հպատակութիւն » : Աս սպտասխանի Պայէզկոս . « Տուր ինձ դու նախ զազատութիւն , և ես գիտեմ քաջ նուաճել զնոսա » : Այլ Թխմուր ասէ ցնա . « Հանդարտ կաց իշխանդ . ես տարայց զքեզ նախ 'ի Սը-

մըրդանդ, և անտի ապա առաքեցից ըզ-
քեզ յերկիր քո” :

Յայնժամ ընկղմեալ Պայէզխասայ 'ի
խոր տխրութիւն՝ յետ սակաւուց հի-
ւանդացաւ և մեռաւ 'ի կաթուածէ կամ
'ի շնչարդէլութենէ: յԱզշէհիք քաղա-
քի, այսօրինակ կնքեալ զընթացս քա-
ռասուն և չորից ամաց կենացն իւրոց և
զչորեքոտասանամեայսերձ յաղթանակս
իւր յԱսիա և յԵւրոպա: Եւ զմարմին
նորա ետ թխմուր որդւոյ նորին Մու-
սայի ածել թաղել 'ի Պրուսա:

Սակայն և արիւնըսուչան Աէնկթի-
մուր ոչինչ յերկարակեաց եղև այնու-
հետև աւելի քան զամս երկուս: Այլ
իբրև եհաս 'ի Սմըրդանդ, և խաղայր
գնայր անտի յաշխարհն Չինաց, զճա-
նաօգարհայն փշեաց զողին ամաց եօ-
թանասուն և միոյ՝ թագաւորեալ ամս
երեսուն և վեց, և թողեալ յիշատակ չա-
րութեան իւրոյ զամայացեալ աշխարհս,
զքաղաքս խոզանացեալս, և զկարկա-
ռակոյսս մարդկան կոտորելոց:

Յայնժամ ժամանակի յամին 1403 աշ-
խարհ թագաւորութեանն Օսմանեանց
բաժանեալ էր 'ի Մէհմեմէա, յԻսա,
'ի Մուսա և 'ի Սիւլէյման յորդիան Պայէ-
զխասայ անմիաբանա, և իշխանքն Այ-
արնի, Մէնթէշէի, Թէքքէի, Կէրմիա-
նու և Գարամանայ հաստատեալ էին
'ի Թխմուրայ յիւրաքանչիւր տէրու-
թիւնս: Ապա զկնի տասն ամաց և և թ

յաջողեցաւ ինքնիշխան թագաւորել
արքայորդին Մէհէմէտ :

Քանզի զինի պատերազմին Անկիւ-
րիոյ Ալի փաշա վէզիրն մեծ և իշխանն
Էյնէսկէյ և Հասան զօրավար ենիչէրեաց
փախուցին զերէց արքայորդին զԱլի-
լէյման յԵւրոպա, և Պայէզիտ փաշա
փախոյց զկրտսերն զՄէհէմէտ զմահ-
անուանեալն Վիւրէշճի չէլէսլի մանուկ
մեատասանամեայ յԱմասիա :

Իննեակ յաղթուածիւնս աւանդէն
Օսմանեանք կատարեալ Մէհէմէտայ
յառաջնում ամի անդ 'ի վերայ այլևայլ
բռնակալաց 'ի ձեռն սպարապետին իւ-
րոյ Պայէզիտ փաշայի, և խորհրդով գայ-
էկին իւրոյ որ կոչէր Սոֆի Պայէզիտ :

Ապա հրաւիրեալ 'ի Թիմուրայ՝ իբրև
յուզի անկանէր երթալ 'ի կոչն, ետես
զի թշնամիք իւր կալեալ էին զամենայն
անցս ճանապարհաց : Այսն որոյ առա-
քեալ առ Թիմուր զգայեակն՝ 'ի չքմեզս
եզև, և նա 'ի դառնալ իւրում ընդ դեռ
պանին Թիմուրայ՝ եբեր նմա և զցոյժ
մահու հօրն նորին Պայէզիտայ արքայի :

Ի մեկնել ապա Թիմուրայ յարևելս,
արքայորդին Սիւլէյման տիրէր յԱդրիա-
նուպօլիս : Եւ սակս հաստատելոյ 'ի թա-
գաւորութեան իւրում գաշինս բարե-
կամութեան կուեալ ընդ կայսեր Յու-
նաց՝ եզ առ նմա 'ի պատանդի զէզքայր
իւր զԳասըմ և զքոյրն Գադիմէ, և ինքն
առ իւր 'ի կնութիւն զգուտօր եզքօր

Մանուէլի կայսեր, որ միւսանդամ ան-
ցեալ էր յաթոսն Բիւզանդիոյ :

Իսա միւս եղբայր Սիւլէյմանայ զամ
մի ողջոյն 'ի Թադասի կայեալ 'ի կող-
մանս Պրուսայի, և առ մահուամբ հօրն
օժանդակ իւր գտեալ զկողմնապետն
Թիմուրղաշ զգերծեալն կամ զփախու-
ցեալն 'ի գերութենէ անաթի Թիմուրայ,
Թագաւորեաց և նա 'ի Պրուսա, և գա-
չինս ուխտի հաստատեաց ընդ կայսեր :

Իսկ Մուսա վեցերորդն յորդիս Պայէ-
զիտայ և գերեկից նորին, աւանդեալ
էր 'ի Թիմուրայ 'ի սահ զգուշութեան
իշխանին Աէրմիանու, ընդ իւր ունելով
և զգիական հօր իւրոյ Պայէզիտայ արքայի :

Արքայորդին Մէհէմէտ ելեալ յԱ-
մասիոյ և հասեալ զօրօք 'ի Պրուսա, նա-
մակագիր լինէր առ Իսա, և խրատ տայր
նմա բաժանել ընդ իւր զերկիրն : Եւ
իրբն մերժեաց նա զառաջարկութիւնն,
Մէհէմէտ յառաջ մղեաց զսատե-
րազմն առ Ուլուսրատ քաղաքաւ, ուս-
տի փախուցեալ կողմնապետն Թիմուր-
ղաշ սպարապետ Իսայի՝ սպանաւ 'ի
ծառայէն իւրմէ :

Մէհէմէտ զգլուխ կողմնապետին
առաքեաց առ եղբայրն իւր Սիւլէյման,
իրբու 'ի նշանակ յաղթութեան իւ-
րոյ, և հալածեալ զԻսա չէլէպի մինչև 'ի
Վոստանդնուսօլիս, տիրեաց Պրուսայի
և Նիկիոյ :

Դեպքանս առաքեաց անաթի առ իշ-

խանն Աէրմիանու, և խնդրէր արձակել
առ ինքն զէղբայր իւր զՄուսա չէլէպի,
և զգիական հօր իւրոյ: Եւ հասեալ խընդ-
րոյ իւրում՝ Մուսայի շնորհեաց ըզ-
կեանսն, և զգիական հօր իւրոյ թաղեաց
'ի Պրուսա, և ինքն դարձ արար յաթոս
թագաւորութեան իւրոյ յԱմասիա:

Իսկ իսայի անցեալ յԱդրիանուպո-
լիս, և օժանդակեալ 'ի Սիւլէյմանայ,
դարձաւ 'ի Պրուսա տասն հազար ա-
րամբք, և վանեալ յէղբօրէն՝ փախեաւ
առ Իսֆէնոսիար իշխան Գասդէմու-
նեայ:

Նորին նիզակակցութեամբ յարեաւ
երրորդ անգամ 'ի վերայ Մէհէմմէ-
տայ, և դարձեալ վանեցաւ 'ի կողմանս
Չմիւռնիոյ: Եւ սպա միաբանեալ ընդ
իւր զիշխանս Այարնայ, Սարուխանայ,
Թէքքէի և Մէնթէշէի, արամբք իբրու-
քսան հազարաւ գիմեաց ընդդէմ եղ-
բօրն: Այլ Մէհէմմէտ խորտակեաց
զբանակ նորա. խրղոր շահ իշխանն Սա-
րուխանայ դերի վարեալ սպանաւ: Եւ
գուպ իշխան Աէրմիանու ետ զբանալիս
բերդորէից իւրոց 'ի ձեռս յաղթակա-
նին. և իսա փախեաւ 'ի Գարաման, և
այլ ոչ ևս բանք եղեն զնմանէ:

Սիւլէյման՝ որ ցայնժամ յԱդրիա-
նուպօլիս բաղանեաց և խնջոյից սարա-
պէր, և անդորր ոգւով հանդիսատես
կայր սատերազմաց եղբարցն յԱսիա,
'ի լուր յաղթանակացն Մէհէմմէտայ

զարթեալ 'ի նախանձ, և վառեցաւ 'ի կորզել 'ի ձեռաց նորա զգաւալան թա գաւորութեան հօր իւրոյ :

Անց յամին 1406 յԱսիա զօրօք բազ մօք. վանեաց առաջի իւր զիշխանս Գաւրամանայ և Վերմիանու, և առաքեաց յԵփեսոսէ զԱլի փաշա զվէզիրն մինչև յԱնկիւրիա, զոր արխաբար պաշտպաներ Եագոււ պէյ սրդի Ֆիրուզայ :

Ի տաղնապ ժամուն Մէհէմէտ նամակագիր եղեալ յԵւդոկիոյ առ Եագոււ քաջալերէր զնա պինգ կալ տեւել պաշարմանն մինչև հասցեն առ նա ընդ հուպ զօրք իւր 'ի թիկունս : Բայց Ալի փաշա կաշեալ զթղթատարն, այլ թուղթ գրեաց առ Եագոււ 'ի դիմաց Մէհէմէտայ հակառակ խնաստից առաջնոյն, յարգորելով զնա անձնատուր լինել 'ի ձեռս վէզիրին :

Իբրև եհաս Մէհէմէտ մերձ յԱնկիւրիա, և ետես զքաղաքն 'ի ձեռս թըշնամեաց իւրոց, դիմեաց դէպ ուղիղ 'ի Պրուսա. ուր 'ի ժամուն Սիւլէյման 'ի բաղանիս գողով ետո զուրն, և փախեալ իւրովքն հանգերձ յԱնիշէհիւ, և անտի յԱզրիանուպօլիս :

Յայնժամ խորհուրդ ետ Մուսա չէլէպի եղբօրն իւրում Մէհէմէտայ դիմել յԱւրոպա, և անդ նեղել զՍիւլէյման : Ապա ինքնին Մուսա յարձակեալ անդր՝ զառաջինն վանեցաւ 'ի Սիւլէյմանայ. և զինի մինչցեռ նա յԱզրիանու

սօլիս ընկղմեալ էր յարբեցութիւնս և
 'ի հեշտութիւնս բաղանեաց, աղղ ա-
 րար նմա Միխալ օղլու եթէ ահա ար-
 քայորդին Մուսա զօրօք բազմօք առ-
 դրունս քաղաքիս հասեալ կայ. և Սիւ-
 լէյման ծաղր արար զնա և զՄուսա :

Փորձ փորձեաց և իշխանն Կերէնոս
 զարթուցանել զՍիւլէյման 'ի խոր թըմ-
 րութենէ անտի, և գանգատէր առ հա-
 սան զօրավար ենիչէրեաց զանզգայու-
 թենէ արքայորդւոյն : Մատեաւ առ-
 նա հասան 'ի բաղանիան և սաստիկս
 բարբառեցաւ. և Սիւլէյման բարկա-
 ցեալ հրամայեաց գերծուլ սուսերաւ
 զծօրուս նորին : Յայնժամ յանհնարին
 ցասումն բարկութեան բորբոքեալ հա-
 սանայ՝ խոյացաւ երիվարաւն առ աւա-
 գանին 'ի բանակ անդր, և սպասմեալ
 նոցա զխայտառականս իւր և զհուա-
 ռութիւն թագաւորին՝ անց 'ի կողմն
 Մուսայի, և նոքա փողեցին զկնի նորա :

Ուր ուրեմն անձին զգաստ լեալ Սիւ-
 լէյման իբրև ետես թօթափեալ յին-
 քենէ զամենայն աւագանին, երիւք ո-
 մասքք և եթ աճապարեաց փախչել առ
 աներ իւր առ կայսրն Յունաց 'ի Ասս-
 տանդնուսօլիս. այլ 'ի հասանել նո-
 րին 'ի գիւղն Տիւյիւնձիլէր քէօյիւ, զո-
 րոյ զքնակիչան զԹիւրքմէնս բազում ան-
 գամ խուեալ էր նորա, եղբարք հինգ
 վարժք 'ի հեծելութիւն և յաղեղնա-
 ւորութիւն՝ ընթացան ընդ առաջ նո-

րա՝ [Թերևս՝ի հեռաքննել ինչ: Իսկ Սիւ-
լէյման երկուցեալ, զերկուս ՚ի նոցանէ
եհար և տապալեաց յերկիր: Յայնժամ
միւս եղբարքն երէքին միանդամայն
նեւտաձիգ եղեալ ՚ի նա՝ արկին զնա յե-
րիվարէն, և հատին զգլուխն:

Այսպէս վճարեաց Սիւլէյման ըզ-
տամնամեաց [Թագաւորու[Թիւն իւր յա-
մին 1410, ոչինչ յիշատակ բարի [Թո-
ղեալ զանձնէ, բայց զսէր իւր և զմե-
ծարանս առ արս գիտնականս որ դտա-
նէին ՚ի Ժամանակին, որպիսիք ոմանք
էին իմամ Սիւլէյման չէլէպի, Նիազի,
Ահմէտ, Համզա, և Եսովպոսն Օսմա-
նեանց Նասրէտաին խօծա՝:

1 Անհամար զբոյոյս էն զնասրճախօս ի-
մասանոյս ՚ի Բերանս ուսմիին և ՚ի գիրս Օսմա-
նեանց: Ասքանօր զէրիսս և ինն առ յի-
շաբաթէ Գրովեոյոս: Ազալեալ ՚ի Բնակչաց
Նիիշէհրին գնալ Գեապանո-նեւսի առ Թի-
մուր՝ հարցանէ Նասրէպփին յիինն իւր, է-
նէ զ՛րս ինչ ՚ի պղտոյ արժան Ռո-իոյի քա-
նէլ յընծայ աշխարհակալին, Ռմազ էնէ սեր-
իւիլ: Ա- ՚ի գովել ինչն զսերիւիլն որպէս
ազնուագոյն ինչ մրգ և գեղեցիագոյն, Նաս-
րէպփին եղեալ ՚ի մփի էնէ լէ պարս անասլ
իանայի իւրհրտոյ՝ ընթրեալ իսլաս նսին հա-
իսուսի զնուզն ածել: Ի Բրև յանդիման էզն-
հանդերձ ընծայիսն առ Թիմուր, հրամայեաց
Բանակալն արժակել զնուզնն մի առ մի ՚ի
գլուխ Նասրէպփնայ, որ առ մէն մի հա-

Մուսա չէլէպի ինքնիշխան տիրապէտեալ յեւրոպական մասին, առ ժամայն յայանի արար զխատութիւն բարուցն. զի զերիս եղբարսն սպանողս Սիլվանայ հանդերձ համօրէն գիւղակցօք նոցին փակեալ արգելեալ յիւրաքանչիւր խրճիթս այրեաց զնոսա կենդանւոյն: Ապա ստապատակեալ յերկիր թագաւորին Սերվաց՝ զայր և զկին՝ ի սուր սուսերի կոտորեաց, և զմանկունս ի գերութիւն վարեաց. և ի վերայ գիականց

բռած Ռզոցն ՚ի Յայն Բաղը գոհանայր ՂԱփոածոյ: Եհարց Թիմուր զպապճառս գոհանալոյն. և նա դարձեալ իառս էփ Ափոածոյ և սակ. զի ոչ լուայ խորհրդոյ կնոջն իմոյ և լԲերի սերիւթիւս, որով սնշուցս ըսչըսեալ էր արդ գլուխ իմ:

Յայլոսմ նոսափի փարսա՝ Ասարէփփին առ Թիմուր փասն Վարոնփս յերախայրեաց երկրին, և Թիմուր հրամայեաց փալ նմա ոսկիս փասն: Ապա մնլդեառ առափոսթիան յոյժ էր Վարնփի, փարսա առ նա դարձեալ Վարոնփս հինգհարիւր. և հրամայեաց Թիմուր նոյնլսփ փան հարիանել ՚ի փարչասպարս ծերոանոյն: ԻԲրև էարԲ Ասարէփփին զկէս փանիցն, ազալեաց զի մաս կէսն փարցի գլխաորին ՚ի պահանորդս Վրանի Ռագաարին. զխոսփացայ սակեր փալ նմա զկէս պարգևացնի զորս ընդոանիցիմ յարգայէ, և ապա Ռոյլ էփիմ յփանել այսր: Եւ զերիւրիւր և յիսան հարսածան ընկալաւ պահակապէփն:

քրիստոնէիցն խնջոյս կարգեաց զօրս վարացն իւրոց և սպայից :

Պաշարեաց և զԹեաազոնիկէ, և առաքեաց առ կայսրն իսպրահիմ զորդի Ալի փաշային (որ մեռեալ էր ՚ի նմին Տամանակի) պահանջել զհարկս : Այլ իսպրահիմ երկուցեալ ՚ի բռնութենէն Մուսայի՝ յորդորեաց զկայսրն ընդդէմ կալ նմին, և ինքն փոխեաւ առ Մէհէմմէտ ՚ի Պրուսա և կարգեցաւ ՚ի նմանէ վէզիր մեծ :

Չայրացաւ Մուսա ընդ այն գործ իսպրահիմայ յոյժ յոյժ, և գիմեաց սաշարեաց զԿոստանդնուպօլիս, և կայսրն ազերսիւ կոչեաց զՄէհէմմէտ արքայ իւր ՚ի Թիկոնս օգնականութեան : Արոյ եկեալ սակաւաձեռն զօրօք ՚ի Բիւզանդիոն՝ մեծարեցաւ յոյժ ՚ի Մանուէլէ : Ել ապա իւրովքն և հեղինացւովք ՚ի սաստերազմ, և հարեալ միանգամ և երկիցս ՚ի Մուսայէ, իբրև լուսա և զյարձակումն ճիւնէյտ անուն իշխանին Այսրնայ ՚ի սահմանս իւր՝ գործարար առ Տամն յԱսիս :

Ճիւնէյտ՝ որ յառաջագոյն ընդ Թեարկութեամբ Սիւլէյմանայ կայր, վաղ խոնարհեցաւ ընդ ձեռամբ Մէհէմմէտայ ՚ի սորկութիւն : Չնոյն արարին և իշխանքն Անկիւրիոյ և Չիւլդաարայ, և Մէհէմմէտ նիզակակից զօրօք Սերվաց և Յունաց էանց յԵւրոպա :

Յայնժամ աւագանին Մուսայի՝ ընդ

որս և քաջն Էւրէնոս՝ և որդի նորս և
 Եախչի պէյ՝ հեազհեակ անցին ՚ի կողմն
 Մէհէմմէտայ, որով ընդ հուպ տիրեաց
 նա և ամենայն երկրին մինչև ՚ի Նիշ: Իսկ
 Մուսա, որ արդէն լուծեալ զպաշա-
 րուսն Կոստանդնուպօլսոյ՝ հեամանու-
 էր Մէհէմմէտեանց, դուն ուրեք հա-
 րեալ զնոսա՝ յոլովագոյնս հարաւ խոր-
 տակեցաւ ՚ի նոցանէ, մինչև եկին բա-
 նակեցան կողմանքն երկոքին ճակատ
 առ ճակատ ՚ի դաշան Չամուրլու:

Արքայորդին Մէհէմմէտ զձախ թև
 բանակին իւրոյ աւանդեաց ՚ի Ստեփա-
 նոս արքայ Սերվաց, և զաջն յԷւրէնոս
 սպարապետ: Իբրև կարգեցան երկա-
 քանչիւր կողմանքն, հասան զօրավար
 ենիչերեաց՝ որ ՚ի Մուսայէ անցեալ
 էր առ Մէհէմմէտ, յառաջ մատեաւ,
 գոչեաց առ ենիչերիս իւր որ Եօթն հա-

1 Տե՛սեալ Ժերոննոյս զլսութեանս Է-
 րանն Մուսայի՝ պարճառեցաւ զկորուսիւնն,
 և ինդրէր հրաման ազաք լինելոյ այնո-
 հէփն ՚ի պաշտամանէն: Մուսա քանզի ի ի-
 նայր ՚ի խորագիտութենէ անորին՝ գործել
 կամեցաւ զսպոսփութիւնն բանիցն, և հրա-
 բեաց զնա ՚ի սելչան, յորում արկաւ և կեր-
 փոր յօրինեալ ՚ի գորփանց՝ ատորթելի յոյժ
 Ժերոննոյն: Այլ խորամանկութիւնն Էւրե-
 նոսի յազնեաց որկորսփութիւնն իւրում, և
 մեղքն հրամայեալ Մուսայի՝ լմեաց զՅեռն
 իւր ՚ի կերախոր սնոր:

զարաւ չափ էին ընդ Մուսայի. « Զի յապաղէք որդեակք իմ անցանել առ արդարակորով և առաքինի արքայս Օսմանեանց : Էրում մնայք տակաւին զըկեալքդ և անիրաւեալքդ առ առն՝ որ և ոչ անձին փրկութեան ունի հնարս գտանել » :

Ոչ ևս կարաց Մուսա թուժել բաւել նախատանացն հասանայ . յարձակեցաւ առ իւծարար ՚ի վերայ նորա, և հաս զկնի, և շեշտ ընդ մէջ ճեղքեալ եհերձ զնա վերուստ ՚ի վայր : Այլ իբրև կամէր կրկնել զհարուածն՝ մի ոմն յրնկերացն հասանայ ընդ մէջ մտեալ եհատ զբազուկն Մուսայի : Զայն իբրև տեսին ենիչէրիքն, անդէն հատուածեցան իմբովին առ Մեհեմէտեանս, և Մուսա դարձոյց զերեսս իւր և փախեաւ ՚ի կողմն Ալահայ : Եհաս զկնի նորա Սարուճէ փաշա իւրով հեծելագնդաւն, և եգիտ զնա մեռեալ ընկեցեալ ՚ի ճահիճս ուրէք :

Այսպէս յամին 1413 կնքեաց զերկամեայ թագաւորութիւն իւր և Մուսա չէլէսլի, որ զփառս առատաձեռն և արիական բարուցն ստուերացոյց տարապայման խստութեամբն, և թօթափեցաւ յամենայն աւագանւոյն :

ՍՈՒԼԴԱՆ ՄԷՆԷՄՄԷՏ Ա

ՉԷԼԷՊԻ

ՄԷՆԷՄՄԷՏ արքայ ըստ գեղադի-
տակ տեսչեանն և վայելուչ հասակին
Չէլէպի մականուանեալ, առաւել ևս
գրուատեալ է սակս արդարութեանն,
և գթալից առատաձեռնութեան և
քաղցրութեան առ Օսմանեանս և առ
քրիստոնեայս անխափր . որով յարու-
ցեալ կանգնեաց ոչ միայն զիւրն, այլ
և զՅունացն թագաւորութիւն :

Քանզի լուեալ Մանուէլի կայսեր
զլրումն յաղթանակի նորա 'ի վերայ
եղբորն՝ առանձին գեսպանութեամբ
խնդակից եղև նմա, և խնդրեաց 'ի նմանէ
զնորոգութիւն գաշանցն բարեկամու-
թեան : Եւ նա գարձոյց առ կայսրն զա-
մենայն բերդորայս սեաւ ծովուն և ըզ-
թեասաղիոյ և զՄարմատայի հանդերձ
երդմամբ ասելով ցգեսպանսն . « Գի-
տասցէ կայսրդ Յունաց՝ զի հայր խմ է
նա, և զի ոչ մոռացայց ես երբէք՝ եթէ
նորին օժանդակութեամբ ժառանգե-
ցի ես զտէրութիւն հարց խմոց, և ոչինչ
պակաս արարից 'ի պարտուցս խմոց առ
նա » :

Ի նմին ժամանակի եկին առ նա դեօսանք խնդակցութեան և ՚ի Սերվաց, Ալահաց, Բուղարաց, և յայլոց պետութեանց Եւրոպայ: Արոց բազում մեծարանօք բազմահանա առեալ առէ. « Ասասջիք ցտեարս ձեր, զի ես տամ ամենեցուն և ընդունիմ յամենեցուն զխաղաղութիւն, և որ լուծցէ զայն՝ Աստուածն խաղաղութեան դատեսցի զնա »:

Դաջինս հաստատեաց և ընդ Ալենեակեցիս և ընդ Տակուզացիս, և ապա հարկեցաւ չուել յասիակողմն և նկուն առնել զըմբոստութիւն և զըռնութիւն իշխանին Գարամանայ, և զՃիւնէյոսայ:

Քանզի իշխանն Գարամանայ ամենայն զօրութեամբն յարձակեալ ՚ի Պրուսա, իբրև ոչ կարաց առնուլ զքաղաքն ՚ի ձեռաց Այվազ փաշային, սկսաւ քանդել աւերել զարուարձանե այս նորին շուրջանակի, և զոսկերս արքային Պայէղիսայ հանեալ ՚ի շիրմէն՝ հրոյ ճարակ ետ ՚ի վրէժ մահուան հօրն իւրոյ սպանելոյ ՚ի Թիմուրղաշայ:

Ընդ այն առերս ածաւ և դիակն Մուսա չէլէպուոյն ՚ի Պրուսա, զի թաղեսցի առ հօր իւրում: Զայն տեսեալ իշխանին Գարամանայ՝ ահաբեկ խուճապմամբ ՚ի փախուստ դարձաւ, թերևս կարծելով եթէ և արքայն Մէհէմէտ յուղարկաւ որ եկեալ հասեալ իցէ դիական եղբօրն: Ի դէպ հեղնեաց զնա յայն

ժամ ծաղրածուն իւր որ կոչէր խրրման
տանասի, և ասէ. «Տէր իմ, եթէ այդչափ
զարհուրիա յերեսաց որդւոյն Օսմանայ
մեռելոյ, կենդանւոյն զիարդ քաւեացեա
կալ 'ի գիմի և հանդարտել»: Այլ այս
համարձակութիւն եղկելոյն խեղդա
մահ սատակմամբն պատուհասեցաւ:

Իսկ Մէհէմմէտ արքայ նախ խաղաց
ընդդէմ Ճիւնէյտայ և հալածեաց զնա
մինչև 'ի Չմիւռնիա, և յետ տանօրեաց
պաշարման առեալ զքաղաքն՝ զաշտա
րակս և զպարիսպս նորին կործանեաց.
այլ զմայր, զկին և զորդիս Ճիւնէյտայ
որ անկեալ առ թաս նորս խնդրէին ըզ
ներումն՝ արձակեաց յաղատութիւն:
Ներեաց և նմին իսկ Ճիւնէյտայ սարր.
Յացելոյ ընդ սպտտամբել իւր. այլ
քաղաքապետ Չմիւռնիոյ կարգեաց զու
րացեալն Աղէքսանդր Սիաման զորդի
Լազարայ արքային Սերովաց:

Անտի սպա գիմեալ 'ի վերայ իշխա
նին Գարամանայ՝ էառ դիւրապէս ըզ
քաղաքսն Ազշէհլը, Պէկէհէհլը, և Սէյ
տիշէհլը, և պաշարեաց զԻկոնիոն: Աւ
իշխանն Գարամանայ առ օրին խնդրեալ
զհաշտութիւն, թողութեան հանդի
պեցաւ յարքայէ, սակայն 'ի միւսում
ամին դրժեաց երգմանն, և գարձեալ
ձգեաց զՕսմանեանս 'ի վերայ իւր:

Մէհէմմէտ արքայ յայնմ արշաւանին
հասեալ Ղանկիւրիա խօթացաւ, և ա
նուանի բանաստեղծն և բժիշկ Սինան

Շէյխի անունն գիտացեալ զի մեքամաղձ
էր պատճառք խօթութեանն, վճռեաց
եթէ աւեալիք իմն յաղթութեան Օս-
մանեանց 'ի վերայ թշնամեաց՝ մի
միայն գերից է առողջութեան արքային։
Զայս գեղ դարմանոյ հնարեցաւ կաղ-
մել նմա վէզիւն իւր Պայէզիտ փաշա։
Արոյ 'ի հերուն հեաէ բարեկամ՝ գորով
իշխանին Գարամանայ՝ կեղծուպաալիք
նամակաւ կոչեաց զնա մերձ 'ի Արու-
սա, զի պատրաստ լինիցիս ասէ ընդ մե-
ռանել Մէհէմմէտայ ընդ հուպ՝ յա-
փրչտակել զսանձ կառավարութեան
աշխարհիս Օսմանեանց։ Թախարդեցաւ
իշխանն Գարամանայ 'ի հաղբան, և հա-
րաւ 'ի Պայէզիտ փաշայէն, որ կայր 'ի
դարանի, և որդին իւր Մուսդաֆա
ըմբռնեցաւ 'ի գերութիւն։

Ի լուր յաղթանակին արդարև առող-
ջացաւ Մէհէմմէտ, և զիշխանորդին Գա-
րամանայ զՄուսդաֆա արձակեաց յա-
զատութիւն։ Իսկ նա զաջ ձեռն բա-
խեալ 'ի լանջս իւր՝ երգուաւ այսպէս .
« Յորչափ ոգի կենդանի շնչէ, ասէ, 'ի
մարմնի աստ, մի լիցի ինձ երբէք ակն
դնել աշխարհիդ Օսմանեանց »։ Մէ-
հէմմէտ արքայ շատացաւ երգմամբն,
խոստացաւ դարձուցանել առ նա ան-
դրէն զամենայն զքաղաքն հայրենիս, և
պատուեաց զնա ընծայիւք թմբկի, և
գրօշու, և երխլարաց և ուղտուց։

Իսկ Մուսդաֆա հաղիւ թէ մեկնեալ

'ի բանակէն Մէհէմմէտայ՝ դրժեացերդմանն, և դերփեալ տարաւ ընդ իւր զարտական երիվարս Օսմանեանց. ասէ. « Ի խանձարրոց մինչև 'ի [Թաղումն գերեզմանի անհաշտ Թշնամու-Թիւն եղիցի ընդ մէջ Օսմանեանց և Գարամանեանց] »:

Եւ 'ի յուշ առնել նմա աւագանւոյն զերդումն իւր՝ եհան 'ի ծոցոյ իւրմէ զաղաւնի մի մեռեալ (զոր 'ի կալն իւրում յանդիսան Մէհէմմէտայ կենդանի ունէր 'ի ծոցին), և ասէ. « Յորչափ ոգի կենդանի շնչէ 'ի մարմնի աստ »:

Այսպէս յետ հեղձուցանելոյ զաղաւնին՝ անխիղճ 'ի մարտ մատուցեալ ամրացաւ յԻկոնիոն: Իսկ Մէհէմմէտ արքայ պատնէշ պաշարմամբ կառ դարձեալ զքաղաքն, և դարձեալ հաշտութիւն խօսեցաւ ընդ երդմնադանցին Մուսղաֆայի. և ինքն գէմ եդ անցանել յԵւրոսլա յամին 1416 յամսեանն մայիսի:

Կազմեաց 'ի Վելիսլօլլու տորմիղ նաւուց երեսնից. որովք ծովակալն Չալլ պէյ ասպատակեալ 'ի կղզիս Արշիպեղադոսին՝ բազում քանդմունս և կոտորածս գործեաց: Այս մարտ եդ ընդ հնգետասան նաւուց Վենեսակեցւոց, և պարտեցաւ: Եւ ծովակալ նոցին Պետրոս Լորետան Թէպէտ և 'ի դէմն և 'ի ձեռս կարէվէր խոցուեալ 'ի Թոււաւոր նետիցն Օսմանեանց, այլ Թնդանօթիւքն իւրովք ցրուեալ զՕսմանեանս,

զնաւ ծովակալին կալաւ, և զհնդե-
տասան նաւուցն նաւատոխ յանդխման
կանանց և որդւոց նոցին որ կային 'ի
հանդիպոյ 'ի ծովեղերին, 'ի սուր սու-
սերի կոտորեաց:

Ի վաղիւ անդր զամենայն Եւրոպա-
ցիս անցեալս 'ի կողմն Օսմանեանց, զորս
կալեալ էր Ալեքսեակեցւոց 'ի նաւամար-
տին, հրամայեաց Լորետան կախել 'ի
կայսն նաւուցն:

Ապա յետ երկոց ամսոց հաստատե-
ցաւ դաշն խաղաղութեան ընդ մէջ Օս-
մանեանց և Ալեքսեակեցւոց, և զդաշնա-
դիրն ստորագրեալ 'ի Ֆոսքոլոյ և 'ի Ալե-
նիէս անուն դեսպանացն Ալեքսեակե-
ցւոց էած 'ի Ալեքսեաիկ դեսպան ոմն օս-
մանեան, և ընկալան զնա Ալեքսեակե-
ցիք շքեղաշուք հանդիպիւ:

Զբաղմամբիւ սպասաւորս և զարբա-
նեակս նորուն ձրի կերակրեցին, և սպա-
տուեցին զնա ոսկեհուն դիպակաւ, և
չորիւք աղեղամբք դեղատպածոյճ ակա-
նակուն զարդարելովք ըստ օսմանեան
ախորժակաց:

1 Ասպիսի մեծարանք առ զԵսպանս 'ի
նախնի հռովմայեցոցն սովորութենէ անցեալ
ասի առ Բիւզանդացիս և առ Ալեքսեակեցիս
և առ Օսմանեանս: Այլ առ յեփեսոս այժմ
պարսոճանին և եւթ շնորհելոյ սովորութեան
պահի. ուր իանխաս օրէն էր և Բնախարանս
խարգել նոցա յիշուի իսան, և ռոճիկս յար-
քանոսս:

Յայնմ ժամանակի թագաւորք և իշխանք արևելից ելևելս զմիմեամբք առնէին 'ի պատուել զՄէհէմմէտ արքայ թղթովք խնդակցութեան և 'ի շահել զբարեկամութիւն նորին . յորոց միջի գլխաւորքն էին Շահրուխ որդի Լէնկ թխմուրայ, Գարա Եուսուֆ արքայ թիւրքմէնաց, կայսերք Բիւզանդիոյ և Տրապիզոնի, և իշխանք աշխարհացն Հայոց, Վրաց, և Աղուանից :

Սակայն յարևմուտս Վլահք և Մաճառք գլուխ ամբարձեալ ընդդէմ Օսմանեանց՝ ձգեցին ածին զարքայ մինչև 'ի Ռուսճուգ, և 'ի պարտութիւն մատնեալ առաջի նորա՝ խնդրեցին զխաղաղութիւն : Յայնժամ կանգնեաց Մէհէմմէտ մերձ 'ի Ռուսճուգ զամուրն Երկէջ կամ Ճուրճով : Նորոգեաց և զայլ բերդորայս, կարդեաց քաղաքապետ Նիկոպոլեայ զիշխանն Զմուռնիոյ զՃիւնէյո, և յետ պատերազմաց ինչ և յաղթութեանց զորս տարաւ 'ի սահմանս Մաճառաց՝ դարձաւ յԱսիա, և հանդարտեաց զվէճս սահմանակից իշխանացն Սինոպայ, Գասդէմուռնեայ, Երզնկայի և Ճանիկու յամին 1420 :

Իբրև դառնայր գայր Մէհէմմէտ արքայ 'ի Պրուսա, պատահեցաւ տոհմի միոյ թաթարաց մնացելոց 'ի կողմանան յայնոսիկ 'ի ժամանակաց անոսի արշաւանացն թիմուրայ : Եհարց Մէհէմմէտ եթէ ոյք ոմանք իցեն, և ո՞ գլուխ նոցին .

և նորա ասե՛ն . թաթարք և մքի՛ն տոհմէ Սամղարեանց , և իշխանն մեր Միննէթ պէյ չէ սոս , այլ երթեալ է 'ի հարսանիս ուրեք : « Այսպէս ուրեմն , ասաց Մէհէմմէտ , մինչ ես 'ի պատերազմ՝ ելանեմ , իշխանքս այսոքիկ թաթարք 'ի խնջոյս հարսանեաց պարսպեն , և չերեխն իսկ յիսում գրան . արեք անցէք յԱւրոսպա » : Եւ Միննէթ պէյ դառնալ իւրովքն հանդերձ մինչև 'ի Փիլիպպէ , հիմնեաց անդ քաղաք , որ կոչեցաւ թաթար պաղարի :

Ընդ այն ժամանակս վասնոգ մեծ 'ի վերայ կայր տէրութեան Օսմանեանց յերեսաց աղանդոյ ուրումն Պէօքքլիւճէ Մուսղաֆայի , և այն 'ի սաղքանաց Սխմալլա օղլու Պէտրէտալին օրէնսդիտին :

Այս Պէտրէտալին դատաւոր զօրաց և կուսակից արքայորդւոյն Մուսայի՛ զկնի խորտակման նորին առաքեալ էր 'ի Մէհէմմէտայ 'ի Նիկիա , և անտի փախուցեալ հնարէր խորհէր նորագիւտաղանդոյ պատճառանօք 'ի ձեռս բերել զաթուն արքունի :

Ի սոյն վախճան ընտրեաց իւր դործի զէին Պէօքքլիւճէ Մուսղաֆա , որում աշակերտք նորա Տէակ սուլթան կոչէին , և ընդ նմա զուրացող հրեայն զՂորլադ հուտալին Քէմալ : Եւ սոքա 'ի դլուխ անցեալ տէրվչաց բաղմաց , ընդ ամենայն տեղիս քարոզէին նոր իմն

վարդապետութիւն , ուսուցանելով
զաղքատութիւն և զհաւասարութիւն
ընչից և սպասուոյ, և նշովելով զայնո-
սիկ որք ոչ աստուածապաշտս համա-
րիցին զքրիստոնեայս . և եղև թիւ աշա-
կերտաց նոցին իբրու վեց հազար ա-
րանց :

Զօրավարք Մէհէմէտայ արքայի
մի անգամ և երկիցս հարան 'ի նոցանէ ,
մինչև առաքեաց արքայ 'ի վերայ իս-
ռելոցն զորդի իւր զՄուրատ երկոտա-
սանամեայ զկուսակաշն Ամասիոյ , և ընդ
նմին զմեծ վեղերն իւր զՊայէզիտ բազ-
մութեամբ ասիացի և եւրոսպացի զօրաց :
Որոց մարտ սաստիկ տուեալ ընդ ա-
ղանդաւորացն 'ի բուն իսկ 'ի կաղաղս
նոցին 'ի Գարապուրուն առ Զմիւռ-
նաւ , գերի կալան ընդ այլոց բազմաց և
զառաջնորդ նոցին զՊէօրքլիւճէ Մուս-
դաֆա , և բազմապատիկ կտտանօք ոչ
կարացին գարձուցանել զնա յաղան-
դոյն :

Եւ թէպէտ մահուամբ նորին տկա-
րացան աշակերտք նորա , սակայն ընդ-
երկար ժամանակս համբաւէր 'ի մեջ
նանրահաւատից՝ եթէ ողջ իցէ գեռ ևս
Մուսդաֆա , և որպէս թէ յանմահից
ոք իցէ :

Յետ այնորիկ Պայէզիտ փաշա խոր-
ասակեալ և զերիս հազար աղանդակիցս
Գորլագ Քէմալին , զնա ևս եհան 'ի կա-
խաղան , և աճապարեաց յԵւրոսպա , ուր

ամենայն չարեացաստարան Պէտրէտափն յուրմ կուսակցօք զնոյն աղանդ քարոզէր : Եւ խորատակեալ զգօրս նորին առ Սէրէզ քաղաքաւ, կալաւ և զնա ինքն զՊէտրէտափն և ած առ արքայ : Անդ առաջի աւագանւոյն և գիտնականաց կշտամբեալ արքայի զխռովարարն՝ ըստ վճռոյ գեներալին դատապարտեաց զնա ՚ի կախաղան յամին 1421 :

Զհետ աւուրց ինչ յարեաւ միւս ոմն Տիւղմէ Մուսղաֆա անուն, որ ասէր զանճնէ՝ թէ Մուսղաֆայն իցէ որդի արքային Պայէզխտայ անյայտացեալն ՚ի պատերազմին առ Անկիւրաւ, և որպէս երկցագոյն քան զՄէհէմէտ՝ օրինաւոր ժառանգ հայրենի աթոռոյն : Եւ ձը գեաց առ ինքն ոչ միայն ամբօխ բազում, այլ և զՃիւնէյա, և զորդիս թիմուրղաշայ, և զԼէրէնոս, և զայլս յաւագ որերոյ ¹ :

1 Բոս-զանդացոց պատմաբանք հասարակէն՝ ինչ ճշմարտիւ այս այն Մուսղաֆա էր որդի արքային Պայէզխտայ . և յՕսմանէանոց անփի՝ նէշրին ՚ի սոյն իարժիւ է, ուր այլս որ զլինի նորա՝ մերժեն ամենեւին : Սակայն անափն առաջ քննուաց իստեղսաւ արդարանալ առաջնոցն բան, նախ՝ զի արքայորդւոյն Մուսղաֆայի և ոչ զիսփն անփամ գրասա ՚ի ճակատան քեզնու առ Անիիւրաւ . երկրորդ՝ զի Մեհէմէտ արքայ իոյն մեծ իալաս զգաւ չաւոր պահպանութեանն Մուսղաֆայի առ

Եւ ընդդէմ նորա Մէհէմմէտ արքայ, և մերձ ՚ի Թէսաղոնիկ տարեալ զյաղթութիւնն՝ ցրուեաց զնիզակակից զօրսնորին զԱլլահս: Մուսղաֆա և Ճիւնէյո սակաւութք ոմամբք ասպաստան եղեն ՚ի քաղաքն. և զի Թէսաղոնիկ ՚ի ձեռս Յունաց էր յայնժամ, դեսպանս առաքեալ արքայ Մէհէմմէտ խնդրէր ՚ի կայսերէն տալ ՚ի ձեռս իւր զփախըստեայն: Իսկ Մանուէլի կայսեր քաղցրութեամբ և ճարտար բանիւք առաջի արարեալ նմա զպարտս անգրթելի հաւատարմութեան առ ասպատանեալն ՚ի դթութիւն իւր, խոստացաւ երդմամբ չափ՝ ոչ երբէք արձակել զՄուսղաֆա և զՃիւնէյո յարգելանէ՝ յոր արկից ասէր զնոսա պնդապէս:

Հաւանեցաւ և Մէհէմմէտ ընդ պայմանն, և առաքէր ամի ամի երիս հարիւր հազար փողս՝ ՚ի դարման արդելականացն:

Ապա ՚ի սլատիժ պատուհասի ար-

խայներ Յունաց. և երբորդ՝ զի ուր Կոստանդնուպոլսոս ոմանք էին որ հասարածեցան զհեղատանն:

1 Փող կամ օգձի ժամանակին աւելի երբան զայժմոս դահեկան Օսմանեանց. սակաւորոյ և 300,000 փողք հասասարէին 30,000 վնէկփիեան սկոյ, հաշուեալ զսկիւն որդէս զուփայլիւս յայնժամ քասն փողոյ կամ երկուց փերմանսիան Քլարիւսց:

քային Ալահայ, որ ձեռնառու լեալ էր
 ուստանուանն Մուսդաֆայի, ասպա-
 տակեաց յերկիր նորա, և դարձաւ յԱ-
 սիա ընդ Ճանապարհ Կոստանդնու-
 պօլսոյ :

Բազում պատիւս մեծարանաց եցոյց
 նմա կայսրն Մանուէլ, ընդ առաջ ե-
 լեալ նմա բազմութեամբ աւագանւոյն
 մինչև 'ի Պէշիքգաշ, և ուղեկից լեալ
 մինչև յԻւսկիւտար, ուստի դարձաւ 'ի
 Բիւզանդիոն. և Մէհէմէտ գնաց 'ի
 Նիկոմիդիա անդորրացեալ ոգւով յեր-
 կիւղէ Մուսդաֆայի :

Իսկ զմիւս եղբայր իւր զԳասրմ ան-
 դէն 'ի Ժամ թագաւորեւոյն իւրոյ ա-
 ուեալ 'ի կայսերէն և կուրացուցեալ
 էր, և 'ի կալուած բնակութեան սահ-
 մանեալ նմա զքաղաքն Ադհիսար :

Ի գալ միւսոյ դարնայնոյն վերստին
 դարձարար Մէհէմէտ արքայ յԱդրիա-
 նուպօլիս. և զՃանապարհայն յեա ե-
 րկոց աւուրց հարեալ 'ի կաթուած է՝ ան-
 կաւ յերիվարէն :

Իբրև ետես թէ մեռանի, կոչեաց ըղ-
 հաւատարիմ վէզիրն իւր զքաջն Պայէ-
 ղիս, և յանձն արար նմա խնամով զոր-

1 Ասանդէն Բիւզանդայի՝ էնէ և այլ
 էշբայր արայի ընդ Գասրմայ կայր 'ի Կո-
 ստանդնուպօլիս, որ ասպա մերտնալ էշն + բիւ-
 րանէայ :

դին իւր զՄուրատ, որ յայնժամ կուսակալէր յԱմասիա: Պատուիրեաց թագաւորեցուցանել զնա զհետ իւր, այլ զերկոսին զկրտսերագոյնս յորդոց իւրոց աւանդել 'ի սահ զգուշութեան կայսեր Յունաց, զի ասրեացին յերեսաց եղբօրն իւրեանց երիցու:

Ի վաղիւ անդր երևեցաւ դարձեալ արքայ զօրացն իւրոց, որք 'ի մի բերան աղօթս և մաղթանս արարին վասն կենաց նորուն: Այլ նա 'ի միւսում աւուրն 'ի կրկնել կաթուածին անբարբառ եղեալ՝ ընդ երեկս վախճանեցաւ:

Խորհուրդ կալան վէղիրք իւր Իսրահիմ և Պայէզիտ թագուն սահել զմահ արքայի մինչև ցթագաւորել արքայորդոյն Մուրատայ 'ի Պրուսա: Արձակեցին վաղվաղակի առ նա սուրհանգակ մի յԱմասիա, և ինքեանք հնարեցան ըստ հանապաղորդ սովորութեան յատեան խորհրդոյ ժողովել առ արքայի:

Խնամ կալան արձակել զզօրան կիսով չափ յԱսիա, զի նորօք զօրացի կողմն նորոյ թագաւորին. և ասէին ցնտա՝ եթէ կամք են արքայի արչաւան դնել յասիակողմն: Այլ ենիչէրիք պընդէին տեսանել նախ զարքայ, և խմանալ թէ կենդանի իցէ, և ասա մեկնեացուք ասէին:

Ի զուր համոզկեր լինէին նոցա վէղիրքն եթէ բնաւ և իսկոտելն իսկ զար-

քայ 'ի ժամուն յաւելու զցաւս նորա .
 և թէ այդ խի երկմաւել իւրեանց ընդ
 կենդանութիւն թագաւորին և թէ լուր
 լիցի յունկն արքայի՝ երազեացէ անշուշտ
 մահ նորա : Ապա 'ի տագնապ անհնա-
 րին սաշարեալք՝ այսպիսի իմն հնարս
 հնարեցան 'ի ձեռն ճարտար բժշկի ու-
 բունն որ կոչէր Քիւրոս Իւզէն :

Բազմեցուցին զարքայ իւրովք մեծա-
 շուք զգեստութն 'ի վերնատան անդ 'ի
 դահոյս , և մի ոմն 'ի սպասաւորաց նորա
 կացեալ 'ի թիկանց կուսէ գիականն՝
 երբէք երբէք շարժէր զթեզանիս մուշ-
 տակի արքային : Պատուհանք վերնա-
 տանն փակեալ էին . զի ազդ եղեալ էր
 զօրականին թէ ըստ բանի բժշկաց՝ բա-
 խունն օդոյ մահարեր էր թագաւո-
 րին : Այսպէս անցին ենիշէրիք և սպայք
 ընդ սպասուհանիւքն՝ տեսանելով ընդ
 ապակիս զարքայ 'ի դահոյս նստեալ 'ի
 մթան և զշարժումն ձեռնինն իբրու յող-
 ջունատութիւն նոցա . և այնու շա-
 սացեալ՝ սկսան 'ի ձայն բարձր մաղթել
 թագաւորին երկայն աւուրս , և մեկնե-
 ցան յԱսիա :

Զհետ աւուրց քառասնից վախճա-
 նելոյն արքայի՝ իբրև դարձաւ սուրհան-
 դակն արձակեալ յԱմասիա , և ազդ ա-
 բար զգալուսա արքայորդւոյն 'ի Պրու-
 սա , համբաւեցաւ միանգամայն և մահ
 Մէհէմէտայ , և թագաւորել որդւոյ
 նորին Մուրատայ 'ի Պրուսա , և գիական

Մէհէմմէտայ հանդերձ կիսով բանա-
կին ամաւ անգր 1 :

Բայ 'ի զանազան երևելի շինուածոց՝
կատարեաց արքայ Մէհէմմէտ և զհոյա-
կապ մղկիթն Ազրիանուպօլսոյ զՌւլու-
ճամի, և զՊրուսային զհամանուն, զորս
հայրն իւր և եղբարք հիմնեալ էին: Եւ
ապա կառոյց 'ի Պրուսա զԷւրն, որ կո-
չեցաւ Եշիլ իմարէթ՝ սակա կանաչա-
գոյն պարսիկ յախճապակեացն՝ որովք
յարկեալ էին յայնժամ գմբէթք և աշ-
տարակք մղկիթին. և շինեցաւ ճարտա-
րագործ մղկիթն յամս երիս, և ծախե-
ցան 'ի նա քառասուն հազար ոսկիք:
Հուպ 'ի մղկիթս կառուցաւ ապա և հոյ-
ակապ շիրիմ նորին Մէհէմմէտայ հան-
դերձ աղքատանոցաւ :

Առ նովաւ սկիզբն եղև և գիտու-
թեանց և մտտենադրաց ծաղկելոյ
'ի տէրութեան Օսմանեանց, և ար-
դեամբք ցուցաւ յամենայնի ընտիր և

1 Այս սովորութիւն 'ի ժածոսի ունելոյ
զվարճանել թագաւորին փեսոցի և այլ եր-
բէք 'ի պաքճութեանս, 'ի պաքճառս անհա-
խառսի ժառանգելոյ զգահն յաջորդին՝ յոր-
ժամ 'ի Բացեայ գրասենից նա: Չքնի ժամա-
նախոց իբրև ոչ ևս առաքելին արտայորդի
իռսախալութեամբ 'ի հեռաստան, այլ անդէն
յարտանիս պահելին 'ի իանանոցի անդ 'ի վան-
դաին անսանեալ փեղ-ոջ, Դատարեաց ընդ
վրանգին և այն զգոս-լութիւն :

ազնիւ բարք և ակորժակ Չէլէպի սուլ-
 դան Մէհէմէտին առաջնոյ, որ մեռաւ
 ամաց քառասուն և երկոց, թաղաւ
 րեալ ամս ութ, և ունէր որդիս Հինգ,
 որք են սուլդան Մուրաա, Մահմաւ,
 Եւսուֆ, Մուսղաֆա, և Ահմէտ: Եր-
 կուք ՚ի սոցանէ մեռեալ էին առ կեն-
 դանութեամբ հօրն իւրեանց, և եր-
 կուքն ապա վախճանեցան ՚ի տարա-
 ժամ մահուանէ:



ՍՈՒԼԴԱՆ ՄՈՒՐԱՏ Բ

ԷՊԻՒԼ ԽԱՅՐԱԹ

ՅՈՒԹՈՒՏԱՍՆ ամաց հասակին թա-
 դաւորեալ սորա, և ածեալ ընդ մէջ ըղ-
 սուսերն՝ ի ձեռն Պուխարի ծերունոյն,
 իբրև կատարեաց զուժօրեայ սուգ մա-
 հու հօրն իւրոյ՝ արձակեաց շուրջանա-
 կիսու սահմանակից տէրու թիւնան դես-
 սանս, և նորողեաց զգաշինան որ ընդ
 հայր իւր և ընդ նոսա: Ընդ իշխանին
 Գարամանայ հաստատեցաւ ուխտ բա-
 րեկամութեան, և ընդ արքային Մա-
 ճառաց Սիդիամունդայ հնգամեայ դա-
 դարունն զինուց:

Մինչև հասեալ դեսսրանացն Մու-
 րատայ՝ ի Աոստանդնուպօլիս, Մանուէլ
 կայսր առաքեալ արս՝ սրահանջէր ի
 Մուրատայ աւանդել ի ձեռս իւր զեր-
 կոսին եղբարան ըստ սրատուիրելոյ Մէ-
 հէմմէտայ. ապա թէ ոչ, արձակեմ ա-
 սէր զորդին Պայէզիտայ զՄուսգաֆա
 զբուն ժառանգ աթոռոյդ: Ետ սրա-
 տասխանի Պայէզիտ փաշա յանուն ար-
 քայի՝ եթէ հակառակ է օրինաց մերոց
 տալ զորդիս մեր ի դաստիարակութիւն
 ընդ ձեռամբ քրիստոնէից. շատ լիցի
 կայսերդ բարեկամութիւն մեր:

Յայնժամ կայսրն ընդ հակառակս արքայի գնացեալ՝ առաքեաց եհան յարգելանէն Վեմնոսի զՄուսղաֆա և ըզճիւնէյտ տասն նաւուք. և Մուսղաֆա՛ի փոխարէնս ազատութեանն երդուալ թողուլ ՚ի կայսրն զՎէլիպօլու և զամենայն զժողովեղերայսն ՚ի հիւսիսակողմն Կոստանդնուպօլսոյ մինչև յերկիրն Վլահաց :

Բնակիչքն Կէլիպօլեայ և մերձակայ վայրաց վաղ յարեցան ՚ի Մուսղաֆա. այլ ոչ և ամրականքն : Վասն որոյ թողեալ ՚ի սաշարումն բերդին զնիպակակնց զօրս Յունաց, ինքն յածէր շուրջ զգաւառան և յաւելոյր զթիւ զօրաց իւրոց օր ըստ օրէ :

Եբրե ազգ եղէն իրքն առ Մուրատ արքայ, վեղիւրքն իւր Իպրահիմ և Այվազ փաշա յորդորեցին զնա առաքել ընդդէմ Տիւզմէ Մուսղաֆային զքաջ սարսապեան ծերունի զՊայեզլիս, ընդ որոյ փառան ՚ի վաղուց հետէ մահային : Յանձն էառ արին Պայեզլիս զփառանգն սակս հայրենի աշխարհին, և անց սակաւաձեռն գնդաւ ընդ Վոսփոր յԵւրոպա : Եւ զօրաժողով լեալ անդէն արանց իբրու երեսուն հազարաց՝ բանակեցաւ հանդէպ Ազրիանուպօլսոյ ՚ի ճախճախուա հովտին՝ որ կոչի Սաղլտեղէ :

Իսկ Մուսղաֆա իբրև եկն ճակատեցաւ և նա ՚ի հանգիպոյ, ձայն ետ զօ-

րացն Մուրատայ՝ քաջ ճանաչել զօրի-
նաւոր ժառանգ աթոռոյն Օսմանեանց,
և շխարիչ: Եւ ահա անդէն վաղվազա-
կի ամենայն զօրքն գունդազունդ ան-
ցին առ նա յայնկոյս, և Պայէզիս և եղ-
բայրն իւր Համզա պէյ ձերբակալեալք
արկան ՚ի շղթայս:

Անօրէնն ճիւնէյա՝ որ յամաց բազ-
մաց խեռայր ընդ Պայէզիսայ, հրաման
ընկալաւ ՚ի Մուսղաֆայէ, և ետ զե-
նուշ զօրի զօրավարն առաջի աչաց իւ-
րոց շորաշար նախատանօք, այլ Համ-
զայի շորհեաց զկեանսն:

Ի լուր այսր յաղթութեան անձնա-
տուր կղեն և ամբականքն Ալէքսոզլեայ ՚ի
Մուսղաֆա: Այլ նա գրծեալ երգ-
մանն՝ խարեաց զՅոյնա, և ոչինչ ոչ ետ
կայսերն: Յայնժամ գիմեաց կայսրն
վերաափն առ Մուրատա արքայ, և ինդրէր
զբարեկամութիւն նորա. այլ զի նա յա-
մառեալ պնդեալ էր պահանջել միան-
գամայն զեզբարա արքայի զորդիս Մե-
հեմեկաայ, բանք իւր շեղեն բնաւ լսելի,
և արքայ Մուրատա փոխանակ կայսերն
բարեկամութեան ինդրեաց զնիզակակ-
ցութիւն Գենուացւոցն Փովկիդեայ:

Նոցին նաւուք վարձելովք ընդ յի-

1 Սոսա յամաց հեփէ ինքնիշխան Գիւրա-
դեփէին ՚ի Մեւթիփինէ իղլուսը, և շահ Ռեծ
էր նոցա ՚ի հանդիպակաց վեռնէ անփ՛ յոր-
Ռե գեղի առաքանիւնի գաղտնի ընփոխ:

սուն հաղար սակոյ մինչդեռ պատրաստէր Մուրատ անցանէլ յԵրոսոպա, ճիւնէյա զարթոյց զՄուսղաֆա 'ի թըմբու թէնէն՝ որով 'ի մեղկութիւնս զառածանէր նա յԱդրխանուսլուսլիս, և անցոյց զնա բազմութեամբ զօրաց յԱսիա և բանակեցան երկօքին կողմանքն մերձ 'ի Ղամիսակ աստի և անտի Ուլուսլաս գետոյ :

Մուրատ արքայ ըստ խրատու որդւոցն թխմուրդաշայ, որք էին Ալի, Ումուր սէյ, Ուրուճ և Հաճի Իվազ, ազատեաց եհան 'ի բանակ զՄիսալեանն Մէհէմէտ, զի յորդորեացէ զյառաջսպահ գունդն Մուսղաֆայի՝ ըզհրոսական, որոց 'ի սկզբանէ հեռէ Միսալեանք զօրավար կային նոցա, և օտարացուցէ զնոսա 'ի Մուսղաֆայէ :

Ի գէտ ժամուն յռնդանց Մուսղաֆայի արխն բազում հոսեալ զերխաուուրս, թէպէտ և յաւուրն չորրորդի գագարեաց, այլ ինքն կարի յոյժ թալկացեալ տկարացաւ :

Եւ իբրև լուան հրոսակքն գիշերայն զձայնն Մէհէմէտայ որ յամն գետոյն կացեալ 'ի հանգիսոյ կոչէր յանուանէ զգլխաւորս նոցին զԻուրխան, ըզկիւմլիւ օղու, և զորդիան Իւրէնոսի, ազմուկ մեծ յարուցեալ խուժեցին յայսկոյս առ իշխանն իւրեանց :

Չայն տեսեալ Իվազ փաշային՝ փորձ փորձեաց ուժացուցանել 'ի Մուս

դաՖայէն և զՃիւնէյտ: Առաքեաց առ նա գիշերայն զեղբայր նորին զՀամգա առանձին թղթով, յորում խոստանայր նմա զկուսակալութիւն Այտընայ՝ էթէ լքանիցէ զկողմն Տիւզմէին: Միւս ևս թուղթ առաքեալ առ Մուսղաֆա՝ իբր ՚ի ցոյց իւրումն առ նա մատրմութեան ազգ առնէր նմա զգուշանալ անձին, զի Ճիւնէյտ միաբանեալ է ասէ ընդ իւր զբազումս ՚ի զօրականէն, և ինդրէ մասնէլ զքեզ ՚ի ձեռս Մուրատայ:

Եւ ոչ ՚ի զուր ինչ պատահեաց դաւն, զի Ճիւնէյտ գիշերախառն անց գնաց եօթանասուն հեծելովք յայնկոյս գէտ ուղիղ ՚ի դաւառն Այտընի: Եւ իբրև այդ եղև, ՚ի յայտնէլ դաւաճանութեանն՝ զօրք Մուսղաֆայի ահագին խուճապմամբ ՚ի փախուստ աճապարեցին, և ինքն իսկ Մուսղաֆա սակաւութումամբ խուսափեալ անց ՚ի Կէլիպօլու:

Անդր գիմեաց Մուրատ արքայ եօթամբք մեծամեծ նաւութք Գենուացւոց, և մինչ զօրք Մուսղաֆայի դեռ մարտընչէին ընդ Մուրատեանս, ինքն Մուսղաֆա փախեալ յԱդրիանուպօլիս, և անտի յերկիրն Վլահաց:

Աւուրս երիս եկաց Մուրատ ՚ի Կէլիպօլու. զամբականան կոտորեաց, և զիշխանն Գենուացւոց մեծարեաց յոյժ և ազատ կացոյց ՚ի տրոց անտի սարեկանաց՝ զոր հատուցանէին Գենուացիք

Օսմանեանց ոսկիս քսանեւ օթն հազարս :
Ապա խաղաց զնոց յԱդրիանուպօլիս ,
և զինակիչս քաղաքին որ առ հասարակ
'ի ձայն ցնծութեան ելին նմա ընդ ա-
ռաջ՝ հրաւիրեաց յարքունիս իւր 'ի մե-
ծածախ ինջոյս ուրախութեան : Իսկ
Մուսղաֆա մասնութեամբ իւրոցն
ձերքակալ եղեալ 'ի Գրգըլաղա՝ ածա-
տա Մուրատ , և նա հրամայեաց կախել
զնա 'ի մի յաշտարակաց քաղաքին յամի
1/4 22 :

Իբրև ետես կայսրն Մանուէլ՝ զի խոր-
տակեցաւ նեցուկն ամբութեան իւրոյ
Մուսղաֆա , աճադարեաց դեպանա
արձակել դարձեալ առ Մուրատ , և
զանձն անբասիր արարեալ՝ զամենայն
զի՛նաս եղելոցն արկաներդ Վայեղիտաւ ,
որ ոչ աւանդեաց 'ի ձեռս իւր զեզրարս
արքայի :

Բայց Մուրատ բնաւ և տեսանել ան-
գամ շիամեցաւ զդեպանան , և կա-
լեալ զնոսա 'ի դիպահոջ մինչև կազ-
մեացէ սլատրատուսցէ զզօրան գիմել 'ի
Կասսանդնուպօլիս , արձակեաց զնոսա
յետա , և սլատուիրեաց ասել կայսեր ,
թէ ահա ես ինքնին գլխովն գամ 'ի մօ-
տոյ տալ նմա սլատասխանի :

Խաղաց զնոց 'ի Բիւզանդիոն քսան
հազար արամբք , և հեղեղաբար ողո-
ղեալ զամենայն շրջակայս թագաւո-
րեալ քաղաքին , զէնս հրդեհեալ , զան-
ասունս կոտորեալ , և զմարդիկ 'ի գե-

բուժիւն վարեալ՝ եկն պաշարեաց զքաղաքն՝ ի ցամաք կուսէ. և կանգնեալ ամուր պատնէշ ի կողմն Դոփի գափու անուանեալ գրանն՝ սկսաւ հարկանել զպարխապն բարանօք մեծամեծօք : Զի էին ի բանակին աշտարակք փայտաշէնք ըստ բարձրութեան պարսպաց քաղաքին՝ յերկաթապատ անիւս խարըսխեալք, և կառք գերանդաղէնք և կրիայք անհամարք ի բազմութենէ : Եւ առ յորդորագոյնս առնելոյ զզօրսն քարոզ կարգաց ի բանակին՝ եթէ քաղաքն ողջոյն յաւար մատնեսցի նոցա :

Անդ էր տեսանել զխախտումն անհազին բանակին, որք ելլելս զմիմեամբք արարեալ փութային յառ և յապուռ փարթամութեանցն Յունաց :

Յայնժամ և ծերունին Պուխարի էմիր սուլթան եկն անդր՝ անցեալ ի գլուխ հինգ հարիւր տերովիչաց, և ախտարական դուշակութեամբ հաստատեաց՝ թէ ի քսաներորդի չորրորդի աւուր օգոստոսի զհասարակ աւուրք ի մերկանալ իւրում զսուսերն և ի գոչել առ Աստուած երիցս անգամ, ինքնին հոսեսցին իբրև զճուր պարխապն Բիւզանդիանի :

Եկն եհասն օրն սյն, և Պուխարի հեծեալ ի ջորւոջ առաջնորդէր ամենայն բանակին սուսերամերկ մինչև մօտ ի պարխապն : Եւ ի գոչել ընդ նմա ամենայն Օսմանեանց յերկինս ի մի ձայն

բարբառոյ, Բիւզանդացիք առ հասարակ 'ի զէն ընթացեալք՝ մինչև կանայք և մանկունք անգամ 'ի պարխապս անդր ելանէին, և փոխանակ սուսերաց մանգաղս, և փոխանակ ասպարաց յատակս տակառաց 'ի գործ արկեալ կատաղաբար մարտնչէին :

Ընդդէմ վէզիրաց և ամիրայից արխոնտալքն կռուէին, և ընդդէմ տէրվիչաց միայնակեացք. և ընդ գոչիւն աղաղակի Օսմանեանց խառն հնչեցեալ աղաղակ քաղաքացեացն, և շաչիւն նետից և շառաչիւն հրազինուց, զարհուրէլի զպատերազմն գործէին :

Այն ինչ արեգակն 'ի մուտս խոնարհէր, և տակաւին Յոյնք անյողգողգարութեամբ մարտ եղեալ կռուէին, Օսմանեանք հուր հարին 'ի մանդղինոս իւրեանց, և բարձեալ զպաշարուսն մեկնեցան փութանակի :

Քանզի լուր եհաս առ Մուրատ արքայ՝ թէ եղբայր նորա Մուսղաֆա, որ մանուկ էր յայնժամ ամաց երեքտասանից, ակն եղեալ 'ի գահ նորին՝ բրանացեալ է 'ի Նիկիա նիզակակցութեամբ իշխանացն Գարամանայ և Աերմիանու : Աճապարեաց էանց Մուրատ արքայ յԱսիա. և ընդ հասանել յառաջապահ զորացն արքունի 'ի գրունս Նիկիոյ՝ նոր վէզիրն Մուսղաֆայի թաճէտոփն եհան զնա 'ի բաղանեաց, և հեծուցեալ յերիվարն՝ դարձաւ 'ի փախուստ :

Բայց իշխանս պէջ տակառ ստրկան Մուս-
 րաֆայի կանխառ կաշառեալ 'ի Մու-
 րասայ, մեծամեծ խոստմամբք կաշառ-
 ած զեղբայր նորին 'ի բանակ անդր. և
 Մուրասո հրամայեաց կախել զայս եր-
 րորդ Մուսգաֆա զթզէնեոյ միոյ որ
 կայր հանդէս Քաղաքին, և զխակն նո-
 րա թաղեցաւ առ հօրն իւրում 'ի Պրու-
 սա: Չերբարկալ եղև սուր և Թաճէա-
 փն և յօշ յօշ կոտորեալ սպանաւ յա-
 մի 1423:

Մինչդեռ զօրավարքն Մուրասայ
 Ֆիրուզ և որդին Էւրենոսի յազթու-
 թիւնս առնէին յԷւրոպա, մին ընդ-
 դէմ Վլաճաց, և միւսն ընդդէմ Յու-
 նայ և Անաուստայ, ինքն արքայ խա-
 զաց 'ի վերայ Իսֆէնախարայ իշխանին
 Սինոպայ՝ որ նշկահեալ էր զՄուրասո:
 Այլ նա վաղ նուաճեալ յարքայէ՝ ե-
 թող 'ի նա զԳաստգէմուճի, և զԳուսար
 իւր խոստացաւ տալ նմա 'ի կնութիւն:

Յետայնորիկ կամեցեալ արքայինուս-
 զէլ զթիւ վէղերաց իւրոց (որ էին երե-
 քին որդիք Թիմուրգաշայ, և Իվազ, և
 Իպրահիմ), զԱւուր կարդեաց իշխան
 Վէրսիանու, զԱւուր՝ կողմնապետ Ա-
 սիոյ, և զԱլի՝ իշխան Սարուխանայ:
 Թշնամիք Իվազայ ամբաստան եղէն
 զնմանէ առ արքայ՝ որպէս թէ խոր-
 ճիցի դաւաճանել զնա: Յաւուր միում
 ըստ զխազայ իմն եղեալ արքայի զձեռն
 իւր 'ի թիկունս նորին՝ խնայաւ զի զրա-

հաւոր էր ի վաղ ՚ի ներքոյ զգեատուցն .
 եհարց զնա, թէ զի՞նչ այն իցէ . և յա-
 սել ի վաղայ՝ և թէ առ ահի զօրականին
 է, յաւելան կասկածանք ՚ի միտս ար-
 քայի, և հրամայեաց կուրացուցանել
 զնա : Այսպէս մնաց մի միայն վէզիբ
 ի պրահիմ փաշա :

Գարձ արարեալ Մուրատայ յԱ
 դրիանուպօլիս՝ կատարեաց մեծաւ շք-
 քով զհարսանիս իւր ընդ դատեր իշ-
 խանին Սինուպայ . ապա և զհարսանիս
 երեցուն քերցն իւրոց, զորոց զմին էառ
 ՚ի կնուծիւն Գասրմպէյ որդի Իսիէն
 տիարայ, զերկրորդն Գարաճէ չէլէպի
 կուսակալ փոքուն Ասիոյ, որ ապա
 անկաւ ՚ի պատերազմին Ասանայի, և
 զերրորդն Մահմուտ չէլէպի որդի ի պ-
 րահիմ փաշային :

Ի նմին ամի մեռաւ կայսրն Մա-
 նուէլ, և Մուրատ արքայ խաղաղու-
 թիւն խօսեցաւ ընդ յաջորդի նորին
 Յովհաննու, սրայմանաւ՝ զի զամենայն
 քաղաքս և զքերդորայս որ ՚ի կողմն
 Սեաւ ծովու՝ թողցէ կայսրն ՚ի ձեռս
 Օսմանեանց, և ամի ամի երեսուն հա-
 զար վենեակեան ոսկիս հարկեսցի նո-
 ցա : Գետպանս առաքեաց և առ նորա-
 պսակ արքայն Մաճառաց Սիգիսմունդ
 բազում ընծայիւք ոսկեհուն զխա-
 կաց և կապերտից և արծաթի անօթոց,
 և հաստատեաց գուլ առնել զինուոց
 երկամեայ . և Սիգիսմունդ ՚ի փոխա-

բէն ընծայիցն առաքեաց առ նա դիպակս, չուխայս, երիվարս վեց և ոսկիա չորեքհարիւր :

Ընդ այն աւուրս անհանգարտն ճիւնէյտ, որ փախուցեալ 'ի բանակէ Տիւղմէ Մուսղաֆային և անկեալ էր 'ի Զմիւռնիա, խաժամուժ զօրօք յարձակեալ էր 'ի վերայ իշխանին Այսրնի և տիրեալ երկրի նորուն, և երթալով երթայր և զօրանայր :

Առաքեաց Մուրատ 'ի վերայ նորա զխալիւ Եախշի պէյ զքեռայրն Պայէղիտայ սպանելոյ 'ի ճիւնէյտայ. և նա յառաջնում ճակատուն 'ի գերութեան վարեաց զեղբայր և զորդի մատնչին :

Զայն զգացեալ ճիւնէյտայ՝ ամրացաւ 'ի բերդն Ղախալա, և իբրև լուա եթէ այլ ևս զօրք առաքին 'ի Մուրատայ 'ի վերայ իւր, յանձն արար զամուրն եղբօր իւրում կրտսերոյ, և ինքն գնացեալ առ իշխանն Գարամանայ՝ ընկալաւ 'ի նմանէ յօգնականութիւն ոչ ինչ աւելի քան զհեծեալս հինգ հարիւր, և դարձաւ եկն Ղախալա, զոր պաշարէր համզա պէյ եղբայր Պայէղիտայ յիսուն հազարաւ :

Եմուտ ճիւնէյտ հնարիւք յամրոցն, և սկաւ մարտ գնել սաստկապէս ընդ պաշարիչան : Այլ յառաքել արքայի ընդ ծով 'ի վերայ ամրոցին զիշխանն Գենուացոյ, իբրև ետես ճիւնէյտ՝ զի և նիղակակից հինգ հարիւրքն նշկա-

հեալ վտարանջեցին 'ի նմանէ և անցին 'ի կողմն թշնամեաց, երգմնի արար ըլլալի վաշա խնայել 'ի կեանս իւր, և անձնատուր եղև նմին :

Համզա պէյ որ 'ի ժամուն յԱփեսոս երթեալ էր, իբրև դարձաւ 'ի բանակ անդր և զգաց զեղևալն, արձակեաց գիշերայն դահիճս չորս 'ի տուն ճիւնէյտայ . և նորա երթեալ խեղդամահ սատակեցին զճիւնէյտ ընտանեօքն հան գերձ՝ մինչդեռ խոր 'ի քուն ննջէին, և զգլուխս նոցա առաքեցին առ թագաւորն յԱդրխանուպօլիս :

Յայնժամ հրամայեաց արքայ 'ի մահ տալ և զհամզա զեղբայր ճիւնէյտայ, և զԲիւրս զորդի նորին, որ 'ի կալանս կային 'ի Վէլիպօլու : Եւ յամին 1/4 25 ջնջեցաւ տոհմն ճիւնէյտայ խռովարար մատնչի, որ զամս քսան ոչ դարէր 'ի տաղնապէլոյ զթագաւորս Օսմանեանց :

Զերծեալ Մուրատ արքայ 'ի բուն թշնամոյն՝ անց յԱսիա, զի այց աշապէ գաւառաց տէրութեանն և ամրացուցէ զնոսին : Ի քաղաքին Եփեսացոց ընկալաւ զգեազանս դաշնակից տէրութեանցն Վլասաց, Սերվաց, Յունաց, Գենուացոց և այլոց, բաց 'ի Վենեակեցոց . քանզի ռիսացեալ էր արքայ ընդդէմ նոցա յաղագս գնելոյ նոցին 'ի կայսերէն Յունաց զԹեսաղոնիկէ :

Ընդ այն ժամանակս բազմացեալ

էին յեւուզակք 'ի կողմանա Եւգոկիոյ
 և Ամասիոյ . որոյ գլխաւորքն էին որդիք
 չորք Գըզը Գօճա անուն թխւրքմէնին :
 Եօրկիւճ՝ փաշա վաղեմի գասախարակն
 արքայի՝ որ ունէր յայնժամ՝ զկուսա-
 կալութիւն փոքուն Ասիոյ , խոհական
 դաւով հրաւիրեաց զնոսա յԱմասիա ,
 որպէս թէ կամիցի նոցին նիզակահցու-
 թեամբ յառնել 'ի վերայ թխւրքմէ-
 նացն բռնացելոց 'ի կողմանա Ճանիկու :

Եւ որպէս զի գիւրաւ ձգեացէ զարան
 'ի ծուղակ անդր՝ հեռացոյց յինքենէ
 զզորս իւր . կեղծեաց ինքն յԱմասիա
 զխօթութիւն , և զորդին իւր հանդերձ
 ընծայիւք արձակեալ ընդ առաջ նոցա
 'ի Մարզուան՝ ներումն հայցելր 'ի նո-
 ցանէ , զի չկարաց ինքնին պատուել
 զնոսա : Կբիւ եկին հասին նոքա արք
 չորեքհարիւր յԱմասիա , խնջոյս կար-
 դեաց նոցին 'ի տան ուրեք . և 'ի խոր գի-
 շերի մինչդեռ թմրեալ կային անշարժք
 'ի քնոյ և յարբեցութենէ , Եօրկիւճ
 փաշա եհաս 'ի տեղին , կապեաց կաշ-
 կանդեաց զամենեւին զնոսա և արկ 'ի
 տուն բանախ , և զգուռն տանն հիւ-
 սեալ՝ հուր եհար և այրեաց զնոսա 'ի
 նմա : Ապա գիմեալ զօրօք 'ի բուն բնա-
 կութիւնս նոցին՝ յաւարի էառ զամե-
 նայն ինչս նոցա և զոչխարս անհամարս
 'ի բազմութենէ :

Յաւուր եօթներորդի զկնի հրդեհին
 իբրև դարձաւ Եօրկիւճ յԱմասիա , ան-

կաւ առ ոսոս նորա պառաւ ոմն կին, և հայցէր շնորհէլ ինքեան զգիական օրդոյ իւրոյ, որբա գիպաց հիւստեալ էր ՚ի տան բանտին ընդ չորեքհարիւր յելուզական, և ինքն չէր ՚ի թուոյ նոցա: Իբրև էառ զհրամանն, սլացաւ ՚ի տուն անդր մայրն գորովագուծ, և եգիտ ՚ի մէջ չորեքհարիւր գիականոց զօրդեակն իւր. անկաւ ՚ի վերայ նորա օղիտղորմ կականմամբ, և տեսեալ ՚ի նմա զնշան կենդանութեան՝ առ տարաւ զնա ՚ի տուն, և ճարտար հնարիւք առողջացոյց զնա:

Այսպիսի խնն խորագիտութեամբ կալաւ Եօրկիւճ և զամուրն Գօճագայտսի ՚ի ձեռաց հայտերայ: Զի որսացեալ զմի ոմն ՚ի մտերմաց հայտերայ՝ խոստանալով տալ նմին ՚ի կնութիւն զգուստր իւր, խրատ ետ զի հուր հարցե ՚ի համբարանոցս և ՚ի զինարանս ամբողջին. և նա արար այնպէս, և ամբականքն անձնատուր եղեն: Ապա հնարէր առնուլ և զբերդն ճանիկու ՚ի ձեռաց հիւսէյին սէյի: Այս հիւսէյին ինքնին բերեալ առ Եօրկիւճ զբանտիս իւրոյ բերդին՝ բանտարդէլ եղև ՚ի նշմանէ ՚ի Պրուսա, և անտի փախուցեալ անկաւ առ նա ինքն Մուրատ արքայ, որ շնորհեաց նմա ընդ կենացն և զբերդէլտութիւն միոյ ՚ի նահանգաց եւրօպական մասին:

Ոչ ինչ ընդհատ ճոխարար վարեցաւ

Մուրաս արքայ և ընդ իշխանին Կեր-
միանու, որ յայց եկեալ էր նմին յԱ
գրիանուպօլիս, և արքայակերպ մեծա-
բանօք պատուասիրեաց զնա: Այլ իշ-
խանն անցոյց զանցոյց քան զարքայ յա-
ռատաձեռնութեան մասին. զի յան-
բառ գանձուց անտի զոր ածեալն էր
ընդ իւր՝ այնչափ ինչ պարզես չուայ-
լեաց դպրոցաց և աղքատաց և որոց կար-
գեալ էին յարքայէ առաջնորդել նմա,
զի ՚ի գարձին իւրում իբրև ևհաս ՚ի Կե-
լիպօլու՝ չգոյր նորա գրամ հատուցա-
նելոյ վասն անցիցն յայսկոյս. վասն ո-
րոյ նամականի արձակեալ առ արքայ
յայտ արար նմին զպէտան: Առեալ ար-
քայի զթուղթն ասէ. «Գոհութիւն
երկնից, որ ետուն մեզ եղբայր զուն՝ որ
ոչ միայն զիւրոյ երկրին զհասս, այլև
զմերան ծախեալ սպասէ»: Սակայն
փութով առաքեաց առ նա յուղ զը-
րանս ըստ արժանեաց տուողին և ա-
ռողի:

Յաւուրան յայնուսիկ յամին 1430
պարտասեալ թեասողոնիկեցւոց յերե-
սաց ասպատակութեանցն Օսմանեանց,
որք զեռ ևս յողթանակեալ էին և ՚ի
վերայ Մաճառաց և առեալ զամուր
ամուր տեղիս, և ոչ ևս յուսացեալ ՚ի
ձեռնառութիւն կայսեր, վաճառեալ
էին զքաղաքն իւրեանց ՚ի ձեռս Վե-
նեակեցւոց, և զՆերսնիկոս քաղաքա-
պետ զեղբայրն կայսեր յուղարկեալ
նախատանօք ՚ի Բիւզանդիան:

Ընդ որ զայրացեալ Մուրասայ ար-
քայի՝ մերժեաց զհրեշտակու թիւն Վե-
նեակեցւոց . « ԶԹեասաղոնիկ վաղ ու-
րեմն առեալ էր, ասէ, հաւուն խնոյ
Պայէղիսոյ . և իմ իշխանութիւն էր
սպահանջել զայն 'ի Յունաց յորժամ
և իցէ որպէս զիմ ժառանգութիւն հայ-
րենի : Արդ զինչ իրաւունք իցեն
Փռանկացդ գնոց առնուլ զքաղաք այդ-
պիտի » :

Ապա խաղաց գնաց յԱդրիանուպօլ-
սոյ 'ի Սէրէզ, և անտի արձակեաց 'ի
սպաշարումն Թեասաղոնիկեայ զհամգա-
պէյ հանդերձ զօրօք որ հարիւրասպա-
տիկ առաւել էին քան զթիւ բնակ-
չացն, սակս որոյ և հաղիւ գտանելը մին
մի այր սպահնակ երկուց և երկից մարտ-
կոցաց 'ի վերայ սարսալին :

Զառաջինն յորդորէր արքայ զքա-
ղաքացիան երկիցս և երկիցս՝ անձնաստուր
լինել, և երդնոյր ոչ ինչ առնել նոցա
մնաս . այլ Վենեակեցիք անսացին ինչ
ոչ, թեպէտ և 'ի վերայ հասեալ գի-
տէին զսպառսպուռ լքումն Յունաց :

Հրամայեաց Մուրատ քարոզ կար-
դալ 'ի բանակին, եթէ սրբայ զհող
երկրին և եթ անձին սպահեալ՝ զամե-
նայն զքաղաքն բնակչօքն հանդերձ յա-
ւար մասնէ զօրաց իւրոց : Յայնժամ
սինդեցին Օսմանեանք զսպաշարումն քա-
ղաքին սաստկապէս յարեւ լից և յարե-
մլտից, և սկսան տեղալ 'ի սպարխապս

անդր տարափա նեախց . մինչև ոչ կարացեալ պաշարելոցն այլ ևս տուկ ունել 'ի պարսապին՝ հարկէին յեսս յեսս խուսելով վանել քոնաքարամբք զվերելեական ընդ սանդուղս . որպէս զի բազումք յՕսմանեանց չև անցեալ ըզկէս սանդղոցն՝ տասպատ անկանէին յերկիր , մինչև մի ոմն 'ի նոցանէ խրոխտագոյն քան զայլն՝ զսուրն կալեալ յատամուճս իւր՝ սողոսկեցաւ ել 'ի վերջ Զայն տեսեալ քաղաքացւոցն՝ շտապ տաղնապաւ աղմիւեալք խուսափեին . համարէին այնպէս , եթէ առան պարիսպքն ողջոյն : Եւ յիրաւի խուժեցին Օսմանեանք ընդ սանդուղսն և ընդ խրամատս , և լցան զեղան 'ի մէջ քաղաքին :

Յայնժամ սկիզբն եղև ահագնալուր աղեախց քաղաքացւոցն : Յայնժամ այր այր յՕսմանեանց իբրև զցինս որսականս խոյացեալք 'ի վերայ արանց և կանանց խուճապելոց՝ գերէին յափշտակէին , և խառն 'ի խուռն կապեալ զնոսս ընդ միմեանս ածէին 'ի բանակեաղն : Անդ էր տեսանել զողորմ կոտորած տղայոց անմեղաց , և զլալահառաչ բաժանուճն ծնողաց յորդեկաց : Պղծեցան եկեղեցիք , և օանակոխ եղեն պատակերք սրբոց : Պեղեցին զգերեզման սրբոյն Դեմետրի պաշտպանի քաղաքին՝ յուսալով գտանել 'ի նմա գանձ բազում , և կամելով սպառել զանապառ աղբիւր անուշահոտ միւռոնին որ հոսէր 'ի պատուական նշխարաց սրբոյն :

Յետ այնորիկ հողացեալ Մուրա-
տայ՝ զի մի ՚ի սպառ անմարդաբնակ լիցի
քաղաքն, հրամայեաց դերեացն փըր-
կանաւորելոց յիւրեանցն ազգականաց՝
դառնալ բնակել ՚ի քաղաքին : Զքա-
ղումս յեկեղեցեացն կարգեաց ՚ի մըզ-
կիթս, և զայլս քանդեալ՝ քարամեք նո-
ցին շինեաց ՚ի մէջ քաղաքին բաղանիս-
խիկ զվանորայս կարգեաց յիջևանս կա-
րաւանաց :

Եւ ինքն արձակեալ զԳարաճէ փա-
շա ՚ի ակրել Եանեա քաղաքի՝ զորոյ
զբանալիս բերեալ էին առ նա իշխանք
երկրին, փութացաւ հասանել ՚ի Աէ-
լիսօլու, զոր հարկանէր ՚ի ծովակողմն
կուսէ ծովակալն Աէնեակեցոց Ան-
դրէաս Մոչենիկոյ . և անդ Մուրատ
արքայ խօսեցաւ ընդ Աէնեակեցիս ՚ի
խաղաղութիւն :

Ի նմին ամի, որպէս և յանցելումս,
յաճախեցին յեւրոպական մասինն
սովք, սրածութիւնք և սասանութիւնք
յոյժ . մեռան երկու եղբարքն արքայի
Եուսուֆ և Մահմուտ, ևս և ծերունին
Մէհէմմէտ Պուխարի, և վէզիրն Իվազ,
և մեծ վէզիրն Իպրահիմ, որոյ որդին
Խալիլ կալաւ զանդի նորա :

Այլ Մուրատ արքայ միսիթարեցաւ
՚ի վերայ մահուան աւագ արանցն ճերն-
դեամբ որդւոյ իւրոյ Մէհէմմէտայ, որ
կոչեցաւն Փաթիհ, յամին 1432, և մե-
ծամեծ արութեամբքն զորս գործեաց

նա զինի ժամանակաց յարևելս և յարևմուտս՝ կարծեցոյց պատմագրաց իւրումն դարու և թէ այնմ ամի կանխազեկոյց գուշակք լեալ իցեն հանդերձ ահաւոր սասանութեամբքն և բնական խաւարմունք լուսաւորաց և երկոյթ աստեղն գիսաւորի, որ առ ծննդեամբն նորա պատահեցին:

Մինչդեռ յԵւրոպա էր տակաւին Մուրաս արքայ, Վլաս Տրագուլ՝ ոմն սպան զիջսանն Վլահաց զՏան և զեղբայր նորին, և անց ՚ի տեղի նորա: Խորտակեաց և զզորս արքայի զարձակեալս ՚ի վերայ իւր. այլ ասպ հատուցեալ զասանեալ հարկան՝ եկաց մնաց յիջխանութեան իւրում:

Իսկ արքայի գիմեալ յերկիրն Մաճառաց ՚ի Թրանսիլվանիա, որ է էրտեշ, ասպատակ ասիւեաց ընդ ամենայն գաւառն: Այլ իբրև լուս զամբառնալ արքային Մաճառաց Սիգիսմունդայի պատիւ կայսերութեան, կամեցեալ նորոգել ընդ նմա զուխտ բարեկամութեանն՝ դեսպանս արս երկոտասան հանդերձ ընծայիւք առաքեաց առ նա. և էին ընծայքն երկոտասան բաժակք ոսկեղէնք զեղունք ոսկուլ: Եւ Սիգիսմունդ պատուեալ զնոսա

1 Այսպէս իոյնցեալ սախ իւրոյ շիւտիտանաֆորոնոնիւնանն. զի Տրագուլ յայնք ՚ի Բարբառս Վլահաց սպասնայ Եի:

արքայական ընծայիւք անդրէն դարձոյց
առ Մուրատ :

Մուրատ արքայ էանց դարձեալ
յԱսիա և գիմեաց 'ի վերայ իշխանին
Գարամանայ, որ միւսանդամ գլուխ
ամբառնայր ընդդէմ Օսմանեանց : էառ
զքաղաքս նորին զՊէկէէհէհի, զԱդէհի
և զԻկոնիոն . և ապա 'ի խնդրոյ իշխա-
նին և 'ի միջնորդելոյ կնոջ նորա քեռ
Մուրատայ զիջեալ ընդ նմա 'ի հաշ-
տութիւն՝ ետ 'ի նա վերատին զքաղաքսն
զայնոսիկ, և դարձ արար անդրէն յԱւ-
րոպա 'ի սպառուհասել զթագաւորն
Մաճառաց, և զիշխանն Սերվաց, զորս
կարծէր համախոհս և դրդուիչս իշխա-
նին Գարամանայ յապատամբութիւն :

Գէորգ Պրանքովիչ իշխանն Սերվաց
քաջ գիտաց ճողոպրել զանձն իւր 'ի
վերահաս վտանդէն, ազաչեալ զՄու-
րատ 'ի ձեռն դեսպանաց իւրոց, զի հա-
ճեացի կատարել զհարսանիս գտերն
իւրոյ՝ զոր ամօք յառաջ խօսեցեալն էր
արքայի իւր 'ի կնութիւն . և արքայ լուա-
նմա : Այլէրկիրն Մաճառաց ասնակոխ
եղև յՕսմանեանց . զի Ալի փաշա որ-
դի Էրէնոսի բազմութեամբ հրոսա-
կացն և նիզակակից զօրօք Սերվաց և
Վրահաց խաղաց մինչև 'ի Թրանսիլվա-
նիա . էառ զՄէտեաշ, սաշարեաց զՍի-
պին, հրձիգ արար զաւանս Պրաշովայ,
և զաւուրս քառասուն և հինգ ասորա-
տակեալ շուրջ զգաւառաւն՝ եօթա-

նասունն հազար դերիս խաղացոյց տարաւ ընդ իւր առ Մուրաս :

Զ ձմեռն զայն անցուցեալ յԱզրիանուպօլիս 'ի խնջոյս հարսանեաց, դարնանի յամին 1438 սաղրամօք Իսհազպէյին խորհէր արքայ դիմել 'ի վերայ աներոյն իւրոյ թագաւորին Սերվաց, և իշխանին Վլահաց : Կոչեաց զերկօսեան առ ինքն, այլ Պրանքովիչ փախուցեալ անկաւ առ արքայն Մաճառաց, և Տրադուլ երթեալ առ արքայ՝ արկաւ 'ի բանտ աշտարակին 'ի Կէլիպօլու : Ապա տուեալ զերկօսին որդիս իւր 'ի պատանդ՝ հաստատեցաւ անդրէն յիշխանութեան իւրում :

Յայնմ ժամանակի Իսհազպէյ որդի Կարէնոսի, և Օսման չէլէպի թոռն թխուրդաշայ առին պատերազմաւ զամուրն Սէմէնարէ, և մինչդեռ պատրաստէին դիմել 'ի Արկուպօլիս, ազդ եղև նոցա յարձակումն Մաճառաց, և դարձան ընդդէմ նոցա : Ահազին էր պատերազմն, և սաստիկ աւարն : Յափըջ տակեցան մանկունք և աղջկունք Մաճառաց այնչափ, մինչև զմի ազախին փոխանակէին Օսմանեանք ընդ միոյ հոլաթափի ' :

1 Մի էր 'ի ճարտիտոյ անփի և պարսափերն Աւլափիւնաւափե, որ ընդ հինգ գերեաց ուինչ աւելի իարացի, առէ, առնուողինս՝ քան զխաղա հինգհարիւր :

Զհեա երկից ամաց Մէղիտ սկէյ ըստուարագունդ բանակաւ անցլնդ երկիրն Վլահաց ՚ի Թրանսիլվանիա, և սաշարեաց զՄիսլին . այլ յաղթեալ ՚ի քաջ զօրավարէն Մաճառաց Յովհաննէ Հունիատայ՝ սպանաւ ընդ որդւոյ իւրում, և իւրքն հալածեցան մինչև անդր քան զԴանուք : Յետ ոչ բազմաց ել ընդդէմ Մաճառաց Շէհապէտաին փաշա ութսուն հազարաւ . և ասէր նա խրոխտանօք՝ եթէ ՚ի տեսիլ և եթ իւրոյ փակեղանն փախիցեն թըշնամիք հանդոյց ՚ի հանգուցէ զաւուրս բազումս, որսէս ասէ՛նէջրի : Այլ ինքն ձերբակալ եղև, Օսման սկէյ և այլ զօրավարք կորովիք անկան ՚ի ճակատուն տեղւոջ, և հինգ հազար Օսմանեանք վարեցան ՚ի գերութիւն :

Ի միւսում ամին որ էր 1443, միաբանեցան Մաճառք, Լէհք, Սերվացիք, Վլահք և Գերմանացիք ընդդէմ Օսմանեանց՝ առ աջնորդ ճանապարհին ունելով զՊրանքովիչարքայ : Անցին ընդ Գանուք, և հասին մինչև ՚ի Սէմէնարէ . և Յովհաննէս Հունիատա երկոտասան հազար ընտիր հեծելովք եհաս ՚ի Նիշուք եղև ճակատամարտ մեծ, և անկան յՕսմանեանց արք երկու հազար, չորք հազարք գերեցան, և առան դրօշք

1 Հոլաիէալ է սա և առ Օսմանէանս Եանֆօ անուանախոլու-իէամի :

ինն : Ապա առեալ և զՍոֆեա , գիմեցին
քրիստոնեայքն 'ի Փիլիպպէ :

Հրամայեաց Մուրատ արքայ ցան-
կել առաջի նոցա զգրուես անձուկ կըր-
ճիցն որ կոչին Սուլու տէրաէնտ , և ըզ-
ջուր գետակին որ կոչէր Իզլատի կամ
Զլսթիցա՝ գիշերայն հեղուլ 'ի վերայ
ձեանն , զի սաղեացի ճանապարհն առ
հասարակ : Այլ զօրք թշնամեաց ան-
ցին ընդ սառոյցան , և հասեալ յեր-
կիրն Բուլղարաց՝ նորօք և ևս ստուա-
րացան :

Իբրև եկն եհաս 'ի դաշան Եալովաց՝
և արքայն Վէհաց Ալատիալու , սկիզբն
եղև պատերազմին , և Օսմանեանք
'ի սարսուլթիւն մատնեցան . Գասըմ
պէյ , որ կողմնասպետ էր եւրոպեան
մասին , և Մահմուտ չէլէպի եղբայր մե-
ծի վէղիրին Խալիլայ և քեռայր Մու-
րատայ անկան 'ի գերուլթիւն . և հու-
նիստ յաղթանակաւ առեալ տարաւ
զնոսա յերկիր իւր :

Ի նմին ժամանակի և իշխանն Գա-
րամանայ ամբարձ դարձեալ զգլուխն
իւր այս երրորդ անգամ , և ասպատա-
կեաց 'ի քաղաքսն Կուտինա , Անկիւրիա ,
Պուլավատին , Սիվրիհաար , Ագհիաար ,
Ագչէհիր , և Պէկէհէհիր : Եւ արքայ Մու-
րատ անցեալ յԱսիա , և ոտնակոխ ա-
րարեալ զքաղաքս Գարամանայ՝ զԻկո-
նիստ՝ և զլարէնտէ և զայլն , ապա գիւ-
րաւ զիջաւ 'ի հաշտուլթիւն ընդ Գա-

րա Մուրուրի անունն վէզերին Գարամանայ, զի փութայր դառնալ անդրէն յԵւրոսպա ընդդէմ արշաւանին Մաճառաց :

Անդ քոյրն իւր կին Մահմուտայ զէրի վարեւոյն ՚ի Մաճառս՝ սպասեալ մընայր գալստեան արքայի, զի աղաչեացէ զնա խաղաղութիւն առնել ընդ քրիստոնեայնն : Եւ արքայ Մուրատ խօսեցաւ ՚ի հաշտութիւն ընդ իշխանս Վլաճաց և Սերվաց, և ընդ արքային Մաճառաց : Փրկանաւորեաց զՄահմուտ չէլէսլի ընդ եօթանասուն հազար ոսկւոյ, դարձոյց առ Տրագուլ և առ Պրանքովիչ զորդիս նոցին, զորս կուրացուցեալ էր : Ետ յարքայն Սերվաց զամենայն զերկիրն նորս, ևս և զամբոցն Սէմէնորէ, և խոստացաւ թողուլ զերկիրն Վլաճաց ողջոյն ընդ ձեռամբ արքային Մաճառաց : Զայստսիկ պայմանս հաստատեաց արքայն Մաճառաց երդմամբ յաւետարանն սուրբ (և ոչ ՚ի սուրբ խորհուրդն՝ որպէս պահանջէին Օսմանեանք), և Մուրատ երգուաւ ՚ի կուրանն :

Չև ևս կնքեալ գաշանցն՝ էանց գնաց Մուրատ արքայ յԱսիա : Քանզի էառ զլուր մահուան սիրելի որդւոյն իւրոյ Ալայէտաինայ յԱմասիա, և ՚ի խորխոցեալ առ վշտին, և թերևս տաղակացեալ յանընդհատ սպասեալ զմաց զորս մղէր ՚ի քսան և երկոց ամաց հեռէ, եզ ՚ի մտի հրոժարել ՚ի թողաւորութենէն :

Աւանդեաց զգաւազանն որդւոյ իւրում Մէհէմէտայ, որ էր յայնժամ ամաց չորեքտասանից. խնամակալ պետութեանն կարգեաց զմեծ վէզիրն խալիլ փաշա, և դատաւոր զօրաց զօրէնըսգէան Մողլա խիւսրէվ: Իսկ ինքն ամաց գոլով քառասնից՝ էառ ընդ իւր զԿահագ պէյ և զՀամզա պէյ, և մեկնեցաւ յամին 1/4/4 ՚ի Մագնեսիա, պահեալ իւր ՚ի կալուածոց համարի զկուսակալութիւնս Մէնթէշէի, Սարուխանայ և Այալնի:

Չափ ժամանակի դաշանցն դուռ առնելոյ զինուց՝ զորս պայմանեաց Ալթափալա ընդ Մուրատայ՝ տասն ամբէին: Այլ չե անցեալ տասն աւուրց ՚ի վերայ՝ հասին դեսպանք յայլոց պետութեանցն Եւրոպայ առ Ալթափալա արքայ Մաճառաց, որք ասէին եթէ անդոր են դաշինքն խաղաղութեան կըռեալք ՚ի նմանէ ընդ Օսմանեանս՝ առանց հաւանութեան ամենեցուն իւրեանց. քանզի համարէին զհրաժեշան Մուրատայ յաթոսոյն իւրմէ գէպ ժամանակ վանելոյ զՕսմանեանս յեւրոպական սահմանաց: Յոյր սակս և ըզպատճառանն զոր պատճառէին ՚ի լուծումն երդմանն կռելոյ՝ իրաւացի համարէին: Սմին իրի վերասին պատրաստեալք ՚ի պատերազմ խաչակիրքն Մաճառք, Լէհք և Ալթաք՝ խաղացին գնացին բուռն զօրութեամբ, և յաղթու-

Թիւնս ինչ մանուկնս տարեալ 'ի վերայ
Օսմանեանց' եկին հասին մինչև 'ի Վառ-
նա: Անդ առ ին նորա զահագին զուրն,
եթէ արքայ Մուրատ ըստ աղաչանաց
խրոյն անդրէն 'ի ձեռն առեալ զամեն
կառավարութեան աշխարհին՝ դիմեալ
գայ զայրագին յԱսիայ արամեք իբրու-
քառասուն հազարու, և անցեալ նա-
ւուք Գենուացւոց ընդ Վասիսը՝ ոչինչ
հեռի է 'ի Վառնայէ քան զքայլս ը-
րեքհազար:

Ճակատեցան կարգեցան կողմանքն
երկոքին առ քաղաքան: Ի բանակի
անդ քրիստոնէից Մաճառքն և Վլաճիք
յաջմէ և յահեկէ Թևս կազմէին նոցա՝
'ի միջի ունելով հինգհարիւր հեծե-
լովք զարքայն իւրեանց զՎլասիալու,
և 'ի Թիկանց կուսէ կային Ղեհացիք, և
յառաջոյ նոցա սայլք և կահք և Թըն-
դանօթք: Իսկ աջում Թևի բանակին
Օսմանեանց հրամայէր կողմնապէտն
եւրոպեան, ձախուլն ասիականն, և
Մուրատ արքայ հանդերձ ենիչէրեզն
'ի միջավայրին կայր՝ իրամ զցապատ-
նէշ ունելով առաջի, և անդ տեսանիւր
երգմնագիրն քրիստոնէից հարեալ 'ի
ձող բարձր՝ յանդիմանութիւն նոցա-
իսկ յեակուսէ բանակին կային ուղտ-
բամակքն հանդերձ կարասեալ:

Ինմին պահու հողմն ուժգին շնչեալ
հերձոտէր զգրօշս Մաճառաց, որով
ոչ սակաւ լքանէին քրիստոնէայք:

Այլ Հռենիստ, որ հոգին էր գողցել և ամենայն բանակին, զխնարաւ եղեալ խրովքն վանեաց զկողմնապետն Ասիոյ զԳարաճա, և Ալահք ցրուեցին ըղզունդն Օսմանեանց զէւրոպեան, և հասին աւարելով մինչև 'ի խորանն արքայի:

Այն ինչ կամէր Մուրատ արքայ 'ի փախուստ դառնալ, կալաւ զամենայն էրկիւարի նորին կողմնապետն Գարաճա, և երդմնեցուցանէր զնա չլքուցանել զձեռս մարտկայն Օսմանեանց: Եւ թէսլէտ ինքն Գարաճա առ ետեղ տասպատ անկանէր 'ի սրոյ Մաճառաց, այլ Մուրատ ենիչէրէօքն անյողգողգ զտեղի կալաւ անդէն ապա յարձակեալ կոտորեաց զանճնապահս թագաւորին Մաճառաց: Երկիւարն Ալատիալաւայ ևս խոցեալ անկաւ, և ենիչէրի ոմն Գօճա խրորր անուն հասեալ զգլուխն Ալատիալաւայ և անցուցեալ 'ի տեղ նիզակին՝ տարաւ առ Մուրատ:

Զայն իբրև ետես Հռենիստ՝ աճապարեաց և նա Ալահքն հանգերձ 'ի փախուստ: Եւ զի տարածամեալ էր օրն, յառաւօտուն պահու մինչդեռ Մաճառք գէտ ակն կալեալ 'ի բանակին տեղւոջ մնային Հռենիստայ, անկաւ 'ի վերայ նոցա Մուրատ և ընդ սուր անցոյց գրեա թէ զամենեւեան:

Ապա մինչդեռ շուրջ յածէր զանկելովքն 'ի ճակատուն, և զարմանայր

զի չգտանէր 'ի խումն անդ դիա-
կանցն ալէխառն որ, այլ ամենէքեան
երխտասարգք էին և պատանիք դեռա-
հատակք, ետ պատասխանի Ազապ պէյ
որ ընդ 'նմա շրջէր' և ասէ. « Թէ գոյր
որ 'ի գոսա ծերունի ալևոր, ոչ ար.
գեօք յայսպիսի յանդուգն գործ մը
խէին » :

Երկերիւր և յիսուն տայք լցեալք
աւարաւ անկան 'ի ձեռս յաղթակա-
նայն, և Մուրատ զԱզապ պէյ թղթով
հանդերձ աւետաւոր առաքեաց առ
սուրջանն Նգիպատսի, և ընդ 'նմա քսան
և հինգ գերիս սպառազէն զրահաւորս.
զի ցուցցէ թէ որպիսեաց յաղթական
գտաւ 'նա արանց : Իսկ զգլուխն Աբա-
տիալաւայ եգեալ 'նախ 'ի մեղր' զի ան-
սպական սրահեցի, սպա առաքեաց
առ քաղաքսպեան Պրուսայի ձիւս-
պէ Ալի ' . և 'նա առեալ զայն և լուա-
ցեալ և հարեալ 'ի տէգ 'նիզակի' յա-
ծեցոյց յաղթանակաւ ընդ փողոցս քա-
ղաքին :

Յետ այնորիկ յամին 1445 դարձ ա-
րար Մուրատ արքայ յառաջին հան-
գիսան իւր և 'ի զբօսանս 'ի Մագնեսիա .
այլ վաղ հարկեցաւ ելանել անախ, և
բազմէլ երբորդ անդամ 'ի գահ Օս-

1 Ի սորա անուն իշէօեալ ասի քի 'ի Է-
բանց քաղաքին Կոստանդնուպօլսոյ' ձիւ-
Ալի քաթանար :

մանեանց : Զի ենիչէրիք յապտտամբութիւն թեակոխեալ՝ հրդեհեցին ըզմեծ մասն Ադրիանուպօլսոյ, և ելեալ բանակեցան արտաքոյ քաղաքին յահ և ՚ի սասանուին ամենայն բնակչաց նորուն : Սոքա ուր ուրեմն հանդարտեցին՝ ընկալեալք զյաւելուած ռոճկին իւրեանց կիսով փողոյ . սակայն աւագանին արձակեալ արս առ Մուրատ՝ աղաչեցին զնա գալ դարձեալ առնուլ զգաւազանն արքունի ՚ի ձեռս իւր : Եւ նա եկեալ յԱդրիանուպօլիս, առաքեաց զարքայորդին զՄէհէմէտ սպտանի վեչտասանամեայ՝ կալ առ ժամանակ մի ևս ՚ի Մազնեսիս :

Ոչ ևս այլ եթող Մուրատ ՚ի ձեռսնէ ոչ զսանձն թագաւորութեան, և ոչ զսուսերն յայթողական Պեղոպոննեսեայ և աշխարհին Առնաւուտաց : Քանզի թէպէտ կայսրն Յովհաննէս բարեկամութեամբ էր ընդ Մուրատայ, գէթ առ երես, այլ եղբայր նորա կոստանդին իշխան Պեղոպոննեսեայ սարսալեալ զերկիր իւր ընդգէմ Օսմանեանց, օրըստ օրէ ամրանայր ՚ի նմա :

Խաղաց ՚ի վերայ նորա Մուրատ արքայ վաթսուն հազար զօրօք, և յետ բազում պատգամաւորութեանց՝ իբրև

1 Մի ՚ի պապականաբէրացն Յոանայ էր պապմագիբն Քալիստոս, շոք Մուրատ արքայ Բանաբագէլ արար ՚ի Սերեշ :

էտեա զի Աստուանդին շխամի անձնա-
տուր լինել, սրաշարեաց զպարսպեալ
կիրճս ցամաք կղզւոյն վաթսուն հա-
զարաւ արանց, և յերրորդում աւուր
յարձակեալ էառ զպատնէշն՝ ուստի
փախուցեալ էին Յոյնք :

Եմուտ ապա յԱքայխա. հրձիգ արար
զՎորնթոս, և քանդեալ կործանեաց
զՊատրաս. և իբրև եհաս կուսակալն
Դարխան լի և ճոխ աւարաւ և բազմու-
թեամբ վաթսուն հազար դերելոց, Մու-
րաս արքայ խաղաղութիւն արար ընդ
Աստուանդնիայսու սրայմանաւ, զի յայնմ
հեռեկեղծոս հարկատու լիցի Օս-
մանեանց : Աճեցոյց և զհարկս Բակու-
զացւոց՝ ի հինդ հարկւր ոսկւոյ ցհազար .
փոխանակ զինաւս երկուս տուեալ էին
նոքա յօժանդակութիւն նաւատորմին
խաչակրաց ընդդէմ Օսմանեանց :

Աստի խաղացոյց Մուրաս արքայ ըզ-
ջորս իւր գէտ ուղիզ յաշխարհն Աս-
նաւուտաց յԱլլաանխա . այլ զճանա-
պարհայն հարկեցաւ ՚ի սրտեբազմ ընդ
հա չակելոյն հունիստայ՝ որ քանև չորս
հազարու ընախ սպառազինաց, և տան
հազար նիզակակից զորօք Ալահաց և
Գերմանացւոց անցեալ էր ընդ Գա-
նուր, և հասեալ կայր ՚ի Գոսովա :

Անդ ՚ի նշանաւ որ դաշտին ճակատե-
ցան կային երկարանցիւր կողմանքն . և
՚ի խառնել մարտին՝ Օսմանեանք ՚ի մէջ
փակեալ զմեծ գունդ մի Մաճառաց

կատարեցին զնոսա : Հատուածեցան և զօրքն Վբահայ և անցին ընդ դրօշիւք Օսմանեանց, և հռնիստ ինքնին ՚ի վախուսոյ դարձաւ : Չերիս աւուրս տեւաց մարան, և անկան եօթնևտասն հազարք ՚ի Մաճառաց, իսկ յՕսմանեանց կրրկնասպառիկ առաւել, սակայն և թիւ համարոյ սոցա էր հարիւրև յիսուն հազար : Յայնժամ սկիզբն եղև քսանևհինգամեայ պատերազմաց Իսթէնուէր անուն իշխանին Ալպանիոյ կամ նախնոյն Եպիսոսի և Մակեդոնիոյ, որ յեօթնամաց հետէ զօրացեալ հարկանէր ՚ի տեղիս տեղիս յերկրի իւրում զզօրս Օսմանեանց 1 :

Մուրատ արքայ հարիւր հազար զօրք յարուցեալ ՚ի վերայ նորա՝ էառ զգլխաւոր քաղաքս նորին ամ զամի կնի զամս երկուս : Եւ յերկար զհեա պընդեալ նմին՝ իբրև ոչ կարաց ՚ի ձեռս բերել զնա սղոքով և սպառնալեօք, ըմբռնեալ ՚ի ձանձրութիւն և ՚ի ցաւս

1 ՈՐԴԻ ԷՐ սա առն գրիստունէի աւագանիացոյ : որ ՚ի ճանկաւթեան գերի վարեալ յՕսմանեանց և ՚ի նոցին կրօնս անեալ և վարժեալ, ապա յերենասեայ հասակին իախոսօնեալ էր ՚ի Բանակէն և Բանացեալ ՚ի հայրենի աշխարհին յամուրն Վրասոյս, որ է Աֆհիսար : ԱՆ է և Սքանաբար Բանակալ, որ յառուրջ անախի Պայելլիփայ արքայի հարստահարէր զհայաստան աշխարհ :

հիւանդութեան մեկնեցաւ յԱզրիա.
նուպօղիս յամին 1449:

Անդր եհաս առ նա 'ի միւսում ա.
մի հանդերձապեան կայսեր Յունաց
Փրանդաս գեազանութեամբ. զի Յով
հաննէս կայսր մեռեալ էր անորդի, և
եղբարք նորա Կոստանդին և Դեմեար
փիճէին զաթուոյն: Իսկ Մուրաս ար.
քայ զիջաւ 'ի խնդիր գեսպանին, և հրա.
մայեաց զԿոստանդին թագաւորեացէ:

Ի նմին ամի կատարեաց անդէն և ըզ
հարսանիս որդւոյ իւրոյ Մէհէմէտայ
ածեալ նմա 'ի կնութիւն զգուստր իշ
խանին Մարաշոյ. և հանդէս հարսա.
նեացն ակեաց ամիսս երիս. և ապա ար.
քայորդին Մէհէմէտ դարձ արար 'ի
բնակութիւն իւր 'ի Մազնեասիս:

Եւ զկնի ամսօրեայ մի աւուրոյ մինչ
դեռ 'ի կղզւոջ ուրեք 'ի Տոփակին Ա.
դրիանուպօլսոյ 'ի զքօսանս խնջոյից պա.
րապէր՝ հարեալ 'ի կաթուածէ մեռա.
արքայն Մուրաս ամաց քառասուն և
ինչանց, թագաւորեալ ամս երեսուն
մեծաւ փառօք, արդարակորով քաջու.
թեամբ, և աշխարհաշէն մեծադործու.
թեամբ:

Եւ էին նորա որդիք վեց. Ալայեա.

1 Հոյախապ էն յոյժ մշխիթէն մեծամեծ
խառնոյեալս 'ի նմանէ յԱՆԴՐԻԱՆՈՍՊՕԼԻՍ և
'ի Պրոսաս, և խառնոյեան մեծաշէն յԷրփե.
նէ, 'ի Պաւլոս հիսար, և յոյլ քեշիս:

տին, Մէհէմմէտ, Պիւլիւք Ահմէտ, Հա-
սան, Օրխան չէլէպի, և Քիւչիւք Ահ-
մէտ: Ի սոցանէ բաց ՚ի Մէհէմմէտայ
որ թագաւորեաց, չորեքին երկրագոյնք
մեռան յառաջ քան զմահ հօրն իւ-
րեանց. խկ կրտսերն Քիւչիւք Ահմէտ
ուզեկից եղև հօրն իւրում, որպէս ա-
սեն Օսմանեանք. այն խկ է՝ զի խեղ-
զամահ վճարեցաւ ՚ի կենաց, և ընդ հօրն
իւրում ածեալ թաղեցաւ ՚ի Պրուսա:



ՍՈՒԼԴԱՆ ՄԷՆԷՄՄԷՏ Բ

ՓԱԹԻՅ

Օ ԳՈՅԺ մահուան հօրն իւրոյ յետ
 Լրից աւուրց առեալ արքայորդին Մէ-
 հէմիւտ՝ աճապարեաց հեծաւ ասէն
 յերկաւորն իւր և գոչեաց. « Որ զիսն սի-
 րիցեն, հապա զհետ իմ և կեսցեն »: Եւ
 բաղմու թեամբ սուսերամերկ զօրակա-
 նաց և հաս ՚ի Վէլիպօլու: Անդ զաւուրս
 երկուս զտեղի կալեալ՝ աղբ արար յԱ-
 դրիանուսօլինս զգալստենէ իւրմէ, և յու-
 ղի անկաւ երթալ անդր, և աւագանին
 հանդերձ դասուք գիտնակամաց ելեալ
 նմա ընդ առաջ մինչև ՚ի հեռաստան, ի-
 ջին յերկաւորաց իւրեանց, և յետ գը-
 նարոյ առաջի նորա հեաի և լսին մինչև
 մօտ ՚ի քաղաքն՝ ամբարձին զձայնս իւ-
 րեանց առ հասարակ և արտասուելոյ
 կահանմամբ ողբացին զմահ Մուրատոյ
 արքայի: Չնոյն օրինակ և արքայորդին
 Մէհէմիւտ իջեալ յերկարէ իւրմէ
 խառն ողբակոյ եղև ընդ նոսա, և ա-
 պա վերստին հեծեալ՝ աճաւ մինչև յա-
 պարանս արքունի:

Ի վաղև անդր բաղմեալ հանդիսիւ
 յաթոսն իբրև ետես զի մեծ վեղկն

Խաչիչ և միւս վէճերն Իսահաֆ սակաւ
 մի հեռադոյնս կային յինքենէ, իբրու
 զի խիթային 'ի ցառմանէ արքայի վասն
 երկիցս իջուցանելոյ նոցա զնա յաթո-
 ուոյ անտի, ասէ Մէհէմմէտ ցնէրքինա-
 սէան. « Զի է զի 'ի բացեայ կան յի-
 նէն վէճերքն խմ. կոչեա զնոսին, և ասա
 ցխաչիչ զի վէճեր խմ է, և Իսահաֆ փա-
 շա որպէս կողմնապէա Ասիոյ կատա-
 րեսցէ զթաղուսն հօր խմոյ 'ի Պարսա » :
 Եւ նոքա անդէն մատուցեալ համբու-
 րեցին զձեռս արքայի :

Ի նոյն աւուրս ընկալաւ բազում
 մարդասիրութեամբ զգեսպանս Աոս-
 տանդնի կայսեր Յուճնաց՝ որ եկեալ էին
 խնդակից լինել թագաւորելոյ նորա-
 և խոտացաւ ոչ միայն զուխտ բա-
 րեկամութեանն անլոյծ պահել, այլ և
 ամի ամի հատուցանել նմա երեքհա-
 թիւր հազար փողս 'ի դարման Օրխանայ
 եղբորորդւոյ Սիւլէյմանայ, որ կայր 'ի
 Աոստանդնուսոլիս : Եկին և յամենայն
 սահմանակից պետութեանց գեսպանք
 յԱզրխանուսոլիս : Բակուղացեք ինք-
 նակամ յաւելին 'ի հարկան զոր հար-
 կէին՝ այլ ևս հինգհարիւր ոսկիս, և գես-
 պանք հոճնիասայ հաստատեցին զինա-
 դադարումն ևս ամեայ : Ընդդէմ իշ-
 խանին Գարամանայ և թ հրատարա-
 կեցաւ թշնամութիւն և պատերազմ.
 զի Իպրահիմ պէյ վտարանջեալ յՕս-
 մանեանց՝ կամէր տիրել Ալթիմիանու,

Այսինպէս և Մէհէմէտի: Խաղաց 'ի վերայ նորա Մէհէմէտ արքայ . և Խարահիմ աճապարեաց խոստացաւ տալ նմա զբուսար իւր կնութեան, և խնդրէր զհաշտութիւն:

Դիւրաւ զիջանէր Մէհէմէտ 'ի խաղաղութիւն ընդ Քարամանայ, զի 'ի մտի եղեալ էր լուծանել զբարեկամութիւնն ընդ Յունաց: Ի չարագէտ ժամու և կայսրն դեսպանս արձակեալ առ Մէհէմէտ՝ յանխորհուրդս ստիպէր հատուցանել զխոստացեալ սոճիկն վասն դարմանոյ Օրխանին, և այն սպառնալեօք հանդերձ արձակելոյ յարգելանէն զՕրխան ստի Մէհէմէտայ: Եւ Մէհէմէտ առ ժամն թագուցեալ զղայրոյթ ցամանն՝ խոստացաւ կատարել զկամս կայսեր 'ի ժամանել իւրում յԱդրիանուպօլիս:

Իբրև եհաս արքայ 'ի Պրուսա, ենիչէրիք ամբոխ արարեալ սահանջիկն 'ի նմանէ պարգևս . և նա զառաջինն չըլուելոյն արարեալ՝ ապա շնորհեաց նոցա տասն քսակս սսկւոյ: Սակայն յեռաւուրց կոչեցեալ զըօդավար նոցին՝ որում անուն էր Քազանճը Տողան, ապտակակոծ և դանաչից արար զնա կշտամբանօք, և արկ յիշխանութենէն:

1 Այս առաջին պարգևն է զոր ամբօխն և օթօթին ընկալան էնիչէրիք 'ի շորընդիւր լազարիէն . որ և զնի թամանակաց այնչափ

Անտի անցեալ 'ի Կէլիպօլու յամի
 1452 հրովարտակ արար ընդ ամենայն
 տեղիս տէրութեան իւրոյ՝ դալ ժողո-
 վել առ իւր հազար որմնագրաց և հիւ-
 սանց, և ածել կուտել 'ի բերան Առ-
 փորի կիր և առաղձ բազում 'ի կառոյցս
 ամրոցի միոյ յերոսպեան եզերս նե-
 զուցին :

Ի լուր իրացս զարհուրեալ կայսեր
 հանգերձ ամենայն քաղաքացեօքն՝ գէս-
 սանս աղաչանօք առաքէր առ Մէհէմ-
 մէա՝ ձեռնթամի լինել 'ի շինուածոյ
 անտի և շատանալ տրուք հարկաց : Եւ
 պատասխանի Մէհէմմէա արքայ զայ-
 րագին և ասէ . « Աղու ևս կամք էին
 հօրն խնոյ Մուրատայ կանգնել յանցս
 Առփորի ամրոց հզօր, զի համարձակ
 լիցի մերոցն անցանել յայսկոյս . և զոր-
 նս չկարաց կատարել՝ ահա ես կատա-
 րեցից : Եւ միթէ չիցե՞մ իշխան կա-
 ուուցանել յիմում երկրիս բերդս և ա-
 մուրս որչափ և կամիցիմ : Երթոյք ա-
 սպա և ասասջիք ցտերն ձեր, զի մի կար-
 ծեացէ զիս իբրև զհարս իմ . զոր նոքա
 չկարացին առնել, ինձ գիւրին է ամե-
 նեկին . և զոր նոքա չկամեցան երբէք, ես
 կամիմ աղատարար : Եթէ այլ ևս յղե-
 ցէ ինձ գէստան զոք, գիտացէ զի կեն-
 դանուոյն մորթեզերծ արարից զնա : » :

« Ընդ զայս ասիին և ըստ բանութեան, զի
 ըն 'ի սպասու բարձու 'ի թիւոյ : »

Զայս պատասխանի սղառնալից ընկալեալ Կոստանդնի՛ սկաա ՚ի ներքուստ ամրացուցանել զքաղաքն խր, և համբարս կուտել ՚ի ներքս:

Իսկ արքայ Մէհէմմէա յերիս ամիսս կատարեալ զամբոցն՝ զոր անուանեաց Պողաղ քէսէն՝, դարձաւ յԱզրիանուպօլիս ՚ի հանդերձանս պաշարմանն Բիզանդիոյ • և առ խափանելոյ զԲեմեար և զԹովմաս զիշխանս Պեղոպոննեակայ ՚ի ձեռնսու լինելոյ կայսեր՝ արձակեաց ՚ի վերայ նոցա զհողմնատէան Գարիսան:

Էր յայնժամ յԱզրիանուպօլիս ձուլիչ ոմն Օրսզան անուն մաճառ յաղդէ՛ դեռ ևս փախուցեալ ՚ի Կոստանդնուպօլսոյ • սա խոստացաւ Մէհէմմէայ ձուլել թնդանօթ մի խարխարիչ սարըսպացն Կոստանդնուպօլսոյ, և ձուլեաց իսկ զայն ահագին մեծութեամբ • զի լայնութիւն բերանոյն էր, ասեն, քիչս երկոտասան: Զփորձ թնդանօթիս կամեցեալ առնել առ դրամբն Ազրիանուպօլսոյ՝ և անախարքայ ՚ի ձայն բարոզի աղդ սալ քաղաքացւոցն զայնմանէ, զի մի յահագին ձայնէ անախ յանկարծակի զարհուրեալք չարեաց ինչ պատահեացեն: Եւ արգարե սոսկալի եղև որոտաձայն արձակումն թնդանօթին •

1 Նոյն այն է որ արդ իւրի Ռոմիւնի հիւսարը, և հանդէպ իայ Ասափօլոս հիւսարի նախնելոյ ՚ի Պայէզիփայ արտայնէ:

լցան փողոցք 'ի ծխոյ անախի նորա, և
 առամբն ընդ մզոն մի սասուցեալ խրե-
 ցաւ յերկիր ցխորու թիւն կանգնոյ միայ :

Այնուհետև զցայդ և զյերեկ ամե-
 նայն խորհուրդք Մէհէմմետայ զպա-
 շարմամբն Բիւզանդիոնի յաժէին, և ընդ
 երեկս յանձանօթս եղեալ շրջէր 'ի փո-
 ղոցս Ազրխանուպօլսոյ՝ խմանալ թէ
 զինչ բանք իցեն 'ի բերանս ամբոխին և
 զօրականին :

Ի գիշերի միում առաքեալ կոչեաց
 առ իւր զՆալիկ փաշա, և նա քանդի
 ցանդ երկիւղ ունէր յարքայէ սահա կըր-
 կին անգամ արկանեւոյ իւրոյ զՄէհէմ-
 մետ յաթուոյն առ կենդանութեամբ
 հօր նորին Մուրատայ, էառ ընդ իւր լի
 սկաւառահաւ ոսկի, և տարեալ եգ առ
 ոտս արքայի՝ որ զգեցեալ զհանդերձն
 և նստեալ էր յանկողնի : Եհարց զնա
 թաղաւորն թէ զի՞նչ իցէ այն : Եւ նա
 ասէ . « Սովորութիւն է աւագորերոյ,
 զի տարածամ կոչեցեալք յարքայէ՝ ոչ
 երբէք գատարկաձեւն երեկն առաջի
 նորա, սահայն և այս ոչ խմինչ է, տէր,
 այլ քո » : Ասէ թաղաւորն . « Չեն
 ինչ ինձ օկեաք այգոցիկ, զայսմի ինչ ևեթ
 սրահանջեմ 'ի բէն, զի օգնեցես ինձ
 'ի ակրել Աստանդնուպօլսոյ » : Պա-
 տասխանի տուեալ Նալիկայ ըստ սրտի
 արքային՝ ասէ . « Տէր Աստուած մեր,
 որ զաշխարհն Յունաց մեծաւ մասամբ
 ևս ընդ քո ձեռամբ, ոչ յապաղեցէ

անշուշտ և զմայր քաղաքաց նոցա մատնել 'ի ձեռս քո, և ամենայն ծառայք քո և լեւելս զմիմեամբք արասցեն աներկիւայ 'ի նուիրել զինչս և զկեանս իւրեանց 'ի սէր քո":

Արդ յամին 1453 'ի սկզբան ամսեանն փեարուարի սկսաւ փոխադրութիւն մեծի [Թնդանօթին յԱգրիանուպօլսոյ 'ի Բիւզանդիոն: Յխառն զոյգք էին եզանցն որ ձգէին զայն, և այք երկերիւր ատաի և անտի գնալով միտ դնէին չթիւրելոյ նորուն յաջ կամ յահեակ, և յիսուն այր բահիւք և փայտատօք յառաջ ընթաց լինէին 'ի հարթել զճանապարհս և 'ի կաղմել զկամուրջս: Եւ Գարաճա սէյ, որում յանձն էր չունայն, զամենայն երկիրն և զամուրսն ընդ լծով արկանէր Օսմանեանց, էր զոր խաղաղութեամբ, և էր զոր ուժգին զօրութեամբ:

Մինչդեռ Օսմանեանք յամենայն կողմանց Եւրոպայ և Ասիոյ խառն գիմէին յԱգրիանուպօլիս 'ի պատրաստութիւն մեծի պատերազմին, Յոյնք 'ի Նեքքս 'ի Բիւզանդիոն փակեալք բազումայն էր զի զմիմեանս խածատէին երկպառակ խորհրդովք զիրաց եկեղեցւոյ: Զի ոմանք՝ որպէս և կայսրն ինքնին հանգերձ ամենայն վիճակաւրօք արքունի՝ քահանայիւք և սարկաւազօք և ժողովրդովք հաճեալ էին ընդ միաբանութիւն եկեղեցւոյն Յու-

նաց ընդ Լատինաց, որոյ միջնորդ առաքեալ էր ՚ի պապէն ռուս ծիրանաւորն Խսիդորոս . և այն գոնեա յուսով օգնականութիւն գտանելոյ յԵւրոպացւոց ՚ի վերջին աղէտան յոր պաշարեալ էին : Իսկ այլք, որպէս վանահարք և միանձունք առ հասարակ ընդ պատրիարքին իւրեանց Գեներադեայնը զովէին զգաւանութիւն սրբոյ եկեղեցւոյ և զվարդապետութիւն սրբոյն Խաւմայի :

Ի սոցա կողմն էր և ծովակալն Յունաց Դուկաս Կոտարաս, որասէր . և Լաւէինձ տեսանել յաթոս քաղաքիս ըզփակեղն Օսմանեանց, քան թէ զխոյր ծիրանաւորացն Լատինաց : Սմին իրի և եկեղեցի սրբոյն Սովիայ, յորում յ 12 աւուր դեկտեմբերի ընթերցեալ էին Յոյնք զթուղթ միաբանութեան, լքեալ կայր ամայացեալ : Բաղում ախտաժէտք անհաղորդ մեռանէին սակս միաբան լինելոյ իւրեանց ընդ Լատինացւոց, և միանձունք և կուսանք զկամէին ընդունել զխորհուրդս ՚ի քահանայից՝ որք ոչ հակառակէին առաքելապետական եկեղեցւոյ : Այսօրինակ անցին աւուրք քառասնօրեայ պահոյն :

Ի վեցերորդում աւուր ամսեանն ապրիլի եկն եհաս Մէհեմէտ արքայ հանդէպ Կոստանդնուպօլսի երկերիւր յիսունհազար զօրօք . և հար զխորանիւր ՚ի վերայ բլրակի միոյ առաջի Կ. յի՛ գա-

փու անուանեալ գրանն . հրամայեաց
 պաշարել զքաղաքն ընդ ամենայն ցամա-
 քակողն, և զմեծ Թեղանօթն զեակ
 զէլ ընդգէմ գրան սրբոյն Առմանօթի,
 որ յայնմ հեակէ կոչեցաւ Ղուփ գափու:
 Եւ Երկու անցանէին 'ի ընդ զա-
 նօթն, և եօթն անգամ յաւուրն հա-
 զիւ արձակէին . այլ այն վաղ սրայթու-
 ցեալ յութերորդումն՝ սպան և զքաջ
 ձուլիչն իւր զՕրոտան: Չեակ զեցան փո-
 խանակ այնր այլ Թեղանօթք երկու ոչ
 յոյժ փոքունք քան զառաջինն, և այլք
 միջակք և մանունք 'ի կողմանս կողմանս
 պարսպին: Այսուցան և աշտարակք չորք
 շարժականք՝ ներքոյ և արտաքոյ սա-
 տեալք մորթովք եղանց և Թանձր Թա-
 ղեօք . Թող զայլ մեքենայս և մանդ-
 ղինս մանունս: Հարկուր հաղար հե-
 ծեալք կային յեռ կուսէ բանակին . հա-
 րկուր հաղարք յաջում Թեի զաջակողմն
 պարսպին պաշարէին մինչև ցգուռն Աս-
 կի անուանեալ, և յիսուն հաղարք 'ի
 ձախմէ զձախակողմն մինչև 'ի Աբաշէր-
 նի: Մէհէմէտ արքայ հնդեաստան հա-
 զար ենիչէրեօք 'ի միջավայրին կայր ար-
 ձանացեալ . և Չաղնուս փաշա ընտիր
 ընտիր զօրօքն կայր 'ի բարձրաւանդակի
 ուրէք յեռ կուսէ Ղալաղիոյ հանդէս
 Առասանդնուպօլսոյ:

Տորմիզ Օսմանեանց որում առաջնորդ
 էր Պալթա օղու անուն ուն ուրացող

բուլլար¹, էր ընդ մեծ և ընդ փոքր չորեքհարիւր և քսան նաւուց հանդէս, յորս էին ութուսասն նաւք մեծամեծք երեքկարգեան թիովք, և քառասուն և ութ երկկարգեանք:

Այս հանդերձանք Օսմանեանց քսանապատիկ առաւել էին քան զՅունացն պաշարելոց, որոց մեծ յոյս ապաստանի 'ի Գենուացիան էր յերեքհարիւր կամ 'ի հինգհարիւր մարտիկս, որ ընդ առաջնորդութեամբ Յուստինեան Յովհաննու իշխանին Ղալադիոյ: Եւ 'ի նաւահանդասի անդ կային նաւք չորեքսասան, որք ըստ մեծի մասին էին Վենետիկեցւոց և այլոց եւրոպականաց: Սակայն և ինքեանք Յոյնքն հինգհարար զօրօք իւրեանց մեծաւ քաջութեամբ սրատերազմէին, զխորամաստս պարասպացն զցայդ ընուին փայտիւք, և զականահաստս հաւրք վանէին 'ի բաց: Այրեցին յունական հրոյն զօրութեամբ²

1 Եւ զի սա զնաւապարտն իւր յայնմ Յմերան 'ի Վոստորի անդ 'ի փեշնոջն որ ինչեր փիտաւիտ՝ և յեւել էր մարտիօք և համբարովք, յայն սախ և փեշին յիւր անոան ինչոյսա յայնմ հեփէ Պաւլա լիմանը, իամ Պաւլա օղլու լիմանը:

2 Համբաւեալ հրոյն յունականի փիտաւանդի պապահեալ յեօննէրորդ Կարոս . այլ զինի հեփէպասանէրորդին իստիանեալ և սէրտնորին և յօրինոսած: Կարծեւի է թէ իստ-

և զմեծ աշտարակաձև մանգղիոնն Օսմանեանց, ընդ որ զարմացաւ և ինքն Մէհէմէտ արքայ :

Ի հնգետասաներորդի աւուր ապրիլի նաւատորմն Օսմանեանց եկն խարբս խեցաւ 'ի Պէշքեղաշ : Յետ աւուրց ինչ երևեցան և նաւք հինգ, մին կայսերական, և չորքն գենուացիք հասեալք 'ի Վիոսէ յօգնութիւն պաշարելոյն : Յայնժամ հարիւր և յիսուն նաւք Օսմանեանց հատուածեալք 'ի հանդիսէն՝ կալան զմուտս Յունաց 'ի նաւահանգիսան, և եղև 'ի տեղւոջն նաւամարտաստիկ . զի Յոյնք զհոտանուա զհուրն կիղղական պնակօք հանդերձ հոսէին 'ի Թշնամիս, և զնեառ և զնիղակս հանգոյն տարափոյ տեղային 'ի նոսա, և վանէին առաջի խրեանց :

Իբրև ետես յափանց անափ արքայն Մէհէմէտ զցրուիլ խրոյն, այլ յայլմէ եղև, և առ անհնարին սրամտութեանն կրճակելով զատամունս իւր մարակ 'ի կուշա արարեալ երիվարին յարձակեցաւ եմուտ առիւծաբար 'ի մէջ խորակուտակ ալեաց ծովուն իբր 'ի յափշտակել զյաղթութիւնն 'ի Յունաց : Խուժեցին անկան զհետ նորա 'ի ծովն և որ շուրջն կային զնովաւ, և կա-

նորտ ինչ եր այն Բորսիի, նա-նի և ծծւմ-
 Բոյ . այլ ինչ շի-բո լա-եբ և յերեւո ընդ
 կամ 'ի ըն-բո՝ շի-յոյ :

մէին հասանել ըմբռնել զնաւս թշնամեացն՝ որ ոչ ինչ հեռագոյն էին ՚ի ցամաքէն քան զքարրնկէց մի : Այլ նորա վաղ մտին յաղթականք ՚ի նաւահան գիտան , և ձգեցաւ անգրէն երկաթի շղթայն ՚ի դրանէն Ղալադիոյ , որ կոչի Պալըդ փաղարի , մինչև ՚ի միւս դուռն Կոստանդնուպօլսոյ համանուռն ։

Ի ցասումն բարկութեան բորբոքեալ արքայի ընդ Պալթաս օղլուն՝ կամէր առեալ զցահար սատակել զնա . այլ խոնարհեալ յաղաչանս ենիչէրեաց՝ շատ համարեցաւ դառացուցանել զնա յերկիր , և ինքնին իւրովն լախախ չափեաց նմա հարուածս հարիւր և նոյնչափ վէրս :

Տեսեալ խալիլ փաշային զքաջութիւն Յունաց , և զկրկին ամբանալ նոցա համբարօք կերակրոց՝ զոր նաւքն ամին , հնարեցաւ համոզկեր լինել արքայի՝ բառնալ զպաշարումն : Ատեան կազմեցաւ , և ընդդէմ կացին խորհրդոյն Չաղնուս փաշա , Մոլլա Մէհէմ մէտ Աիւրանի , և մեծ շէխն Ազշէմսէտ արին՝ որ անդադար քաջող կարգայր ՚ի բանակին և քաջալերէր զլօրս մարդա-

1 Կամ «բոլէ» այլս «սեն» , ՚ի ծագաց անպիտոյնի պալապանն մինչև յաշտարաֆն Ղալադիոյ : Եւ հասարակեալ էր , «սեն» , շէխն ՚ի վերայ «սիւրաֆիտ» շի Կոստէ Բասադէ յերեսս զոչր :

բէութեամբքն խորովք : Այլ 'ի հար-
ցանեւ արքայի՝ թէ որով հնարիւք խոր-
հիցին խորտակել զստուար շղթայս
նաւահանդատին առ 'ի մարտ դնելոյ
ընդ քաղաքին և 'ի ծովակողմն կուսի,
չուարեալք լուցին :

Անդէն վաղվաղակի ելոյժ արքայ ըզ-
դժուարութիւնն . և նոյն խնդախ օ-
գին՝ որով ընդ ալիս ձիավարէր, հա-
մարձակեաց զնա և ընդ ցամաք նաւա-
դնաց լինել, և 'ի Պէշէքգաշէ 'ի թիկանց
կուսի Ղալաղիոյ անցեալ նաւուք՝ 'ի
ծոց նաւահանդատին իջանել : Երկուց
ժամուց ճանապարհ էր միջոցն, այլ
երկիրն անհարթ և խորածորովք լի-
վանն որոյ հրամայեաց Մէհէմէտ ճա-
նապարհ կազմել տախտակեաց, և օժա-
նել զտախտական ճարպով եզանց և
խոյոց, զի դիւրաւ սահեացին նաւքն 'ի
վերայ :

Եօթանասուն նաւք երկկարգեանք
հանդերձ այլ ևս մեծամեծ նաւուք վա-
րեցան 'ի միում և և թ գիշերի ընդ բլուրս
և ընդ ձորս օփանցն Ղոսփորի 'ի նա-
ւահանդիսան հողմալիւր առադասախք
'ի ձայն թմբկաց և փողոց . և ընդ լու-
սանալ աւուրն մեծաւ ապշութեամբ
տեսանելին պարսպաւորքն զիջանել նա-
ւուցն Օսմանեանց 'ի հանդիպոյ 'ի նա-
ւահանդիսա խրեանց հեազհեակ :

Գեներալցին Յուսոփնեան եղեալ 'ի
մօր 'ի միւսում գիշերին հրձիգ առնել

զեկամուտ նաւան՝ մերձեցաւ առ նո-
 սա . իսկ Օսմանեանք որ արթուն հըս-
 կողութեամբ մնային նմա՝ ազդեալք
 կանխաւ ՚ի մտանութենէ այլոց Գե-
 նուացւոց՝ արձակեցին թողանօթ մի
 մեծ ՚ի վերայ նորա, որով խորոակեալ
 ընկղմեցաւ նաւն հարիւր և յիսուն ի-
 տալացի նաւատուօքն, և Յուստինեանն
 և էթ փախտուամբ ՚ի լիւղ ապրեցաւ :

Երբև այդ եղև հրամայեաց Մէհէմե-
 մէտ արքայ, և կողմեցին կամուրջ կամ
 լաստ մեծ ՚ի վերայ նաւահանդատին՝
 դիրկս հինգ ՚ի լայնութիւն, և հարիւր
 յերկայնութիւն, տակառս մեծամեծս
 ճանկօք երկաթեօք սնդեալ ընդ մի-
 մեանս, և տախտակս ՚ի վերայ նոցին
 բնեռեալ :

Եօթն եօթնեակք անցեալ էին ՚ի
 վերայ սաշարմանն ՚ի ցամաք կուռէ՝
 յորժամ սնդեցաւ սաշարուսն և ՚ի
 ծովէ . և չէր ինչ դժուարին այնու-
 հեան առնուլ զքաղաքն, զի և խրամատ
 մեծ բացեալ էր ՚ի Գոսի գափուն, և
 կործանեալ էին աշտարակք չորք : Բայց
 Մէհէմեմէտ արքայ առաքեաց առ կայսրն
 զազգակից իւր զԴս. ֆէնախար օղու ոչ
 իբրև դեսպան, այլ որպէս խորհրդա-
 կան բարեաց, և խոստանայր նմա զնա-
 զողութիւն՝ եթէ յանձն առցէ հաւ-
 տակել, և անդատին փրկանաւորել
 զանձն իւր և զիւրան ՚ի դառն գերու-
 թենէ : Եւ սպաստախանի կայսրն .

«Երանի թէ պահէր արքայ զխոտորումն իւր իբրև զիւր նախնիս, և շատանայր արովք հարկաց ևեթ, և չպահանջէր զքաղաքս՝ յորոյ միջի յանձն առեալ եմ ես խնովքս հանդերձ մեռանել քան թէ անձնատուր լինել»:

Զայս պատասխանի առեալ Մէհէմ մէտայ, կոչեաց ՚ի մի վայր զամենայն զօրագլուխս իւր, և երգմամբ խոստացաւ մատնել նոցա յաւար զամենայն զքաղաքացիս և զինչս նոցին, և անձին զպարխապան և զշինուածս ևեթ պահէլ. և հնչեաց բանակն առ հասարակ ՚ի ձայնէ ցնծութեան:

Յայնմ երեկոյի հրաման եղև լուսաւորութիւն առնել ՚ի բանակին ընդ ծով և ընդ ցամաք ՚ի նաւս և ՚ի վրանս, և թուէր խն քաղաքն ողջոյն պատեալ յահագին հրոյ: Քաղաքացիքն այնպէս համարեցան զառաջինն՝ եթէ հրդեհեալ իցէ բանակն Օսմանեանց. այլ ՚ի ցնծալից աղաղակէ նոցա խնացեալ զմօտալուս յարձակումն վերջին, արծարծեցին դարձեալ սակաւ մի զաճիւնացեալ կայծակն քաջութեան իւրեանց: Այլ անխոնջ վաստակաւորք և դիմամարտք Օսմանեանց որպէս ցայնժամ, նոյնպէս և յայնմ պահու օտարաղգիքն էին՝ Գենուացիք, Ալենեակեցիք, Սպանիացիք, ռուս ծիրանաւորն Իսիգորոս, և ճարտար ձուլիչն հրազինուց գերմանացին Կուանթ: Իսկ

գլուխ և առաջնորդ ամենեցուն սոցա
 Յուստինեանն էր արդարև 'ի ժամուն
 զօրավար քաջ, որ բանիւք և արդեամբք
 ճգնէր 'ի վրկութիւն քաղաքին. ըզ-
 խրամատան կարկատէր, պատնէշս նո-
 րանորս 'ի ներքուստ կանդնէր, և ինք-
 նին ձեռամբ իւրով զվերելեական ընդ
 սանդուղս մղեալ յերկիր կործանէր:

Ի քսաներորդի ութերորդի աւուր
 ամսեանն մայիսի հրամայեաց Մէհէմ-
 մէտ պատրաստել առ վաղիւ 'ի վեր-
 ջին յարձակումն: Եւ ընդ մուտս արե-
 դական գոչումն օսմանեան բանակին
 և աղաղակ քաղաքին, շառաջիւն զի-
 նուց և հնչմունք փողոց խառն արձա-
 կեալք իբրև զձայն լեռնաձև ալեաց
 մրկեալ ծովու զլսելիս իւրացուցանէին:

Յայնժամ գնաց կայսրն Աստանդին
 յեկեղեցի սրբոյն Սոփիայ, և հաղոր-
 դեալ սրբոյ խորհրդոյն՝ խնդրեաց զնե-
 րումն 'ի պաշտասկանաց իւրոց: Չնոյն
 արարին և բազումք յաւագանւոյն, և
 ամենեքեան առ հասարակ յարտասուս
 հարեալ ողբային:

Յայնմ գիշերի ամենեքին արթնու-
 թեամբ հսկէին, և կայսրն ընդ հաւա-
 տարմագունից յիւրոցն զօրավարաց ան-
 դադար շուրջ յածեալ երկվարան
 քաջալերեր զմարտիկան. և ընդ արշա-
 լուշն սկիզբն եղև մեծի պատերազմին:

Հնչեցին առ հասարակ փողք և թըմ-
 բուկք խառն ընդ գոջիւն և ընդ գո-

ուսման մարտկաց . և արձակեցան միան-
 գամայն 'ի միասին ամենայն թնդա-
 նօթք և հրազէնք , և անդէն սկսաւ
 յարձակումն յամենայն կողմանց . և
 թուէր քաղաքն ամենայն սրատեալ ըս-
 տուար ստրանաւ՝ իբրև խեղդաման
 լինելով :

Աւելի քան զերկուս ժամն տեւաց
 մոլեգին յարձակումնն . և սրաշտօնեացք
 վարոցաւորք յեա կուսէ կացեալք եր-
 կաթի մահակօք և արջառաջլօք հար-
 կանելով յառաջ մղէին զմարտիկան
 Արքայն խկ ինքնին անգաղար խրա-
 խոյս կարգայր զօրաց խրոց քաղցրու-
 թեամբ և սղառնալօք՝ լախտ երկա-
 թի կրելով 'ի ձեռին : Տեղային քարինք
 'ի վերուստ յաշտարակաց անախ . հո-
 սեր հուրն յունական ընդ ստրկապս նա-
 ւահանդատին . սանդուղք 'ի վերայ սան-
 գղոց հարեալ խորտակէին , ուսմբք
 ումբաց սրատահեալ ահաղին ճայթ-
 մունս գործէին , և մեզ և մառախուղ
 փոշւոյն թանճրութեան ծածկեալ էր
 միանգամայն զքաղաքն և զարեգակն :
 Խոցեցաւ յայնմ սրահուճուստինեանն .
 և սղաջեալ զկայսրն փոխանակել 'ի
 տեղի իւր՝ փախեաւ 'ի Ղալադխա , և
 լքան վհատեցան զօրականքն առ հա-
 տարակ : Զաղնուս փաշա տեսեալ զսղ-
 մունկ սրաշարելոցն՝ վառեաց բորբոքեաց
 վերասին զէնիչէրխան իւր . և մի ոմն 'ի
 նոցանէ հասան անուն ձախու ձեռամբ

կալեալ 'ի վերայ գլխոյն զվահանն, և աջովն զսուսերն՝ կռուեցաւ յորմն և սողոսկեալ ելանէր 'ի վեր, և այլք երեսնիւ չափ զկնի նորա: Յոյնք նեախօք նիզակօք և մեծամեծ քարամէք վանէին զնոսա և թօթափէին յերկիր. այլ 'ի տեղի նոցա այլք փոխանակէին, մինչև հասան ինքնին ոչ ևս տոկ ունելով ընդ գէմ տարափոյ քարանց՝ թաղեցաւ ընդ նոքխմբք:

Մինչդեռ այսպէս արիական դիմամարտութիւնք լինէին 'ի Դոփ գափու, յիսուն արք յՕսմանեանց մտին ընդ գունն Այվան սերայ¹, և սկսան հարկանել 'ի թիկանց կուսէ զպարսապաւորան: Յայնժամ գոյժ հարաւ մինչև 'ի Դոփ գափու՝ եթէ առաւ քաղաքն. և դարձեալ աղմկեալ շփոթեցան գունդքն Կոստանդնի:

Արոյ տեսեալ զանճողոսրեւ լի աղէտս քաղաքին իւրոյ, «Ալա է ինձ ասէր մեռանել, քան թէ իցեմ այլ ևս կենդանի»: Անկաւ 'ի վերայ յարձակելոցն Օսմանեանց և բազում նախաճիրս գործեաց 'ի նոսա, մինչև լքեալ միայնակ անօգնական յիւրոցն սկսաւ գո-

1 Բանդի զայն դուռն ջանիեալ և ելէին Յոյնք ըստ հրամանի իայսեր, հասարակեալ 'ի իանխապէիոյ ինչ մարգարեութիւն, ելէ ընդ այն դուռն մտնեն ի շէտիք և ընդ նոյն վանեացին:

չէլ աղիողորմ ձայնիւ, «Եւ չիցէ որ
քրիստոնեայ որ հասցէ զգլուխ իմ» :
Այն ինչ բանքն 'ի բերան նորա էին,
ենիչէրիք երկու յառաջոյ և 'ի թի-
կանց հարեալ զերեաս և զթիկունսն ո-
րա՝ սպանին : Այսպէս զրաւեցաւ 'ի
կենաց Կոստանդին Պաշէոլոզ վերջինն
'ի կայսերս Յունաց :

Ի նմին պահու խուժեցին Օսմա-
նեանք 'ի ներքս և ընդ գուռն էյրի
գափու՝ ընթացեալք 'ի վերայ դիա-
կանցն գէզագէզ կուտակելոց 'ի խրա-
մատան և 'ի խրամն, և ահագին կոտ-
որածս գործեցին 'ի զօրսն որք փախչէին
'ի պարսպաց անտի :

Կարծէին Օսմանեանք զառաջինն
եթէ գէթ յիսուն հազարք իցեն զօրք
քաղաքին, և իբրև տեսին զնոսա ըս-
պառապուռ իմն կոտորեալս, սարջա-
ցան յոյժ, զի կամէին կենդանւոյն գեր-
փել զնոսա և տանել 'ի գերութիւն :
Սկանն ստրա իւրաքանչիւր գէպ երե-
սաց իւրեանց պնդել ճեպընթաց ար-
շաւանօք զհետ Յունաց, որ խուճա-
պեալք այսր և անդր խուսխուսէին ա-
հարեկ կականամք :

Կիմեաց ամբոխն մեծաւ մատամբ 'ի
նաւահանդիստ անդր, զի փախիցեն 'ի
նաւս Յունացև Գենուացոց, այլ պա-
հապանք դրան նաւահանգստին փա-
կեալ 'ի ներքուստ զգրունս ընդգէմ
փախստելոցն՝ ընկեցին զբանալիսն անդր

բան զպարխասն արտաքս, յեցեալք 'ի նանրահաւատ իմն՝ դուշակուծիւն որ պէս թէ մտանելով մտցեն Օսմանեանք մինչև 'ի մէջքաղաքին և հասցեն 'ի Դաւուդ պաղարի, և սպա յետս վանեացին 'ի բնակչաց անտի:

Յայնժամ խուռնընթաց շտապաւ դիմեցին յեկեղեցի սրբոյն Սոփիայ արք և կանայք, ծերք և մանկուհք, միանձուհք և կուսանք առ հասարակ 'ի նոյն ստապատիր մարգարէութիւն հաստատեալք: Զի բան դարձեալ պատմէր առ նոսա, թէ 'ի հասանել Օսմանեանց մինչև 'ի սիւն մեծին Աստուանդիանոսի, հրեշտակ յերկնից իջեալ՝ տացէ 'ի ձեռս առն միոյ անարդի սուսեր մերկ և գաւազան արքունի, և ասացէ. « Ա՛ռ զլքէժ Ժողովրդեան Տեառն», և Յոյնք ամենայն փողեալ զհետ առնն՝ հարցեն զթշնամիս և հալածականս վարեացեն բացէ 'ի բաց մինչև 'ի սահմանս Պարսից աշխարհին:

Տաճար սրբոյն Սոփիայ, որ փառք էր աշխարհին, այլ 'ի բազմաց հեռեանչութ և ամայի լքեալ կայր իբրև այրս աւաղակաց սակս երկպառակութեան եկեղեցւոյն 'ի կորուստ հոգւոց, յաւուր յայնմիկ լցաւ զեղաւ մարդկամբ ծագէ 'ի ծագ, որ դրօքն փակելովք ակնկալեալ մնային մարմնոցն փրկութեան: Լային կականէին արտասուելից պաղատանօք, այլ ձայնք աղաղակի

Թշնամեացն 'ի վերայ յարձակելոց ընդարմացուցին զեղկելիսն ըմբռնեալս որպէս յանել ծուղակի :

Հասին խորտակեցին Օսմանեանք զգրունս տաճարին, և զժողովուրդն որ անդր ամրացեալ էր իբր 'ի փարախս ոչ խարաց քարշեցին ձգեցին 'ի սպանդ և 'ի դերուծիւն : Ասպեցին կաշկանդեցին զարս և զկանայս երկուս երկուս չուանօք և դօււովք՝ առանց խարելոյ զհասակ և զսայման, զվանահայրն ընդ դրոնապանին, զաիկինն ընդ աղախնոյ, զբրխորդն սալատական ընդ արգելական կուսանին որպէս և զիարդ բարւոք Թուեցաւ յափշտակողացն հաճոյից : Արհաւիրք բսամեւելք . սրակերք սրբոց կողոստեցան և խորտակեցան, անօթք ոսկւոյ և արծաթոյ յաւար մատնեցան . սպառք սրբոյ սեղանոյն առան 'ի ծածկոյթ երիվարաց, և նոքին խկ սեղանքն եղեն 'ի բաղմականս և 'ի մահիճս զօրականացն և 'ի մտուրս երիվարաց նոցա :

Մինչ այս և մինչ այն, լցան զեղան Օսմանեանք և ընդ դուռն Ռեն դափուսու անուանեալ և սպա յամենայն կողմանց՝ 'ի քաղաքն : Աալան ընդ սահաւս յաւադանւոյն և զՂուկաս Նոտարաս 'ի փախչել նորին 'ի առն իւր . Օրխան և զբօրորդի Սիւլէյմանայ հօսեաց զանձն իւր ընդ սպարխապն և մեռաւ . և սկսան Օսմանեանք կապուս կողոսուս առնել զտունս և զեկեղե-

ցիս: Եւ առաւ մայրն քաղաքաց մեծն
 Կոստանդնուպօլիս 'ի 29 աւուր մայի-
 սի յամին 1453, 'ի յիաներորդի երրոր-
 դի աւուր սաշարմանն:

Մէհէմմէտ արքայ ոչ ընդ զօրս իւր
 եմուտ 'ի ներքս 'ի քաղաքն, այլ սպա-
 սեալ մնայր աւետեաց առման քաղա-
 քին բովանդակ յիւրոց անտի: Յայն-
 ժամ սպա զհատարակ աւուրք շուրջ
 սպտեալ 'ի վէզիրաց և 'ի թիկնասպա-
 հաց եմուտ 'ի Կոստանդնուպօլիս ան-
 երկիւղ և անկասկած, և գէպ ուղիղ
 գնացեալ 'ի սուրքն Սոփիա՝ էջ յերի-
 վարէն և եմուտ 'ի ներքս: Հայեցաւ ե-
 տես մեծաւ զարմանալեօք շուրջանակի
 զհարիւր և զեօթն սիւնան երփնագեղս
 և ազնիւս, և յերկնաբերձ գմբէթս անդ
 տաճարին զհոյակապ սպտկերս չորից
 աւետարանչաց և սրբոյ Աստուածա-
 ծնին. և որչափ ամբառնայր զաչս իւր,
 այնչափ յաւելոյր 'ի զարմանս: Դար-
 ձոյց սպա զհայեցուածս իւր 'ի բար-
 ձանց անտի 'ի գեափն, և ահա մի ոմն 'ի
 զօրականէն ջանայր խորտակել զազնիւ-
 մարմարիոնս յատակին՝ որ գեղեցիկս
 քանդակեալ ըստ ծածանման մկանանց
 ջուրց թուէր հոսել ընդ գրունս տա-
 ճարին արտաքս 'ի նմանութիւն չորից
 գետոցն Եդեմայ: Եհար անդէն թա-
 գաւորն զայրն զայն սուսերաւ և ասէ.
 «Զգանձս քաղաքիդ ետու ձեզ յաւար,
 այլ շինուածքս իմ են» և քարշեալ ըն-

կեցաւ զօրականն կիսակենդան ար-
տաքս :

Ազա հրամայեաց արքայ միում՝ ի
կարդացողաց ելանել յամբոնն և ըն-
թեանուլ զդաւանու-թիւնն մահմետա-
կան, և ինքն իսկ ելեալ ՚ի վերայ աւագ
սեղանոյն՝ կատարեաց զաղօթս իւր ըն-
ճաշու ¹ :

Ելեալ Մէհէմէտայ ՚ի մզկիթէ ան-
տի Ա յա սոֆեային՝ իսկ և իսկ հրա-
մայեաց ածել զառաջեաւ զժողովակալն
Ղուկաս Կոտարաս . « Տէ՛ս, ասէ ցնա-
թագաւորն, զգեղեցիկ պտուղ գիմա-
կացու-թեան քո » . հայեցեալ ՚ի կոյտս
անգր դիտականցն, և ՚ի խուռն բազմու-
թիւն գերեւոյն : Պատասխանի եա՛ Կո-
տարաս և ասէ . « Ոչ յիմ և ոչ ՚ի կայ-
սեր ձեռս այնչափ իշխանութիւն էր՝
հաւանեցուցանելոյ զքաղաքացիս յանձ-
նատուր ընել, մանաւանդ զի և թուղթք
խրատուսիչք ՚ի գիմակացու-թիւն հա-
սին ՚ի ձեռս մեր » : Անդէն կասկած կա-
լաւ զարքայ զխալիլայ . սակայն ՚ի ժա-
մունն ոչինչ ՚ի վեր հանեալ, և հարց
ց՛ Կոտարաս եթէ կայսրն փախուցեալ
կոյէ ընդ հնդկոց նաւուցն Գենուացւոց

1 Ան է Կամազ իմ Սալաթն անուա-
նեալ աղօթք մահմետականաց, որ հնգօրոց ան-
գամ պաշտի յառաւրեհ հանդերձ իանխաղէիոյ :
աղագրութեան իմաստի յայնուղին, որ Էլշան ի-
ւր, յորմէ և յայնուղն Մի-էլշան :

որ ելին մեկնեցան 'ի նաւահանդրա-
տէն : Եւ մինչդեռ ասէր նա չգիտէլ,
ենիչէրիք երկու աղաղակեցին թէ մէք
սպանաք զնա, և գնացեալ գտին զնա
'ի մէջ գիականց՝ ծանուցեալ 'ի ծիրա-
նի կօշկացն գործելոց ոսկեթել ար-
ծուէնչանաւ : Յայնժամ արձակեաց
արքայ զՆոտարաս 'ի տուն իւր. և զգը-
լուիս կայսերն վարսեալ 'ի սիւն մի
կանգնեալ երբեմն 'ի մեծէն Աոստան
գիանոսէ 'ի հրասպարակի անդ որ արդ-
կոչի Սարայ մէյտանը հուս յԱյս սո-
փեա, ընդ երեկս ետ իջուցանել զայն,
և զմորթն հանեալ և յարդալից արա-
բեալ առաքեաց 'ի քաղաքս Ասիոյ 'ի
տեսիլ նշաւակի մեծի յաղթութեանն :
Իսկ զգիական շնորհեաց սպա Յունաց՝
զի թաղեացեն :

Գենուացիք որ ամրացեալ կային
ցայնժամ 'ի Ղալադիա՝ բերին առ ար-
քայ զբանալիս բերդին, և աղերսէին՝
գթութեամբ վարել ընդ բնակիչսն. և
նա զիջաւ 'ի խնդիրն : Չաղնուս փաշա
գնաց 'ի Ղալադիա խաղաղութեամբ
'ի գիմաց արքայի, և զՅոյնս Աոստանգ-
նուսպօլսոյ որք չև էին վարեալք 'ի գե-
րութիւն՝ անդէն բնակեցոյց, բաց 'ի
'Նոտարայ՝ որ 'ի շնորհելոյ արքային
բնակեցաւ 'ի Աոստանգնուսպօլիս յի-
րում յառաջին պաշտանն :

Ի վաղիւ անդր եկն արքայ վերստին
'ի քաղաքն, և գնաց երիվարաւն յա-

պարանա Նոտարայ . որոյ ելեալ ընդ առաջ թագաւորին անկանէր առ ոտս նորա և ցուցանէր նմա զգանձան զոր պահեցի, ասէր, վասն քո : Եհարց ցնա Մէհէմէտ . « Ո՞ր էտ ինձ ասէ, զայդ ամենայն գանձս հանդերձ քաղաքաւդ » : Եւ յասել Նոտարայ՝ եթէ Աստուած, պատասխանի ետ թագաւորն . « Ապա ուրեմն զԱստուծոյ պարտիմ գոհանալ, և ոչ զքէն » : Սակայն մխիթարեաց զնա առ ժամն և զորդիս նորա . և ինքն շրջեալ ընդ ամայի փողոցս թագաւորեալ քաղաքին՝ որ կապուտ կողոպուտ յամենայն փառաց ողորմ տեսիլ անցաւորացն ցուցանէր, չղբաւ ՚ի պալատն արքունի, և ընդ երկուս անմտորդացեալ սրահսն մեծամեծս անցեալ՝ յիշատակ արար պարսկական տաղից ինչ որ քաջիկ տային զնկարագիր ամայութեան արքունեացն :

Ապա հրամայեաց ինչոյս կարգել առ արքունի պալատամբն մեծածախս յոյժ, և ընդ գինիս մտեալ առաքեաց կոչեաց առ ինքն զչորեքտասանամեայ որդին Նոտարայ՝ զոր ՚ի տան նորին տեսեալ էր : Իբրև ոչ կամեցաւ Նոտարաս արձակել զորդին, ետ արքայ զնա ինքն Նոտարաս ամենայն ընտանեօքն հանդերձ ածել զառաջեաւ իւրով . և զորդին առ իւր կալեալ, զայլնն առ հասարակ հրամայեաց ընդ սուր անցուցանել : Եւ ինքն Նոտարաս զկնի ականա

աւես լինելոց կատորածի խւրոցն 'ի խո-
նարհեւ խւրում ընդ սրով դահճին գո-
չեք . «Արդար ես գու Տէր» :

Յետ այնորիկ սպանանն և այլք բա-
զումք 'ի Յունաց և յԵւրոսպացոց, ընդ-
որս և սայլն կամ գէսպանն Աննեա-
կոյ հանդերձ որդւոյն, և բղեաշին
Սպանիոյերկոքումք որդւովք խւրովք :
Ծիրանաւորն Իսիդորոս գերի վաճա-
ռեալ 'ի Ղալադիա՝ փախեաւ անտի,
և ապա գրեաց զպատմութիւնն առման
քաղաքին : Արպէս և հանդերձապեան
կայսեր պատմագիրն Փրանզաս փա-
խուցեալ 'ի գերութենէ՝ անկաւ 'ի Պե-
ղոսոննեա, և անտի 'ի Աորկիւրա, որ է
Քորֆու, ուր և կրօնաւորեալ ուրեք
մեռաւ : Իսկ այլք 'ի Յունաց վտարե-
ցան յԱսիա և յԱդրիանուպօլիս :

Յաւուր երրորդի առմանն Առասան
դնուպօլսոյ արձակեաց Մէհէմէտ ար-
քայ զգօրան և զնաւատորմն յաղատու-
թիւն, և ելին մեկնեցան Օսմանեանք
լիացեալք աւարաւ թագաւորեալ քա-
ղաքին : Նաք ամենայն և վրանք լի էին
գերեօք և աղախնեօք, անօթիւք ոսկւոյ
և արծաթոյ, և անհամար մատենիւք :

Յայնժամ կատարեցաւ և առումն
քաղաքին, և աւարումն, և կործանումն,
և ամայութիւն մինչև 'ի սպառ . և 'ի
չորրորդում աւուր սկիզբն եղև շինու-
թեան և կարգաւորութեան Առասանդ-
նուպօլսոյ ըստ այժմու սարսաղուն :

Քանզի էր խակ Մէհէմէտ արքայ ընդ հզոր աշխարհակալութեանն և աշխարհաշէն ոչ սակաւ, և խաղաղութեան ստրկաց խւրոց խոնարհելոց ընդ ահագին սուսերաւն՝ խնամտա հոգաբարձու :

Եւ նախ կամեցեալ կարգել զոք ՚ի պատրխարդ Յունաց, հրամայեաց ամենեցուն որ ՚ի թաքստեան իցեն՝ աներկխղ ելանել արտաքս, և ունել զբարբանչխւրբնակարանս աղասութեամբ որպէս և յառաջն : Ապա յընտրել նոցա ՚ի պատրխարդ խւրեանց զԳէորդ վանական, որ և Գեննադիոս, թագաւորն հրաւիրեաց զնա ՚ի Ճաշ, խօսակից եղև նմա ընդ երկար բազում պատուասիրութեամբ, եւ ՚ի ձեռս նորա դաւազան մեծագին, և սպա հեծուցեալ յերկվար ընտիր՝ ուղեկից եղև նմա մինչև ՚ի նոր պատրխարդարանն յեկեղեցի սրոց Առաքելոց ¹ : զի առաջինն էր ՚ի սուրբն Սոփիա :

Ապա հրաման եւ կործանել զպարխապս Ղալադիոց ՚ի ցամաքին կուսէ, և զբարձրութիւն մեծի աշտարակի նորին հարթեալ հաւասարեցոյց բարձ-

1 Սոփայն նա ինքն Գեննադիոս խաւարէաց ապա զսեռ գաղղիաբնեանն յեկեղեցի Տիրմօրն, որ արդ յէկիկ է Փեկհիյէ խայեաւ, շի և այլ գաղղեաւ շի խաւասարեաց խաւասարեաց ՚ի Փեկհի :

բուժեան Էարէնէ գալուսու անուա-
նեալ դրանն: Եւ առ 'ի ընուլ բնակչօք
քաղաքն Կոստանդնուպօլիս՝ ժողո-
վեաց նախ բաղմուժիւն յոյժ որմնա-
դրաց և աղիւսագործաց, և ապա խա-
ղացոյց անդր 'ի Տրապիզոնէ, 'ի Ալնու-
պայ և յայլոց քաղաքաց գերդաստանս
հինգ հազար:

Զմի ոմն 'ի ծառայից իւրոց Սիւլէյ-
ման անուն կարգեաց տեսուչ քաղա-
քին, և պատուիրեաց նմա՝ զի մինչև
ցամիսն սեպտեմբեր զեռեղեալ բնա-
կեացեն եկաւորքն ամենայն 'ի նորաչէն
տունս քաղաքին: Բաղումք յիշտանա-
ւորաց անգամ Յունաց վտահացեալք
'ի խոստմունս հրովարտակին արքայի
եկին 'ի քաղաքն, և 'ի ժամագրեալ ա-
ւուր յառաջ մտտեան 'ի հաւատակ
զայնուստոհմուժիւն իւրեանց. իսկ
արքայ հրամայեաց առ օրին հատանել
զգլուխս նոցա:

Զհետ աւուրց քսանից ուղևորեցաւ
Մէհէմմէա արքայ յԱդրիանուպօլիս
խուռն բաղմուժեամբ ընտիր ընտիր գե-
րեաց՝ արանց և կանանց: Էր ընդ կա-
պեալն և խալիլ փաշա վեղերն մեծ,
զորոյ զփաշառաբեկն լինել 'ի Յունաց
բաղում իրօք ստուգեալ էր արքայի՝ 1,

1 Յառաջ միտմ քեսեալ արքայի աղո-
մէ խաղեալ առ դուրսն՝ ասէ. «Ո՛ր անմիտ,
չի՛ է նրի՛ն» առ խալիլ 'ի գնէլ զայլապո-
սու

և քանտարկեալ զնա յերրորդի աւուր
որ յեա առմանն Բիւզանդիոյ . և ընդ
հասանելն յԱզրիանուպօլիս եհատըզ
գլուխ նորա, և քսան հազար ոսկիս ՚ի
գանձուց նորին էառ յարքունիս :

Աստի արձակեաց հրովարտակս ա
ւետաւորս ՚ի Պարսկաստան, յԵզիպ
տոս և ՚ի Մէքքէ, որովք աղջ առնէր
նոցա զառուճն Կոստանդնուպօլսոյ :
Անդ ընկալաւ և զննդակցու թեանս գեւ
սրանս սահմանակից պետութեանց Եւ
րոսպացոց, և պահանջեաց ՚ի նոցանէ
տարեկան հարկս, և որք կանխաւ ևս
հարկէին Օսմանեանց՝ յաւել և ևս ծան
րացուցանել զտուրան ՚ի վերայ նոցա :
Նոյնպէս և յիշխանացն Պեղոսպոննե
սեայ ՚ի Գեմետրէ և ՚ի Թովմասէ պա
հանջեալ հարկս ամ ըստ ամէ տան
հազար ոսկւոյ՝ եթող զաշխարհն ՚ի
ձեռս նոցա և խոստացաւ պաշտպան լի
նել նոցա և հովանի :

Զձմեռն զայն անցուցեալ արքայի
խաղաղութեամբ յԱզրիանուպօլիս, ա
պա ՚ի գալ գարնայնոյն ուշ արար ՚ի
գրաւուճն աշխարհին Սերվաց . վասն
որոյ պատգամ առաքեալ առ Գէորգ
Պանքովիչ իշխան նոցա ասէ . « Ոչ
քո է աշխարհդ, այլ Ստեփանոսի

Բիւն 403 : Ընդ այս բան զարհուրեալ վե
ղիբին՝ ինդրեաց, ասէն, հրաման գնալոյ
յոսիս ՚ի Մէքքէ . այլ արայ լիք նմա իոյլ :

որդւոյ Լազարայ, վասն որոյ և խմ
խակ. շատ լիցի քեզ բաժին Առւելքայ
հօրն քոյ: Եւ սպասուէր սաստիկ եղ
ի վերայ դեասպանին հանդերձ սպառ
նալեօք մահու՝ չյապաղէլ անդէն ա
ւելի քան զաւուրս քսան և հինգ: Այլ
քանդի Պրանքովիչ երթեալ էր առ
Հունիատ ՚ի Մաճառս՝ ՚ի խնդիր նիզա
կակցութեան, իբրև յամեաց դեասպանն
աւուրս երեսուն՝ Մէհէմէտ արքայ
գիմեաց սրտմտութեամբ ՚ի Փիլիպպէ,
ուր գտեալ զպատգամաւորն՝ հաղիւ
չնորհեաց նմա զկեանսն ՚ի միտ առեալ
զպատճառս յապաղելոյն:

Խաղաց անտի ՚ի Սոփեա, և անդ թռ
ղեալ զմեծ մասն զօրականին՝ քսան
հազար հեծելովք եմուտ ՚ի Սերովիա,
պաշարեաց զամհոցսն Սէմէնարէ, և
Օսթրովից, որ է Սիվրի հիաար, և աս
պատակեալ ընդ ամենայն երկիրն՝ խա
ղացոյց յԱսիա դերիս յիսուն հազար:
Իսառ ապա և զՕսթրովից, եբարձ ըզ
պաշարուին Սէմէնարէի և դարձաւ յԱ
դրիանուսովիս՝ թողեալ զՖիրուզ պէյ
երեսուն հազարաւ ՚ի Քրուսովաց ընդ
դէմ Մաճառաց և Սերովաց: Հունիատ
և Պրանքովիչ հարին զՕամանեանս, ըզ
Ֆիրուզ պէյ ձերբակալ արարին, և ըզ
քաղաքն Ախտին հրձիգ արարեալ այրե
ցին: Ապա դարձաւ Հունիատ յաղթա
նակաւ յերկիր իւր, և Պրանքովիչ երե
սուն հազար ոսկւոյ հարկս խոստացեալ

Մէհէմմէտայ ամի ամի՝ ղիջլաց զնա՝ ի հաշտութիւն :

Գաշնագիր եղև Մէհէմմէտ և ընդ Վէնեակեցիս, և հրաման ետ նոցա ունել դեսպան զոմն ՚ի Բխւզանդիոն, և ինքն երթեալ ՚ի Կոստանդնուպօլիս՝ կառոյց մղկիթ մի յԱյուսպ¹, և ՚ի տեղւոջ եկեղեցւոյ Առաքելոցն կանգնեաց զպալատ իւր, որ յետ շինութեան այժմու պալատանն կոչեցաւ Էսկի սէրայ : Կարգեաց վէզիր մեծ զՄահմուտ փաշա, սերվացի ՚ի մօրէ, և յոյն ՚ի հօրէ : Եւ ապա ՚ի յորդորելոյ տահմանակալ իշխանին Իսա պէյի զօրաժողով լեալ յԱդրիանուպօլիս՝ գիմեաց յերկիրն Սերվաց, և բանակեցաւ առ տամբ Գարաթովա լերին :

Անտի խաղացեալ պաշարեաց զճօխ քաղաքն՝ Նովուպրոտ կամ Նովասիւրտէ, և յեօթներորդում աւուր պաշարմանն առեալ զայն՝ զպարխապն կործանեաց, և զաւարն բաշխեաց ՚ի մարտիկա իւր : Ապա էառ և զամրոցսն Թրիփ-

1 Քանզի աւանդ է Օսմանեանց՝ եկե տարանօր թաղեալ իայնէ Կրօշակի Ժարգարեկի իրեանց խաւիք որդի Զէյթայ՝ ճախնուսնէան ի պի- իյոուդ, իմ իյոուդի Էնուարի, որ յամ փետուն 673 իմ 668, ընդ Եւէփ անուն զօրաժարի Արաբոցոց եկեալ ՚ի պաշարմն Կոստանդնուպօլսոյ, և անդ մտեալ էր :

ճաև Դաշհասար, և ՚ի Գոսսովա դաշտին
 ՚ի յիշատակ հաւու՛ն իւրոյ Մուրատայ
 առաջնոյ, որ անդ սպանեալ էր, բաշ-
 խեաց զօրականին իւրում առատա-
 սարգև տուրս, և դարձաւ ՚ի Կոստանդ-
 նուպօլիս յամի 1455:

Ի հերուն հեռէ պահանջեալ էր Մէ-
 հէմմէտ հարկս ՚ի մագիստրոսէն Հոռ-
 դացւոց, և էաւ ՚ի նմանէ պատասխա-
 նի՝ եթէ չէք իմ հրաման իշխանութեան
 ՚ի պետութեանցն Եւրոպայ՝ հարկիլ
 այլադքեացդ, այլ ես յիմմէ կողմանէ
 պատրաստ եմ ամի ամի ընծայաբեր լի-
 նել արքայիդ ըստ իմում կարի: Ինդ
 որ զայրագնեալ արքայի՝ կաղմեաց վաղ-
 վաղակի տորմիդ նաւուց և նաւակաց
 հարիւր և ութանից, և տուեալ ՚ի ձեռս
 համզա պէյ ծովակալին՝ արձակեաց ՚ի
 Հոռոգոս: Իսկ նորս նաւեալ նախ ՚ի
 Աւսրոս, և անդ ՚ի գե՛նուացի դքսէ
 կղզոյն ընծայիւք պատուեալ՝ դիմեաց
 ՚ի Քիոս, որ է Սագըղ, և այն քանպի
 ամրապինդ էր, ուղևորեցաւ ՚ի Հոռ-
 դոս: Զայն ևս ամրագոյն քան զՔիոս
 դաւեալ, ունայնաձեռն դարձաւ ՚ի Կէ-
 լիպօլու:

Սրամտեալ Մէհէմմէտայ ընդ վա-
 տութիւնն Համզայի, ասէ ցնա. «Եթէ
 չէր քո վայելեալ ՚ի սէր հօրն իմոյ, արդ-
 կենդանւոյն իսկ մորթեզերծ առնէի
 զքեզ»: և ՚ի բաց վանեաց զնա յերե-
 տաց իւրոց: Եւ կարգեալ փոխանակ

նորա ծովակալ Ղևսաս Եօնուս փաշա՝
տասն մեծամեծ նաւուք արձակեաց
ընդ ծով 'ի վերայ կղզեացն Արշիպե-
ղագոսի, և ինքն խաղաց անդր ընդ ցա-
մաք յամի 1456:

Իշխանն Ենոս կամ Էնէզ կղզւոյ,
զորմէ բողոք կալեալ էր դատաւորին
Խիսաւայի առ արքայ՝ որպէս թէ խուի-
ցէ զՕսմանցիս, փախուցեալ 'ի Սա-
մոթրակէ՝ առաքեաց առ թագաւորն
զգուար իւր բազում ընծայիւք: Իսկ
նա 'ի սուղ ժամանակի առեալ զկղզիան
զԵնոս, զՍամոթրակէ, զԹասոս, և զԴա-
բոս, գէմ եդ 'ի Քիոս. այլ 'ի խնդրել
Քիացւոց զխաղաղութիւն՝ հատուցա-
նելով նմա ոսկիս երեսուն հազար և
խոտանալով տարեկան հարկս տասն
հազար ոսկւոյ, խոտորեցաւ 'ի նոցանէ
'ի Լեմնոս: Քանզի Լեմնացիք բողոք կա-
լան առ Մէհէմէտ արքայ զիշխանէն
իւրեանց զՆիկոպոյոսէ. և լաւ համա-
րեալ մտանել ընդ իշխանութեամբ Օս-
մանեանց՝ խնդրեցին կացուցանել 'ի
վերայ կղզւոյն կուսակալ զոք յիւրոցն.
և արքայ եդ իշխան կղզւոյն զՀամլա-
պէյ: Եւ զի փութայր դիմել մեծաւ
պատրաստութեամբ յերկիրն Մաճա-
ռաց, թերակատար եթող առ ժամն
զիղձս երկրակալութեանցն 'ի Յունա-
ստան:

Խաղաց գնաց Մէհէմէտ արքայ հա-
րիւր և յիսուն հազար զօրօք և երեքա-

ժուր հրադինուք և սրաշարեաց զՊեւ-
 կրաստ քաղաք Սերովաց, և նաւս երկե-
 ժուր իջոյց ընդ ծով 'ի Դանուք: Եհաս
 և Հունիաստ սպարապետ Մաճառաց և
 ամենայն խաչակրաց իբրու վաթսուն
 հազարաց՝ նոյնչափ նաւուք հանդէս
 Պեկրատու, և վանեալ զոտրմիզ Օս-
 մանեանց եմուտ 'ի Պեկրատ:

Յայնժամ լի սրամտութեամբ ինքնին
 Մէհէմմէտ խաղացոյց վարեաց զենի-
 չէրինն բուռն զօրութեամբ, և եմոյծ
 սրատերազմաւ յարտաքին քաղաքն, և
 սկսաւ մարտ դնել ընդ ներքնոյն սասա-
 կապէս. մինչև Հունիաստ անդամ վհա-
 տեալ յուսահատ լինէր 'ի փրկութենէ
 քաղաքին. այլ Յովհաննէս Վապիս-
 տրան ախոյեանն բանակին քրիստոնէից
 անցեալ 'ի դուխ հազար խաչակրաց՝
 վանեաց զսրաշարիչսն:

Զայն իբրև ետես Մէհէմմէտ արքայ,
 յարձակեցաւ առ իւծարար, և 'ի մի հա-
 բուած ճեղքեալ զմի սմն 'ի թշնամեաց,
 խոցեցաւ և ինքն 'ի բարձսն: Եւ ապա
 լի ցատամբ կշտամբել սկսաւ զհասան
 զօրավար ենիչէրեաց. և այրն քաջ սրա-
 տասխանի ետ արքայի և ասէ. «Մեծ
 մասն զօրականիդ ասա վիրաւոր է, և
 այլքն խատապարանոցք»: Զայս ասաց,
 և անդէն անյապաղ յարձակեցաւ 'ի վե-
 ռայ թշնամեաց, և տապառտ արկաւ 'ի
 սրոյ նոցա առաջի նորին խակ արքայի: Ի
 նմին սրահու և վեց հազար հեծեալք Օս-

մանեանց հասին 'ի Թիկունս, և վանեցին զխաչակիրսն անդրէն 'ի քաղաքն . այլ Մէհէմէտ մեկնեցաւ 'ի Սոֆեա զօրօքն հանդերձ՝ կորուսեալ արս քան և չորս հազար, և զփախուցեալսն 'ի քանակէն 'ի սուր սուսերի կոտորեաց : Ի նմին ժամանակի իշխանն Մուլաախոյ Պեարոս անուն տեսեալ զանյաղթելի զօրութիւնս օսմանեան պետութեանն՝ աճապարեաց եւ ընդ առաջ արքայի և խոստացաւ հատուցանել նմա ամ ըստ ամէ հարկս երկու հազար ոսկւոյ վանս անդորրութեան իւրոյ աշխարհին :

Իսորձ արարեալ արքային Մէհէմէտայ յԱդրիանուպօլիս, առ 'ի քաջալերելոյ զլքումն զօրաց իւրաց ընդ յետագարձն 'ի Պելլրատէ առանց ինչ յաղթանակի՝ արար զհանդէս Թլփասութեան երկոցուն որդւոցն իւրոց Պայէզիսայ և Մուսդաֆայի, կոչեցեալ զմին յԱմասիոյ, և զմիւսն 'ի Մադնեսիոյ յամին 1457 : Ի կողմոջն մեծի որ առ քաղաքաւ Ադրիանուպօլսոյ կայ՝ հարան բազմութիւնք խորանաց, և 'ի միջի նոցին խորանն արքայի հանդերձ գահոյիւք : Անդ յառաջնում արուր հանդիսին մեծարեցան դիւանականացն դասք, որոց պարագլուխ էր Խայրէասին Խօճա ուսուցիչն արքայի . և արձակեցան սոքա պատուեալք զանազան պարգևօք հանդերձից և դրամոց : Յերկրորդումն նոյնօրինակ պատուասիրեցան

տէրովնք և միանձունք : Յաւուրն երրորդի եղեն զինաստաղութիւնք, մականաստաղութիւնք, և հանդէսք աղեղնաւորութե . և յաղթողքն պարզեցան յարքայէ առատապէս : Իսկ 'ի չորրորդումն ճապարկեցան դրամք առ ժողովուրդն : Ընծայարեքք եղեն և ամենայն աւագորեարն առ արքայ . և ընծայք վէզերին մեծի զանցանէին զայլովքն ամենեքումքք ըստ ճոխութեան :

Ի կատարել աւուրց հանդիսին արձակեաց արքայ զերկուս թուռնան Էւրէնոսի, որոց երկաքանչիւրոցն իսաանուն էր, ասպատակել 'ի Մաճառս և յԱլլպանիա : Հրաման ետ կառուցանել 'ի Կոստանդնուպօլիս զեօթնաշտարակեան ամրոցն . և մինչդեռ ինքն պատրաստէր գիմել 'ի Պեղոպոննէս՝ առաքեաց զՄահմուտ փաշա զվէզերն 'ի նուաճումն Սերվիոյ :

Զօրաժողով եղև Մահմուտ փաշահուպ 'ի Կոստանդնուպօլիս 'ի դաշտաժայրին՝ որ ցարդ ևս յանուն նորա կոչի, և յարձակեալ մինչև 'ի Գանուբ՝ առանց ինչ մեծի փառսու էառ բազում բերդորայս, և զաւուրս ծոմապահոց

1 Ան է ամբողջն Եփիփուլէ 'ի հարասային ծագս պարսպաց Կոստանդնուպօլի . զոր 'ի պահել զքանիս իւր կառուցոյ, առնն, Մէհմեմէփ արասայ :

բամաղանին՝ զտեղի կալեալ ՚ի Նիշ-
ասպա ասպատակ սինուեաց մինչև անդր-
քան զԴանուբ, և ամ թափեաց առաջի
արքայի յԼուքիւսպ աւար և գերի բա-
զում յոյժ :

Ընդ այն աւուրս մեռեալ էր Պրան-
քովիչ իշխանն Սերվաց, և Նազար որ-
դի նորին կուրացուցեալ զեղբարս իւր
զերիցագոյնս, զեղ մահու արբուցեալ
մօր իւրում, այլ կալեալ զիշխանու-
թիւնն հօրն իւրոյ ոչինչ աւելի քան զա-
միսս երկուս՝ մեռաւ և ինքն, և կինն նո-
րա Հեղինէ աւանդեաց զաշխարհն իբր
՚ի կալուած ՚ի ձեռս սրային : Ընդ որ
գժդմեակալ աւագանւոյն Սերվաց, լա-
համարեցան մտանել ընդ լծով Օսմա-
նեանց, և ընտրեցին իւրեանց իշխան
զՄեքայէլ Ապոկովիչ զեղբայր Մահ-
մուտ փաշայի : Հեղինէ հնարիւք իմն
ձերբակալեաց զՄեքայէլ և առաքեաց
զնա շղթայակապ ՚ի Մաճառս, այլ Մե-
հեմէտ արքայ սաշարեաց զնա ՚ի Սե-
մէնարէ, և էառ զամուրն խաղաղու-
թեամբ, թոյլ տուեալ Հեղինեայ մեկ-
նել անտի յս և կամիցի : Ապա և այլ
բերդորայք աշխարհին անհակառակ
անձնատուր եղեն արքայի, ոգիք եր-
կերիւր հազար վարեցան ՚ի գերու-

1 Ձիւի երէնօրեայ պահոցս քան է նոցա
յառաջնում առաւ լիվլալ ամսոյ, և քան
առաւ երիս :

Թեան . և այնուհետև մարդ եկաց և Սերսիա օսմանեան պետու թեան մինչև մօտ յաւուրս մեր :

Յեա այնորիկ զամս երիս անընդհատ ասարատակեալ Մէհէմմէտայ 'ի Պեղոս պոննէս՝ մերթ անձամբ և մերթ 'ի ձեռն զօրագլխաց իւրոց , յետոյ ուրեմն նուա ձեաց զՅուճաստան ողջոյն , բաց 'ի նաւահանգստաց ոմանց՝ զորս Վենետիկցիք ունեին անդէն :

Որք ընդդէմ կային նմա քաղաքք , յեա առման նոցին՝ զքնակիչսն 'ի հրապարակ ածեալ ընդ սուր անցուցանէր կամ կարթակոտորս առնէր , և զքաղաքապետն ընդ մէջ սղոցեալ հերձոյր յահ և յերկիւղ այլոց քաղաքաց : Իսկ որք անձնատուրն լինեին՝ ըստ մասին 'ի գերութիւն վարէր , և զայլս իազացուցեալ յաւանս և 'ի շրջակայս Բիւզանդիոյ բնակեցուցանէր . մինչև յետոյ ուրեմն դարձ արար յարթանակաւ յԱզրիանուպօլիս՝ բարձեալ 'ի միջոյ 'ի սարս սպուռ զամենայն տէրութիւն Յունաց յԵւրոպիոյ :

Ի դօտանալ այսպէս արեւմտեան բազկի երկձիղ ծառոյ կայսերութեանն Յունաց , արեւելեանն դեռ ևս կայր մնայր 'ի Տրապիզոն . սմին իրի հարկէր արքայի անցանել յԱսիա , և առնուլ նախ 'ի Գենուացւոց զԱմասարս , և 'ի Թիւրքմէնաց զՍինոսս , և անախ սպա իազալ 'ի վերայ Տրապիզոնի :

Եւ զի մի 'ի մեկնել իւրում յեւրոպական կողմանց՝ շփոթք ինչ մեծամեծք յուղեացին դարձեալ անգանօր, խօսեցաւ հաշտութիւն ընդ Իսթէնսէր սէյին Աննաւուտաց, որ դեռ ևս ոչ գաղարէր աշխատ առնել զգորավարս Օսմանեանց: Շնորհեաց նմա զանդորր վայելաւ աշխարհին իւրոյ ազատարար, և ինքն դիմեաց 'ի Կոստանդնուպօլսոյ յԱսիա: Գե՛նուացիք որ տիրէին յԱմասորա, խնդրեցին յարքայէ բազում անդամ զՂալադիա. և 'ի զանալ նորա զայն և յասել, «Ոչ բռնութեամբ ինչ առեալ է իմ զՂալադիա, այլ յինքնամատոյց յօժարութե՛նէ քաղաքացւոց նորին ընկալայ ես զնոյն ընդ ինամնովքս յօդուտ նոցա քան 'ի վնաս», Գե՛նուացիք 'ի մարտ պատրաստեցան: Յայնժամ արքայ առաքեաց ընդդէմ նոցա զվէղիրն մեծ զՄահմուտ հարիւր և յիսուն նաւուք ընդ Պոնտոս, և ինքն ասիացի զօրօքն և բազում ուղտուք գնացեալ էաւ զԱմասորա 'ի Գե՛նուացւոց անտի խաղաղութեամբ, և զերրորդմասն բնակչացն անդէն թողեալ՝ զայլս խաղացոյց 'ի Կոստանդնուպօլիս:

Այս արշաւանք թագաւորին, որ սէս և այլքն առ հասարակ, թէ յո ուղղիցի և յինչ պատճառս՝ անծանօթ էր աւագանւոյն անդամ. վասն որոյ 'ի ժախ ուրումն յիշխանաց և 'ի հարցանել ցնա զպատճառս արշաւանին՝

եա պատասխանի թագաւորն . « Եթէ
յանկարծ մազ մի մտրուաց խնոց խմա-
նայր զխորհուրդս իմ, անդէն խլեալ
'ի հուր զայն այրէի »: Սովին անյայտ
վախճանաւ զտեղի առեալ առ ժամա-
նակ մի 'ի Պրուսա զօրաժողով լինէր,
զի գիմեսցէ 'ի Սինոպ և 'ի Տրասպոլոն:

Մինչև առեալ Մէհէմէտայ զՎոս-
տանդնուպօլիս՝ գութ մեծ ունելով 'ի
վերայ ազգիս, խոստացեալ էր Յովա-
կիմայ Եպիսկոպոսի առաջնորդին Պրու-
սայի զպատրիարդական իշխանութիւն՝
եթէ յաջողեսցի առնուլ զթագաւո-
րեալ քաղաքն: Արդ 'ի գալ իւրում 'ի
Պրուսա՝ կատարեաց զխոստումնն, և
առանձին հրովարտակաւ կարգեալ զնա-
պատրիարդ ամենայն հայոց որ ընդ օս-
մանեան տերութեամբ՝ առաքեաց 'ի
Վոստանդնուպօլիս . և ընդ նմա տունս
քանի մի յերևելեաց ազգիս 'ի Պրու-
սայէ և յԱնկիւրիոյ և յայլոց տեղեաց,
որ բնակեցան 'ի Ղալադիս, և 'ի բուն
քաղաքին:

1 Ասի Բան՝ ելիւ Մէհէմէտ արքայ առ-
անխախտ լինելոյ յապստատութենէն Յու-
նաց՝ ածեալ և բնակեցոցեալ իցէ զհայն 'ի
վերջեմի իողմանս քաղաքին, և լիւ այն իցէ որ
յարգուեի հրովարտաի պատրիարգին յիշու-
բաի վերջ ժողովուրդ անոնեալ: Այժմոս
սախտութեամբ յազատաց ազգիս քաղաքին 'ի
վերջ քեղեան՝ որ արդ իւրին Օսմալ:

Յեւ այնորիկ պատուէր յղեաց արքայ առ իշխանն Սինոպայ Իամայիլ սէյ, և ասէ. « Յանկալի է ինձ քաղաքդ քո Սինոպ. թէ ասորժես, տաց քեզ փոխանակ այդր զՓիլիպպէ. սպա թէ ոչ, ահա գամ 'ի վերայ քո»: Զայս պատգամ արձակեալ առ նա՝ անդէն և զԳըզըլ Ահմէտ զեղբայր իշխանին Իամայիլի որ առ իւր 'ի բանակի անդէր, տէր և իշխան կացոյց կիսոյ մասին երկրի եղբօրն: Եւ Իամայիլ իբրև ետես զիրան, և լուաւ զյորդոր Մահմուտ փաշային 'ի տալ խաղաղութեամբ 'ի ձեռս արքայի զերկիրն, անյօպաղ հպատակեաց, և ընդ առաջ ելեալ թագաւորին կամէր համբուրել զձեռս նորարայցնա ոչ եթող, այլ գիրկ ընդ խառն համբուրեալ՝ կոչեաց զնա իւր անդրանիկ եղբայր, և շնորհեաց նմա 'ի բաժին կալուածոց զԵնիշէհիլ, զԷյնէկէօլ և զԵարհասթ, յեւ ժամանակաց և զՓիլիպպէ:

Ի նաւահանգստի անդ Սինոպայ էր նաւ մի մեծ քան զամենայն նաւս ժամանակին, որ տանէր տակառս ինն հարիւր. զայն առ խաղացոյց Մէհմեմէտ արքայ 'ի Կոստանդնուպօլիս, և ինքն և սկսաւ մեծամեծս այնուհետև կառուցանել նաւս:

Ի Սինոպայ չու արար թագաւորն ընդ կողմն Կարնոյ, որպէս թէ ոչ 'ի Տրապիզոն գէմ եգեալ իցէ գնալ, այլ

ի վերայ Ուզուն Հասան իշխանին Ադ-
դոյունը անուանեալ տոհմին Թուր-
քայ: Այս Ուզուն Հասան փեսայ գո-
լով Դաւթի Կոմնենոսի արքային Տրա-
պիզոնայ՝ ի հերուն հետէ գեաղանս ա-
ռաքեալ առ Մէհէմէտ խնդրէր վասն
Դաւթի զազատութիւն ի հարկաց եր-
կուհազար ոսկւոյն . այլ և վասն իւր
ղկարդեալ ընծայան՝ զոր տայր, ասէ,
նախնեացն խնոց նախնին քո Մէհէմ-
մէտ ամ ըստ ամէ: Եւ արքայի յետս
դարձուցեալ զգեաղանան ասէ. «Եր-
թայք ի խաղաղութիւն . ես ինձէն ե-
կից ընդ հուս, և հատուցից զպարտս
խմ»:

Էս ապա զգլխաւոր բերդն Ուզուն
Հասանայ զԳոյունը հիսար . և մինչ
դեռ իջանէր յԵրզնկայ, եւ նմա ընդ
առաջ Սարա մայրն Հասանայ ընդ հիւ-
սէյին անուն շէխին սրատուական ըն-
ծայիւք, և հայցէր զխաղաղութիւն ի
գիմաց որդւոյ իւրոյ: Մեծաւ մարդա-
սիրութեամբ խօսեցեալ ընդ նոսա ար-
քային, զիջաւ ի խնդիրն, և դարձաւ
դէս ուղի ի Տրապիզոն:

Եւ քանզի բարձրաբերձ լերինք դը-
ժուարուաք էին ի ճանապարհին, մե-
ծաւ մատամբ հեախ ելանէր ընդ նոսա
Մէհէմէտ արքայ: Ասէ ցնա Սարա .
«Եւ զիարդ յանձն առնուցուս, որ-
դեակ, զայդչափ վիշտս վտանդի վասն
Տրապիզոնի»:

քայ • «Սուսեր օսմանեան աւանդեալ է ինձ, մայրիկ • և զիարդ կոչիցիմ Ղազի (այս ինքն է յաղթող), և թէ ոչ յաղթեցից ամենայն դժուարութեանց»:

Դաւիթ Վոմնեան, որ յաւթից ամաց հետէ հարկատու գողով Օսմանեանց թագաւորէր 'ի Տրապիզոն, աւուրբ յառաջ քաջութեամբ մտրտ գնէր ընդ Մահմուտ փաշային, որ կանխաժաման լեալ էր անդր ընդ ծով քան զարքայ:

Իբրև եհաս Մէհեմէտ արքայ, աղբարար վաղվաղակի առ Դաւիթ, զի կամ ելցէ մեկնեացի 'ի քաղաքէն ծառայիք և ստացուածովք հանդերձ յաղատութիւն, և կամ յանձն առցէ անկանել յինչից և 'ի կենաց միանդամայն: Եւ Դաւիթ անդէն վաղվաղակի զառաջինն ընտրեալ կալաւ, և ուղևորեցաւ ընտանեօք իւրովք 'ի Վոստանդնուպօլիս, և Տրապիզոն յաւելաւ 'ի դաւառս ակրութեան Օսմանեանց:

Յետ ոչ բազում ժամանակի կասկած կալաւ զարքայ վասն նամակի իրիք գրելոյ 'ի կնոջէն Ռզուն հասանայ առ Դաւիթ՝ որով հրաւիրէր նա առ ինքն զԱլէքս զեղբայրն Դաւիթ, և հրամայեաց ընդ սուր անցուցանել զամենայն զառհմն Վոմնեանեանց, զԴաւիթ հանդերձ եօթամիք որդւովքն, յորոց միայն ութերորդ որդին Դաւիթ եկեաց չարաչար՝ ուրացեալ 'ի հաւատոցն:

Այսպէս եղև բնաբարձ ջնջումն արքունական շքոյ 'ի տանէն Յունաց յարևելս և յարևմուտս ասադին արիւնհեղութեամբ և անհնարին նախատանօք յամին 1461:

Մինչդեռ արքայ Մէհէմմէտ Երկրակալութիւնս առնէր յԱսիա, անագորոյն և խորամանկ իշխանն Վլահաց Վլաս Տրագուլ անուն, զոր Օսմանեանք Գազըղլը վճարտա անուանեն սակս դիւահնար սովորութեանն զցահար սպանանելոյ զթշնամիս իւր, ապատակէր 'ի սահմանս Օսմանեանոց ':

1 Բազում անգամ ինչոյս զուարճութեան խորհեր, ասեն, 'ի Տէլ Բազմութեան զցահար ողորմելեաց: Ջոմանոյ 'ի գերելոյն Օսմանեանոց շերժոյր զճոբնս յաբից իռսէ, և զվերսն աշխարհայր շէլու զայնոց զգահելոսնս 'ի գլուխս նոցին Բեւեռէր: Յասուր Տրոմ հրատիրեալ 'ի խրատսնս զամենայն ճորայրիկս աշխարհին, Տնւրեռ ուսելիննոքս՝ հուր արի 'ի քեզին և այրեաց զամենեանս: Այնպէս հրդեհեալ այրեաց լորեհարիւր ճանկոսնս ելեալս 'ի Մաճառաց յուսուճս Բարեառոյ Վլահաց: Ի խախտոք Տրոս լեալ զհինգ հարիւր ասագ որերոյ աշխարհին՝ առ հասարակ զցահարս ճահացոյց զնոսս: Ջոմս 'ի Տրանսանոց քեսեալ զի յեւ հեծանէր՝ իշտի հանդերձ 'ի յից եհան. Բող զայլ ևս անագորոսնութեանս անպարմելիս, որով՝ 'ի սախաւման իոպորեաց աւելի քան զսփիս քան հուր շէր այր և շէր իին և շէր ճանկորի:

Արձակեաց արքայ ընդդէմ նորա
զհամզա սէյ զիշխանն Վ խախնայ բազ
մութեամբ զօրաց, որ հրաւիրէր նեն
գաւ զՏրագուլ 'ի խօսել ընդ միմեանս
բերան 'ի բերան: Իմացաւ Տրագուլ
զգաւն, և կալեալ զհամզա և զորս ընդ
նմայն էին՝ առ հասարակ 'ի ձեռաց և
յոսից անպխտանս արար, և 'ի ցիցս ե
հար, և զհամզա 'ի ցից բարձրագոյն 'ի
միջինոցա: Յարձակեցաւ ապա 'ի Բուլ
զարս, հրձիգ արար զբազում քաղաքս
և յատակեաց զնոսա, և նձ տարաւ ընդ
իւր գերիս աւելի քան զքսան և հինգ
հազար:

Զայս ամենայն լուեալ արքայի, զօ
րաժողով եղև արանց իբրու երկերիւր
և յիսուն հազարաց, որպէս ասեն, և
առաքեաց զնոսա ընդ ձեռամբ Մահ
մուտ փաշային մինչև 'ի Դանուբ. և ինքն
հարիւր և եօթանասուն նաւուք ելեալ
'ի Սեաւ ծով, եմուտ 'ի Դանուբ. և
ուր և հասանէր այրեացաւեր առնէր
զքաղաքս և զգիւղս:

Տրագուլ առաքեաց զկանայս և զոր
դիս իւր 'ի Պրաշով, և զկէս զօրացն ար
ձակեալ ընդդէմ իշխանին Մոլտախոյ
որ նիզակակից էր Օսմանեանց, զմիւս
կէսն սրահեաց առ իւր արս հեծեալս
եօթն կամ տասն հազար: Ապա ան
ձամբ լրտեսեալ նախ զբանակն Օսմա
նեանց, յարձակեցաւ ապա իւրովքն
հանդերձ գիշերախառն 'ի վերայ նոցա
ջահուք և լապտերօք, և կամեր մտանել

մինչև 'ի խորանն արքայի . այլ վանեցաւ յենիչէրեաց : Ճակատեցան կազմեցան վաղվաղակի Օսմանեանք, և յառաջնում մարտի անդ հալածեցին ըզվրահս, և հազար գերիս ածին առ արքայ, զորս հրամայեաց նա 'ի սուր սուսերի կոտորել :

Հետամուտ եղև Մէհէմէտ Վրահաց բանակաւն հանդերձ մինչև յանտառս ուրեք աշխարհին, և տեսանէր տեսիլ քսամների . զի քսան հազար Տաճիկք և Բուլղարք դիակնացեալք զցահար կային սփիւռ ընդ երեսս դաշտին ընդ երկայնութիւն կիսոյ ժամու ճանապարհի, և համզա պէյ իւրով իշխանական զգեստութն 'ի մէջ նոցա : Յապուշ հարաւ թագաւորն ընդ բուն խժդժութիւն Գազըզը վայժտային, որ յետ բաղում անդամ նեղելոյ ամենայն ուստեք զբանակն Օսմանեանց փախուցեալ առ արքայն Մաճառաց 'ի կալանս բանախ արկեալ էր 'ի նմանէ : Գարձան հրոսակքն առ արքայ՝ ասպատակեալ զամենայն երկիրն Վրահաց և ածեալ ընդ իւրեանս ոչինչ պակաս քան զերկերիւր հազարս երիվարաց և այլոց անասնոց . և արքայ ասատուիրեալ Ալիպէյ անուն իշխանի նոցա կարգել յաթուն Տրագուլայ զեզբայր նորին զՌատուլ, դարձ արար 'ի Կոստան գնուպօլիս :

Թագաւորեաց Ռատուլ ամս հնգե

տասան՝ հատուցանելով արքայի ըզ հարկան տարեկանս տասն հազար ոսկւոյ. և իբրև սպանաւ նա յիւրոց անտի դիւաբարոյն Տրադուլ զերծեալ ՚ի բանտէ կալաւ դարձեալ զիշխանութիւն երկրին. սակայն ոչինչ աւելի յերկարեալ ՚ի նմա քան զամս երկուս՝ ստակեցաւ յուսմանէ ՚ի դերեաց խրոց: Յաճեցուցին Օսմանեանք զգլուխ նորին յաղթանակաւ ընդ ամենայն քաղաքս աշխարհին. և յայնմհետէ արասպետեցին ՚ի սպառ աշխարհին Վլահայ:

Աչնանի դիմեաց Մէհէմէտ արքայ ՚ի Աւսրոս, զոր Գենուացիք ունեին յայնժամ¹: Աւսրեաց նախ զՄահմուտ փաշա կօթանասուն և կօթնհաւուք, և ինքն երկու հազար ենիչէրեօք բանակեալ սպա ՚ի ցամաքակողմն կուսէ քաղաքին, աղգ արար դենուացւոյ դքսի կղզւոյն Նիկողայոսի՝ անձնատուր լինել խաղաղութեամբ: Եւ յընդդէմ դառնալ դքսին՝ սպաւինելով յամբութիւն սարսազացն, ՚ի բաղմութիւն զինուոց և ՚ի հինգ հազար սպառազէնան, Մահմուտ փաշա ըստ ակնարկութեան արքայի զաւուրս քսան և կօթն բախեալ խարխարեաց զսարխազս քաղաքին: Յայնժամ մեծաւ սարջանօք ՚ի

1 Օսմանեանք յանոան գլխաւոր քաղաքի իղլոյնս Մելիփիւնեայ Միփիւլի յայնէն ըլլէսքոս:

վերայ առաջնոյ հակառակութեանն՝
 եկն անկառ Նիկողայոս առաջի արքայի,
 և խոստանայր այնուհետև վասն նորա
 երանելի պատերազմ ուր և պէտք ինչ
 լինիցին: Եւ յիրաւի ինքնին առաջնոր
 դեպ Նիկողայոս Մէհէմէտայ յա-
 ռուսն և այլոց քաղաքաց կողմոյն:

Ապա յերիս արոհեալ Մէհէմէտայ
 զբնակիչս կողմոյն, զտառապեալ և զան-
 պիտան մարդիկն եթող յիւրաքանչիւր
 բնակութեան, զմիջակայինս պարզեալաց
 ենիչերեացն ՚ի գերիս և յազախնայս,
 իսկ զճոխս խաղացոյց ՚ի Կոստանդնու-
 սօլիս՝ անձին պահեալ մանկունս և օ-
 բիորդս ութհարիւր: Յետ սակաւուց
 յանցաւոր գտեալ և դուքսն Նիկողայ-
 ոս՝ ուրացաւ ՚ի հաւատոցն, և առ ժա-
 մանակ մի եւթ յերկարեալ ՚ի կեանան՝
 ապա արկաւ ՚ի բանտ և իտղղամահ էղև:

Չձմեռն զայն ողջոյն պարապեալ
 Մէհէմէտայ շինութեանց ՚ի Կոս-
 տանդնուսօլիս ներքոյ և արտաքոյ, կա-
 ռոց և զԲարդանեան բերդորայնս յա-
 մի 1464 . զորոց զմին որ ՚ի կողմն Եւ-
 բուպայ՝ անուանեալ Սէտա իւլպահր,
 այսինքն է թումք ծովու, և զոր յԱ-
 սիս՝ Չանադ դալէսի՝ սակա անօթոցն
 բրախի որ գործին առ նովաւ: Եւ ՚ի
 տեղուջ տաճարի սրբոց Առաքելոցն
 արկնաւ զհիմն մեծի մզկիթին՝ որ յանուն
 նորա յորջորջի:

Իսկ ՚ի գալ գարնայնոյն հարիւր և

և յիսուան հաղար զօրօք խաղաց ՚ի վերայ արքային Պոսնիոյ: Քանզի նա ՚ի հերուն հետէ ՚ի գալ դեպանի Օսմանեանց և ՚ի պահանջել զպայմանեալ հարկան՝ ածեալ էր զնա ՚ի տուն գանձին, և ցուցեալ նմին զդրամս հարկին ՚ի պատրաստի՝ ասէր. « Աւասիկ է դրամս զոր չկամիմ ես բնաւ առաքել առ թագաւորդ. զի թէ նորա կամք է ցեն պատերազմաւ յառնել յիմ վերայ, սա ինձ լինիցի ՚ի նպաստ մարտի, և թէ հարկեցայց երբէք վտարանդի լինել յաշխարհէս, սակայն և յայնժամ առաւել ՚ի պէտս ինձ լինիցին սոքա»:

Մէհէմէտ արքայ առ զայրոյթ ցամանն բանտարդել արար զդեպանն, և ինքն արձակեալ նախ զՄահմուտ փաշա՝ գէմ եդ և անձամբն զկնի նորա: Կառ զքաղաքս բազումս, էր զոր ինքնին, և էր զոր ՚ի ձեռն խրոց զօրավարաց, և ՚ի վերջէ պաշարեաց զթագաւորն Պոսնիոյ յամուրն Քլիւզ:

Կին զքաղաքաւն շուրջանակի ճահիճք մեծամեծք՝ որ ՚ի տասոյ արեգական ցամաքեալ էին. և Օսմանեանք կտրեալ զչամբս եղեգանցն և զսէզս չորացեալս, լցին ՚ի խրամս քաղաքին, և հուր հարեալ ՚ի նոսա բորբոքեցին հրդեհ մեծ: Յայնժամ թագաւորն պատգամաւորս առաքեալ խոստանայր անձնատուր լինել, եթէ երգուիցէ վէզիրն շնորհել նմա զկեանսն: Երգուաւ նա,

և զքաղաքն առեալ՝ զընտանիքսն յերկա
բաժանեաց, որպէս 'ի Աւսրոս. իսկ
զճոխս քաղաքին հանդերձ թագաւո-
րան տարաւ յընծայ արքայի :

Դժկամակ եղև յոյժ արքայն ընդ
երդունի Մահմուտայ. զի ասէր թէ
չիք ժառանգել յանդորու զերկրա-
կալութիւնս, բայց սպաննամք պէտաց
նոցին : Այլ առ ժամն 'ի կալանս ար-
կեալ զթագաւորն Պոսնիոյ՝ ասպատա-
կեաց և զմնացեալ դաւառսնորա, և ա-
պա վճիռ և հարց ցԱլի Պէսգամի ա-
նուն գիտնական ամաց վաթսուն և ե-
րկոյ՝ և թէ որէն իցէ սպանանել զթա-
գաւորն Պոսնացւոց : Եւ յասել նորա
թէ կարի իսկ քաջ, կոչեաց Մէհէմէտ
զեղկելի թագաւորն զառաջեաւ. և նա
գուշակելով իմն զաղէտս իւր և կն առ
նա՝ ունելով 'ի ձեռին իւրում զերդ-
մնագիրն Մահմուտայ : Իսկ Պէսգամի
որ ջրեալ էր զայն իւրով վճռաւն, յանձն
էառ դահիճ ևս կալ նմին, և եհառ իւ-
րով ձեռամբ զցլուխ թագաւորին : Եւ
Պոսնիա ևս յառելաւ յայնմհեակ 'ի դա-
ւառս պետութեան Օսմանեանց :

Իսկ արքայի հաստատեալ 'ի կուսա-
կալ Պոսնիոյ զՄիննէթ պէյ՝ դարձ ա-
րար 'ի տեղի իւր : Երեսուն հազար
Պոսնացիք կարգեցան 'ի դունդս Ենի-
չէրեաց, և ամենայն արք զօրութեան
գրեցան 'ի զինուորութիւն Օսմանեանց :

Յամին երկրորդի ազգ եղև Մէհէմէ-

մէտայ եթէ արքայն Մաճառաց Մատաթիաս Քորվին առեալ է զգլխաւոր քաղաքն Պոսնիոյ զԵայճա : Դիմեաց անդր երեսուն հազար զօրօք , և պատնէշ պաշարմամբ՝ ի նեղ էարկ զքաղաքն :

Մինչդեռ Օսմանեանք առիւծաբար մարտ դնէին , և արքայ ՚ի թիկանց նոցին կացեալ խրախոյս կարդօյր , ոմանք ՚ի նոցանէ յարձակեցան ելին ՚ի պարիսպն . և մի ոմն այն ինչ յափշտակէր յաշտարակէ անտի զգրօշն , մաճառ ոմն հարաւ ՚ի վերայ տաճկին , և նովաւ հանդերձ հոսեցաւ ընդ պարիսպն :

Եբարձ այնուհետև Մէհէմէա զպաշարումնն , զի և Քորվին արքայ այլուր պաշարեալ էր սաստկապէս զամբոյն Զվոնիք : Յայնժամ Մահմուտ փաշա ընդ իւր առեալ զամենայն զօրավարս եւրոպեան զօրաց՝ զԷրէնոսեանն և զՄիխալեանս , յարձակեցաւ ՚ի վերայ Մաճառաց . որք և շտապ տաղնատաւ ՚ի փախուտս դարձան՝ թողեալ զամենայն զկահ և զկարասի բանակին իւրեանց առ բերդաւն , և վեղիրն հալածեաց զարքայն Մաճառաց մինչև ՚ի գեան Սաւա :

Ընդ պատերազմին սկսելոյ ՚ի Պոսնիա սկիզբն եղև կրկին պատերազմաց ևս , մին ընդ Անեակեցիս ՚ի Պեղոպոննեսս , և միւսն ընդ Գարամանս յԱսիա : Քանզի մի ոմն ՚ի գերեաց կուսակազին Օսմանեանց յԱթէնս՝ փախուցեալ ան

կեալ էր 'ի Կորոն առ վեանեակեցի ոմն
 աղնուահան . և 'ի սահանջել կուտա
 կալին զայրն իբրև ոչ անասց վե՛նեա
 կեցին՝ ասելով եթէ գերին այն քրիս
 տանեաց եղև , յարձակեցան գունդք
 Օսմանեանց յԱրդուս և յԷյնեպախի
 և 'ի Մեթոն : Զայն իբրև զգացին Վե
 նեակեցիք՝ աճապարեցին արձակել
 անդր զժողովալն Լորեանն , որ եկեալ
 պաշարեաց զԿորնթոս : Ի նմին ժամա
 նակի եհաս 'ի տեղին վեզիրն մեծ ութ
 սուն հազարաւ . յորմէ զարհուրեալ
 Վե՛նեակեցւոց 'ի փախուտս դարձան :

Այսպէս Վե՛նեակեցիք զամս վեշ
 տասան մարտ եղեալ , թէպէտ և բա
 զում արուժիւնս ցուցեալ ընդդէմ Օս
 մանեանց՝ աստատմբեցուցին 'ի նոցա
 նէ և զբազում քաղաքս Յունաց , սա
 կայն 'ի վախճանի թէ ոչ 'ի սպառ վա
 նեցան անտի , այլ ամփոփեցան 'ի նախ
 նի տահմանս իւրեանց :

Իսկ 'ի Գարաման քանդի մեռեալ
 Խաբահիմ պէյ՝ թողեալ էր իւր յա
 ջորդ զկրտերն յեթանեոսն որդիս իւր
 զԻահագ , աստի ծագեաց 'ի նոսա խոռ
 վուժիւն մեծ , և զիմեցին երկցադոյնքն
 առ Մէհմեմէտ արքայ , և Իահագ առ
 Ուզուն հասան՝ որ հզորացեալ էր յոյժ
 յԱսիա :

Խաղաց արքայ Մէհմեմէտ ամենայն
 ջորքն դարձելովք 'ի Պոսնիոյ և 'ի Պե
 զսպոննիսեաց 'ի Գարաման . Էստ զ՛

կոնիոնն , և առաքեաց 'ի վերայ Լարենտա քաղաքի (որ և այժմ Գարաման) զՄահմուտ փաշա : Անդանօր մարտասասիկ եղև , և Իսհագ ելեալ 'ի քաղաքէն փախեաւ մազասպուր մինչև անդր քան զՏարսոն . որով և այս տէրութիւն Ասիոյ զկնի հարիւր և վաթսուն ամաց ժամանակի յամին 1466 մարզ եկաց Օսմանեանց մինչև 'ի սպառ :

Հրամայեալ էր արքայ Մահմուտ փաշային զամենայն արուեստաւորս Ի կոնիոնի և Լարենտայ խաղացուցանել 'ի Կոստանդնուպօլիս . և զի նա ըստ յաճախ գթասէր բարուցն խնայեալ էր յոմանս , այսր աղագաւ և սակս այլ ինչ սպառճառաց ամբաստանեցաւ առ արքայի 'ի նախանձօրդէն իւրմէ յուրացելոյն Մէհէմմէտ փաշայէ , և մերժեցաւ յիշխանութենէն : Իսկ յեղանակ մերժելոյն , զոր ստէպ է տեսանել այսուհետև 'ի սպառմութեան Օսմանեանց , եղև յանկարծակի կործանել զօրացն զվրան մեծի վէղիբին 'ի գլուխ նորս : Անց 'ի տեղի նորս Տում Մէհէմմէտ փաշա , և կարգեցաւ կուսակալ երկրին Գարամանայ երկրորդ արքայորդին Մուսղաֆա անունն :

Ժամ էր այնուհետև նկուն առնել և զԽաքէնաէր սէյ , զմականուանեալն յՕսմանեանց Խային , որ զգաշնն սպամանեալ ընդ Մէհէմմէտայ վաղու ևս լուծեալ , և 'ի բազում ճակատամարտս

յաղթական լեալ էր զօրավարացն Օսմանեանց, որպիսիք ոմանք էին Շէրէմէթ պէյ, Պալատական պէյ, և Եագուպ պէյ :

Իբրև ետես Մէհէմէտ արքայ՝ զի անպարտելի մնաց այրն յայնչափ սպառնազմունս, հնարեցաւ դաւել զնա՝ ի ձեռն երկուց ոմանց յիւրոցն՝ որ փախըստէից կերպարանօք առ նա ապաւինեցան և խնդրէին քրիստոնեայ լինել : Սակայն ՚ի չյաջողել դաւոյն չուեաց զնաց արքայ և սաշարեաց ինքնին զքաղաքն Քոոյա . այլ պարտասեալ ՚ի յարձակմանցն Իսթէնտերայ՝ եթող անդէն զՊալատական ութսուն հար զօրօք, և ինքն ամրացոյց զԷրզն Իլպասան, և հիմնայատակ կործանեաց զՉոռլի՝ զոր կառուցեալ էր Իսթէնտերայ յափն ծովու մերձ ՚ի Տիւրած : Ի նմին ամի մեռաւ և Իսթէնտեր պէյ ամաց վաթսուն և երկուց, և երկիրն Ասուսուտաց եղև մի ՚ի նահանգաց Օսմանեան սկտութեան : Ոչ յետ բազմաց մեռաւ և Քոսովիչ իշխան մերձակայ դաւառին, և այն ևս յաւերաւ ՚ի սկտութիւն Օսմանեանց հերսէկ անուամբ :

Չամս երկուս յետ այնորիկ դադարեալ Մէհէմէտայ յաշխարհակալութեանց, կառոյց ՚ի Վոստանդնուպօլիս զնոր արքունիան ՚ի հրուանդանի անդ՝

որ 'ի հնունսն Վ յախորիսն կոչէր ¹ : Եւ
 ապա առ 'ի կարճելոյ զանընդհատ աւ-
 ստատակութիւնսն Վ Ենեակեցւոց 'ի Պե-
 ղոսպոննէս, արձակեաց անդր զՄահ-
 մուտ վաշա որպէս ծովակալ հան-
 դերձ երեքհարիւր նաւուք, յորս կին
 Եօթանասուն հազար ողիք : Եւ ինքն
 նոյնչափ զօրօք չուեաց ընդ ցամաք, և
 բանակեցաւ հանդէս Նւբէայկամ Եյ-
 րիսպօղ կղզւոյ :

Վազմեալ ապա նաւակամուրջ մեծ՝
 զամենայն զգօրս իւր անցոյց 'ի կղզին,
 և սաշարեաց սաստկապէս զքաղաքն :
 Իսկ ծովակալն Վ Ենեակեցւոց յանխոր-
 հուրդս խարխիս արկեալ հուս 'ի կըղ-
 զին՝ մնայր այլոց նաւուց հասանելոյ 'ի
 Վիսպրոսէ : Եւ թէպէտ նաւապետն Ան-
 տոն Օթթոպոնի խրախուսեալ ձեզ-
 քեաց զոտրմիղ Օսմանեանց և Եմուտ
 'ի նաւահանդիսան, այլ միւս ոմն նա-
 վապետ 'ի ներքուստ մատնտու էր առ
 թշնամիս :

Ի զանազան յարձակմունս քսան հա-
 զար Օսմանեանք և երեսուն նաւք Ե-
 ղեն 'ի վաանունսն, և Մէհէմմետ արքայ
 այլ ևս զօրս անցոյց 'ի ցամաքէ անտի 'ի
 կղզին, և 'ի հինգերորդում յարձակ-

¹ Հոյակապ շինուածոյս Ռեծի Իբրոս լորս
 հղանք էն լաթ շրջապարհն, և դրոանս ունի
 Եօթն Էլի և հարի Բագաւաորին :

ման անդ էառ զքաղաքն . և էին անկեալքն յՕսմանեանց յիսուն հազար և ՚ի Վենեականաց ոչինչ աւելի քան զվեց հազար : Սմին իրի Մէհէմէտ արքայ զամենայն զՎենեականցիա քաղաքին մահու շարաւ սպան , էր զորս մորթեղերծ առնելով , և էր զորս քարակոշկոճ տանջանօք բառնալով ՚ի կենաց . և զիշխան կղզւոյն զՊօղոս Կրկնցոյ ընդ մէջ սղոցեաց հանդերձ այլովք ոմամբք յաւագաց , իսկ զՅոյնս վարեաց ՚ի գերութիւն :

Ի նմին ամի որ էր 1470 , արձակեաց ՚ի Գարաման ՚ի վերայ Գասըմ սէյին որդւոյ Իպրահիմայ պաշտպանելոյ յԱզուն հասանայ զվէզիրն Մէհէմէտ փաշա , որ գիմեալ էառ զքաղաքն հերակլիս և Լարենտա . այլ ապա խորտակեցաւ ՚ի միոյ ՚ի զօրավարայն Վարսագ անուն տոհմի Թաթարաց . և թողեալ զամենայն աւարն՝ փախեաւ . և արքայի արկեալ զնա յիշխանութենէն , կարգեաց վէզիր մեծ զԻահագ փաշա զչուսակալն Պոսնիոյ :

Իսողաց Իահագ փաշա ՚ի վերայ Գասըմայ . եհար վանեաց զնա , և զբազում ամուր ամուր տեղիս առեալ , զքնա

1 Բում Մէհէմէտ փաշա պարսա-ի յՕսմանեանց որդէս այր թլտա և արծախասէր , և պարսա հասարակելոյ քրոջ իաւաածոյ՝ որ ինչին Մոսփադա :

կիչան խաղացոյց 'ի Կոստանդնուպօլիս :

Ի միւսում ամին կողմնապէան Կէտիք Աճմէտ փաշա , որ յառաջն յենի չէրեաց կարգին էր , չուեաց 'ի Գարաման , սաշարեաց զԱլայէ , և զիշխան քաղաքին որ կոչէր Գըլըճ Աշլան՝ յանձնատուրն լինել առաքեաց 'ի Կոստանդնուպօլիս , և արքայ ետ նմա 'ի կալուած բնակութեան զԿիւմիւլճինէ :

Յաւուր միում որսոյ սլատճառանօք փախեալ Գըլըճ Աշլան յԵդիսսոս , և առաքեաց անտի առ Կէտիք Աճմէտ փաշա զակն մի սլատուական զառ 'ի յարքայէ ինքեան սարգևեալ , զի տացէ անդրէն արքայի : Աճմէտ խառն ընդ այլ ակունս առաջի արար թագաւորին և զայն՝ իբր 'ի դիմաց ակնալաճառի ուրուք . այլ ուշեղ արքայն ծանեալ վաղվաղակի զիւրն :

Ապա էառ Աճմէտ զՄուգան բերդ և զայլ տեղիս . այլ 'ի լուր գալստեան Ուլուն չասանայ խոյս ետ յԻկոնիոն :

Այս Ուլուն չասան գօլով 'ի տոհմէ թուրքաց Գարա գօյունչու անուանելոց , 'ի քսան ամաց հետէ զօրացեալ տիրեալ էր և Ագգօյունչու տոհմին , և առեալ զամուրն Ամիդ , զՏէվէլի հիսար , զԱտրպատական աշխարհն , և ըզմեծ մասն աշխարհին Պարսից : Առ նա դիմեալ էին և որդիք Իպրահիմ սէյին Գարամանայ Փիլի Աճմէտ և Գատլմ , և այլ ևս վտարանդի իշխանիք . և նա նո

քօք հանդերձ յարձակեալ էառ զԵ-
գոկիա և հրձիգ արար, և զընակիչսն չա-
րաչար խոչտանդանօք աղգի աղգի տան-
ջեալ մահացոյց ոչինչ ընդհատ քան
զոր Ահնկթխմուրայ գործեալ էր 'ի
Սեբաստիա :

Չայն իբրև լուաւ արքայն Մէհէմ-
մէտ, բորբոքեալ 'ի ցասումն բարկու-
թեան հրամայեաց հարկանել զխորան
իւր յԵսկիւտար, և առ իւր գալ ժո-
ղովել ամենայն զօրավարաց : Վարդեաց
գարձեալ զՄահմուտ փաշա յառաջ-
նում իշխանութեանն . և առ որդւոյ իւ-
րում Մուսղաֆայի կուսակալին Գա-
րամանայ զսարաթապետութեանն սլաշ-
տօն ինքնագիր հրովարտակաւ . և կա-

1 Ան իսկ է խառտի շէրիֆ, զորոյ զա-
տաջին փոլն սովոր է Գրուշէլ արքայ իւրով
յեռամբ : Այլ այն Ռուշէլ նորին իսկ Մէ-
հէմէթայ գուշով շարագրած, ահա փանֆ առ-
փանօք զՌարգմանու-Ռիանն առ 'ի ցոյց ոճոյ
այսպիսի հրովարտիաց . « Բարեբասաք որ-
դեանի իմ և ճանուսի հզօր, լոյս ալաց փեառանս
և Ռագասորիս, զարդ փառաց և պայծա-
ռու-Ռիան Վայելլու-Ռեան Գրախափի ամբաստե-
լառու-Ռեան, սիան հասափափու-Ռեան հասափոյ
և աշխարհի, նեցուսի ամբու-Ռեան ճահէթա-
լան ազանց, ընփրեալը Ասփո-ժոյ փեցագոյն
Ռագասորին որդեանի իմ Մուսղաֆա, որոյ
Բազմասցին առարք հենաց և իսփարեացին
իշխ հաճոյից : Ի ժամանել առ փեշ արքա-

ձեր արձակել զզորսն 'ի Գարաման :
 Այլ ասէր Մահմուտ փաշայն ցար-
 քայ բազում խոհական զգոնութեամբ ,
 եթէ քանզի ձմեռն 'ի վերայ հասեալ
 կայ , թէ հաճեացի արքայ՝ շատ գրե-
 ցէ այժմուս առաքել անդր զՏաւուս
 փաշա զկուսակալն Ասիոյ , զի ընդ ար-
 քայորդւոյն Մուսղաֆայի պահ կեթ
 կալցի աշխարհին ընդդէմ արշաւանացն
 Թիւրքմէնաց : Եւ արքայ հաւանեցաւ
 նմա :

Նահան գրոյս երջանի՞ գիտութեան լինի՞ զի
 Ուղան ճասան արժանին իախաղանի եւ հեղ
 յանդ խոհ ճահու վասն ամենայնի զոր անոյոյ
 ընդ էջոսասայիք եւ ընդ Ճիհանշահ , զոր ե
 փեր իոր փակեացէ մերձ ընդ մերձ , նամակնի
 եւս պէսպէս արար տու մեզ լի ժպրհութեամբ
 եւ թշնամանօք : Մեք իշուեցաք նմա զպարաս-
 իանին որ անմասոց է 'ի Գեղար , այսինքն է զԱԸ-
 տուութեան , որով եւ ազուէսն խորամանկ 'ի
 նապաստակի ի իսի վեհերոք . եւ արդ անս պար-
 ըստ փոք սպասուողին եւս նմին հակառակ ա-
 տի-ժովս մերովք 'ի մարտ պարտերազմի : Արդ
 գիտելով ք զի իշխանք նորին ըստառ-
 անք 'ի սատրեւոյ որդւոցն Գարամանայ զսին
 երեւել են մերում աշխարհին , անս իար-
 գեւել են զքեզ առաջնորդ զօրաց իմոց , վա-
 նեւ ընդ զնա . եւ 'ի վերայ նորա նիշակալոյս
 թեամբ իողջնապէսացն Եւրոպայ եւ Ասիոյ ,
 եւ մի զանոց արասցես մի եւ զմով իսիք 'ի հա-
 ըստական զնա քանել փեռան օգնականու-
 թեամբ 33 :

Ի նմին ձմերայնի Օսմանեանք՝ ի սարսուծիւն մասնեալ զգորավարն Ռուզուն Հասանայ զԵուսուֆ միրզա, ձերբակալ արարին և զնա ինքն զգորավարն, և առաքեցին առ արքայն Մէհէմմէտ, և նա էարկ զԵուսուֆ ՚ի բանտ :

Գարնանի չուեալ արքայի յՆնիշէհիր, հանդէս արար զորաց իւրոց հարիւր զարաց ՚ի դաշտին Սեբաստիոյ : Խաս Մուրատ փաշա կողմնասպեան եւրոպեան քառասուն գրօշիւք և քսան հազար ենիշերեօք կայր յաջում թևի ընդ առաջնորդութեամբ արքայորդւոյն Պայէղիտայ, Տաւուտ փաշա քսան և չորս գրօշիւք և քսան հազար զորականօք ՚ի ձախուսն ընդ սպարասպետութեամբ Մուսդաֆայի, և արքայ շուրջ փակեալ յընտիր ընտիր հեծեւոց ՚ի միջավայրին :

Արձակեցան նախ հրոսակքն, որոց զորավարէր Ալիպէյ Միխալեան, ասպատակել յերկրին Ռուզուն Հասանայ, որ ամրացեալ էր ուրեք առ Եփրատաւ : Ապա գիմնագրաւ եղև խաս Մուրատ փաշա յառաջասպահ գնդաւն ընդ գէմ խորհրդոյ Մահմուտ փաշային, և Հասան կեղծ փախստեամբ խոտորեցուցեալ զՄուրատ մինչև ՚ի տեղին ուրդարանեցուցեալ էր զգորս իւր՝ խորտակեաց զգունդ նորա, սպան զնա, և ձերբակալ արար զԵմէր պէյ զորդի Գարխանայ ընդ այլոց ոմանց զորա-

վարաց: Խօսեցաւ Հասան ընդ Իւմէ-
րայ յոխորտա, և ասէ. «Արդ բեկի ես
ասա զողն Օսմանեանց՝ ձերբակալեալ
զմի միայն արի զօրավար նոցին զորդի
աշխարհակալին Դարխանայ»: Եւ պա-
տասխանի Իւմէր. «Խաբիա իշխանդ
զի հարիւր հազար զօրավարք քաջք գը-
տանին ՚ի ձեռս մերոյ արքային»: Եւ
զբորբոքեալ ցասունն Հասանայ հազիւ
կարաց շիջուցանել ողորք բանիւք:

Յետ աւուրց ինչ Մէհէմմէա ար-
քայ սփոփեաց զանձն և զզօրս իւր տես-
լեամբ Երազոյ ¹. «Տեսանէի ասէ յա-
նուրջս զանձն իմ բռնամարտիկ լինել
ընդ Հասանայ ՚ի հանդերձս ըմբշաց:
Չառաջինն ընկի՞ճէր զիս Հասան. այլ
ես անդէն ՚ի վեր ոստուցեալ բախէի
սաստիկ հարուածով զզանջս նորա, մին-
չև մասն ՚ի սրտէն Հասանայ պատա-
ռեալ յերկիր անկանէր»: Եւ ընդ հուպ
կատարեալ համարեցաւ Երազն:

Քանզի ճակատեցան երկոքին կող-
մանքն ասէղ պատրաստութեամբ մերձ
՚ի Գերջան: Ուղուն Հասան զաջ թև
իւրոյ բանակին ՚ի ձեռս տայր օրդւոյ
իւրում կրտսերոյ, օրում անուն էր
Չէյնէլ, և զձախն երկոցուն Ուղուրլու-

¹ Տաճիկ + զանուրջս + աստանէրորդ մասն
համարին մարգարէ-Ուլէան. նա զանուրջս ար-
դարոյ ուլինէ ընդհաս ասէն լինել + ան զսե-
սիւն և զմարգարէ-Ուլէանս:

Մէհէմմէտ կոչեցելոյ : Սոցին հանդէսը արձանացեալ կային աստի արքայորդին Մուսղաֆա ասխացի զօրօքն ընդ ձախակէ, և արքայորդին Պայէղիա եւրոպացւովքն և ենիչէրեօք ընդ աջմէ : Անդ 'ի խառնել մարտին խորտակեցաւ աջ թև բանակին հասանայ, և անկաւորդի նորին Ձէյնէլ : Մի ոմն 'ի սպայիցն Օսմանեանց աճաստարեաց տարաւ զգլուխն Ձէյնէլայ և եղ առ ոտս արքայորդւոյն Մուսղաֆայի, և նա առաքեաց զայն առ հայրն իւր, որով ճշմարտեալ թուեցաւ և երազն արքայի, իբր զի որդին հատոր է սրտի հօրն :

Ասա վանեաց և Պայէղիա զձախ թև բանակին հասանայ, և խառովեաց զամենայն զօրս Թիւրքմէնացն . մինչև ինքն իսկ Ռզուճն հասան մազապուր ճողոպրեցաւ 'ի փախուտս՝ թողեալ Օսմանեանց զբանակն իւր հանդերձ կահիւ և կարասեաւ :

Ջաւուրս երիս զտեղի կալաւ անդէն Մէհէմմէտ արքայ 'ի կոտորել ըզգերիան . յորոց զգիանականս ոչ միայն ազատս արար 'ի կապանաց, այլ և մեծապէս սպառուեաց զնոսա : Աոյնպէս արձակեաց յազատութիւն և զիշխանս որ 'ի կալանս գերութեան կային առ Ռզուճն հասանայ :

Իսկ 'ի գառնալ բանակին յետս մինչև 'ի Գարահիսար, ըստ ամենայն իջեա :

նայ կոտորած լինէր չորէքարիւր գե-
րեաց, որով սղանան յուղւոջ անդե-
րէքհազար Թխւքքմէնք :

Ի սկզբան անդ սպտերազմին 'ի հա-
սանել Օսմանեանց յայս ամրոց, Մահ-
մուտ փաշախորհուրդ տուեալ էր ար-
քայի նախ զսա առնուել, զի մի ունի-
ցիմք ասէ թշնամի զոք 'ի թիկանց մե-
րոց: Եւ սպատասխանի Մէհէմմէտ ար-
քայ զայրագին և ասէ. « Ոչ յառու՞ն
բերդից եկեալ է մեր այսր, այլ 'ի վա-
նել խորտակել զգօրս թշնամեաց »:
Զկնի սպտերազմին Գերջանայ յորում
սպարտեցաւ Ուղու՛ն հասան, բերդա-
ւան Գարահիսարայ Տարսու պէյ ինք-
նին անձնատուր եղև, և սպատուցաւ
'ի Մէհէմմէտայ կուսակալութեամբ
Զիրմէն գաւառի :

Իբրև եհաս Մէհէմմէտ արքայ յԱ-
զրիանուպօլիս, բաժանեաց զճօխ ա-
ւարն 'ի մարտիկս իւր, և յաւել սար-
գևել նոցա փողս տասն միլիոն, և ազա-
տութիւն շնորհեաց գերեաց իւրոց ա-
ւելի քան քառասուն հազարաց՝ իբրև
գոհանալով զԱստուծոյ սակս մեծի
յաղթութեան: Արձակեաց թուղթուս
ւետաւորս առ թագաւորն Խորասանայ
Հիւսէյին Պայդարս և առ որդին իւր
Ճէմ իշխան Քասդէմու՛նեաց, և հրա-
ման եւ կուսակալաց և բգեշիսից առ-
հասարակ հանդէս ցնծութեան կա-
տարել 'ի քաղաքս և 'ի գիւղս :

Ազգա՛ի դառնալ իւրում ՚ի Կոստանդնուպօլիս՝ արկ գարձեալ զՄահմուտ փաշա յիշխանութենէ : Եւ պատճառք՝ համարձակութիւն նորա թուի ՚ի սալ խորհուրդս արքայի . այլ կերպարանօք այնպէս համբաւեցաւ՝ եթէ ՚ի մեռանել արքայորդայն Մուսղաֆայի ՚ի նոյն աւուրս՝ Մահմուտ փաշա փոխանակ թխազդեաց լինելոյ և ՚ի սուգ մտանելոյ՝ ՚ի հանդերձս սպխտակս նստեալ և ՚ի խաղսնարաի զբօսեալ իցէ . սակս որոյ և մահու պարտ համարեալ գլխատեցաւ :

Այս Մահմուտ փաշա առաջինն է ՚ի վէզիրս Օսմանեանց , որ անմահ եթող յիշատակսուսուժմնասէր և աշխարհաշէն բարուց իւրոց : Զի ոչ միայն մեծարէր և պատուասիրէր զգլխանականս , այլ և ինքն քերթուածս յօրինէր : Եւ մղկիթք և բաղանիք և վաճառանոցք լինեալք ՚ի նմանէ ՚ի Կոստանդնուպօլիս , յԱդրիանուպօլիս , յԱնկիւբիս և ՚ի Սոփեա , ցարդ ևս յանուն նորա յիշատակին : Յամենայն աւուրս հինդշաբաթուց հրաւիրէր յընթրիս իւր արս գլխանականս , և տայր արկանել ՚ի սեղան , թող զայլ կերլիս , և սկաւառակ մի բրնձոյ և սիւսան : Սխառունքն մեծաւ մասամբ ձոյլ ոսկիք էին , և որչափ ինչ գայր ՚ի տարգալ առն առն՝ այն նորա էր բաժին . և Մահմուտ յաւելոյր ստել . « Անքաջաբախաի ոսկին ինքնին գայ ՚ի բերանն » :

Համբաւեալ են և խնայողից քանի
Մահմուտայ առ արքայ : Որպէս այն
զի 'ի հարցանել արքայի ցոմն գիտնա-
կանն եթէ զինչ պատճառք իցեն նուա-
զէլոյ գիտութեանց 'ի խրիմ, ուր եր-
բեմն գտանէին աւելի քան զըորէքարիւր
արսներհունս օրինաց, և տ պատասխա-
նի գիտնականն և ասէ . « Առ յանցա-
նաց է այդ վէզիրիս մեծի, զի չարատու-
լովն զգաստ գիտնականաց՝ զխրիմ ըզ-
գրախան երկրաւոր փոխեաց յանապատ-
անմարդի » : Յայնժամ Մէհէմէտ ար-
քայ դարձուցեալ զբանան առ Մահ-
մուտ՝ յորդոր լինէր նմա 'ի պատուի
ունել զուսումնասէրս, և փութաջան
գտանել 'ի զարգացումն գիտութեանց :
Իսկ հանձարեղն Մահմուտ ասէ հա-
մարձակ . « Արդարև յանցանք են այդ
վէզիրիս . այլ առաւել ևս արքայի, զի
չգիտաց ընտրել զլաւագոյնն » :

Գարձեալ և 'ի կտակին իւրում գը-
րեաց, ասեն, Մահմուտ այսպէս .
« Միով երիվարաւ, միով սուսերաւ, և
հինգհարիւր փողով մասեայ ևս մինչև 'ի
գահն արքունի . և զոր ինչ 'ի վերայ
չահեցայ՝ ամենայնն արքայի անկ է, յո-
րոյ 'ի գթութիւն առնեմ սպաստան
զկեանս օրգւոյ խնոյ Մէհէմէտայ և
զպահօրանութիւն շինուածոց խնոյ յո-
գուտ հասարակաց » :

Յառաջագոյն քան զմահ մեծի վէ-
զիրին առարքեալ էր արքայի զՂէտիք
Ահմէտ և զորդին իւր զՄուսղափա 'ի

նուաճել զմնացեալ ամուր ամուր տեղիս Գարամանայ : Փիր Ահմէտ ամրացեալ էր իւրովքն հանդերձ 'ի բերդն Մինան . և Կէտիք փաշա յետ առնլոյ զամուրն էրմէնակ՝ սրաշարեաց սասակապէս և զՄինան , և էառ զայն : Յայն ժամ Փիր Ահմէտ հոսեաց անձամբ զանձն իւր 'ի բերդէ անտի և մեռաւ :

Ապա էառ Կէտիք Ահմէտ փաշա և զՍէլէկիս քաղաք մասնութեամբ կաշառարեկ սրահանորդացն : Քանպի սոքա զպատրոյդան դիւրավառս փոխանակ 'ի բերանս հրազինուլցն և ոմբաց արկանեւոյ ընդդէմ սրաշարողաց քաղաքին , 'ի մթերս անդր վառօղոյն արկին զնոսա . յորոյ 'ի բորբոքելն ահագին ճայթմամբ և 'ի պատառել զպարխան՝ խուժեցին Օսմանեանք ընդխրամատան 'ի ներքս 'ի բերդն , և սուր 'ի վերայ եղեալ կոտորեցին 'ի նմա ոգիս հարիւր և ութսուն՝ որ չէին յանձն առեալ զմասնութիւնն :

Իսկ արքայորդին Մուսղաֆա մինչդեռ սրաշարէր զբերդն Տէվէլի դարահիսար՝ հիւանդացաւ , և յանձն արար զառումն բերդին 'ի Գօճա սէյ : Բերդակալ իշխանն Աթմաճա սէյ ոչ կալաւ յանձին տալ զբերդն , բայց եթէ 'ի ձեռս արքայորդւոյն . և Մուսղաֆա խօթագին երթեալ 'ի բերդն՝ օրեաց նմին . այլ դարձ արարեալ յԱհմետն , 'ի ճանապարհին մեռաւ 'ի Նիկոէ :

Յայնժամ կարդեցաւ յարքայէ՛ի տեղի նոցա կուտակալ Գարամանայ միւս որդին իւր ճէմ իշխանն Գասգեմունեայ . իսկ փոխանակ Մահմուտ փաշային սարանելոյ կարդեցաւ վէղիր մեծ կէտիք Ահմէտ փաշա :

Մինչդեռ այսպէս ասիացի Օսմանեանք երկրակալէին ՚ի կողմանս կիլիկիոյ , ոչ դադարէին եւրոպականքն ՚ի չորից ամաց հետէ ասպատակել ՚ի Մաճառս մինչև ՚ի Վարաաին , և յերկիրն խրուածից և ՚ի Գաղմատիա մինչև ՚ի քաղաքն Լուսիանա : Եւ Պալի օղու Մալքուլիչ կի՛մ Մալքօջ իշխանն Սէմէնարէի առաքեաց ՚ի Կոստանդնուպօլիս բազում սլարկս լցեալս գլխովք և ընչովք բնակչացն Վարաաինու :

Աչ նոյնպէս յաջողեաց եւրոպեան կողմնապետին խատիմ Սիւլէյման փաշայի առնուլ զԱբտորա կամ զԿաքէնտերիյէ քաղաք Առնաւուտաց , զի թէպէտ և Օսմանեանք խրամատեալ զարխասն զեղան ՚ի ներքս , այլ քաղաքացիքն առաջնորդութեամբ Անտոնի Լորեանն վենետիկեցւոյ ժամս ութ սատերազմեալ վանեցին զպաշարիչան . և նոքա ՚ի դարձին իւրեանց ասպատակեալ ընդ դաւառն՝ արս քան հազար ՚ի դերութիւն վարեցին մինչև ՚ի գալ ՚ի Բահուզա : Եւ քանզի ՚ի պաշարմաննդ Աբտորայ երկու սպայք բահուզացիք բազում արութիւնս ցուցեալ էին ընդդէմ Օսմանեանց , սոքա ՚ի վրէժ

քինու սպայիցն՝ ծանրացուցին ՚ի վերայ
քաղաքացւոց զհարկն զոր հարկէին նո-
ցա ամի ամի ութ հազար ոսկիա, և սահ-
մանեցին տալ այնուհետև ոսկիա տասն
հազար :

Սիւլէյման փաշա սկստուէր ընկա-
լեալ յարքայէն խաղալ ՚ի Մոլտաւիա,
զի Ստեփանոս իշխան աշխարհին չկա-
մէր հատուցանել զկարդեալ հարկան,
հարիւր հազար զօրականօք միսեցաւ յեր-
կիրն, ոչ ինչ միտեղեալ սաստկասառոյց
ձմերայնոյն և համբարոցն սկսկասու-
թէ : Ստեփանոս ձգեաց զՕսմանեանս
՚ի թաւուտս Աղաճ տէնիզի անուա-
նեալ անտառացն մերձ ՚ի Դանուբ,
խորտակեաց զնոսա, և զմնացեալն հա-
լածականս տարեալ մինչև ՚ի հեռա-
տան, դարձ արար յաղթանակաւ յեր-
կիր իւր զգիտակունս Օսմանեանց այ-
րեաց, զբազումս ՚ի գերեաց զցահարս
մահացոյց, և ոսկերօք նոցին բլուրս
յաղթանակի կանգնեաց : Թող զայլ
աւարն, հարիւր դրօշք ևս Օսմանեանց
կաստեցան, և բազում բերդորայք որ
առ Դանուբաւ՝ վտարանջեալ յՕսմա-
նեանց անցին առ Մոլտովանս :

Ընդ այն ժամանակս տորմիզ երեք
հարիւր նաւաց հանդերձէր ՚ի Վոս-
թանդնուսօղիս, և չէր յայտ եթէ յո՞
գէ՞մ եղեալ իցէ արքայ արշաւել նո-
քօք : Վէնեակեցիք առ սքեալ գեսարան
զոր առ Մէհէմէտ ՚ի խնդիր հաշտու-
թեան՝ ընկալան ՚ի նմանէ սկստաս-

խանի, զի թէ արդարև կամիցին զնազա-
ղու թիւն՝ թող տացեն ՚ի բաց զամենայն
ամրոցս աշխարհին Առնաւուտաց, և
մանաւանդ զՔոչայ, և վճարեացեն ՚ի
գանձն արքունի ոսկիս հարիւր և յի-
սուն հազար: Եւ ՚ի ջառնուլ դեսպա-
նին յանձն իւր զպայմանան, եցոյց նմա
արքայ զերեքարիւր նաւն սրափա-
տականս ՚ի չու. այլ առժամայս զանց
առնեմ զՎենեակեցւովքդ, առէ,
պայմանաւ՝ զի և դուք մի ձգիցէք
զձեռս ձեր ՚ի զէն:

Այսպէս արձակեալ զգեսպանն՝
հրաման ետ վէզիրին մեծ ՚ի խաղալ գնալ
նաւատորման ՚ի վերայ Գենուացոց,
որ ՚ի ժամանակին յայնմիկ տիրապե-
տեալք յամուր ամուր տեղիս Խրիմու
Ճոխանային մեծաւ շահավաճառու
թեամբ ընդ Պարսս և ընդ Հնդկիս ընդ
ճանապարհ Աթտերխանու: Քանզի
Մէհէմէտ արքայ ՚ի գրգռութենէ Է-
մինէք պէյ անուն թաթար կուսակալի
չքակայիցն Քէֆէի, որ և Վաֆա, և ՚ի
մատնութենէ Սքուերչաֆիքոյ անուն
դենուացոյն որ խոստանայր բանալ
նմա զգրունս քաղաքին, առաքեաց նախ
անդրզմեծ վէզիրն երեք հարիւր նաւութն
հանդերձ, յորս էին քառասուն հազար
զօրականք. և յառաջ քան զէլն ՚ի
նաւահանգստէն մեծարեաց զնա սրա-
մուճանաւ սրատուոյ և ոսկեկազմ երի-
վարաւ:

Յառաջնում աւուր ամսեանն յու-

նիսի խարխախ արկեալ Օսմանեանց
 հանդէպ Ք.է.Ֆէի՛ սաշարեցին զքաղաքն
 ընդ ծով, ուր ընդ ցամաք սաշարեալ
 խկ էր ՚ի խանէն Թաթարաց: Հայկազն
 իշխանք Ք.է.Ֆէի զդէմ կալան սաշար-
 մանն մեծաւ քաջութեամբ ցաւուրս
 երիսայլ ապա տեսեալ զփախուա իշ-
 խանին Գենուացւոց, և զթուլութիւն
 զօրականաց նոցա, և վստահացեալք յեր-
 գումն վէղերին որ խոստանայր ոչ ինչ
 մեղանչել նոցա, անձնատուր եղեն և
 ինքեանք. զի գենուացիք սահ ունէին
 միոյ կողման բերդին, և հայք միւսումն:

Առեալ Ահմէտայ զքաղաքն՝ զառա-
 ջինն խաղաղութեամբ գնայր ընդ բնա-
 կիչան, և բաղում անդամ ճաշ և ըն-
 թրիս տուեալ մեծամեծացազդիս՝ հրա-
 սուրէր զնոսա դառնալ ՚ի մահմէտա-
 կան կրօնս. այլ նոքա արիական հա-
 մարձակութեամբ տային սրտասխանի-
 ա՛ֆաւ լիցի մեզ հաւատս ընդ հաւատոց
 վաճառել կամ փոխանակել. այլ սէր
 ընդ սիրոյ հատուցանել ոչ ինչ գան-
 դաղիմք”:

Յետ աւուրց ինչ ազդ արար նոցա
 վէղերն՝ թէ չէ օրէն ձեզ զինեալս
 գալ ՚ի ճաշ խմ և յընթրիս. և յութե-
 ըորդում աւուրն դարձեալ հրաւիրեաց
 զնոսա ՚ի ճաշ: Հաւատացեալ իշխանացն
 խոստման նորին, մանաւանդ թէ յան-
 հնարս մտեալ, գնացին առ նա առանց
 սուսերաց. և ՚ի կատարած ի ընթրեացն
 մինչգեռ իջանէին ընդ ձիգ ձիգ աստի-

Ճանա նրբուղի սանդղոց պալատանն,
դահիճքի՝ ներքոյ կացեալ ըստ հրամանի
վէղիբին հատանելին անդէն զգլուխ
միոյ միոյ ՚ի նոցանէ՝ :

Յայնմ հետէ հրաման ետ վէղիբն զը-
րականին խրում աւարել զքաղաքն, և
զղխմակացն կոտորել. և լցան փողոցք
քաղաքին արեամբ անմեղաց հայոց :
Քառասուն հազար ոգիք ընդ հայ և
ընդ գէնուացի ածան ՚ի Կոստանդնու-
պօլիս իբր ՚ի դաղուծս, և հազար և
հինգ հարիւր սպասանիք յաւելան յե-
նիչերիս :

Յանկանել այսպէս Քէֆէի ՚ի ձեռս
Օսմանեանց՝ ինքնին անձնատուր ե-
ղեն և սլլ Գէնուացիք այլոց բերդորէ-
ից խրխմու : Բերդակալքն Մանդուբայ
և եթ զդէմ ունելին սակայն և Մանդուբ
առաւ, և Գէնուացիքն ածեալք ՚ի Կոս-
տանդնուպօլիս զլիսատեցան :

Ընդ նոսին ածաւ անգր և Մէնկլի
քէրէյ եղբայր Ահմէտայ խանին խրի-
մու, որ առ Գէնուացիան ապաստա-
նեալ էր : Այն ինչ կատարէր Մէնկլի
քէրէյ զսղօթան՝ զի զլիսատեցի ընդ
աղնուականս Գէնուացոց, Մէհմէտ

1 Ջայսը ամենայնի զհասարակիմ յիշաբա-
կագիբն հայեցի ախանապետ՝ էիէն ունէր ՚ի
յեռին քաջն Համէր, քան Գէնուացոցն
պարսկաբայ՝ սմա արդեօք հասարայր, և ոչ
զմէր զվն շիէր զկէշք անուն Տաքնոսիէան
յատման անդ քաղաքին :

արքայ ոչ միայն շնորհեաց նմա զկեանսն,
այլ և ՚ի խնդրոյ եղբօր նորին Էմինէ,
քայ կարգեաց զնա խան Խրիմու .
և տուեալ նմա դրօշ և թմբուկ, և
զբանս և զօրս, առաքեաց ՚ի Խրիմ յամին
1475, որով յայնմ հեռէ թաթար խանք
ընդ հրամանաւ Օսմանեանց ակրեցին
՚ի Խրիմ ցգարս երկու 1 :

1 Քանզի թաթարացի խան յորդաքո ճիւղ
կիւ խանին կարգեալ ՚ի Լէնկիթիմուրաց Ռա-
ֆաւոր ամենայն երկրին որ ընդ Տեղ Կասպից
և Սեւա ծովու կայ և Գըթւսի Իւլի, Իբրե-
սպանա ՚ի Յեռն Տոյ աթրոս ՚ի Ղօրաւարաց
Խոնց, որում անուն էր Ապեկիւ, որդի
նորս Գապըրդերաի և Ճեւալդերաի յարեան
՚ի վերայ Բանակալին: Ճեւալդերաի անխա-
՚ի ճարաի անդ . իսկ Գապըրդերաի, որ ա-
նուններ և Մեհեմեթ, Բեպեք և յաղթեաց
Բանակալին և գեպահեղ յոյց ի որոյս ՂԱ-
պեկիւ, սակայն վարաց յանդորոս վարել
զԲաֆաւորնիւնն յերեսաց այլոց թաթա-
րաց: Չօրացաւ ապա որդին Ճեւալդերաեաց
հաճի կիրայ կամ հաճի Քերեյ, և եկող
երկրասան որդիս . յորոց ոմանք ամ Տ և եկ
Բաֆաւորեցին, և ոմանք ամսօրեաց ծամա-
նակաւ . Տնչև յաղթական գաւա ամենեցուն
Ահմեթ Քերեյ, և եղբայր նորին Մեհիլի
Քերեյ ի խոնցեալ անխա ՚ի Քեֆե առ
Գենուացիս, և անդ էր Տնչև ՚ի գալ Օս-
մանեանց ՚ի Խրիմ 1 :

Աստուծոյ յաւը լիցի, զի խանք Խրիմու
որդարև յաղգի թաթարաց էին . այլ Ղօր

Ժամ պատեհ համարեցաւ յայն
 Ժամ Մէհէմմէա արքայ աւնուղ զվրէժ
 կոտորածի զօրացն իւրոց 'ի Մոլտաւիա
 նից և 'ի Մաճառաց, և պատուէր եա
 բանակին խրխմու միսիւ 'ի Մոլտաւիա :

Ահարդեաց զգեապանս Ստեփանո
 սի արքային Մոլտաւիոյ, որք անբասիր
 աւնեւոլ զոր 'ի հերուն զկոտորածս՝
 աղաչէին զնա զիջանել 'ի խաղաղու
 թիւն. էառ 'ի նոցանէ զերիվարան, և
 արձակեաց երթալ հեաի 'ի քաղաքն
 իւրեանց: Եւ ապա և ինքն զօրածողով
 լեալ յԱդրիանուպօլիս խաղաց 'ի Մոլ
 տաւիա, յորում Ժամանակի առեալ
 էին իւրքն և զամուրն Ագքիլման :

Ճակատեցան կողմանքն երկօրին
 հուպ յանտառն Աղաճ տէնիզի. և ենի
 չէրիք ըստ յաճախ սովորութեան իւ
 րեանց զառաջինն սուսերամերկ գի
 մադբաւ շահատակեալք, և ապա տե
 սեալ զհրդեհումն անտառին՝ պարտա
 սեցան և անկան 'ի վերայ երեսաց իւ
 րեանց յերկիր :

Չայն տեսեալ արքայի՝ ասէ ցզօրա
 վար նոցին Մէհէմմէա աղա. « Չի է զի

նոցին և Ժողովարդի սուհասարանի քահն ինչ
 Թորոտաց - որպէս յայտ է և 'ի Բարոց նոցին
 և 'ի Բարբառոյ և 'ի նոցին իսկ Ժողովարդի
 վնայութենէ. Բեպէք և սովորութիւնն որ
 պէս զնոցաւորս խրխմու թաթարիսանս ա
 նոսանէր, նոյնպէս և զԺողովարդն զուր քա
 բապարտաց Թաթարս իալուս յորջորջեն :

այդպէս վաղվաղակի տապալտա անկան մանկափոք, մի թէ այս օրէն իցէ գօտէպինգ մարտկաց : Եւ անգէն 'ի բուռն առեալ զվահանն, և մարակ 'ի կուշտ արարեալ երիվարին յարձակեցաւ ինքնին և եմուտ յանտառան հրաբորբոք : Խրախուռեցին յօրինակէն ենի չէրիքն, և փողեալ զհետ արքային՝ կոտորեցին զթշնամիս յայգուէ մինչև ջօր հասարակ, և լցան աւարաւ 'ի դլիոց անկէլոցն բրդուհա կանգնեցին, և զօրացն վլահաց որ նիզակակից էին Օսմանեանց՝ ետուն բազմաթիւ երամակս խողից : Կակ արքայն Մուլտաւիոյ անկեալ յերիվարէն մազապուր ճողոպրեցաւ 'ի տեղի իւր :

Ասպատակ սփռեաց այնուհետև Մէհէմմէտ 'ի Մուլտաւիա և 'ի Մաճառս մինչև 'ի Խոթուն և 'ի Սուչուվա, այրեաց աւեր արար զկողմանան, և զնորակերտ ամրոցս արքային Մաճառաց առ Գանուբաւ հրձիգ արարեալ՝ դարձաւ րար 'ի Կոստանդնուպօլիս :

1 Մինչդէռ փնայր արքայ Բանակաան 'ի Մուլտաւիա, իողճապէսն Ասիոյ Տասուպիաւա՝ որ առ ընկեր նորա ընկանայր երիվարան, պատմեաց նմա այսպիսի ինչ Մինչդէռ էի ասէ 'ի Գաւլըանլը ասանի Տօք 'ի Վիսթահիէ, քեսի զի երկոպասան արք ոսպայնանի արուեստիս զհեք պնդեալ էին աղտոտութիւն խաւճապէսոյ 'ի իրդակի անդ իւրեանց, և ոչ իարացին ըմբռնել զնա : Ան-

Նորոգեաց զպարխապս քաղաքին մեծի . սահմանեաց կարգս ինչ դատաստանաց, և յեա ամաց երկնց վերստին ՚ի զէն ընթացաւ: Քանզի կատարեալ էր միամեաց զինադադարումն Օսմանեանց ընդ Վէնեակեցիս:

Խատիմ Սիւլէյման փաշա քառասուն հազարաւ զխմեալ յառումն Եյնէպախ թեայ՝ իբրև վանեցաւ ՚ի Վէնեակեցւոց, խաղաց դնաց յերկիրն Անուստաց, և դարձեալ պաշարեաց զամուրն Քոչա որ է Ագհիսար . և թէպէտ չկարաց առնուլ զայն, այլ բաղում նախճիրս գործեաց ՚ի զօրս Վէնեակեցւոց ապարսպօքն: Սակայն արքայ ընկէց զնա յիշխանութենէն և արկ ՚ի կաշանս բանտի ՚ի Ռուսէլի հիսարին:

Անտի և Իւմեր սէյ ասպատակեալ հրոսակօքն արշաւեաց մինչև ՚ի Ֆրիուլի և էանց ընդ գեան թալխամէնթօ, ՚ի սուր և ՚ի հուր գատեալ զամենայն . և Վէնեակեցիք ՚ի զանդակատանց մայրաքաղաքին իւրեանց տեսանէին զհրդէհմունս անտառաց և ամրոցաց և շտեմարանացն Աորիցիոյ, և զամենայն ծովերեայց: Փութացան սոքա ուժգին զօրութեամբ ելանել ընդ առաջ ասպատակողացն, այլ նոքա վաղ դարձան յեա լիացեալք աւարաւ և բաղմութեամբ գերեւոց:

Դէն հրամայեաց արտայ՝ զի ՚ի պատիժ այնչո՛ք ապշուիէան արանցն քացին նոքա ամ Ը. Գ. ամէ Դաբասուրի քաղաքին քոչս հինգ:

Ի դալ ամին միւսոյ Վէնեակեցիք
 խնդրեցին 'ի Մէհէմմետայ զհաշտու-
 թիւն 'ի ձեռն Մալխիերի անուն դեւ-
 պանին իւրեանց, և խոստանային տալ
 'ի ձեռս նորա զՔռոյա, զՎէմնոս և ըզ-
 Մանեա, և ոսկիս հարիւր հազար: Յա-
 շէլ պահանջեաց արքայ և տարեկան
 հարկս վեց հազար ոսկւոյ: Մալխիերի
 խնդրեաց դուլ առնել զինուց՝ մինչև
 երթեալ 'ի Վէնեակ և դարձցի այս-
 րէն տալ նմա պատասխանի. այլ 'ի յա-
 պաղէլ նորա զդարձն, Մէհէմմետ ան-
 համար զօրօք խաղաց յերկիրն Անա-
 ւուսայ:

Եհաս Մալխիերի, եգիտ զթագաւորն
 'ի Սոփեա, և խոստանայր հատուցանել
 ամի ամի զպայմանեալ սակ ոսկւոյն.
 այլ Մէհէմմետ ետ նմա պատասխանի՝
 եթէ անագան է ժամանակս, և պահան-
 ջեմ՝ այժմ ոչ զՔռոյա միայն, այլ և
 զԱքոտրա. և դիմեաց անդր, յառաջըն-
 թաց արձակեալ զկողմնապետն Եւրո-
 պայ զՏաւուտ փաշա: Կամէր արքայ
 աւանդել զառումն ամբոցին 'ի Կէտիք
 Ահմետ փաշա. այլ յածել նորա 'ի մէջ
 զանառիկն լինել բերդին՝ անդէն արկաւ
 յիշխանութեանն և բանտարգել եղև և
 կարգեցաւ 'ի տեղի նորա վեղեր մեծ
 Գարամանի Մէհէմմետ փաշա:

1 Յասոսըս վեչիբոսնեան Կէտիք Ահմետայ
 և արքային Բաղմեր յարեան ընդ վեչիբո-
 իսը: Յասոսըս միտմ էին Եհաս ամբոց թիւրք.

Տաւուա վառա առկ զՔ.ս.ոյա 'ի պա-
շարումն . և քաղաքացիքն քանդի 'ի
հերոսն հեռե նեղէին 'ի սովոյ , մինչև
ուտել զուռն և զկատու , ետուն զքա-
ղաքն՝ աղաչելով արձակել զնոսա աղաս-
ընչիւքն . և Տաւուա գրով երգման
խոստացաւ կատարել զհայցուածս նո-
ցա : Այլ իբրև իջին նոքա 'ի դաշտա-
վայր անդր՝ առհասարակ 'ի կապանս
անդեալք աման առ Մէհէմմէա . և նա
ընտրեալ 'ի նոցանէ զորս ինքն կամէր ,
զայլսն հրամայեաց ընդ սուր անցու-
ցանել :

Անտի խաղաց Մէհէմմէա արքայ 'ի
Աբտարա , զոր իւրոցն արդէն պաշա-
րեալ էր , և 'ի բլի որ հանդէս գրան
քաղաքին կայր՝ հրամայեաց կանգնել
ամրոց մեծ չորիւք մեծամեծ աշտարա-
կօք : Իբրև հասին և տանն հազար ուղտ
որ զմեղանօթան ամէին զմեծամեծս ,
սկսան Օսմանեանք բաղխել զպարխալ-
սին աստկապէս . և յետ աւուրցե-
րեանից տեսեալ Մէհէմմէայ զխար-
խալել պարսպացն և զխրամատան մե-

ձն սե բիրք և գոյ շինախան , և ի-
րով խաղաւելուա Բարբառու՛ն հարցանել
ճեղճանան և աւել . « Ո՞ 'ի յենջ իսպա-
որն ի՞նչ մեծալօր » : Զայրացաւ յասու-
որսայի ընդ իրան . և վելիքն իալաւ անփի
հոսանեցոյցանել զնա՝ զի մի ևս յայանապե-
Բաւմեղի այնուհետև արսայ յափենի , այլ
յնքոյ իողմանէ վանդալի :

ծամեծա, հրամայեաց զօրացն յարձա-
կել միանգամայն ՚ի վերայ քաղաքին :
Այլ ՚ի վանիլ նոցա ՚ի պաշարելոցն եր-
կիցս և երկիցս, Մէհէմմէտ արքայ խոր-
հուրդ կալեալ եբարձ զպաշարուսն, զի
և ձմեռն սատարիկ ՚ի վերայ հասեալկայր :
Եթող անդէն զԱհմէտ պէյ Էւրէնս-
սեան քառասուն հազար հեծելովք, և
մեկնեցաւ, և զճանապարհայն էառ
զՏրին կողի և զայլ ևս ամրոցս աշխար-
հին :

Ի սկզբան նորոյ տարւոյն, այն ամ էր
1479, կռեցան դաշինք ուխտի բարե-
կամութեան ընդ Ալեհեակեցիս և ընդ
Օսմանեանս : Նախկին պայման դաշան-
ցն էր՝ զի տացեն Ալեհեակեցիք զՄ-
քոտրա քաղաք ՚ի ձեռս Օսմանեանց, և
հատուցեն արքայի ոսկիս հարիւր հա-
զար յերկուց ամաց միջոցի, և զի արքայ
գարձուցէ առ Ալեհեակեցիան որչափ
ինչ ունէին նոքա յերկրին Առնաու-
տաց յառաջ քան զաւուրս պատերազ-
մին, բայց ՚ի Քոոյայ և ՚ի Աքոտրայէ :

Արձակեցան երկուստեք գերիքն յա-
զատութիւն. դեսպանն Ալեհեակեցոց
սրատուեցաւ երիւք ոսկեդիպակ խի-
լայիւք, և այլ դեսպան ՚ի Աոտանդ-
նուպօլսոյ ՚ի Ալեհեակի երթեալ մեծա-
րեցաւ յոյժ ՚ի դքսէն, և ետ նմա ՚ի
դիմաց արքային գօտի մի ականակուռ-
բայց այսու պայմանաւ, զի երբ և կա-
միցի յինքն առնուցու զայն, և այն լի-
ցի յայնժամ նշանակ լուծանելոյ բա-

րեկամուծեանն: Դարձեալ և բաժակ
մեծ սակեղէն ածեալ էր դեասպանն ընդ
իւր, զի արբցէ նովմաբ ընդ դքսին և ընդ
երկոտասան սեպհաց նորա:

Այսպէս զկնի թագաւորին Նէա-
պոլսոյ, որ առաջին ՚ի քրիստոնէաց թա-
գաւորաց յուխտ բարեկամուծեան և
մուտ ընդ Օսմանեանս, երկրորդ կա-
ցին Ա՛նեւակեցիք:

Ի նմին ամի քառասուն հազար Օս-
մանեանք առաջնորդուծեամբ երկո-
տասան բղէշխից՝ որոց գլխաւորք էին
Միխայլեան զորավարքն Ալի և Իսքէն-
ակը, արշաւեցին ՚ի Մաճառս և ասպա-
սակեցին մինչև ՚ի Թրանսիլվանիա, որ
է Էրսէլ: Եւ ընդդէմ նոցա Սաեփանոս
Պաթոր կուսակալն Էրսէլայ, և մար-
տուցեալ աստկապէս ընդ Օսմանեանս՝
թէպէտ և ինքն անկաւ ՚ի ճակատուն,
այլ Քինիա կոմսն Դմիշվարայ հասեալ
նմա ՚ի թիկունս՝ խորտակեաց զմեծ
մասն բանակին Օսմանեանց, և ասպա ոչ
միայն զկառափունս անկեւոցն կոյսս
կոյսս ՚ինչան յաղծուծեան կանգնեաց,
այլ և խժաբար ինջոյս կարգեալ ՚ի վե-
րայ գէղադէզ գիսկանց նոցին իւրովքն
հանդերձ պարս բոլորեաց: Եւ սրատ-
ճառք պարտուծեան Օսմանեանց, որ-
պէս հաւատան սրամարգիլք, անմիա-
բանուծիւն զորավարացն էր:

Սակայն այլ դունդք Օսմանեանցն ո-
րանոր ասպատակուծեամբք յարձա-
կեցան հասին մինչև ՚ի Արաց քաղաք

Աւարտիայ՝ զղիւղս և զքաղաքս աւար
 հարեալ քանդեցին, և զԷկեղեցիս կա-
 սուա կողոպուա թողին յամենայն
 զարդուց: Մինչդեռ ոմանք 'ի զօրավա-
 րացն Մէհէմմէտայ յարևմուտս կոյս
 յաղթանակս կանդնէին, այլք նորին
 հրամանաւ յարևելս և 'իկղզիս Յունա-
 ստանիէրկրակալութիւնս առնէին: Աս-
 ոոյց արքայ և ամրոց մի 'ի Թենեատս
 կղզւոջ, և արս հմուտս բժշկութեան
 արուեստին արձակեաց 'ի Ամնոս կղզի,
 որպէս զի քննեալ ստուգեսցեն զհա-
 կեալ հոռոմ կառն¹:

Ընդ այն ժամանակս յամին 1480
 լուծաւ բարեկամութիւն Օսմանեանց
 ընդ Եդիսպոսացիս յերկուցսպատճառաց:
 Առաջին՝ զի սուլթանն Եդիսպոսի Խօշ
 դատէմ խրոխտ սպտասխանեաւ մեր
 թեալ էր զյորդորն Մէհէմմէտայ 'ի նորո-
 գեւ զջրմուղս ճանապարհի ուխտաւո-
 րացն որ գնան 'ի Մէքքէ, և այն ծա-
 խիւք Օսմանեանց: Եւ երկրորդ, զի յա-
 ջորդն Խօշդատէմայ Գայթէպայ սուլ-

1 Անդ է սա հայկաւին՝ 'ի հնումս կար-
 ծեցեալ զեւսելոս ընդդէմ թուրքից և վիրաց-
 և իռլի յարաբացի Բարբառս Գինի մախթում,
 և 'ի Տեւթապոնեհարած կաս, զի ինո՛վ փեարց
 ի շէնոյն սիւսէր ընդ աշխարհ ուրպէս մտի ար-
 քիւնս Լէմնոսի. սակայն գրամի և յամենայն
 արեւելս և 'ի Մալմա, ևս և 'ի Գաւղլիս և
 'ի Գերմանիս, և 'ի հմագոսնիցն Բժշկաց Խո-
 փեալ է արդ զօրոսնիան սոցա 'ի զեւսելոս:

դան ընդդէմ կամաց Մէհէմմետայ վա-
նեալ'ի Մարաշոյ զիշխան նորին զՇէհ-
սիւ վար Ձիւլցատորբեան¹, և ապա կա-
լեալ զնա և սպանեալ էր, և կարգեալ
'ի տեղի նորա զեղբայրն Շէհսիւ վարայ
զՊուտագ: Մէհէմմետ արքայ հալա-
ծեաց զՊուտագ 'ի Մարաշոյ հանդերձ
սասարովքն Եդիստացւովք, և կար-
գեաց յաթոռ իշխանութեանն զեղբայր
նորին զԱլայիւտոռէվէթ:

Այլ աշխարհակալ ոգին Մէհէմմե-
տայ ցանդ զԵրուսաւ յաժէր մանա-
ւանդ զաչս իւր, և արժան ամենեին
համարէր և արդարացի, զի յետ անցա-
նելոյն յաթոռ ինքնակալացն հոռո-
մոց՝ ընդ բռամք նուաճեացէ և զամենայն
երկիրն որում նոքայն թագաւորէին:

Պատճառս առեալ 'ի բարեկամու-
թենէ իշխանին Յոնիական կղզեաց Ան-
նարդայ ընդ արքային Նէասուրոյ թըշ-
նամւոյն Օսմանեանց և Աէնեակեցոց
'ի ժամանակին, կազմեաց տորմիզ նա-
ւաց երեանից, և զԱէակք Ահմետ փաշա
հանեալ 'ի բանտէ յոր արկեալ էր զնա
'ի հերուն հեռէ՝ կարգեաց զնա կուսա-
կալ թէսաղոնիկեայ, և առ այժմ իբրև
ծովակալ արձակեաց 'ի վերայ Յոնիա-
կան կղզեաց:

1 Ի հարի-բ ամաց հեքէ Բանսիալեալ քի-
բէր 'ի Մարաշ քահնա այս այսպէս յոր ընդ ընեալ
յանուանէ նախնոյն Իբոյ Ձէյնէքքիս Գա-
բաճա Ձիւլցատորբեան:

Առեալ Աճմեայ անհախառակ զերկուս 'ի կղզեացն զՍանթա Մաւրա , և զԶանթա , որ և Չակիւնթոս , դէմ եղհարիւրաւոր նաւուք քերէլ զափամբք խալիոյ . զի և գեսպանն Ալեւեակեցւոց Սեբաստիանոս Վրիթթի թելադիր լինէր Մէհմեմեայ և սակը՝ եթէ Բրունդուսիոն և Տարեհաոն և Օթրանտ քաղաք Նէպոլոյ քանզի 'ի վաղ ժամանակս ընդ իշխանութեամբ էին կայսերացն արևելից , յիրաւի իցէ արքայի գրաւել և զնոսին իբրև զմասն բաժնի կայսերութեան Յունաց : Ահա Աճմեայ 'ի ծովեզերս Փուլիոյ , էառ զՕթրանտ քաղաք , և 'ի քսան և երկու հազար բնակչաց նորին զերկոտասան հազարան 'ի սուր սուսերի կոտորեալ՝ զայլս 'ի գերութիւն վարեաց . իսկ զքաղաքապետն և զեպիսկոպոսն ընդ մէջ սղոցեաց , յամին 1480 :

Մինչև հասեալ Աեաիք փաշային 'ի Փուլիա , Մէսիհ փաշա վաթսուն , կամ ըստ այլոց հարիւր և վաթսուն նաւուք ժամանեաց 'ի Հոռոս կղզի , զոր ունէին . յայնժամ ասպետք կարդի սրբոյն Յովհաննու . և առաջնորդութեամբ երկից ոմանց Հոռոացւոց պաշարեաց ըզՀոռոս 'ի ծովակողմն կուսէ : Երեքարիւր հարուածովք թնդանօթից և ռումբաց խախտեալ կործանեաց զմի յաշտարակաց քաղաքին . այլ 'ի կանդնել քաղաքացւոցն նոր պասնէլ փայտեայ 'ի ներքուստ՝ փոխեաց անտի զգօրան , և

սրաշարեաց զքաղաքն ընդ ցամաք: Կոր-
 ծանեաց զպարխապն ութ մեծամեծ
 թնդանօթիւք, սակայն քաղաքացիքն և
 միւս ևս պարխապ կանգնեալ էին. վասն
 որոյ հրամայեաց կամուրջ մեծ կաղմել
 նաւակօք, և դարձեալ սրաշարել զքա-
 ղաքն ՚ի ծովէ: Եւ քանզի Օսմանեանք
 զկամուրջն խարսխեալ էին առ բեր-
 դան, անգղիացի ոմն նաւավար ՚ի մորթ-
 կալից գիշերի իջեալ ՚ի ծով եհաս
 զպարան խարսխին, և կամուրջն հողմա-
 կոծեալ հեռացաւ ՚ի պարսպէն. ապա
 և խորտակեալ ՚ի ծանրութենէ մարտ-
 կացն՝ զի վերայ իւր կացեալն թօթա-
 փեաց ՚ի ջուրս ծովուն:

Յայնժամ նաւուք և նաւակօք մեր-
 ձեցեալ Օսմանեանց ՚ի պարխապն, ևս և
 ՚ի ցամաքին կողմանէ, անհնարին սասա-
 կութեամբ մարտան, և երեքհազար
 ոմրաձգութեամբ կործանեցին զմեծ
 մասն պարսպին: Արձակեաց Մէսիհ
 փաշա առ մաղխարոսն սասպեաաց զյոյն
 զոմն, և յորդորէր անձնատուր լինել-
 և ՚ի ջառնուլ նորա յանձն՝ հրամայեաց
 զօրացն իւրոց յարձակել վերստին և
 յաւարի առնուլ զքաղաքն: Եւ ՚ի լի-
 նել նշանի յարձակմանն՝ քառասուն
 հազար Օսմանեանք սնդեալ ոչ միայն
 զինուք, այլ և պարկօք յաւար, և պա-
 րանօք ՚ի կասրանս գերեաց, առիւծա-
 բար գիմեցին երկուստեք և ելին ՚ի պա-
 րխապն:

Այն ինչ կանգնեին ՚ի ծայրս աշտա-

բակացն զգրօշ ծովակալին , այն ինչ սանդուղս չորս 'ի պարսպաց սնախ 'ի ներքս 'ի քաղաքն իջուցեալ՝ զեղուին անդր , և ահա Մէսիհ՝ փաշա կատարեալ համարելով զյաղթութիւնն՝ և արարող կարգալ 'ի բանակին , զի մի ոք իշխեացէ միտլ յաւարն հռոդոսի . այլ ամենայն դանձք նորին յարքունիա ունին երթալ :

Անդէն և անդ հովացաւ եռանդն զօրականին 'ի լուր բանիս . լքան արտաքինքն 'ի ձեռն տալոյ մտելոցն 'ի ներքս , և մտեալքն առ հասարակ վանեցան 'ի քաղաքացւոց , և պաշարեալքն զպաշարողացն առեալ զկայս՝ հալածեցին վանեցին զնոսա մինչև 'ի սպառ :

Այսպէս Օսմանեանք 'ի պատճառս ազահութեան Մէսիհ՝ փաշային , և օգտածարաւութեան զօրացն դարձան կորակոր 'ի Վոստանդնուսօլիս յեա եռամսեայ պաշարմանն հռոդոսի , յորում կորուսին ոգիս ինն հազար , թող զվերաւորսն հնդեաստան հազար :

Եւ արքայն Մէհմէմէտ արկեալ ըզՄէսիհ՝ փաշա իշխանութենէն , զի էր վէզիր , առաքեաց 'ի Վէլիսօլու իբրև լոկ Սանճագ պէյի , այս ինքն է դաւառապետ , և կարգեաց փոխանակ նորա ըզՄաղնեսիս չէլէպի զգառաւորն զօրաց : Իսկ զսորայս իշխանութիւն ևա ցՄոլլա Միւսլիհէտօին Գասդէլանի : Այլ վէզիրն մեծ Գարամանի Մէհմէմէտ փաշա քանզի թշնամի էր առնս , հաւանեցոյց զարքայ յերկուս սրտհէլ զգառաւո .

բուժեանն սլաշտօն : Եւ Մէհէմմէտ արքայ զՄիւսլիմէտաին եւրոպական զօրացն եւթ կարգեաց դատաւոր, Տումիլի գաղխապէրի անուանելով. և զասիացւոցն զդատաւորութիւն եւ ցհաճի հասանդատէ, և կոչեաց զնա Անատօլու գաղխապէրի :

Ի գալ նորոյ գարնայնոյն յամի 1481 դարձեալ անց արքայ Մէհէմմէտ յԻւսկիւտար մեծաւ սլատրաստութեամբ. և որպէս միշտն՝ անծանօթ էր և այժմ յո գէմ եղեալ իցէ գնալ անհամար զօրօքն, յԵգիպտոս, եթէ ՚ի հոգոս : Այլ ՚ի ջուրէլ բանակին յԻւսկիւտարայ և յՅլանել ՚ի գաշաի միում մերձ ՚ի Կէկվիղէ, Մէհէմմէտ արքայ որ ՚ի ժամանակին յայնմիկիսօթագին էր՝ մեռալ յերրորդ աւուր մայիսի ամաց յիսուն և երկուց, թագաւորեալ ամս երեսուն. և կտակաւ ստտուիրեաց ՚ի ժամ մահուանն՝ թագաւորեցուցանել զօրդի

1 Սոցա էր լսել զամենայն դաքս որ զպարսպաց և զժառանգութեանց, բաշխել զպարսպանա դաքսաւորութեան ընդ ամենայն աշխարհն և լսել զդաքսն նոցա, և կորգել սոսոցիւ ՚ի վարժարանս հասարակաց : Եւրոպեան դաքսաւորին առաւել է պարսի քան զսոթիանին, ժողանակ զի յիւրում բաժնին կայ Ռաֆաւորէալ քաղաքն. սոխայն յանցանել էրէէք արուսի յԱսիա սորոյս պարսի առաւելու յայնժամ քան զնորայն :

իւր զՊայէզիս, և զմարմին իւր թաղել
 յիւրում մզկիթին 'ի Կոստանդնուպօլիս:

Մեծս այս թագաւոր զայսօրինակ
 կնքեալ զընթացս իւր՝ յիրաւի Ֆաթիհ
 կամ Աշխարհակալ անուանեցաւ .
 զի տիրեաց եօթանոց մեծամեծ թագա-
 ւորութեանց, և երկերիւր և աւելի ևս
 քաղաքաց: Այլ և աշխարհաչէն և օ-
 րէնսդիր վեհագոյն քան զնախնիս իւր
 և քան զյուլուս 'ի յեանոց մկայեալ է
 յարդեանցն: Զի բաց 'ի հոյակապ
 մզկիթէն զոր կառոյց 'ի Կոստանդնու-
 պօլիս հանդերձ դարոցոք, աղբատա-
 նոցաւ, գրատամբ, իջևանաւ, աղ-
 բերքք և բաղանեօք, և բաց յայլոց ևս
 յերկց մզկիթաց՝ որովք զարդարեաց ըզ-
 Կոստանդնուպօլիս, գիտացբազմամարդ
 առնել և զառ 'ի յիւրմէ անմարդացեալ
 քաղաքն, զոր և յայն սակս կոչեաց, ա-
 սեն, Իսլամպօլ:

Իսկ օրէնսդրութիւնք նորա ցարդ ևս
 բովանդակեալ կան 'ի մատենին որ յիւր
 անուն կոչի Գանուննամէ 'ի սուլդան
 Մէհէմէտ: Եւ յերիս գլխին որ 'ի
 նմայն կանօնք. առաջին, 'ի կարգս ա-
 ւագանւոյն, երկրորդ՝ 'ի տօնս և 'ի հան-
 դէսս, և երրորդ՝ 'ի տոյժս յանցաւորաց,
 և 'ի ռոճիկս իշխանաց:

Ուսումնասէր ևս էր Մէհէմէտ ար-
 քայ, և քերթող ևս, և միշտ 'ի սպասուի
 ունէր զխմատունս, ոչ միայն զազգայ-
 ինս, այլ և զյոյնս և զլատինացիս . յորոց
 բազում ինչ հարցասէր մասօքն տեղի-

կանայր : Եւ ըստ աւանդելոյ ոմանց
հմուտ էր և բազում լեզուաց, ևս և
յունին և լատինականին : Ապրդս եղ
ուամանց 'ի գալրոցս, և ռոմիկս առա
տասիկս սահմանեաց ուսուցչաց, որով
և գիտնականք և մատենագիրք յաճա
խեցին յոյժ առ թագաւորութեամբ
նորա 'ի մէջ Օսմանեանց :

Ահեղ նկարագիր բարուց և գործոց
մեծի արքայիս պատճառս ևս անշուշտ
մատենագրաց ոմանց Եւրոպացւոց՝ յա
ճախել կուտել զնմանէ զրոյցս ոչ սա
կաւ խժականս և անկարծելիս ¹, և
այլոց դարձեալ գրուատիս տողել զնմա
նէ մեծամեծս յոյժ : Այլ մեղ շատ իցէ
որ ինչ 'ի կարճոյ խմբագրեցաւս աստա
նոր 'ի հմտութիւն մերագնեայց : Յաւել
ցուք յօսմանեան մատենից զայն՝ զի ըստ
կերպարանացն տեսլեան գեղագիտակ
էր նա և ահագնահայեաց, երկայնաքիթ
յոյժ և յաղթանդամ :

1 Որպէս այն՝ ինչ հրամայեալ իցէ պատա
տել զերոմանս լորեփասան պաշտօնէից ի
րոց առ սփոփելոյ եմե և կերեալ իցէ զմ
րոնփս կնոջ ուրոմն աղջափի : Եւ ինչ ինչ
նին իրոմ վեռամբ գլխապետալ իցէ զի 'ի կու
նանց իրոց առ հանդարտելոյ զբարոնջ զօ
րացն զմեղիս ինչն իրմ : Եւ տարջեալ եմե
առ 'ի սանձելոյ զխառնակրթութեանս տափա
ւորի ուրոմն նստուցեալ իցէ զարդի նորա
յաթոռ պապեալ մարմով հօր նորին սպանելոյ,
և որ այլ այսպիսի :

Փոթձ մեծ կաշեալ վէղերին մեծի առ 'ի ծածուկ ունեւոյ զմահ արքային, բազմեցոյց զմարմին նորա 'ի կառս, և սովորական թիկնապահօքն առաքեաց 'ի Կոստանդնուպօլիս, որպէս թէ կամիցի արքայ 'ի ջերմ բաղանիս ուրեք գիւրեւ ախափն. և առ խափանեւոյ զերթևեկ մարդկանն 'ի բանակէն 'ի Կոստանդնուպօլիս՝ արդեւ զանցս նաւուց և նաւակաց յԱսիլուտար :

Ի նոյն արձակեաց և սնդադեասպանս առ անդրանիկն Պայէզլիս յԱմասիա, որպէս պատուիրեալ էր արքայ 'ի մեռանեւ իւրում. սակայն զի սիրէր նա առաւել զկրտերն զՃէմ, միւս ևս սուրհանդակ արձակեաց առ նա յԱհոնիոն, հրաւիրելով և զնա 'ի Տառանդեւ զաթոսն հայրենի :

Վաղ ընդ փոյթ հնչեաց 'ի բանակին լուրմահուանն արքայի. և անդէն ասլըստամբեալ ամբօխ արարին ենիչէրիք, և գիմեալ 'ի Կոստանդնուպօլիս կողոստեցին զտունս հրէից և զմեծատանց, և զվէղերն զՄէհէմմետ Վարամանի սպա-

նին : Իսհապ փաշա , որ ունէր յայնժամ
 զաւսչութիւն քաղաքին , հաղիւ ցածոց
 առ ժամն զխառվութիւնն՝ տեղակալ
 արքունի աթոռոցն հրատարակեալ ըզ
 Գորգուտ զորդի Պայէզխասայ որ 'ի Կոս
 տանդնուպօլիս կայր , մինչև եհաս ինք
 նին Պայէզխա արքայ յիւսկիւտար յեռ
 աւուրց վեշտասանից չորեքհազար հե
 ծեւովք :

Ընդ առաջ ելին նմա բաղմութեամբ
 նաւակաց աւադորեարն ամենայն և զը
 րավարք զօրուն , և 'ի ձայն ցնծութեան
 ամին հասուցին 'ի թագաւորեալ քա
 ղաքն : Եւ էր Պայէզխա զգեցեալ զհան
 դերձսոց և արկեալ զգլխովն ծածկոյթ
 սևագոյն :

Մինչդեռ գայր մտանէր յարքունիս
 անդր՝ ենիչէրիքն տողեալք աստի և ան
 տի դրանն , աղերախ հայցէին զներումն
 յանցուածոց իւրեանց՝ զյափշտակու
 թեանցն զոր գործեցին և զսպանու
 թեան վեղերին , և խնդրէին յաւելու
 զչափ ուսձկին , կամ դոնեւ տուրս ինչ
 սարգևաց շնորհել նոցա , և Պայէզխա
 շնորհեաց զամենայն :

Ի վաղիւ անդր որ օր քսաներորդ ա
 ռաջներորդ էր ամսեանն մայիսի յամին
 1481 , կատարեաց զհանդէս թաղման
 հօրն իւրոյ մեծաշուք հանդերձանօք՝
 ինքնին բարձեալ զգագաղսն , և տարեալ
 'ի շիրիմն սպարաաստեալ յեակուսէ
 մզկիթին կանդնեւոց 'ի նմանէ : Եւ
 սարս 'ի բաց եղեալ զթխասփայ հան

դերձանն անց բազմեցաւ 'ի գահ, և կար-
գեաց վեղիր մեծ դիսհագ փաշտ:

Իսկ ճէմ սուլգան իբրև գխաց
զմահ հօրն և զվեղիրին մեծի, էառ գուն-
դըս, ինչ խառնամբօխ մարտկաց և գի-
մեաց 'ի Պրուտա: Աճապարեաց Պայէզխա
և առաքեաց ընդդէմ նորա զԱյաս փա-
շա երկու հազար ենիչէրեօք, ինքն անց
յուսկիւտար զօրաժողով լինել անդա-
նօր սմէնայն բանակին: Պրուտացիք
քանզի տեղեկացեալ գխտէին զոր ինչ
անցս անցուցին ենիչէրիք ընդ բնակիչս
կոստանդնուսօլտոյ, զառաջինն չըն-
կալան 'ի ներքս և ոչ զմին յերկուց
դնդից անտի. այլ ապա իբրև տեօին
զպարտութիւն զօրաց Այաս փաշային
'ի ճէմայ սոս պարսպօք քաղաքին իւ-
րեանց և զդերութիւն Այասայ, բացին
առաջի ճէմայ զդրունան. և նա 'ի
հանդէս յազթանակի արարեալ զմուտ
իւր 'ի քաղաք անդր, տիրեաց սմէնայն
գանձուն, և դրամ ևս եհատ յանուն իւր-
որով թագաւորեաց անդէն աւուրս
ութուտան:

Այլ իբրև զգաց եթէ Պայէզխա ար-
քայմօտ հասեալ կայ 'ի կողմանան, առա-
քեաց ընդ առաջ նորա ընդ այլոց ոմանց
զհօրաքոյր հօրն իւրոյ զՍէլճուդ խա-
թուն, որպէս զի բարեխօս լիցի առնա,
և հաճեացէ թողուլ 'ի ճէմ զթագա-
ւորութիւնն Աօիոյ, անձին պահեալ
զԱւրոպայն: Իսկ Պայէզխա կարճ 'ի
կարճոյ և տ նմա պատասխանի առակա-

ւոր բանիւս Արարացւոյ, եթէ : Չիք
աղէտ ազգակցութեան թաղաւորաց
առ թագաւորս : և զընթացն յառաջ
ևս վարեաց : Քանզի վստահէր 'ի
զօրութիւն իւրոյ բանակին, և 'ի
խոստումն մասնութեան հազարապե-
տին ճէմայ, որ կոչէր Աշխին օղու :

Տաղնապէցաւ ճէմ 'ի մտալուս
վտանդէն և դէմ եղ փախչել 'ի դաշան
Ենիշէհրի ըստ խրատու խորհրդակա-
նին իւրոյ կաշառելոյ 'ի Պայէղիտայ . և
զկէս զօրացն ընդ իւր ամեալ, զմիւս
կէսն առաքեաց ընդ զօրավարին իւրում
Վէտիք Նասուհ կոչեցելոյ դէս ուղի
'ի Նիկիա : Իսկ սորա խորտակեալ ան-
դանօր 'ի զօրաց Սինան փաշայի կողմնա-
պետին Ասիոյ, հալածեցաւ մինչև յԵ-
նիշէհր :

Անդր եհաս և Պայէղիտ ամենայն զօ-
րօք իւրովք, և ընդ նմա Վէտիք Ահմէտ
փաշա, որ դեռ ևս ժամանեալ էր յի-
տալական արշաւանէն : Եւ 'ի խառնել
սրատերազմին խորհրդականն ճէմայ
Աշխին օղու էանց ընտիր ընտիր զօրօք
'ի կողմն Պայէղիտայ :

Յայնժամ հարան խորտակեցան առ-
հասարակ խուժան զօրացն ճէմայ, որ
էին Գարամանք, Տուրղուպք և Ալար-
սադք . և ճէմ ինքնին շտապ տաղնա-
պաւ 'ի փախուստ անկեալ միաձի վի-
րաւոր առանց ինչ կահուց և կարասեաց,
յաւուրն եօթներորդի ղկնի ճակատա-
մարտին ժամանեաց յԿոնստն . և յեա

երկից առուրց առեալ ընդ իւր զմայրն և զկանանին զէմ եդ. յերկիրն Ասորուոց : Բազում մեծարանօք ասպնջական եղեն նմա ամենայն կուսակալք Եդիպոսացւոց 'ի Բերիա, 'ի Գամասկոս և յԵրուսաղէմ, ապա և յԵդիպոսոս. ուր Գայթէ պայ սուլգան առաւել ևս պատուասիրեաց զնա և շնորհեաց նմա 'ի բնակութիւն զմի յիւրոյն ասպարանից :

Զկնի պատերազմին Պայէզիտ արքայ հեամոււտ լեալ զօրօքն զհետ եղբօրն փախուցելոյ, իբրև եհասմերձ յԻկոնիոն, ընդ առաջ ելին նմա Թիւրքմէնք ոմանք, որ պանծանօք առաջի արարեալ զկողոպտել իւրեանց զճէմ յանցանել նորին ընդ երկիրն իւրեանց, խնդրէին ազատ լինել 'ի բաժից և 'ի հարկաց : Գովեաց արքայ առ երեսս զբաջութիւն նոցա, և հրամայեաց դալ ժողովել ամենեցուն 'ի դուռն իւր, զի ըստ արժանի մտերմութեան և վաստակոց իւրեանց առցեն զհատուցումն. և իբրև եկին՝ ետկախել զամենեմին զնոսա զփայտէ. ասէ, « Աւոցին դասք դերեաց չմսել յիրս արքունի. եթէ ժառանգորդք պետութեան հակառակիցին ընդ միմեանս, այլ սարկաց է խոնարհել և եթ ընդ լծով հղօրագունին » :

Յետ այնորիկ զկայ առեալ յԻկոնիոն՝ հրամայեաց Կէալք Ահմէտայ արեգեւ զհետ ճէմայ. զորդին իւր զԱպտուլահ կարգեաց 'ի կուսակալ Գարամանայ, և ինքն դարձարար 'ի Կոստան, զնուսօլիս :

Իբրև ժամանեաց ՚ի Պրուսա, յարեան ենիչէրիքն և ասենցնա. «Տուր մեզ հրաման զի աւար հարցուք զքաղաքդ փոխանակ զի Պրուսացիք ոչ բացին զքրուհրա գորա առաջի ընկերակցացն մերոց որ ընդ Այաս փաշային. և ՚ի չհաւանել Պայէզիտայ ապատամբեցին: Ասեցնոսա արքայ. «Շնորհեցէք ինձ ովքաջք զքաղաքդ. և նոքա շնորհեցին նմա, և ընկալան ՚ի նմանէ ՚ի պարգև փողս հաղար ըստ գլուխ:

Յետ սակաւուց սպառուէր ետ Աէտիք Ահմէտայ չու գարձի առնել ՚ի Թաղաւորեալ քաղաքն. և ՚ի սաղբանաց Մուսգաֆա փաշային՝ որ մի էր ՚ի վէզիրաց՝ արկ զնա ՚ի կալանս բանախ, և կամեր սպանանել զնա: Ի նմին ժամանակի լուր և հաս եթէ Գասրմ սէյ վերստին հզօրացեալ ՚ի հայրենի աշխարհին ՚ի Գարաման, և պաշարեալ է զԱկոնիոն. վանորոյ փութացաւ Պայէզիտ՝ եհան ՚ի բանաէ զԱէտիք փաշա, և հրամայեաց նմա երթալ ցածուցանել զմրրիկն:

Իսկ նորա տեսեալ զի արքայ սէտս ունի իւրումն բազկի, միաբանեաց ընդ իւր զգունդս ենիչէրեաց և բողոք կալաւ առ Պայէզիտ, և ետ բանտել նախ զոստին իւր զՄուսգաֆա, և ապա թողեալ առ արքայի զօրգին իւր ՚ի սպասանդ հաւատարմութեան իւրոյ՝ զնաց վանեաց զԳասրմ մինչև յերկիրն Ասորոց, և ինքն ձմերեաց զօրօքն հանդերձ ՚ի Արսենտա:

Մինչդեռ այս իրք գործէին յաշխարհին Օսմանեանց, արքայորդին ճեմերթեալ յուխա 'ի Մէքքէ և 'ի Մէփնէ, և վերափն գարձեալ էր յեղիարտոս: Անդ ընկալաւ թուղթս ոչ միայն 'ի Գասըմայ, այլ և յօսմանեան բղէշից ոմանց փոքուն Ասիոյ, որովք յորդոր լինէին նմա չհանել 'ի ձեռաց զպատեհ խաղաղութեան ժամանակին առ 'ի բունն արկանեւոյ զաթուրն հայրենի: Խաղաց գնաց ճեմ յեղիարտոսէ և եհաս 'ի Բերիա. ուր ընդ առաջ եղև նմա Կուսակալն Անկիւրիոյ Մահմուտ հանդերձ փախտէիւք սմամբք 'ի բանակէն Կէտիք Ահմետայ:

Չայն իբրև զգաց Պայէզիա արքայ, սրտմտեալ ընդ Կէտիք Ահմետ որպէս ընդ անփոյթ և ընդ մասնատու՝ հրաման արար նմա գառնալ այսրէն, և ինքն զօրաժողով լեալ յԱյտոս՝ չու արար դիմեաց 'ի վերայ ճեմայ, որ միաբանեալ ընդ Գասըմ պէյին՝ եկն պաշարել զԻկոնիոն: Այլ իբրև լուաւ զգալուստ եղբորն իւրոյ Պայէզիտայ և զԿէտիք փաշային 'ի վերայ իւր, փախեաւ 'ի Կիլիկիա, զի և զօրք իւր թօթափեցան գարձեալ 'ի նմանէ: Անտի 'ի ձեռն դեռ պաննայ վերափն աղաչեալ զՊայէզիա՝ իրաւախոհ լինել զիրաց թագաւորութեանն, իբրև ոչ եղև լսելի, եզ 'ի մտի փախչել յԱրարիա կամ 'ի Պարսս:

Խրատեա նմա մտերիմն իւր Գասըմ պէյ անցանել յԱւրոսպա, զի թերևս

յաջողեացի 'ի ձեռս բերել զԹագաւորութիւն եւրոսելեան մասինն, և նա զՍիւլէյման զօմն մահանուն Ֆրէնկ առաքեալ դեսպանութեամբ առ մեծ մագիստրոսն Հռոդացոց, ինդրէր 'ի նրմանէ անցս և ընդունելութիւն: Հաճեցաւ մագիստրոսն, և իւրով նաւան ամեալ զնաերեսուն արամբք 'ի Հռոդոս ընկալաւ արքայաշուք հանդիսիւ: Ապա ետ ամել և զընտանիս նորին 'ի կղզի անդր, և հանգեաւ Ճէմ առ փոքր ժի 'ի տառասանաց իւրոց:

Ընդ նոյն աւուրս և դեսպանիք 'ի Պայէզիտայ եկեալ առ Հռոդացիս՝ ուխտ բարեկամութեան հաստատել կամէին ընդ նոսա. վասն որոյ և Հռոդացիք խորհուրդ արարեալ՝ հոգացան նախ յապահովի կացուցանել զկեանս Ճէմոյ, առաքելով զնա իւրովքն հանդերձ 'ի Գաղղիս, օրսէս և արարին խկ. և ապա կռեցին դաշինս ընդ արքայի, զի ընդ ծով և ընդ ցամաք խաղաղութիւն լիցի ընդ երկուս պետութիւնսն: Սի էր 'ի պայմանացն և այն՝ զի ասպետքն ըզգուշութեամբ ակն կալցեն 'ի վերայ Ճէմայ, և սակս այսորիկ Թագաւորն ամի ամի հատուցէ նոցա ոսկիս քառասուն և հինգ հազար, այլ այս անյայտ էր բազմաց:

Ընդ ամս երկուսուսան յաճեալ, մանաւանդ թէ բանտարդել եղեալ յԵւրոպա, մահուամբ ևեթ զերծաւ յանկեաց կենացն տարաբաղդ արքայորդին

Ճէմ : Քանզի առ սակաւ սակաւ հե-
ւացուցին 'ի նմանէ ասպետքն զսպա-
սաւորս նորա՝ էր զի պատճառանօք, և
էր զի բռնութեամբ, և զնա ինքն մերթ
յայս և մերթ յայն անհոցս Քաղղիոյ
արդեւական պահեալ, սպա առաքե-
ցին 'ի Հռովմ : Քանզի թագաւորն
Քաղղիոյ յուսալով թէ պապն բա-
րեաց ինչ պատահել կարասցէ 'ի ձեռն
արքայորդւոյն յօգուտ քրիստոնէից,
հաւանեցոյց զասպետան տալ զնա 'ի
ձեռս պապին :

Բազում մեծարանօք ընկալաւ սպ-
պրն զՃէմ, և ետ նմա տեղի բնակու-
թեան 'ի Հռովմ. զի և Պայէզնտ արքայ
բառասուն հազար ոսկիս խոստանայր
վճարել պապին ամի ամի 'ի պէտս եղ-
բօրն իւրոյ :

Ապա 'ի մեռանել Ռննովկէնափոսի Ը,
իբրև անց յաթոռն քահանայապետա-
կան Աղէքսանդր Զ, սա հաստատեաց
զգաշնն ընդ արքայի, առաջին 'ի քա-
հանայապետս բանադնաց եղեալ ա-
ռանձին գեապանաւ ընդ թագաւորս
Օսմանեանց : Այլ Կարոլոս Ը արքայ
Քաղղիացւոց ընդ այն ժամանակս ե-
կեալ Նոտալիս զօրօք բազմօք՝ եմուտ և
'ի Հռովմ, և խանդաղատեալ 'ի գու թ
արքայորդւոյն ճէմայ՝ էտա զնա հրա-
մանաւ պապին առ իւր : Ընդ նոյն ա-
ւուրս և գեապան ոմն Տէլլաք Մուսդա-
ֆա անուռն եկեալ 'ի Պայէզնտայ առ
Ճէմ 'ի Հռովմ, և որպէս ասեն ոմանք

'ի պատմադրացն Օսմանեանց՝ կեղծաւորեալ առաջի արքայորդւոյն որպէս թէ փախուցեալ իցէ յերեսաց արքայի մտերմացաւ ընդ նմա, և եղևնորա վարսավիրայ: Եւ յաւուր միում 'ի սափրելն զՃէմ թուհեալ ածելեաւ սակաւիկ մի գծեաց 'ի փողս նորին, և ինքն փախեաւ 'ի Կոստանդնուպօլիս: Իսկ սարաբաղդիկն ճէմ յուղի անկեալ ընդ զօրացն Գաղղիացւոց 'ի Հաովմէ և Ժամանեալ խօթագին 'ի Նէապօլիս՝ անդէն մեռաւ: Մեծապէս վշտացաւ ընդ այն Կարողոս արքայ, և առաքեաց խուհեկս և իւղս անուշից 'ի դիասպատել զնա: Եւ սենեկապետք նորին Սինան պէյ և ճէլալ պէյ լուացեալ զգիտկնն, և զօրինաւոր աղօթս իւրեանց կատարեալ 'ի վերայ՝ պատեցին և եղին 'ի տապան երկաթի: Եբրեւ աղղ եղև Պայէզիտայ մեռանել եղբօրն՝ աճապարեացարձակել զեսպան զոք 'ի Նէապօլիս, զի առցէ զգիտկն ճէմայ և բերեալ թաղեացէ 'ի Պրուսա. որպէս կտակաւ աղերսեալ էր ճէմ 'ի պահու անդ մեռանելոյ իւրոյ յամին 1495: Այլ մեք գարձցուք 'ի կարգ պատմութեանս:

Պայէզիտ արքայ երեսուն և հնդից ամաց էր 'ի թագաւորել իւրում. և ըստ ընդարոյս բարուցն ուսումնասէր դասաւ և խաղաղասէր և անպաճոյճ յամենայնի: Սմին իրի 'ի հանդերձիցն տարազուոչ ինչ պերճարոյնս աղանէր քան ըզհայրն իւր. զօրոյ և կերպարանօք ան-

ձինն բերեր զնմանութիւն . և ՚ի գործս
պատերազմի գանդաղագոյնս բուռն
հարկանէր և յակամայս իմն , որպէս և
յորժամ հարկեցան յառնել ընդդէմ
եղբօրն իւրոյ ճէմայ : Ապա զիջաւ ՚ի
խնդիրս Վենետիկացոց և Քաղաքա-
ցոց , և հաստատեաց զդաշինան զորս
կուտաւ էր ընդ նոսա հայրն իւր . բայց
զհարկն զոր հարկէին Վենետիկացիք
արքայի հարիւր հազար ոսկիս՝ հաւա-
նեցաւ ընդունել ՚ի նոցանէ ոչ միան-
գամայն , այլ ՚ի չորսնուազս յամին .
և զՔաղաքացոց զհարկն չորից և հին-
գից հազարաց ոսկոյ՝ նուազեաց իջոյց
մինչև ցերիս հազարս յերկրորդում
ամի թագաւորութեան իւրոյ ՚ի 1482 :

Եւ ՚ի նմին ամի դարձ արարեալ յար-
չաւանէն իւրմէ ընդդէմ եղբօրն ՚ի Աս-
տանդնուպօլիս՝ խնջոյս կարգեաց յար-
քունիս իւր մեծամեծաց իւրոց , և բաշ-
խեաց վէղիրացն հանդերձս պատուոյ :
Իսկ Վեաիք Աճմեա փաշային փոխանակ
ոսկեհուռն դիպակի եւս հանդերձ արջ
նաթոյր ՚ի նշանակ մօտալուս մահու
նորին . և յիրաւի անդ ՚ի բազմականին
յակնարկել արքայի՝ մի ոմն ՚ի սպասա-
ւորաց եհար սուսերաւն և սպան զնա՝ :

1 Ամենիկ որպէս այլ ասեն , ՚ի ճանապար-
հին Արքիանուպօլսոյ եք սպանանել զնա : Սու-
րայն որ ինչ այլ ինչ ասանդ են Եւրոպայի աս-
ոմանք զհանգամանաց ճահուան ասանս , յանը-
րոյքս իջեն գրեւի , որպէս ոչ ինչ բնաս յա-

Քանզի և սրամճառք սպանութեանն անխորհուրդ համարձակութիւնն էր Ահմէտայ, որով ցանգ ոխ սցուցեալ էր ընդ իւր զարքայ: Մինչ դեռ ևս սպանանի էր Պայէզիտ, Ահաիք վաշա խրոխտաբար վարէր ընդ նմա. և յասել էր բեմն Պայէզիտայ ցնա, եթէ յուշի կալ զհրսդ, տուեալ էր սպտասխանի. «Եւ զն գործիցես, քաջ տես, երգուեալ յարև հօրն իմոյ, քաւ լիցի ինձ եթէ ամէն էս երբէք սուսեր ընդ մէջ իմ՝ թէ յանկարծ յաջողեսցէ քեզ թագաւորել»: Սմին իրի՛ ի դարձին իւրում յատակոյ զսուսեր իւր ոչ ընդ մէջ իւր ունէր, այլ զհամեռն կախեալ էր զերկվարին իւրոյ: Ասէ ցնա Պայէզիտ. «Դաստիարակ իմ, կարի է սրամտութիւնդ. մտաւ զյանցուածս մանկութեան իմոյ, ամ զսուսերդ ընդ մէջ քո, և վարեալնս ընդդէմ թշնամեաց իմոյ»: :

Այսօրինակ հաշտեալ Ահմէտայ ընդարքայի՛ ի ժամանակին յորում պիտանի թուէր յաչս նորա. սակայն ըստ սպտերազմասէր բարուցն ոչ դադարեալ ի հակառակելոյ կամաց նորին, և այլոց վեզերաց, արդ ընկալաւ զարժանին զհասուցումն:

ԲԸՆԷԼՈՒ ԸՆԴ ՆԻՐԱԳՐԻ ԲԱՐՈՆԵՆ ՊԱՅԵԶԻՏԱՅ: Քանզի տենն՝ եկէ Պայէզիտ արքայ արբեցոցեալ իմամար ՂԱՆՔԷ, և բանս նախաբանաց քաղեալ իցէ ի Բերանոյ նորա համարսն անյին իւրոյ, և այլ ինչ այսպիսի:

Յեա սակաւուց էարկ թագաւորն իշխանութենէ և զմեծ վէզիւրն խոնարհ փաշա, և կարգեաց փոխանակ նորին զՏաւուա փաշա, որ էր կողմնապետ Ասիոյ՝ և սպա ինքնին յայց ելեալ բերդորէից որ ՚ի կողմանս Ֆիլիպպեայ և ՚ի սահմանս Մաճառաց՝ ամբայոյց զնոսա: Ապա եկեալ յԱդրիանուպօլիս և կատարեալ զհանդէս տօնի Բամազանին, գարձաւ անդրէն ՚ի Բիւզանդիոն, ուր էառ և զուր մահուան Գասրմ պէյին վերջնոյ իշխանի Գարամանեանց, և զորդւոյն իւրոյ Ապտուլասայ:

Ի գալուստ ամին միւսոյ խաղաց Պայէզիտ արքայ զօրու ծանու ընդդէմ իշխանին Մոլտաւիոյ, և զծանրագոյնս զինուոցն առաքեաց ընդ Սեաւ ծով մինչև ՚ի բերան Գանուբայ: Աւուրա բազումս զկայ առեալ յԱդրիանուպօլիս զարդարեաց շինութեամբ զքաղաքն, և կառոյց ՚ի նմա մզկիթ մեծ և գալրոց և աղքատանոց և վաճառատեղի: Եւ սպա յառաջ խաղացեալ ամենայն բանակաւն պաշարեաց զամուրն Քիլի ընդ ծով և ընդ ցամաք, և էառ զայն:

1 Ի սորա անուն յիշաբանի յարդ եւս մի ՚ի հարասային արասարխանէայց կոստանդնուպօլսոյ հանդերձ մզկիթաւ եւ աղքատանոցաւ՝ զոր նորա իսկ է կառուցեալ: Եւ անդանօր սովորութիւն կալան Օսմանեանս պարսապէլիս զէլ զԲանախ իւրեանց ՚ի լու յարչաւել իւրեանց յԵւրոպա:

Գիմեաց անախի և յԱզգբիրման . ուր և
 հասնաւ ՚ի թիկունս և Մէնկլի քերէյ
 խանն Խրիմու յիսուն հազար զօրօք . և
 Ազգբիրման առաւ յետ տանօրեայսա
 շարմանն : Յայնժամ պատուեաց Պայ
 էղիտ զՄէնկլի քերէյ ոսկէհունն գտա
 կաւ և այլովք սարգևօք , և արձակեաց
 դնալ ՚ի տեղի իւր . և ինքն ձմերեալ
 յԱզրիանուսօլիս , անդ ընկալաւ և
 զգեսպանս արքային Մաճառաց , զսու
 դանին Եգիպտոսի , և զահին Հնդկաց .
 Հնդկին ընծայիւք փղաց , անալուծից .
 համեմից և ոսկւոյ խնդակից լինէր թա
 գաւորելոյն Պայէղիտայ . Մաճառն
 խնդրէր զխաղաղութիւն . իսկ Եգիպ
 տացին անբասիր առնէր զանձն իւր սակս
 ասպնջական լինելոյն Ճէմայ : Մեծա
 պէս պատուեցան ՚ի Պայէղիտայ առա
 ջինքն , այլ ոչ և երրորդն . զի սուլդանն
 Եգիպտոսի Գայթէպայ , թող զսէրն և
 զօժանդակութիւն զօր ցուցեալ էր առ
 Ճէմ , տիրեալ էր բազում բերդորէից ՚ի
 սահմանս Ալիլիկիոյ մինչև հուպ ՚ի Տար
 սոն և յԱտանայ : Նեղեալ էր և զգես
 պան արքային Հնդկաց և կողոսրտեալ ՚ի
 նմանէ բազում ինչ յընծայից անախ
 զօրս ամ էր նա առ Պայէղիտ արքայ . և
 ոչ դադարէր դարձեալ ՚ի խուելոյ զուխ
 տադնացս ՚ի Մէքքէ :

Հրաման ետ արքայ կուսակալին Գա
 բամանայ , որում անուն էր Գարակէօզ
 գիմել առնուլ զբերդօրայսն յԵգիպտո
 սաց . և նա ըստ յաջողելոյ բախաին

դրաւեալ զոմանս 'ի նոցանէ: և զԲարձրբերդ, մինչդեռ յանհոգս զբօսնոյր 'ի կողմանան, և հաս 'ի վերայ նորա սպարապետ սուլդանին Եգիպտացւոց Իւզպէք, ցրուեաց զզորս նորա, սպան զՄուսա պէյ, և զազգակիցն արքայի զՖէրհատ պէյ:

Առաքեցաւ յարքայէ հերոսէկ Ահմէտ փաշա իբրև ընդհանուր սպարապետ այլ 'ի չկամել Գարակէօզայ և այլոց զօրավարաց խոնարհել ընդ ձեռամբ նորա, ձերբակալ եղև և նա, և Երեցին դարձեալ Եգիպտացիք Ատանայ և Տարսոնի:

Յայնժամ Պայէզիտ լի ցասամբ առաքեաց 'ի Ալիլիկիա զվէզիրն մեծ Տաւուտ փաշա չորեքհազար և նիչերեօք և այլովք զօրօք բազմօք, և ընդ նմա զկողմնապետն եւրոպեան զՍասիմ Ալի փաշա: Չայնտեսեալ թշնամեաց զահի զերկիւղի հարան, և 'ի փախչել կիսոցն այլք ելին խաղաղութեամբ ընդ առաջ Օսմանեանց և ետուն 'ի նոսա զամուրս իւրեանց: Յայնժամ և վէզիրն մեծ խիլայ իւք սատուեաց զիշխանս նոցին և ապա արձակուրդ տուեալ զօրացն հուպ յԱգչէհիր՝ ինքն դարձաւ առ Պայէզիտ և համբուրեաց զոսա նորա 'ի քաղաքն Վիդէ:

Ի նմին ամի իշխանն Մաւրիտանացւոց՝ որ յեօթնհարիւր ամաց հետէ Երեկն 'ի Սպանիա՝ տագնապեալ 'ի Վիդէ:

1 Մաւրիտանացի + իսմ Մաւրի + Ժողովուրդ + էին 'ի Կոստէ Արաբացւոց 'ի Կոստան

տինանատուէ արքայէ Արագոնայ և Կաս-
տիլիոյ՝ ինդրեաց ՚ի Պայէզիտայ ձեռն
օգնականութեան, և առաքեաց առ նա
ընդ թղթոյն և քերթուած ողբերգա-
կան յարաբացի բարբառ : Եւ Պայէզիտ
արքայ նոյնժամայն հրամանեա կազմել
պատրաստել տորմիզ մեծ, և հրամա-
նատար նմին կարդեալ զունն ՚ի մտերիմ
պաշտօնէից իւրոց Քէմալ Տէիս անուն
արձակեաց ՚ի Սպանիա :

Ի մուտս դարնայնոյ Ալի փաշա, Խա-
լիլ փաշա, Սինան փաշա, ևս և Հէր-
սէկ Ահմէա փաշա (զոր սուլթանն Ե-
գիպտոսի արձակեալ էր յազատութիւն
յուսով զիւրացուցանելոյ զհաշտու-
թիւնն) յարձակեցան ընդ ծով և ընդ ցա-
մաք, առին և զայլ բերդորայս Աիլիկիոյ
և զԱլիա, և զաւերեալ տեղիան նորոգե-
ցին : Եւ ընդդէմ նոցա Իւզպէք սպա-
րապեան Եգիպտացւոց զօրու ծանու,
և ՚ի մարտ մատուցեալ խորտակեաց ըզ-
զօրս Օսմանեանց : Ալի փաշա մեկնեալ

յարեմոսփս Ափրիկոյ Բնակեալս, և անուանի
եղէն սոքա սակս պապերազմացն իւրեանց ընդ
Հոմվայեցիս : Ապա յեօննէրորդի Կարանն
Արաբացիս իմ Սարաիինոսս ճահմէփախանս
արշաւեալ Բոսան զօրուսնեամբ մինչև ՚ի իոզ-
ճանան՝ փերեցին ՚ի սուղ ժամանակի և Սպա-
նիացոց աշխարհին յամի 711. և առաջնորդ
նոցա հրամանաւ ամբարտապան իշխէր անտա-
նօր մինչև յամի 1491 : Ամի իրի և սոքա ՚ի
Բազմաց Սարիփանացիս անուանեցան :

'ի Նարեհատա, առաքեաց 'ի Կոստանդնուպօլիս ըստ հրամանի արքային զԳարակեօզ փաշա և զընկերս նորին, որք և յայս նուագ առաջինք լեալ էին 'ի թիկնադարձոյց լինել Գարակեօզ տպանաւ, և այլք արկան յիշխանութենէ:

Այլ պատերազմն Եգիպտոսի և ևս ծանրացաւ 'ի նենգութենէ Ալայիւտա տէվէթ անուն իշխանին Չիւլգասրեանց, զոր Օսմանեանք թագաւորեցուցեալ էին փոխանակ Պուտագայ եղբոր նորին սասարեւոյ յԵգիպտոսացոց: Ալայիւտա տէվէթ իբրև ետես զյաջողութիւն զինուն Եգիպտոսացոց՝ միացաւ ընդ նոսա և պաշարեաց զԿեսարիա: Յայնժամ փութացաւ Պայէղիս արքայինքն գլխովին խաղալ ընդդէմ թշնամեաց, և կամեր անցանել յԵւսկիւտար մեծաւ պատրաստութեամբ:

Ընդ այն աւուրս դեսպանք յիշխանէն Թունուզայ եկեալ 'ի Կոստանդնուպօլիս՝ մատուցին արքայի յընծայ կուրան մի և այլ մատեանս արաբացիս իբրու բարեկամութեան աղագտու, և աղաչէին ևս հաշտել ընդ սուլթանին Եգիպտոսի: Ի դէպ ժամուն եհաս և լուր աւեակաց՝ եթէ զօրքն Եգիպտոսացոց 'ի մերձենալ հերակեայ տեղի ետուն յերեաց Օսմանեանց, և Պայէղիս արքայ զիջեալ 'ի խնդիր դեսպանացն՝ հաշտութիւն խօսեցաւ ընդ սուլթանին Եգիպտոսի: Եւ փոխանակ դիմելոյ այնուհետև յԱսիա՝ գնաց արքայ յԱգրիանու-

ալօլիս 'ի զբօսանս որսոյ, և դարձաւ անդ-
րէն 'ի Բիւզանդիոն, ուր կատարեաց ըզ-
հանդէս Թլփատութեան Թոռանց իւ-
րոց և զհարսանեաց գատերացն :

Յանգորրանալ այսպէս իրաց ասիա-
կողմանն, զորոյ զտեսչութիւնն ու-
նէին յայնժամ հնդեքին որդիք Պայէ-
զիտայ . Ահմէտ որ նստէր յԱմա-
սիա, Շէհնշահ 'ի Գարաման, Ալէմ-
շահ 'ի Մէնթէշէ, Գորգուտ 'ի Սարու-
խան, և Սէլիմ 'ի Տրապիզոն, ակն ու-
նէր Պայէզիտ արքայ օգուտ ինչ քա-
ղէլ յերկառակութենէ նախարարացն
Մաճառաց յետ մահուն Գորվինայ
արքայի, և 'ի ձեռս բերել զամուրն Պէլ-
կրատ . յոյր սակս հրաման ետ կուտա-
կալին Սէմէնարէ 'ի որում անուն էր
Խատիմ Սիւլէյման փաշա՝ գիմել ընդ
այն կողմն . և ինքն ևս յուղի անկեալ
գնայր 'ի Սոփեա : Այլ գունդք զօրացն
Օսմանեանց առաքեալք 'ի կողմանն
յայնոսիկ խորտակեցան 'ի զօրավարէն
Մաճառաց Գինիտայ, և միւս ոմն զօ-
րավար նոցա սայլս երկուս լցեալս կա-
ռափամբք Օսմանեանց առաքեաց առ
ձերակոյտն Մաճառաց իբր 'ի նշանակ
Խրուսն յաղթութեան : Յայնժամ
դարձաւ արքայ Պայէզիտ յԱլպանիա,
և անդ դեգերէր ամիսս ինչ սակս յա-
ճախելոյ Ժանտախաին 'ի Կոստանդ-
նուպօլիս :

1 Աստուծոյ որդիքն և այն որո՞վ զգոչացա-
նա ինչն Պայէզիտ արքայ յամեն 1509 'ի սա-

Մակայն զօրքն իւր ասպատակ սրբե-
 ուեալ այս հինգերորդ անգամ յԱւս-
 տրիս, հեղեղարար արշաւեցին ընդ ա-
 մենայն կողմանս աշխարհին, ևս և ՚ի
 Մաճառս. և թէպէտ և ուրեք վանե-
 ցան ՚ի Մաճառաց և ՚ի Գերմանացւոց,
 այլ այն գողցես ոչինչ էր առ աղէախւքն
 զորս հասուցանէին քրիստոնէից՝ չա-
 րատանջ սպանմամբ, անխնայ աւարա-
 ութեամբ, և քանդմամբ գիւղից և
 քաղաքաց :

Ի միում սատերազմի հասին և ըզ-
 գլուխս կղբօր և որդւոյ Տէրէնչէնի իշ-
 խանին Մաճառաց, որ և Տէրէնճիլ Պանս,
 և ածին սկսեղբ առաջինորս, զի և ինքն
 ձերբակալեղեալ էր : Հասին և զուճա
 անկեւոցն ՚ի սատերազմին, և հինգ հա-
 զար ուճս առաքեցին ՚ի Աստանդնու-
 սօլիս . և Տէրէնչէնի հրամանաւն Պայ-
 էղիսայ արսորեալ ՚ի կղզի մի՝ յեա
 սակաւուց մեռաւ : Տեւաց այլ ևս ամս
 երկուս ասպատակութիւն Օսմանեանց
 ՚ի Մաճառս, և ապա դուռ կղև զինուց

սանուճեանէ, մի յօրինակաց անժխաբէլեանց է,
 որով ՚ի հասանութիւն գայ ուսմիկն Օսմա-
 նեանց և մաքանի ընդ վարդապետութիւնս
 օրինաց իւրեանց, եւեւ զգուշութիւն մարդոց
 ՚ի հօքաշուս վրանգաց իւրովն անյն իշխանս
 զարութեամբ՝ ոչ ինչ խաբան է կամաց և փեւ-
 ըութեան Աստուծոց . և ինչ որ զգուշանայն
 յորժամ կարէ՝ ոչ արդարացի յանյնասպանու-
 ճեանս սպգպանաց :

եռամեայ . զի հարկ էր զդէմ ունել արշաւանաց արքային Լէհայ 'ի Մորտաւիս : Առ ի թ հաշտութեան կամեր կալ 'ի մէջ նոցա արքայն Մաճառաց վառ տխարաւ , այլ 'ի զուր :

Յամին 1498 Մալգոզ օղլու Պալի պէյերկիցս յարձակեալ մտեցաւ 'ի Լէհաստան վաթսուէն հազարաւ , անց ըստ դեան Տնեսդեր , որ է թուռլա , և բաժանեալ զգօրն 'ի խումբս խումբս՝ ապատակեաց մինչև 'ի Հալիչև 'ի Նարոսլաւ . այլ դէզադէզ կուտակումն ձեան չեթող նմա այլ ևս յառաջ խաղալ : Ապա դարձ արարեալ 'ի Քիլի և յԱգգիրման՝ բաշխեաց զաւարն 'ի զօրական անդր և արձակեաց զնոսա : Մեծարեաց և զիշխանն Մորտաւիոյ զՊոզտան սակս նիշակակից լինելոյ նորա նմա յարշաւանին , և ետ նմա բաց 'ի սամուրաց և 'ի միոյ գրօշուէ և կրկին ձարս 'ի պատիւ :

Ընդ այն ժամանակս յամին 1492 սկիզբն արարին և Ռուսք բանադնաց լինել ընդ Օսմանեանս . և իւան Գ արքայ Ռուսաց առաքեաց դեսպան 'ի Կոստանդնուպօլիս , հանդերձ ընծայական թղթով Մէնկլի քերէյայ խանին Խրիմու զՄեքայէլ Փլէչչեվ , որպէս զի դուր լիցի Ռուսաց վաճառաշահ լինել յաշխարհս Օսմանեանց : Պատուեր ընկալեալ Փլէչչեվ 'ի թագաւորէն իւրմէ՝ չպագանել երկիր Պայէզիտայ , այլ կանգուն կալով ուղղել առ նա զբանս հրեշտակութեանն , ինքն զանցոյց ևս

զարտառելիրանաւ թագաւորին, և զսպա-
մուճանն ևս զոր կամէր Պայէզիս արքայ
ագուցանել դեստրանին՝ չէառ նա յան-
ձրն . ընդ որ դժկամակ էղև արքայ, և
արձակեաց զնա յիւրմէ ոչ ուրախու-
թեամբ : Այսպէս ոչ միայն մօտաւոր
աղինք, այլ և կարի հեռաստանեայք
ցանկային դաշինս բարեկամութեան
հաստատել ընդ հզօրացելումն սկտու-
թեան Օսմանեանց :

Յանկաղի էր և Ալեհեակեցւոց զնոյն
բարեկամութիւն անխղելի ունել . սա-
կայն քանզի ոտիս էին նոցա ՚ի ժամա-
նակին այլք ՚ի սկտութեանց Եւրոսայ,
դրդուցաւ Պայէզիս ՚ի նոցանէ ՚ի
սկտերազմ ընդդէմ Ալեհեակեցւոց :
Ասան որոյ առ երեսս հաստատեալ նո-
րա զդաշինս բարեկամութեան ընդ Ալե-
հեակեցիս, ետ ՚ի ձեռս դեստրանի նո-
ցին զյեակար դաշինն դրեալ ոչ յօս-
մանեան, այլ ՚ի լատին բարբառ, զոր
համարէր թէ օրէն իցէ անխիղճ լուծա-
նել, որպէս ասեն . վասն որոյ հրաման
ետ կազմել տորմիզ նաւաց երկերիւր և
վաթանից, յորս էին վաթսուն հազար
մարտիկք . և ՚ի նոցանէ արք երեսուն
հազար եւրոսպահան զօրք էին, քսան
հազարք ասիացիք, ութ հազար հե-
ձեալք, և նոյնչափ ենիչերիք :

Կարգեաց առաջնորդս նոցին զժովա-
կալն Տաւուս փաշա, և զնաւասկետան
Քէմալ և Պուրրազ, և արձակեաց ՚ի
սաշարել ընդ ծով զամուրն Նաւապի-

առս, որ է Եյնէպախթի. և ինքն ուղե-
 ւորեալ յԱզրիանուպօլիս՝ առաքեաց
 զՄուսգաֆիս փաշա եւրոպեան զօրօք
 ՚ի պաշարունս ամրոցին ընդ ցամաք:

Եւ ընդդէմ Օսմանեանց վենեա-
 կեան նաւատորմաւ հարիւր և յիսուն
 նաւուց ծովակալն Արխմանի. և կար-
 գեցաւ նաւամարտն հանդէպ Մեթոնի
 առ Սափիէնցա կղզեաւ: Անդ Պուրրադ
 Տէիս աւսեալ զնաւ իւր պաշարեալ
 անդերձանելի յերկուց մեծամեծ նա-
 ւաց վենեակեցւոց, հուր եհար յեր-
 կոսին միանգամայն, և ինքն ևս իւրով
 նաւան հրդեհեալ կիզաւ. այլ մեռան
 և երկօրին քաջ նաւապետքն վենեա-
 կեցւոց՝ Լորեաան և Ալպան Արմենի-
 ոս: Իսկ Արխմանի, որ առ նախանձու չէր
 հասեալ յօգնութիւն Լորեաանայ, կո-
 թոյս և ինքն ՚ի ձեռաց զյաղթութիւնն,
 և Օսմանեանք պանծանօք մտին ՚ի ծոց
 ամրոցին Նաւապակեայ. որ և վաղ ընդ
 փոյթ անձնատուր եղև:

Պայէղիս արքայ առաջիկայ դտեալ
 առմանն Նաւապակեայ ՚ի ծովեղերին
 Կորնթոսի՝ հրամայեաց Սինան փաշայի
 կողմնապետին Ասիոյ կառուցանել
 բերդս երկուս ՚ի ծայր նեղցին Պեղոս-
 սոննեակայ: Պատուէր ետ և Մուս-
 գաֆիս փաշային՝ կազմել նաւս քառա-
 սուն ՚ի ձև նաւուցն վենեակեցւոց առ
 ՚ի ակրելոյ Մեթոնի և Կորոնի. և ինքն
 մեկնեցաւ յԱզրիանուպօլիս: Ի նմին
 աւուր մեռաւ մեծ վեզիրն Իպրահիմ

որդի խաղիլայ 'ի ճէնտէրէլի տոհմէն ,
 և անց 'ի տեղի նորա Մէտի՛ն փաշա :

Ի ժամանակի առմանն 'Կաւպակ-
 տեայ Իսքէնտէր փաշա կուտակալն Պոս-
 նիոյ , որ քսան ամօք յառաջագոյն ա-
 հայուցեալ էր զՎէնեակեցիա խերով
 արշաւանօքն 'ի սահմանս նոցա , դի-
 մեաց վերատին հնգետասան հազարաւ
 մինչև 'ի Ֆրիուլի և յՈւտինէ . և բաժա-
 նեալ զգորն յերկա առաջս , զմին վա-
 րեաց տարաւ մինչև 'ի Վիչենցա քաղաք
 և 'ի Արատիչքա , և զայլս այլուր . ա-
 մենայն ուրեք ասարեկ արարեալ զժո-
 ղովուրդան , և անհամար քաղաքս և
 դիւղս կապուտ կողոպուտ յինչից և 'ի
 մարդկանէ թողեալ : Այլ այս վերջին
 մեծ ասպատակութիւն էր Օսմանեանց
 յարևմուտս . անտի մինչև ցպաշարուան
 Վեննայի ընդ ամս երեսուն հանդար-
 տեցին : Եւ Իսքէնտէր փաշա յեա սա-
 կաւուց որդնալից եղեալ մեռաւ :

Վէնեակեցիք փոքր ինչ միտիթարե-
 ցան 'ի վերայ այնչափ վնասուցն՝ ա-
 ռեալ 'ի ձեռն Փիղանի ծովակալին խ-
 րեանց զՔեֆալոնիա կղզի , զոր Աէալք
 Ահմէտ փաշա կալեալ էր 'ի նոցանէ 'ի
 վերջին ամս Մէհմէմէտայ արքայի : Այլ
 'ի միւսում ամին 'ի սպառ ընկճեցան՝
 հանելով 'ի ձեռաց զամուրն Մեթոն և
 զՎորոն : Քանզի իբրև կատարեաց
 Մուսղաֆա սէյ դկառոյցս նաւաց քա-
 ռանից 'ի Վրեվեզա ըստ հրամանին
 արքունի , Վէնեակեցիք 'ի միւսմ գիշե-

րի հրձիգ արարեալ այրեցին զնոսա :
 Յայնժամ խաղաց գնաց Պայէզիտ ար-
 քայ ինքնին գլխովին յԱդրիանուպոլ-
 սոյ 'ի Պեղոպոննէս . և 'ի հասանելնա-
 ւատորմին հանդէս Մեթոնի՝ ժամա-
 նեաց և ինքն 'ի տեղին և սաշարեաց
 զամուրն ընդ ծով և ընդ ցամաք : Ազա
 զհետ ամսօրեայ սաշարման կողմնա-
 պեան Ասիոյ Սինան փաշա խրամա-
 տեաց զմի կողմն պարսպին , և ամբոցն ա-
 ռաւ , և ամրականացն գլխաւորք 'ի սուր-
 սուսերի կոտորեցան : Ընդ որս սպա-
 նաւ և եպիսկոպոսն Մեթոնի մինչդեռ
 քահանայապետական զգետուքն քա-
 ղողէր յեկեղեցւոջ : Չաւուրս հինգ
 տևեաց հրդէհ քաղաքին . և 'ի վեցե-
 րորդումն որ օր ուրբաթու էր՝ եմուտ
 անդր Պայէզիտ արքայ , և զեկեղեցին մեծ
 փոխեաց 'ի մզկիթ : Եւ 'ի տեսանել
 անդ զբարձրութիւն պարսպացն Մե-
 թոնի և զխորութիւն խրամին՝ գոչեաց
 և ասէ . « Աստուած է որ ետ ինձ զաս
 'ի ձեռն կողմնապետիս խնոյ Սինանայ
 և ենիչերեացս կորովեաց » : Եւ զենի-
 չերին զայն որ նախկին վերելակեալ էր
 'ի բերդ անդր՝ կուսակալ կարգեաց մի-
 ում 'ի գաւառաց աշխարհին խերոյ :

Չև էին անցեալ 'ի վերայ ամսօրեայ
 մի ժամանակք , և Ալի փաշա և Տաւուտ
 փաշա առին պատերազմաւ զամուրն
 Կորոն . և արքայի եղեալ 'ի Մեթոն
 և 'ի Կորոն զօրս պահանորդաց՝ մեկնե-
 ցաւ 'ի կողմանցն , և թուղթս աւետա-

ւորս արձակեաց ոչ միայն առ իշխանս
արևելից, այլ և առ Թագաւորս Սպանիոյ
և Գաղղիոյ, Լէհաց և Մաճառաց, և
առ մագիստրոսն Հառղացւոց, և առ Գե-
նուացիս Քիսոյ կղզւոյ:

Յայնժամ և Վենետիկեցիք նմին հա-
կառակ գուժկանս արձակեալ առ սե-
տուԹիւնս Եւրոսլայ՝ հաւանեցուցին
միաբանել ընդ իւրեանս զարքայն Մա-
ճառաց, և զԳաղղիացւոց և զՍպանիա-
ցւոց. և արշաւեալ մեծաւ հանդիսիւ
նաւուց առաջնորդութեամբ ծովակա-
լին ֆեղարոյի, առին անգրէն զբազում
կղզիս Արշիպեղադոսի ՚ի ձեռաց Օս-
մանեանց: Արձակեաց Պայէզիս ընդ-
դէմ նոցա զՀէրսէկ Աճմէտ փաշա և
ընդ նմա զՍինան զկողմնապետն Ասիոյ.
և նա ոչ միայն զդէմ կալաւ արշաւա-
նացն Եւրոպացւոց, այլ և էառ ՚ի նո-
ցանէ բերդս քանի մի ՚ի Մոռա:

Այլ Թիւրքմէնացն Վիլիկիոյ խլրաւել
յապատամբութիւն և օր ըստ օրէ բռնա-
նալն ընդդէմ արքայօրդւոց կուսակա-
լացն Ասիոյ, փութացուցին զՊայէզիս
խօսել ՚ի հաշտութիւն ընդ Վենետիկե-
ցիս և ընդ Մաճառս. և Հէրսէկ Աճմէտ
փաշա սակս առիԹն ընկելոյ հաշտու-
թեանս՝ ամբարձաւ միւսանդամ ՚ի
բարձ մեծի վեզիրութեան փոխանակ
Ալի փաշային: Քանզի Մէսիհ փաշա
որ նախ քան զԱլի ունէր զիշխանու-
թիւնն՝ ՚ի հրդեհի ուրեմն եղելոյ ՚ի
Ղալադիս՝ հարեալ ՚ի քարէ անկելոյ

'ի բորբոքեալ վառօդանոցէն, և մեռեալ էր :

Սակայն և Ահմէտ ոչ յերկարեալ յիշխանութեանն՝ տեղի ետ խառնիմ Ալի փաշային : Ընդ սմա գժտեալ արքայորդին Գորգուա՝ եղ 'ի մտի փախելէ յԵգիպտոս ըստ օրինակի հօրեղբօրն իւրոյ Ճէմայ. և սլաաճառանօք երթալոյ 'ի Մէքքէ՝ չոքաւ անդր :

Մեծապէս պատուով ընկալաւ զնա սուլթանն Եգիպտոսի. այլ 'ի վերայ հասեալ խորհրդոց նորին՝ ոչ կատարեաց զինդիրս նորա. զի չկամէր թշնամանալ ընդ Պայէզիաայ : Եւ Գորգուա դարձաւ յերկիր տէրութեան իւրոյ 'ի Թէքքէ :

Ընդ այն ժամանակս յարեաւ սասան հզօր պետութեանն Օսմանեանց յաշխարհին Պարսից շահ Իամայէլ Մէֆեան որդի հայտերայ, որ զաղմուկս եօթանեցունց որդւոց և թոռանց Ուղուն հասանայ ժամ պատեհ համարեալ 'ի լուսն աշխարհակալութեան ըղձիցն՝ գրաւեաց կալաւ զինու զօրութեամբ յամին 1500 զԱտրպատական աշխարհ և զՇիրուան, և հաստատեաց զաթոռ թագաւորութեան իւրոյ 'ի Գալբէժ քաղաքի. և էր ինքն յայնժամ ամաց հնգետասանից : Չհետ երկուց ամաց դեպանս առաքեալ առ Պայէզիս արքայ երկիցս և երիցս խաղաղասէր մտօք ինդրէր զբարեկամութիւն նորա. և յերրորդում նուագին բողոքունէր առ նա զասպատակութեանց ար-

քայորդւոյն Սէլիմայ 'ի գաւառս տէ-
 րութեան Պարսից յերզնկայ և 'ի Բա-
 բերդ, սակայն և միանգամայն յայտ
 առնէր սակաւին զմիամտութիւն բարե-
 կամութիւն իւրոյ ընդ տանն Օսմանեանց,
 և թէ արշաւանք իւր ոչ այլ ուրէք
 ուղղեալ էն՝ բայց 'ի վերայ Ալայիւտտէվ-
 լէթայիշխանին Զիւլղատրեանց թըշ-
 նամուոյ իւրոյ: Պայէզիտ արքայ ոչ ինչ
 վատահայեալ 'ի բանս նորին՝ փոյթ
 մեծ կալաւ ամրացուցանել զասհմանս
 իւրոյ աշխարհին առաջի նորս, և դես-
 սպանին Նամայէլի, որ համակ օսկէհու-
 ուրն գիպակազգեստ եկեալ էր 'ի Բիւ-
 զանդիոն, չեա թոյլ համբուրել զձեռն
 իւր, այլ զծուռնկան ևեթ: Սմին իրի և
 դեսպանն Պայէզիտայ 'ի գնալ իւրում
 առ Նամայէլ ոչ եգիտ առ նմա բազմա-
 կան ինչ պատրաստեալ վանս իւր, սակս
 որոյ մերկացաւ զվերարկուն և ախուեաց
 'ի գեանի և բազմեցաւ 'ի վերայ նորս,
 որպէս զի մի կանգուն կալով տայցէ
 զպատասխանիս բանիցն Նամայէլի: Ընդ
 որ այնչափ մոլեգնեալ զայրացաւ իս-
 մայէլ, զի փոքր միւս ևս և անդէն առ-
 ետեղ փողոտէր զայրն: Առ ժամն այս-
 պէս վճարեցան իրք գեսպանութեցն,
 և կայծակն թշնամութեան երկաքան-
 չիւր պետութեանցս եկաց մնաց որպէս
 անթեղեալ ընդ ամս եօթն, մինչև
 սասակագոյնս բորբոքեցաւ ապա առ-
 թագաւորութեամբն Սէլիմայ որդւոյ

Պայէղիտայ արքայի, որպէս տեսցի ՚ի մտայ:

Յամին 1509 ահադինա սասանեցաւ. Կոստանդնուպօլիս . կործանեցան ՚ի հիւանց հարիւր և ինն մղկիթք, հաղար և Էօթանասուն տունք, և մեծ մասն տարսպացն և Նախուլէն, և սարիսպք ասարանիցն արքունի ՚ի ծովակողմն կուսէ մինչև ցդուռն Պահճէ գափուսու. և բաղում մարդիկ մեռան ընդ փլատակօք: Զաւուրս քառասուն և հինգ տեւաց սասանութիւնս ոչ միայն ՚ի Կոստանդնուպօլիս, այլ և յամենայն ՚ի պեաութեանն յԵւրոպա և յԱսիա: Ի Զօրում քաղաքի գեանասոյզ եղեն թաղքերկու. ամրոցք Ալիպօլեայ կործանեալ յատակեցան. Տիմեթոքս ողջոյն գողցեա քանդեալ ասպականեցաւ, և ծովն դիզացեալ կուտակեալ ալեօքն անց ըստ սարիսպս Կոստանդնուպօլսոյ և Ղալադիոյն զեղաւ ՚ի ներքս, և ջրմուղքն վաղէմիք սրայթուցեալ սրատաւեցան: Թափեցաւ և ճեփն որով բռեալ էր Օսմանեանց զպատկերս աւետարանչաց ՚ի տաճարի սրբոյն Ստիխայ. թէպէտ և այլոց եկեղեցեացն քրիստոնէից ոչ ինչ եղև զնաս: Պայէղիտ ինքնին խոյս տուեալ յիւրոց ասարանիցն զաւուրս տանն վրանաբնակ լինէր ՚ի սարափղի, և ապա մեղնեցաւ յԱզրիանուպօլիս: Սակայն յեւ աւուրց ինչ անդ ևս գղբրդեցաւ երկկրն, և հեղեղք անձրեաց յօր.

գեալ սաստկապէս ողորեցին առհասարակ զաշխարհն . և գեան Դուռնճա զեզեալ սաստկապէս և խոտորեալ յինթացիցն՝ ծովացոյց զաւերական և զխոռոչս բացեալս 'ի սասանութեանց անախ:

Յայնժամ ասեան կարգեալ թագաւորին յանկայս՝, ասէ ցխորհրդականսրն . « Ի ձերոց անիրաւութեանց և 'ի բռնութեանց բարձրացեալ գիզացեալ է մինչև յերկինս ծուխ հառաչանաց հարստահարելոցն 'ի ձէնջ . և ահա առաքեցաւ ցասունն բարկութեանն Աստուծոյ 'ի վերայ քաղաքին և աշխարհիս »: Անդէն հրաման եանորոգել զԿոստանդնուպօլիս մեծաւ փութով . և ութ հազար ոսկիք վաստակեալ յերկանեայ աւուրս կառուցին զամենայն աւերական ըստ առաջնոյ տարազուն: Եւ յեռայնորիկ ըստ թախանձանաց աւաղանոցն և դիանականաց՝ հրաման ետարբայ՝ զի որպէս 'ի նաւակատիս նորագութեանցն տացին աղքատաց ճաշք և կերակուրք յանօթս և 'ի սպասս արծաթիս:

Յընդարոյս խաղաղասիրութիւն Պայէզիտայ յաւելեալ և ծերութիւն հա-

1 Ան իսի է Այագ փիւնի . զի սուրբութիւն էր աւագանոյն Օսմանեանոյ՝ ի ժամանակ որ արեւելի և 'ի իարեւոր պէտս . արեան իարգել՝ հեծեալ գուլ մարեանսնայն իրաւանէիւր երիւարս:

ասկինեւ ստէպ հիւանդութիւնք, 'ի գէպ
ժամու ձգեցին զնա 'ի հաստատել վե-
րբասին զուխոս բարեկամութեան ընդ
Մաճառս, ընդ Լէհս եւ ընդ Վէնեակե-
ցիս . այլ ներքին սլատերազմն անակըն-
կալ զոր յարուցին եղբայր ընդ եղբօր,
և որդի ընդ հօր, վեր 'ի վայր շրջեաց
զամենայն:

Քանզի Պայէզիտ արքայ զկուսակա-
լութիւնս Ասիոյ բաժանեալ 'ի չորեսին
որդիան իւր, զսուրբան Ահմէտ կամեր
կարգել իւր յաջորդ 'ի թագաւորու-
թեան՝ սակաառաւել սիրոյն զոր ունէր
սո նա քան սո Գորգուտ, որ երկցա-
դոյն էր: Զայն տեսեալ Սէլիմայ, որ
և քան զԱհմէտ ևս կրտսերն էր, եդ 'ի
մօտի կամ նենդաւ և կամ բռնութեամբ
յանձն իւր ձգել զյաջորդութիւնն: Եւ
'ի քաղաքէ կուսակալութեան իւրոյ 'ի
Տրասպիզոնայ անհրաման 'ի հօրէն, և
գնաց 'ի Քէֆէ, ուր իշխէր որդին իւր
Սիւլէյման, և 'ի կոչել հօր նորա զնա
անդրէն յարևելս, Սէլիմ ոչ միայն ոչ
անասց, այլ և խնդրէր 'ի հօրէն սահմա-
նել իւր գաւառ ինչ կուսակալութեան
յԵւրոպա, զի մօտ իցէ 'ի թագաւորեալ
քաղաքն:

Ապա խնդրեաց երկիցս և երկցս
գալ յԱդրիանուպօլիս 'ի համբոյր աջոյ
հօրն, զոր 'ի քսան և վեցից ամաց հետե-
զէր տեսեալ . և 'ի չկամել Պայէզիտայ՝
յարեաւ Սէլիմ, սո ընդ իւր գունդ

մի զօրականաց և եկն մերձեցաւ յԱզգրիանուպօլիս: Արձակեաց Պայէզիտ զօրէնսդէան Նուրէտտին Սարըկէրդ 'ի խրատել զօրդին. և իբրև նա ոչ լուաւ, հարկեցաւ յաւագանւոյն՝ առաքել ընդդէմ որդւոյ իւրոյ զհասան փաշա զկողմնապեան եւրոպեան հնդեւտասան հաղարաւ երկեցուցանել ևեթ զարքայ որդին:

Նա իբրև ետես զմերձենալն Սէլիմայ յԱզգրիանուպօլիս իբրու միով օթեւանաւ, խոյս ետ մեկնեցաւ անդրէն 'ի քաղաքն. և այն խուսափումն նշան իմն դուշակութեան եղև յաշտ ամբոխին և զօրականաց՝ եթէ վաղ կամ անագան ամբարձցի Սէլիմ 'ի գահն արքունի:

Մինչդեռ բանակն Սէլիմայ կայր 'ի Չուգուբօլիս մօտ 'ի գրունս Ազգրիանուպօլսոյ, եկն եւ ընդ առաջ նորա Պայէզիտ իւրովք զօրականօք, և եհար զկանաչագոյն խորանն իւր հանդէպ բանակի որդւոյն: Այլ հասան փաշա ընդ մէջ մտեալ արգել յայս նուագ զպատերազմն. ընթացաւ դեսպանութեամբ առ Սէլիմ, և 'ի գիմայ արքայիստէ ցնաւ եթէ յանհնարիցն է նմա առ Տամն տասանել զերեսս հօրն, և թէ խոստանայ արքայ շտալ կենդանեաւ իւրով զգահն յԱհմէա, և ըստ խնդրոյ Սէլիմայ տայ նմին զկուսակալութիւն գաւառին Սէմէնարէի, յաւելեալ 'ի նոյն և զԱխաին և զԱլաճահիսար. և հաստատեալ մուր-

հակառ զիրան՝ ուղևորեցաւ Պայէզիտ 'ի
Կոստանդնուպօլիս, և Սէլիմ 'ի Սէ-
մէնարէ:

Մինչդեռ այս իրք գործէին յԵրո-
սպա, Գորգուս սուլթան գլուխ ամբար-
ձեալ յԱսիա՝ տիրեաց գաւառին Սա-
րուխանայ. այլ յանցանեւ իւրում ընդ
Թէքքէ կողոպտեցաւ 'ի գնդէ յելու-
զակաց, որոց աւաղակապետէր Գարա-
պըլդ օղու Շահգուլի, կամ ըստ Օս-
մանեանցն կոչելոյ Շէյթան գուլու. զի
յանունն շահ Իամայէլի արքային Պար-
սից բռնանայր 'ի փոքրն Ասիա: Գարա-
կէօզ փաշա կողմնապետն Ասիոյ եւ
պատերազմաւ 'ի վերայ յելուզակացն
և խորտակեցաւ 'ի նոցանէ, և ինքն ան-
կեալ 'ի գերութիւնն ցցահար սպանաւ:
Ի լուր շիտթիցս փոխեաց Սէլիմ զճա-
նապարհն իւր, և փոխանակ դնալոյ 'ի
Սէմէնարէ՝ խաօրեցաւ յԱդրիանու-
պօլիս ընդդէմ կամաց հօրն. երաց
զգրունս բանախց, գատարիեաց զգանձս,
և կարդս եդ սաշտամանց և իշխանու-
թեանց 'ի քաղաքին:

Ալի փաշա վէզիրն մեծ որ գլուխ էր
կուսակցաց արքայորդւոյն Ահմէտայ
յաճախելոյ 'ի թագաւորեալ քաղաքին,
բռնագատեաց զարքայ միւս ևս անդամ
եւանեւ ընդդէմ Սէլիմայ, և ճակատե-
ցան կողմանքն երկոքին առ Չորլու ա-
ւանաւ: Մատեաւ Ալի փաշա երիվա-
րաւն իւրով 'ի կառս արքայի՝ որ ըմբու-

նեալ յտանացաւէ ընկողմնեալ էր ան-
 դէն, և վերամբարձ կալեալ զվարագոյ-
 ընէ եցոյց նմա զքանակ որդւոյն, և ա-
 սէ. «Ա՛յ յասէս գայցէ որդի ՚ի համբոյր
 ձեռաց հօրն, կամ թէ յընկենուլ զնա
 յաթուռոյն ? : Սոյնօրինակ և այլք յա-
 լադանւոյն գրգռէին զզայրոյթ ցա-
 մանն Պայէզնտայ ՚ի վերայ որդւոյն,
 մինչև գոչեաց նա առ իւրսն և ասէ. «Ո՛ր
 ծառայք, որ ուտէք զհաց իմ, հասլա
 յարձակեցարուք յապտտամբադ ? : Եւ-
 տասն հազարքն ընդ մի բերան խրախոյս
 բարձեալ հարին վանեցին զզօրս Սէլի-
 մայ, որ հազիւ ճողոպրեցաւ օգտապարիկ
 երիվարաւն իւրով, որ կոչէր Քարա-
 սուլուլթ, և փախեաւ ՚ի խրիմ առ ա-
 ներն իւր Մէնկլի քերէյ խան : Իսկ ՚ի
 զօրաց իւրոց երկու հազար հեծեալք
 անկան ՚ի մարտին և այլք ցրուեցան ՚ի
 փախուստ : Գիմեաց այնուհետև Ալի
 փաշա յարեւըս ՚ի վանեւ զյեւուզական
 մինչև ՚ի Պարսկաստան. և խորհէր սո-
 վին սրտեհաւ թաղաւորեցուցանել
 զարքայորդին Ահմէտ առ կենդանու-
 թեամբ անգամ Պայէզնտայ՝ հակառակ
 խոստմանն արքայի առ Սէլիմ : Այլ
 քանզի ենիչէրիք առաւել յօժարեալք
 էին ՚ի Սէլիմ և յեռանդն քաջութեան
 նորա քան յԱհմէտ, սմին իրի և Ալի
 փաշա խաբեցաւ յակնկալութենէ. և
 սակաւածեռն զնդաւ յարձակեալ մար-
 տեաւ սաստկապէս ընդ յեւուզական ՚ի

Մարմնապարտ մերձ 'ի կեանքիս : Ան-
'ի ճակատուն անկանն և վէճիրն մեծ և
Շէյդանդուլու , և երկաքանցիւր կող-
մանքն անառաջնորդք ցրուեցան ' :

Ոմանք յառաջնորդաց յեւրոզախացն
երթեալ առ շահ Իսմայէլ սգամեցին
նմա որչափ ինչ քաջութիւնս արարին
յանուն նորա : Հրաւիրեաց Իսմայէլ
զնոսա զամենեւին 'ի ինջոյս , և ապա
կշտամբեալ զնոսա , զի ընդդէմ բնիկ
սեանն իւրեանց Պայէզիտայ գլուխ
ամբարձեալ էին , զերկոսին զգլխաւորս
նոցա յեռանդուն կատայս արկեալ
սատակեաց , և զայլս խառնեաց 'ի զօրս
իւր : Սովին խորագիտութեամբ կամե-
լով շահէլ զբարեկամութիւն Պայէզի-
տայ , սակայն և ահացուցանել զնա 'ի զօ-
րութենէ իւրմէ խորհելով արձակեաց
'ի կոստանդնուպօլիս հրեշտակու-
թեամբ զմի որ յիւրոցն , և առաքեաց
ընդ նմա առ Պայէզիտ զգլուխ Շէյսէք
խանին Իւզպէքեանց թշնամեոյ իւրոյ .
զորոյ զգանկն առ իւր կալեալ էր և որ-
պէս բաժակաւ ըմպէր այնու զգինի :

1 Խափիմ Աւէի Ժաշա առաջին 'ի վէշիւր
Օսմանեանց անկեալ 'ի մարտի՝ հաւաքեալ է
Խնամազն և առաքայեանսն Եմմէթ + առ փիւ-
նոխան և առ մարենափիւրս . և 'ի սորա խոր-
պոյց յորդորեալ Պայէշիք արքայ հրաման էր
շէ փրեւոյն մուլա Իսրիւս զպարմանիւն ալ-
խարհին :

Յայնմ ժամանակի արքայորդին ԱՆ՝
մէտ չև 'ի բաց եղեալ զխորհուրդ թա-
գաւորելոյն՝ դիմեաց մինչև 'ի Կէկվիզէ .
և հէրսէկ ԱՆ՝մէտ փաշա այս երրորդ
անգամ կացեալ վէզիր մեծ , ոչ իւր
իրօք կարաց սանձել զԵնիչէրիս որ
փութային յարձակել նկուն առնել ըզ-
նախանձորդն Սէլիմայ զԱՆ՝մէտ . և
իրբև զգացին զմտել ԱՆ՝մէտայ 'ի թա-
գաւորեալ քաղաքն՝ անդէն յապտտամ
բութիւն թևակոխեալ դիմեցին գիշե-
րայն յապարանս հնգեցուն մեծա-
մեծ իշխանացն կուսակցաց ԱՆ՝մէտայ ,
և կողոպտեցին զնոսա . և մեծ վէզիրն
ևս մազապուր զերծաւ 'ի ձեռաց նոցին
զօրութեամբ դրամոց :

Աճապարեաց Պայէզիս արքայ և փո-
խեաց զյոլովս յաւագանւոյն , և կացոյց
վէզիր մեծ զՄուսղաֆա փաշա , և հա-
զիւ ցածեաւ աղմուկն . զի և արքայոր-
դին ԱՆ՝մէտ տեսեալ զանձն իւր լոկ և
թափուր յամենայն օգնականութենէ՝
գիմեալ էր 'ի վերայ եղբորորդւոյն իւրոյ
Մէհէմէտայ կուսակալին Գարամա-
նայ , և պաշարեալ էր զնա յԻկոնիոն :

Դեսպան արձակեաց արքայ Պայէզիս
առ որդին , և խրատ տայր յետս կալ
յանիրաւ գործոյն . այլ նա հրամայեաց
հատանել զունչս և զականջս դեսպանին
և անդրէն դարձոյց . թէպէտ և զՄէհէմէ-
մէտ արձակեաց յազատութիւն :

Սրտմտեալ Պայէզիսայ ընդ այն .

ճնորհեաց Սէլիմայ զկուսակալութիւն
դաւառին Սէմէնարէի, որով թոյլ առ-
նէր նմա դալ 'ի խրիմէ ՅԵՐՈՍՊԱ, այլ
Սէլիմ՝ վազու ևս յուղի անկեալ դէպ-
ուզիդ 'ի Աստանդնուպօլիս՝ բազմու-
թեամբ հեծելոց հասեալ էր 'ի ժամուն
մինչև յԱգիրման:

Ի նմին ժամանակի և արքայորդին
Գորդուա երկնչելով յերեսաց կըբօր
խրոյ ԱՏՄէտայ, և յուսով յինքն յան-
կուցանելոյ զսիրտ հօրն և զենիչերեաց
հովացելոց յԱՏՄէտայ, հանդերձ ե-
րևաք ոմամբք 'ի մտերմաց խրոց եկն
յայլակերպս 'ի Աստանդնուպօլիս, և
իջևանեցաւ 'ի բնակարանս ենիչերեացն:
Այլ նոքա յերեսս խկ ասացին ցնա,
թէ զի կայ քո և թագաւորութեան .
դու երթ միտ դիր քերթուածոց և ի-
մաստասիրութեան, և թող կըբօրն քում
բաջին Սէլիմայ զարխական հանդէս
յաղթանակաց:

Ապա ամբոխ արարեալ խնդրեցին 'ի
Պայեղիտայ զՍէլիմ, զի տարցուք ասե-
ին զնա ընդդէմ ԱՏՄէտայ: Զ իջաւ ար-
քայ յոչ կամաց 'ի խնդիր նոցին, և նոքա
աւետաւորս սուաբեալ առ Սէլիմ, ա-
զաչին երազէլ դալ 'ի թագաւորեալ
բաղաքն: Կբրև եկն մերձեցաւ Սէլիմ
'ի Աստանդնուպօլիս երեսուն միոնիք
չափ, ընդ առաջ զնաց նմա զօրավարն
ենիչերեաց, և 'ի հասանել նոցին յԵնի
պաղէ որ էր առ Գոփ գափու գրամբ

բաղադրին, ընկալան զնա 'ի ներքս մե-
ծաւ սրատուասիրու թեամբ վեղիբքն և
աւաղանին և եղբայր նորա Գորգուտ :

Աճապարեաց արքայն Պայէզիտ և
խոստանայր հատուցանել որդւոյն երիս
հարիւր հազար ոսկիս՝ և թէ յանձն առ-
նուցու անդրէն մեկնել 'ի քաղաքէ ան-
ախ : Եւ 'ի ջանաւ նորա՝ երիս սրայնա-
նըս ինդրեաց արքայ 'ի նմանէ . մի զի
թողցէ ինքեան մեռանել 'ի դահոյս իւ-
րում, և ապա յաջորդեացէ նմա . եր-
կրորդ զի թողցէ առ իւր զգանձապետն
հանդերձ դանձիւն . և երրորդ զի հաշ-
տեացի ընդ եղբորն իւրում Ահմէտայ :
Այլ Սէլիմ զվերջինս զայս և և թ յան-
ձին կալեալ, զայլս ջուերոյն արար . և
վատահացեալ 'ի հաւատարմութիւն և
նիչէրեաց՝ որոց խոստացեալ էր հանա-
պաղորդ սոճիկ փողս երիս, պատրաս-
տեցաւ արկանել յաթոռոյ զհայրն իւր :

Ի 25 աւուր ատրիլի յամին 1512 է-
նիչէրիք և սպայք և ժողովուրդն Աս-
տանդնուսօլսոյ առ հասարակ հանդերձ
աւաղորդեցին զիմեցին ամբոխիւ 'ի
գուռն արբունի : Պայէզիտ արքայ բաղ-
մեալ յաթոռ իւրում հրամայեաց աւա-
ղանւոյն հարցանել և թէ զինչ խըն
զիր իցէ ժողովրդեանն . և նոքա 'ի ձայն
բարձր բարբառոյ դոչեցին իբրև ընդ մի
բերան . «Տէր մեր արքայ ձեր է և խո-
թագին . թագաւորեացէ մեզ սուրբան
Սէլիմ » : Եւ 'ի կրկնել և յերեքկնել

ամբոխին հանգերձ ենիչէրեօք զազա-
զակն, հարկեցաւ ասել թագաւորն .
«Ահա տամ ես զթագաւորութիւնիմ
որդւոյ խնամ Սէլիմայ . օրհնութիւն
Աստուծոյ եղիցի ՚ի վերայ նորա» :

Յայնժամ հնչեաց ձայն ցնծութեան
ամբոխին ընդ ամենայն քաղաքն, և Սէ-
լիմ որ ցայնժամ կայր մնայր ընդ մէջ
առաջնոյ և երկրորդի գրանն, հրաւի-
րեալ ՚ի ներքս ՚ի վէզիրաց եմուտ և համ-
բուրեաց զձեռս հօրն իւրոյ և անդ բազ-
մեցաւ յաթոռն : Ապա ամ զհայրն իւր
կառօք ՚ի հին արքունիան, և ինքն գարձ
արար անդրէն ՚ի նորն յնդունել զնշն-
գակցութիւնս աւարանւոյն :

Զաւուրս քսան կացեալ Պայեղիմայ
միայնիկ մնչիկ անմխիթար ՚ի Աստանդ-
նուպօղիս, ինդրեաց յորդոյն իւրմէ
հասման մեկնելոյ ՚ի Տիմեթօքս, որպէս
զի ուր ծնաւն՝ անդէն և մեռանիցի :
Աիրով կատարեաց Սէլիմ զհննդիքն, և
կարգեալ ինամակալ ճանապարհորդու-
թեանն զԱօնուս փաշա և զԳարսիմ հա-
մաշակալ, ինքնին ևս յուզարկ չորս
ընդ հօրն մինչև Ղարէնէ գախուսու՝
հեախ գնալով ՚ի կողմանէ կառայն :

Այլ Պայեղիմ չև հասեալ ՚ի հայրե-
նին իւր ՚ի Տիմեթօքս, մեռաւ յերրօր-
գում աւուրն յԱյս, և այն՝ որպէս
ասի, գեղով մահու, զոր մասացց նմա
հրեայ բժիշկն արքունի : Աւ Պայեղի-
մայ իմացեալ, ասեն, և թէ մահ է ՚ի

բաժակին, և թէ 'ի հրամանէ որդւոյ
 իւրոյ Սէլիմայ մատուակի նմա, սա-
 կայն արք զայն ասելով. «Որդեակ իմ,
 սրբնթաց լիցի երիվար քո, հատու լիցի
 սուսեր քո. մի արկցի դրօշակ հանդեր-
 ձից քոց 'ի գօտւոյ քուսմէ, և կարճ ե-
 լիցին կեանք քո » 1 :

Իբրև ազգ եղև Սէլիմայ վախճանել
 հօրն նորա, գնաց ինքնին, և բարձեալ
 զգազազան մեծաւ հանդիսիւ երկր 'ի
 Կոստանդնուպօլիս, և թաղեաց 'ի մզկը-
 թին զոր շինեալ էր Պայէզիտ. և արար
 զսուգ նորա զաւուրս եօթն :

Այսպէս կնքեցան աւուրք երեանա-
 մեայ թագաւորութեան Պայէզիտայ
 երկրորդի՝ ոչ ինչ կարի բերկրականք
 սակս Օսմանեանց. զի նա թէպէտ և
 ըստ իւրում գենին բարեպարիշտ գը-

1 Ասպէս գրի է 'ի Միւրաթի Գեորգիանի
 և 'ի պատմագրին հասան Պէիզապէի. այլ
 չգիտեմ որպէս Գեորգիանի համէր յերկուս-
 նօ՛ր թիւ ածել 'ի մէջ զԲանս զայս ասպէս.
 «Զայս սփփաք արիւնէ, ասէ, ՂԱԷԼԻՄԱ-
 ԳԵՆՈՍՅԻՆ ՄԵՆՍՎԻՆՈՍ մի 'ի ներքին սպա-
 սաւորաց Պայէզիտայ : ԱՆԴԱՐԵՆ ԼՈՒՍԻԻՆ
 ԳԵՆՍՅԱՆՅԻՆ ՎԷՆԵՓՈ՛Յ՝ որ անդ էին 'ի Ժա-
 մանակին՝ Եւթի մերժել և սպել զվիտնութիւն
 նորա, սակայն ոչ Լոսաթիւն օսմանեան պա-
 մագրաց, և ոչ որ յայնմ հեփէ արարք ՍԷԼԻՄԱ
 ԼՄՈՆ ԳԵՂԻ յերկուսանալոյ ընդ ճշմարտութիւն
 էղելոցն » :

տեալ՝ ոչ զանց արար պաշտպանել իւրումն աշխարհի և գեներ, այլ քանզի հանդարտաբարոյ էր, և յուսումն դրոյ մտադիրացոյնս պարտակալ, ոչ յոյժ փոյթ կարաւ յնդարձակել և ևս զսահմանս պետուծեանն:

Են որ ասեն եթէ սա յամենայն արշաւանս իւր 'ի պատերազմ՝ հրամայէր զգուշութեամբ ամփոփել զփոշին որ կուռէր 'ի կօշեկս իւրե 'ի հանդերձս. և սպա կտակաւ պատուիրեաց գնել զայն 'ի վերայ երեսաց իւրոց, զի համարէր եթէ ըստ աւանդական բանին Արարացոց, անր 'ի շաւիղս Աստուծոյ փոշտակ զոտս իւր, հեռի առնէ 'ի նմանէ Աստուած զհուրն յաւխտենից: Եւ զմին բարեպաշտութեան խորհրդով հաստատեաց վերասին զամն գլուխ Կմիրաց՝ Կագրիպ իւլ էչրաֆ անուանեալ, զոր հայր նորին Մէհեմէտ Բ բարձեալ էր:

Ի շնուածս Պայեղիտայ արքայի համբաւեալ է մղկիթն մեծ յանուն նորս կառուցեալ յիննամեայ ժամանակի հոյակապ և մեծաշուք՝ հանդերձ աղբաւանոցաւ և վարժարանաւ, որպէս և այլ մղկիթ կանգնեալ 'ի նմանէ յԱգրիանուպօլիս, և մենաստան մի յԱմասիս: Այլ քան զամենայն շնութիւնս Պայեղիտայ անուանի ևն կամուրջքն մեծամեծք՝ զորս կառուցց, զմին 'ի վերայ Ալիս գետոյ ինն և տասն կամարոք առ Օսմանճըդ աւանաւ, զմիւսն նոյնպէս

ինն և տասն կամարեան 'ի Սարուխան
 դաւառի 'ի վերայ Քէտուս գետոյ, և
 միւս ևս այլ չորեքտասան կամարօք 'ի
 Վէյվէ 'ի վերայ Սագարիէ գետոյ: Եւ
 եղևն ամբ թագաւորութեանն Պայէ-
 ղիտայ երեսուն և մի, իսկ ամբ կենացն
 վաթսուն և վեց:

Ըստնկարագրին աւանդի յոյր լեալ
 և մաղաստ, սիրող արուեստից և ճար-
 տարութեանց, ներհուն աստեղագի-
 տութեան և օրինաց, և կորովի յաղեղ-
 նաւորութիւն քան զյորովս իւրոյ ժա-
 մանակին: Անպաճոյճ էր և 'ի հան-
 դերձս, և 'ի գլուխ իւր փոխանակ ոս-
 կեղարդ փակեղանն Իւսկիւֆ կոչեցե-
 լոյ, զոր վեցեքին նախորդք իւր ագա-
 նէին, և փոխանակ բոլորաձևին զոր եօթ-
 ներորդն 'ի նոսա ագաւ, սա զգլանաձևն
 ընտրեալ կալաւ, սլատեալ շուրջանակի
 շղարչիւ. այն է Միւճէվէզէ:

Յաւուրս թագաւորութեան Պայէ-
 ղիտայ երկրորդի հասք օսմանեան սկե-
 տութեան հաշուէին հինգ միլիոնք ոս-
 կոյ: Քսան և չորս կուտակալութիւնք
 էին յասիակողմանն, և երեսուն և չորք
 յԱւրոպա. և թիւ զինուորութեանն
 Օսմանեանց էր յիսուն հազար թուա-
 կաւորաց, և երկոտասան հազար ենի-
 չէրեաց, և եօթանասուն նաւք էին հա-
 նապաղ 'ի սլատրաստի: Ատենակալք
 սկտութեան էին յայնժամ երեք վե-
 ղիքք, որոց գլուխ էր վէլիլին մեծ. եր-

կոքին գատաւորք զօրաց, Երկու համա-
 րակալք, և ատենադպիրն մեծ. և ատեան
 կարգէին սոքա աւուրս չորս մի
 զմիոյ կնի՝ սկսանելով ՚ի շաքաթու յա-
 սարանսն արքունի. և վաթսուն չա-
 ւուչք կամ նուիրակք սպաս ունէին
 գրաց ատենին: Երեքարիւր բարապանք
 ՚ի գրունս սպարանիցն կային, և երեք-
 հազար երկվարք յախոռս արքունի գը-
 տանէին ՚ի դարմանս:



ՍՈՒԼԴԱՆ ՍԷԼԻՄ Ա
ԵԱՒՈՒՋ

ՔԱՌԱՍՈՒՆ և հինգ ամաց էր Սէ-
լիմ արքայ 'ի Թագաւորել իւրում , և
էրբարձրահասակ, մեծակն, բոլորագէտ,
կարմրերես, ցասկոտ , գործունեայ ,
սրատերազմասէր և անաչառ . այնչափ՝
մինչև յանիծից կարգի սովորել ասել
Օսմանեանց . « Լիջիր դու վէղիր արքայ-
ին Սէլիմայ » : Քանզի վէղիրք նորա ,
որպէս ասէ սրամագիրն Ալի , ոչ ինչ
աւելի մնային յիշխանութեան իւրեանց
քան զամսօրեայ մի Ժամանակ , և ասա-
մատնէին 'ի ձեռս դահճաց . վասն որոյ
ցանկ 'ի ծոցի կրէին , ասէ , զկտակս
իւրեանց . և թէ ողջամբ ելանէին յերե-
սաց նորա , միւսանդամ վերածնեալս
յաշխարհ համարէին զանձինս ¹ : Ի
սոյն սակս և Եաւուզ յՕսմանեանց ա-
նուանեցաւ :

¹ Մեծ վէղիրն Փիւրի իաշա այր անիւղծ
և անխարդախ համարցանիւցաւ երբեք ասել
ցարտայ իբր ընդ իաշա . « Գիտաի իսի էմ ,
դեր արտայ , եկե և շիւ շծառայ + ո վաշ
խամ անագան քաջեւ 'ի մահ . արդ շի է կե

Մինչդեռ Սէլիմ արքայ դարձեալ
 դայր 'ի Կոստանդնուպօլիս 'ի յուզար-
 կէլոյ զհայրն , դունդք ենիչէրեաց տու-
 ղեալք աստի և անտի դրան քաղաքին 'ի
 շառաջ նիզակաց և հրացան զնուց խրնդ-
 րեցին 'ի նմանէ պարգևս ինչ : Սէլիմ
 զառաջինն փոխեաց զընթացս ուղւոյն
 որպէս թէ այլուր նախ կամիցի գնալ .
 սակայն ասպա հարկեցաւ բաշխել 'ի
 նոսա ըստ գլուխ երկու հազար փողոս ,
 որ ըստ այն ժամու արժէից լինէին
 վենեակեան ոսկիք յիսուն : Ժտեցաւ
 յայնժամ և մի ոմն 'ի կուսակալաց
 ինզրել զյաւելուած իւրոյ թոշակին ,
 և Սէլիմ փոխանակ պատասխանույ իւ-
 րով իսկ սուսերաւն կառափնատեաց
 զնա :

Բազում յոյժ էին նախանձորդք ա-
 թուոյն Սէլիմայ . զի բաց յերկից եղ-
 բարցն՝ կային և որդիք նոցին և այլոց
 եղբարց իւրոց , ընդ ամենայն ողիք մե-
 տասան , յորոց Ահմէտ Գորգուտ հաս-
 տատեցան 'ի նմանէ յիշխանութիւնս

նորհիցեն ինչ գունեա օր մի՝ որպէս զի իւր-
 գեոնո շիր՝ ի՛նչ և յաստեացս ինչ և յանտե-
 օքն ուեքս : Ի յայն բարձր ծիծաղեցաւ ար-
 քայ ընդ իրաւացի երկիւղ ասան , և ասե-
 ՛ւաւ ինչի է շուր 'ի բազմաց հեքե երկնե՛մ և
 ես 'ի միտ . այլ լի՛ք ի՛նչ այր որ իւրիցե իստա-
 բել շիրժ . ի լիսանսն ինչ և ասպա ինչ ուլ .
 լեւ ինչ Եթոսարին լիսու զհայրուսածդ քո : :

խրեանց 'ի Սարուխան և յԱմասիա :
 Այլ իբրև ազդեղև արքայի՝ Էթէ Ա
 լայեամին որդի Ահմէտայ հաւանու
 թեամբ հօրն իւրոյ բռնացեալ է 'ի Պրու
 սա , անդէն վաղվադակի կոչեաց զորդին
 իւր զՍիւլէյման 'ի Բէթէէ , և զտեո
 չու թիւն թագաւորեալ քաղաքին 'ի նա
 աւանդեալ՝ խաղաց յԱսիա եօթանա
 սուն հազար արամբք 'ի վերայ Ահմէտայ
 և որդւոյ նորա : Պատուէր ետ և քսան
 և հինգ նաւուց սահ ունել ծովեղև
 բեայցն Ասիայ , զի մի գուցէ որ 'ի տոհ
 մէն արքունի փախուցեալ զերծանիցի
 յԱւրոսպա ըստ օրինակի հօրեղբօրն իւ
 թոյ ճէմայ :

Ապա գիմեալ 'ի վերայ Ահմէտայ հա
 լածեաց զնա և զորդի նորին մինչև
 անդր քան զԱնկիւրիա . և խնայեալ զի
 ձեռն Մուսղաֆա փաշայի վեզիրին մե
 ծի էր ընդ Ահմէտայ , զգեցոյց նմա
 յատենի վեզիրացն հանդերձ սեաւ , և
 ապա ետ խեղդել զնա և արկանել զդի
 նորին 'ի կերակուր շանց , և կարգեաց
 'ի վեզիր մեծ զհէրսէկ Ահմէտ փաշա
 այս չորրորդ անգամ :

Յետայնորիկ խորհուրդ արարեալ ընդ
 աւագանւոյն , հրամանեա հնդկոց զօրա
 վարաց ենիչէրեացն ըմբռնել զեղբօրոր
 դիան իւր զհնդեօսին , որ էին յայնժամ
 'ի Պրուսա , և ածել առ ինչն . և արդե
 լեալ զնոսա 'ի սենեկի միում 'ի վաղիւ
 անդր արձակեաց զգահիճսն գլխատել

զնոսա : Արատերագոյնն 'ի սլատանին մանկիկ Եօթնամեայ ծուռը եղեալ առաջի դահճացն աղերսէր շնորհել նմա զկեանսն, և ես ծառայեցից, ասէ, արքայի հաւատարմութեամբ փողոյ միոյ յաւուրն . այլ չեղև լսելի, և երիցագոյնն 'ի նոսա Մէհէմէտ սլատանի քսանամեայ Զաղջախեաց զբազուկ միոյ ուրումն 'ի դահճաց անախ : Իսկ արքայ Սէլիմ որ 'ի մերձակայ սենեկէն 'ի զնին կայր կատորածին՝ առաքեաց այլ դահճա, որ կաշկանդեալ զբազուկս Մէհէմէտայ խեղդամահ արարին զնա :

Անտիառեալ Սէլիմայ ընդ իւր տասն հազար հեծեալս, որոյ սլառճառանօք դիմեաց 'ի վերայ եղբորն իւրոյ Գորգուտայ 'ի Մադնեսիա : Գորգուտ վաղ զդացեալ զգաւն՝ ընդ մտերմին իւրում Փիալէի փախուցեալ էր 'ի Թէքէ, անդ թաքեալ յայրի միում զաւուրս քսան :

Զայն իբրև գիտաց Սէլիմ 'ի մատուցեմն Թիւրքմեայ տեղոյն, արձակեաց զոմն 'ի սաշտօնէից իւրոյ Սինան անուն սլառճառանօք հրաւիրանաց սպանանել զնա : Ի գիշերին յայնմիկ հեռացոյց Սինան 'ի Գորգուտայ հնարիւք իմն զՓիալէ . և ապա զարթուցեալ զԳորգուտ՝ ընթերցաւ նմա զդատակնիք անողորմ մահուն : Աղաչեաց և զկէլին շնորհել նմա ժամ մի ևս կենդանութեան, և նստեալ գրեաց առ

արքայ ողբ եղերական: Ի վաղիւ անդր
ածաւ գիակն Գորգուտայ առ Սէլիմ,
և նա ընկալէալ զքերթուածն ողբաց
յոյժ, և ապա զաւուրս երիս սուգ կար-
գեալ վասն եղբօրն՝ կոտորեաց և զհն-
գետասան Թիւրքմէնան, որ սակս մատ-
նելոյն իւրեանց զԳորգուտ եկեալ ՚ի
Պրուսա՝ վարձա իննգրէին ՚ի նմանէ:
Իսկ հաւատարիմն Փիալէ ելաց զմահ
տեառն իւրոյ զամենայն աւուրս կենաց
իւրոց, և մինչև ցլեաին շունչ իւր եկաց
՚ի պահպանութիւն շիրմի նորա:

Դեռ ևս կենդանի էր արքայորդին
Ահմէտ, նա և արամէք իբրու քսան
հազարաւ յարձակեալ գայր յԱմասիոյ
՚ի վերայ արքայի ՚ի Պրուսա: Աճապա-
րեաց Սէլիմ և կոչեաց ՚ի Ասատանգ-
նուպօլոյ ենիչերիս տասն հազար, և
նոքօք հանդերձ և նիզակահցութեամբ
Սեատեթ քերէյայ որդւոյ խանին Խրի-
մու որ ժամանեալ էր առ նա հինգհա-
րիւր արամէք, ճակատեցաւ ընդդէմ
եղբօր իւրոյ ՚ի գաշտի ուրեմնառ Ենի-
չէհիւր քաղաքաւ: Անդր գեապան յԱհ-
մէտայ եկեալ հրաւիրէր զեղբայրն իւր
զՍէլիմ ՚ի մենամարտութիւն, զի ինայ-
եսցուք ասէր յարիւն զօրաց մերոց .
այլ արքայ փողս հազար պարգևեալ
գեապանին յետս արձակեաց զնա: Յայն
ժամ յառաջ խաղաց արքայորդին Ահ-
մէտ ՚ի գլուխ տասն հազար հեծելոց և
խորտակեաց զերիս հազարսն որ կային

'ի հանդիպոյ . այլ կողմնապետն Ասիոյ
 և Սէաստիթ քերէյ հարին քաջապէս ըզ
 զօրս նորս, և զնա'ի փախուստ գարձու
 ցին :

Այն ինչ սրարչաւ ձխալարէր Ահմետ
 առ խրամով իւրք , յանկարծակի երի
 վարաւն հանդերձ սահեալ անկաւ 'ի
 ջուրն, և ձերբակալ եղև 'ի հետամտիցն:
 Յայնժամ ազաչեաց ածել զինքն զա
 ռաջեաւ եղբօրն իւրոյ . այլ Սէլիմ չկա
 մեցեալ տեսանել անդամ զնա՝ հրա
 ման ետ առ ետեղ խեղդամահ առնել
 զեղկէլին . որ և հանեալ 'ի մատանէն
 իւրմէ մատանի մի՝ որոյ գին արժէիցն
 զուգակշիռ էր ասէն եկամտից եւրո
 սլական բաժնին , ընծայէր արքայի որ
 պէս գուղնաքեաց ինչ նուէր : Եւ գիա
 կրն նորս տարաւ և թաղեցաւ առ եղ
 բօրորդիան իւր 'ի Պրուսա :

Այսօրինակ զերծեալ Սէլիմայ յահէ
 եղբարցն և եղբօրորդւոյ , գարձ արար
 'ի Կոստանդնուպօլիս , և անախ յԱդ
 ռիանուպօլիս : Անդ ընկալաւ զգեասա
 նըս պետութեանցն Եւրոպայ, զՄոլտա
 վոյ, զՎրասաց, զՎենետիկեցւոց և ըզ
 Մաճառաց : Եկն և յԵգիպտոսէ գես
 պան բազմութեամբ արանց և բազմա
 պատիկ ընծայիւք՝ զօրս առաքէր առ
 Սէլիմ Գանաու Ղաւրի սուլթանն Եգիպ
 տոսի : Գարձեալ և 'ի թագաւորէն Ռու
 սաց Վասլէ եկեալ կրկին գեասանք
 հաստատեցին զբարեկամութիւն 'ի միջի :

Եւ Սէլիմ արքայ քաղցրութեամբ խօսեցաւ ընդ սոսա ընդ ամենեօնս, և նորագեաց զգալինս խաղաղութեան. զինսոց յարևմուտս, այլ յարևելս կոյս ուղղեալ էր զարշաւանս իւր:

Քանզի շահ Իամայէլ արքայ Պարսից՝ բարեկամութեամբ գնալով ընդ սուլթանին Եգիպտոսի՝ ձեռնառու լեալ էր արքայորդւոյն Ահմէտայ ընդդէմ Սէլիմայ, և ասպաւէն որդւոյ նորին Մուրատայ. և ՚ի թաղաւորել անդ Սէլիմայ ասարատակել սկսանէր յաշխարհն Օսմանեանց: Եւ որպէս յաղթական լեալ էր չորեքաստան թաղաւորաց և հատեալ զգլուխս նոցա, ակն ունէր զնոյն և ընդ արի արքայն Օսմանեանց անցուցանել. այլ սուտ յուսովն խաբեցաւ չարաչար:

Սէլիմ արքայ պատրաստեալ ելանել ընդդէմ բռնաւորին, հրամայեաց նախ դպրաց ՚ի գիր դրոշմել զամենայն հեռու զբա ազանդոյն Պարսից յամենայն քաղաքս, և յանկարծակի ետ կոտորել ոգիս քառասուն հազար, որք ըստ մեծի մասին էին բնակիչք դաւառին Թէքքէի¹:

1 Օսմանեանք էօսմանասուն և էրկոս արանդս հաշուեն մահմեդականաց. այլ լարագոյն քան զամենեօնս զնոսս վարկանին ըլ Պարսիցն. զորս Էիի անասանեն, այսինքն է հերթեալս իմ արդարոճքս, որ զանձինս Սիւն-

Յէա այնորիկ ատեան մեծ կարգեալ յայտ արար զմիտս իւր՝ եթէ կամի զօրաժողով լինել մեծաւ հանդերձանօք ՚ի գաշտի անդ Ենիշէհիր քաղաքի : Երկուս անգամ զնոյն բան խօսեցեալ յատենի անդ՝ ոչ ինչ կարաց առնուլ սատասխանի ՚ի ժողովականացն սասանելոց . ապա յառաջ մատեաւ ենիչէրի ոմն Ապուղաս անուն, երկիրեպագարքայի, և զկնի մաղթելոյ նմա զերկայն աւուրս և զամենայն բարեբաստութիւն՝ շնորհս կալաւ յամենեցունցն զխնաց առ արքայ , փոխանակ զի ամէր զնոսա ընդդէմ սխերիմ թշնամոյ դենին իւրեանց և աշխարհի : Եւ Սէլիմ արքայ սրբեւեաց առնն քաջի զկուսակալութիւն թեասազոնիկեայ :

Ապա եկեալ յԱդրիանուպօլսոյ ՚ի Բիւզանդիոն յայց եւ շիրմին Էպիւ Էյուսպայ . և անտի անցեալ յԵսկիւսար յամսեանն ապրիլի յամին 1514 հանդէս արար զօրաց իւրոց արանց հարիւր և քառասուն հազարաց , և վաժսուն

նի իւլիս , որպէս պահուս ասանդիոն շարտարեպոսինան Մահմեթի : Ասին Պարսիկոն և Աւեւի , շի ամբարտէպն Աւի եկաց նախին պարսաստանէն . իսան որոց և թրժեն նոսա շիրիս զասաջին ամբարտէպս , շի պարտեպի , շի-Պար և զՕսման , և շրասեն զնոս ՚ի Կարգս օրինասոր յաջարտաց մարգարէին Իրեանոց Մահմեթի :

հազար ուղտուց 'ի Սերասաթիա: Կոչեաց
 իւր 'ի Թիկունս և զԱլայիւտաէ վիւթ
 Զիւլգատրեանս . այլ նա սպասաճառւանօք
 ծերութեան հասակին ոչ ինչ խլտեցաւ
 'ի տեղւոջէն իւրմէ:

Գրեաց Սէլիմ և Թուղթս երկս լի
 նախատանօք առ Իամայէլ, և յղեաց առ
 նա ընդ երկրորդի Թղթոյն իբր 'ի սպար-
 դևի մասին կնդուղ մի, և ցուպ, և քչփո-
 րիկ ատամանց, և Թաթաձև քերոց թի-
 կանց, յուչ առնելով նմա զճագոււմն նո-
 բին յանկած տոհմէ շեխից, և յերրորդին
 հանդերձս կանապխ, որովք ծաղր առ-
 ներ զվատութիւն նորա և զչերևել տա-
 կաւին յասպարէզ մարտի: Եւ Իամայէլ
 Թէպէտ և 'ի պատասխանին Թղթոց ար-
 քայի մեղմական զգօնութեամբ խօսեր,
 այլ առաքեաց և նա առ Սէլիմ տուփ
 մի ոսկեղէն լի ափիօնաւ, ասելով եթէ
 բանք այսանալց նամակացն ոչ Թագա-
 ւորի վայելեն, այլ դպրաց արբելոց
 Թմբրադեղով: Ընդ որ Սէլիմ արքայ 'ի
 հօւր բարկութեան բորբոքեալ հրամայ-
 եաց առ ետեղ սատառել զԹղթաբեր
 դեսպանն Իամայէլի, և ճեպեաց զբա-
 նակն յերզնկայէ 'ի Դավթ, որ ա-
 Թոռն էր շահին Պարսից:

Տրանջէին զօրքն առ հասարակ, զի
 ընդ այնչափ ճանապարհս զրահեա վա-
 րեալք տանջէին 'ի սովոյ, և Թնամին
 ոչ ուրեք երևեր: Հէմաէմ փաշա սղա-
 չեալ յայլոցն վէղիրաց՝ համարձակե-

ցաւ յերեւսս իսկ ասել արքայի զիրան .
 և առժամայն գլխասպարաւ եղև , և կա-
 ցուցաւ 'ի տեղն նորա Զէյնէլ փաշա :
 Յետ աւուրց ինչ դարձեալ ըմբոսա-
 ցան ենիչէրիք , և 'ի ձայն բարձր աղաղա-
 կէին չու դարձի առնել : Յայնժամ
 սրատասխանի եանոցա Սէլիմ արքայ ա-
 թիաբար և ասէ . « Ա՛յս իցէ ծառայու-
 թիւնդ ձեր . և միթէ բանիւք չափ իցէ
 հաւատարմութիւն ձեր : Ար կնոջ և
 որդւոց անձկացեալ իցէ՝ հասլա դարձ-
 ցի 'ի տուն իւր . մէք ոչ զի ընդ կրունկն
 դառնայցեմք՝ եկեալ կամք այսր : Առանց
 վշտաց չիք ժամանել 'ի հանդիստ . աղէ
 որոշեացին մեկնեացին վատասիրտքն 'ի
 քաջաց , որ 'ի զէն և 'ի զրահ՝ յոգի և 'ի
 մարմին շահատակեն 'ի ճանապարհս
 մեր . ինձ մի լիցի լքանել զառաջարկեալ
 խորհուրդս իմ » : Եւ ամենեքեան խրա-
 խուսեցան յառաջիկայն : Ի դէս ժա-
 մուն սատահեալ և խաւարումն արե-
 գական՝ մեծապէս քաջալերեաց զՕս-
 մանեանս . քանզի մտալուտ մթագնե-
 լոց փառացն Պարսից երբեմն արեա-
 պաշտից՝ հաւաստի գուշակ զիրան վար-
 կանէին :

Ասլա ուղղեալ Սէլիմայ զընթացս իւր
 'ի Գապիէժ , և առ ամրոցաւն Մակուայ
 խմացեալ զհասանել Իամայէլի 'ի խոյ ,
 ձեպեաց և ևս զգորան և եհաս 'ի դաշ-
 տըն Չալտըրան , 'ի քսաներորդի երկ-
 րորդի աւուր ամսեանն օգոստոսի յա-

մին 1514. և Իսմայէլ յարևելեան կողմն
գաշտին բանակ հարեալ կայր :

Խորհուրդ կալաւ 'ի գիշերին Սէլիմ
արքայ՝ ընդ աւագանւոյ իւրում՝ եթէ
ղինչ արժանիցէ առնել ընդ այդն . վաղ
վաղակի յարձակել, եթէ հանդիստ տալ
զօրացն օր մի : Ատենակալքն և վէզիրք
ընդ երկրորդ խորհուրդն հաւանէին .
բայց միայն համարակալն Փիրի դյար-
ձակելն լաւ համարէր, զի մի հովասցի
ասէր եռանդն զօրականին : Յայնժամ
ասէ Սէլիմ . « Ահա արդարեւ մի միայն
խորհրդական այր 'ի բանակիս խմում .
աւանդ զի ոչ վէզիր է » :

Հրաման ետ արքայ վաղվաղակի ընդ
այդս այդոյն ճակատ յարդարել : Շահ
Իսմայէլ իբրև ետեա ընդ արշալուրչն
զյառաջապահս թշնամեացն բանակին
իջանելով 'ի բլրոցն 'ի ձորամէջ անդր
'ի հանդիպոյ, չկամեր հաւատալ՝ եթէ
իշխեսցէ բնաւ Սէլիմ արքայ մարտ
դնել ընդ նմա 'ի գաշտավայրին . վասն
որոյ և կայր մնայր զարմացմամբ երևե-
լոյ օսմանեան բանակին ողջոյն : Ապա
հրամայեաց զառաջեաւ ածել զմի ոմն
'ի գերեւոց հրոսակաց, և զգնդից գրն-
դից օսմանեանցն տեղեկանայր 'ի նը-
մանէ և զանուանց գնդապետացն և ըզ-
զօրավարաց իւրաքանչիւր . « Այր իցեն ,
ասէ , գրօչքն կարմրագոյնք որ բոսորա-
դոյն իմն հեղեղաւ ծածկեն աւագիկ
զբլուրսդ » : — « Հրոսակք են նորա և

հեծեալք նիկողոսեցեաց, և զօրավար նոցա Միխալ օղու Մէհէմէկա պէյ :
 - Եւ ոյր ուրուք իցեն կանաչադեղ այն գրօշք որ հանգոյն ուղիօց ընթացեալ զեղուն 'ի ձորափոր անդր : - Եւ հեծեւ լաղօրքն են Պօլեայ և Գասադէմունեայ, և առաջնորդք նոցին թագազարս իշխանք յորդւոյն Խաֆէնափարայ : Յարեաւ ապա փոշի միրկեալ թանձրամած, և 'ի փարատել տակաւ փոշոյն երեւցաւ անթիւ բազմութիւն հեռակաց կարմրազգեստից, և էին ազասքն : Գարձեալ երկցս անգամ լսելի եղև գրնդիւն սփից երկվարաց, երկցս անգամ յարեաւ միրիկն այն փոշոյ, և 'ի փայլմանէ ոսկեզարդ զգեստոց զօրահանին երկցս անգամ խաբեցաւ թագաւորն և կարծեաց՝ եթէ արդ Սէլիմ արքայ եկեալ հասեալ իցէ : այլ նոքա կողմնապետքն էին Գարամանայ, և Եւրոպայ և ասիակողմանն : Չհեա նոցա գային այլ հեռակաղօրք գրօշս ունելով շերտեալս 'ի կարմիր և 'ի սպիտակ, և գլխանոցս ազանելով ահագնատեսիլս. քանզի ենիչէրեացն վաշտքէին որ ունէին թաղեայ գլխարկս սպիտակս և մեծամեծս, և 'ի ճակատս նոցա սարգալքն միտեալք 'ի գեղին անագէ՝ 'ի ճառագայթից արեգականն շողողեալ փողփողէին : Յայնժամ լսելի եղև գարձեալ թնդիւն երկվարաց, և գարձեալ տեսաւ 'ի կասարս բլրոյն ամպ փոշոյ

դիպացեալ, և ահա դային զհետ փոշւոյն բազմութիւնք կարմիր դրօշուց ընդ աջմէ, և ընդ ձախմէ գեղնագոյնք, և ՚ի միջի կրկին ևս դրօշք մեծամեծք, մին կարմիր և միւսն սպիտակ: Եւ յա է, գոչեաց հրոսակն առ Իսայէլ, սա է աւանիկ արքայն մեր հզօր. ահա նա է որում յառաջընթաց լինին դրօշքն երկօքին, և զոր շուրջ սրատեալ ունին ընտիր ընտիր սպայք և զինակիրք և վարձկանքն և օտարականք: Եւ շահ Իսայէլ ՚ի տեսիլ այնպիսոյ բանակին, որ աւելի էր քան զողիս հարիւր և քսան հազար, հառաչեալ ՚ի խորոցսրտէ՝ կարգեցաւ ճակատեցաւ իւրով ճամբարաւն առաջի Օամանեանց: Սոքարսա յաճախ սովորութեան իւրեանց յարդարեցին զճակատն, յաջում թևի կողմնասպեան Ասիոյ կալով, ՚ի ձախումն Երոսականք, ՚ի միջավայրին ենիչէրիք, զհետ նոցա արքայն Սելիմ պար առեալ ՚ի չորից վաշտուց, և առաջի նոցա սայլք և ուղտք, և հրազինուցն բազմութիւն սասի և անտի տողեալք և ընդ իրեարս շղթայակապք: Ոչ ինչ կարի տակաւութիւ էին Պարսք քան զՕամանեանս, ամենեքեան առ հասարակ հեծեալք, և սասն հազարք ՚ի նոսա քաջամարտիկք յոյժ էին՝ երիվարս ունելով պատենազէնս զրահաւորս, և ինքեանք սողաւարտս ապուցեալք պողովատիկս զարդարեալս մեծամեծ փեարովք, և զի

նեալք 'ի լախտա երկաթիա, և յաղեղն և 'ի տէգ: Արդ Իամայէլ 'ի փախտակից և 'ի լրտեսաց ոմանց տեղեկացեալ կարգի և սրատրաստութեան բանակին Օսմանեանց, այնպէս իմն ճակատեցոյց զիւր պն, զի յառաջին յարձակման անդ ձախ թե բանակին՝ յորում կայր հասան փաշա կողմնապետ եւրոպեան զօրօքն, վանեցաւ 'ի հեծեւազօրուն Պարսից, և հասան անկաւ 'ի տեղւոջն:

Զայն տեսեալ Սէլիմայ՝ հրամայեաց յառաջ վարել զհրազէնան և զերեքտասան հազար ենիչերիա, որ յետոյ կողմանէ հրազինուց կային. և սոքա յառաջոյ և 'ի կողմանէ անդադար հարթօթափեալ 'ի թշնամիա անդր՝ խորտակեցին զհեծեւազօրն Պարսից. և շահ Իամայէլ ինքնին վիրաւորեալ յաջ բազուկ իւր՝ անկաւ յերկիր երիվարան հանդերձ: Այն ինչ մի ոմն 'ի սալայիցն Օսմանեանց նիզակ 'ի վեր առեալ կամեր սատակել զնա 'ի տեղւոջն, թիկնապահ շահին Միրզա Ալի անուն, որ զնոյն հանդերձա Իամայէլի զգեցեալ ունէր, գոչեաց առ այրն. «Ես եմ շահն»: Եւ մինչ գեռ օսմանցին կաշկանդեր զԱլի, Իամայէլ անդրէն սրատրաստեալ յայլ երիվար մազապուր ճողոպրեցաւ փախտաւամբ 'ի Գազիէթ, և անդր ևս: Երեսնիւ շափ դաւառապետք և զօրավարք Պարսից անկան 'ի ճակատուն, այլ և ոչ սակաւք յաւազացն Օսմանեանց:

Կալանն ապա Օսմանեանք և զբանա-
 կեանն Պարսից լի գանձուք և աղախ-
 նեօք, և աւարեցին զամենայն, որպէս և
 զկինն Իսմայէլի: Ի վաղիւ անդր մեծա-
 հանգէս շքով ընկալաւ Սէլիմ արքայ
 զննդակցութիւն աւագանւոյն, և զայն
 օր դադար տուեալ զօրացն՝ ՚ի միւսումն
 խաղաց գնաց ամենայն զօրօքն հան-
 դերձ ՚ի Դավրէժ, արձակեաց անդր
 յառաջագոյն զվէզիրն Տուգալին Ահ-
 մետ, զհամարակալն Փիրի, և զպատմա-
 գիրն Իարիս, որպէս զի կաղմեալ յար-
 դարեացեն զքաղաքն ՚ի հանգէս մեծա-
 շուք մտից նորա անդր: Մօտ ՚ի քաղաքն
 ել նմա ընդ առաջ Տիւսթէմ կուսա-
 կալ Պարսից երկոքումք որդւովքն իւ-
 բովք և բաղմութեամք արանց հարիւր
 և յիսնից ՚ի սլատուէլ զարքայ, և ապա-
 նաւ ՚ի նմանէ իւբովքն հանգերձ: Ապա
 յաւուրն երեքասաներորդի զկնի սլա-
 տերազմին Չարորբանու Էմուտ Սէլիմ
 արքայ մեծաւ հանդիսիւ ՚ի մայրն քա-
 ղաքաց Ատրպատական աշխարհին ՚ի
 գեղեցիկ դասասակերտ մերոյն Խոսրովու
 ՚ի մեծն Դավրէժ: Դատարկեաց զմթե-
 ըրս գանձուցն որ ՚ի նմա, հրամայեաց
 նորոգել զաւերական, և յայց ել երևե-
 լի տեղեաց քաղաքին, և ապա աւետա-
 ւորս յաղթութեանն արձակեաց առ-
 որդին իւր Սիւլէյման, և առ խանն Խրի-
 մու, և առ գուքսն Ալենեակեցւոց:
 Չաւուրս ութ ևեթ զտեղի կալու ար-

քայ անդանօր : Ապա առաքեաց 'ի Կոստանդնուպօլիս արուեստագէտ ճարտարս հաղար, յորս յօլովք էին 'ի մերմէ աղգէս . և ինքն մեկնեցաւ անտի դարձ առնել 'ի Կիլիկիա առ 'ի ձմերկւոյ անդանօր :

Իբրև եհաս բանակն յափն Երասխայ, պնդեցան ենիչէրիքն, և ոչ ևս կամէին յառաջ խաղալ, զի դարձցուք ասէին 'ի Կոստանդնուպօլիս . և դիմեալ ծակոտեցին 'ի տէգ նիզակաց զկատար խորանին Սէլիմայ : Իսկ նորա սրածառս խռովութեանն համարեալ զերրորդն 'ի վէզիրս զՄուսդաֆա, սատուիրեաց միում 'ի սպասաւորացն իւրոց համերց հատանել զկապս համեախ նորին, զի անկեալ յերիվարէն ծաղրկացցէ 'ի բանակին, և դիւրաւ արկցի յիշխանութենէն . որպէս և եղևն իսկ . և կարգեցաւ փոխանակ նորա համարակալն Փիրի :

Ի ժամանել Սէլիմայ 'ի Կարին, Պոյլդը Մէհմեմէտ ամ առ նա զբանալիս Բաբերգոյ, զոր առեալ էր նորա սրանէչ սաշարմամբ և բազում զբժուարութեամբ . քանզի աւուրբք յառաջ գրեալ էր թագաւորն առ նա և առ այլ զօրավարսն առաքեալս 'ի սաշարումն բերդին, զի թէ ոչ անկցի ասէր ամրոցդ մինչև ցիմն գալուստ, անկցին անշուշտ կառափուռք ձեր 'ի դեպին :

Ապա զՊարգլը Սէհէմէա կարդեալ
գաւառապետ Երզնկայի և Տրապիզոնի,
'ի գալ իւրում յէջմիածին՝ արձակեաց
զհեծելազօրն առ Ժամն 'ի հանդիսս :
Խորասակեաց և զվրանն հէրսէկ Ահմէ-
տայ 'ի գլուխ նորին սակա խուէլոյ զօ-
րականին զգլուղականս կողմանցն , և
փոխանակ նորա կարդեաց 'ի վէղեր
մեծ զՍինան փաշա զչոյննապետն Ա-
սիոյ . հրամայեաց նմա ձմերել սարայ-
խքն հանդերձ յԱնկիւրիա , և ինքն
մեկնեցաւ յԱմասիա :

Անդր հասին առ նա չորեքին զես-
պանք պատկառելիք իմաստութեամբ
և տոհմիւ յամայէլէ շահէն Պարսից
բաղմապատիկ ընծայիւք , և խնդրէին
արձակել առ նա զկինն իւր : Այլ Սէ-
լիմ արքայ զերկուս 'ի գեսապանացն կա-
պանօք առաքեաց բանտել 'ի Ասստանդ-
նուպօլիս , և զերկուսն 'ի Տիմեթոքա-
խակ զկին շահին եւ 'ի կնուծիւն ասե-
նադարին իւրում , որում անուն էր ճա-
ֆէր չէլէպի :

Խաղաց Սէլիմ արքայ յամսեանն
սարիլի յամին 1515 յԱմասիոյ 'ի պա-
մասիս , որ է ամրոցն Անի 'ի Գարանա-
ղեաց գաւառի , և պատնէշ պաշտամամբ
էառ զայն : Եւ անտի դարձ արարեալ
'ի Սեբաստիա , արձակեաց զմեծ վէղերն
Սինան փաշա և զԱլի պէյ զորդի Շէհ-
սիւվարայ տասն հազար ենիչէրեօք 'ի
վերայ Զիւլղաստրեան իշխանին Ալայ :

խւտտէ վէժայ, փոխանակ զի չէր նա եկեալ ընդ արքայի 'ի պատերազմն Պարսից . և ինքն ևս խաղաց գնաց զհետ զորացն: Եւ Երուսինն Ալայ խւտտէ վէժ պատահեալ պատերազմաւ Օսմանեանց՝ անկաւ 'ի ճակատուն, և չորեքին որդիք նորա ձերբակալեալք փողոտեցան յՕսմանեանց: Սէլիմ արքայ զգլուխն Ալայ խւտտէ վէժայ և զորդւոցն որին առաքեաց առ սուլդանն Եդիպատսի՝ որ բարեկամութեամբ էր յայնժամ ընդ Ջիւլդատրեանս . և զերկիրն Ջիւլդատրայ ետ ցԱլի սէյ Շէհսիւ վարեան: Յայնժամ արձակեցան և զօրքն 'ի Ալսարիոյ յիւրաքանչիւր տեղիս՝ փողոտազար ընկալեալ ըստ գլուխ 'ի պարգևս . և արքայ գարձ արար 'ի Ասստանդնու սօլիս:

Մինչդեռ յԱմասիա էր թաղաւորն, և նիչէրիք միւսանդամ ամբոխարարեալ, և զքնակարանս աւագանւոյն Ամասիոյ, ընդ որս և զՖիրի փաշային յաւարի առեալ էին: Արդ Սէլիմ 'ի մտի կալեալ զիրան՝ կոչեաց զԾերագոյնս և նիչէրեացրն և ստուգեաց 'ի նոցանէ, զի 'ի գրգռելոյ Իօքէնսէր փաշային, և Ճաֆէր չէլէսլուոյ դատաւորին զօրաց, և խրեանց զօրագլխին՝ որում անուն էր Պալեհմէզ Օսման, բերեալ էին նոքա յայն գործ: Անդէն հրամայեաց գլխատել զԻօքէնսէր և զՕսման . խկ ընդ Ճաֆէրայ զգօնութեամբ վարեալ, կոչեաց

զնա զառաջեաւ և ասէ. «Որո՞ւմ պատ-
 ժոյ իցէ արժանի որ դրդուէ զգորս յա-
 պրատամբութիւն » : - «Եթէ արդարեւ
 վնասապարտ իցէ յայնմ, ասէ ճաֆէր,
 դատաստան մահու է առնն » . և իսկոյն
 պարտաւորեցաւ 'ի մահ : Յայնժամ
 ճաֆէր այրն պերճախօս և բանաստեղծ
 բացեալ զբերան իւր՝ յորդոր եղև ար-
 քայի մի խնուլ զականջս ընդդէմ բո-
 ղոքոյ արդարութեան, զի մի յետոյ 'ի
 զուր ապաշաւ նսացի . այլ ոչ ինչ օգ-
 տեցաւ . և հարուած սուսերին լռեցոյց
 'ի սպառ զլեզու նորա : Եւ արդարեւ
 տարջացաւ Սէլիմ ընդ տարապարտ մահ
 առնն մեծի, և յանդիմանեաց զանմտու-
 թիւն մերձ եղելոցն, զի ոչ խորհրդա-
 կից եղեն նմագէթ բանտարդել առնել
 զճաֆէր : Եւ յետ աւուրց ինչ 'ի բոր-
 բոքել մեծի իմն հրդեհի 'ի Առստանդ-
 նուպօլիս՝ մինչդեռ Սէլիմ արքայ ընդ
 վեղերին մեծի հասեալ 'ի տեղին 'ի շի-
 ջուցանել կայր զհուրն՝ ասէ . «Հրա-
 բորբոք ծուխ է սա հառաչանացն ճա-
 ֆէրայ . երկիւղ է ինձ, գուցէ կալցի ընդ
 հուս և զապարանս իմ և զգահոյս, և
 զթեղն խկ կենաց խոց » :

Ի բառնալ այսպէս կարծեցեալ սպա-
 ճառաց խռովութեան Ենիշէրեացն,
 կամեցեալ Սէլիմ արքայ սանձակոծել
 փոքր մի զհամարձակութիւն նոցա յա-
 ռաջիկայսն, կարգեաց զլուխ և զօրա-
 վար նոցին զհաւասարիմ գրօշակիրն իւր

զԵ՛սագուստ, և անուանեալ զնա Ազա,
կամ Էնիչէրի աղաար: Հաստատեալ և
փոխանորդ զոմն նմա և օժանդակ Գուլ
քեահէտար անուանեալ, և այսպէս
կրկին իշխանութիւնս աւագադոյնս
յաւել քան զայն՝ զոր ցայնովայր ունէր
Սէկական սաշք կոչեցեալ զօրագլուխն
Էնիչէրեաց, որ և կարդ ըսա կարգէ
բարձրանայր յայն սաշտօն:

Խորհէր այնուհետև կազգուրել և
զժողովական զօրս իւր, և նաև կառուցա-
նել ոչ միայն բազումս, այլ և նմանս
Եւրոպական նաւուց: Առչեաց զՖիլի
փաշա, և ասէ ցնա. «Ձի է զի տիրեալ
են ազգք Եւրոպացւոց ՚ի ծովս ամե-
նայն, և թէ ոչ յիսմէ ներողամտութե-
նէս և ՚ի քոյդ յուլութենէ, արդ կամիմ
զի կազմեսցի նաւատորմիդ մի մեծ»:—
«Ձգոյն կամ էր ինձ առաջարկել քեզ,
տէր արքայ, ասէ վէզիրն: Ասան որոյ
վաղիւ ՚ի դումարել ատենի վէզիրաց՝
մեծաւ սպառնալեօք զայրասցի արքայ
՚ի վերայ մեր, և առաւել յիմ վերայ,
և սրատուէր տացէ մինչև ցաւուրս դար-
նայնոյ կառուցանել մերովք ծախիւք
և նաւարան, և նաև հինգհարիւր: Եւ
զայս իբրև զգասցին Եւրոպականք, հա-
մարեսցին անշուշտ՝ եթէ ընդդէմ նոցին
կազմիցիմք ՚ի սրատերազմ, և աճապա-
րեսցեն ՚ի նորոգել զգաշինս ուխտից և
՚ի հաստուցանել զաւուրս հարկաց՝ մինչև
աւարտեալ իցէ շինուած նաւարանին

և կառուցցք նաւայն . որով և զմեծ մասն
ծախուցն նորա լցցեն անյապաղ ։

Հաճոյ եղև արքայի խորհուրդն խո-
րադխտութեան , և արար այնպէս . և
վեղիբքն շտապ տադնապաւ ձեռն ար-
կեալ ՚ի կատարումն գործոյն , ընտրեալ
կալան զտեղի այժմու նաւարանին Առս-
տանդնուպօլսի , ուր յայնժամ կային
հազարաւոր գերեզմանք : Պեղեցին զոս-
կերս մեռելոց ՚ի գերեզմանայն , և յեա-
կուսէ նաւարանին ՚ի փոս մի խոր և ընդ-
արձակ դէզադէզ լցեալ ծածկեցին ,
և սկսան շինել զնաւան : Եւ գուշակու-
թիւն Փիրի փաշային ոչ սակաւ ճշգրը-
տեցաւ . զի և Մաճառք և Ալսհք փու-
թացան ՚ի նորոգութիւն դաշանցն և ՚ի
հարկատուութիւն :

Զկնի հրդեհին մեծի խաղաց գնաց
Սելիմ արքայ յԱդրիանուպօլիս , և կա-
մեր ընկեցիկ առնել զՍինան փաշա , զի
չէր հաճ ընդ գնացս նորա , և կարգել
՚ի տեղի նորա վեղիբ մեծ հինգերորդ
անգամ զհէրսէկ Ահմետ : Առչեցեալ
Ահմետայ առ արքայ՝ չկամեցաւ երթալ ,
պատճառս ՚ի մէջբերեալ զծերութիւն
իւր և զոտնառութիւն : Իսկ Սելիմ ար-
քայ կասկածեալ՝ եթէ յայտնեալ իցէ
Սինան Ահմետայ զպատճառս կոչոյն ,
լի սրտմտութեամբ մերկեաց ՚ի վերայ
նորա զսուսեր իւր . և Սինան մաղապուր
փախուցեալ թաքեաւ առ Ժամանակ
ինչ ՚ի Լերինս : Այլ Սելիմայ չգտեալ

զոք լաւ քան զՍինան, կոչեաց անդրէն
և հաստատեաց զնա իշխանութեանն:

Մինչդեռ այսոքիկ գործէին 'ի կրկին
մայրաքաղաքս Օսմանեանց, Պալատ
Մէհէմէտ իշխանն Նրդնկայի 'ն իզակակ
ցութեամբ այլոց զօրավարաց ասիակող
մանն արշաւեաց ընդ ամենայն երկիրն
Մարաց կամ Քրդաց: Ընդ նմա էր և
Մողա Իարխա¹, որ իւրով խոհական
հանձարով և սերձախօս քանիւք հա-
մողկեր եղև քսան և հինգ իշխանաց
Քրդաց անձնատուր լինել յՕսմանեա-
նրս: Եւ մեծ մասն աշխարհին հայոց
և Ասորոց 'ի ծովակէն Արմիայ մինչև
գքաղաքն Մելիտինէ, որ է Մալազիա,
եմուտ ընդ իշխանութեամբ Օսմա-
նեանց:

Յայնմ ժամանակի լուեալ շահ Իս-
մայէլ զու արքային Սելիմայ 'ի Դավ-
րիթէ, դարձ արարեալ էր անդր 'ի կող-
մանցն համառանայ: Առաքեաց զզօրա-
վարն իւր զԳարախան առնուլ անդրէն
'ի ձեռաց Օսմանեանց զՏիգրանակերտ,
որ է Տիարպէքիր • և նա եկեալ պաշա-
րեաց զքաղաքն սասակապէս: Յայն-
ժամ Մողա Իարխա աղդ արար և աղա-

¹ Մողա Իարխա գլուխ պատմագրացն Օս-
մանեանց Բաղիշի էր և հմուտ բարբառոց
և սովորութեան Քրդաց, և էր բեմ արե-
նատղիւր Եւֆրատայ իշխանի՝ որ մի էր 'ի յա-
ջորդացն Ուլուսն հասանայ:

չեաց զորքաց վազվազել յօղնութիւն
 քաղաքին. և իբրև գխոաց զի ՊԵՐԿԸ
 Մէհէմմէտ բազմաձեռն գնդաւ գայ 'ի
 Բաբերդէ ըստ հրամանին արքունի, ան
 դէն քաջալերեաց զպաշարեալսն թըղ
 թով զոր ընդ ձեռն աղաւնոյ միոյ ար
 ձակեաց 'ի ներքս: Ի նմին ժամանակի և
 միւս ոմն զօրավար Պարսից Քիւրտ պէյ
 անուն գիմեալ գայր յառուսն Տիգրաւ
 նակերաի. այլ Խորիս և ՊԵՐԿԸ Մէ
 հէմմէտ հանդերձ իշխանօք Քրդաց
 հարուածեալ փախուցին զնա մինչև
 յԱրժէշ և յԱրժկէ, և ապա յարձա
 կեցան 'ի վերայ Գարախանին պաշա
 րողի զՏիգրանակերտ: Նա իբրև երարձ
 զպաշարուն և յուղի անկաւ 'ի Մէր
 ասին, սոքա մտին 'ի Տիգրանակերտ: Ա
 պա առին և զամուրն Մէրասին, և զամե
 նայն զգլխանոցս կարմիրագոյնս հրամայ
 եաց Խորիս ժողովել յայս նիշ ակղի,
 և ապա ծաղու և նախատանօք ետ ըն
 կենուլ զնոսին 'ի իրամս քաղաքին¹:

Եկին հասին գարնայնի յօղնութիւն
 բանակին Օսմանեանց և այլ ևս քսան
 հազար զօրականք, որոց առաջնորդեր
 Խուսրով փաշա կուսակաղն Գարամա
 նայ: Հարան բախեցան Օսմանեանք 'ի

1 Իբրև շի իսրէն գլխաւորս ագանին
 Պարսիադէն, աշանդասար համարեալս Օս
 մանեանց, վասն որոյ և Գըղըղաշ իմ իսրէն
 գլխաւորս անուանին 'ի նոցանէ:

դաշտին Սինճարայ ընդ Պարսս . զգորա-
վար նոցին զԳարախան սպանին , և զբա-
նակն ամենայն խորտակեալ ցրուէցին ,
և ապա յարձակեալ առին զամենայն
զերևելի երևելի քաղաքս միջագետաց ,
զԵդեսիա , զՄծբին , զՄուսուլ , զՏա-
րա , զՄուֆարղին , որ է Նփրկերա , և
զՀլւանիքէյֆ : Յետ այնորիկ եկն յար-
քայէ պատուէր հրամանի առ Խորխ
բարեկարգել զաշխարհն ըստ իւրումն
զգօնութեան , և ընդ հրամանին հասին
ևս պարգևք քսան և հինգ հազար ոս-
կւոյ , հինգհարիւր պատմութեանաց , և
եօթնևտասն դրօշուց՝ առ ՚ի բաշխելոյ
յիշխանս Քրդաց : Եւ Խորխ յիննևտա-
սին դաւառաց աշխարհին միջագետաց
զմեռասանն և եթ յաւել ՚ի նահանգս
օսմանեան պետութեան . իսկ զամուրս
լեռնական վայրացն եթող ՚ի մէն մի
պէսս Քրդաց ազատս :

Սէլիմ արքայ որ անյագ ըղձիւք նորա
նոր յալթանակաց անցուցեալ էր զա-
ւուրս ձմերայնոյն յԱզրիանուպօլիս ,
ապա յամին 1516 արձակեաց ՚ի Աոս-
տանդնուպօլսոյ զվէղիրն մեծ Սինան
փաշա քառասուն հազար արամիք ՚ի
Աեսարիս : Սինան Ազդարար արքայի՝
եթէ սուլդանն Եգիպտացւոյ միաբա-
նեալ ընդ շահ Խամայէլի պատրաստի յար-
ձակել յերկիր տերութե՛ն Օսմանեանց .
և Սէլիմ արքայ ասեան խորհրդոյկար-
գեալ՝ հաստատեաց զիմել ՚ի վերայ

Եղիապատացւոյն և առնուլ մինչև զՄէքքէ
 և զՄէօփինէ : Զի՛ի սոյն յորդորեցին զնա
 ոչ միայն ատենակալք իւր , այլ և հա
 զարասպետ արքունեացն . որ ասէր՝ Եթէ
 չորեքին աշակերտք մարդարէին իւ
 րեանց երևեալ նմա յերազիւսպատուի
 րեալ էին դիմել յառումն նուիրական
 ակզեացն այնոցիկ : Այլ կամեցեալ
 նախ ընուլ զօրէնս պատերազմին , ար
 ձակեաց արքայ առ սուլդանն հրեշտա
 կութեամբ զԳարաճա փաշա , և զեւրո
 պեան գատաւորն զօրաց զԶէյրէքղա
 տէ Մէվլանա Բուդնէտտին . և ինքն ևս
 յամսեանն յունիսի անց գնաց ՚ի Կոս
 տանդնուպօլսոյ յԻւսկիւտար , կար
 դեալ ակսուչ Ադրիանուպօլսոյ զորդին
 իւր զՍիւլէյման , Կոստանդնուպօլսոյ
 զՖիրի փաշա , և Պրուսայի զհերսէկ Ահ
 մէա փաշա :

Սուլդանն Եղիապոտսի Գանսու Ղաւ
 րի յառուրան յայնոսիկ հասեալ էր
 յիսուն հազարաւ արանց մինչև ՚ի Բե
 բիա , որ է հալէպ : Անդ պատահե
 ցին նմա դեսպանքն Սէլիմայ . այլ նա
 անարդեաց զնոսին և արկ ՚ի բանա . բայց
 ՚ի լսել անդ զգալուստ Սէլիմայ մինչև
 յԱկոնիոն , ոչ միայն արձակեաց զնոսին
 մեծաւ պատուով , այլ և յաւել առա
 բել առ նա դեսպան զՄողոլզայ զմի ՚ի
 զօրավարաց իւրոց բազմութեամբ պաշ
 տօնելոց՝ որպէս թէ ՚ի հնարս հաշտու
 թեան ընդ արքային Պարսկոց Իսմայէլի :

Իբրև ետևս Սէլիմ արքայ զդեսպանն վառեալ 'ի դէն և 'ի զարդ առաջի իւր, 'ի սրամտութիւն բարկութեան բրդեցաւ և սակ. «Եւ զիսորդ . մի թէ չկարաց գտանել Ղաւրի օրէնսգէտ զոմն՝ զի զնա գեսպան ինձ առաքեսցէ?» և անդէն հրամայեաց հարկանել զկառապին նորա և զարանցն որ ընդ նմա : Իբրև գլխատեցան տասնէքին ընկերք գեսպանին, Եօնուսպէյ իշխանն Ննթապայ, որայն ինչ գեռ ևս վտարանջեալ յԵգիպտացոց՝ և առ Սէլիմ անցեալ էր, անկառ առոտս արքայի և խնդրեաց շնորհել գեսպանին զկեանսն . և Սէլիմ շատ գրեաց գերծուլզհերս և զմորուս Մողոլպային, և գնել 'ի գլուխ նորին գլխանոց գիշերոյ, և հեծուցեալ զնա յէշ կաղ և կողալէր և թիկնախիլ՝ առաքեաց առ Ղաւրի :

Եւ ընդգէմ Սէլիմայ Գանսու Ղաւրի, և հասեալ 'ի Գամասկոս՝ սպանանդ զԵօնուս պէյ զեկեալն անդրէն առ նա կեղծ հաւատարմութեամբ : Յետ այնորիկ հասեալ բանակացն երկոցուն առ միմեանս յամսեանն օգոստոսի ճակատեցան 'ի Տապրդ գաշտի մերձ 'ի Բերիա ահեղ պատրաստութեամբ . այլ ոչ ըստ պատրաստութեանն վճարեցան և իրք պատերազմին : Քանզի զօրք Եգիպտացոյն երկպառակ գոլով յիւրեանս՝ անդէն 'ի սկզբան մարտին թիկնադարձոց եղեալք 'ի փախուստ աճապարկցին . և ինքն Ղաւրի սուլդան

ծերուսի ութմնամեայ՝ ՚ի փախչել իւրում անկեալ յերկաթէն, կամ թէ սպանեալ յիւրոցն՝ մեռաւ :

Մինչդեռ զօրավարք Օսմանեանց հալածականս տանելին դեռ ևս զԵդիստացիս, եմուտ Սէլիմ ՚ի խորան սուլդանին և եդիս դանձս անբաւս . և առաքեաց արս ՚ի խնդիր գիական նորս : Յայնժամ մի ոմն յաւագաց հատեալ զգլուխն Ղաւրեայ եբեր առ արքայ, և նորս սրամտեալ ՚ի վերայ առնն՝ կամէր զնա ինքն գլխատել . այլ ՚ի բարեխօսել վէզերաց՝ շատ համարեցաւ ընկեցիկ և եթ առնել զնա ՚ի պաշտամանէն :

Մեծաւ փառօք արար ապա Սէլիմ զմուտ իւր ՚ի Բերիս, և եդիս անդէն ճոխութիւն բաղում յոյժ : Վարդեաց ՚ի նմա քաղաքատեա զԳարաճա փաշա, և դատաւոր զՉէօլմէքճի զատէ Բէմալ չէլէօլի : Անդ ՚ի մեծի մզկէթին մինչդեռ կատարէր Սէլիմ արքայ զաղօթս ուրբաթուն, քարոզն ՚ի կարգալ իւրում զմաղթանան խուդակ անուանեալս իբրև յիշատակ արար անուանն Սէլիմայ, յաւել կոչել զնա Պաշտօնեայ սրբոց քաղաքացն երկոցուն՝ Մէքքէի և Մէսինէի, և զայս անուն պատուոյ սուլդանք Ադիպտացւոց անձանց իւրեանց սաճեալ էին ցայնժամ : Սէլիմ արքայ այնչափ հաճեցաւ ընդ բանն, զի անդէն մերկացաւ յանձնէ, զիւր իսկ զոսկէհունն վերարկուն և զգեցոյց քարոզին :

Ընդ Բերիոյ անկան 'ի ձեռս Օսմա
 նեանց և այլ քաղաքք շուրջանակի,
 և Սէլիմ խաղացեալ անախ 'ի Համա, և
 'ի Հէմա՝ որ է նախնին Եմեսա, միուսն
 կուսակալ կարգեաց զԳասրմ փաշա, և
 միւսում զԻհթիման օղլու: Եւ յառաջ
 ևս վարեալ զընթացս արշաւանին՝ յամ
 սեանն հոկտեմբերի եմուտ հանդիսիս
 և 'ի Գամասկոս, ուստի փախուցեալ
 էին նախարարք Եգիպտացւոց յԵգիպ-
 տոս յընտրութիւն նորոյ թագաւորի:

Անդ կացեալ արքայի ամիսս չորս,
 բաշխեաց զտեսչութիւնս Երկրին Ասոր-
 ւոց, Լիբանանու, Երուսաղեմի, Տրա-
 պօլսոյ և այլոց քաղաքաց և դաւառաց
 յիշխանս իւր, և յայց ել ամենայն ե-
 րևելի տեղեաց քաղաքին մեծի, և շիր-
 մաց աւագ արանց իմասանոց՝ որ ուխ-
 տասուղիք են ամենայն մահմէտակա-
 նաց: Գնաց Երկկիցս և առ անուանի ծե-
 լուանին Մէհմէմէտ Պէտախշանի, որ ան-
 ընչութեամբն և լռութեամբ համբաւ
 մեծ ունէր 'ի քաղաքին. և նա հաղի-
 լու ծեալ զլռութիւնն՝ խրատս պիտանիս
 խօսեցաւ արքայի, ասէ. «Եւ թագաւորք
 հանգոյն միանձանցս ծառայք ապիկարք
 են Աստուծոյ, բայց միայն ծանրաբեռն
 իշխանութեամբն առաւելուն քան ըզ-
 մեզ: Դիւրագոյն է ապաքէն որոց թե-
 թեաբեռնիքն են ճողոպրել զանձինս 'ի
 կործանմանէ, սակայն պարտք են թա-
 գաւորաց տանել զբեռն որ եղաւ 'ի վե-

բայ նոցա ։ Ապա օրհնեաց զԹագա-
ւորն և արձակեաց ։

Իսկ Սէլիմ արքայ պատրաստեալ ՚ի
հասանել անցանել զահագին անա-
պատն որ ընդ Ասորեստան և ընդ Եգիպ-
տոս, վարձեցաւ ուղտս բազումս ՚ի բառ-
նալ զԶուր և եթ ՚ի տիկս տիկս ։ Յետ այ-
նորիկ գետականս առաքեալ առ նոր
Թագաւորն Եգիպտոսի (Իսմանուպայ)
խոստանայր նմա զհաշտութիւն՝ եթէ
կամեսցի նա հպատակել Օսմանեանց,
և զի յանուն Սէլիմայ քարոզն կարգա-
ցի ՚ի մզկիթս, և գրամբ հաստանիցին ։
Դուսմանուպայ արժանաւոր մեծարանօք
ընկալաւ զգետականն . այլ իբրև նոցա
ելեալ գնային անտի, եւ ընդ առաջ
նոցա Ալանուպայ խնամակալ որդւոյ
Գանսու Աւարոյն, որ սակս անջորն լի
նելոյ և գեռահասակ՝ չէր անցեալ յա-
թոս հօրն իւրոյ . և ՚ի բարկութիւն սրբա-
մտութեան բորբոքեալ՝ եհաս զգլուխս
գետականացն, որով և հրատարակեցաւ
պատերազմն անդառնալի ։

Ճանաչելով Ղազալի զօրավարն Ե-
գիպտացւոց տան հազար արամբք բա-
խեալ ընդ զօրս Սինան փաշային, խոր-
տակեցաւ ՚ի նմանէ, և ինքն զերծաւ
՚ի փախուտս ։ Իսկ Սէլիմ յայց եւ յԱրու-
սաղէմ, և անտի ՚ի Քերբոն, և ապա
մինչգեռ գիմեալ գնայր յԵգիպտոս,
զճանապարհայն հանգիպեալ յաղթա-
կանին Սինանայ, պատուեաց զնա պար-

գևօք : Բաշխեաց դրամն 'ի զօրականն ,
 և հրամայեաց նոցա արշաւել յԵգիպ-
 տոս : Հիւսամ կամ Հիւսէյին վաշա
 իշխեալ առաջի առնել արքայի զաւ-
 լորդն լինել բաշխոյից, ևս և զգժուարու-
 թիւն ճանապարհի անապատին , զար-
 թոյց 'ի վերայ իւր զցասուսն արքայի-
 ղի հրամայեաց նա հատանել նախ զճ-
 պաւանդակս վրանի նորուն , և ապա
 գլխատել ևս զնա :

Յեա այնորիկ հատեալ Օսմանեանց
 զուղին մեծ ամսօրեայ ժամանակաւ՝ հա-
 սին 'ի սահմանս Եգիպտոսի մերձ յա-
 ւանն Տիտանիէ : Դուսմանապայ ըստ
 խրատուց զօրավարին իւրոյ Ղազարեայ
 ընդաւաղեալ էր անդանօր զհրազէնն
 իւր . բայց նա ինքն Ղազարի ոչ միայն
 զայս, այլ և զամենայն հնարս և զգարանս
 Դուսմանապային զգացուցանէր Սէլիմայ
 'ի ձեռն խորհրդակցին իւրոյ Խայրէ-
 պայի՝ որ վաղ ուրեմն 'ի բանակին Օս-
 մանեանց կայր : Սմին իրի և Սէլիմ ար-
 քայ փոխեաց զընթացս ճանապարհին ,
 և ընդ այլ եկն ել ընդ առաջ բանակին
 Եգիպտացւոց, և ճակատեցաւ անդէն 'ի
 սրատերազմ : Ծանեաւ Դուսմանապայ
 զգաւածանութիւն Ղազարեայ . այլ
 անադան էր ժամն 'ի վրէժխնդրութիւն :

Ընդ լինել նշանի յարձակմանն ,
 դունդ մի սպառազէն հեծելոց հատաւ
 'ի թշնամեաց, որոց գլուխք էին Դու-
 սմանապայ, Ալանապայ և Քիւրտապայ, և երե-

քին սոքա ուշ 'ի կուրծս արարեալ էին
'ի նոյն ինքն 'ի Սէլիմ արքայ ուղղել
զգիմեցումնն: Այլ վելպեցան 'ի գիտո-
ղութեան անդ, և զվէզիրն մեծ զՍինան
փաշա համարեալ թէ արքայն իցէ 'ի
միջի կալով երկուց զօրավարաց, յար-
ձակեցան վարազարար, և միսեցին իւրա-
քանչիւր զտէգս նիզակացն 'ի սիրտս ընդ-
գիմակցացիւրեանց. Գումանալայ սպան
զՍինան, և այլք զերկոսին զնիզակա-
կիցս նորա: Սակայն արիութիւն նոցա
ոչ ինչ ոչ տղգեաց, և Եգիպտացիք 'ի
սպառ խորտակեալ անկան 'ի տեղոջն
քան և հինգ հազարք արանց:

Սէլիմ արքայ հարեալ զբանակ իւր
հանդէպ Եգիպտոսի 'ի կզգին անուա-
նեալ Վիւսթանիէ, կարգեաց փոխա-
նակ Սինանայ վէզիր մեծ զԵօնուս փաշա
և արձակեաց զնա և զայլս ոմանս 'ի զօրա-
վարաց, առնուլ զԵգիպտոս, և նոքա
զինի աւուրց ութից կալան սպատերազ-
մաւ զքաղաքն յամի 1517:

Եւ Սէլիմ խորհրդով Խայրէսլային
քարոզ կարդալ ընդ քաղաքն, եթէ ան-
յիշաչար լինի արքայ ամենայն իշխա-
նացն Եգիպտոսի, և ոգիք ութհարիւր
յազնուականացանսի Սէմլուք անուա-
նելոց անձնատուր եղեալք՝ գլխատե-
ցան հրատարակաւ: Ապա սկիզբն եղև

1 Մէմլուք + իմ Մէմալիքդ անուան յարա-
բացի Բարբառ Գեբի Լի. + անդի 'ի վարել

հանրական կոտորածին, և լցան փողոցք
'ի դիականոց քաղաքացւոցն կոտորելոց
իրբու յիսուն հազարաց :

Արիագոյնն յիշխանաւորս Եղիա-
տացւոց Քիւրտապայ զերծեալ 'ի կոտո-
րածէ, անախ և 'ի տան ուրեք 'ի թաքրս-
ախ կայր յԵղիապոս : Չայն իբրև գի-
տաց արքայ՝ առաքեաց առ նա կուրան
մի և սրամուճան . զմին իբրու նշանակ
երգմանն հաստատութեան՝ չմեղանչել
կենաց նորին, և զմիւսն որպէս 'ի ցոյց
խնամոց իւրոց առ նա և գթութեան :
Քիւրտապայ աներկմիա վստահութեամբ
եւ եկաց առաջի Սէլիմայ, և նա 'ի դա-
հոյս իւրում բազմեալ գողով ասէ ցնա-
ւոյն ապաքէն դու իցես գլուխ ընտիր

քանել ճինի շխանին զբազումս 'ի բնակչոցն
Կովասոս՝ ճանաչանդ յԵփեղացոոց՝ 'ի վեր-
նափասառս Ասիոյ, 'Նեճմեփփին սոսլլամն
Եփեղացոոց փնոց էառ 'ինոցանէ արս աւել-
լի քան զերկոփասան հազար : Ապա յառորս
յաջորդին 'Նեճմեփփիայ հզօրացան սոս-
այնլափ, մնլև ոչ միայն ազափօրէն յն-
նամուխ էղէն 'ի պափերազմական իրս և 'ի
քաղաքականս, այլև սպանին զԳոսրան շահ
յամին 125/4, և իարգեցին փոխանակ նորս
սոսլլամն զի սին 'ի միջոց իարեանոց . և եկաց
քնոց Բափասորսնիան Եփեղացոոց 'ի յնաս-
սոցս զամս երկերիւր և վախսան և երի-
մնլև յառորս արտային Սէլիմայ, որ եհարլ
'ի սպառ զբերսնիան նոցա :

հեծեւոց . և ո՛ւր է արդ զօրութիւն քո? :
 - « Յիս կայ », մտէ Քիւրտայայ խրոխ-
 տաբար և 'ի կարծոյ : « Եւ գիտիցէս ,
 ասէ արքայ , զոր ինչ անցուցերն ընդ զօրս
 իմ » : Ասէ նա . « Կարի իսկ քաջ » :
 Եւ իբրև հարցաւ երրորդ անգամ և թէ
 զիարդ իշխեցեր յարձակել ընդ Դու-
 մանային կարծեօք 'ի նա ինքն արքայ ,
 եբայ զբերան իւր և սկսաւ սանձացու-
 ցանել զքաջութիւնս Մէմլուքացն , և
 արհամարհել զզօրութիւն հրազինուց .
 և 'ի կարգի բանիցն ասէ . « Յաւուրս
 Էջրիզ Գանսու սուլդանին մաւրիտա-
 նացի ոմն ամ նախ առաջին 'ի Վէնետ-
 կոյ յԵգիպտոս զուամբա . այլ թագա-
 ւորն և իշխանք իւր մերժեցին զայն բացէ
 'ի բաց որպէս անարժան վարուց և քա-
 ջութեան Արաբացւոց և մարդարէին
 մերոյ , որ զսուսեր և զաղեղն և եթ ա-
 ւանդեաց մեզ 'ի տեղի զինուց : Ուղիղ
 ասաց ապա յայնժամ Մաւրիտանացին
 այն՝ եթէ ումբօքս այսոքիւք կործանեա-
 ցի սկետութիւնս այս , և որք կեցցենն՝
 տեսցեն . զի աւասիկ եկն ել բան նորա .
 այլ չիք ինչ անհնարին առաջի մեծին
 Աստուծոյ » : Զայս և զայսպիսիս բա-
 զումն բարբառեալ առ Սէլիմ՝ դարձոյց
 ապա զբանն առ մատնտուն Խայրէ-
 սայ , որ անդ մերձ էր , և կշտամբեաց
 զնա սաստկապէս . ապա յորդոր եղև
 Սէլիմայ գլխատել զայրն դաւաճան :
 Յայնժամ 'ի ցատումն բարկութեան

վառեալ արքայի ասէ ց՝ Քիւրտապայ . «Ես
կամէի ոչ միայն ազատութիւն շնորհել
քեզ, այլ և 'ի բարձ աւագութեան ամ
բառնալ-բայց դու կարի՛համարձակեցար
լեզուադ, և բնաւ իսկ մոռացար թէ
ոյր առաջինցեալ կաս» : Ասէ Քիւրտ
ապայ . «Մի արասցէ ինձ Ատուած ընդ
քոյսդ դասաւորել» : Ոչ ևս այլ հան
դարտեաց Սէլիմ արքայ բոցոյ սըրտ
մտութեանն, և կոչեաց դահիճս . և
հարիւր և յիսուն սուսերք մերկացան
անդէն 'ի սպատենից : Իսկ Քիւրտապայ
զյետին բանս իւր ուղղեալ առ Խայրէ
պայ՝ ասէ . «Առջիւր զարիւնուտ զգլու
խրս իմ և դիր 'ի ծոց քո, այ անօրէն
դաւաճան, և կաց մնա վրէժխնդրու
թեան առ 'ի յԱտուծոյ» :

Դումանապայ մեկնեալ իւրովք նա
խարարօք յարևելեան օփունս՛ն կողոփ,
փորձ փորձեաց միւսանդամ յարձա
կել յանկարծակի 'ի վերայ Սէլիմայ, և
յաջողեաց նմա վանել զդունդն Օս
մանեանց արձակելոց ընդդէմ նորա :
Յայնժամ Սէլիմ 'ի յորդորելոյ իւրոցն
վէղիրաց դեսպանս առաքեալ առ Դու
մանապայ՝ խոստանայր դարձեալ զհաշ
տութիւն, և թէ յանձին ունիցի նա ըզ
պայմանն . այլ զօրականք նորին կոտո
րեցին զդեսպանն, և Սէլիմ յիւրմէ
կողմանէ հրամայեաց ընդ սուր անցու
ցանել վաթսուն և չորս նախարարս, և
կրրու չորեքհազար զերիս և զխալապիս :

Խաղաց ասպա մեծաւ բարկու թեամբ
 'ի վերայ Գուամանային 'ի Տէհչուր, յա
 ռաջագոյն առաքեալ անդր զմատնիչսն
 զՂազալի և զԽայրէպայ, որք մարտ է
 գեալ կռուեցան ընդ Եգիպտացիս . և
 Ղազալի յայլակերպս եղեալ՝ ձայն ետ
 նմին իսկ Գուամանային ելանել ընդ
 իւր 'ի մենամարտութիւն : Յարձակեցաւ
 քաջն Գուամանայ, զգեանեաց զՂա
 զալի . և այն ինչ միսէր զնիզակն 'ի լանջս
 նորա, գոչեաց մատնիչն . « Խնայեա՛ յիս
 առ սէր մարդարէին » . և Գուամանայ
 ձգեաց եհան զնիզակն 'ի լանջացն և
 եթող զնա փախչել :

Սահայն և ինքն Գուամանայ պարտա
 սեալ յանօգուտ մաքառմանց անտի, և
 տեսեալ զգալուստն Սէլիմայ անձամբ
 'ի վերայ իւր, փախեաւ առ Հասան
 Մէրի ոմն, որերախտաւորեալ երբեմն
 'ի նմանէ կենօք չափ՝ շնորհապարտ էր
 նմա . և Մէրի թագոյց զնա յայրի ուրեք
 հանդերձ նախարարօք ոմամբք : Այլ
 իբրև հասին անդր Այաս աղա ենիչէ
 րեաց, և Խայրէպայ և Ղազալի, նա
 խարարք Գուամանային խոյս ետուն
 յայրէ անտի, և Մէրի մատնտու եղև իւ
 րում բարերարին : Եմուտ Այաս յայր
 անդր, և մերձեցեալ առ Գուամանայ
 մեծաւ սատկառանօք՝ աղաչեաց զնա
 զնել ձեռս 'ի ձեռս, և կապեալ զձեռսն
 հեծոյց զնա յերիվար, և շուրջ սա
 տեալ յենիչէրեաց 'ի ձայն թմբկաց և

հրազինուց տարաւ առ Սէլիմ, որ 'ի տե-
 ասնել զնա՝ փառս եւս Աստուծոյ և
 ասէ . «Այժմ գիտացի եթէ առաւ Ե-
 դիպտոս» : Ընկալաւ զողջոյն Գուամն,
 պային, բազմեցոյց զնա առ իւր, և զառա-
 ջինն անբարբառ եկաց առ վայր մի զար-
 մացեալ ընդ արիական կերպարանս թա-
 գաւորին, որ հանդերձ այնչափ հանձա-
 րովն և ուժով 'ի դերութի մատնեալ կայր :
 Յանդիմանեաց ապա նմա զկոտորած
 դէսպանացն, և զոչն յանձն առնուլ ըզ-
 պայմանս հաշտութե : Իսկ Գուամնպայ
 անզգամութե ոմանց 'ի նախարարաց իւ-
 րոց գրեալ զվնասն, յաւել և ասէ . «Իմ
 պարտք էին պաշտպան կալ ըստ իմում
 կարի աշխարհիս աւանդելոյ ինձ յԱս-
 տուծոյ, այլ դու արքայդ հոռոմոց, զոր
 պատասխանի տացես Աստուծոյ սակս
 անիրաւ արշաւանիդ» : Չարմացաւ Սէ-
 լիմ արքայ ընդ ազատական պատաս-
 խանին, և ապա ասէ . «Ոչ յանպատճա-
 ռըս ինչ միտեցայ ես 'ի պատերազմս այս,
 այլ վճռով գիանականացն դասու .
 քանզի Ղաւրի սուլդան անիրաւեալ էր
 առ իշխանն Չիւլգատրայ, և ձեռննորա
 էր ընդ Պարսից թագաւորին . հանդերձ
 այսու չէ և չէ արժան խաժամութ
 դերեաց, որպիսիք ոմանք Մէմլուքքդ
 են, զթագաւորութեան ժառանգել
 զփառս» : - «Արքայդ հոռոմոց, ասէ
 Գուամնպայ, անպարտ ես դու 'ի կոր-
 ծանմանէ սէտութեանս մերոյ . այլ

փաստապարտ նորա են՝ որ զտէրս իւրեանց
 դաւաճանութեամբ մասնեցին : Եւ
 զայս ասէր ակնարկելով ՚ի Խայրէ-
 պայ և ՚ի Ղազարի որ ՚ի տեղւոջ անդ
 էին : Յայնժամ ասէ արքայ ցժողովա-
 կանան . « Չէ արժան առն այսպիսում
 քաջի և խոհականի ՚ի կորուստ գնալ .
 ՚ի սրահ զգուշութեան կալցի պատուով
 զաւուրս ինչ և եթ առ Այասայ մինչև
 խաղաղեսցի աշխարհս » :

Չերբակալ եղև յետ աւուրց և Շա-
 տիպայ սպարապետ Եգիպտացւոց , որ
 բաղում արութիւնս ցուցեալ էր ընդ-
 գէմ Օսմանեանց . և Սէլիմ ունէր ՚ի
 մախ՝ զերկոսին ևս խաղացուցանել ՚ի
 Աստանդնուպօլիս : Այլ յորդորեալ
 անգաղար ՚ի Ղազարեայ կորուսանել
 զարան , իբրև լուաւ և զաղաղակ Աբաբա-
 ցւոց զբանակաւն յաւուր միում՝ եթէ
 « Օգնեսցէ Աստուած Գումանպայ սուլ-
 զանին » , հրաման ետ կախել զԳուման-
 պայ և զՇատիպայ ՚ի գուռն քաղաքին .
 և սպա զգիական Գումանպային ետ ՚ի
 թաղումն մեծաշուք յուղարկաւ որու-
 թեամբ :

Ասցեալ յԵգիպտոս ամսօրեայ ա-
 ւուրբք ՚ի զնին երևելի տեղեաց քաղա-
 քին , անց գնաց Սէլիմ արքայ յամսեա-
 նին մայլախ յԱզեքսանդրիս , ուր հա-
 սեալ էր ընդ ծով Փիլի փաշա հան-
 դերձ նաւատորմաւն . և դարձ արա-
 բեալ յԵգիպտոս՝ կարգեաց տեսուչ

քաղաքին փոխանակ Եօնուս փաշային
ղխայրէպայ :

Զօրավարք զօրացն Օսմանեանց ձանձրացեալ 'ի պանդխտանալոյ այլ ևս յօտար երկրին՝ աղաչէին զՔէմալփաշաղատէ զգառաւորն ասիացի զօրաց՝ հաւանեցուցանել զարքայ 'ի չու դարձի առնել : Յաւուր միում մինչդեռ ձիավարէր նա ընդ արքայի զբօսանաց աղագաւ , ասէ ցնա Սէլիմ . « Զինչ բանք իցեն 'ի բերան ամբոխին » : Եւ նա ասէ . « Արդ իսկ լուայ , տէր իմ , զի զօրահանք ոմանք յափն Նեղոսի երգս ինչ երգէին ըղձականս 'ի դառնալ 'ի հայրենիան իւրեանց » : Սէլիմ արքայ առ ժամն խոստացաւ երագել զդարձն , և հրաման ևս արար պատրաստութեան 'ի չուն . սակայն յայլում աւուր եհարց զնա դարձեալ և ասէ . « Գիտիցես արդեօք եթէ էր սակս ուսուցիչն քո մուլա Նուրֆի 'ի մահ դատապարտեցաւ » : Ասէ դատաւորն . « Քանզի բաղում թշնամիս անձին իւրոյ ստացեալ ունէր յաղագս անժամ կատակարանութեանց իւրոց » : « Մի արդեօք և քո առ 'ի նմանէ ուսեալ իցէ կեղծել զճշմարտութիւն » : Պատասխանի ետ դատաւորն . « Աղոս ևս անկեալ է այն յուշոյ մտաց իմոց . և կատակն արդ նմա է անկ՝ որ զպաշնորհ ծառայս իւր ընդ իւր առնէ ուղեկից » : Ի վերայ էած թագաւորն ժպտելով . « Եւ արդ ո՞չ ասպքէն կեղ

ճիշդ էին քո և ինքնահնար դիւտ և զոր
դունլուեալ ասէիր զերգս զօրականին: Խոտտովան եղև դատաւորն զճշմարիտե-
և Սէլիմ փոխանակ գլխատելոյ ետ նմա
'ի պօրգև ոսկիա հինգհարիւր:

Յետ այնորիկ Սէլիմ արքայ ընկալաւ
յառաջնորդէ Մէքքէի, որում անուն
էր Շէրիֆ Մէհէմէտ Էպիւլ Պէրէ
քեաթ, զփականս հռչակելոյ քաղաքին
արծաթի սկսեղբ. որով և հաստատե-
ցաւ արքայն Օսմանեանց յամիրապե-
տութեանն պատուի՝ զոր առմամբն Ե-
ղիպտոսի ժառանգեալ էր: Նմին իրի
կրկին յաւելեալ յընծայան զոր հարքն
իւր առաքէին ամի ամի 'ի Մէքքէ և 'ի
Մէափնէ, հաստատեաց և զհանդէս ա-
ռաքման ընծայիցն՝ զորս սովոր էին թա-
ղաւորք Եղիպտացոց բառնալ հռչա-
կաւ յուրս մի, և կոչէր ուղան այն Ա-
րաբացոց բարբառովն Մըհմէլ:

1 Թեղեք և ըսք օրինաց շէնին նոցա
պարս է ամբապէսին իմ իսալիֆային լինել
'ի սերնդոց մոյ ուրուս 'ի յաջորդացն Մահ-
մէտի, սակայն ըսք օրինագիտաց նոցին ասելոյ,
այն իրասուանք յառման անդ Եգիպտոսի օրի-
նասորապէս անցին 'ի Սէլիմ արքայ և 'ի յա-
ջորդս նորս: Քանզի և ամբապէսն Մե-
հմէմէք յ.Բ, ճականուանեալն Էպիւ-Ճաֆէր,
ինքնակամ հրաթելոց իսլաւ յիշխանութենէ
իւրիւ և ասանդեաց զնոյն 'ի Սէլիմ արքայ-
և ինքն երթեալ 'ի Կոստանդնուպօլիս՝ անդ
մեռաւ յամին 1538:

Յամսեանն սեպտեմբերի դարձ արար Սէլիմ արքայ ՂԱսորիս, անբաւ գաննս ոսկւոյ և արծաթոյ բարձեալ յուլոս հազար, և բազմութիւն արուեստաւորաց խաղացուցեալ ՚ի Կոստանդնուպօլիս :

Իբրև էանց ընդ անապատն և եհաս ՚ի սահմանս երկրին Ասորւոց, ասէ ցեօնուս փաշա ցվէզիրն մեծ՝ որ առնթեր նմին ձիավարէր. «Այսպէս ուրեմն ՚ի թիկանց մերոց ունիմք զԵգիպտոս» : Ոչ ևս ժուժեալ Եօնուսայ սլատրուակել զդժկամակն լինել անձին իւրոյ ընդ այն արշաւանս թաղաւորին, ասէ. «Եւ զինչ շահ յայնչափ վշտաց և ՚ի վտանգաց, բայց կորուստ կիսոյ մասին զօրացս յանապատի և ՚ի տեղոջ ճակատու, և աւանդումն Եգիպտոսի ՚ի ձեռս արանց դաւաճանաց» : Սէլիմ բորբոքեալ ՚ի ցասումն բարկութեան իսկոյն հրամայեաց թիկնապահին հարկանել զկառափն Եօնուսայ. որ և անդէն թաղեցաւ, և Սէլիմ անուանեաց ՚ի տեղի նորա վէզիր մեծ զՓիրի փաշա, որ տեղապահ էր յայնժամ Կոստանդնուպօլսոյ :

Ժամանեալ ՚ի Դամասկոս՝ կարգս և օրէնս հարկաց սահմանեաց արքայ երկրին Ասորւոց. հրաման ետ երկից ոմանց յաւագորերոյն աշխարհագիր առնել ընդ երկիրն. և ընդ դեսպանացն՝ վէնեակեցւոց, որ յԵգիպտոս եկեալ էին

առ նա, նորողեաց զդաշինան, և սահմանեաց ևս, զի յայնմհետէ նմա հատուցեն զութ հազար ոսկիան զոր հատուցանէին կանխաւ սուղթանին Եդիպատոսի վասն կղզւոյն Ախարոսի: Նորողեցան և դաշինք գուլ առնելոյ զինուց ընդ Մաճառս զամ մի ևս. և շահն Պարսից առաքմամբ ընծայից խնդակցէր Սէլիմայ ընդ պերճ աշխարհակալութիւնան:

Ապա յանձն արար զտեսչութիւն Գամասկոսի 'ի ձեռս Ղազարեաց, և չուեաց անտի 'ի Բերիա: Անդանօր կացեալ ամիսս երկուս, նոյնչափ ժամանակ ծախեաց և 'ի ժամանեւ 'ի Աստանդնուպօլիս. և յետ աւուրց ինչ գնացեալ յԱդրիանուպօլիս՝ արձակեաց անտի զորդին իւր զՍիւլէյման բազում պարդեօք յերկիր իշխանութեան նորա 'ի Սարուխան:

Ի նմին ամի կարողեաց խան Խրիմու զՄէհէմէտ քերէյ զորդի Մէնկլի քերէյին, որ 'ի չորից ամաց հետէ մեռեալ էր զինի քառասուն և եօթն ամաց իշխանութեան. և 'ի միւսումն յերկարաձգեաց զզինադարումն ընդ Մաճառս ընդ ամ մի ևս: Քանզի զօրք Օսմանեանց 'ի հերուն հետէ պատաղեալ էին 'ի ցածուցանել զաղմուկ ապստամբութեանն յարուցելոյ յԱսիա յումեմնէ ճէլալի անուն աղանդաւորէ, որ յանձաւի ուրեք 'ի կողմանս Եւգօկիոյ ամրացեալ իւրովք արբանեկօքն ասէր՝

Եթէ սպասեալ մնամ գալտեանն Մէհ-
տեայ, զի մերձ է կատարած աշխարհիս :
Առաքեցաւ ընդդէմ ապստամբացն այ-
նոցիկ Ֆէրհատ փաշա կողմնապետն
Եւրոպեան . այլ նախ քան զնա Շէհ-
սիւվար օղլու իշխանն Չիւլքատրայհա-
լածեաց և խորտակեաց զնոսա . և կու-
սակալք և գաւառապետք երկրին Ա-
սորուոց հատեալ զգլուխն Ճէլալեայա-
ռաքեցին յԱզրիանուպօլիս : Ստեցաւ
և համբաւն տարածեալ 'ի նոյն առերձ-
որակս թէ Մուրաս որդի Ահմետայ,
որ 'ի Պարսա մեռեալն էր , կենդանի
իցէ , և հետամուտ իցէ թագաւորու-
թեան :

Այսօրինակ անդորրացաւ 'ի կասկա-
ծանաց ոգին Սէլիմայ . այլ ճարակուսն
ժանտասխտին յԱզրիանուպօլիս՝ հար-
կեցոյց զնա գարձ առնել 'ի Բիւզան-

1 Մեհրիբի երկոփասաներորդ և վերջին ա-
միրտայեփ 'ի փոհմէն Ալեկայ յամին 873 ի-
րաստեալ իմ մեծերևոյն լեալ առի 'ի քարան-
ձասս ուրեք՝ երկոփասանամեայ փուլով հասա-
լաս : Կարծիք այս էն Օսմանեանց զամանե՝
եթէ Տօփ 'ի կափարած աշխարհի փայրե ինչէ
զազինս ամենայն 'ի Ճըմարիփ հասափս . իսկ
Պարսիկ վարկանին եթէ զեռ ևս իննդանի
իցէ Մեհրիբն այն յայրի ուրեք անծանօթ 'ի
ճարտիանէ , և զօրհանապազ ամի ունին երև-
ման նորա և իանգնելոյ զամիրտայեփս-նի-
փանն Ալեկայ :

դիտն, ուր 'ի ժամանակին յայնմիկ համարակալն Ապրիլստէլամ կառուցանէր հանդէպ արքունեացն պատշգամ հոյակասո՛ղ զարդարեալ գեղասպաճոյճ նկարուք և կենդանագրովք: Մ'ի'ի կենդանագրաց անտի զՄէհէմէտ Բ առաջի առնէր զաշխարհակալն . սակայն արքայ որ եօթնամենի ուրեմն գոչով 'ի վախճանել հաւուն՝ յիշէր տակաւին զնկարագիր կերպարանաց նորա , չհաճեցաւ ընդ կենդանագիրն : Առաւել ևս ահաճ և դժկամակ եցոյց զանձն իւր ընդ այնչափ ծախս պատշգամին և զարդուցն որ 'ի նմա . քանզի այդ իսկ է , ասէր , յուճակեսս շոտյլել զգանձն հասարակաց : Անդէն անկաւառ ոտս նորա ճարտարամիտ համարակալն և յայտ արար ցածութեամբ՝ եթէ ոչ 'ի հասարակ գանձուէն առնէ նա զծախսն , այլ յիւրոյին դրամոց : Ընդ որ ախորժեալ արքայի յոյժ յոյժ՝ զգեցոյց նմա պատմուճանս երիս մի զմիոյ կնի , և ասաց նմա ինդրել յիւրմէ զոր ինչ և կամիցի անձն նորա : Իսկ համարակալն զերկուստեղիս և եթ ինդրեաց 'ի նմանէ յեա կուսէ քաղաքին Նիկոմիդացւոց մինչև յանտառսն . և արքայ շնորհեաց նմա առանց իսկ կամելոյ գիտել զչափ տարածութեան նոցա . և տոհմն Ապրիլստէլամայ եղև մի 'ի ճոխագունիցն 'ի պետութեան Օսմանեանց : Ընդ պատշգամին շինութեան արկաւ հիմն և մեծի

մզկլթին Սէլիմայ . զոր ասպա որդի նա-
րին աւարտեաց : Սակայն Սէլիմ արքայ
'ի վեր քան զամենայն փութայր նաւա
կառուցանել . և հրաման ետ կազմել
նաւա երկերիւր և յիսուն՝ անշուշտ
ասկա արշաւելոյ 'ի հռոդոս . սակա որոյ
և զորաժողով էր յԱսիա արանց իբրու
վաթսուն հազարաց : Յահի մեծի կային
Եւրոպացիք առ հասարակ . այլ Սէլիմ
մեծաւ զգուշութեամբ թագուն պա-
հէր զխորհուրդս մտաց իւրոց :

Յաւուր միում ասէ ցաւագանին իւր .
« Դուք ինձ յորդոր լինիք գիմել յա-
ռումն հռոդոսի . այլ գիտիցէք բնաւ ե-
թէ զինչ պէտք կարևորք իցեն առ այն .
և որչափ ինչ վառօդ գտանիցի 'ի համ-
բարս » : Նորա ակնկորեալք լուռ եկեթ
կացին . և 'ի վաղիւ անդր ասեն , եթէ
վառօդն զոր ունինք՝ շատ է 'ի պաշա-
րումն չորեքամսեայ ժամանակի : Սըրտ-
մտեալ Սէլիմ գոչեաց ընդդէմ նոցա և
ասէ . « Եւ այն զինչ իցէ , ուր և կրկինն
չէ շատ . կամիք դուք ուրեմն նորոգել
'ի վերայ իմ զհարուածս զորս կրեաց
հաւն իմ Մէհէմմէտ : Ես ոչ երթամ 'ի
պատերազմ այդգունակ անմիտ հան-
դերձանօք , և ոչ յուղի անկանիմ . բայց
եթէ յանտի կեանս ուղևորիցիմ » :

Եւ ճշմարտեցան յեափն բանք նորա :
Զի մինչդեռ գնայր 'ի թագաւորեալ
քաղաքէն յԱգրիանուպօլիս՝ կիծ ցաւոյ
Յեծի անկեալ 'ի թիկնամէջ նորա ժամ

'ի ժամէ զայրացաւ, և արկ զնա 'ի մա-
հիճա'ի կողմանա Չորլու աւանին'ի գիւ-
ղըն Գարըշտըրան: Ճարակեցաւ ապա
այտուցն իբրև զքաղցկեղ ընդ մարմինն,
մինչև բժիշկք անդամ անյոյս եղէն 'ի
կենաց արքային: Առ նմա էր հաւատա-
րիմ սենեկապեան իւր հասանձան
հայր մեծի պատմագրին Սատէտափնայ,
որ առ 'ի ծածուկ ունելոյ զմահ թա-
գաւորին զամենայն հնարս հնարեալ՝
խորհուրդ և տ վէզիրաց ըստ սովորական
օրինին ժողովելառ արքայ 'ի խորհուրդ,
և ոչ ոք գիտաց զիրան մինչև 'ի գալուստ
արքայորդւոյն Սիւլէյմանայ, բայց հա-
սանձան, և վէզիրքն երեքին, և բժիշկք
չորք, և սենեկապան ոմն արքայի:

Այսպէս կնքեաց զութամեայ թա-
գաւորութիւն իւր մշտայաղթ թագա-
ւորն Եաւուզն սուլդան Սէլիմ՝ բա-
ղում ինչ և մեծամեծս գործեալ 'ի
սուղ ժամանակին, և 'ի գէս նմանե-
ցուցեալ յումեմնէ 'ի քերթողացն Օս-
մանեանց՝ արեգական 'ի մուտս կոյս
խոնարհեցելոյ, որոյ սուղ է ժամանակ,
և ստուերքն երկայնաձիգք:

Ի կարգի օրէնսդիտաց նորա անուա-
նի յոյժ էր գեհապեան Ճէմալի անուն-
ընդգէմ որոյ թէպէտ և բաղում ան-

1 'Նա ինքն է Քեմալիաշապէ Ահմէտ
էֆենտի, որ "չԲ" է շէրախան, յօրինեաց 'ի մահն
Սէլիմայ:

գամ գոչէր՝ Եթէ օրէնսդէտք մի խառնեացին 'ի գործս արքունի, այլ պատկառեալ 'ի բանիցն՝ անսայր նմա, և պատուէր ևս: Նորին Ճէմալեայ խորհրդով փրկեցան քրիստոնէայք և 'ի հանրական կոտորածէ: Քանզի Սէլիմ արքայ զկնի կոտորածի պարսկադէն աղանդաւորաց պետութեան իւրոյ կամեցեալ բնաջինջ առնել և զազգն Յունաց, և զեկեղեցիս ամենայն քրիստոնէից յաւար և 'ի յափշտակութի մասնել, եհարց ցգեն պեան Ճէմալի և ասէ. «Ո՞ր 'ի սոցանէ յերկոցուն ընդունելի ևս իցէ առաջի Աստուծոյ. զաշխարհ ամենայն ընդհարկաւ նուաճել, եթէ զազգս և զազննս 'ի հնազանդութիւն զենիս մերոյ խոնարհեցուցանել»: Ոչ գիտելով Ճէմալեայ զմիտս թագաւորին՝ ասէ. «Զիքինչ արդարեւ հաճոյ առաջի Աստուծոյ և մեծամեծ վարձուց արժանի քան ըզգարձուցանել առ նա զայլակրօնս և զանհաւատս»: Յայնժամ հրաման ետ Սէլիմ մեծի վէղերին զամենայն եկեղեցիս քրիստոնէից փոխել 'ի մզկիթս, խափանել զամենայն զաստուածային պաշտամունս, և մահու սրտա առնել առ հասարակ զքրիստոնէայս՝ որ չկամիցին ուրանալ 'ի հայրենի հաւատոցն քրիստոնէութեան:

Յապուշ կրթեալ վէղերին ընդ այն հրաման ստեղծի, աճապարեաց խորհուրդ կալաւ ընդ Ճէմալեայ, և պա-

սուրբեաց պատրիարքին Յուճայ 'ի
 ծածուկ, զի 'ի հրատարակել հրամանին
 խնդրեացէ սուղ ինչ ժամանակ առ 'ի
 կարելոյ յանդիման լինել արքայի : Եւ
 նա արար այնպէս . զի երթեալ հան-
 դերձ ամենայն ժառանգաւորօքն յԱդ-
 րիանուպօլիս՝ յանդիման եղև արքայի ,
 և յուշ արար նմա զհրովարտական Մէ-
 հէմմէտայ երկրորդի , յորում խոստա-
 ցեալ էր նա Յուճայ՝ ջիօխել երբէք
 զեկեղեցիս քրիստոնէից 'ի մզկիթս , և
 ջիսափանել զպաշտամունս նոցա և ըզ-
 հանգէս զատկին . և յաւել ևս եթէ
 ըստ կուրանին խի պատուիրելոյ՝ փո-
 խանակ ուրացութեան հաւատոց ա-
 պաքէն գլխահարկս հատուցանեն քրիս-
 տոնեայք : Եւ թէպէտ պատճէն հրո-
 վարտակին չէր 'ի միջի , զի 'ի հրայրեացս
 ուրեմն քաղաքին վանեալ էր . այլ
 երեք հինաւուրց ենիչէրիք՝ որ վաթսուն
 և հինգ ամօք յառաջագոյն ականատես
 լեալ էին առմանն Կոստանդնուպօլսոյ՝
 վկայեցին ստուգութեան իրացն , և թէ
 յայնժամ Մէհէմմէտ արքայ բանիւ ևս
 բերանոյ շնորհեալ էր քրիստոնէից զե-
 րեսին ազատութիւնն լու 'ի լու ամե-
 նեցուն :

Իրաւունս ետ Մելիմ արքայ վճուոյ
 կուրանին և խոստման հաւուն խրոյ՝ առ
 'ի ջիսափանելոյ զեկեղեցական պաշտա-
 մունս . այլ մի թէ օրէնքն մեր հրամայե-
 ցեն , ասէ , քրիստոնէից և կեղեցիս ու-

նեւ Հոյակապս . և Հրամայեաց զեկեզե-
 ցինն որ 'ի Կոստանդնուպօլիս իցեն' փո-
 խեւ 'ի մզկիթս , և կառուցանեւ փո-
 խանակ նոցին այլս փայտաշէնս :



ՍՈՒԼԴԻԱՆ ՍԻՒԼԵՅՄԱՆ Ա,

ԳԱՆՈՒՆԻ

Ի ժԱՄԵՆԱԿԻ յՈՐՈՒՄ՝ պէտք է ոյա-
կապք աշխարհակալէին յընդհանուրս,
որպէս Լևոն յաջանայապէտ ՚ի Հը-
ռովմ, Փրանկիսկոս Ա թաղաւոր ՚ի Գաղ-
ղիա, Ենրիկոս Ը արքայ յԱնգղիա,
Կարոլոս Ե կայսր ՚ի Գերմանիա, Անդ-
րէաս Կրիթթի դուքս ՚ի Վենետիկ, Վա-
սիլ Դ ՚ի Ռուսիա, Սիգիսմունդ Ա ՚ի
Լեհս, շահ Իսմայէլ ՚ի Պարսս, և շահ
Էքսէր ՚ի Հնդիկս, ամբարձաւ ՚ի գահ
՚ի մեծն Կոստանդնուպօլիս օրէնսդիւն
մեծն Սիւլէյման՝ Երկրորդ Սողամն յիւ-
րոցն կարգացեալ¹, որ և զիսոս օս-
մանեան պետութեան ՚ի ծագն հասոյց
քաղաքական պայծառութեան: Եւ էր
նա ըստ գիտակին թխադէմ, բարձրա-
ճակատ, մրայօն, ծանրաբարոյ և նո-
րաձև արտախոյրն իւր բազմամանուած՝
Եռսուֆի անուանեալ, զոր մէջէն ՚ի

1 Ի զուր է սմանց յԵւրոպացոց անուա-
նել զսա Սիւլէյման Բ, առաջին Սիւլէյ-
ման համարելով զբրդին Պայէւլիթայ առաջ-
նայ:

յօնան վայրարկեալ կրէր 'ի գլուխս՝
յաւելոյր զերկիրն և զսպասկառանս
սեռանեւեացն :

Ի դառնալ սուրհանդակին 'ի Մագ-
նեսիոյ և յազգ առնել զգալուստ ար-
քայորդւոյն Սիւլէյմանայ 'ի կոստանդ-
նուպօլիս՝ դուսարեաց վեղիքն մեծ 'ի
մի վայր զանճնապահս թագաւորին և
յայտ արար նոցա զվախճան Սէլիմայ :

1 Ընդ յուշ ժամանակս իսպիբո գլխանո-
ցաց կարեւոր իմն համարեալ էին յաչս արեւել-
ւեացո. և առ Ռաֆաւորոս-Սեւմբն Սիւլէյմա-
նայ կարգ և սահման նոցին հասարակեալ յար-
տունիս Օսմանեանոց՝ անոթոթոխելի ճառեալ
էր մեծն յմեր իսկ առաջս : Քանզի վերիբո
ագանէին երկայնայն իմն գլխարկ լայնանիսք
և 'ի վերայ ժապատեն ոսկի արկեալ առ 'ի
շէշ, և իւշեր այն Գաւլէվի : Զօրավարացն
իոյրոք իոտրիոս-Սեւմբն և էն ընդ հասք էին յար-
տունի արքայիսոսրեն՝ Սիւճէվէյէ յայնեալս :
Գիփուսիանացն դասոք Բուրսայն ագանէին իա-
կելն՝ խորասանի անուանեալ : Պահանորդոք
արտունեացն ներսինս կրէին զգիշտն ոսկեփոյն
որ իսոտի-Փ յորընըէր - արքափնս զՊարա-
Ռա իոլեղեան գլխարկի կարճագոյն վայրա-
հակ : Զօրավարոք ենիւլերեաց սաղասարքայն
իմն ագանէին իեփրաղարդ՝ Գիփէ անուա-
նեալ, և ենիւլերիս զՍաղեայն՝ որ իւլեր
Քելէ : Իսկ հասարակաց ամբոխին ագանելի
արքայիսոյն էր՝ 'ի կերպս կերպս իմն-Սեւմբն
վեր 'ի վերայ :

Եւ նորա անդէն զգեանի հարեալ զԿԸԼ
խանոցս իւրեանց՝ սկսան ՚ի ձայն բարձր
աշխարհէ զմահ արքային. և ՚ի նշան սգա-
լից տրամու թեանն կործանեցին զամե-
նայն զվրանս բանակին : Իսկ վէղերն մեծ
կնքեաց զսայլս գանձուցն արքունի .
հրաման ետ զօրավարաց զօրուն ամէլ
զգիակն Սէլիմայ ՚ի թագաւորեալ քա-
ղաքն, և ինքն ՚ի կերպարանս եղեալ
քաջընթաց սուրհանդակի՝ ամապա-
րեաց անդր ընդ առաջ նորոյ թա-
գաւորին, որ այն ինչ դեռ ևս ժամա-
նեալ էր յարքունիան :

Ի վաղիւ անդր որ օր երեսներորդ էր
ամսեանն սեպտեմբերի՝ եհաս և գիակն
Սէլիմայ ՚ի դուռն քաղաքին. և Սիւլէյ-
ման արքայ ինքնին ելեալ ընդ առաջ ՚ի
հանդերձս սգաւորս՝ ամ թաղեաց ըզ-
հայրն իւր մեծահանդէս փառօք ՚ի
բարձրաւանդակ տեղւոջն որ հանդէս
կայ Ֆէնէրի. և հրամայեաց կառուցա-
նել ՚ի վերայ նորա մզկիթ հոյակապ :

Յետ այնորիկ ըստ սրահանջանաց ե-
նիչէրեացն բաշխեաց ՚ի նոսա պարզևս
առատապէս, որպէս և ամենայն զօրա-
կանին, և յաւել ևս զուճիկս նոցա .
և բազմեալ յաթոռն արքունի՝ անդէն
ձեռն ՚ի գործ արար և յայանեաց դամ-
քան զգամ զարգարտակր և զառատա-
ձեռն բարս իւր : Արձակեաց յաղա-
տութիւն զվեցհարիւր Նդիպտացիս
խախտեալս ՚ի հայրենի երկրէն իւրեանց

առ Սէլինաւ : Պատուհասակոծ արար
 զժողակալն Ճաֆէր պէյ զայրն անադո-
 բոյն սակս անբաւ չարեացն զորս դոր-
 ծեալ էր, և ետհանել զնա՛ի կախազան:
 Մեծապէս պատուով ընկալաւ զգես-
 պանս աղգաց մօտաւորաց, և թուղ-
 թըս աւետաւորս արձակեաց շուրջա-
 նակի, ուր վաղաժաման իսկ հռչակեալ
 էր համբաւ լաւութեան նորա:

Ճանաչելովի Ղազալի որ կուսակալէր
 յԱսորիս՝ ընդ առնուլ զլուր մահուան
 Սէլինայ արքայի թօթափեաց զլուծ
 ծառայութեան Օսմանեանց, և ՚ի նոյն
 յորդորեալ և զայլ կուսակալս աշխար-
 հին՝ խաղաց՛ի Գամասկոսէ՛ի Կոստանդ-
 նուպօլիս հնգետասան հազար հեծե-
 լովք թիւբբակնաց և Արաբացւոց և ութ
 հազար հետեակ զօրու, և առեալ զՏրա-
 պօլիս և զՊէրութ՝ եկն պաշարեաց ըզ-
 Բերիս, յորում Գարաճա փաշա մե-
 ծաւ քաջութեամբ զդէմ ունէր նմա
 զամիսս երկուս, մինչև եհաս ՚ի թի-
 կունս նորին Ֆէրհատ փաշա բազմու-
 թեամբ զօրաց Ասիոյ, և մարտիւ պա-
 տերազմի վանեաց զնա մինչև անդրքան
 զԳամասկոս, և Ղազալի ՚ի փախչելիւ-
 րում ՚ի կերպարանս տէրվիչի՝ մասնե-
 ցաւ ՚ի գանձապետէն իւրմէ, և ձերբա-
 կալեալ զլիսատեցաւ: Ի լուր յաղթա-
 նակին զուարթացեալ արքայի՝ կամէր
 զկառափն Ղազալեայ առանձին հրեշ-
 տակութեամբ արձակել առ գուքսն Ալե-

նեակոյ . այլ գեազանն վենեակեցոց
հնարեցաւ խափան արկանել իրացն :
Ապա հրամայեաց արքայ Ֆէրհատայ
կազմ կալ զօրօքն ՚ի քաղաքին Աեսա-
րացոց , մինչև տեսցէ թէ յինչ վճարի-
ցի զօրաժողով արքային Պարսից շահ
Խանայէլի , յորմէ կասկածէր :

Ստուգագոյն և անհրաժեշտ հարկ ՚ի
վերայ կայր գիմել Օսմանեանց ՚ի ժա-
մուն ՚ի Մաճառս կոյս , փոխանակ զի
արքայն Մաճառաց ընդ այն աւուրս
ստանեալ էր նախատալից մահուամբ
զհարկազահանջն Օսմանեանց : Խաղաց
Սիւլէյման արքայ յամին 1521 ՚ի Մա-
ճառս հնգեաասան հազարաւ հեռեակ
զօրու , երեքհարիւր հրաղինուք և քա-
ռասուն նաւուք , և հանդէս արար զօ-
րացն ՚ի Սոֆեա , ուր եհաս և Ֆէր-
հատ փաշա երեսուն հազար ուղտուք ,
և այլ ևս կուսակալք ասիակողմանն
հանդերձ իւրեանց զօրականօք :

Ի նիշ քաղաքէ գէմ եգ Ահմէտ փաշա
կողմնակալն եւրոսլեան՝ ՚ի Սապաշ . և
գունդք հրոսակացն յերկուս առաջս
բաժանեալ ոմանք արշաւեցին ՚ի Ղրան-
սիլվանիա , և այլք յառաջընթաց լի-
նէին արքունի բանակին՝ որ գայր սա-
շարել զՍապաշ : Ահմէտ փաշա սաստ-
կապէս յարձակեալ էառ զամուրն , և
զամբականացն հարիւրոց զկառափունս
տողեաց աստի և անտի ճանապարհին՝
ընդ որ գայր մտանէր յամբոցն Սիւլէյ-

ման արքայ: Հրամայեաց նա ամրացու-
ցանել և ևս զբերդն, և կազմել ՚ի վերայ
Սաւա գետոյ կամուրջ մեծ հազար և
ութ հարիւր գրկաչափ յերկայնութի-
որ և ժրաջան փութով աւարտեցաւ
յաւուրս ինն. քանզի ինքնին արքայ
հարեալ զխորան իւր առ գետափամբն
խրախոյս կարգայր գործօնացն, և զօ-
րավարք բանակին համօրէն մական ՚ի
ձեռս ձեպէին զնոսա:

Անդ առեալ արքայի զաւետիս առնը-
լոյ վեղիբին զԶեմլին՝ անց ընդ կամուրջն
և եհաս ՚ի Պեւկրատ, զոր յամսօրեայ ժա-
մանակէ հետէ պաշարեալ էր վեղիբն
մեծ Ֆիրի փաշա: Եւ քանզի քաղաքա-
պեան Պեւկրատու փախուցեալ էր ան-
տի, գիւրառ եղև քաղաքն. և որք ՚ի միջ
նաբերդին ամրացեալ էին՝ յեա յերկար
մաքառման անձնատուր եղէն և նոքա:
Յայնժամ վարեցան ՚ի Պեւկրատէ ՚ի
կոստանդնուպօլիս բաղմուծ խնք Բուլ-
ղարաց, և բնակեալ ՚ի քաղաքին և ՚ի
Վոսպօրոն՝ զտեղի բնակութեան իւ-
րեանց կոչեցին Պեւկրատ կամ Պեւկրատ:
Իսկ յառեալ քաղաքին կարգեցաւ իշ-
խան Պալիպէյ, և սահակապանք ենի-
չէրիք երեք հազար, և քսան հազար Վա-
հայ հրամայեցաւ նորոգել զաւերածս
Պեւկրատու: Ընդ ամուր քաղաքին մե-
ծի անկան և ամրոցքն Բուլիենից, Պա-
րիճ, Միթրովիչ, Բարլովիչ, Աւլլոք,
և այլք. և Սիւլէյման դարձ արար

յաղթանակաւ 'ի Կոստանդնուպօլիս : Մինչքեռ տակաւին յուզւոջ էր՝ ընկալաւ զգոյժ մահու երկեմեան որդւոյ իւրոյ Մուրատայ . և 'ի ժամանել անդնորա 'ի քաղաքն մեռան և ուսոր մինորա և դուսոր : Այլնա վաղ միսիթարեցաւ՝ միտ եղեալ անդադար 'ի բարեկարգութիւնս և 'ի բարգաւաճանս իւրոյ աշխարհին :

Սիւլէյման արքայ զձմեռն զայն անցուցեալ 'ի կառոյցս նաւուց բազմաց՝ կազմէր սկաորաստէր առնուլ զՀոսոդոս 'ի ձեռաց ասպետաց կարդի սրբոյն Յովհաննու . որպէս զի և համարձակ լիցի նաւուցիւրոց երթեկաստնել յԱդիստոս և յԱրաբիա , և ջնջեացի կեղտ անուան նախնոյն իւրոյ Մէհեմէտայ երկրորդի, որում զայն ևեթ կղզի ճաջողեաց առնուլ : Ի նոյն և անմիաբանութիւն թագաւորացն քրիստոնէից 'ի ժամանակին, և մասնութիւնք Հոսոդացւոց ոմանց փախստէից ոչ սակաւ զնա խրախուսէին :

Սակայն ըստ սպառուիրելոյ գեներն իւրեանց՝ գրեաց նախ առ մագիստրոսն հրովարտակ , յորում ազգ առնէր տալ զքաղաքն խաղաղութեամբ , և երգնոյր ըստ սովորական օրինին 'ի աէր Աստուած , և 'ի մարգարէն իւրեանց , և 'ի հարիւր քսան և չորս հազար մարգարէս , և 'ի չորեսին երկնառաք մատեա-

նրս՝ զի թէ զիջանիցիս անձնատուր լինելու
 ոչ ինչ վտանդ հասուցից, ասէր, կենաց
 քոց: Եւ ասլա զերկրորդ վէղերն զՄու-
 դաֆա փաշա երեքհարիւր նաւուք ընդ
 ծով արձակեալ, և ինքն հարիւր հազար
 զօրօք ընդ ցամաք չու առնէր ընդ փոքրն
 Ասիա:

Ի քսաներորդի ութերորդի աւուր
 ամսեանն յուլիսի եհաս ՚ի Հռոդոս
 Սիւլէյման արքայ, և ՚ի ձայն թնդման
 հարիւրոց և աւելի ևս հրաղինուց, յո-
 ըրոց միջի երկոտասան թնդանօթք ահա
 գինք էին, հաստատեաց զոտս իւր ՚ի
 հաշակեալն այն կղզի, և զննեալ զամ-
 բութիւնս քաղաքին և զզօրութիւն իւ-
 ըրոյ բանակին՝ հրաման ետ և սաշարե-
 ցաւ Հռոդոս, և ՚ի ներքս անդ եօթնեակ
 մարտիոցայ քաղաքին և մտից նաւա-
 հանգստին պահ ունէին ութից աղցաց
 ախոյեանք, այս ինքն են Գաղղիացիք,
 Գերմանացիք, Անգղիացիք, Սպանիա-
 ցիք, Լուսիտանացիք, Իտալացիք, և այլք:

1 Ձի գոյնլափ մարգարէս հալուեն Տո-
 միիտ Նեղի անասանեալս. Բող զայլս զերեք-
 հարիւր և երեքասան մարգարէս, շոք-
 րեալս իմ Առաքեալս իռլին: Իսկ երկնառար
 մարտանս համարին զհնգամարտանն Մովսէսի,
 զսաղմոսս Դաւիթի, զստեփարանն (որ ըսք
 իւրեանց աւանդից), և զյուրանն, և իռլին
 զսոսս Մասհաֆ:

Եւ զի մի քան զապիոյսն յերկարեալի բանա, այսչափ ինչ ասասցուք, եթէ զամիսս երիս տեւաց պաշարուին. յորում ժամանակի անդադար էր գողցես բրուին հիմանց պարսպին արտաքուստ, և հակառակ վաստակ պաշարելոցն ՚ի ներքուստ: Ի բախմանէ զարհուրական թնդանօթիցն խրամատեցան պարիսպքն ուտուք ուտուք. այլ որք ընդ խրամատան ՚ի ներքս խուժէին՝ դիաթաւալ տնկանէին ՚ի հողացւոց անտի:

Ապա ՚ի քաներորդի չորրորդի աւուր ամսեանն սեպտեմբերի հրաման եղև առ հասարակ յարձակել զօրացն ՚ի վերայ քաղաքին, և քարողքն սփռեալք ընդ բանակն աղաղակէին ՚ի ձայն բարձր. «հողք և քարինք քաղաքիդ արքայի բաժինք են. արիւն և ինչք՝ յաղթական մարտկաց»: Սակայն քաղաքացիքն արք և կանայք անտարտելի քաջութեամբ մարտ եղեալ կռուեցան, և դիակուճք հնդետասան հազար զօրականաց մտելոց ընդ խրամատան ՚ի ներքս՝ լցին ընդ խրաման և զփոսս: Ցասուցեալ արքայի ընդ կոտորածն և ընդ անյաջող ելա յարձակմանն՝ արկ յիշխանութենէ զԱյաս փաշա զկողմնապետն եւրոպեան, թեպէտ և յետոյ անդրէն ՚ի նմին հաստատեաց զնա: Ահմէա փաշա կացեալ սպարապետ փոխանակ Մուսդաֆայի (որ յեղիարոսս առաքեցաւ ՚ի տեղի խայ

րէպայ պէյին մեռելոյ), յարձակեցաւ միւսանգամ ընդ տկար կողմն պարբս պացն . այլ անգրէն ընդ կրունկն վանեցաւ մեծաւ փնասու :

Իբրև ետես Սիւլէյման արքայ զկորուստ իւրոցն իբրու հարիւր հազարաց 'ի հրոյ և 'ի հիւանդութեանց, կանգնեաց դրօշ գաղարեւոյ մարտին . և նամակ տուեալ առ պաշարեալսն՝ ազդարար ասպետաց տալ զքաղաքն յերկցաւուրց միջոցի, և երթալ յո և կամօք իցեն . ապա թէ ոչ 'ի մարդոյ մինչև ցանասուն ոչ զերծցին, ասէր, 'ի սրոյ զօրաց իմոց : Ետուն պատասխանի ասպետքն՝ եթէ կարի սուղ է ժամագրութիւնդ առ 'ի խորհուրդ կոչելոյ զայլ և այլ ազգաց զգլխաւորս որ էին 'ի քաղաքին . և արքայ հրամայեաց պնդել սաստկապէս զպաշարումնս մինչև սփալեցան պաշարեալքն թողուլ զպտնէշան, և 'ի ներքս 'ի քաղաքն խուսափել . զի և վառօդ հրաղինուց նոցին սպառեալ հատեալ էր :

Առաքեցին ասպետքն առ սպարապետն Օսմանեանց Ահմէտ փաշա զյեակար ուխտին՝ զօրատուեալ էր նոցա Պայէզիտ Բ, և խնդրէին զհաշտութիւն . իսկ նորա առեալ զայն՝ պատառտեալ ընկեց 'ի գետին և ոտնակոխ արար . և զերկուց գերեաց ձերբակալ եղելոց 'ի նմին աւուր զմատունս և զունչս և զաւանջս կրճատեալ, և տուեալ 'ի ձեռս

նոցա թուղթ լի թշնամանօք՝ արձակեաց
'ի ներքս :

Յայնժամ յանհնարս մտեալ մեծի
մագիստրոսին՝ խոնարհեցաւ տալ զքա-
ղաքն՝ պայմանաւ ելանելոյ հռոդա-
ցւոց՝ի քաղաքէն ցաւուրս երկոտասան,
և յանձին ունելով տալ պատանդ Օս-
մանեանց արս յիսուն յասպետաց ան-
տի և 'ի քաղաքացւոց : Զիջաւ Սիւլէյ-
ման և առանձին խնդրոյ՝ նուիրակացն .
զիհրամայեաց զօրացն հեռանալ յամե-
նայն կողմանց քաղաքին ընդ բացատ
միոյ մզոնի : Այլ յետ աւուրց ինչ ժա-
մանեալ 'ի սահմանացն Պարսից հնգե-
տասան հազար ենիչէրիք ընդ Ֆերհաս
փաշային՝ յարձակեցան մօին դէպու-
ղիդ 'ի տաճար սրբոյն Յովհաննու Մը-
կրրաջի , խորտակեցին զպատկերս , կոր-
ծանեցին զսեղանս , բացին զգերեզմանս
մագիստրոսաց , զգիմակացս կոտորեցին ,
և զմնացեալն իբրև զգրատտա բեռնա-
ւորեալ աւարօք խաղացուցին 'ի նաւակս
իւրեանց : Եւ այս ամենայն եղև յա-
ւուր տօնի ծննդեան տեառն :

Ի վաղիւ անդր դնաց մագիստրոսն
մեծ , որում անուն էր Աիւլիէ Տըլիւ
Ատամ , 'ի կոչ Սիւլէյմանայ . և յետ
ընդ երկար սպասելոյ արտաքոյ դրաց
խորանին ձիւնածեծ և անձրևաթաց ,
քանզի ուրբաթ էր և օր տօննի , ասլա
եմուտ առ արքայ զգեցեալ զպատմու-
նան օրինին : Եւ իբրև ոչ սակաւ անբար-

բառ կացինն երկոքեան հանդէպ իրերաց,
Սիւլէյման արքայ սկսաւ խօսել ընդ
մադխատութիւն, և քաջալեր բանիւք ասե-
ցնաւ. «Ոչ օտարութի ինչ է թագաւորաց
և իշխանաց հանել 'ի ձեռաց զքաղաքս
և զգաւառս»: Եւ մեկնեցաւ մադխա-
տսն յետ աւուրց իւրովքն հանդերձ
դիշերայն յԵւրոպա:

Յետ այնորիկ հրամայեաց արքայ
սպանանել զորդի տարաբաղձին ճէմայ
որդւովն իւրով հանդերձ, որ յեւրո-
պեան տարազ զգեստուց սրահեալ կայր
ցայնժամ 'ի հռոգոս: Շուրջ յածեալ
սպա ընդ քաղաքն, զեկեղեցի սրբոյն
Յովհաննու կարգեաց 'ի մզկիթ. և նի-
շերիս հինգ հարիւր եթող սրահապանս
քաղաքին. և պատուէր տուեալ իշխա-
նացն կանգնել զպարխասս հռոգոսի
'ի սկզբան նորոյ տարւոյն դարձ արար 'ի
Վոստանդնուպօլիս յաղթանակաւ ոչ
միայն հռոգոսի, այլ և ութից կզգեաց
որ առ նովաւ:

Անախ թուղթս աւետաւորս յաղթու-
թեանն արձակեաց առ խանն Խրխմու և
առ շէրիֆն Մէքքէի, և 'ի քրիստոնեաց
պետութեանց միջի առ դուքսն Վենետ-
կեցւոց: Ի լուր մեծի յաղթանակին
աճապարեաց և արքայն Պարսից շահ
Իսմայէլ 'ի լուծումն քաղմաժամանա-
կեաց լուծեան իւրոյ, և արձակեաց
առ Սիւլէյման դեսպան զոր 'ինդակից
լինել թագաւորելոյ նորին. այլ արքայ

'ի հինգ հարիւր երիւարաց անտի՝ զորս ընդ իւր ամեալ էր դեսպանն՝ քսանից և և թ մուտ շնորհեաց 'ի թաղաւորեալ քաղաքն : Անդ էր 'ի ժամանակին և Իւան Մուսղով դեսպան Ասալ՝ արքային Ռուսաց, որ հնարէր մտերմանալ ընդ Սիւլէյմանայ :

Ընդ այն աւուրս արկաւ յիշխանութենէ բազմավաստակ վէզիրն մեծ Փիրի փաշա՝ ըստ զուր քսութեանց Ահմէտ փաշային, և կարգեցաւ 'ի տեղի նորա մտերիմն արքայի 'ի մանկութենէ հետէ և սենեկապետ Իպրահիմ փաշա : Իսկ քսութիւն Ահմէտայ յոչ կամն շնորհեաց արքայ զկուսակալութիւնն Եգիպտոսի : Քանզի սպարապետն Մուսղաֆա փաշա 'ի ստէպ թախանձանայ կնոջն իւրոյ քեռ արքայի կոչեցեալ էր յԵգիպտոսէ, և փոխանակ նորա կուսակալէր անդ Աիւզէլճէ Գասրմ փաշա :

Իբրև եհաս յԵգիպտոս փառամոլն Ահմէտ, որսացաւ 'ի ծածուկ զնախարարս երկրին և զՄէմալիքսն, այլ ենիչէրիք արիացան ընդդէմ կալ նմին, վասն որոյ և նա զամիսս վեց պէտպէս պատճառանօք կոտորեալ զենիչէրիս, սպա և յայանապէս վտարանջեաց

1 Սա յէք ժամանակաց շինէ զժոյրոսար յանէայոյ քաղաքին Առաքանդնուպօլսոյ հոսոյ 'ի նաւահանգիստն, որ և յարդ ևս զնորին Բերէ զանուսն :

յարքայէ . զի որ չկարաց երկրորդ լինել
 արքայի՛ արքայ լինիցի աշխարհին Եգիպ-
 տացւոց : Պաշարեաց զմիջնաբերդն, հա-
 բաւ ընդ ենիչէրիան բերդակալս, և սպա-
 ընդ ստորերկրեաց խնն ջրմուղս մուտ
 գտեալ ՚ի բերդն՝ ՚ի սայր սուսերի կոտո-
 բեաց զէնիչէրիս . և այնուհետև սու-
 դան զանձն իւր անուանեալ՝ եհաս և
 գրամս ևս յիւր անուն : Յայնմ ժա-
 մանակի եհասա առ նա հրովարտակ յար-
 քայէ զի դարձցի և եկեացէ ՚ի Վոստանդ
 նուպօլիս , աւանդեալ զիշխանութիւնն
 յայր ոմն քաջ Գարա Մուսա անուն .
 այլ Ահմէտ սպան և զնա և զթղթարեքն .
 և սպա զերիս ոմանս անուանեալ իւր
 վէզիրս՝ թագաւորեաց յԵգիպտոս :
 Այլ Մէհմէտ սէյ մի յերից անտի
 կամեցեալ դաւաճանել զԱհմէտ , զոր
 գումարեաց ՚ի ծածուկ , և հասեալ ՚ի
 վերայ նորս ՚ի բաղանիս այն ինչ ձեր-
 բակալ առնէր զանօրէնն, փախեաւ նա
 ընդ տանիան՝ կիտով չափ սափրեալ ու-
 նելով զմորուսն, և ՚ի ձի վերելակեալ ե-
 մուտ զօղեցաւ ՚ի միջնաբերդ անդր, և
 անտի ևս փախատական գնաց ընդ անա-
 պատն : Մէհմէտ իւրովքն հետամուտ
 ըլեալ նմա երիւք հազարօք սպառազէն
 մարտեաց մինչև ՚ի հեռաստան , կալա-
 զնա , և զգլուխ նորին հատեալ առա-
 քեաց ՚ի Վոստանդնուպօլիս, և ընկալաւ
 ՚ի փոխարէն իւրոյ քաջութեանն զտես-
 չութիւն քաղաքին Եգիպտոսի : Իսկ

կուսակալութիւնն վերստին աւանդեցաւ 'ի ձեռս Գասրմայ :

Ի Կոստանդնուպօլիս կատարէր յայնժամ արքայ զՏարսանիս քեռն իւրոյ, զոր ասյր'ի կնութիւն մտերմին իւրում Իպրահիմ փաշայի. հանդէս՝ որպիսի չէր երբէք երևեալ 'ի թագաւորեալ քաղաքին սակա ճոխութեան հանդերձանացն և պէսպէս հրապարակական տեսաբանաց :

Ի ձիարձակարանին մեծի, որ է Աթմէյտանը, հարանխորանք սրաղսպաջունք և դահ մեծաշուք վասն թագաւորին : Զաւուրս ութ մեծարեցան բազմամասն ընթրեօք և խնջոյիւք գունդ գունդ զօրականաց հանդերձ իւրեանց զօրավարօք. և յիններորդումն անցեալ արքայի ընդ փողոցս զարդարեալս ոսկէհուռն դիպակօք չոքաւ յապարանս Իպրահիմայ՝ որ անդէն 'ի հրապարակին կառուցեալ կայր. և 'ի ժամ խրախութեանն կարդեցան առաջի արքայի և աւագ բազմականացն վէճք ուսումնականք յականաւոր վարժասպետաց քաղաքին. և արքայ զՏարսանեկան նուագն էարբմիապաղաղ բաժակաւն՝ որ 'ի կապուտակագոյն իմն քարէ ճիւղուղէ անուանելոյ յօրինեալ և պահի, որպէս ասեն, 'ի գանձարանին արքունի : Ի վաղիւ անդր խաղացին ելին արմաւենիքն հարսանեկանք. մին 'ի նոցանէ յօրինեալ էր 'ի վաթսուն հաղարաց, և միւս ևս 'ի քառաւ

տուն հազար կոտորակաց մանուկնց, յորս
կերպարանեալ աեսանէին ծառքե ծառք
կունք և ազգք ազգք կենդանեացսքան
չեւարուեստ յարդարեալք : Ապա զհե
աւուրց վեցից միւսանդամ գնաց ալ
քայ յապարանս փեսային, և եղեն զս
նազան հանդէսք ըմբշաց, լարախ
ղացից, մականախաղաց, աղեղնաւրաց
և այլոցնման սոցին զուարճութեանց :

Այսչափ փառօք և սպասուով ճոխա
ցեալ վէզիրն մեծ Իպրահիմ փաշա ար
ձակեցաւ հինգհարիւր ենիչէրեօք և
երկուհազար մարտիկ զօրօք յԵգիպտոս
ի ցածուցանել զգժտութիւնսն որ ծա
գեալ էին ընդ կուսակալն Գասրմ փաշա
և ընդ տեսուչ քաղաքին Մէհէմէտ
պէյ : Եւ նորա մեծաւ հանդիսիւ մը
տեալ յԵգիպտոս, և զարդարութիւն
և զներողամտութիւն ըստ արժանոյն
ի գործ արկեալ քարեկարգեաց զամե
նայն, և դարձաւ փութմանակի ի Կոս
տանդնուպօլիս :

Քանզի մինչդեռ Սիւլէյման արքայ
յԱդրիանուպօլիս որսոց պարապէր, և
իրք թագաւորեալ քաղաքին ոչ ըստ օրի
նի ընթանային, խռովեցան ենիչէրիք,
և ամբոխ արարեալ դիմեցին ի տունս
աւագանոյն և աւար հարին զապարանս
Իպրահիմայ և զԱյաս փաշայի և զհա
մարակալն, և աղաղակէին ընդ փողոցս
քաղաքին խնդրելով պարգևս : Աճապա
րեաց եկն Սիւլէյման ի Կոստանդնու

պօղիս . զերեցուն զլիաւորաց խառնու-
թեանն յանդդնելոց ելանել առաջի
նորա՝ ինքնին իւրով ձեռամբ եհաա
զգլուխս . այլ ՚ի լարել այլոց զաղեղու-
նըս ՚ի վերայ նորա՝ խոյս ետ , և երկե-
րիւր հազար սակոյբաշխամամբ հանգար
տեցոյց զէնիչերիան . և զգլխաւորն նոցա
զՄուսղաֆա , և զսպարապետ սպայ-
լցն մահու գատեցաւ : Հարկ էր սպա
՚ի խազմս ուրեք պատաղեցուցանել ըզ-
բուռն զօրականն . և պատեհ ժամանակ
էր օրչաւելոյ նախ ՚ի Մաճառս , և ա-
պա ՚ի Պարսս : Զի Մաճառք յառմա-
նէ հեռէ Պելկրասոյ յՕսմանեանց՝
մարտ եղեալ ընդ հրոսակս նոցին սրի-
սեալս ընդ աշխարհն իւրեանց , բա-
զում այն էր զի յազթական գտանելին :

Իսպղաց գնաց արքայ Սեւէյման , և
ընդ նմա մեծ վէզիրն Իպրահիմ յամին
1526 ՚ի քաներորդի երրորդի աւուր
ամսեանն ապրիլի ¹ , հարիւր հազար զօ-
րօք և երեքհարիւր թնգանօթօք . և էր ՚ի
բանակի անդ կարդ և խատու թիւն բա-
զում , մինչև գլխասպարտ անգամ լինել
որոց իշխիցեն սանակոխ առնել զարտո-
րայս կամ արձակել զերխվարս իւրեանց
՚ի նոսին յարօտ : Ի Սոֆեա բաժա-

1 Այս օր նշանաւոր է առ Օսմանեանս՝
Խորէլէս ՚ի նոցանէ անուանեալ , որպէս Գար-
նանաճոփ և ամենայն Բարեւոյ և յաջողոսա-
ծոց գուշակ :

նեցաւ Իսղրահիմ փաշա յարքայէ ,
 և յառաջ խաղացեալ պաշարեաց զա-
 մուրն Վարատին աւուրս երկոտասան ,
 և էառ զայն . և ՚ի պահապանաց նորին
 արս երեքարիւր ՚ի գերութիւն վարեալ ,
 և հինգ հարիւր գլխատեալ՝ դարձաւ առ
 արքայ որ հասեալ կայր ՚ի Պեղկրայո , և
 ևս պատուեցաւ ՚ի նմանէ :

Յայնժամ քարոզ կարդաց ՚ի բանա-
 կին , Էթէ ՚ի մայրաքաղաքն Մաճառաց
 ՚ի Պուտա , որ է Պուտին , ուշ արարեալ
 է արքայի : Հրամայեցաւ կազմել կա-
 մուրջ մեծ ՚ի վերայ Տրաւա գետոյ , յեր-
 կայնութիւն երկերիւր և ութսուն և
 չորից գրկաց , և ՚ի լայնութիւն երկուց .
 որ և կատարեցաւ յաւուրս հինգ : Այլ
 ևս աւուրս հինգ տեւաց անցանել զօ-
 րացն ընդ կամուրջն . և ՚ի վեցերորդին
 հրդեհեալ զկամուրջն , հասին ՚ի մեծ
 գաշան Մոհաչ բազում տառապանօք
 սակս ճախին և ջրալից վայրացն : Յա-
 ռաջընթաց լինէր Պարլի պէյ չորիւք հա-
 զարօք սարառազէն հեճեւոց , զհեռ նորա
 դայր վեղերն մեծ եւրօպեան զօրօք և
 հինգ հարիւր հրազինուք . ապա կողմնա-
 պեան Ասիոյ Պեհրամ փաշա նոյնչափ
 թուով հրազինուցն . և զնոցա կնի
 Սիւլէյման արքայ շուրջ պատեալ յե-
 նիչեւեաց և ՚ի վեցկարդեան սպայից
 հեճեւազօրաց . իսկ վերջապահք էին բա-
 նակին հեճեւալքն Պոսնիոյ , որոց զօրա-
 վարէր Խոսրով պէյ :

Սիւլէյման արքայ 'ի բարձրաւանդա-
կի ուրեք հարեալ զխորան իւր և բազ-
մեալ 'ի գահոյս՝ նշմարեաց զբանակն
Մաճառաց, զի ճակատեալ կայր 'ի հան-
դիպոյ. հրաման ետ ասեան կարգել
պատերազմի՝ յոր կոչեաց և զհինաւուրց
հրոսակս վերջապահացն : Յառաջ մա-
տոյց զօրավար նոցին Խոսրով պէյ զԱ-
արլղուճա ոմն ծերունի սպառազէն՝
կապարճք 'ի Թիկունսն և 'ի գլուխ իւր
սաղաւարտ, զորով պատէին աստի և
անտի ընչացքն իւր Թաւամազք : Ասէ
ցնա Խոսրով պէյ. «Ալևոր դու, արքայ
կամի խորհուրդ 'ի քէն հարցանել վասն
պատերազմիս » : Ետ սլառասխանի
Աարլղուճա և ասէ. «Եւ իցէ՞ երբէք
խորհուրդ քաջ քան զպատերազմել և
եթ » : Յայնժամ Խոսրով ինքնին յա-
ւել զիւրն ասել կարծիս, զի զառաջինն
տեղի տացի յարձակման հեծելազօրուն
Թշնամեաց, և ասպա երկուստեք փա-
կեսցին նոքա 'ի մէջ : Եւ եկաց բանս այս,
և հրամայեաց արքայ բարձրացուցանել
զգրօշս պատերազմին, և ինքն տարա-
ծեալ զբազուկս իւր արտասուալից կար-
դաց յօգնութիւն զԱստուած . և զօրքն
յայն տեսիլ և 'ի քաջալեր բանից մեծի
վէզիրին խրախուսեալ՝ փողէ ցին դիմե-
ցին յառաջ :

Հարան բախեցան ընդ միմեանս բա-
նակքն երկոքեան հանդոյն ամպոց բար-
կաճայթ փոթ որկելոց անհնարին սաստ-

կութեամբ, միեղին զօրավարքն Մաճառաց Փերենի և Թումորի զգունդն եւրօպեան և արկին զասխականաւն, և ատյեանն Մարշալ հանգերձ երկոքումք հեծեւակցօք զողի 'ի բռին եղեալ յարձակեցաւ եհաս մինչև 'ի նոյնինքն յարքայն, զբաղումս 'ի Թիկնապահաց նորին դիաթաւալ կացոյց. մինչև 'ի կարթակոտոր լինել երկվարին իւրոյ և ինքն անկաւ 'ի տեղւոջն: Հաղիւ պատասարեցաւ արքայ ընդդէմ նեախց և նիզակացն Մաճառաց ամրապինդ զրահիւքն: Այլ Լուդովիկոս Բ արքայ Մաճառաց վերս առեալ 'ի գլուխ իւր՝ փախեաւ 'ի ճակատէն. և իւրքն տեսեալ զարձակումն հրազինուցն Օսմանեանց՝ 'ի փախուտ աճապարեցին առաջի նոցա. և բաղումք, ընդ որս և Թագաւորն նոցա, յայտր անդր խուսափել իւրեանց ընկողմեցան 'ի կարակում՝ ճահիճս գաշտին, և սակաւք ոմանք ևեթ զտեղատարափ անձրևին օգնական գտեալ՝ ճողոպրեցան 'ի սրոյ Օսմանեանց:

Պատուէր հրամանի քարոզեցաւ 'ի բանակին, զի իւրաքանչիւր ոք յայնմ գիշերի անդէն կացցէ մնացէ՝ ուրանոր կայրն 'ի Ժամուն: Եւ 'ի վաղիւ անդր բազմեալ արքայի յոսկեղէն գահոյս իւրում ընդ կարմրափայլ վրանաւն, և ընկալեալ զաջահամբոյրս աւագանւոյն, ինքնին իւրով ձեռամբ եղ 'ի գլուխ վեղերին մեծի զականակուռ փետուրս

ձկնկուլ թռչնոյ, և այլոց զօրավարաց
բաշխեաց հանդերձս սրատուոյ : Եր-
կու հազար կառավարունք մեծամեծացն
Մաճառաց դիզան հանդէս վրանին, և
թիւ համարոյ անկելոցն ՚ի ճակատուն
դառա քսան և չորք հազարք : Յաւուրն
եօթներորդի հրաման եղև ընդ սուր
անցուցանել զամենայն զգերիս և զգիւ-
ղականս երկրին բաց ՚ի կանանց, և կո-
տորեցան չորք հազարք արանց :

Ի տասներորդի աւուր ամսեանն
սեպտեմբերի և հաս արքայ ՚ի Պուտին,
զորոյ զբանալիսն ՚ի հեռատանէ ընկա-
լեալ էր. և արդէլ զօրացիւրոց սաստիկ
հրամանաւ չմեղանչել յանձինս կամ ՚ի
ստացուածս բնակչաց քաղաքին. այլ
նորա յեա երկուց աւուրց հրկէզ արա-
րին զմեծ մասն քաղաքին : Փոխադրե-
ցան ապա ամենայն հրաղէնք քաղաքին
նաւակօք ՚ի Աոստանդնուպօլիս, ընդ
որս և սղնձի անդրիք հերակլի, Անահ-
տայ և Ապողոնի¹ :

1 Որպէս ճշտմանի՞ք Իպրահիմայ կանգնե-
ցան անդրիքս այս հանդէպ ապարանից նորին
՚ի Յիւրթակարանին մեծի ՚ի վերայ երից կոն-
զաց. այլ յուղ ժամանակի՞ք էն յորմէ հեփե
Բարթան սոքա ՚ի փեղսն ըն անփի : Քանզի ան-
դրոսին ՚ի ժամանակին յայնմէի՞ք երկուցն Պիշա-
նի հեփեւելով ի՞նչ երգեաց՝ էմէ առաջինն
Իպրահիմ (նահապետն Աբրահամ) Իորփա-
իեաց զարօշեալս, և երկրորդս այս անդրե-

Յետ այնորինկ կամուրջ արկեալ 'ի վե-
րայ Դանուբ գետոյ՝ անց գնաց արքայ
'ի Փէշթ քաղաք . անդ ընկալաւ մար-
դասիրութեամբ զոմանս յաւագանւոյն
Մաճառաց եկեալս առ նա . խոստա-
ցաւ կարգել նոցա թագաւոր զԶափո-
լիա , և հրաման ետ բանակին չուղարձի
առնել ընդ ամուռնս Դանուբայ : Ա-
ռան զճանապարհայն և այլ քաղաքք , էր
որ դիւրաւ , և էր որ բուռն մաքառ-
մամբ . և հրոսակքն 'ի խուճքս խուճքս
ասպատակ սփռեալ ընդ ամենայն կող-
մանս՝ 'ի հուր և 'ի սուր դատէին զամե-
նայն . որով ճշմարտի բան սլատմագրացն
Օսմանեանց՝ եթէ թիւ կոտորածի ամե-
նայն Մաճառաց յայսմ արշաւանի
հասեալ իցէ ցերկուս հարիւր հազարս
արանց : Սակայն և յՕսմանեանց ոչ սա-
կաւք , և այն յականաւոր մարդկանէ ան-
կան 'ի զանազան ճակատամարտան , մինչև
եհաս Սիւլէյման արքայ ճեպով 'ի Կոս-
տանդնուսիօղիս յետ եօթնամսեայ տա-
րակայութեանն :

Եւ սլատճառք ճեպոյն ասլատամբու-
թիւն թիւրքմէնացն Կիլիկիոյ էր սակս
ծանրութեան հարկաց . որք և օր ըստ
օրէ ստուարացեալ 'ի բազմութիւն՝ հա-
րին վանեցին զօսմանեան իշխանս կող-

հաստատեաց : Թեղեք և նա էլոյժ շէնթ
համար յախումն նախապաշտից հեծելու-
թեամբ իշոյ , և սպա ինչդդաման սպանմամբ :

մանցն, ևս և զկուսակալս եւրոպեան և
ասիական գաւառաց : Այն ինչ գեռ ևս
ցածուցանէին զաղմուկն Թիւրքմէնաց
կուսակալն Ամգայ Խոսրով փաշա, և
Փիրի սէյ կուսակալ Ատանոյ, միւս ևս
բոց ապստամբութեան բորբոքեցին ՚ի
կողմանսն հազարաւոր տէրվիչք և այլ
խառնիճաղանճ ժողովուրդքառաջնոր
գութեամբ Գալէնտէր օղլու անուան
ուրումն, և մարտ տուեալ ընդ զօրս
Թագաւորին՝ բազում այն էր զի յաղ-
թական գտան քան եթէ յաղթեցան :

Եհաս շտապ տաղնապաւ մեծ վէզերն
Խպրահիմ փաշա . և զկամեցեալ խնդոյն
՚ի պատերազմ ձեռն արկանել, հնարե-
ցաւ նախ յինքն յանկուցանել զմեծ
մասն ապստամբացն խոստամբք պար-
զեաց, և ապա թեթե մարտիւ պարտա-
սեցոյց զմնացեալն մինչև ՚ի սպառ :
Յայնժամ յատեան դատաստանի կոչե-
ցեալ զկուսակալն և զքուսուսպետս
Օսմանեանց՝ լի սրտմտութեամբ եհարց
՚ի նոցանէ զպատճառս նախկին փախըս-
տեան նոցին . « Զի է զի թիկնադարձոյց
եղեալ փախերութք, ասէ, վատութեամբ
յերեսաց խուժանի տէրվիչացն » : Եւ
յակնկորել նոցա և զմիմեամբք զյան-
ցանսն արկանել՝ այն ինչ ակնարկէր
Խպրահիմ դահճացն յառաջ մատչել,
Մէհէմէտ սէյ որդի Փիրի փաշային
խօսել կալաւ և ասէ . « Զոր օրինակ ա-
ռաջինքն մեր առ Աստուած ապաւինու-

Թեամբ, և ծերունեացն խորհրդով
 յայսպիսիա ձեռնարկեալ և յաջողէին,
 նոյնպէս և մերս ձախողութիւն նմին
 հակառակ՝ի յանձնապատան յանդըդ-
 նութենէ եհաս ՚ի վերայ մեր” : Զի
 ջաւ ՚ի բանից աստի ճշմարտութեան
 ցասումն Իպրահիմայ, և ներող դատեալ
 առ Ժողովականն՝ դարձ արար ՚ի Աս-
 տանդնուպօլիս :

Յետ երից ամսոց խնդիր իմն յուզե-
 ցաւ ՚ի Թագաւորեալ քաղաքին, ընդ որ
 խռովեցաւ արքայ և ամենայն Աստանդ-
 նուպօլիս, զի Գապըղ անուն ոմն օրէնքս
 գէտ ամբաստանեցաւ առ արքայի եթէ
 զՅիսուս և զաւետարանն սուրբ մեծ
 համարինա քան զՄէհէմէտ և զկուրան
 նորին : Այլ երկոքին դատաւորքն զօրաց
 Ֆէնարիզատէ Միւհիյէտտին չէլէպի և
 Գատրբի չէլէպի յետ սուղ ինչ վիճե-
 լոյ ընդ առնն յատենի մեծի վեղերին՝
 վարեցին զնա ՚ի բաց : Բարկացեալ ընդ-
 այն Սիւլէյմանայ, որ դադա ունկնդիր
 ընէր վիճմանն յետուստ վանդակին,
 եկն եւ յանկարծ ՚ի մէջ, և յանդիմա-
 նեալ զատենակալն՝ հրամայեաց յա-
 տեան դենպեալին, որ էր անուանին Քե-
 մարփաշազատէ, հանել զխնդիրն, և
 օրինօք ՚ի քնին արկանել : Այլ Գապըղ
 անյողգողդ կացեալ մնացեալ յիւրն կար-
 ծիս՝ ՚ի մահ գատապարտեցաւ : Զայս
 այսպէս աւանդեն պատմագիրքն Ալի,
 Քէչէվի, և Սուլադզատէ :

Ի միւսում ամին ոչ սակաւ աստուած
բուծիւնք ծագեալք 'ի Աիլիկիա, 'ի
Բերիա և 'ի Պոսնիա՝ անդրէն խափա-
նեցան զինու զօրութեամբ, և խոսրով
պէյ կուսակալ կողմանցն Պոսնիոյ բա-
զում բերդորայս յաւել յաշխարհն
Օսմանեանց. ընդ որս զԵայճա, զՊան-
եալուքա, զՊելոյեզերօ, զՍոգուլ, և
զայլ ամուր ամուր դղեակա: Ըստ խընդ-
րոյ Լասցքի անուն դեսպանին Մաճա-
ռաց կարգեաց արքայ Սիւլէյման 'ի Թա-
գաւոր նոցա փոխանակ Լուգովիկոսի
զՅովհաննէս Չափուլիա, որ և Եանուշ
Չոփուլօ, և խոստացաւ ինքնին գխել
անձամբ և առնուլ անդրէն 'ի ձեռաց
Փերտինանոսի արքային Պոհեմիոյ և
Մաճառաց ոչ միայն զՊուտա զգրա-
ւեալն 'ի զօրաց նորա, այլ և զՎէննա ըզ-
մայր քաղաքաց նորուն: Վասն որոյ և
զգեսպանս նորին զՏոպուտանաքի և
զՎալքսէլպէրիէր զեկեալս 'ի սահան-
ջել անդրէն զքաղաքս Մաճառստանի
զորս առեալ էր Օսմանեանց՝ արդել
փակեաց 'ի գխահոջ զամիսս ինն, մինչև
կաղմեցաւ սլաորաստեցաւ 'ի սլատե-
րաղմն. ապա արձակեալ զնոսա առ կայս-
րն սակ. « Երթայք ասացէք տեառն
ձերում, զի ահա ևս ինքնին գամ հա-
տուցանել նմա որչափ ինչ արժան իցէ: »

Ըսանձին հրովարտակաւ հաստա-
տեալ ապա զվէզիբն մեծ յիւրում իշ-
խանութեանն, և սպարապետ ևս կար-

դեալ զնա, յամսեանն մայիսի չու ա-
րար խաղաց յԵւրոպա հարիւրև քսան
հազար արամբք, և քսան հազար ուղ-
տուք. և մեծաւ տաժանմամբ եհատ
զուղին զայն սակս ամենայն ուրեք ողո.
դեալ գողոյ վայրացն 'ի յաճախութեհէ
անձրեաց և 'ի դետոց յարուցելոց. որ-
պէս և առ Փիլիպպէ քաղաքաւ զայրա-
ցեալ գեան Մէրիճ՝ հեղեղեաց զբանա-
կետին Օամսեանց, որով բազում մար-
դիկ ջրահեղձոյց եղեն, և այլք 'ի ծառս
սալաստանեալք սովամահ մեռան:

Իբրև հասին 'ի գաշտն Մոհաջ՝ ընդ
առաջէլ արքայիՆանուշթագաւորՄա-
ճառաց վեցհազար հեծելովք, և համ-
բուրեալ զաջ նորին բազմեցաւ 'ի վրանի
նորա առնթեր նմին: Խօսեցաւ ընդ
նմա Սիւլէյման մեծաւ յարգանօք, և
եա նմա 'ի սարդէ երիս ընախր երիվարս
ոսկեզարդս, և գիպակս չորս:

Անախ խաղացեալ 'ի Պուտա սաշա-
րեաց զայն Սիւլէյման ընդ Իպրահիմայ
կրկին անգամ. այլ մինչև նեղեալ քա-
ղաքացւոցն՝ բացին նմա զգրունան. և
արքայ ոչ եթող ենիչէրեաց մտել յա-
ւար քաղաքին: Ապա 'ի ձեռն միոյ ու-
րուք 'ի զօրավարաց զբուն բազմեցոյց
զԵանուշ 'ի գահ թագաւորութեան
Մաճառաց. և ինքն յամսեանն սեպ-
տեմբերի գիմեաց սաշարեաց զԱհննա,
յառաջագոյն արձակեալ զսալաստա-
կաւորան գերեւ գերփել և աւար հար-

կանեւ ռւր ուրեք և հասանիցեն սաք նոցա :

Աւշտասան հազար զօրականք և Թէին ՚ի քաղաքին . այլ արիութիւն զօրավարաց նոցա , և ահ լծոյ ծառայութեան Օսմանեանց վառեցին զնոսա ՚ի քաջութիւն անսարսուտի . որով ստէսլ յարձակեալք ընդ զանազան գրունս քաղաքին՝ բազում նախճիրս գործէին , և անխոնջ վաստակովք զխրամատս սարսաղացն նորոգեալ՝ զամենայն ճիգն Օսմանեանց ՚ի դերև հանէին : Չմեռն սաստկասառոց և սակասութիւն մթերից ՚ի վերայ հասեալ՝ ոչ սակաւ լքուցանէին զսալարիչսն . սակայն վէզիրք և կուսակալք ատեան խորհրդոյ կազմեալ , հաստատեցին միւս ևս անգամ յարձակել սաստկասլէս ՚ի քաղաքն , և իտասացան ենիչերեացն ըստ գլուխ փողս հազար , կամ ոսկիս քսան . և քարոզքն աղաղակէին՝ զի որ նախ ելցէ ՚ի սարիսալս անգլր , թէպէտ ՚ի սոլայից ոք իցէ՝ երեսուն հազար փողս առցէ իւր սարդև : Սեւէյման արքայ ինքնին ել իւրով երիվարաւ ՚ի զնին խրամատից սարսաղացն , և հաճեալ ընդ բացատս լայնութեան նոցին՝ գովեաց զվաստակս Նպրահիմայ : Ասլա ՚ի չորեքտասաներորդի աւուր ամսեանն հոկտեմբերի յարձակեցան Օսմանեանք մեծաւ սաստկութեամբ ընդ խրամատսն բացեալս առ գրամբն Քարինթիոյ , և ահազին քաջութիւնս արա-

րին . այլ 'ի վերջէ ուրեմն հրաման ետ
արքայ բառնալ զպաշարումն , և շու
դարձի առնել : Յայնժամ ևս պաշա-
րեալքն երբէք երբէք յարձակեալ ոչ ա-
կաւ արս կոտորեցին յՕսմանեանց ,
բայց այն ամենայն չէր ինչ բնաւ առ
անչափ կոտորածիւ և աւարառու-
թեամբն՝ զոր ցայնժամ և զոր յեռայ-
նորիկ գործեցին ասպատակաւ որքն ընդ
համօրէն Աւարիս , և ընդ ամենայն տե-
ղիս ընդ որս զդարձն արարին : Իսկ ար-
քայ առ 'ի սփոփելոյ զզրաւաստակ դարձ
զօրականին , անդէն իսկ յուղւոջ գոլով
բաշխեաց 'ի նոսա դրամս և սարգևս . և
հասեալ 'ի Աստասնդնուսօղիս կատա-
րեաց զհանդէս թլխատութեան որդւոց
Իւրոց , Մուսղաֆայի , Մէհէմէտայ և
Սէլիմայ :

Զաւուրս քսան տեւաց հանդէսն
այն 'ի ձիարձակարանին մեծի այնպիսի
ճոխութեամբ և փառօք , զոր ուրուք
յառաջնոց թագաւորացն չէր բնաւ ե-
րեւցուցեալ : Խորանն արքայի շքեղ փող-
փողէր ոսկեփայլ յարկաւն 'ի վերայ
կապուտակագոյն սեանց , և շուրջ զնս-
վաւ հարեալ էին իբր 'ի նշաւակ յաղ-
թութե խորանք թագաւորաց և իշխա-
նացն արեւելից նկուն եղելոց առաջի
օսմանեան զօրութեան , ընդ որս և խո-
րանք Աւղուն Հասանայ և Գանասու-
Ղաւրեայ : Յաւուրն երրորդի մատու-
ցին աւագորեարն զընծայաբերութիւնս

խրեանց առ արքայ, և էին ընծայքն ազգի
 ազգի դիպակք և կերպարք և ոսկե թել
 գործածք Հնդկաց, Պարսից, Գամաս-
 կոսի, Վէնեակոյ և Յունաստանի. սկա-
 ւառակք արծաթիք զեղունք ոսկեով,
 բաժակք ոսկեզէնք թաթաղունք ա-
 կամբք սպտուականօք, յախճապակք
 Չինաց, մուշտակք թաթարաց, երկաթ
 արաբացիք, նժոյգք Հայաստանի, և գե-
 րիք Եգիպտացիք, յոյնք, Եթովպացիք
 և մաճառք: Եւ ընծայքն վէղերին և Եթ-
 մեծի յիսուն հազար ոսկեոյ գինք էին:
 Զօր ամենայն նորանոր խնջոյք և խրա-
 խուժիւնք, նորանոր խաղարկութիւնք,
 ջահավառութիւնք, ըմբշամարտութիւնք
 և կեղծ սպատերազմունք լինէին:

Ի չորեքտասաներորդում աւուր
 հանդիսիցն աման և արքայորդիքն
 երեքեան մեծապանծ փառօք 'ի ձի-
 արձակարանն յապարանս Խալրահիմայ և
 թլփատեցան. և 'ի վաղիւ անդր արկաւ-
 ճաշն արքունի, և կային բազմեալք ընդ
 աջմէ նորա ամենայն վէղերք և կողմնա-
 պետք և դատաւորք զօրաց, և ուսուցիչ
 արքայորդւոցն Խայրէտափն, և որդի
 խանին Խրիմու. և ընդ ահեկէ Փիրե
 Մէհէմմէտ փաշա, որ յառաջն վէղեր
 էր. և Զէյնէլ փաշա, և Ֆերուխշատ
 պէյ 'ի տոհմէն Ուղուն Հասանայ, և
 Մուրաա պէյ որդի արքային Եգիպտա-
 ցոց Գանսու Ղաւրեայ, և Վաղիֆ պէյ
 վերջինն յիշխանս տոհմին Զիւլթաա-

րայ : Ի միւսում աւուրն կարգեցաւ
 հանդէս հակաճառութեան գիտնակա-
 նաց , որոց պարագլուխ էր դէնպեան
 ինքնին . և որ քաջանային 'ի պատա-
 խանիս՝ գովասանութեանց հանդիպէին ,
 և որ տգիտանայինն՝ իւրեանց իսկ ըմբե-
 րանելովն պատուհասէին : Արպէս և մի
 ուն 'ի վարժապետաց Սիւլէյման խալի-
 Ֆէ անուն իբրև ետես զի չգտանէ զպա-
 տասխանին վաղվաղակի՝ առ կարի ամ-
 թոյն հարաւ 'ի կաթուածէ , և տարեալ
 'ի տուն իւր փչեաց զոգին : Հրաւիրեալ
 էր 'ի հանդէսն և գուքսն Ալէնեակոյ
 Անդրէաս Արիթթի . այլ նա պատճա-
 ռեալ զԺերութիւն և զխօթութիւն՝
 հրաժեշտ կալաւ , և առաքեաց 'ի դի-
 մաց իւրոց զԾէն և զՄոջէնիկոյ զա-
 ւագ որեարն իւր :

Ի նմին սմի դեսպանք 'ի Փերախնան
 տոսէ արքայէ հասեալ 'ի Վոստանդնու-
 պօլիս ինդրէին խաղաղութիւն առնել
 ընդ Սիւլէյմանայ . և այն պայմանաւ ,
 զի համարեսցի և 'ի նմանէ արքայն
 իւրեանց թագաւոր Մաճառաց : Ընդ
 որ ցասուցեալ Սիւլէյման և վէզիրն մեծ՝
 առ երեսս խոստացան կատարել զինդի-
 րն . այլ ապա ունայնաձեռն արձա-
 կեալ զնոսա , պատրաստեցան 'ի պա-
 տերազմ ոչ ընդդէմ Փերախնանտոսի ,
 այլ ընդդէմ եղբօր նորա կայսերն Գեր-
 մանացոց Վարդուսի Ե . զի զՓերախնան-
 տոս յարհամարհս ունելով հազիւ թէ

սպարապետ վարկանէին Կարողոսի ,
քան թագաւոր ոք :

Զօրաժողով եղև արքայ արանց եր-
կու հարիւր հազարաց . յորս էին վեշ-
տասան հազար եւրոպեան զօրք , երե-
սուն հազար ասիականք , երկուասան
հազար ենիչէրիք , քսան հազար կանո-
նաւոր հեծեւազօրք , և վաթսուն հազար
ստպատակաւորք . թող զհնգետասան
հազար թաթարս , զորս ած 'ի Խրիմայ
Սահիպ քերէյ եղբայր խանին , և զհա-
րիւր հազար զօրան Պոսնիոյ՝ որովք ե-
հաս 'ի Պեւկրատ առ արքայ Խոսրով
պէյ : Իսկ հրազէնքն թէպէտ և մանունք՝
ոչ ինչ պակաս էին քան զերիս հարիւր :

Այսպիսի հանգեր ձանօք խաղացեալ
Օսմանեանց առին զբազում բերդորայս
աշխարհին Մաճառաց որ ընդ ձեռամբ
Փերաինանտոսի կային . այլ ոչ սակաւ
աշխատ արար զվէղիրն առումն Կիւնա
անուն ամրոցին , յորում եօթնհարիւր
բերդակալօք զգէմ կալաւ նոցա ցա-
ւուրս քսան քաջ զօրավարն Նիկողայոս
Եուրիշիչ խրուաթ յազգէ , և անյողգողգ-
մարտ եղեալ կռուեցաւ ընդգէմ ստէպ
ստէպ յարձակմանց պաշարողացն : Ե-
հաս անդր և Սիւլէյման արքայ . և Իպ-
րահիմ աճապարեաց առանձին թղթով
համոզկեր լինել զօրավարին՝ զի անձնա-
տուր լիցի , և զի խոստացի հարկս ինչ
տարեկանս : Եւ իբրև չէառ նա յանձն ,
հրամայեաց Իպրահիմ և սաստկացու-

ցին Օսմանեանք զպաշարումնն , այլ
 դարձեալ վանեցան 'ի բաց : Յայնժամ
 հասին 'ի խրամատան արք չորք յՕսմա-
 նեանց՝ որք յանուն վէզիրին մեծի հրա-
 լիրէին զքաջն Եուրիշիչ 'ի բանակն . և
 նա ոչ ևս դանդաղեցաւ գնալ 'ի կողն ,
 զի և վերս 'ի բարձսն ընկալեալ էր , և
 ամրականացն իւրոց թիւ նուաղեալ , և
 վառօդ հրազինուցն սպառեալ : Եւ ընդ
 առաջ նմին Ղալբահիմ , և կալեալ զձե-
 ուանէ նորա բազմեցոյց առ իւր , և բա-
 զում ինչ յարդանօք խօսեցաւ ընդ նմա-
 ապա ասաց նմա յանդիման լինել և ար-
 քայի . այլ նա սլառճառեալ զոկարու-
 թիւն՝ աղաչեաց և եթ զի մի ոք յՕս-
 մանեանց մտցէ յամուրն . և վէզիրն կա-
 տարեալ զննդիրն՝ արձակեաց զնա 'ի
 խաղաղութիւն :

Կարողոս և Վերտինանտոս 'ի բուն իակ
 'ի Ալեննա ակնկալեալ մնային գալտեան
 Օսմանեանց . սակայն Սիւլէյմանայ
 միտք էին յազատ դաշտի մարտ եղեալ
 կռուել ընդ Կարողոսի . նմին իրի իակ
 չէր բերեալ ընդ իւր գործիս սլաշար-
 ման , և ոչ հրազէնս ծանուես . թող զի
 առ 'ի միտելոյ մինչև 'ի Ալեննա՝ հարկ 'ի
 վերայ կայր բազմաց տիրանալ նախ ա-
 մուր ամուր բերդորէից : Այսն որոյ
 ասպատակ տիտեալ 'ի նահանգս կող-
 մանցն Աւարիոյ շուրջանակի մինչև 'ի
 Արաց քաղաք , երեսուն հազար գերիս
 խաղացուցին ամին Օսմանեանք ընդ

իւրեանս . զքաղաքս և զգիւղս ողջոյն
հրձիգ արարեալ քանդեցին, և զբնա-
կիչս նոցին 'ի սուր սուսերի մաշեցին :
Էին և ոչ սակաւք 'ի զօրավարացն
Քերմանացոց, որ 'ի բերդից բերդից
արիաբար վանէին զՕսմանեանս . այլ
նոքս այնու առաւել ևս զայրանային,
հանդոյն մըրկայոյզ կոհակաց ծովու
փրփրադէզ մեկնելոց 'ի բախմանէ ան-
վկանդ Տայուից :

Մինչդեռ դարձ արարեալ գնայր
Սիւլէյման արքայ 'ի Կոստանդնուպօ-
լիս, առ Պեւլքրատաւ եհար զբանակ
իւր, և ընկալաւ զինդակցութիւն աւա-
զանուոյն ընդ յաղթանակսն : Ի փիլիպ-
պէ առեան յօրինեալ խորհրդոյ՝ կար-
գեաց 'ի խան Խրիմու զՍահիպ քերէյփո-
խանակ եղբօրնորին Սաստէթ քերէյայ-
և հասեալ 'ի Կոստանդնուպօլիս յու-
թուտասն աւուր ամսեանն նոյեմբերի՝
զաւուրս հինգ հանդէս ջահավառու-
թեան արար 'ի քաղաքին և յարուար-
ձանեայն՝ հրամայեալ 'ի բաց թողուլ
զղրունս վաճառանոցին և զցայգն ամե-
նայն :

Այս սնավատտակ դարձ Սիւլէյմա-
նայ յարչաւանէն, որպէս և առնուլ
ծովակալին Կարողոսի կայսեր Անդրէի
Տորիայ զամուրն Կորոն որ 'ի Մոսա,
և հանդերձանք սլարսկական սլատե-
րազմին բռնադատեցին զարքայ խոնար-
հել 'ի հաշտութիւն ընդ Քերտինան-

տոսի , որ ստէպ ստէպ դէսպանու-
 թեամբ 'ի խնդիր էր խաղաղութեան :
 Արձակեաց և ինքն դէսպան զօմն 'ի
 վէննա, և ընդ ձեռն նորա պահանջէր
 զփականս Կրան քաղաքի, խոստանալով
 դուլ առնել զինուց 'ի ժամուն : Եւ
 Փերտինանտոս յակամայ կամս առա-
 քեաց զփականսն առ Սիւլէյման հան-
 դերձ նամականուով և ընծայիւք . այլ
 վէզիրն Իպրահիմ իբրև ետես զնոսին
 'ի ձեռս դէսպանացն՝ ժպիտ իմն ախոր
 ժանաց 'ի դէմս բերեալ, ակնարկի արար
 նմա առ իւր զփականսն ունել, իսկ զըն-
 ծայսն ընկալաւ մտադիւր հաճութեամբ,
 և էին գինք եօթն հազար ոսկւոյ : Յեր-
 կարածդեաց Սիւլէյման և զդուլ զինուցն
 ընդ Լէհս յոյրսակս առաքեալ էրառ նա
 Սիգիամունդ արքայ Լէհաց զիշխանն
 Օփալինսքի :

Իսկ պարսկական արշաւանին սլա-
 ճառք վտարանջելն էր բղէշին Բաղի-
 շոյ և անցանել առ Դահմասէպ կամ
 Դահմասպ արքայ Պարսից , և զի Ուլամէ
 կուսակալ Ատրպատական աշխարհի հա-
 տուածեալ էր առ Սիւլէյման . և կուսա-
 կանն Պաղտատայ Զիւլֆիգար խան ա-
 ռաքեալ էր առ Սիւլէյման զփականս
 քաղաքին : Դու յաւել և զընդաբոյս հա-
 կառակութիւն Օսմանեանց ընդ Պարսս,
 և զդէսպանացն Դահմասպայ անադան
 եկաւորել 'ի ինդակցութիւն թագա-
 ւորելոյն Սիւլէյմանայ : Սմին իրի ան-

գրտաին 'ի ժամանակի արշաւանայն 'ի
 Գերմանիա արձակեալ էր արքայ վնա
 ինքն Ուլամէ 'ի վերայ խանին Բաղիշոյ-
 ապա և վէզիրն մեծ Իպրահիմ փաշա
 ուղևորեալ 'ի Պարսս, էառ նախ զամուր
 ամուր տեղիս աշխարհին Հայոց, զԱրծ-
 կէ, զԱրծէշ և զԽլաթ. ընկալաւ և ըղ-
 փականս անմարտնչելի բերդին Վանայ
 և զԱւերկայ, և եմուտ շքեղաշուք հան-
 դիսիւ 'ի Դավրէժ, ուստի փախուցեալ
 էր շահն Պարսից. և ապա նամականի
 առաքեալ առ արքայ Սիւլէյման հան-
 դերձ բանալեօքն Վանայ՝ ազգ առնէր
 զեղեւոցն: Իսկ նա որ ինքնին անձամբ
 գիմեալ գայր 'ի Դավրէժ՝ յետ աւուրց
 ինչ եհաս անդր, և սարդւս բաշխեալ
 զօրացն և Իպրահիմայ և ամենայն զօրա-
 վարաց, հրաման ետ չու առնել 'ի Պաղ-
 տատ: Եւ թէպէտ անձնատուրն լինել
 սարսիկ կուսակալաց կողմանցն առ Օս-
 մանեանս՝ փարատէր 'ի նոցանէ զեր-
 կիւղ մարտի սլատերազմի, այլ սաստ-
 կասառոյց ձմերանին, և ապառաժուտք
 վայրացն յոգիս ապաստան արարին ըղ-
 զօրականն: Բաղուժ գրաստոք տապաստ
 անկեալ սատակեցան, և հարկեղև հր-
 ձիգ առնել հարիւր կառս հրազինուց,
 և զհրազէնսն անդէն ընդ հողով ծած-
 կել:

Թէքքէլի Մէհէմմետ կուսակալն
 Պաղտատայ ետ զքաղաքն 'ի Սիւլէյման
 արքայ և մեկնեցաւ անտի զօրօքն իւ-

բովք - և նորա մտեալ զկնի մեծի վեզի-
րին 'ի քաղաքն՝ դարձեալ պատուս և
պարգևս բաշխեաց աւագանւոյն և զ-
բականացն : Չմերեալ ասպա անգանօր
ամիսս չորս, կարդս և օրէնս սահմա-
նեաց 'ի կողմանսն յայնտսիկ. աշխարհս,
գիր արար ընդ բովանդակ երկիրն, և
յայց ել ամենայն շիրմաց մարգարէիցն
Տաճկաց՝ որ թաղեալ կան 'ի Պաղտատ
և 'ի մերձակայս նորին : Յորում ժա-
մանակի 'ի բանսարկութենէ մեծի վե-
զիրին 'ի մահ դատապարտեաց և զյա-
քէնտէր չէլէպի զհամարակալն՝ որոյ
խոհական ընթացք վարուցն և մանա-
ւանդ անբաւ ճոխութիւնք խէթ էին
սրտին Կարահիմայ - և զվեցհաղար գե-
րիս նորա որ առ հասարակ ոսկէկազմք
էին՝ խառնեաց արքայ 'ի դասս պաշ-
տօնէից գրան իւրոյ :

Յեա այնորիկ զտեսչութիւն կողման-
ցն Պաղտատայ յանձն արար թագա-
ւորն 'ի Սիւլէյման փաշա հանգերձ
կարևոր պահնակօք, և չուեաց ամենայն
բանակաւն 'ի Կավրէթ : Անդ ինքն միայն
ընդ մեծի վեզիրին ննջէր յարքունիս
թագաւորին Պարսից - խակ այլ զօրա-
վարք և աւագանին ընդ վրանօք օթէին :
Եւ անտի վեցամսեայ ուղևորութեամբ
հասեալ արքայի 'ի Վաստանդնուպօլիս,
եմուտ անդր մեծապէս հանգիսիս յաղ-
թանակի 'ի սկզբան ամին 1536, և նախ-
կին գործ տեսչութեան արար զյուէն

դաշինս ուխտի ընդ արքային Գաղղիոյ , որ առանձինն դեսպանութեամբ խընդրէր 'ի նմանէ սկեսպէս սլայմանս և ազատութիւնս սակս Գաղղիացւոց գտելոց 'ի թագաւորեալ քաղաքին :

Ե՛հաս ժամ աղօտանալոյ և փառացն իպրահիմայ , որ 'ի չորեքտասան ամաց հետէ 'ի տիպլուանի ճախր առեալ զարքայիւ , և դամ քան զգամ սլայծառացեալ , ոչ ևս տեէր բաւէր թոյժ ունել ամբարտաւանութեան ոգւոյն , և կամէր իմն ամբառնալ յաթոռն արքունի , որ միայն սլակասէր նմա . և որում սկիզբն ևս արար՝ կոչելով զանձն իւր Սէրասքէր սուլգան՝ : Վաղու ևս 'ի կասկածոս միտս էր արքայ զնմանէ , զի և անմուաց յուշի ունէր զանիրաւմաս Իսքէնտէրայ , և զի արհաւրօք զերազն զոր 'ի Պաղտաս 'ի գիշերի անդ յետ մահու քաջի առնն տեսեալ էր . իբրու զի ուրուականն Իսքէնտէրայ սպառնալից երևեալ կշտամբէր զնա սակս այնպէս զամենայն դործս տեսչութեան աշխարհին և զգատաստանս անպարտ արեանց լքանելոյն արքայի 'ի

1 Եւ այս իսկ էր , ասէն պատմագիրք Օսմանեանց , ճշմարիտ պատմառոք քինոս վելչիւրին ընդդէմ իսպանաբերայ . քանզի նա յանդիմանէր զիպրահիմ ասելով՝ էիւն լի օրէն՝ լի 'ի զիպ նմա զանուան պատուոյ զսէպհախանն արքայի զանխամբ առանուլ :

ձեռքս բռնաւորին Իսրայէլի մայր . և ապա
 ահագինս իմն յարձակեալ ի վերայ խեղ
 դամաճ կամէր առնել զնա, մինչև ՚ի վեր
 վազել արքայի յընկողնացն վայելով առ
 ահին : Արդ ՚ի միում գիշերի մեծի պա-
 հոցն Տաճկաց գնաց Իսրայէլի որպէս
 սովորն էր յաստարանս արքունի ընթ-
 րել ընդ թագաւորին , և ապա ննջել
 ՚ի նմին սենեկի . և ընդ այգն խեղդամաճ
 գտաւ ՚ի մահիճսն . և գիական նորա անփա-
 ռուհակ թաղեցաւ ՚ի մենարանի ուրեք
 տէրվիչաց ՚ի Ղալադիա : Եւ փոխանակ
 նորա կարգեցաւ Այաս փաշա : Այս
 կատարած եղև ջնարահար յոյն գեր-
 ւոյն մագնիսացւոյ , որ շնթող և խի-
 զախ և սատրաստաբան բարուքն ամ-
 բարձեալ մինչև յազգակցութիւն ար-
 քայի , և մեծամեծ վաստակովքն առ-
 արնին և ՚ի բանակի անցեալ զանցեալ
 զամենայն բարձրութեամբ , գահավեժ
 անկաւ յանկարծակի ՚ի մահուն խոր-
 խորատ ¹ :

Ի ժամանակս երկրակալութեանն
 Սիւլէյմանայ յաշխարհին Պարսից և

1 Ի յիշտփակ շողմարար Բարոյից Իսրայ-
 էիմայ առանդէ պատմագիրն Աւի , զի մեծ
 քեռ փախսին սենեկայեք էր նա արտայի,
 զհոփածու եղնփանց նորին ՚ի կոնտ արծաթի
 հաստիւր առնոյր , և զուր արիւեալ ՚ի վերայ
 սրսիւր զնոյն զանխամբ և զայլով պաշտփա-
 նօր իբրև զընդ վարդից :

Քաղաքացւոց , քաջահամբաւն Խայրէտափն փաշա՝ զԾովեղերեայս Ափրիկոյ զՃէզայիր և զԹոււնուզ զաշխարհս նախնոյն Կարթագինոյ : Քանզի սա ՚ի յուր ամաց հետէ հինաբար ասպատակեալ ընդ միջերկրականն՝ ոչ սակաւ աշխատարար զՍպանիացիս . սպա տիրեաց և թագաւորեալ քաղաքին Ճէզայիրայ , սպանեալ զթագաւոր նորին զՍէլիմ՝ , այլ զիրաւունս գրամ հատանելոյ և զմաղթանաց ուրբաթուն սպահեաց արքայի , և ազգարար զյաղթանակէն առ Սիւլէյման : Իսկ նորա կարգեալ զԽայրէտափն ՚ի կուսակալ կողմանցն , քաջալերեաց զնա չղերծուցանել ՚ի ձեռաց զաշխարհն մեծ : Էստ Խայրէտափն և տեղիս ինչ յերկրէն Սպանիացւոց . վանեաց նաւամարտիւ զԾովակալն զԱնդրէաս Տորիս , և խաղացոյց յԱնտալուսիոյ ՚ի ծովեղերէն Սպանիացւոց եօթանասուն հազար Մաւրիտանացիս ՚ի հանդիպակողմն յԱփրիկէ :

Ապա կոչեցեալ Խայրէտափն յարքայէ մինչդեռ գայր ՚ի Կոստանդնուպօլիս , կալաւ հանդէպ Մեսինակղզւոյն նաւս ութուսասն , և դատարկեալ զնոսին հրձիգ արար : Եւ իբրև Էհասս ՚ի Կոստանդնուպօլիս , հրաման ետ նմա արքայ նաւս կազմել որչափ և կամիցի ,

1 Յայտնի է սա Եւրոպացւոց՝ Պատարաստաս յորըրջմամբն , այն է շիխմարաս :

և երթալ ակրեւ ՚ի սպառ Վարթագինոյ :
 Խաղաց գնաց Խայրէտաին ութսուն
 նաւուք, ութ հազար ենիչէրեօք և ութ
 հարիւր հազար ոսկւով, և զճանապարհ
 հայն բազում բերդորայս առեալ յի-
 տալացւոց, ասպատակեաց և ՚ի ծովե-
 ղերեայս՝ Նէապօլսոյ, և եհաս ՚ի Թունուզ
 քաղաք, յորում թագաւորէր Միւլէյ
 Հասան ոմն ՚ի վաղեմի առհմէ որդւոցն
 Հաֆսայ : Մարտեղեալ կռուեցաւ ընդ
 նմա Խայրէտաին, և էառ զամուրդ զղեակն
 Հալիւլ վատ, որ և Վուլէթ թա. այլ ոչ
 քինչ յերկարեաց ինդ ութիւն նորա : Չի
 կայսրն Վարուդս հինգ հարիւր նաւուք
 եհաս յօդն ութիւն արքային Թունու-
 ղայ, յաղթեաց սպառերազմաւ զօրացն
 Օսմանեանց և հալածեալ փախոյց
 զԽայրէտաին սակաւ արամբք ՚ի լեռնա-
 կողմանս, և անտի ՚ի Ճէզայիր : Եւ սպա
 սայմանեալ ընդ Միւլէյ Հասանայ դա-
 շինակարևորս յանդորր ութիւն քրիստո-
 նէից կողմանցն՝ դարձարար յերկիր իւր :

Հաստարան երեսնամեայ խաղաղու-
 թեան Օսմանեանց ընդ Վենեականցիս
 գոլով Խպրահիմ փաշա, ՚ի կործանել
 նորին բացաւ և դուռն սպառերազմի :
 Քանզի Խայրէտաին փաշա, դարձ ՚ի Վոս-
 տանդնուպօլիս արարեալ և ծովակալ
 եղեալ էր, և ցանդ սպառճառս ինդրէր
 նաւամարտի ընդ քրիստոնեայս : Ի չա-
 րադէս ժամուն և զօրավարք Վենեա-
 կեցւոց առ Վորկիւրաւ անկեալ ՚ի վե-

բայերից նաև ուց Օսմանեանց՝ վարեցին զնոսայանդէտս 'ի ցամաք . և էր 'ի նաև անդ Եօնուս պէյ արձակեալ 'ի Սիւլէյմանայ դեսպանութեամբ 'ի Վէնեակի : Եւ թէպէտ ծերակոյտն Վէնեակոյ պատահասակոծ արարին զզորավարս իւրեանց սակս լուծանելոյ հրեշտակութեանն օրինաց , սակայն Սիւլէյման արքայ ստուարագունդ բանակաւ դիմեաց ընդ ցամաք 'ի վերայ նոցա և եհաս մինչև յԱլոնա : Հրաման ետ և ծովակալին Խայրէտտինայ և մեծի վեղերին Այասայ , և նաւապետին Վուդֆեայ յարձակել ընդ ծով յառումն կղզոյն Կորկիւրայ , այն է Քորֆուկամ Քէօրֆէզ : Ելին 'ի կղզին խառն հազար զօրականք երեսուն հրազինութեամբ , և ասպատակեալ շուրջանակի զերիս տիւս և զերիս դիշերս , ասպապաշարեցին և զբուն քաղաքն : Եհաս անդր և Սիւլէյման ինքնին , և ազգ արար 'ի ներքս՝ տալ զքաղաքն . և իբրև անպատասխանի արձակեցաւ դեսպանն 'ի Վէնեակեցւոց , հրամայեաց պնդել զպաշարումն : Այնչափ էր բռնութիւն և թափ արձակման հրազինուցն Օսմանեանց , զի ուսմբքն ոստուցեալք 'ի նոցանէ քաջ 'ի բաց զքաղաքան զանցեալ 'ի ծով անդր անկանէին , խառն ինչ մնաս հասուցանելով պաշարելոցն : Իսկ որ 'ի ներքուստ 'ի դիւկէ անտի ուսմբք

արձակէին՝ անվրէպ դիպեալք 'ի պա-
շարիչսն՝ բազում մահունս 'ի նոսա
գործէին : Երկու նաւք Օսմանեանց
ընկլուղան , և 'ի մի հարուած ռմբիարք
չորք միանդամայն դիտապաստ անկան
'ի վերայ մարտկոցացն , որ ըստ այնր
ժամու զինուորութեան ոչ փոքր ինչ
զարմանք էին : Եւ այս դէպք շատ է-
ղեն Սիւլէյմանայ , որպէս ասեն պատ-
մագիրք Օսմանեանց , 'ի բառնալ զպա-
շարումնն . իբրու զի պատուական էինձ
ասէր նա՝ կենդանութիւն միոյ Օսման-
ցւոյ , քան զբիւր բերգորայս :

Ի դարձին իւրում 'ի Կոստանդնու-
պօլիս գրաւեաց Սիւլէյման արքայ և
զամենայն կողիս Արշիպեղազոսի ընդ-
ձեռն խայրէատինայ 'ի Աէնեակեցւոց :
Յորում ժամանակի և խոսրով պէյ կու-
սակալ Պոսնիոյ էառ հանդերձ այլովք
կուսակալք կողմանցն բազում բերգո-
րայս յերկրէն Գաղմատացւոց և յաշ-
խարհէն Մաճառաց , թէպէտ և առ է-
րեսս խաղաղութիւն էր յայնժամ ընդ
Օսմանեանս և ընդ Գերմանացիս : Ար-
ձակեաց Փերտինանտոս ընդդէմ աս-
պատակութեանցն խոսրովայ վեշտա-
սան հազար հետևակազօրս և ութ հա-
զար հեծեալս , որոց զօրավարէր Քա-
ցիանէս . այլ խոսրով եհար խորտա-
կեաց զզօրսն և լցաւ լիացաւ բազում
աւարօք . զի Քացիանէս անդատին 'ի

սկզբան ճակատամարտին վատուածեան
 դործ յանձին ցուցեալ 'ի փախուստ
 դարձաւ ¹ :

Զամն որ զկնի անցոյց Սիւլէյման
 դարձեալ 'ի մեծամեծ յաղթանակու-
 թիւնս : Քանզի սպառճառս ինչ անհա-
 ւատարմութեան գտեալ 'ի Ռարէշ իշ-
 խանն Մոլտաւիոյ, որ 'ի քսան և եր-
 կուց ամաց հետէ հարկատուէր Օսմա-
 նեանց՝ խաղաց 'ի վերայ նորա զօրու ծա-
 նու : Ընդ առաջ ել նմա առ Եաշ քա-
 ղաքաւ Սահիպ քերէյ խան Խրիմու-
 ութ հազար հեծելովք, և մեծապէս սպա-
 տուեցաւ յարքայէ : Ապա հրաման ետ
 Սիւլէյման զօրացն յարձակել 'ի քա-
 ղաքն Եաշ, յորում նորաշէն ապարանք
 Ռարէշայ ամենայն եկեղեցեօք հան-
 դերձ քաղաքին մօխրեցան . և Թաթար-
 քրն և ասպատակաւորք հալածեցին ըզ-
 Ռարէշ մինչև յանտառամէջս Դրանսիլ
 վանիոյ : Ի մերձենալ Սիւլէյմանայ 'ի
 Սուչովա, որ 'ի Ժամանակին յայնմիկ
 քաղաք մեծ էր և ամրապինդ, աւա-
 դանին Ռարէշայ մտադիւր բացին նմա
 զգրուանն . այլ ոչ զերժան 'ի յափշտաւ

1 Ընդ այլ հրապէնս գերմանական Բանակին
 անխաւ 'ի Յիսուս Օսմանեանց և Ռնդանօնն
 մեծ Թնդանօն Քաղիանէոսայ, իսմ որպէս
 պարսափիբո նոցա իռլեն՝ Գօլան դօֆոս ա-
 նուանեալ. զոր և ընդ ամա երկերի-ց վարեցին
 նոքա 'ի մեծամեծ պարէրազմանս :

կութեհէ և ՚ի կողոպտելոյ զօրացն Օսմանեանց : Կարդեաց Սիւլէյման ըստ ինդրոյ աւագանւոյն իշխան երկրին զՍտեփանոս զեղբայրն Ռարէշայ, և ետ նմա գլխանոց և սամուրենի և գրօշ և թմբուկ, հանդերձ ծանր ծանր սպամանօք, և մի էր ՚ի սպայմանացն՝ ամէլ իշխանին անձամբ ՚ի Կոստանդնուպօլիս ամի ամի զհարկան տահմանեալս : Եւ դարձ արարեալ արքայի ՚ի Բուլղարս, ձմերեաց յԱդրիանուպօլիս :

Անդր եհասաւ նա ծովակալ իշխանն Խայրէտափն, որ ՚ի հերուն հեռէ հարիւր և յիսուն նաւուք արշաւանս եդեալ ՚ի միջերկրական ծովուն՝ երկոտասան կողիս ընդ հարկաւ կացուցեալ էր, և յայլ ևս երեքտասան կողիս ասպատակեալ. և մի ըստ միտջէ սլատմեաց զիրան յատենի թագաւորին : Ընդ որս և զնաւամարտն ընդ մեծի նաւահանդիսին քրիստոնէից, յորում էին նաւք Վենետկեցոց և դաշնակցաց նոցին հարիւր և վաթսուն և վեց : Արոց դէմ եդեալ ՚ի վերայ ամուր քաղաքին Փրեվեղայի ճակատեցան ընդդէմ նաւուցն Խայրէտափնայ, և մարտեան ընդ նմա սաստկապէս : Այնինչ խոյս տալ կամէր Խայրէտափն ՚ի քաղաքն կոյս, ծովակալն Տորիա յանկարծակի իմն խոյս ետ և ՚ի փախուստ դարձաւ : Սակայն ՚ի վաղեանդր ՚ի ստիպելոյ այլոց նաւաստիկ զօրավարաց վերատին ՚ի ճակատ մատեաւ,

և խորտակեցաւ յՕսմանեանց . որք ըզկէս նաւուցն հարին ջախջախեցին , զկէս ընդ բռամբ իւրեանց արկին , և զոմանս հրդեհեալ սյրեցին . և գիշերն ևեթ 'ի վերայ հասեալ զերծոյց զբրիտտոնեայս յառաւելագոյն մնասուէ : Սակս այսր ամենայնի քաջութեանցն խայրէտտինայ յաւել արքայ 'ի թոշակ նորին այլ ևս փողս հարիւր հազար :

Այլ 'ի վեր քան զնա արիացաւ խափամ Սիւլէյման փաշա կուսակալն Եգիպտոսի յարշաւանին իւրում 'ի Կարմիր ծովուն 'ի ծովեզերս Արաբիոյ և Հնդկաց : Սա այր յեցեալ յութանամեայ ծերութիւն, կարճահասակ, և յոյր այնչափ՝ մինչև առանց չորից ոմանց բառնալոյ ջկարել յառնել 'ի տեղւոջէ իւրմէ, լի էր երիտասարդական ոգւով արութեան : Եօթանասուն նաւուք և քսան հազար զօրականօք ելեալ 'ի նաւահանգստէն Սիւվէյխայ , գիմեաց 'ի ծովեզրն Քիւճրաթու ընդդէմ Լուսիտանաց կամ Փորթուգալաց, որ տիրեալ էին ամուր ամուր քաղաքաց աշխարհին : Յարձակեցաւ էսո 'ի նոցանէ զամբոցսն Քիւքէ և Գաթ , և սլաշարեաց զՏիու : Եւ յերկարել ձգել սլաշարմանն ցաւուրս քսան՝ իբրև ետես Սիւլէյման զի սլակասեցին համբարք զօրականին իւրոյ, աւանդեաց ետ զկուսակալութիւն աշխարհին Եմենու , որ է երջանիկն անուանեալ Արաբիա , ցՄուսղա

Քա պէյ որդի Պարգլը Մէհէմէտայ,
արձակեաց զնաւատորմն 'ի Ճիստէ, և
ինքն ուղևորեալ եհաս 'ի Կոստանդնու-
պօլիս, բերեալ առ թագաւորն հան-
դերձ բազում գանձիւք և երեքարիւր
արկեղս ոսկւոյ և արծաթոյ, զորս յա-
ւանդ տուեալ էր նմա Պէհապըր շահ
խլիսանն Արաբիոյ յերեսաց արշաւա-
նացն Փորթուգալաց, և ապա ինքն մե-
ռեալ էր:

Ընդ այն աւուրս յամին 1539 հրդեհ
մեծ անկեալ 'ի նաւարանն Կոստանդ-
նուպօլսոյ՝ կիղեաց ընդ յոլով շինուա-
ծոց և զկալանաւորս տեղւոյն առհա-
սարակ. և 'ի շնչել սաստիկ հողմոյ անդր
ևս քան զնաւարանն ծաւալեալ բո-
ցոյն, ոչ ինչ նուազ կոտորածս դորձեաց
քան զորս 'ի նմին ժամանակի ծախէր
սպառէր և ախտն ժամտ անհնարին
զայրացմամբ: Ըմբռնեցաւ 'ի ժանտէն
և մեծ վէղիրն Այաս փաշա և մեռաւ,
և եթող հարիւր և քսան որդիս: Զնա
յաջորդեաց յիշխանութեանն փեսայն
արքայի Լուդֆի փաշա. այլ չարախօ-
սեալ 'ի սլաւատականաց անտի՝ զհետ
երկուց ամաց մերժեցաւ 'ի սլատուոյն
և վտարեցաւ 'ի Տիմեթոքա, ուր և մա-
տենագրեաց գիրս բազումս, և սլատ-
մագրութիւն մի ևս Օսմանեան մեծար-
դի յաչս իմաստնոց: Իսկ զտեղի նորա
փոխանակեաց կուսակալն Եգիպտոս-
ցւոյ Խատիւմ Սիւլէյման փաշա:

Աշնանի եւ թաղաւորն յորսս յԱսիա . և մինչդեռ դարձ արարեալ դայր 'ի Պրուսա , ընդ առաջ ելին նմա քաղաքացիքն հեծեալք յիւրաքանչիւր երկվարս : Ծանր թուեցաւ այն յաչարքայի . վասն որոյ և պատուէր հրամանի եղաւ՝ զի մի ևս ոք իշխեսցէ երկվարաւ ելանել ընդ առաջ արքայի , բայց միայն յաւազ որերոյ : Ապա իբրև ժամանեաց 'ի Կոստանդնուպօլիս , արար զհանդէս թլխատութեան երկուց որդւոց իւրոց Պայէզիտայ և Ճիհանկիրայ բազմօրեայ տօնախմբութեամբ և բազմածախ խնջոյիւք և ազգի ազգի խաղարկութեամբք . յորոց մի և այն էր՝ զի հրեայք յօրինեալ ճարտարութեամբ վիշապ անարի եօթնագլուխ ընթացուցին 'ի ձիարձակարանին : Եւ կային անդ 'ի տեսիլ ամբօխին առ իւծք և ինձք և ընձառ իւծք , վագերք և լուսանունք և գայլք և ընձուղտք՝ ի կապանս շղթայից :

Յետ այնորիկ կատարեաց արքայ և զհարսանիս դատերն իւրոյ՝ զոր ամուսնացոյց ընդ Տիւսթէմ փաշայի . և հրաւիրեաց 'ի հանդէսն ընդ այլոց դեսպանաց և զպայլն Ահնետկեցւոց զՔանակէ՝ ազատեալ զնա յարգելանէն , յորում կայր սակս եռամեայ պատերազմին որ ցայնժամ տուէր 'ի միջերկրական ծովուն : Աստի յայամանէ քաջալեր յուսոյ ստացեալ ծերակուտին Ահնետկեցւոց առ 'ի հաշտութիւն խնարհելոյ

ՂՄԻւԼէյման, առաքեցին առ նա բազում
 դէսպանս աղաչանօք, և ուր ուրեմն
 յանձին կալեալ թողուլ 'ի նա զեօթն
 կղզիս յԱրշիպեղագոս, և զՄալվապիս
 և զՆէասպօլիս Ռոմանիոյ 'ի Մոսա, և
 զՆատիս և զՈւրանա 'ի ծովէ զերս Դադ
 մատիոյ, և տուգանել ոսկիս երեսուն
 հազար փոխանակ տուժիցն եզերոց 'ի
 ժամանակի սպտերազմին, հաւանեցու
 ցին զնա յետս կոչել զծովակալն Խայ
 րէատին, և հաստատել դարձեալ 'ի
 միջի զնախնի բարեկամութեանն դա
 շինս :

Ընդ այն ժամանակս ընկեր մեռանել
 Յովհաննու Զափուլեայ արքային Մա
 ճառաց, և թողուլ որդի մի դեռահա
 սակ Սիգիամունդ անուն ընդ խնամա
 կալութեամբ գշխոյին իւրոյ Իզապե
 լեայ քեռ թագաւորին Նէհաց : Փեր
 անանտոս արքայ փութացաւ 'ի սա
 աեհ ժամուն յինքն կորզել և զմա
 ցեալ մասն աշխարհին Մաճառաց, սակս
 որոյ և դէսպան արձակեալ առ Սիւլէյ
 ման զԼասցքի զհատուածեալն 'ի Զա
 փուլեայ առ իւր, խնդրէր 'ի նմանե
 զհաշտութիւն բարեկամութեան : Զայն
 զգացեալ գշխոյին Զափուլեայ՝ բողոք
 կալաւ առ Սիւլէյման, և 'ի նա սպաս
 ան առնէր զգութս խնամոց գիրկն
 կալ որդեկին իւրոյ, և Սիւլէյման արքայ
 առաքեալ մանկանն Զափուլեայ զհրո
 վարտակ թագաւորութեան, արդէլ 'ի

դիարահոջ զգեապանն Փերտինանտոսի
 զԼասցքի, և հրատարակեաց ընդդէմ
 Գերմանացւոց զմարտ պատերազմի .
 քանզի Փերտինանտոս սկսեալ խկ էր
 միտել 'ի Մաճառս և առնուլ զքաղաքս
 քաղաքս աշխարհին : Եթող 'ի Կոս-
 տանդնուպօլիս ասիական զօրօք ըզ-
 Սիւլէյման փաշա զվէզիրն մեծ , ոչ
 այնչափ ծերութեանն աղագաւ , այլ
 մանաւանդ սակս երկիւղի կասկածա-
 նաց՝ որով խիթայր յորդւոյն իւրմէ
 'ի Մուսղաֆայէ . և ապա առեալ
 ընդ իւր զարքայորդին Պայէզիս խաղաց
 գնաց 'ի Մաճառս : Հասեալ 'ի Արա-
 սին էառ զուր, խորտակման Գերմա-
 նացւոցն պաշարողաց զՊուսին . զի ոչ
 միայն Օսմանեանք էին որ մարտնչէին
 ընդդէմ Գերմանացւոց , այլ և նոքին
 խկ Մաճառք . և դիւղականք անգամ
 նոցա զէն 'ի վեր առեալ յարձակէին
 հարկանէին զսոսա իբրև զյափշտակողս
 աթոռոյ հայրենի իւրեանց աշխարհին :
 Իբրև եհաս անդր և Սիւլէյման արքայ ,
 բանակեցաւ արտաքոյ քաղաքին, և զվեց
 հարիւր դերիս Գերմանացւոց ածեալ
 առաջի իւր հրամայեաց ընդ սուրանցու-
 ցանէլ : Ապա քայռս ոսկիս չորս, և ե-
 րիս ոսկեսանձ երիվարս առաքեալ ար-
 քայորդւոյն Մաճառաց 'ի պարգևս ,
 ետ տանէլ և առ դշխոյն մատանիս և
 շղարշ և ապարանջանս հանդերձ պա-
 տուիրանաւ ասելով, եթէ քանզի չէ

օրէն մեծի արքային անձամբ զնալ նմա
 'ի տեսութիւն, թող արձակեսցէ առ նա
 զորդեակն իւր : Զանդիտեալ նախ զը-
 խոյին և խռովեալ յոյժ 'ի բանէ անախ
 չկամէր անսալ հրամանին . այլ ապա
 յորդորեալ յիւրոց նախարարացն , եզ
 զմանկիկն յօսկեկազմ 'ի կառս և ար-
 ձակեաց զնա ընդ դայեկին և ընդ եր-
 կուց սպառաւանց և ընդ վեցեսին խոր-
 հրրդականս իւր : Սոքա կացին յայլում
 վրանի , և դայեակն և եթ ընդ միում 'ի
 նախարարացն տարեալ զՍիգիսմունդ
 առ Սիւլէյման , և դարձաւ անդրէն :
 Յայնժամ ծանոյց արքայ նախարարացն
 Մաճառաց , եթէ կամիմ զՊուտին ընդ
 խնով ձեռամբ ունել մինչև հասցէ Սի-
 գիսմունդ յարս . և 'ի նմին պահու ենի-
 չէրիք լցան զեղան 'ի քաղաքն անհա-
 կառակ : Ապա եմուտ անդր և Սիւլէյ-
 ման , և զեկեղեցի Տիրամօրն փոխեաց
 'ի մզկիթ . հրամայեաց գշխոյին ե-
 լանել բնակել որդւոյն հանդերձ ար-
 տաքոյ Պուտինայ ուր և կամք իցեն նմա
 կարգեաց 'ի քաղաքին երկու հազար
 ենիչէրիս և գունդ մի հեծելոց 'ի պահ-
 պանութիւն , և դատաւորս երկուս ,
 զմին տաճիկ յազգէ և զմիւսն մաճառ .
 և զտեսչութիւն նորին աւանդեալ 'ի
 Սիւլէյման փաշա որ յառաջ կուսակալ
 էր Պազտատայ , հրամայեաց չու դար-
 ձի առնել :

Անդր հասին և գեսպանք 'ի Փերսի-

նանտոսէ՛ ՚ի խնդիր հաշտութեան . և
 ճաշեալ նախ ՚ի վրանի վէզիրաց յանօթս
 խեցեղէնս ապիկեալս , ապա ածան ՚ի
 խորանն արքայի՝ տանելով ընծայս բա-
 ժակ մեծ ոսկեզօծեալ բաղմադին , և ժա-
 մացոյց գործի մեծ ճարտարարուեստ
 յօրինուածով , յորում ոչ միայն ժամք
 աւուրն և թիւք աւուրց ամսեան երե-
 վին , այլ և բոլորմունք լուսաւորաց
 երկնից : Սիւլէյման արքայ բաղմեալ
 կայր ՚ի բարձրաբերձ գահոյս՝ յաջմէ և
 յահեկէ վահան ունելով և լախտ և կա-
 պարճս նեախց և աղեղանց , և պար-
 առեալ ՚ի վէզիրաց և յայլոց մեծամեծաց .
 և ախորժ հաճութեամբ զննեալ մանր
 զժամացոյցն՝ ետ զձեռսիւր ՚ի համբոյր
 դեսպանացն . և յառաջի առնել նոցա
 զխնդիր թագաւորին իւրեանց՝ ասէ .
 « Զինչ զոր խօսին գոքա . և զինչ զոր
 խնդրեն » : Եւ այն ինչ սկսանէին նոքա
 խօսել՝ ասէ . « Եւ չտեսին գոքա ըզ-
 փոխանորդն իմ զՏիւսթէմ փաշա » :
 Իսկ իբրև աւարտեցին նոքա զրանան ,
 « Թէ չունին ինչ , ասէ , այլ ևս ասել ,
 ելցեն ՚ի բաց » : Յետ երկուց աւուրց
 խօսեցան նոքա ընդ Տիւսթէմայ յեր-
 կարագոյնս . այլ ոչ միայն չընկալան զոր
 խնդրէին զպայմանս հաշտութեան՝ պա-
 հանջմամբ թագին Մաճառաց , այլ և
 առին պատուէր սաստիկ , եթէ չիք
 Փերտինանտոսի այլազգ հաշտել ընդ
 մեծի գրան Օսմանեանց , բայց ՚ի

բաց տալով զամենայն դքազաքսն զորս
գրաւեալ ունէր յերկրէն Մաճառաց,
և հարկելով ևս ամի ամի այսչափ ինչ
դրամն : Զայրագնեալ դեսպանաց ընդ
պահանջանան՝ ինդրեցին առ ժամն դուռ
առնել զինուոց . փրկանաւորեցին ըզ-
գերիս իւրեանց, և պատուեցան յար-
քայէ ընծայիւք դիպակաց և պատմու-
ճանաց :

Մինչդեռ մատչէին դեսպանքն՝ ի համ-
բոյր ձեռաց Սիւլէյմանայ, կալաւ զմի
՛ի նոցանէ ցաւ միջաց սաստիկ յոյժ, և
դոչեաց ՛ի բարբառ իւր առ Տիւսթէմ.
« Զեռն տուր ինձ վասն սիրոյն Աստու-
ծոյ » . և Տիւսթէմ ոչ ինչ խլրտեցաւ
՛ի տեղւոջէն, թէպէտ և քաջ խմանայր
դբարբառն . այլ արքայ անդէն ամբարձ
զձեռն իւր իբրու թղաչափ մի վերոյ
քան զժուռնկան, զի դիւրեացէ ծերուն-
ւոյ առն զհամբոյրն :

Սիւլէյման արքայ չու դարձի արա-
րեալ ՛ի Աոստանդնուպօլիս, և հաս անդր
յեւ երկուց ամսոց : Եւ քանզի գունդք
գունդք ասպատակաւորացն Օսմա-
նեանց ոչ դադարէին յարշաւելոյ ՛ի
սահմանս Փերսիանատոսի, իբրև գիմե-
ցին զօրք նորա ութսուն հազարաւ չափ
՛ի պաշարումն Փէշթ քաղաքի, Սիւլէյ-
ման արքայ հրովարտակ սպառնալից
արար առ Մաճառս, զի թէ, ասէ, ունկն
դնիցէք բանիցն Փերսիանատոսի, հարիւր
հազար թաթարք իմ և ասպատակաւորք

յաճիւն գատեացին զձեզ և զամենայն
ինչ զձեր: Եւ ոչ այնու շատացեալ՝ եդ
'ի մօտի միւս անգամ խաղալ գնալ 'ի
կողմանսն: Փոփոխութիւնս արար 'ի
պաշտամունս աւագանւոյն, կարգեաց
խան խորհուրտխանակ Սահխալայ զՏէմ
լէթ քէրէյ, և սպարապետեցաւ մեծաւ
կարգաւ որու թեամբ քան զայլ նուագս
սունել զարշաւանսն յերկիրն Մաճա
ռաց. այլ յառաջագոյն արձակեաց զժո
վակալն խայրէտտին յօդնու թիւն թա
գաւորին Գաղղիացւոց ընդդէմ Կարո
լոսի կայսեր:

Քանզի ընդ նոյն ժամանակս Ռէնսոն
գեապան գաղղիացի 'ի գալ իւրում 'ի
Կոստանդնուպօլիս սպանեալ էր 'ի կող
մանս խալիոյ. և զի հաւաստի իմն էր
'ի հրամանէ Կարոլոսի ընել զաւաճա
նու թեանն, Փրանկիակոս Ա թագաւոր
Գաղղիացւոց վառեալ 'ի նախանձ վրէժ
խնդիր ընելոյ՝ հրեշտակս արձակեաց
առ Սիւլէյման և աղաչեաց զնա արձա
կել իւր 'ի թիկունս օգնականութեան
ընդդէմ Կարոլոսի զօրս սպառերազմիկս
ընդ ծով. և Սիւլէյման առաքեաց ըղ
խայրէտտին հարիւր և յիսուն նաւուք:
Էսա խայրէտտին զճանապարհայն ըղ
Մեսինա. և մօտ քերեալ զափամբք Ի
տալիոյ՝ սասանեցոյց զմեծն հռովմ, և
անցեալ գնաց 'ի Մարսիլիա. սաշա
րեաց զամուրն Նիցցա և նեղեաց սասա
կապէս. այլ 'ի քրթմիջեւ ենիչերեաց, և

Իսպառել վառօդոյ Գաղղիացւոց՝ ծանրացասունն եղև Խայրէտախն, և բարձեալ զպաշարուն մեկնեցաւ:

Սիւլէյման արքայ մինչև ելեալ ՚ի Կոստանդնուպօլսոյ առ ՚ի դիմելոյ ՚ի Մաճառս՝ հրամայեաց հարիւր և քսան և չորս հազար քոռ դարւոյ և քառասուն հազար քոռ ցորենոյ բարձուցանել յերեքարիւր և վաթսուն նաւ և առաքել ընդ Սեաւ ծով ՚ի Դանուբ, և զաւուրս ձմերայնոյն յԱդրիանուպօլիս անցուցեալ՝ ՚ի դալ դարնայնոյն յուղի անկաւ ահագին բանակաւն այս տասներորդ անգամ:

Յառաջընթաց լինելն ջրկիրքն տկարձք, և զհետ նոցա երկու հազար և հարիւր ջորիք որ տանելին զգանձն արքունի և զկարասիս թագաւորին: Ձկնի նոցա գնային իննհարիւր երիվարք, և ուղտք բեռնաւորեալք համբարովք և մեքենայիւք հինգ հազար և չորեքհարիւր. ապա զինասպանք հազար, ականահատք հինգհարիւր, ամբաձիղք ութհարիւր, և վարողք թնդանօթաձիղ կառաց չորեքհարիւր հանդերձ իւրեանց զօրավարօք: Ձհետ գնային պաշտօնեայք ար-

1 Ձինասպանացն, որ ճեղկեճի յայնելին Գործ էր ինամ ունել զինուոց և պապերազմական մեքենայից. իսկ ումբաձիղքն, և որ զիստոն լնդամնօլիցն վարելին՝ իուլէին Գոմսպարաճի և Դոճարադաճի, և առ հասարակ Դոճաճի:

քունեացն, մատակարարն մեծ, և դան-
 ձապեան և անտեան կամ հաղարապեա-
 Ապա գայր հեծելազօրն. յաջում թևի
 երկու հաղար հեծեալք ընդ կարմիր
 դրօշու, և ՚ի ձախում երկու հաղար զե-
 նակիրք գեղին դրօշու : Արձկան զօրք
 հինգ հարիւր խաղային ընդ աջմէ դրօշ
 տանելով կանաչագոյն, և ընդ ձախմէ այլ
 վարձկանք հինգ հարիւր՝ որոց խառն էր
 գոյն դրօշուն սպիտակ և կանաչ. և զնո-
 ցին կնի եկամուտքն սպիտակադրօշք հա-
 զար : Զհեանոցա խաղային ատենակալքն,
 ատենագալիրք, համարակալք, դատա-
 ւորք զօրաց, և վեզիրք չորք, որոց առաջի
 ընթանային քառեակ ձարք ձողաբարձք
 և շուրջանակի բազմութիւն գերեաց և
 ծառայից : Զկնի նոցա գայր հանգէս
 որսոյ թագաւորին, այսինքն են բազէ-
 կալք, արծուէկիրք, բարակապանք,
 սուրհանգակք, և խոհապետք. և սպա
 երիվարքն արքունի զարգարեալք ՚ի
 սանձս ոսկեղէնս և յասպատանգս ար-
 ծաթիս, և յականակուռ և յոսկե-
 հուռն համեաս և ՚ի ծածկոյթս ոսկե-
 գիպակս : Ապա ընթանային երեքա-
 թիւր սենեկապանք հեծեալք յերթ-
 վարս, և սպա խաղային երկոտասան
 հաղար ենիչէրիք. յորոց յերկայնաձիգ
 թաղեայն արկեալս զուսովք արեգակ
 նափայլ նշողէին տարգալքն սղնձիք. և
 ունէին նոքա զէնս սուսեր և նիզակ ՚ի
 ձեռին, և ՚ի թիկունս հրացանս մեծա-

մեծս, և յառաջոյ իւրեանց ձարս երիս
 ձողաբարձս : Իսկ դրօշք նոցին կարմրա-
 գոյնք վեց էին թուով : Ձհետ նոցին
 շքեղս հովահարեալ գային եօթնաթիւ
 դրօշքն արքունի ոսկեհուռք, և եօթն
 ձարք ոսկեղօծք : Ապա հարիւր փողա-
 հարք ոսկեղօծ շղթայիւք՝ իկախ ունելով
 զգալարափողսն զպարանոցաց իւրեանց,
 և հարիւր թմբկահարք ընդ նոսին զպա-
 տերաղմահանն հնչեցուցանէին նուազս-
 որոց զհետ գային չորեքհարիւր թիկնա-
 պահք արքայի լայնալիճ՝ աղեղնաւորք,
 և զօրավարք նոցա հուս գնային յապա-
 տանդս թագաւորին, ամենեքեան գլ-
 իսարկս ունելով թաղեայս զարդարեալս
 լայնատարած փետրովք մեծամեծօք՝
 և էին գօտիք նոցա մետաքսեայք, և կա-
 պարձքն և աղեղունք պէսպէս ընդե-

1 Անշուշք 'ի հոռվմայեցաոցն սովորեցին
 և Օսմանեանք ինքբարազարդ առանել զսաղա-
 սարքս իւրեանց . այլ նոքա այլ իժն յաւելումն
 այն՝ պարսառուս : Քանզի յաւուրս Պայեղի-
 քայ Ա, ոմանք 'ի զօրավարացն ենիւկեցեաց եր-
 թեալ յայոց շիրի հաճի Պէկնաշայ հոռո 'ի
 քաղաքն կեսարացաոց, անդ փենին՝ սսեն, զի
 սսել շիրին յօրինեալ եր 'ի ինքբոց զայնե-
 ման, և մի ոժն 'ի նոցանէ առեալ եդ զայն 'ի
 Գլուխ իւր 'ի նշան մեծարանաց . զնոյն և այլօ
 արարին, և զինի Ժամանակաց յաւելին յեք ին-
 սն սաղասարքիցն և ինքուր իմանիան և իմ
 ինիստն ինքնուր :

լուղեալք: Հարիւր և յիսուն չառուչք
կամ նուիրակք արքունի՝ կալեալ 'ի ձե-
ռին մէն մի գաւազան արծաթի, յորոց
չինգը արծաթի կախեալ շառաչէր ընդ
ոտիցն դոփելոյ, գային ընդ մէջ աղեղ-
նաւորացն՝ գոչելով անհատ զսովորա-
կանն մաղթանս երկայն աւուրց թագա-
ւորին: Մօտագոյնս քան զնոսա ընթա-
նային եօթանասուն պայիկք տասպա-
րաւորք ոսկեկմբեայ սաղաւարաիւք ըզ-
գեցեալք հանդերձս ոսկեգիսլահս՝:
Եւ 'ի նոցա միջի խաղայր գայր հզօր
արքայն Սիւլէյման հեծեալ 'ի նժոյգ
ահապարանոց, և հովանաւորեալ 'ի
փեարոց անտի աղեղնաւորացն:

Այսպիսեալ ուղևորութեամբ չու-
արարեալ Սիւլէյմանայ, իբրև եհաս 'ի
Փիլիպպէ՝ էառ զուր յաղթութեանն
զոր տարեալ էին Պալի փաշա Պուտինայ
և Ուլամէ փաշա Պոսնիոյ 'ի վերայ զօ-
րացն Փերսինանտոսի: Խաղաց և ինքն
և էառ ամուր ամուր բերդաքաղաքս
բազումս, էր զոր խաղաղութեամբ, և էր
զոր պատնէշ պաշարմամբ. և յամսեանն
յունիսի եմուտ մեծահանդէս յաղթա-
նակաւ 'ի Պուտին. և 'ի նմին պահունա-
ւապեան Ալիպէյ բովանդակ տորմզանն

1 Ան իսկ էն Փէյի+ անուանեալ գունդ
բան և լորից զօրականաց, որ զնախնի հաս-
մայեցոցն քաղաքաւորաց Ռուէին Բերել
զնմանութեան:

հասեալ գորով ընդ Դանուբ՝ ողջոյն
 էտ արքայի արձակամաք ամենայն թընդ-
 անօթաց միանգամայն : Անդ վարձա-
 տրեցան զօրավարքն և զօրականք արիա-
 ցեալք յառմունս բերդից զՃանապար-
 հայն . և ապա աման ՚ի պաշարումն
 Արան քաղաքի , յորում պահ ունէին
 հազար և երեքարիւր բերդականք Գեր-
 մանացիք , Սպանիացիք և Իտալացիք :
 Առաքեաց Սիւլէյման ՚իներքս զերիս ու-
 րացողս յերկից ազգաց անտի, զի յիւրա-
 քանչիւր բարբառս իւրեանց հաւանեա-
 ցին տալ զքաղաքն . այլ նորա չափն
 յանձն . և ևս քաջալերեցան ՚ի հասա-
 նել վեցհարիւր նիզակակից զօրաց ՚ի
 Ահննայէ : Սակայն ՚ի դերև հանին ըզ-
 քաջութիւն բերդականացն փախտա-
 կանք ոմանք առ Օսմանեանս , որք և
 ծանուցիննոցա զտկարագոյն կողմն բեր-
 դին . և Օսմանեանք՝ որ ցայնժամ տե-
 ղացեալ էին ՚ի վերայ քաղաքին ռումբս
 աւելի քան զիննհազար և հինգհարիւր,
 այն ինչ բուռն զօրութեամբ յարձակե-
 ին ՚ի ներքս , անձնատուր եղէն բերդա-
 կանքն , և շնորհեցաւ նոցա ազատս
 գնալ անտի : Ի նմին աւուր Սիւլէյման
 մտեալ անդր փոխեաց ՚ի մզկիթ զմայր
 էկեղեցին . և եզեալ ՚ի քաղաքին զօրս
 և իշխանս , գնաց ՚ի պաշարումն Պելլրա-
 տուն Մաճառաց ¹ : Յետ չորեքտասան

1 Ան է Իսթանբուլի Պելլրաք , իմ ըստ Ի .

աւուրց էառ. և զայն խաղաղութեամբ. և որք բանադնաց լեալ էին 'ի տրւչութիւն քաղաքին՝ նոցին ևեթ շնորհեալ զկեանս, զայլ բնակիչան հրամայեաց կոչել 'ի մեծ հրատարակն՝ զի երդնուցուն զերդունն հաւատարմութեան, և առ հասարակ ընդ սուր անցոյց զամենեւեան. ապա և զբնակիչան կոտորեաց. և յոյց ել զամբարանաց թագաւորացն Մաճառաց, որ էին 'ի քաղաքին, գթա սիրադոյն գտեալ առ մեռեալն քան առ կենդանիս :

Անայնի դարձ արար Սիւլէյման 'ի Աոստանդնուպօլիս. այլ զհանդէս յաղթանակին փոխանակեաց սուգ դառնակսկիծ սակս մահուան սիրեցելոց որդւոյն իւրոյ Մէհէմէտայ 'ի Մագնեսիս. զորոյ զգիական ետ բերելարքայ 'ի Աոստանդնուպօլիս, և թաղել 'ի հրատարակի անդ հանդէպ հին ձմերոցի ենիչէրեաց. և կառոյց առննթեր շիրմին մզկիթ մեծ, յոր ծախեցան երեքարիւր հազար ոսկիք. և ճարտարապեան էր հռչակաւորն Սինան՝ Գօճա միմար անուանեալ. իսկ մզկիթն կոչի Շէհզաատէ

գաւացոոյ՝ Աւղա ուէալէ, ուր պսակէին նախնի Բագաւորք Մաճառաց, և 'ի հետանել իւրեանց անդէն Բաղէին :

1 Սորա առնն խառնոցեալ ուրստան մզկիթն, և լորեփարիւր աղօթանոցս և այլ շինածս բազումս, և կերեալ աճառելի ասն շարիւր :

ճամբսի: Եւ զի անընդհատ էր տակաւին պատերազմն 'ի Մաճառս, Մէհէմէտ սէյ կուսակալն Պուտինայ էառ պաշարմամբ զբարձր բերդն Վիշէկրատ՝ յորում պսակէին ընդ այն ժամանակս թագաւորք Մաճառաց, և զբերդականսն կոտորեցին ենիշէրիք ընդդէմ կամաց կուսակալին: Եւ խորհրդականն նորին խալիլ այր խոհեմամիտ կազմեաց հաշուեգիր երկոտասան դաւառապետութեանց աշխարհին Մաճառաց, որ ընդ ամս հարիւր և յիսուն անփոփոխ պահեցաւ, և ըստ այնմ գնային հարկք երկրին 'ի դուռն արքունի:

Յետ այնորիկ կրկին մեծամեծ փոփոխութիւնք դէպ եղեն 'ի պետութեան Օսմանեանց: Առաջին, զի արքայորդին Սէլիմ փոխադրեցաւ յԿոնստնտնէ 'ի Մագնեսիա փոխանակ Մէհէմէտայ վախճանեւոյն: Քանզի որ միանգամ յարքայորդւոց մտադունին լինէր իշխան կուսակալութեան Մագնեսիոյ, նմա անկանէր թագաւորութեանն ժառանգութիւն. և թէպէտ ըստ կարգի զհետ Մէհէմէտայ ոչ Սէլիմայ՝ այլ Մուսդաֆայի անկ էր թագաւորել, սակայն Սիւլէյման փոխեաց յայնժամ զկերպարանս իրաւանցն, կատարելով զհաճոյս գշխոյին իւրոյ խուրբէմայ մօր Սէլիմայ: Երկրորդ, զի իննըստամեայ վէզիրն մեծ Սիւլէյման փաշա արկաւ յիշխանութենէ իւրմէ սակս

դժտուածէն ընդ խոսրով փաշային, որ
 էր երբորդ վէզիր. և կարգեցաւ 'ի տեղի
 նորա երկրորդն 'ի վէզիրս Տիւսածէմ փե-
 սայ արքայի խրուած յաղգէ, այր քաջ
 'ի պատերազմունս, այլ ատեցող քերթո-
 ղաց: Ընդ նոյն ժամանակս և ծովակալն
 մեծ խայրէտաին փաշա, որ առ Կար-
 թագինեաւ դեռ և սվանեալ էր զկայսրն
 Կարոլոս՝ օգնական իւր գտեալ զմիրիկ
 մեծ, և դարձեալ 'ի Կոստանդնուպօլիս.
 մեռաւ, և թաղեցաւ հուպ 'ի դպրոցն
 յիւրմէ կառուցեալ 'ի Պէշիքգաշ 'ի ծո-
 վէզիրին Առսփորի, ուր ցարդ ևս կան-
 գուն կայ շիրիմ՝ նորին. և որպէս ցամա-
 քային զօրաց խմբաւորութիւն 'ի դաշ-
 տին Տաւուտ փաշայի, սոյնպէս և նա-
 ւատորմին Օսմանեանց առ շիրմուն
 խայրէտաինայ սովոր է լինել:

Ի գալ միւսոյ տարւոյն և երկուց որ
 զինի՝ հազիւ յաջողեաց Ֆերաինանաոսի
 և Կարոլոսի հաւանեցուցանել զՍիւլէյ-
 ման 'ի հաշտութիւն, խոստանալով հա-
 տուցանել նմա ամի ամի սսկիս երե-
 սուն հազար. և հաստատեցան դաշինքն
 յԱդրիանուպօլիս, ուր երթեալ էր ար-
 քայի յասպաքինումն տէնդին, որով նե-
 ղէր նա 'ի վեցից ամսոց հետէ:

Ի գէպ կռեցան դաշինք խաղաղու-
 թեան ընդ Եւրոպեանս 'ի ժամանակի՝
 յորում 'ի Պարսս կոյս հարկ էր զգէն-
 սրն դարձուցանել: Քանզի Իլգաս միւ-
 ղա եղբայր շահին Պարսից Վահմասպոյ

եկեալ առ արքայ Սիւլէյման՝ խնդրէր ՚ի նմանէ ձեռն օգնականութեան ընդ դէմ բռնութեանց եղբօրն իւրոյ : Ականատես եղև Իլգաս նախ մտիցն Սիւլէյմանայ յԱդրիանուպօլիս . և յորժամ անցանէին գունդագունդ զօրականք և պաշտօնեայք, զմի մի ՚ի զօրագլխաց նոցին համարեալ եթէ թագաւորն իցէ մեծաւ պատկառանօք յոան կայր : Ապա իբրև գայր անցանէր զօրավարն ենիչէրեաց, դարձեալ և յորժամ անցանէին վէզիրքն երեքեան, և զկնի նոցա վէզիրն մեծ, ոչ ևս երկմտէր Իլգաս եթէ մի ՚ի նոցանէ արքայն իցէ : Խոնջեալ ապա յրնդերկար սպասելոյ և ՚ի պատրանաց անտի, իբրև ետես զանցանելն արքայի ընդ մէջ լուսանշոյլ սաղաւարտից և հովանաւոր փետրոց, ընդ մէջ ոսկեգործ գլխանոցաց և արծաթափայլ նիզակաց, եկաց մնաց նա բազմեալ ՚ի տեղւոյ իւրում որպէս արտաքոյ իմն անձին յառչութիւն ըմբռնեալ : Ի վաղիւ անդր հրաւիրեցաւ յրնթրիս ընդ վէզիրաց, և յետ այնորիկ պատուեցաւ երևելի ընծայիւք յարքայէն և ՚ի գշխոյէ նորին և յաւագանւոյն . և էին ընծայքն քսակք բազումք ոսկւոյ և արծաթոյ, գիպակք աղնիւք և երիվարք ընախրք, և ծառայք և աղախնեայք սեաւք և սպխտակք :

Սիւլէյման արքայ ՚ի բնէ դիւրապատրաստն ՚ի մարտ պատերազմի ընդգէմ Պարսից, ՚ի նոյն գրգռեցաւ և ևս

'ի դշխոյէն իւրմէ, որում անունն էր
 Խուրրէմ սուլդան ուս յաղգէ, և ետ
 Իլգասայ զորս բազումս և արձակեաց
 յառաջագոյն 'ի սահմանագլուխս աշ-
 խարհին Պարսից: Ապա և ինքնին խա-
 ղացեալ ընդ Իկոնիոն և ընդ Սեբաստիա
 մինչև 'ի Դավթէժ, տիրեաց նմին, այլ
 ոչ խողխողեաց զքնակիչան, և ոչ խախ-
 տեաց զնոսս անտի. որպէս խրատ աայր
 նմա Իլգաս: Անտի դիմեաց յառումն
 բերդին Անայ, որ յետ ութօրեայ պա-
 շարմանն մատնեցաւ 'ի բերդականացն,
 և կարգեաց անդ իշխան զՉէրքէս Իս-
 քէնտէր փաշա: Ի նմին պահուչահաճ
 մասս ոտնակոխ առնէր զԱրծկէ, ըզ-
 Մուշ, զՍլաթ և զԿարս, կոտորեալ զորս
 միանգամ դիմակացս տեսանէր յՕս-
 մանեանց: Առաքեցաւ ընդդէմ նորա
 երրորդ վէզիրն Ահմէտ փաշա. և նա
 զառաջապահ գունդն ետ 'ի ձեռս քաջի
 եղերացւոյն Օսմանայ: Սա ազուս
 յագիս երիւարաց բազմաց կապեալ
 վարեաց 'ի մթան դիշերոյ 'ի բանակ
 անդր Պարսից. որոց կարծեալ եթէ զօրք
 Օսմանեանց հասեալ անկեալ իցեն 'ի
 վերայ, սկսան սուր 'ի վերայ եղեալ
 կոտորել այր զընկեր. և Օսման սակս
 հնարիցն ճարտարութեան ընկալաւ զիշ-
 խանութիւն Բերիոյ: Իսկ Իլգաս Միր-
 զա, որ խաժամուժ ամբոխիւ ասպա-
 տակէր 'ի սահմանս Պարսից, զառաջինն
 յաղթութիւնս ինչ կալաւ, այլ ապա

ձերբակալ և զև յանկարծակի յեղբորէն
իւրմէ, Զոհրասայ, և Դահմասայ արկ
զնա 'ի բերդի ուրեք 'ի բանտ մշտտակ :

Յամսեանն յուլիսի դարձ արար և
Սիւլէյման յերկիր իւր, և 'ի Կարնոյ
արձակեաց զԱհմէտ փաշա 'ի կողմանս
Վրաց աշխարհին, և նա կալաւ անտի
բերդս քսան, և մեծարեցաւ յարքայէ
հանդերձիւք փառաց և շքեղ պարդեօք :
Եւ իբրև եհաս արքայ 'ի Կոստանդնու-
պօլիս, աւետաւոր թղթովք առաքեալ
առ Վենեակեցիս, առ արքայն Լեհաց,
և առ Փերտինանաոս, ոճով պատմէր
նոցա զառումն քաղաքաց երեսնից և
միոյ, զքանդումն չորեքտասանից, և ըզ-
նորոգութիւն քսան և ութ բերդաքա-
ղաքաց :

Եւ քանզի պայմանք խաղաղութեանն
ընդ Փերտինանաոսի լուծեալ էին յա-
ւուրան յայնոսիկ յերկուտոեք պատե-
րազմաց 'ի Դրանսիլվանիա և յայլ կող-
մանս երկրին Մաճառաց, Սիւլէյման լի-
ցասմամբ արդէլ զդեսպանն Գերմանա-
ցոց 'ի խիստ բանտի յԱնատօլու հիսա-
րին, և արձակեաց զերկրորդ վէզիրն Ահ-
մէտ, և զՍողոլու Դաւիլ Մէհէմմէտ
զկողմնապետն եւրոպեան, և զՀասան
զկուսակալն Ասիոյ 'ի Մաճառս : Յետ
առման ամուր ամուր տեղեաց աշխար-
հին պաշարեցին սոքա սաստկապէս և
զամուրն Դմրչվար, և երկց հազար արանց
կոտորածիւ ուր ուրեմն առին զաշտա-

րակն : Յայնժամ անձնատուր եղև քաջ
 զօրավարն Մաճառաց Լողոնչի՝ պայ-
 մանաւ ելանելոյ յամբոյն անվնաս . այլ
 իբրև ետես զենիչերեացն խուժելոց 'ի
 ներքս զանխնայ յափշտակութիւնս և
 զաւարառութիւնս, չկարացունել ժոյժ
 աղէկէզ սրտմտութեանն , և անգէն
 սուր առեալ յարձակեցաւ տապաստ
 արկ զփոխանօրդ կողմնապետին, և սու-
 րայր յայլոց ևս 'ի վերայ գոչելով : Եւ յա-
 պէս ուրեմն պահեն Օսմանեանք զօ-
 բէնս հաւատարմութեանն : Սակայն և
 ինքն անկաւ վերաւորեալ, և ձերբակալ
 եղեալ ածաւ առ Ահմէտ և կշտամբեաց
 զերդմնազանցութիւննօրին դառն թըշ-
 նամանօք . և Ահմէտ հրամայեաց ան-
 գէն հարկանել զկառավին նորա, և զգը-
 լուին յարգալից արարեալ առաքեաց
 առ Սիւլէյման :

Զկնի Դմիշվարայ անկան և այլ ևս
 բերդօրայք 'ի ձեռս Օսմանեանց , ա-
 լելի քան զքսանև վեց . բայց ոչ և Էռ-
 լաւ քաղաք , որ է Ակրիա : Քանզի Ահ-
 մէտ փաշա հասեալ առաջի քաղաքին
 յաղթական զօրօք իւրովք արամբք ութ-
 սուն հազարաւ , արձակեաց 'ի ներքս
 պատգամաւոր զոք և հրամայէր տալ
 փութով զքաղաքն 'ի ձեռս իւր : Քա-
 ղաքապետն բանտարգել արար զպատ-
 դամաւորն, և կառոյց 'ի վերայ պարըս-
 սրացն շիրիմ մեծ 'ի մէջ երկուց նիղա-
 կաց . որով յայտ իմն առնէր զանյող-

դողդ միտս իւր և զիւրոցն, յանձին ու
 նելով մեռանել 'ի վերայ քաղաքին ա-
 րիաբար՝ քան զտալ զայն 'ի ձեռս Օս-
 մանեանց: Զաւուրս քառասուն տեւաց
 սաստկապինդ պաշարուն քաղաքին
 յամենայն կողմանց, սակայն անպար-
 տելի քաջութեամբ դիմամարտ եղեն
 քաղաքացիքն արք և կանայք առ հա-
 սարակ և վանեցին զյարձակմունս Օս-
 մանեանց, 'ի դերևս հանին զանդադար
 բախմունս ռմբաց նոցին, և բազում ան-
 դամ դիակամքք նոցա լցին զխրամատս
 զոր բանային նոքա: Յօրինեցին տիկս 'ի
 կաշոյ և 'ի մորթոյ, և լցեալ զնոսին
 ծծմբով և նաւթիւ, ճարպով խողից
 և դիւրավառ փայտիւք և վառօդով, և
 բորբոքեալ հրդեհեցին նոքօք դիշերայն
 զփայտեայ մարտկոցս Օսմանեանց: Եւ
 կանայք և աղջկունք անհնարին երա-
 գութեամբ հասուցեալ 'ի պարիսպսն
 ջուր և իւղ եռացեալ 'ի գոյլս գոյլս՝ հո-
 սէին 'ի վերայ պաշարողացն և խարշա-
 տէին զնոսա: Զարմացան և նոքին իսկ
 Օսմանեանք ընդ արիութիւն պաշարե-
 լոցն, դարձեալ արձակեցին զմաճառ-
 ոք 'ի ներքս թղթով հանդերձ գովու-
 թեան, և խոստամբ ամենայն աղա-
 տութեան, այլ նոքա չև յակն արկեալ
 զգիրն՝ պատառեցին զայն, և զկէսն 'ի
 հուր արկին, և զմնացեալն 'ի կուլ ե-
 տուն թղթաբերին, և յառաջ վարեցին
 զմարտն: Ի միում 'ի մարտկոցաց անտի

սրատերազմէին մայր ոմն և փեայ նո-
րին և դուստր . անկանի այրն մեռեալ,
և յասել մօրն ցգուստրն զի թաղեցէ
զնա, տայ սրատասխանի . «Թող առից
նախ զվրէժ մահու նորին» . և յափրչ-
տակեալ զվահան նորա և զսուսեր՝ հար-
կանէ խոցէ զերիս ոմանս՝ ի թշնամեաց,
և ապա ըստանձնեալ զգիակն առն իւ-
րոյ՝ տանի թաղէ զնա յեկեղեցւոջ .
Զայս ամենայն քաջութիւն սաշարե-
լոցն տեսեալ վէղիբին և տոխպեալ ի ձիւ-
նաբերաց և ի ջաղբ անձրեաձից, եբարձ
զպաշարումն և մեկնեցաւ . և ընդ այդն
ելեալ ժողովեցին քաղաքացիքն երկո-
տասան հազարս ռմբաց և կուտեցին ի
հրատարակամիջի անդ յարձան հոյա-
կապ յաղթանակին :

Ի նմին ժամանակի և շահն Պարսից
Իահմասպ քաղաքս քաղումն հատաներ
յաշխարհէն Հայոց : Յարձակեցաւ և
յԱրձէշ, յԱրձկէ և ի Խլաթ . զորոյ
զքնակիչան նենդութեամբ կոչեալ ար-
տաքս՝ զի երթիցեն յո և կամիցին, ի
սուր սուսերի կոտորեաց : Եւ որդի նո-
րին Իամայէլ Միրզա գիմեալ ի Աարին,
գարան գործեաց կուսակալին Իսքէն-
տէրայ, և այնպէս իմն խորտակեաց զնա,
զի և իշխանքն Տրապիզոնի, Մեղիախոյ,
Պողուգայ և Գարահիսարայ գտան ընդ
մեռեալն, և ոմանք յականաւոր ա-
րանց ի գերութեան վարեցան :

Զվաթմնամենիւք ուրեմն էր յայն .

ժամ Սիւլէյման արքայ, և էր եղեալ ՚ի
 մօտ արձակել զայն նուագ ՚ի Պարսս ըզ
 վէզիրն մեծ զՏիւսթէմ, և զՍողոլու
 Մէհէմէտ. և արձակեաց իսկ զնոսս
 յԱսիա, այլ ընդ հուս հարկեցաւ փո
 խել զառաջարկութիւն մտացն: Քանզի
 Տիւսթէմ ՚ի ձեռն Շէմսի անուն զորս
 վարի հեծելազօրուն նամակ արարեալ
 ազդ առնէր արքայի, եթէ ենիչէրիք
 առ հասարակ զկողմն կամին ունել զար
 քայորդոյն Մուսղաֆայի հակառակ
 Սիւլէյմանայ, և թէ այս բանք յածին
 ՚ի բերանս ամենեցուն. «Սիւլէյման ար
 քայ ծերացեալ է, և ոչ ևս կարէ անձամ
 բըն խաղալ ՚ի մարտ. և զինչ դժուարին
 իցէ արգելուլ զնա ՚ի Տիւսթէմ և թա
 դաւորեցուցանել զարքայորդին Մու
 գաֆա. և զի վէզիրն և եթ թուի հակա
 ոակել այսմ, գործ մի գիւրին է սպա
 նանել զնա»: Զայս իբրև զգաց Սիւ
 լէյման, ոչ ինչ բնաւ ումէք ՚ի վեր հա
 նեալ՝ գրեաց թուղթ առ Տիւսթէմ
 իւրով ձեռամբ, յորում պատուէր տայր
 ձմերել զօրացն յիւրաքանչիւր տունս
 մինչև ցաւուրս գարնայնոյն, զի յայն
 ժամ ես ինքնին յօժարեալ եմ ասէր
 ՚ի գլուխ կալ բանակիդ: Իբրև ազդ ե
 ղեն իբրն առ շահն Պարսից, դեսպանս
 առսրէր ՚ի հնարսխաղաղութեան. այլ
 Սիւլէյման ետ պատասխանի՝ եթէ իւր
 կամք են ՚ի Բերիա բանադնաց լինել
 զխաղաղութենէ:

Խաղաց գնաց Սիւլէյման աշնանի
 յամին 1553 բազմութեամբ զօրացյալ
 սիա : Արքայորդին Սէլիմ էկն 'ի համ-
 բոյր ձեռաց հօրն 'ի Պուլաւատին . և
 մինչդեռ արքայբանակ հարեալ էր անդր
 քան զէրէկլի քաղաք, և հասեարքայոր-
 դին Մուսղաֆա, որում խորան շքե-
 ղաշուք հարաւ առ ընթեր խորանի թա-
 դաւորին : Ի վաղիւ անդրաշտանակեալ
 Մուսղաֆա 'ի նժոյգն պալարակապ՝
 շուրջ պատեալ 'ի վէղիրաց և յենիչէ-
 րեաց 'ի ձայն ցնծութեան մատչէր 'ի
 խորանն արքունի 'ի համբոյր հայրական
 ձեռին : Այլ յարհաւիրս անհնարինս
 մատնեցաւ արքայորդին 'ի տեսանել
 անդ զխորանն լոկ և ունայն 'ի հօրէն
 խորմէ յարքայէ, և 'ի մեծէ վէղիրէն . և
 միայն զեօթանեսսին համերան զահար-
 կու գործադիրս հրամանին Սիւլէյմա-
 նայ, որ յետոյ կողմանէ խորանին կայր
 հասին նոքա 'ի վերայ եղկելոյն և ան-
 դէն խեղդամահ արարին՝ ոչ ինչ անաս-
 ցեալ աղիողորմ աղաչանացն : Մինչ
 դեռ 'ի ներքս 'ի վրանի անդ այս իրք
 գործէին, գլխատեցան արտաքոյ պաշ-
 տօնեայք արքայորդւոյն . և ենիչէրիքն
 ահադին խուճապմամբ տագնաալեալք
 սպառնային խռով հարկանել 'ի բանա-
 կին . զի կարծէին թէ Տիւսթէմայ իցէ
 դաւն . վասն որոյ և գոչէին, սպանցի
 Տիւսթէմ, մեռցի անօրէնն : Վային աւար-
 որեարն բազմեալ յատենի, և չգիտէին

զինչ ասիցեն . և ահա եկն սենեկապետ՝
 արքայի , էառ 'ի մեծէ վէզերէն զինիքն
 ոսկի զնշանակ իշխանութեան նորին , և
 ասէ ցերկորորդ վէզերն ցՀայտէր փաշա .
 «Երթ 'ի խորանքո » : Հպատակեցին
 հրամանին Տիւսթէմ և Հայտէր . և մինչ
 դեռ այլք անդէն յատենին էին , եկն
 նոյն սենեկապետ , և զինիք մեծի վէզի
 րութեան ետ ցԳարա Ահմէտ փաշա :
 Ապա հրաման եղև տանել զշխան
 Մուսղաֆայի 'ի Թաղումն . և ողբացին
 զնա զօրք և գիտնականք առ հասարակ
 զի գիտէին եթէ Տիւսթէմ էր պատ
 ճառ չարեացն , և այն 'ի գրգռելոյ
 խուրրէմ գշխոյին , որ զանդրանիկն իւր
 զՍէլիմ կամէր Թագաւորեցուցանել :
 Այլ քան զամենեւեան 'ի խոր խոցեցաւ
 ճիհանկիր եղբայրն Մուսղաֆայի . որ
 Թէպէտ և էր սապատողն կրկնակի ,
 այլ ազնիւ յոյժ բարուք , և ճարտար 'ի
 բանս . որով և սիրեցեալ յոյժ 'ի հօրէն
 Ի բազում ցաւոց սրտին հիւանդացեալ
 մեռաւ ճիհանկիր . և Սիւլէյման՝ որ
 ցանդ խրախանայր զուարճախօս բա
 նիւք նորա , գառնապէս ողբացեալ 'ի
 վերայ որդւոյն՝ ետ 'ի ժամուն Թաղել
 զնա առ եղբօրն իւրում Մէհմէմէտայ ,
 և ապա կանգնեաց յանուն նորին մզկիթ
 հոյակապ 'ի բարձրաւանդակին 'ի վերոյ
 Գոփխանէի :

Ի Բերիա ձմերեալ արքայի, գարնայ-
նի չու արար բանակաւն, և ՚ի Տիգրա-
նակերտ ատեան կարգեալ հանրական՝
ծանոյց զկամս իւր արշաւելոյ մինչև ՚ի
խորս աշխարհին Պարսից առ սէր դէնին
և հայրենեաց. և յասել ժողովականացն
՚ի մի բերան՝ եթէ պատրաստ եմք գնալ
ըստ հրամանի արքայիդ մինչև ՚ի ծագս
աշխարհի, յուզի անկառ բանակն ընդ
կարին, և ՚ի Սուշէհրի կարգաւորեցաւ:
Անդր եհաս և կողմնապէսն Սոգոլու
Մէհէմմէտ եւրոպեան զօրօքն, որ մոր-
թըս ընձուց արկեալ զուսովք, և ձեռս
աղուեսուց ունելով ՚ի գաղաթանց սա-
ղաւարտիցն հովահարեալս, սպառա-
զէնք էին երկաթապատք սպառենաղէնք,
վահանս կրէին ահագինս մեծութեամբ,
և բաղկանոցս կապուտակս, և ձեռէս
երկաթիս, և երկվարք նոցա գոյնագոյն

կարի իմ ճոխացեալ ՚ի զբոյոս անցից անցելոց
առ մահուամբն Մուսղաֆայի՝ Բանայերիարա-
գոյնս փողին ըսք ամենայն համաժամանաց, և
դեպս ՚ի մեջ բերին նորանորս և զարմանալիս,
այլ ոչ ինչ նման ճշմարտութեան իրացն. զի
նոցա մի քս այն էն, որպէս ինչ Ռոսի, պատ-
ճառս և իմաստս քաւքեղ Ռոզաց ՚ի յօրինուած
ողբերգական քաղից, և ոչ զարդիւնս եղելոցն
պատմաբանել: Օրինակ իմ և զխոսրեմ
ուսուրան փաղաթիցի համարելով և ոչ ուսու-
յաղփէ, զանուան ևս նորին յեղաթիւեալ ինչն
Ռոսիւնս:

նկարեալք ահարկու էին և սքանչելի
 յաչս նոցին իսկ Օսմանեանց: Չհետ վեց
 աւուրց ժամանեաց և արքայորդին Սէ-
 լիմ ասիացի զօրօք և չուեալ ընդ Վարս,
 ոտնակոխ արարին զաահմանս Նախ-
 ջուանայ և Երևանայ, և քանդեալ կոր-
 ծանեցին զամենայն երևելի շինուածս
 քաղաքացն երկոցուն: Այրեացաւեր
 արարին զամենայն զՍիւնիս, և մինչև
 ընդ ճանապարհ աւուրց հնգից շուրջա-
 նակի ոչ երևեր դեղ դալար կամ բնա-
 կութիւն անկործան: Լուր եհաս եթէ
 հուպ 'ի լեռնակողմանս անդ է շահ
 Բահմասս պրքայ Պարսից, այլ յանա-
 պատացեալ վայրսն չկամելով Սիւլէյ-
 մանայ յամենալ, չու դարձի արար:
 Այնուհետև զամնողջոյն ծախեցին երկ-
 ուստեք 'ի բանագնացութիւնս զկծե-
 ցուցիչս միմեանց, մինչև 'ի հասանել բա-
 նակին Օսմանեանց 'ի Վարին, եկն անդր
 և պատգամաւոր յարքայէն Պարսից
 Շահգուլի անուն, և հաստատեցաւ դու-
 առնել զինուոց այնչափ՝ ցորչափ ոչ լու-
 ծանիցեն Պարսք զդաշինս խաղաղութեն:
 Ապա եհաս և այլ դեսպանս յԱմասիա՝
 բերելով նամականի ընդարձակ և հոյա-
 կասս իմն ոճով գրեալ առ Սիւլէյման
 արքայ, և պատուեցաւ 'ի նմանէ բազ-
 մասպատիկ սարդևօք: Յայնժամ կռեցան
 'ի միջի և առաջին դաշինք խաղաղու-
 թեան ընդ մէջ Պարսից և Օսմանեանց,
 զի ցայն վայր դադարումն և եթ զինուոց

էր որ անջրպետէր զԹշնամու Թիւնս երկարանչիւր կողմանց առ ժամանակ մի:

Անդ յԱմասիա եկեալ էր և Պուսպէք գեսպան Փերտինանտոսի հանգերձ ընծայիւք արծաթի անօթոց և տասն հազար ոսկւոյ. զի յերկից ամաց հեռէ զհետ պնդեալ էր Փերտինանտոս խաղաղութեան՝ ջանալով յինքն գրաւել զՂարանսի վանիս. այլ այն ոչ յաջողեաց նմա: Յաւել մատուցանել նմա ութսուն հազար ոսկիս, և աւազանւոյն քան և ութ հազար. սակայն արքայ Սիւլէյման գուլ և եթ հաւանեցաւ առ նել զինուց այլ ևս ամիսս վեց, մինչև զիջանիցէ Փերտինանտոսի պահանջանացն:

Յամին 1555 մեկնեցաւ Սիւլէյման արքայ յԱմասիոյ և մեծամեծ վարձս փոխարինեաց վաստակոց զօրավարացն. յաւել կարգեաց զՂաւիլ Մէհէմէտ Սոգուլու ՚ի վէզիր, և փոխանակ նորա եւրոպեան կողմնապետ կացոյց զՓէրթէվ փաշա: Եւ իբրև եհաս ՚ի Կոստանդնուպօլիս, առաքեաց վազվազակի զՍոգուլուն երեք հազար ենիչերեօք և չորս հազար հեծելովք ՚ի կողմանս Թեսաղոնիկեայ: Զի խռովարար ոմն յարուցեալ անդանօր՝ սուէր զանձնէ եթէ արքայորդին Մուսղաֆա իցէ, և ժողովեալ էր առ իւր արս իբրու տասն հազար. կարգեալ էր իւր և վէզիր զոմն, և կրկին դատաւորս զօրաց: Այլ վէզիր նորին, որ հաւաքածառ ոմն էր, մատ

նեաց զեղկե լին 'ի ձեռս Մէհէմէտայ,
 և նա առաքեաց զնա առ Սիւլէյման՝ որ
 հրամայեաց կախել զնե՛նգաւորն, և
 մասնելն շնորհեաց կալուած մեծ:

Ահլիրն մեծ Գարա Ահմէտ փաշա
 յակամայ կամս յանձին կալեալ էր զՆ
 խանու թիւնն, և այն սպաւինեալ յեր
 դումն Սիւլէյմանայ՝ շառնել զնա ընկե
 ցիկ 'ի պատուոյն. և սակայն յետ սա
 կաւ ժամանակի յաւուր միում մինչ
 դեռ գնայր ըստ սովորութեան իւրում
 առ արքայ, արգելաւ 'ի գաւթի անդ
 արքունեացն և սպանաւ: Եւ պատճառք
 ոչ այլ ինչ կարծելի են անշուշտ անակըն
 կալ սպանութեան՝ և թէ ոչ գրգռու
 թիւնք խուրրէմ գշխոյին, որ զփեսայն
 իւր զՏիւսթէմ կամէր ամբառնալ վե
 ըրափն յայն պաշտօն, որսէս և արարն
 իսկ: Այլ յիշատակն Ահմէտայ անմե
 ռանալի մնաց և 'ի շինուած մզկիթին մեծի
 որ առ դրամքն Գոփ գափու անուա
 նեալ 'ի բարձրաւանդակ վայրի:

Ընդ այն ժամանակս կատարեցաւ և
 մզկիթն մեծ անուանեալ Սիւլէյմանիէ,
 քան զոր չիք 'ի թագաւորեալ քաղա
 քին շինուած պանծալի զկնի Այա սո
 ֆիային: Յերիս գոլով տրոհեալ մեծա
 մեծ քառակուսիս՝ դմբէթս ունի մե
 տասան, և շուրջանակի սրահս սիւնա
 զարդս ծածկեալս քսան և ութ դմբէ
 թիւք, և 'ի շորեսին անկիւնս իւր քա
 ուեակ աշտարակս: Ճարտարապետեաց

զսա համբաւեալն Սինան յամս վեց , և
 ծախեցան 'ի նա ոսկիք աւելի քան զեօ-
 թըն հարիւր հազար : Ապա կառոյց ար-
 քայ առ մզկիթաւն դպրոցս մեծամեծս
 չորս , և կարգեաց վարժասկտացն որ
 'ի նոսա հասս և ոռճիկ առատ :

Յայնժամ եհաս և 'ի շահէն Պարսից
 թուղթ խնդակցութեան առ Սիւլէյ-
 ման արքայ ընդ աւարտել մզկիթին և
 ընդ ամբառնալ Տիւսթէմայ միւսան-
 դամ յառաջին սլատիւն իւր . որպէս
 և 'ի տիկնոջէ շահին առանձինն թուղթ
 ժամանեաց առ Խուրրէմ գշտոյ : Այլ
 սա ոչ ևս յերկարակեաց լեալ այնու-
 հետև մեռանէր , և յիշատակ անձինն թո-
 ղոյր քան զմզկիթն Խասէքի սուլդան
 կոչեցեալ զստուերածան զորս արկ նա
 զփառօք մեծի արքային Սիւլէյմանայ .
 զի որպէս տեսաւ 'ի նորին սաղրանաց
 սպանան վէզիրքն Խպրահիմ և Ահմեա,
 և արքայորդին Մուսղաֆա : Յայնմհե-
 տէ յիրաւի է զտաննամեայ մնացորդս
 կենացն Սիւլէյմանայ աւուրս կարեաց
 նմին համարել . զի թէպէտ և գործել
 գործեցան 'ի նոսին դեռ ևս յաղթա-
 նակութիւնք ոչ սակաւք , այլ գժտու-
 թիւնք և խռովութիւնք ահապինք ծա-
 դեալք 'ի մէջ արքայորդւոցն՝ կարի իմն
 սարտասեցուցին զնա և յոգիս արարին
 սպաստան :

Տիւսթէմ վէզիրն մեծ խեթիւ հայէր
 'ի Ալա Մուսղաֆա փաշա , զի հաւա-

տարիս՝ արքանեակ լեալ էր նա Ահմէտայ նախորդին իւրոյ, և մտերիմ թըւէր արքայորդւոյն Պայէզիտայ. սմին իրի ջանահնար եղև և կարգեաց զնա սենեկապետ արքայորդւոյն Սէլիմայ, որպէս զի գիւրին էր այնուհետև բարուրս ինչ առաջի արկեալ արքայորդւոյն՝ բառնալ զՄուսղաֆա՛ի կենաց: Այլ դանայն վաղ գերեացաւ: Քանզի Մուսղաֆա խորամանկագոյն քան զՏիւսթէմ գտեալ՝ հոգացաւ իսպաշտաման իւրում այնպէս յառաջադէմ լինել, զի ՚ի թագաւորել յետոյ Սէլիմայ՝ նախկին բարձ պատուոյն անձին իւրում վիճակեացի: Հարկ էր ապա անկասկածելի առնել զթագաւորութիւնն Սէլիմայ՝ կործանմամբ եղբոր նորին Պայէզիտայ: Խորհրդակից եղև Սէլիմայ, քսեաց առ նա զՏիւսթէմայ և ասէ. «Նա միայն է որ հնարի խափանել զքեզ յիրաւանց թագաւորութեանդ, զի ձեռն նորա գաղտնապէս ընդ Պայէզիտայ է, և ինքն չգաղարէ ամբաստան լինել զքէն առ արքայի, և ուժացուցանել զնա ՚ի քէն իրրև ՚ի շուայտոս պատանւոյ և յանպիտանէ առ գործս պետութեան: Եւ թէ ազատութիւն էր, ասէ, յիմ ձեռս, այլադք անշուշտ յեղանակէին իրքս»: Յայնժամ հրաման ետ նմա Սէլիմ առնել զոր ՚ի դէպն կարծիցէ, խոստանալով կարգել զնա իւր վէզիր. և Մուսղաֆա բուռն եհար զպատիր խորամանկութեանց իւրոց:

Գրեաց առ Պայէզիտ թուղթ նեն-
 գութեան, յորում կեղծեալ առ նա
 զիւր զնախնի մտերմութիւն՝ առաջի
 առնէր նմա եթէ քանի՛ զիւր իցէ նմա
 զերծանել ՚ի Սէլիմայ ընկղմելոյ ՚ի շք-
 ւայտութիւնս, որպէս զի անխափան լի-
 ցի այնուհետև յաջորդել զհայրն : Եւ
 ցուցեալ Սէլիմայ զթուղթն, առաքեաց
 զայն գաղտ առ Պայէզիտ : Թակարթե-
 ցառ Պայէզիտ ՚ի պատրանան, և գրեաց
 առ մատնիչն պատասխանի, յորում
 ապաւինէր եղկելին ՚ի հնարս ճարտա-
 րութեան Մուսղաֆայի . և սա ետ ըղ-
 թուղթն անբաց ՚ի ձեռս Սէլիմայ : Ապա
 միւս ևս թուղթ գրեալ յորդորէր զՊայ-
 էզիտ՝ ձայն տալ եղբօր իւրում խրոխ-
 տանօք ՚ի պատերազմ, որով ընդ հուս-
 վճարեացի ասէր ամենայն ինչ : Գրեաց
 եղկելին Պայէզիտ առ Սէլիմ թուղթ
 լի թշնամանօք, առաքեալ առ նա ընդ
 նմին կանացի պարեգօտ, և ապարօշ և
 աղեկատ : Այսոքիկ ամենայն առաքե-
 ցան ՚ի Սէլիմայ և ՚ի Մուսղաֆայէ առ
 Սիւլէյման արքայ, և նորա զայրագնեալ
 ընդ անարժան գնացս Պայէզիտայ ընդ-
 դէմ եղբօրն իւրոյ երկոյու, խրատս և
 կշտամբանս գրեաց առ նա : Այլ Մուս-
 գաֆա ետ ձերբակալ առնել զթղթա-
 տարան և սպանանել, և զնամականին ՚ի
 հուր արկանել, և ապա թելագիր եղև
 Սէլիմայ, զի ամբաստան լիցի առ հայրն՝
 որպէս թէ Պայէզիտայ դործեալ իցէ և

ղայն չարիս . և նա արար այնպէս : Յայն ժամ խորհեցաւ արքայ հեռացուցանել զՊայէզիտ 'ի Աիլիկիոյ որպէս վնասակար իրաց պետութեան , և հուպ առինքն ածել յԱմասիա . և զՍէլիմ փոխադրեաց 'ի Մագնեսիոյ 'ի Քիւթահէա :

Իսկոյն յուղի անկաւ Սէլիմ ըստ հրամանի հօրն և եհաս 'ի Պրուսա . այլ Պայէզիտ ոչ միայն չանսաց հրամանին , այլ և զօր գումարեալ 'ի Քրդաց , 'ի Թիւրքմէնաց և յԱսորւոց արս իբրուքսան հազար , թևակոխեաց 'ի յայտնի ապստամբութիւն : Հրաման ետ արքայ կուսակալաց և գաւառապետացն արևելից զօրաժողով լինել 'ի սահմանս Աիլիկիոյ , և զՍոգոլու Մէհէմէտ զվէզիրն երկրորդ արձակեաց անդր հազար ենիչէրեօք , և քառասուն հրազինուք : Մարտ եղեալ կռուեցան սաստկապէս կողմանքն երկոքին , և Պայէզիտ յաւուրն երկրորդի 'ի սպառ 'ի սպուռ խորտակեալ փախեաւ յԱմասիա . և անախդրեալ արտասուալից ստրջանօք թուղթ առ հայրն իւր՝ սլաղատէր զներումն յանցուածոյն : Սակայն և այս թուղթ անկաւ 'ի ձեռս Մուսղաֆայի , և չէհաս առ արքայ :

Իբրև ետես Պայէզիտ , զի զօրավարք հօրն իւրոյ և եղբօր չդադարեն 'ի հալածելոյ զնա , ժողովեաց առ իւր արս երկուսասան հազար , որք և սիրէին զնա

առաւել յաղագս աւելի իմն հանգի-
 առթեան կերպարանացն ընդ հօր իւ-
 բում և յաղագս հանգարտաբարոյ գնա-
 ցիցն . և ՚ի նոսին ապաստանեալ չորիւք
 որդւովքն իւրովք գէմ եղ փախչել ՚ի
 սահմանս աշխարհին Պարսից : Յայն-
 ժամ ոչ ևս ծածկեցան ՚ի Տիւսթէմայ
 խորամանկութիւնքն Մուսդաֆայի .
 վասն որոյ սախպեաց զարքայ արձակել
 զնա կուսակալութեամբ ՚ի Դմրչվար, և
 սալա ՚ի Վան : Իսկ արքայ Սիւլէյման որ
 առ զգուշութեան անցեալ էր յԱւ-
 կիւտար, ազգ արար վաղվաղակի զյան-
 ցանաց որդւոյն առ Դահմասպ արքայ
 Պարսից : Այլ նա մինչև ընկալեալ ըզ-
 թուղթն Սիւլէյմանայ՝ ասսինջական եղև
 արքայորդւոյն մեծաշուք սլատուով ՚ի
 Դավրէժ, սկաւառակս երեսուն զե-
 ղունս ոսկւով և արծաթով, մարդարտօք
 և ակամբք սլատուականօք թափեաց
 ՚ի գլուխ նորա, և երգուաւ ևս չմատ-
 նել զնա ՚ի ձեռս հօրն . և Պայէղիտ ըն-
 ծայեաց նմա յիսուն նժոյգս հայաս-
 տանեայս ոսկեկազմս, և երկոտասան ա-
 նօթս արծաթիս : Ասլա իբրև հասին առ
 Դահմասպ թուղթ և գեսպանք Սիւլէյ-
 մանայ մի զմիոյ կնի, որովք սախպէր զնա
 տալ զորդին ՚ի ձեռս իւր, և կամ ինք-
 նին արկանել զնա յարևէ, Դահմասպ
 յամենայնի սլատրաստական ցուցեալ
 զանձն իւր ՚ի լրումն կամացն Սիւլէյմա-
 նայ, ցրուեաց զամենայն զօրս Պայէղի-

տայ 'ի նմանէ առ սակաւ սակաւ . թէ
 պէտ և առ երեսս պատուասիրէր յոյժ
 զնա , և զօր ամենայն ընդ իւր տայր
 նմա ճաշէլ : Յաւուր միում մինչդեռ
 յընթրիս բազմեալ կայր Պայէզիտ ընդ
 շահին , սենեկապանս ոմն Պայէզիտայ
 Արապ Մէհէմմէտ անուն մատնաու
 լեալ տեառն իւրոյ՝ ասէ հժժելով ընդ
 ունկն Դահմասպայ . « Զգոյշ լեր 'ի պա
 տանւոյդ , որ հայրանենդ եղեալ միան
 գամ՝ կարող է ձգել և 'ի քեզ կրկին
 գնտակս հրազինուց » : Զարհուրեալ
 թագաւորին 'ի բանից անտի՝ պատճա
 ռեցաւ զխօթութիւն և ել անդէն յընթ
 րեացն . ընդ նմա ելին և պաշտօնեայքն
 իւր : Իսկ մի ոմն 'ի մտերիմ արբանե
 կացն Պայէզիտայ քանզի լուեալ էր
 զխօսս Արապին , եհար զփակեղն իւր
 զգեանի , անկաւ թաւալեցաւ և ինքն
 յերկիր , և պատմեաց նմա զամենայն :
 Այլ Պայէզիտ առանց ինչ քննութեան
 հրամայեաց գլխատել զայրն : Զոր տե
 սեալ և այլք ոմանք յիւրոցն՝ փախեան
 առ թագաւորն Պարսից , ասելով եթէ
 և մէք պատուէր ունէաք 'ի Պայէզիտայ
 սպանանել զթագաւորդ : Խռովեալ
 ազմկեցաւ և ժողովուրդն , և դիմեալք
 առ հասարակ յապարանս արքայորդ
 ւոյն՝ բանս թշնամանաց արձակէին ընդ
 դէմ նորա : Եւ նորա այնպէս համա
 րեալ՝ եթէ վճարեալ իցէ այնուհետև
 վասն իւր , ետ ամել զառաջեաւ զոր .

դեական՝ զի իւրով ձեռամբ սպանցե
 զնոսա, և մի անկցին 'ի սուր թշնամեաց.
 այլ անդէն ժամանեալ 'ի թագաւորէն
 նախարարք երկու՝ անբասիր արարին
 զաղմկեալն, և ընծայիւք բազմօք հնա
 բեցան հանգարտել զնա: Սակայն զհետ
 աւուրց ինչ հրաւիրեալ Պայէզիտ միւս
 անգամ յընթրիս արքայի՝ ձերբակալ
 եղև յանկարծակի 'ի զօրաց նոցա հան
 դերձ որդւովքն և արկաւ 'ի բանտ, և
 թիկնասպահք նորա կոտորեցան: Եւ
 մինչդեռ հնարս անիրաւութեան խո
 խտէր Գահմասպ՝ զի անսողիւտ կա
 բացէ դրժել երդման իւրում, հասին
 դարձեալ դեսպանք 'ի Սիւլէյմանայ,
 ընդ որս և սենեկասպեան Սէլիմայ Ալի,
 որ սրտուէր ընկալեալ էր 'ի նմանէ՝
 ինքնին դահիճ կալ Պայէզիտայ: Յայն
 ժամ ետ Գահմասպ գերծուլ զհերս
 և զմորուս արքայորդւոյն, և ապա եհան
 զնա առ դեսպանն գրդլեկաւ միով և
 չուան գօտեաւ. և Ալի կատարեաց ըզ
 խուժադուժ հրաման առաքչին իւրոյ
 'ի վերայ ուշիմ և արի արքայորդւոյն և
 անմեղ որդւոց նորին յամի 1561. և գիա
 կունք նոցա ածեալ թաղեցան 'ի Սե
 բասախա: Էր և որդի հինգերորդ Պայէ
 զիտայ՝ եռամեայ գոլով հասակաւ, և
 խեղզամահ մեռաւ նա 'ի Արուսա յա
 ռաջ քան զեղբարս իւր: Իսկ արքայ
 Սիւլէյման առաքեաց 'ի փոխարէն մը
 տերմութեանն Գահմասպայ օսկիս և

րեքհարիւր հազար, և Սէլիմ յուրմէ
կողմանէ հարիւր հազար:

Յառաջ քան զմեռանել արքայորդ-
ւոյն Պայէղիտայ մեռաւ վէզիրն մեծ
Տիւսթէմ փաշա այրն ժանտ, ամբար-
տաւան, և ընչաքաղց. և ուրուք ՚ի վե-
զիրաց եղելոց նախ քան զնա չէր թո-
ղեալ այնչափ ինչս: Քանզի էին նորա
գործարանք ութ հարիւր և հնգեաստան
յայլ և այլ տեղիս, ջրաղացք չորեքհա-
րիւր և եօթանասուն և վեց, գերիք հա-
զար և եօթնհարիւր, պատերազմիկ ե-
րիվարք երկուհազար և իննհարիւր,
ուղտք հազար, խիլայք և զգեստք պա-
տուոյ հինգհազար, փակեղունք ութհա-
զար, զրահք երկուհազար և իննհարիւր,
սաղաւարտք արծաթիք հազար և հինգ-
հարիւր, սուսերք ականակուռք եօթն-
հարիւր և վաթսուն, կուրանք ութհա-
րիւր աղնիւք և ականակապք, զանա-
զան մատեանք հինգհազար, ոսկիք վաթ-
սուն և ութ հազար, ակունք պատուա-
կանք երեսուն և երկու՝ որոց գինք էին
մետասան միլիոն փողք, և արծաթի
գրամք հազար բեռն, կամ ոսկիք երկու
միլիոն. թող զայլս: Իսկ յաջորդ նորա
Ալի փաշա, մականուանեալն Սէմիզ
կամ Յոյր՝ տակս գիրասպարար թանձրա-
մուծեանն, որոյ վասն գուն ուրեք
գտանէր երիվար որ կարիցէ բառնալ
զնա, նմին հակառակ բարս ունէր ան-
ընչասէրս և բարեմոյնս. սմին իրի և գիւ-

բապէս հնարեցաւ զիջոյց զարքայ 'ի հաշտութիւն ընդ Փերտինանտոսի, որ յուժից ամաց հեռէ այնմ էր 'ի խնդիր ընդ ձեռն դեսպանաց իւրոց:

Յետ այնորիկ կատարեաց Սիւլէյման արքայ զհարսանիս թողանց իւրոց զլատերացն Սէլիմայ և Մուսղաֆայի, զմին տուեալ 'ի կնուածիւն երկրորդի վէճերին Սոգոլլու Մէհէմմէտայ, զերկրորդն ծովապետին Փիալէի, և զգուսարն Մուսղաֆայի ամուսնացոյց ընդ Ապաիւլ քերիմ անուն զօրավարին ենիչէրեաց: Այլ արտաքին ուրախութիւնքս այսոքիկ բնաւ չազդէին 'ի սիրան Սիւլէյմանայ. յորոյ 'ի կարեվէր խոցուածան ընդ մահ որդւոցն և թողանց՝ սաստկագոյն երաշխեսպս յաւելուին անբարի զնացք ժառանգորդին իւրոյ Սէլիմայ ընկղմելոյ 'ի գիներբուս և 'ի շուայտութիւնս: Եւ խրատքն իւր 'ի չուծանել կամակար մտօք զօրէնս դենին և 'ի չքմակել զգլինի՝ ոչ միայն չօգտեցին ինչ Սէլիմայ, այլ և մեծապէս զկծեցուցին զնա. թէպէտ և առ ժամն ոչ ինչ յայտնապէս հակառակութեան ինչ նշանակս եցոյց հօրն: Եւ նորա զբաղեալ յիրս պատգամաւորութեան արեւմտեան և արեւելեան ազգաց, յորոց ոմանք զհզօր նիզակակցութիւն նորուն խնդրէին, և ոմանք զգաշինս բարեկամութեան հաստատէին, ապա ձեռն էարկ և 'ի կառոյցս կարևոր շինուածոց ջրաբաշխ

համբարաց 'ի սլաաճառս մեծի հեղեղին գիպելոյ յայնմ ամի, որպիսի այլ ճիշատակի երբէք 'ի սլաամութիւնս Օսմանեանց:

Սիւլէյման արքայ յաւուր յայնմիկ որ քսաներորդ էր ամսեանն սեպտեմբերի՝ յորս ելեալ էր 'ի հալգալը տերեւնուանեալ հովտին՝ որ հեռի է 'ի քաղաքէն ժամս վեց. և ահա յանկարծակի յուզեցաւ մրրիկ սարսափելի, որ տեւաց անընդհատ ժամս քսան և չորս, և թօթափեաց շանթս կայծականց աւելի քան զեօթանատուն և չորս: Պատառեցան ջրմուղքն գեռադեռ շինեալք 'ի Սիւլէյմանայ. խլեցան տապալեցան 'ի դաշտին Քեաղատիսանէի ծառատունիք և գործարանք, և ալիք ծովուն մրրիկելոյ լեռնաձև կուտակեալք և իբրու ոչ ևս բովանդակեալք 'ի Առափորոնին՝ գիզան զեղան բարձրացան և կործանեցին գոգցեա զամենայն շէնս ծովեղերն: Զքատար եղեն կամուրջք որ 'ի մեծն և 'ի փոքր Չէքմէճէ, 'ի հարամի տերէ և 'ի Սիլիվրի. և լնդ եօթնեակ մի ողջ սղտոր և քաղցրախառն էր, ասէն, ջուր ծովուն: Հազարս հազարաց ոսկիս ետ Սիւլէյման 'ի նորագուն ջրմղացն, և կապարեայ սղտորայից հարիւր և տասանց, և 'ի շինուած քարեղէն կամրջի 'ի Չէքմէճէ:

Ընդ այն ժամանակս ծովապետն Փիւլէ, և մանաւանդ քաջամարտիկն Տուր-

զուա բազում արուժիւնս ցուցանէին 'ի նաւամարտս ընդ քրիստոնեայս 'ի միջերկրական ծովուն . որով առին 'ի ձեռաց նոցա զամուրն ճէրպէ, և զՏրապօլիս և զայլ երևելի ակողիս : Աւար հարկանէին և 'ի ծովագիւնս Նէապօլսոյ, և 'ի կղզիսն Մայորիկա և Վորսիկա, և մինչև 'ի սահմանս Վարժագիսեայ, ուր կուսակալէր 'ի ճէղայիր հասան որդի քաջին Խայրէատինայ, և յետ նորա Սալիհ բէխս : Այլ չկարացին առնուլ զՄելիտէ, այն է Մալթա, 'ի ձեռաց ասպետաց կարգի սրբոյն Յովհաննու . և յետ սլաշարելոյ զայն բազմութեամբ զօրաց հարիւր և երեսուն նաւուք, և զամիսս չորս սաստկապէս մարանչելոյ, իբրև ակտին և զգալուստ փոխարքային Սիկիլիոյ յօգնութիւն Մելիտացւոց, բարձին զպաշարումնն . զի և քաջն Տուրզուա անկեալ էր 'ի սկզբան մարտին :

Քանզի մի 'ի քարանց սարսալին փրշրեալ 'ի բախմանէ ումբաց՝ հարաւ 'ի գլուխ նորա և հոսեաց արիւն յորդ ընդ ոնգունան և ընդ ականջս, և մեռաւ : Մեծամեծ արուժիւնս եցոյց 'ի մարտիանդ Մուսղաֆա փաշա, և էառ զվրէժ մահուն Տուրզուայ առմամբ ամրոցին որ կոչէր Սանթ Էլմօ . զորոյ զպահապանան արս հաղար և երեքհարիւր 'ի սուր սուսերի կոտորեայ, և զգիսակունս նոցին յօշատեալ և բևեռեալ 'ի փայտս խաչաձևս արկ 'ի ծով, զի վարեցին

յալեաց անտի 'ի ստորոտս ամուր բերդին կոչեցելոյ Սանթ Անճէլօ, զոր չկարացն առնուլ: Իսկ մագիստրոսն Մեղիտացւոց Վալալէթ անուն՝ մոռացեալ զգութս քրիստոսական հաւատոց՝ հրամայեաց դիտատել զամենայն զգերիս Օսմանեանց, և զկառափունս նոցին արձակեաց 'ի բանակ նոցա փոխանակ ռմբաց: Մուսղաֆա փաշա առաքեաց 'ի ներքս զգերի ոմն ծերունի, և յորդորէր տալ 'ի բաց զամուրն. այլ մագիստրոսն ցուցեալ նմա զմարտկոցսն և զխրամս՝ ասէ. «Թէ կամիցի սպարապետդ՝ տաց նմա մտադիւր այնչափ ինչ երկիր, զի բաւական իցէ 'ի թաղումն դիականց ենիչէրեաց իւրոց»: Յայնժամ սաստկացոյց և ևս զպաշարումն, այլ սաստկադոյնս 'ի բաց վանեցաւ՝ կորուսեալ ոգիս աւելի քան զքսան հազար, և 'ի պաշարելոցն կոտորեալ հինգ հազար և եթ:

Յաւելուն ատանոր պատմաբանք Օսմանեանց և դէպս ինչ բերել 'ի մէջ: Իբրու զի 'ի մեկնել նաւահանդիսին 'ի Կոստանդնուպօլսոյ՝ վէզիրն մեծ Սէմիզ Ալի փաշա յուղարկ երթեալ սակաւ մի ընդ ծովապետին Փիալէի և ընդ սպարապետին՝ որ էր Գրղըլ Ահմէտի Մուսղաֆա փաշա հինգերորդ վէզիր ծերունի եօթանասուն և հինգ ամաց, ըսա իւրումն զուարճախօս բարոյից ծաղր իմն արար զերկոսին զնոսա և ասէ ցմերձակայս իւր. «Ահաւասիկ արք երկու զլծ-

Տիտք և ծանրակացք, որ սկսեն զխահ-
վէ և զափիտն, և գնան զբօսանելի կրդ-
փս . և անշուշտ դարձցին ընդ հուպ,
բակլայս ածելով արաբացիս, և բանկոյ:
Զայս այսպէս պատմեալ Օսմանեանք
յայտ առնեն և զտարադէպն լինել այս
պիտոյ կատակաբանութեան ՚ի ժա-
մուն ՚ի բերան առն աւագի, և պատ-
ճառս խն համարին զնոյն ձախող ելից
արշաւանին: Այս ինչ հաւաստի է, զի
և Սիւլէյման արքայ ծանրացասումն եղև
ընդ զաջան արշաւանն . վասն որոյ
պատուիրեաց ծովակալին գիշերայն
առնել զմուտ խոր ՚ի քաղաքն . և յա-
տենի վէզիրաց խօսեցաւ իսկ ոչ ընդ
Մուսղաֆայի:

Ի մեռանել Փերտինանտոսի կայսեր
յերկրորդում ամի զինագագարմանն՝
իրբև թագաւորեաց Մաքսիմիլիանոս,
պահանջեաց ՚ի նմանէ վէզիրն մեծ զե-
րից ամաց զհարկան միանգամայն, այս
ինքն է ոսկիս իննսուն հազար: Զիջաւ
Մաքսիմիլիանոս ՚ի հատուցումն այնչափ
արծաթոյն, զի թերևս հնար լիցի նո-
րողելոյ հաշտութեանն . այլ քանզի ՚ի
սահմանա աշխարհին Մաճառաց անընդ-
հատ պատերազմունք էին ընդ դաւա-
ռասպետս Օսմանեանց, և ընդ սահմա-
նակալ իշխանս Գերմանացւոց, և զի ընդ
այն աւուրս պատերազմասէրն Սոգոլու
Մէհէմէտ կարգեցաւ վէզիր մեծ փո-
խանակ Սէմիզ Ալեայ մեռելոյ, ընդ ու-

նայն եղևն գեասպանու թիւնք Մարտիմի լիանոսի 'ի Կոստանդնուպօլիս 'ի խնդիչ հաշտութեան : Կուսակալն Պոսնիոյ Մուսդաֆա Սողալու եղբորորդին Մհհէմէտայ արշաւեալ յերկիրն Խրուա թից՝ էառ զբերդն Քրուսիա, և զամուրն Փանքոթթա : Յայնժամ Մարտիմի լիանոս հրեշտակս առաքեալ առ Սիւլէյման՝ պահանջէր յետս տալ զամրոցսն : Իսկ նորա զայրացեալ ընդ այն յոյժ յոյժ, զի ոչ միայն զհարկսն չհատուցանէր, այլ և պահանջանս 'ի նմանէ առնէր, արգել զգեասպանն 'ի խիստ բանտի, և եղ 'ի մտի անձամբ խաղալ յերկիր նորին, և 'ի բաց քերեւ զկեզաանուն պարտութեան զօրաց իւրոց առ Մելիտեաւ, և առ Ակրիա քաղաքաւ :

Ազդ արար Սիպիամունդայ Զափուլեայ և Տէվլէթ քերէյի խանին Խրիմու առնուլ զամուրսն Սաթմար և Թոքայ և ինքն յառաջնում յամսեանն մայիսի յամին 1566 յուղի անկաւ 'ի Կոստանդնուպօլսոյ և հանդէս հանդերձանացն զանցանէր շքեղութիւն քան զամենայն ուղևորութիւնս նորին 'ի պատերազմ : Ոչ երկվարաւ առնէր զճանապարհն զայս նուազ, այլ 'ի կառս, վան ծերութեանն և ոտնացաւոյն : Ընդ նմա ելին և հնդեքին վեղիբն Մէհէմէտ, Փէրթէվ, Ֆէրհատ, Ահմէտ և Մուսդաֆա և վեղիբն մեծ միով օթեանաւ յառաջընթաց լինէր 'ի կազմել զճա

նասարհն : Իսկ 'ի Կոստանդնուպօլիս
 տեղակալէր Իսքէնուէր փաշա : Ի Չեմլին
 կատարեալ զտօն գառնաղեհու թեանն,
 հրաւիրեաց առ իւր զՉափուլեա, որ և
 եկն 'ի բանակն չորեքարիւր ազատորե-
 բով և մեծաւ շքով և բազում ընծայիւք
 արծաթի սպասուց եմօւտ 'ի խորանն
 Սիւլէյմանայ, երկիր եպագ երիցս առա-
 ջի ոսկեփայլ գահոյից մեծի թագաւո-
 բին, և երիցս անգամ հրամայեաց նա
 նմա յտն կալ և ետ նմին զձեռս իւր 'ի
 համբոյր . և ողջագուրեալ զնա իբրև
 զիւր որդի՝ հրամայեաց արկանել նմա
 աթոռ ականակուռ անյենարան, և բա-
 զում ինչ քաղցրութեամբ խօսեցեալ
 ընդ նմա ասէ : «Աչ մեկնեցայց ես աստի,
 մինչև պսակեցից զորդեակդ իմ 'ի թա-
 գաւոր Մաճառաց» : Կամէր և 'ի խնջոյս
 հրաւիրել զնա . այլ խափան եկաց այնմ
 վէզիրն մեծ, պատճառելով եթէ գու-
 ցէ ասէ՝ ինչ 'ի կերակրոց փնասեալ նմա՝
 կարծիցիսք Մաճառաց դաւ ինչ գոր-
 ծեալ իշխանին իւրեանց : Իսկ 'ի ներ-
 քուստ ռխացեալ էր ընդ Չափուլեայ,
 փոխանակ զի չէր հաւանեալ նա յայց
 ելանել ինքեան ըստ խնդրոյ իւրում՝
 'ի խորանին, այլ բացօթեայ, և այն ա-
 ռանց իջանելոյ յերիվարէն : Եւ յետ
 երկուց աւուրց արձակեցաւ նա քա-
 ջալէր բանիւք և մեծամեծ խոստմամբ
 յարքայէ :

Մինչդեռ կամէր Սիւլէյման անցա-

նեւ ընդ կամուրջն Աշտարակնայ յա-
 ուուին Ակրիոյ, որ է Էռլաւ, ազգ եղև
 նմա՝ եթէ Նիքոլա կամ՝ Նիկողայոս Զը-
 բինի խրուած իշխանն խորատակեալ է
 սպառսպուռ զգորս Մէհէմէտայ բը-
 դեշխին Թրհալայի. և փոխեաց զուղին
 լի ցամամբ գիմել յաւուին բերդին
 Զըբինեայ, որում անուն էր Սիկէթ.
 վար: Պատուիրելով սպատուիրեալ էր
 արքայի զօրաց իւրոց չկեղել բնաւ ըզ-
 գիւղականա երկրին. և իբրև գիտաց զս-
 մանց հրդեհել զգիւղս ինչ, հրամայեաց
 ընդ սուր անցուցանել զնոսին: Արսէս
 և զԱսլան սէյ զկուսակալն Պուտինայ
 եւ սպանանել ՚ի սպառճառս անհրա-
 ման սապատակելոյ նորա ՚ի սահման
 թշնամեաց, և մանաւանդ յաղաղս տա-
 լոյն ՚ի ձեռս նոցին զամուրան Ահաիրիմ
 և Թաթա: Հրամայեալ էր արքայ միում
 ՚ի սաշտօնէից դրանն երթալ ածել ա-
 ինքն զգլուխն Ասլանայ: Այլ իբրև գի-
 տաց՝ զի նա վտուռ ևս մեկնեալ ՚ի Պու-
 տինէ գայ ՚ի բանակն արքունի, սպ-
 տուիրեաց զի հատցի կառափն նորա ՚ի
 Ժամանել նորին ՚ի խորան վէղերին մեծի:
 Եհաս Ասլան հնդեատան սպառազէն
 հեծելովք, և եմուա ՚ի խորան վէղերին.
 որոյ անգէն յոտն կացեալ գոչեաց
 ընդգէմ Ասլանայ և աւէ. «Զի կայ քո
 աստանօր. և յո՞ սպառտան արարեալ
 թողեր զգորականսդ: Արքայ զքեզ կողմ
 նսպետ կարգեաց աշխարհիս, և գու-

մասնեցեր զամուրս սորա 'ի ձեռս
անհաւատից . ա' չուռական , հա-
տեալ է արդ վճիռ մահուան 'ի վերայ
քո" : Եւ ասէ ցմի ոմն յորոց մերձն
կային . « Մատիբ պատահեա անօրինիդ » :
Ասլան պէյ անխռով մտօք եհան 'ի ծո-
ցոյ իւրմէ նամականի կրկին , զի տացեն
արքայի , և ինքնին 'ի ծունր իջեալ առա-
ջի գահճին ասէ . « Հասպա փուլթա և մի
յապաղեր , և քաջ սնդեա զխեղդանդ » :
Եւ անդէն խեղդամահ էղև :

Ի վաղիւ անդր եմուտ արքայ հանդի-
սիւ 'ի Փեչ քաղաք , ողջունելով զզօրան
աստի և անստի տողեալս 'ի քաղաքին , և
'ի հինգերորդում աւուր ամսեանն օ-
գոստոսի գնաց 'ի պաշարումն Սիկէթայ ,
զոր յերից աւուրց հեռէ պաշարեալ
էր կուսական եւրոպեան իննսուն հա-
զար զօրօք և երեքարիւր հրազինուք :

Հրաման էղև յարձակել 'ի վերայ
քաղաքին յերից կողմանց , և 'ի չորեք-
տասաներորդում աւուր առաւ բերդն
արտաքին : Սակայն մեծաւ արիութիւն
մարտ գնէր 'ի ներքուստ ջրինի՝ ոչ ինչ
անսացեալ յորդորանացն Սիւլէյմանայ
'ի տալ զմիջնաբերդն : Այդ սկսան է-
նիչէրիք ական հաստանել 'ի հիմունքեր-
դին , և հանդերձեալ էին հրկէզ առնել
զայն 'ի վաղիւ անդր : Այլ արքայ Սիւ-
լէյման 'ի նմին գիշերի որօր հինգերորդ
էր ամսեանն սեպտեմբերի , մեռաւ 'ի
ծերութենէ , կամ 'ի իթոց և կամ 'ի

կաթուածէ . և չկարաց տեսանել զառումն Սիկէթայ, որոյ վասն 'ի ժամ մահուն իւրով ձեռամբ գրեալ էր առ վէզիրն մեծ . «Մինչև ցերբ ոչ բորբոքիցի վառարանդ . մինչև ցերբ չ՛նչիցէ փող յաղթութեան » : Չամենայն հնարս հնարեցաւ Սողոլուն առ 'ի թաքուն պահելոյ զմահ թաղաւորին . և որ ըստ օրէ թուղթս յանուն արքայի սփռէր 'ի բանակին խորհրդակցութեամբ Գերիտունայ և Ճաֆէր աղայի , որ քաջիկ նմանեցուցանէր զգրուած իւր գրուածոցն Սիւլէյմանայ :

Յուծ սեպակեմբերի հարկ էր Չրինեայ կամ անձնատուր լինել, կամ աշտարակաւն հանդերձ յօդս ամբարձեալ մեռանել . քանզի անդէն 'ի նմին աշտարակի էր և համբարանոց վառօդոյն : Այլ նա արժանի իւրումն քաջութեան խորհեցեալ խորհուրդ, զգեցաւ զհանդերձս իշխանութեան իւրոյ, արկ զպարանոցաւ զմանեակն ոսկի , եղաւ 'ի դլուխ զխոյրն մեծաշուք , արկ 'ի ծոց իւր ոսկիս հարիւր և ընդ նոսին զփականս բերդին, և ասէ . « Յորչափ կարացիցես շարժել զմին 'ի բազկացս խնոց, ոչ ոք հանցէ յինէն զոսկիս կամ զփականս . իսկ զհետ մահուան խնոց թող առցէ զնոսին ո՛րք և կամեսցի . այլ ես երգուեալ եմ, զի 'ի բանակին Տաճկաց մի լիցի ումէք ցուցանել զիս մատամբ՝ եթէ սա է Չրինի » : Սովին արութեամբ

խրատուսեալ զիւրան վեցհարիւր ասոյ
 եանս, այն ինչ ելանէր ծուխ բորբոքե-
 լոյ աշտարակին՝ յարձակեցաւ նոքօք
 հանդերձ, անզրահ և անսաղաւարտ, և
 միայն սուսեր պողովաատիկ ՚ի ձեռին, ՚ի
 խուռն բազմութիւն թշնամեաց իբրև
 զկայծակն ՚ի շամբս եղեգանց: Սակայն
 հարեալ ՚ի կրկին ռմբաց ՚ի լանջան՝ ան-
 կաւ և ինքն, և ենիչէրիքն յափշտակեալ
 զնա կիսակենդան եղին ՚ի վերայ թնդա-
 նօթին Քացիանէնայ և գլխատեցին: Յայնժամ
 և սենեկասպանն Ջրինեայ
 հուր եհար ՚ի պահարան վառօդոյ աշ-
 տարակին. որ ահագին ճայթմամբ ոս-
 տուցեալ ընդ օդս, ծածկեաց ընդ իւրև
 երիս հաղարս ՚ի զօրականաց որ չժա-
 մանեցին խուսափել: Ի նմին աւուր ա-
 ռաքեաց վեղերն զգլուխ Ջրինեայ առ-
 կայսրն Մաքսիմիլիանոս: Գրեաց սպա-
 ըստ սովորութեան ՚ի դիմաց արքայի
 թուղթս աւետեաց առ խանն Նորխու,
 առ շէրիֆն Մէքքէի, առ շահն Պարսից
 և առ այլ պետութիւնս: Բաշխեաց
 զօրացն և զօրավարաց պարդևս և իշ-
 խանութիւնս, և հռչակեաց ընդ բա-
 նակն՝ եթէ քանզի այտուցեալ են ոտք
 արքայի, զկարէ արտաքս ելանել: Եւ
 խոհական զգուշութեամբ մեծի վեղի-
 րին յաջողեցաւ թաղնութի մահուա-
 նըն Սիւլէյմանայ ցերիս եօթնեակս,
 մինչև ցհասանել արքայորդւոյն Սէլի-
 մայ ՚ի Աուլանոյ ՚ի Աոստանդնուպօլիս:

Տեսաւ ահաւասիկ կարճ 'ի կարճոյ,
 եթէ չէր կտցեալ յառաջ քան զՍի-
 լէյման, որպէս և չեկաց ևս զկնի նորա զա-
 ւուրս քաղումս թագաւոր Օսմանեանց
 մեծ քան զնա, վսեմ 'ի դործս, վէհ 'ի
 խորհուրդս, անվէհեր 'ի վտանգաց, ան-
 ընկճելի 'ի սպատահարաց. աշխարհաչն
 մեծագործ, և յաղթական յամենայն
 դողցես արշաւանս, մանաւանդ յերեք-
 տասանեւսին 'ի մեծամեծսն, որովք
 յաւել յիւրն պետութիւն բերդս և
 քաղաքս հարիւր, կամ որպէս այլք ա-
 սեն՝ երեքարիւր վաթսուն և վեց:
 Սակա որոյ յիրաւի Մեծ և Մեծագործ
 անուամբք հռչակեցաւ յԵւրոպացոց:
 Այլ չքեղ ևս համարեցուք զառ 'ի
 յիւրմէ, ժողովրդէնէն արժանապէս ըն-
 ծայեալ նմա զԳանուէի կամ զՕրէնրս.
 գիրն անուանակոչութիւն:

Որպէս 'ի սրաւերազմականսն, նոյն-
 պէս և 'ի քաղաքական բարեկարգութե-
 արս հանձարեղս և անուանիս սա-
 տարս ունէր իւրոցն խորհրդոց. սակայն
 և այն յաճախէ նմա ապաքէն զփառս
 քաջակիրթ ընտրութեան ընդ այր և ընդ
 այր: Եւ թէ որ սողիւտ մեծ 'ի նմա սե-
 սանիցէ զստորանսն յիւրմէ բամբջանէն
 'ի կորուստ արանց քաջաց ոչ ինչ այնպէս
 յանցաւորաց, անկցին 'ի սիրտ նորա և
 'ի յուշ մտաց՝ սորին համանուանն ար-
 կածք, եթէ արժան իցէ սակ, մեծին
 սակմ 'ի թագաւորս խորայելի արկածք:

Գլուխք օրինացն Սիւլէյմանայ, որ
պէս զի կարճաւուօտս հատից, բովանդա
կինն 'ի սահմանադրութիւնս յաղագս
էնիչէրեաց, յաղագս կալուածոց որ
յեւրոպեանն և յասիական կողմանս,
յաղագս վարձկանացն կալուածոց որ
յԵգիպտոս, յաղագս ստրկաց՝ քրիստո
նէից և Հրէից, յաղագս բաժանման
աշխարհինն 'ի քսան և մի նահանգս և
յերկերիւր և յիսուն գաւառս. և յա
ղագս պատժոց յանցանաց:

Ի ստրկացն օրէնս, որք ապա ըստ
մասին հաստատեցան, և ըստ մասին
առաւելան յԱհմէտայ արքայէ առաջ
նոյ, որոշին հարկապահանջութիւնքն
յաղագս ագարակաց և անգաստանաց,
հարսանեաց, խաշանց, արօտոյ, ձմե
րոցի, փեթակաց, աղօրեաց, գերդաս
տանաց, դատաստանաց, և գերեաց:
Իսկ 'ի պատժականն խնամով ճշգեւ
թուի Սիւլէյման զմանունս անգամ 'ի
յանցուածոց, 'ի հինգ գլուխս ամիս
փեալ. որոց նախկինն սահմանէ զպա
տիժս պոռնկութեան, առաւելապէս
տուգանս դրամոց: Յերկրորդումն կըշ
ռին պատիժք և տուգանք թշնամանաց
կագի և կռուոյ. որպէս այն՝ թէ որ
խլիցէ ոք զայլոյ զմորուս, կամ ապտա
կըս ումէք հանիցէ, և կամ վէրս 'ի գլու
խն գնիցէ, նոյն անցք և ընդ նա ան
ցուային. սակայն իշխան է վնասն ալն
տուգանս դրամոց պահանջել յստիւնն.

զոր օրինակ ընդ միոյ ստաման փշեւոյ
երկերիւր փողս 'ի մեծատանէ, և երե-
սուն յաղքատոյ: Չգերեաց տոյժս կի-
սով չափ հատուցանել պարտին անարք
նոցուն: Աննայք երկու թէ կադիցեն
ընդ միմեանս, և 'ի քողաւորացն իցեն և
'ի պարկեշտից, քսան փողս տուժես-
ցեն. իսկ թէ հոլանի իցեն և հերատուկ,
կշտամբեացին և տուժեացին առ մէն մի
հարուած փողս կրկին:

Յերրորդունն սահմանին սլափժք
արբեցողաց, գողոց, սպանողաց, և ա-
ւարողաց. իբրու այն, որ գինըմպու լինի-
ցի՝ առ իւրաքանչիւր նուագս փող մի
տուժեացէ: Չիագողոց ձեռն հատցի,
կամ երկերիւր փողս տուգանեացին:
Մարդագողն, և որ սակալ 'ի գողութիս
մանունս ըմբռնեալ իցէ՝ կախեացի: Սուս
վկայից և դրամահատից ձեռն հատցի:
Որ զանց առնիցէ երիցս զօրական աղ-
թակացութեամբն (որ 'ի հինգ նուագս
կատարի), և որ զպահան լուծանիցէ,
փող մի տուգանս տացէ: Շահք դրամոց
մի անցցեն քան զմետասան առ հարիւր:
Չբարատողքն և ամբատտանք երաշխա-
ւոր լիցին և սարտականք մնասուն՝ զոր
գործիցեն չարախօսութիւն իւրեանց:

Չորրորդին սահմանք յաղագս առի
և արոյկարդին, և հինգերորդին՝ յաղագս
արուեստից. յառաջնունն սլափժք
և գութ գորովոյ առ անասունս. և 'ի
միւսունն սահմանին հացարարաց չափք

ալեր և կողւոյ 'ի յօրինուած այլևայլ պղակուճոաց, և անադողաց զպղնձիս՝ չափ և տարազ անագելոյն . որպէս և գինք զանազան ագանելեաց ոտից, և համեաից, երատանակաց և սանձից: Որոց վաճառիցեն պտուղս չորացեալս, և խաղող, շնորհեալ էչահ տասն առ հարիւր: Բաղանէտեարց պատուիրի չտալ անխտիր 'ի վար տաճկաց և այլակրօնից զնոյն ածելիս և զանձեռոցս: Աղքատաց՝ յարգոյ աւուրս և եթ ելանել 'ի մոյր, և 'ի մղկիթս ոչ երբէք . բորոտաց և ուրկաց մի շրջել 'ի քաղաքին: Չվաճառելին չ բնաւ, որում չիցէ գին հատեալ դատաւոր քաղաքին: Չայս ամենայն այսպէս գիտացեն և պահեսցեն, ասէ, ամենեքեան, և ոչ այլազգ:

Ներողամիտ զիջումն Սիւլէյմանայ առ հպատակս իւր ակն յայտնի երևի ոչ միայն յօրէնան, այլ և 'ի թողացուցանել անդնորին զճոխութիւն և զզեղխութիւն յարքունիս և յապարանս աւագանւոյն, և 'ի վստփանել զմուտ խահվէի, (զոր յերկից դարուց հետէ հնարեալ էր Շէտէլի ոմն շէյխ արաբացի,) և զշինուած խահվէխանէ անուանեալ զքօսարանաց 'ի Կոստանդնուպօլիս յամին 1554: Չգայթակղութի օրէնագիտացն տաճկաց ընդ ոսկի և արծաթի սպասս սեղանոյ թագաւորին եբարձ Սիւլէյման, վարելով ինքն փոխանակ նոցին յախճապակիս Չինաց: Այլ զի վէճ էր առ

նոսա, զի Էթէ կէնդանեաւ մարդարէին իւրեանց լինէր գիւտ խահվէին, արդէ ըսր նա զարբումն Էթէ ոչ, ընկաց դէնսպեան Էպիսկոպոս. որ և մեծապէս օժանդակեաց Սիւլէյմանայ՝ ի կարգումն կանոնացն :

Գրուատեալ է Սիւլէյման և սակառւսումնասէր բարուցն, և քերթողական հանճարոյն. և իւրով առատաձեռնութեամբ առ դիւանականս այնչափ իրախուսեաց զնոսա, զի թիւ քերթողաց և Էթ առ նովաւ կացելոց հաշուին հարիւր և յիսուն. և ՚ի նոսա տասնէքին սոքա համբաւեալք են յոյժ. խիալի, որ առ մէն մի ՚ի տաղիցն փողս հարիւր և յիսուն հազար առնոյր յարքայէ : Զաթի, որ յաւուրց անախ Պայէզիտայ արքայի պարտական էր ամի ամի երկս քերթուածս յօրինել, վասն նորոյ տարւոյն, և վասն երկուց տօնիցն Տաճկաց : Տէլի Պիւրասէր, Եահեա պէյ, Ֆիւզուլի, Ըէլլի, Ֆեքրի, Բէվանի, և Լամիի. այլ տասնէրորդն Լպտիւլ Պագի պարագլուխ համարի ամենեցուն սոցա, զի և ՚ի Սիւլէյմանայ արքայէ անուանեցաւ մի միայն քերթող օսմանեան, և ընկալաւ ՚ի նմանէ հրովարտակ պատուոյ. որ և ողբս ցաւագինս յօրինեաց սոպա ՚ի մահն Սիւլէյմանայ :

Եւ եղեն ամբ թագաւորութեանն Սիւլէյմանայ արքայի քառասուն և եօթըն. և ՚ի մեռանել իւրում էր նա ամաց եօթանասուն և չորից :

ՍՈՒԼԴԱՆ ՍԷԼԻՄ Բ,

ՀԱԼԻՄ

Օ ՀԵՏ առ մանն Սիկէթ վարայ, Հա-
սան չառուչ առաքեալ 'ի վէղերէն առ
Սէլիմ, յառուրն ութերորդի ժամա-
նեաց թղթով 'ի Կուտինա. և ուր և ան-
ցանէր՝ զայսասէր, և թէ Սիւլէյմանն ար-
քայ չկամի մեկնել 'ի Սիկէթայ՝ մինչև
քաջ ամրացուցեալ իցէ զնոյն: Իսկ ար-
քայորդին Սէլիմ շտապ տաղնապառ-
յերիս առուրս հասեալ 'ի Քաղկեդոն,
զեկոյց տեղապահին Իսքէնտերայ ըզ-
գալուստ իւր, և միանգամայն յայտ ա-
րար զգարմանս իւր ընդ անպատրաստն
լինել ամենայնի: Շփոթեալ տեղապահին
ընդ իրան՝ ետ պատասխանի չգիտել ինչ
բնաւ յեղելոցն. այլ իբրև ընթերցաւ
զթուղթ վէղերին՝ փութացաւ անց յԵս-
կիւտար և համբուրեաց զձեռս Սէլի-
մայ: Իբրև եմուտ Սէլիմ 'ի նաւ, և ու-
ղերէր 'ի քաղաքն կոյս, արձակեցան
յաշտարակէն Նէանդրի, որ է Գրզ դու-
լէսի, թնդանօթք ազգարաղք մահուն
Սիւլէյմանայ, և թագաւորելոյն Սէլի-
մայ: Եկին 'ի համբոյր ձեռաց նորա և
որք միանգամ գտանելին 'ի թագաւո-

րեալ քաղաքին յաւադորերոյն և ՚ի դիւ
նականաց . և ապա յայց ելեալ ըստ սո
վորութեան ՚ի շիրիմն էյ յուսայ և ՚ի գե
րեզմանս իւրոց նախնեաց , և ոսկիս վնց .
հարիւր թողեալ ՚ի մի մի ՚ի նոցանէ , յա
ւուրն երրորդի յուղի անկաւ գնալ ՚ի
բանակն : Ի Սոփեա քաղաքէ գեապանս
արձակեաց ՚ի Ալեհեաիկ , ՚ի Տակուզա ,
՚ի Գաղղիա և ՚ի Պարսս , ծանուցանել
նոցա զմեռանել հօրն , և զիւր թաղա
ւորել ՚ի տեղի նորա : Ապա ըստ մեծի
վէզիրին խորհրդոյ զկայ էառ ՚ի Պել
կրաս , զի մի աուրս պարգևաց խնդրես .
ցեն զօրականքն , և արքայ չունիցի առ
ձեռն ըստ բաւականին :

Դեռ ևս անգէտ էին զօրականք մա
հուն Սիւլէյմանայ . զի Սողոլուն յեա
թաղելոյ զփորոտիս մեռելոյն ՚ի վանի
անդ նորին , զեաեղեաց զգիականն ՚ի
պատգարակի , հրամայեաց ՚ի գիմաց
արքայի՝ չուել ՚ի Աոստանդնուպօլիս , և
՚ի ժամ չուոյն երբէք երբէք մատչեր
՚ի պատգարակ անգր իբրու հծծելով
ինչ ընդ արքայի : Հասեալ ապա մերձ
՚ի Պելկրաս օթեանս չորս , զհասարակ
գիշերաւ հրամայեաց վէզիրն ընթեր
ցողաց կուրանին ակումբ առնուլ զգա
գաղօքն , զի ՚ի նմին ժամու վախճանեալ
էր Սիւլէյման զկեանս իւր քառասուն
և ութ աւուրքք յառաջագոյն : Այն
ինչ ժամանէր բանակն ՚ի ստորոտս ու
րեք անտառաց , հնչեցին ընթերցողքն

զձայնս աղօթից միաբան գոչմամբ : Եւ
 իբրև այլք անգրէն կցեցին զողբական
 նուագան, բարձին զձայնս իւրեանց յան-
 կարծակի զօրականքն առհասարակ,
 և ահագին կոծմամբ կականաւ լային .
 և անգէն զոեղի կալեալ՝ ոչ ևս կամէին
 յառաջ խաղալ : Յայնժամ ժողովեցան
 վեզիրքն առ Սոգոլուն և սորջանային
 ընդ տարածամ յայտնութիւն գաղտ-
 նեացն . այլ նա ինքն վեզիրն մեծ ընթա-
 ցեալ ընդ բանակն ՚ի լուսանալ առաւօ-
 տուն գոչէր . «Ո՛րնկերակիցք իմ, զի
 է ձեզ դադար առնուլ աստէն : Զայս
 հատուցանիցէք թագաւորին ձերում ,
 որ զայսչափ ամս հայրօրէն գգուեաց
 զմի մի ՚ի ձէնջ իւրաքանչիւր . նա պարս
 և պատշաճ է մեզ փառս վերառաքել
 Աստուծոյ յանուն նորա և երգս յաղ-
 թութեան նուագել : Հասկա ՚ի գլուխս
 մեր բարձեալ զգիական նորա ելցուք ընդ
 առաջ որդւոյ նորին Սէլիմայ արքայի
 որ մնայ ձեզ ՚ի Պելիբատ լիաձեռն պար-
 դեօք : Հանգարա լերուք, և մի խափա-
 նէք զընթերցողսդ յաղօթից, և չուես-
 ցուք : Եւ իբրև ոչ ևս հեռի էր բանակն
 ՚ի Պելիբատէ քան զմի օթեան, աղղ-
 արարին Սէլիմայ աւագանին խոնար-
 հութեամբ ընդ ձեռն թղթատարի, զի
 հաճեացի արքայ բազմել յոսկի գահն
 Սիւլէյմանայ՝ որ ՚ի բանակին կայր, և
 այնպէս ընդունել զինդակցութիւն զօ-
 բականին, և խոստանալ նոցա զսովորաւ

կան պարզեան : Սէլիմ եցոյց նախ ըզ-
 թուղթն ուսուցչին իւրում՝ որ կոչէր
 Ադաուլլահ , և սենեկասպեափն՝ որում
 անուն էր Ալա Հիւսէյին . այլ նորա
 յաւելորդս գրեցին զիրան , ոմն ասելով
 էթէ հանդէս թագաւորելոյն վաղ իսկ
 վճարեցաւ ՚ի Կոստանդնուպօլիս . և ոմն
 էթէ ՚ի հնումն յառակս էր՝ օսմանեան
 արքայից չիք այլազգ թագաւորել , բայց
 անցանելով ընդ մէջ սուսերաց զօրացն
 իւրեանց . և ճշմարտեալ էր առակն
 յայնժամ , այլ ոչ և զարդիս , ուր իրա-
 ւունք ժառանգութեան զօրացեալ են
 Ի նմին պահու հարաւ խորանն Սիւլէյ-
 մանայ ՚ի բլրի ուրեք հանդէս Պելիբա-
 աու , և Սէլիմ անդէն եմուտ ՚ի ներքս
 իւրովքն հանդերձ : Զայն իրրե զգաց
 վէզիրն մեծ ասէ ցմտերիմն իւր ցճերի-
 տուն . « Այս արգասիք են ասա անկար-
 գութեան , յորժամ վէզիրն կատարե-
 զիրն պարտիս՝ առաջի առնելով զկար-
 ծիս իւր , և թագաւորն խորհուրդ ՚ի նո-
 ցանէ հարցանէ՝ որ անհմուտք են իրաց
 սկտութեան : Եւ զի էր թէ խոստա-
 նայր և էթ արքայ զօրականին զպարզեան .
 և զինչ շահ ՚ի սնտաի ճառատանաց սե-
 նեկասպեափն » :

Ի վաղիւ անգր մինչև արեգական ըզ-
 ճառագայթս իւր սփռեալ յերկիր , ա-
 մենայն բանակն զգեցաւ զհանդերձ
 սպոյ . աւագորեարն պատասեցին զգրել
 խովք իւրեանց կերպասս սեաւս . անձ-

նապահք թագաւորին ՚ի բաց եղին ըզ-
 փետուրան, և այլ սպայքն արկին զան-
 ձամբք զքուրձ: Չնոյն և բնակիչքն Պեւ-
 կրատու արարեալ՝ խուռն գիւմէին ընդ
 կամուրջն ընդ առաջ գիականն Սիւլէյ-
 մանայ: Առաջի գրաց խորանին՝ յորում
 կայր Սէլիմ արքայ՝ վառեալ կային
 ջահք թաղման մեռելոց, և ամենայն
 բանակն արտասուէր անմեռնչ: Արե-
 դակն ծագեաց, և արքայ Սէլիմ եւ ՚ի
 խորանէն՝ արկեալ զգլխովն քող սևա-
 թոյր. մատեաւ առաջի դադաղաց հօրն
 և ամբարձեալ զձեռս իւր եկաց յաղօ-
 թըս: Աալան զբազուկս նորա ՚ի վեր ու-
 սուցիչն իւր և սենեկասկան, և տողե-
 ցան կային վէղերքն ընդ աջմէ նորա և
 այլ աւաղանին ընդ ձախմէ, և երգե-
 ցողքն սկսան կատարել զսլաշտօն աղօ-
 թիցն: Յեա՛ այնորիկ Սէլիմ արքայ ող-
 ջոյն ետ զօրացն յաջ և յահեակ, և ե-
 մուտ անդրէն ՚ի խորանն: Յայնժամ
 յուղեցան ընդ ամենայն բանակն բանք
 քրթմնջանաց, և սկսան աղաղակել իբ-
 րև մի բերան. «Չի՛ է զի չարահեցաւ
 սովորութիւնն. և ո՛ւր են սրարդեքն մեր.
 և զի՛նչ զոր դորձէք վէղերքդ: Քաջ է.
 առջիք դուք սպա, առցես և արքայդ
 զարժանին հատուցումն առ ՚ի մէնջ ՚ի
 դրան անդ Աստանդնուսօլսոյ, և ՚ի
 դրան արքունեաց»: Եւ սկսան թշնա-
 մանեւ զգլխակն, և նախատել զարքայոր-
 դին: Աճապարեցին վէղերքն առսքել

զգիական Սիւլէյմանայ 'ի Կոստանդնուպօլիս, և բաշխել զօրացն սարգևս: Ի վեցեսին վաշտս հեծելազօրուն բաշխեցան քսան սակիք ըստ դլուխ, և առ մէն մի յենիչէրեաց քառասուն. սակայն սոքա սահանջէին վաթսուն, և 'ի վերայ նորին առանձին սարգևս սակս արշաւանին: Տուաւ նոցա պատասխանի՝ եթէ չիք 'ի բանակին առ ժամայն դանձբաւական: Ասն որոյ յաւելան թռչակք նոցա և ռոճիկք ըստ իւրաքանչիւր չափու, և յաւուրն հինգերորդի յուզնանկաւ բանակն 'ի Կոստանդնուպօլիս:

Ի դաշտի անդ Սէմէնարէի երկոքին գատաւորքն զօրաց Մէվլանա Համիտ և Մէվլանա Փէրվիզ աստի և անտի թագաւորին դնալով հարուստ ժամս՝ համարձակեցան քաղցրութիւն աղք առնել նմա, եթէ քանի ըղձալի իցէ ճշգրիտ սահսպանութիւն պատուիրանին չմպելոյ զգինի, զոր հրամայեալ էր Սիւլէյման արքայ. այլ Սէլիմ որ գինեակը յոյժ էր՝ իբրև եհաս 'ի Սէմէնարէ, ընկեցիկ արար զերկոսին ևս յիշխանութենէ անտի իւրեանց:

Երանեալ սպա թագաւորին 'ի գիւղն արքունի 'ի Հալգալը, մինչև և վնէին պատրաստութիւք հանդիսապէս մտանելոյ 'ի թագաւորեալ քաղաքն, ելին ընդ առաջ նորա ակղասպահն Իսքենտէր փաշա և ծովասպեան Փիալէ, և գենսպեան Կալիսիւուտ հանդերձ գա:

տուք գիտնականաց 'ի համբոյր ձեռաց
 արքայի : Այլ 'ի ժամանեւ Հանդիսին
 ձայնիւ ցնծութեան մինչև 'ի դուռն
 քաղաքին որ կոչի Էսթէնէ գափուսու ,
 յանկարծակի զկայ առին յառաջն
 թացքն հասեալք 'ի մզկիթն Շէհզատէ
 ճամբսի անուանեալ , և ոչ ևս խլրտէին .
 և Սէլիմ հարկեցաւ սպասել անգանօր
 աւելի քան զժամ մի : Ի հարցանեւ ա-
 լագորերոյն եթէ զի'նչ այն իցէ , տուաւ
 պատասխանի . « Սայլ խոտոյ կալեալ
 ունի զմուտս դրանն » . և առակ էր այն ,
 և նշանակ աժգոհութեան զօրականին :
 Ասէ ցնոսա երկրորդ վէզերն Ֆէրթէվ .
 « Չէ վայելուչ գործդ ո' ընկերակիցք » :
 Եւ նոքա սղաղակեցին . « Եւ միթէ Վի-
 ուլէ իցէ աստանօր » : Եհար զնա մի ոմն
 'ի նոցանէ նիզական և տապալեաց յե-
 թիվարէն , և սլաճու ճաղարդ արտախոյրն
 գլորեցաւ ընդ երեսս գեանոյն : Մա-
 տեաւ աղաչել զնոսա ծովապեան Փիա-
 լէ , և զնա ևս հարեալ կործանեցին յե-
 թիվարէն ասելով . « Չի' կայ մեր և քո
 եղկէ լի նաւազդ » : Եւ զՖէրհաստիաշա
 և զերթիվար նորին չարաչար հարուածե-
 ցին գնտովք հրացանից : Այլ վէզերն
 Ահմէտ և մեծ վէզերն Մէհմէմէտ լի բը-
 ուամբ ոսկիս ճապաղեալ 'ի նոսա՝ հա-
 զիւ հերձին զնոսա և շախիզ հորդեցին
 արքայի մինչև 'ի դուռն արքունեացն :
 Անդ առեալ ենիչէրեաց զգրուես գաւ-
 թին՝ յափշտակեցին իջուցին յերթիվա-

բաց զամենայն զվէզիւրսն, կալան զսու-
սերաց նոցին և զքօտեաց, ամին զնոսա
առաջի Սէլիմայ և գոչէին. «Տուր մեզ
պարգևս ըստ նախնեացն սովորութիւն» :
Յայնժամ ասէ թագաւորն. «Տուեալ
ձեզ» . և բացեալ զգրուանն մուծին
զարքայ գովարանութեամբ 'ի ներքս :

Ի վաղիւ անգր որ օր տասներորդ էր
ամսեանն դեկտեմբերի և ուրբաթ, 'ի
զուր ակնկալեալ մնայր թողութեան
գնալոյ թագաւորին 'ի մզկիթ : Այլ 'ի
միւս վաղիւն բաշխեցան պարգևքն, և
ենիչէրիք ոչ մեկնեցան մինչև առին
ոսկիս վաթսուն ըստ գլուխ : Պատուե-
ցան և գխոնականք և իշխանք խիլայիւք
և յաւելուածովք թոշակաց, և եղեն
փոփոխութիւնք պաշտամանց, և Ֆիալէ
որ դեռ ևս դարձեալ էր յաղթանա-
կաւ յարշաւանացն 'ի Գիոս և 'ի Փու-
լիս, կարգեցաւ ընդ վէզիւրս : Իսկ շք-
փութք ասպատակութեանն հազիւ ան-
գորրացան գլխատամբ գլխաւորացն 'ի
խռովարարս անդ :

Ի միւսում ամին յաջողեաց գեսպա-
նացն Մարքսիմիլիանոսի հաստատել զգա-
չինս ութամեայ խաղաղութեան, խոս-
տանալով ամի ամի վճարել զսահմա-
նեալ տուրս երեսուն հազար մաճառ ոս-
կւոյ՝ որպէս թէ ընծայաբեր լինելով :
Յաւուրսն յայնոսիկ յԱդրիանուպօլիս
էր և Շահգուլի սուլթան կուսակալն
Երևանայ գեսպան յարքայէն Պարսից

եկեալ 'ի խնդակից լինել թագաւորելոյն Սէլիմայ, հարիւր և քսան ազատորերով և երկերիւր հեծելովք և չորեքարիւր վաճառականօք, որք առ հասարակ դիպակազդեսա զարդարեալք էին. իսկ թիւ երիվարացն և Չորեաց և ուղտուց էր իննևասան հազար: Եւ սոքա բարձեալ բերէին զընծայսն արքայի, որ էին խորանք երկու ոսկեձեղուն ասղնեգործեալք, կապերոք քսան մետաքսեայք մեծամեծք յոյժ և ասղնեգործք. դիպակք և կերպասք, որոց գինք էին հարիւր վաթսուն և չորք հազարք ոսկւոյ. ինն թամբք ձիոց ականակուռք, եօթն գաւազանք արծաթիք, եօթն աղեղունք և եօթն կասարձք ականագործք. կուրան մի՝ ձեռագրեալ յԱլեայ, որպէս կարծէր. տուի մի ականց պատուականաց, երկու մարգարիտք՝ որ կշռէին տասն մթիսալ կամ քառասուն արամ, և զէնք և կարասիք տարաբախտին Պայէզիտայ եղբօրն Սէլիմայ արքայի:

Էէմսի փաշա կարդեցաւ 'ի պաշտօն ընդունելոյ զգեսպանն և մուծանելոյ առ արքայ, որպէս ընտանի թագաւորին և այր բանաստեղծ և հանձարեղ: Եւ զի 'ի նոյն աւուրս յԱզրիանուպօլիս եկեալ մտանէին և գեսպանք Գերմանացւոց, Գաղղիացւոց, Լեհաց, և Վենետիկեցւոց, ևս և գեսպանք իշխանացն Բահուզայի, Մորտաւիոյ և Վլահաց աշխարհին, Էահգուլի տեսեալ զի ամե-

նեքեան նոքա համակեալ էին յոսկի և
 յարժաթ և ՚ի հանդերձս բազմագունիս՝
 ասէ ցՇէմսի . «Արդարև զհարմա-
 ծուաց ոմանց թուին սոքա բերել զնմա-
 նու թիւն » : - «Այո ատէր, ասէ Շէմսի .
 սոքա խկեն զորս ընարեաց իւր փեսա-
 ւերս հարսնն Չալարբանու (այն է աշ-
 խարհն Պարսից) » : Մինչդեռ անցանէր
 հանդէպ դեսպանացն Եւրոպացւոց ,
 ետես զի նոքա բացմամբ գլխարկաց
 իւրեանց ողջոյն տային նմա . և զի-
 մացեալ զպատճառսն ասէ ցՇէմսի .
 «Զինչ այդու կամիցին դոքա նշանա-
 կել » : Եւ նա ասէ . «Յայտ իմն կամին
 առնել, եթէ պատրաստ են ՚ի դնելըզ
 գլուխս իւրեանց ընդ ռախք մերոյ ար-
 քայիս » : Յետ երկց աւուրց եմուս
 առ արքայ : Խօսել սկսաւ Սէլիմ և ասէ
 ցդեսպանն . «Զխօրդ կաս » : Իսկ այրն
 խորագէտ որպէս թէ ընդարմացեալ ՚ի
 տեսիլ շքոյ մեծի արքային՝ ակնկորեալ
 էկաց պապանձեալ . և ասպա մատոյց
 զթուղթ իւրոյ թագաւորին՝ յորում
 կային հազար և հինգ հարիւր տողք բա-
 նից հիւսեալք կուտակութեամբ անի-
 մաստ բառից չափազանցութեան և ա-
 ւելախօս ճամարտակութեան : Յետ այ-
 նորիկ մեծապէս պատուեցաւ Շահ-
 գուլի ՚ի թագաւորէն, և ՚ի մեծէ վե-
 զիրէն, և նովին հանդիսիւ դարձ արար
 յերկիր իւր :

Յամին 1569 գիտաւ ՚ի Կոստանդ.

նուպօլիս հրդեհ մեծ, յորում այրեցան տունք երեսուն և վեց հազար. և զի 'ի թաղն հրեից բորբոքեալ էր, ենիչէրիք փոխանակ շիջուցանելոյ զհուրն, և ևս վառեցին, և զքնակիչան կոտորեցին: Սմին իրի ճաֆէր աղա զօրավար ենիչէրեաց, որ սակս խօթութեանն չէր պատահեալ անձամբ 'ի տեղւոջն, ընկեցիկ եղև 'ի պաշտամանէն:

Ընդ այն ժամանակս կրկին գործք հոյակապք յիշատակ կանգնեցին Սէլիմայ, և մանաւանդ մեծի վէզիրին Սագուռ Մէհէմէտայ խորհրդատուի նորին: Առաջին, մեծ մղկիթն Սէլիմիէ հիմնեալ յառաջնում, ամի թագաւորութեան նորին յԱդրխանուպօլիս, պսակ հանձարոյ քաջի ճարտարասէտին Սինանայ. և երկրորդ, առաջարկութիւն միաւորելոյ զՏօն գետ ընդ Վոլկայի՝ որ է Էթիլ: Առաջնոյն յաջողակի վճարեցաւ կատարումն, և ընդարձակութիւն գմբէթի նորին կրկին դրրկաչափս առաւելու քան զԱյա Սոֆիային: Բայց ոչ նոյնպէս յաջողեաց երկրորդն: Քանզի Չերքէս Գասրմպէյ քաղաքատեան Քէֆէի երէք հազար ենիչէրեօք և քսան հազար հեծելովք խաղաց ՂՃտէրխան, և հնգետասան նաւք ամէին ընդ Ազախ երիս հազար գործաւորս և հինգ հազար ենիչէրիս: Այլ հնգետասան հազար Ռուսք անկեալ 'ի վերայ գործավարացն ցրուեցին զնո-

սա, և արքանեակք խանին խրիմու բազում դժուարութիւնս 'ի մէջ ամեալ խափան եղեն գործոյն : Եւ մինչդեռ դարձ առնէին Օսմանեանք յերկիրն իւրեանց, միջիկ մեծ յարուցեալ 'ի ծովուն նաւակոծեաց զբազումս 'ի նոցանէ, և եօթն հազար ոգիք և եթ ժամանեցին ողջամբ 'ի Կոստանդնուպօլիս : Սակայն իւան Ասսիլէւիչ արքայ Ռուսաց առանձին դեսպանութեամբ նորոգեաց զգաշն բարեկամութեանն ընդ արքային Օսմանեանց :

Ազոդագոյնս տիրեցին Օսմանեանք երջանիկն Արաբիոյ, այն է Եմէն, ուր ասպատամբութեամբ բռնացեալ էին Արաբացիք : Եւ յաղթականք նոցին եղեն Սինան փաշա, Պէհրամ փաշա, և քաջն Օսման որդի Իւզակմիրայ :

Սէլիմ արքայ դեռ ևս 'ի տիս պատանեկութեան գոլով կիրթ էր յախօր. ժակս ազնիւ ըմպելեաց, և ակն եզեալ էր կղզւոյն Կիպրոսի, որոյ գինեան յաճախ զմայլանայր : Այլ առաւել ևս գրգռէր զնա յառումն կղզւոյն ազալեզու հրեայն Եռասուֆ Նասի, 'ի մանկութենէ հետէ մտերիմն Սէլիմայ, և կարգեալն 'ի նմանէ գուքս Նաքսոսի և այլոց կղզեաց Արշիպեղագոսի : Հարկ էր ասպա լուծանել զգաշն բարեկամութեան Անեակեցւոց, յորոց 'ի ձեռս էր Կիպրոս յերկերիւր ամաց հետէ, և 'ի նոյն գրգռէին զարքայ բաց 'ի Նասեայ

և Փիալէ ծովապետ, և զաղեմի սենեկապետն արքայի Լալա Մուսղաֆափափաշա . զի երկոքին սոքա ջանահար լինելին շնորհս գտանել առաջի Սէլիմայ գործովք ինչ արուժեան ընդ ծով և ընդ ցամաք : Իսկ խաղաղասէր վէզիրն մեծ ոխերիմ Նասեայ թէպէտ և մեծապէս գուն գործեաց խափան գնել իրացն , սակայն ՚ի վճռել գենապետին զօրինաւորն լինել զաշանցն լուծման՝ ոչ ևս կարաց ինչ ընդդիմանալ : Քանզի այսպիսի իմն ետ նա վճիռ , եթէ « Չէ օրինաւոր բարեկամութիւնն ընդ այլադէնս , յորժամ չիք ինչ անախ օգուտ մահմէտականաց . և թէ հաստատեալ իսկ իցէ բարեկամութիւնն զաշամբք ուխտից , և ապա ՚ի վեր երևեացի օգուտ ինչ կամ շահ տեական և կամ առժամանակեայ , հարկ է լուծանել զնոյն ՚ի գէտ ժամանակի » : Յաւել ՚ի նոյն Սէլիմ և զպառճառսն՝ եթէ Վիպրոս յառաջ ժամանակաւ ընդ իշխանութեամբ էր սուլթանացն Եգիպտացւոց , և հապ նորին ՚ի բաժին կարգեալ էին Մէքքէի և Մէտինէի : Սմին իրի և գեսպանս առաքեալ ՚ի Վենետիկ պահանջէր ՚ի ծերակուտէն զՎիպրոս , եթէ կամիցին նոքա պահել ընդ իւր զխաղաղութիւն : Ծերակոյան ողոր բանխբ ընդգէմ եկաց առաջարկութեան իրացն . այլ ժողովուրդն իբրև այնմ իրազգամ եզեն՝ բորբոքեցան ՚ի սրամտութիւն բարկու .

Թեան, և ծերակոյսն հաղիւ զերծոյց զդեպանսն 'ի ցամանէ անտի նոցա՝ փախուցեալ ընդ գուռն գաղանի :

Յաւուրս գարնայնոյն ել 'ի Կոստանդ. նուպօլսոյ տորմիզ երեքարիւր և վաթսուռն նաւուց յերիս հանդէսս . միումն ծովապետէր Փիալէ փաշա, երկրորդին Մուրատ Տէիս, և երրորդին Միւէզզլին զատէ Ալի փաշա . և զցամաքային զրացն զսպարապետութիւն ունէր Լալա Մուսղաֆա փաշա :

Ի ժամանեւ Օսմանեանց 'ի Կիպրոս՝ Փիալէ կամէր պաշարել զՓամակոսթա, այլ հաստատեցաւ խորհուրդ սպարապետին պաշարել նախ զՆիկոսիս, որ և Լէւքոշէ, յորում կային զօրք Վէնեա կեցւոց տասն հազար : Յեօթն գունդս բաժանեաց Մուսղաֆա զիւրն զարսիսուն հազար, և ճակատեցոյց հանդէպ եօթանեցուն աշտարակաց քաղաքին : Զհետ եօթն եօթնեկաց պաշարման առան չորեքին աշտարակքն յին ներորդի աւուր ամսեանն սեպտեմբերի, և Օսմանեանք խուժեալ 'ի քաղաքն՝ կոտորեցին յանխնայ զգօրսն և ըզբնակիչս առ հասարակ . բազում կանայք հոսեցան 'ի տանեաց, բազումք խողխողեցին զիւրեանց խակ դատերս . մի ոմն եհար զօրդեակն իւր, և ապա զանձըն իւր ես, և այլ ոմն առնացի քաջութեամբ ընթացեալ հուր եհար 'ի վառօղանոց երկուց մեծամեծ նաւուցն

Օսմանեանց՝ որ ընդերեօք և աղախնեօք և ոսկւով և արծաթով ունէին մեկնել 'ի Կոստանդնուպօլիս ընդ այլոց ութուտաննաւուց, և այրեաց զնոսին: Ջաւուրս ութ տնեաց ահագին կոտորած և յախշտակութիւն քաղաքին, և եղև թիւ կոտորելոցն քսան հազար, և երկու հազարք 'ի գերութիւն վարեցան: Յետ այնորիկ առան և այլ տեղիք կըղզւոյն, և Մուսղաֆա փաշա քառասունն նաւս և եթ կալեալ անդէն, զայլս արձակեաց 'ի Կոստանդնուպօլիս: Պատնէշ սրաշարմամբ ձմերեաց առ Քամակոսթա քաղաքաւ, որ և Մաղուսա, զի մի կարասցեն քաղաքացիքն համբարս կերակրոյ գտանել. սակայն նաւք երկոտասան ժամանեալք 'ի Ալենեակոյ հերձին զտորմիղ Օսմանեանց, և մուծին 'ի քաղաքն զօրս և կերակուր:

Իբրև եկին հասին աւուրք գարնայնոյ, ժամանեցին գարձեալ 'ի Ախպրոս այլ ևս ութսուն նաւք Օսմանեանց. կանդնեցան զքաղաքաւն պատնէշք բարձրաբերձք տասն. զետեղեցան հրաղէնք եօթանասուն և չորք ընդդէմ հընդից աշտարակաց քաղաքին, և սկսան հարկանել զպարխապն: Մարկոս Անտոնիոս Պրակասին, որ իշխան էր քաղաքին, առ 'ի դիւրագոյնս և անխափան մարտ դնելոյ ընդդէմ թշնամեաց՝ հրաման ետ բնակչացն դնալ ավուիլ յայլ և այլ տեղիս կղզւոյն ընդ գաղանի ճա-

նապարհս. և մնացին 'ի բերդի անդ և զժն
 հազար մարտիկք, որոց կէսք Ալենեա
 կեցիք էին և այլք հեղենացիք. և նորօք
 հանդերձ զգէմ կալաւ թշնամեաց ընդ
 ամիսս երկուս: Այլ զի սպառեցաւ վա
 ոօդն, 'ի խորհուրդ բազմեցաւ Պրակա
 տին յերկարագոյնս ընդ նիզակակից իշ
 խանան, և հաստատեաց տալ զքաղաքն
 'ի ձեռս Օսմանեանց, և սպայմանեցաւ
 ելանել գնալ սպաշարելոցն հանդերձ ըն
 չիք իւրեանց անարատս, և մնացելոցն
 ոչ ինչ վտանգս կրել ընչից կամ կենաց:
 Յերիս աւուրս դատարկացաւ քաղաքն,
 և 'ի չորրորդու մն քաջն Պրակատին ընդ
 երկից զօրավարաց երթեալ 'ի բանակն
 մատոյց սպարապետին զբանալիս քա
 ղաքին, և պատուեցաւ 'ի նմանէ: Նաւս
 բառասուն մատոյց սպարապետն 'ի փո
 խազրել զբերդականան և զինչս նոցա 'ի
 Արեւէ, և վասն այնորիկ պահանջէր զի
 տացի ինքեան 'ի պատանդի մին յերկից
 ընկերակցացն Պրակատինաց Քուխրինի
 անուն: Այլ Պրակատին չէառ բնաւ
 յանձն, և մերժեաց զբանս սպարա
 պետին խատագոյնս քան զոր 'ի գէտ
 էր 'ի ժամուն: Նմին իրի և Մուս
 դաֆա 'ի սրտմտութիւն բարկութեան
 բրդեալ՝ հրաման ետ ածել զնա և զիշխա
 նակիցս նորին զՊալիսնի և զՔուխրինի

1 Օսմանէան պապմարտան, Փրաշտի գրէն
 զանուն զբաշտարիս, և ի ոչին զնա այլ յամառ
 և իամախոր, և զբանս նորս յուրբս և համա:

կապեալս առաջի իւրոյ վրանին, և անդ հրամայեաց զերկոսին իշխանանընդ սուր անցուցանել, և զՊրակաօինաց հատանել զունչս և զականջս:

Ապա յետ աւուրց տասանց նասուցեալ զնա յաթոս, և թագ ընդ ռախբն եղեալ, հրամայեաց բարձրացուցանել զնա մինչև ՚ի ծագս կայսի նաւուն, և ապա իջուցեալ մտել ՚ի ջուր. իբրու զի ջրահեղձոյց մահուամբ նոյնօրինակ կորուսեալ էր կանխաւ Պրակաօինաց դերիս օսմանցիս յիսուն, որպէս ասէ պատմագիրն Ալի: Ապա եղին յուս նորա կողովս կրկին, որովք ասնէր զհող և ըզքար առ նորոգիչս պարսպացն, և յամենայն նուագս յորս անցանէր զառաջեաւ Մուսղաֆայի՝ պարտէր խոնարհել մինչև ՚ի գեաին: Չկնի այլ ևս անտանելի տանջանաց և գանից ածաւ ՚ի հրապարակ քաղաքին, և սպարապետն հրամայեաց մորթեղերժ առնել զնա. զի ասէ. « Որ եհեղ զարիւն Տաճկաց, պարտ է զի հեղցի քամեսցի բովանդակ արիւն նորին»: Պրակաօին յայնչամի աղէտսն ոչինչ անհամբերութեան սրբեալ ցոյց, ՚ի ձայն բարձր կարգայր զլիսներորդ սաղմոսն, և ժամանեալ ՚ի բանն, « Սիրտ սուրբ հաստատեալ յիս Աստուած», աւանդեաց զողին: — «Ո՛ր է արդ Քրիստոսն քո» գոչեաց սպարապետն, և ապա հրամանեալ փողոտել զերեքարիւր քրիստոսնեայսն որ էին ՚ի

բանակի անդ, և զորս նաւուք 'ի Արեւել
չու առնէին՝ վարեաց 'ի դերութեան :
Իսկ զմարմին Պրահատինայ ետ յօշ յօշ
պատառել և 'ի չորեսին աշտարակս
քաղաքին վարսել, և զմորթն յարդալից
չրջեցուցանել առ առակէ ընդ քաղաքն,
որ և ապա եգեալ 'ի բաղանիս ուրեք 'ի
Կոստանդնուպօլիս 'ի նշաւակ քրիստո-
նէից առ Ժամանակ մի, ածաւ անտի 'ի
Վենեաիկ, և կայ պահի անդ յեկեղեց-
ւոջ սրբոցն Յովհաննու և Պօղոսի :

Յետ այնորիկ փոխեաց Մուսղաֆա
զտաճար սրբոցն 'Աիկողայոսի 'ի մղկիթ,
և զգերեզմանսն բացեալ՝ ցրուեաց ետ
հողմոյ զոսկերոտին . և զԱխարոս կար-
գեաց 'ի հասս կալուածոց մօր Թագա-
ւորին, և ինքն դարձ արար յաղթանա-
կաւ 'ի Կոստանդնուպօլիս, կորուսեալ
յայնմ՝ արշաւանին յերոց անտի արս
յիսուն հազար :

Մինչդեռ սպարապետն Օսմանեանց
Մուսղաֆա պաշարեալ պահէր տա-
կաւին զՔամակոսթա, ծովապետն
Ալի փաշա և նաւապետքն Ռւլուճ Ալի
և Գարակէօղ՝ արշաւեալ բաղմու-
թեամբ նաւուց ասպատակէին 'ի Արե-
ւել, 'ի Չերիկօ, 'ի Չանթա, 'ի Քէֆալ՝

1 Սոսս երկոսին սպանիացիք էին սրբ-
ոցնալ 'ի հաստոցն քրիստոնէական, և ինչի
սոսսն Օսմանի, և երկոսրքն Գարա-
ֆօղուս :

նիա, 'ի Ղէզինա և 'ի Քուրցորա : Մեծ վէզերն Մէհէմմէա, որ 'ի սկզբանէ հետէ դժկամակ էր ընդ լուծումն ուխտի բարեկամութեան Անետիկեցոց, փութայր նորոգել զնոյն և հաստատել վերջասին : Սակայն նոքա միաբանեալ ընդ արքային Սպանիացոց և ընդ այլ պետութիւնս Իտալիոյ՝ դումարեցան ընդգէմ Օսմանեանց 'ի նաւամարտ առ Մեսինա կղզեաւ յամին 1571, յամսեանն սեպտեմբերի :

Եւ նաւատորմին գլուխք էին դուքսն Քոչոննա և սեպուհն Ահնիէր, և Յովհաննէս Աւարիահան, որ և ծովապետ կայր բովանդակ նաւահանդիսին, աւելի քան երկու հարիւր նաւուց : Իսկ Օսմանեանցն տորմիղ երեքարիւր նաւուք կայր 'ի Նաւապահտոս, որ է էյնէպախթի . և զօրավարք նոցին՝ սպարապետն ցամաքային զօրաց Փէրթէվ փաշա, ծովապետն Միւէղզինդատէ Ալի, կուսակալն Վարթագինոյ Ուլուճ Ալի, կուսակալն Տրասպոլոսոյ Ճաֆէր փաշա, որդին Խայրէտոսինայ հասան փաշա, և այլ ևս կուսակալք հնդեասաան :

Ճակատեցան կողմանքն երկուքին առ Նաւապահտոս լուսնաձև կիսաբոլոր հանդէս միմեանց . և յետ սակաւ ինչ լուծութեան արձակեաց ծովապետն Օսմանեանց թնդանօթ մի . արձակեցին և բրիտանեայք, և խառնեցաւ պատերազմն : Յարձակեցաւ Ալի դէպ ուղիղ

'ի վերայ ծովապետին թշնամեաց և մսե-
 ցաւ ընդ մէջ երկուց նաւուց նոցին, և
 երեք հարիւր ենիչէրեօքն ընդ ժամ մի
 ողջ մարտ եղեալ կռուեցաւ ընդ զօրս
 Յովհաննու: Այլ նա իբրև տապաւտ ան-
 կանէր 'ի ռմբէ ուստեք, ըմբռնեալ կալան
 Սպանիացիք զնան, և մի ոմն 'ի նոցա-
 նէ եհասա զգլուխ կիսակենդան ծովա-
 պետին: Չերբակալ եղեն և նաւք Փէր-
 թէվայ և Գարակէօղի. սա 'ի կորուստ
 մատնեցաւ, իսկ Փէրթէվ գոյղն մակու-
 կաւ ճողոպրեցաւ 'ի փախուստ: Աւուճ
 Ալի ևեթ առ ժամ մի քաջութեամբ
 զգէմ կալեալ աջում թևի քրիստոնէ-
 ից, յետոյ ուրեմն քառասուն նաւս և
 եթ նշխարեալս 'ի կոտորածէ անախ ե-
 հան 'ի ծանծաղ: Խորտակեցան և ընկ-
 լուղան նաւք Օսմանեանց երկերիւր
 քսան և չորք, հրձիգ եղեն իննսուն և չորք,
 և հարիւր և երեսուն նաւք բաշխեցան
 'ի դաշնակից քրիստոնեայսն. որպէս և
 թնդանօթքն երեքարիւր եօթանասուն
 և երեք, և դերիք երեք հազար չորեք-
 հարիւր վաթսուն և ութ, և թիւ մեռե-
 լոցն եղև երեսուն հազար, ընդ որս և
 բդեաշիք և կուսակալք աւելի քան ըզ-
 տասն: Իսկ քրիստոնեայք կորուսին նաւս
 հնգետասան, և զօրականս ութ հազար,
 ընդ որս և քսան և ինն ոգիս յաղատո-
 րերոյն Աննեակեցւոց: Այլ այն փոքր
 ինչ էր առ մեծաւ յաղթութեամբն զոր
 կալան. վասն որոյ և կանդնեցին 'ի Պա-

տուևս զհոյակապ տաճար սրբուհւոյն
Յուստիանեայ, (զի օր յազթանակին
տօն էր նորին վկայուհւոյ,) և ՚ի Վէնե-
տիկ մատուռն պայծառ յեկեղեցւոջ
սրբոցն Յովհաննու և Պօղոսի 1 :

Ի մուտս ամսեանն գեկաեմբերի ե-
մուտ Ուլուճ Ալի ՚ի Կոստանդնուպօ-
լիս ութսուն և եօթն նաւուք հաւաքե-
լովք աստի և անտի : Սէլիմ արքայ կար-
գեաց զնա ծովապեա, և անուանեաց
Գըլլճ Ալի. և հրամայեաց նորոգել անդ-
րէն զտորմիղն, և յոտին կացուցանել
ըստ առաջնոյ տարազուն : Անդէն ձեռն
՚ի գործ արար մեծ վեղիրն Մէհէմէտ
ընդ Գըլլճ Ալեայ ՚ի կատարումն հրա-
մանին . ընդարձակեաց և ևս զնաւարանն
և յաւել յայն այլ ևս ութ նաւակայս
կամարակապս, և ՚ի նմին և եթ ձմերան
կառոյց նաւս աւելի քան զհարիւր և
յիսուն : Ասէ ծովապեան ց Մէհէմէտ .
« Դիւրին իմն է նաւս կառուցանել որ-
չափ և կամիցիսք . այլ յանհնարիցն թուի
ինձ պատրաստել երկերիւրնաւուց խա-
րիսխս կարևորս հինգ հարիւր և կառանս

1 Ջայս ամենայն մանրապարսւմ արարեալ
և Քեմէիոյ Չեքեղի յիւրոմ մաքենին. ըն-
ժեան արիանէ Բալանդաի շծովապետին յա-
մառութեամբ . Ժանդի այր էր, ասէ, ամբար-
քանան և անհմար պապերազի, և ոչ ինչ
անիւրիւր և ինէր ի ընտելի Իսրայէլոյն Ուլուճ
Ալեայ :

և մաշուխս և որ այլ ինչ կահք իցեն պիտանիք 'ի սուղ ժամանակիս: Պատասխանի ետ նմա Մէհէմմէա և ասէ. «Այս ինչ յայանի լիցի քեզ իշխանոք, եթէ այնչափ է զօրութիւն և փարթամութի գրանս մեծի, զի կարող է արծաթիս յօրինել քեզ խարխիսս որչափ և ախորժեցցես, և մաշուխս մետաքսեայս, և առադաստս կերպասիս. յինէն խնդրես ջիր գու որ ինչ պիտոյն իցէ առ մէն մի 'ի նաւուցդ»: Եւ Գըլըճ՝ Ալի խոնարհեալ միջովք չափ, և զձեռն իւր զերկրաւ բերեալ, գովեաց զվէզերն և ասէ. «Քաջ խկ գիտէի եթէ կարող է տէրոք իմ յանթերի կատարումն իրացս»:

Չայս ամենայն ահեղ պատրաստութիւն տեսեալ Ալենեակեցւոց՝ փութացան խնդրել զհաշտութիւն խաղաղութեան. և ասէ Սոգուլուն ցղեապանն նոցա. «Տեսանես ապաքէն եթէ որպիսի արութեամբ քաջանամք մեք և զկնի պարտութեան, և թէ քանի մեծ է խախրն ընդ մերս և ընդ ձեր խորտակումն: Մէք առմամբ Ախարոսի՝ զբազուկ ձեր զմի հատեալ ընկեցաք. խկ դուք հարուածով նաւատորմին մերոյ զմտուս մերսափրեցէք: Բազուկ հատեալ ոչ ևս աճէ. այլ մորուք գերծեալք թանձրագոյնս բողբոջեն»: Եւ ոչ ընդունայն ինչ էին պանծանքն: Թուլացան անկան 'ի զօրութենէ, և դաշնակից քրիստոնեայքն, և երկպառակեալ յիւրեա-

նրա՝ ոչ կարացին երևել անգամ ընդ-
գէմ երկերիւր և յիսուն նաւուց՝ որովք
եւ Գրլըճ Ալի, ՚ի Կոստանդնուպօլսոյ և
գարձաւ անդրէն :

Եւ Ալեհեակեցիք ինդրեալ կալան
ղխաղաղութիւն այսու պայմանօք, զի
հասուցեն Օսմանեանց զԾախս պա-
տերաղմին Կիպրոսի երեքհարիւր հա-
զար ոսկիս ՚ի միջոցի երից ամաց. զի յա-
ւելցին ՚ի տարեկան հարկաց հինգհարիւր
ոսկիս Զանթայի այլ ևս ոսկիք հազար.
և զի սահմանք Ալեհեակեցւոց և Օսմա-
նեանց ՚ի Գաղմատիա և յԱլպանիա ըստ
առաջին կարգացն կացցեն մնացեն :
Թուէր իմն այնպէս, եթէ Օսմանեանց
իցէ կալեալ զյաղթութիւնն առ Նաւ-
պակտաւ :

Զայնու ժամանակաւ Յովհաննէս
Ասարիական սպանիացի նաւատորմա-
ւին առեալ էր անդրէն ՚ի ձեռաց Օս-
մանեանց զԹուհուզ քաղաք Կարթա-
գինոյ : Խաղաց անգր Գրլըճ Ալի եր-
կերիւր և իննսուն և ութ նաւուք և քա-
ռասուն հազար զօրօք, որոց սպարա-
պետ էր Սինան փաշա. էառ զԹուհուզ
աւարաբար, որպէս և զամուրն հալգիւ-
վատ յետ երեսնօրեայ պաշարման. ան-
կան ՚ի սուր Օսմանեանց Սպանիացիք
հինգհազար, և երկու հազարք ՚ի գե-
րութեան վարեցան. առան և թնդա-
նօթք երկերիւր և զքօչք երեսուն և ե-
րեք : Յայնմհետէ և Թուհուզ ընդ Ալ-

Ճէրեայ և Տրապօլայ եղև մի 'ի կուսա-
կալութեանցն Օսմանեանց :

Այն ամ որ վերջին էր կենացն Սե-
լիմայ, յաճախութիւն յոյժ էր գեա-
պանաց խուռն գիմելոց յամենայն դոգ-
ցես պետութեանց Եւրոպայ 'ի Վոս-
տանդնուպօլիս . զորոց զպատճառս չե-
տեղոյս մանրամասն կարգել . սակայն
առ հասարակ 'ի ինգլիս խաղաղութեան
և հզօր թևարկութեան մեծի արքային
Օսմանեանց յանկէին ամենայն բանա-
գնացութիւնք նոցա :

Ի նոյն 'ի վերջին ամս Սելիմայ պա-
տահեցին և գեպք ինչ, զորս սովոր են
պատմարանք Օսմանեանց գուշակս հա-
մարել մեծամեծ պատահարաց : Քանզի
երևեցաւ ասող մի գիտաւոր . ապա եղև
'ի Վոստանդնուպօլիս սասանութիւն
մեծ, որով կործանեցան տունք չորեք-
հարիւր . և 'ի Մէքքէ յարուցեալ հե-
ղեղ մեծ՝ հարկեցոյց զուխտաւորսն ընդ
ջուր առնել զթափորն շուրջանակի ըղ-
Քեապէիւ : Այլ առաւել քան զայս ա-
մենայն տխրեցոյց զարքայ հրդեհն բոր-
բոքեալ 'ի խոհանոցի արքունեաց իւրոց .
զի շարագուշակ համարէր նա զարկածն .
բաս որում և առաջինն Սելիմ հաւն իւր
յետ այսպիսում հրդեհի պատահելոյ
յԱդրիանուպօլիս՝ վճարեալ էր 'ի կե-
նաց : Յաւել զարամութիւն նորին և
մահ գենպետին Կալիսիսուսայ, որ ընդ-
ամս երեսուն նեցուկ հաստատութեան
լեալ էր պետութեանն :

Յեւո ոչ բազում ինչ աւուրց կաւա-
րեցաւ շինուած բաղանեաց ինչ յար-
քունիս, որ կոչեցաւ Գուսուր համամ .
և չև ցամաքեալ որմոցն՝ չողաւ անդր
Սէլիմ արքայ . և դայթեալ անկաւ ՚ի
լարծուա յատակսն կճասալս, որ ա-
ւելի իմն թացեալք էին առ որմոցն
խոնաւութեան : Անդէն վաղվաղակի
բարձին զնա և հանդուցին ՚ի մահիճս .
այլ նա ըմբռնեալ ՚ի տե՛նդէ՛ մեռաւ յեւ
աւուրց մետասանից յերկոտասանե-
րորդի աւուր ամսեանն դեկտեմբերի,
Թագաւորեալ ամս ութ : Էւ էին նորա
որդիք հինգ . Մուրաա, Սիւլէյման,
Մուսդաֆա, Ճիհանկիր և Օաման . և
գասերք երեք . Էամա սուլթան կին մե-
ծի վեղիրին Մէհէմմէտայ, Ճէվհէր սուլ-
թան՝ որ ամուսնացեալ էր ընդ ծովա-
կալին Ֆիալէի, և Ֆադխմէ սուլթան՝ որ
ապա առաւ ՚ի կնութիւն Սիաւխուշ փա-
շայի : Իսկ ըստ նկարագրի կերպարա-
նացն միջահասակ էր ասե՛ն, տափու՛նչ,
լայնաճակատ, կապուտակն, շիկամո-
րուս, կակաղախօս, բարձրապարանոց,
և քաջարազուկ :

Աստանօր յուշ լիցի ՚ի կարճոյ, զի
մեծ վեղիրք ութ, և այլ աւագորեարն
որ կացին առ Սիւլէյմանաւ և առ Սէլի-
մաւ, ուրացեալք էին ՚ի քրիստոնէու-
թեան կրօնից . այս ինքն են Իսպրահիմ,
Խատիմ Սիւլէյման, Այաս, Աուդֆի,
Ահմէա, Սէմիզ Ալի, Փերթեվ, հերսեկ

օղբու և Տուգաբին օղբու, որ առնա-
 ւուաք էին յաղգէ: Տիւսթէմ և Եղբայր
 նորա Սինան, Ֆէրհատ, Խային Աճմէա,
 Տաւուա Փաշա և միւս Սինան փաշա
 Խրուաթք: Սոգողբու Մէհմէմէա, Գա-
 րա Մուսղաֆա, Խոսրով, Լալա Մուս-
 զաֆա փաշա և այլք բազումք սրանա-
 ցիք, և Հասան և Ճաֆեր առաք:



ՍՈՒԼԴԱՆ ՄՈՒՐԱՏ Գ .

ՄԻՆՉ ՉԵՒ հրապարակեալ մահուն
 Սէլիմայ՝ եհաս 'ի Մազնեախոյ անդրա-
 նիկ որդին Մուրատ քսան և ութա-
 մեայ երկտասարդ միջահատակ, թաւա-
 յոն, շիկամորուս, վախտ մարմնով և արժ-
 գոյն գիւտօք : Յանցանել իւրում ընդ
 ծովն՝ այլայլու թեան գիպեալ, իբրև ել
 յափն ծովուն մերձ 'ի սրտոյգամն Պայ-
 էղիտայ արքայի՝ հրամայեաց ջուր ա-
 ծել զի լուսացի, և առ 'ի չգոյէ անոյշ
 ջրոյ՝ առ ժամն ծովայնովն վարեցաւ .
 սակս որոյ ապա շինեցաւ անդէն աղ-
 բիւր ջրոյ : Եւ քանզի զհասարակ գիշե-
 րաւ ժամանեալ էր, մեծ վէղերն Սոգու-
 լու Մէհէմմէտ ել ընդ առաջ նմա ջա-
 հիւք և լապտերօք, և եմոյժ յարքունիս :
 Ի նմին գիշերի կոտորեցան հնգէքին
 եղբարք նորա, և ընդ այգն բազմեալ 'ի
 դահն արքունի՝ ընկալաւ զմեծարանս
 աւագանւոյն և գիտնականաց, և ապա
 ողջոյն ետ ամենեցուն և մեկնեցաւ 'ի
 կանանոցն : Մինչդեռ իշխանք ներքի-
 նեացն ձեռնամաժ կային առաջի նորա,
 ասէ ցնոսա . « Քաղցեալ եմ ես, ածէք

ինձ զինչ ուտեցեմ : և ուամիկն ըստ
 ընդարոյս սովորութեան իւրում չա-
 րագուշակ համարեալ զայն բան, զնոյն
 և պատճառս համարեցաւ սովոյն գի-
 սելոյ 'ի նմին ամի :

Յեա այնորիկ կատարեալ արքայի ըզ-
 կարգ թաղման հօրն և զեղբարցն միան-
 գամայն, բաշխեաց զօրականաց զսով-
 րութեան բաշխոյսն առատապէս, մինչև
 անկանել ենիչէրեաց և եթ եօթնհարիւր
 հազար ոսկւոյ, յիսուն ոսկի ըստ գլուխ-
 Եւ 'ի հինգերորդում աւուր յունուա-
 րի երթեալ յԱյուսի՝ ամ ընդ մէջ զու-
 սերն արքայական, և արձակեաց 'ի Ռու-
 մէլի հիսարէն յազատութիւն արս ջո-
 րեքհարիւր :

Յաւուր միում մինչդեռ անցաներ
 Մուրատ արքայ նաւահաւն մօտ քերե-
 լով առ կապելայիս յունի ուրուք, ե-
 ննիչէրիք ոմանք զուարթացեալք 'ի գի-
 նւոյ յանդգնեցան ցուցանել նմա ընդ
 պատուհանն զբաժակ գինւոյն՝ զոր առ
 նորին կենդանութիւն քամէին . վասն
 որոյ և նոր 'ի նորոյ հրովարտակառ ար-
 գել թագաւորն զարբումն գինւոյ : Այլ
 նոքա ամբօխ ևս արարեալ յետաւուրց՝
 հատան 'ի տրտունջ, և սկսան թշնամա-
 նել զարքայ և զվէզիրն մեծ : Յայնժամ
 քարոզ կարդաց ընդ քաղաքն՝ եթէ թո-
 դութիւն լիցի զօրականաց գինւմսու-
 լինել, միայն թէ մի յուզեացենն ազմուկ
 շփոթից : Յօրմէ՛ յայտ խակ է և նուա-

զուսն իշխանութեան վէղերին մեծի ,
 և զօրավարին ենիչէրեաց . և զայսմանէ
 յերկարագոյնս ամբաստան լինին պատ-
 մարանք ժամանակին :

Սուլորական թղթոցն արձակելոց
 շուրջանակի առ պետութիւնս Եւրոպայ
 'ի ծանուցանել զամբարձումն Մուրա-
 տայ 'ի գահն հայրենի , գեսպանք ամե-
 նայն ուստեք , 'ի Աէնետիոյ , 'ի Քաղ-
 ղիոյ , 'ի Աէհաց , յԱւստրիոյ , և յայլոց
 պետութեանց ածէին հետ զհետէ պար-
 գևօք հանդերձ պատասխանիս , և ել
 ևեւս զմիմեամբք առնէին 'ի հաշտ պա-
 հել ընդ իւրեանս զբուռն զօրութիւն
 Օսմանեանց , և թիկունս անգամ առ
 'ի նմանէ գտանել ընդ գէմ իրերաց :
 Ամի ամի գողումն ունէր զծովէ զերեայս
 Խտալիոյ և Սպանիոյ առ հասարակ յե-
 լանել ծովապետին Օսմանեանց Գըլըճ
 Ալի վաշայի հարիւրաւոր նաւուք 'ի
 Բիւզանդիոյ յասպատակել ուրեք ու-
 րեք , և 'ի գառնալ անգրէն :

Այլ այս ասէղ զօրութիւն Օսմա-
 նեանց ոչ սակաւ նուազումն կրեաց 'ի
 նուազել իշխանութեան մեծի վէղերին
 Սոգոլու Մէհէմէտայ որպէս ասա-
 ցաք , և այն 'ի բանսարկութենէ ոմանց
 յազատանւոյն , և 'ի յորդորելոյ կա-
 նանցն Մուրատայ , զորոց զբանիւք չկա-
 րէր կամ թէ չկամէր զանց առնել ար-
 քայն . որ և սկսաւ զամենայն ինչ այնու-
 հետեւ ինքնին վճարել և սակս գուշնա-

քէից անգամ իւրով ձեռամբ հրովար-
տակս հանել, և զԹուղթս աղաչանաց
ժողովրդեանն ինքնին յակն արկանել,
Թէպէտ և ոչ ժամանէր և ոչ զկէսս 'ի
նոցանէ ընթեռնուլ և ըստայնմ առնել
իրաւունս : Մեռան երկոքին հաստա-
րանք խմատուծեան և զօրուծեան վէ-
զիրին մեծի դէնպեան համիտ էֆէնտի
և Փիալէ փաշա . այլ կարեւէր խոցե-
ցաւ սիրտնորա յընկեցիկն լինել մտեր-
մին իւրոյ Ֆէրիտունայ առե՛նադպրին
արքունի յիշխանուծե՛նէ իւրմէ յանի-
րաւի : Եւ ևս 'ի սպանանիլ չարաչար
մահուամբ Միքայէլի Կանտակուզենայ
յոյն վաճառականին իւրոյ մեծի , որ
կոչէր յՕսմանեանց Շէյզան օղու :
Սակայն 'ի վեր քան զայս ամենայն ընկ-
ձեաց զքաջավաստակ այրն մահ Մուս-
դաֆայի կուսակալին Պուտինայ հօրեղ
բօրորդւոյ իւրոյ ստայօդ պատճառա-
նօք : Քանզի սրահարանն վառօդոյ որ 'ի
Պուտին քաղաքի՝ բորբոքեալ էր 'ի հա-
րուածէ երկնառաք շանթից , արձակե-
ցաւ անդր Ֆէրհատ աղա 'ի դիմաց ար-
քայի պատճառանօք զննելոյ զպատա-
հարն , և յանկարծակի հարեալ սպան
զՄուսդաֆա . և կալաւ զիշխանուծիւն
նորին Խւվէյիս փաշա սիրելին արքայի
և ոխերիմն վէզիրին մեծի :

Էանց 'ի վերայ այնորիկ ամ մի , և
յաւուր միում ընդ երեկս մինչդեռ
բազմեալ կայր Սոգոլուն յիւրում ա-

տե՛նին, մատեաւ առ նա այր ոմն կնգղաւոր՝ի ձև տերվիչաց, որ և սովոր էր բազում անգամ առնուլ ՚ի վէղերէն դրամս ինչ յողորմութիւն, և որպէս թէ մատուցանելով նմա թուղթ ինչ՝ միտեաց զգաշոյնն ՚ի սիրտ նորա: Ա՛յ անգութ, գոչեաց վէղերն, և չժամանեալ մերկանալ զսուր իւր ՚ի սրտե՛նից՝ անկաւ մեռեալ: Պոսնացի էր այրն որպէս զնա, այլ ոչ ինչ իւիք ազգաւ տանջանաց հնար եղև որսալ ՚ի բերանոյ նորա եթէ յինչ պատճառաց եկեալ իցէ յոճիրն, և ՚ի չորից երիվարաց ընդ քարշածեալ սատակամահ՝ եղև: Այսպէս զբաւեցաւ ՚ի կենաց մեծն ՚ի վէղերս Օսմանեանց Սոգոլու Գաւիլ Մէհմէտ, որ ՚ի չորեքսասան ամաց հետէ հզօր խոհականութեամբ կատարեալ զպաշտօնն մեծ ընդ երիւք թագաւորօք, յետ Սիւլէյմանայ մի միայն պայծառացուցիչ եկաց պետութեանն ցորչափ եկեաց, և ՚ի մահուն իւրում ընդ իւր տարաւ գոգցես զմասն ինչ պայծառութեան նորին: Եւ կարգեցաւ փոխանակ նորա վէղեր մեծ Ահմէտ փաշա:

Ինմին ամի խորհրդով ուսուցչի թագաւորին, որ էր անուանի պատմագիրն Սատէտաին, աստեղագէտ ոմն Թագեհատին անուն շինեաց ՚ի Ղալադիա ՚ի վերնակողմն Գոփխանէին դիտանոց ստորերկրեայ՝ առ ՚ի գիտելոյ զաստեղագայգ և զցերեկ, սակս որոյ և ակնու-

նէր առնուլ ոսկիս վեցհազար: Այլ որ
 թշնամիք էին աստղադուշակ հմայից, և
 մանաւանդ Սասնետօինայ, շարախօս
 եղէն առ արքայի՝ մնասակար զիրան հա-
 մարեւով, և հաստատէին զքանս իւ-
 րեանց օրինակօք պէտու թեանց կործա-
 նէլոց զկնի շինուածոյ այսպիսի դիտա-
 նոցաց, և խափանեցաւ գործն:

Արիւք ամօք յառաջ քան զմահ՝ Սո-
 գոլեցւոյն եկն ՚ի Կոստանդնուպօլիս
 դէսպան արքային Պարսից Թոգմադ
 խան երկերիւր և յիտուն արամբք, և
 հինգհարիւր ուզաութ: Ընդառաջեաց
 նմա կողմնապէան եւրօպեան երկու
 հազար և հինգհարիւր արամբք յԻսկիւ-
 տար, և ծովակալ իշխանն ընկալաւ զնա
 ՚ի հանդէս երեսուն նաւուց շքեղ զար-
 գարեւոց, հանդերձեալ նմա յառաջ
 նու մն սեղան մեծածախ: Եւ իբրև զնէր
 դէսպանն զառաջին պատառն ՚ի բերան՝
 արձակեցան միանգամայն հրազէնք ա-
 մենայն, և յաշտարակէն Աէանգրի՝ որ
 է Գրզգուէսի՝ հնչեցին թնդանօթք հա-
 րիւր: Ի ծովեզերին ընկալաւ զդէսպանն
 զօրավարն և նիչէրեաց ճղալէ դատէ, և
 ինքն կացեալ ընդ ձախմէ նորա, և կողմ-
 նապէան ընդ աջմէ, ածին ՚ի պատրաս-
 տեալ օթևանան: Յառաջոյ կողմանէ խա-
 ղային անդրու վարք ինն գեղեցիկս զար-
 գարեալք, սպա քառասուն հնգիկք
 կամ եթովպացիք գիպակաղդէտօք:
 Չհետնոցա յիտուն պաշտօնեայք սաս-

նաւորք, ապա երեք հեծեալք գօտիս ունեւոյլ բոժոժիւք և զանդակօք զարդարեալս, և ապա զինակիրք երեք, մին ըզսուսերն տանեւոյլ, միւսն զաղէղն և երրորդն զականակուռ կտարածս: Իսկ գեսպանն զգեցեալ էր վերարկու կարմիր ոսկեգործ, և արտախոյր բաղմազին:

Մուրատ արքայ քանզի յորս ելեալ էր՝ յապաղեաց զմուտ խոր ՚ի քաղաքն զաւուրս հինգ՝ առ ՚ի ցուցանելոյ գեսպանին զպերճութիւն օսմանեան արքունեացն: Ասլարնկալաւ զընծայսնորս զպէսպէսս, յորս էին և վաթսուն հատորք սարսկական քերթուածոց, վրան մի բաժանեալ ՚ի քառասուն սենեակս, որոյ սիւնակն ծառ էր համակ ոսկեղէն լի ակամբք սրատուականօք, քառասուն կապերտք, և վեց արկեղք՝ յորս էին գոհարք սղնիւք և ոսկեհուռն գիպակք:

Ընդ այնաւուրս մեռանէր Ղահմասպ արքայ Պարսից գեղով մահու, նոյնպէս և որդի նորա Հայտեր՝ որ կամեր թագաւորել ՚ի նմին գիշերի. և թագաւորեաց Իսմայէլ միւս որդի Ղահմասպայ՝ սպանեալ զութեօին եղբարս խոր. սակայն ՚ի լրանալ միոյ ամի հեղձամղձուկ մահուամբ վճարեցաւ և նա յաշխարհէս: Զայս ամենայն շփոթս աշխարհին Պարսից իբրև ետես կուսակալն Աւնայ Խոսրով վաշա, սղգ արար ՚ի գուռն արքունի՝ եթէ ահա գէս ժամանակ յար-

ձակեւոյ 'ի Պարսս . և թէ չիք ասէր այլ
 ինչ պատճառք լուծանեւոյ դաշանց
 ուխտի բարեկամութեան , այլ վճիռք
 այնչափ դեհակտաց ընդդէմ պարս-
 կադէն մարդկանն շատ խկ իրաւունս
 թուին մատուցանել : Այ ինչ բնաւ հա-
 ճէր վէզիրն մեծ , որ էր յայնժամ Սոգու-
 լուն , ընդ խորհուրդն . այլ զօրացաւ բար-
 բառ միւս վէզիրաց . և Լալա Մուսղա-
 ֆա փաշա կարդեալ սպարապետ ամե-
 նայն բանակին , էառ ընդ իւր հինգ հա-
 զար ենիչէրիս , և զգունդս հեծեւազօ-
 բուն , և զբազումս յասիական գաւառա-
 պետաց իւրեանց զօրօք , և չու արար 'ի
 Վրաստան կոյս :

Յայնժամ և Թողմադ խան դեսպանն
 Պարսից՝ սպարապետ կարդեալ պարս-
 կական զօրացն՝ էհարց նախ զպատճա-
 ռս արշաւանին , և սպա մխեցաւ երե-
 սուն հազար զօրօք 'ի սահմանս Օսմա-
 նեանց : Մուսղաֆա յդեաց նախ առ
 Թողմադ թուղթ լի թշնամանօք . այլ
 'ի ձակաաամարաին առ Չըբարր ամրո-
 ցաւ 'ի Վրաստան՝ բազում տուժիւք
 զփորձ էառ քաջութեան առնն . և թէ
 պէտ և իւր կալեալ էր զյաղթութիւնն ,
 սակայն արձակեաց առ Թողմադ խան
 այլ իմն թուղթ հակառակ առաջնոյն
 գրեալ բազում մեծարանօք , և թեւա-
 դիր լինէր նմին գալ 'ի հնազանդութիւն
 թագաւորին Օսմանեանց :

Տիրեաց սպա Մուսղաֆա փաշա ըս-

վանդակ աշխարհին Վրաց, յուլով ու-
 րեք բախեալ ընդ կուսակալս Պարսից,
 և հարեալ զնոսա : Էառ և զՏփիսիա, և
 կրկին եկեղեցիս 'ի քաղաքին 'ի մզկիթ
 փոխեալ, ամրացոյց և ևս զբերդորայս
 երկրին . և բաժանեաց զՎրաստան 'ի
 չորս կուսակալութիւնս : Կուսակալ
 Շիրուանայ կարգեցաւ Իւզակմիր Օս-
 ման փաշա, Տփիսեաց Մէհէմէտ փա-
 շա, Կախէթու Աղէքսանդր կամ
 Աղէքսանդրէ իշխան վրացի, և Սո-
 խումայ հայտէր փաշա : Եւ ապա
 առեալ զայլ ևս ամուր ամուր կող-
 մանս վրաստան աշխարհին, դարձ ա-
 բար սպարապետն հանդերձ ամենայն
 բանական ձմերել 'ի Կարին յետ հա-
 րիւր և երեսուն և հինգ անգամ բանակ
 հարկանելոյ յութամսեայ արշաւանին :
 Անդ էառ նա զլուր յաղթանակի կու-
 սակալին Շիրուանայ ընդդէմ Պարսից-
 զի Օսման փաշա եռօրեայ ճակատա-
 մարտիւ խորտակեաց զՊարսս առ Էրեշ-
 բերդաւ, նիղակահցութեամբ Ատիլքէ-
 րէյի եղբօր խանին Խրիմու : Այլ և էր
 հասեալ առ Օսման խրախուտական նա-
 մակի հրովարտակին՝ յորժամ համզա
 Միրզա արքայօրդին Պարսից ընդ մօրն
 իւրում, որ առնացի քաջութեամբ ու-
 նէր զսանձ պետութեանն փոխանակ
 առն իւրոյ Խիւտապէնտէի կիսով չափ
 կուրացելոյ, խաղաց 'ի Շիրուանայ յԱ-
 րեշ, և հար զԳայդաս զկուսակալ Կար-

նոյ . և զԼուղոէմիցն Օսման պաշարեալ
'ի Շիրուան , ձերբակալ արար զԱտիլ
քերէյ , որ աճապարեալ էր յօգն Օս-
մանայ : Իսկ Օսման ուղի հասեալ ընդ
մէջ Թշնամեաց անկանէր 'ի Դարբանդ ,
և անդ անցուցանէր զխասաշուհն ձմե-
րանին :

Դարձեալ և սպարապետն Մուսղա-
ֆա փաշա 'ի քաղաքին Աարնոյ կացեալ
'ի ձմերոց՝ կառոյց 'ի հրամանէ Մուրա-
տայ արքայի զբերդն Աարուց , որոյ քառա-
սուն հազար դիրկ էր չափ շրջապատին :
Ինմին ձմերան սով սասախկեղև 'ի Տրփ-
խիա սակս պաշարման քաղաքին 'ի Պար-
սից , և կուսակալն ինքնին առ 'ի կարող
լինելոյ գտանել զոգեսպահին անձին
խրում և իւրոցն ծախեաց ոսկիս յի-
սուն հազար . մինչև ծովակալն Գըլըձ
հասոյց ընդ Տրասպիզոն համբարս կե-
րակրոց , և հասան փաշա որդի Սողու-
լու Մէհէմէտայ Տամանեալ յօգնու-
թիւն պաշարելոցն՝ վանեաց զզօրս Պար-
սից :

Ի մեղմել փոքր մի սասախութեան օ-
գոցն Մէհէմէտ քերէյ խան Խրխում-
եհաս բաղմաձեռն գնդաւ 'ի Դարբանդ ,
և Օսման փաշա նովաւ հանդերձ սա-
պատակեաց անդրէն յերկիրն Պարսից
մինչև 'ի Շիրուան . և 'ի գառնալ խանին
միւսանգամ 'ի ձմերոց յաշխարհն իւր .
խնդրեաց Օսման 'ի մեծէ դրանէն զօրս
'ի Թիկուհս : Յայն միջոց Տամանակի

մեռաւ և մեծ վէճերն Ահմէտ զկնի վեց-
ամսեայ իշխանութեանն . և Սինան
փաշա ռիսերիս թշնամի սպարապետին
Մուսղաֆայի այնչափ ինչ հնարս հնա-
րեցաւ, զի արքայ հրամայեաց նմա դառ-
նալ գալ 'ի Աոստանդնուպօլիս : Ծանր
էր Մուսղաֆայի թերակասար թողուլ
լքանել զյաղթանակսն . այլ յոյս ակն-
կալութեան յաջորդելոյ մեծի վէճերին
Ահմէտայ՝ յոր ճգնէր նա 'ի քառասուն
ամաց հետէ, ճեպեաց զնա 'ի թագա-
ւորեալ քաղաքն . սակայն 'ի զուր : Զի
ռիսերիմն իւր Սինան ոչ միայն սպարա-
պետ փոխանակ իւր կարգեալ գիմեր
յաշխարհն Պարսից, այլ և զկնիքն ար-
քունի նա ընկալաւ յուղւոջ . և Մուս-
ղաֆա կամ առ զայրուցս սրտին իւ-
րոյ հիւանդացեալ, և կամ գեղ մահու
արբեալ կամովին, որպէս ասենումանք,
զբաւեցաւ յաշխարհէս :

Սինան փաշա հասեալ բանակաւն իւ-
րով 'ի Տփլիս՝ բարեկարգեաց զերս իրս
աշխարհին . այլ իբրև լուաւ զգալուստ
արքային Պարսից վաթսուն հազարաւ
'ի վերայ իւր՝ մեկնեցաւ անտի և ձմե-
րեաց 'ի Աարին : Եւ 'ի սկզբան ամին միւ-
սոյ հրաման դարձի խնդրեաց յարքայէ,
և ուղևորեալ 'ի Աոստանդնուպօլիս՝
եմուա անգր երեքհարիւր վաթսուն և
հինգ արամբք . զի և դէտպանք Պարսից
ստէպ ստէպ եկեալք առ արքայ՝ գիւ-
րել թուէին զչաւիղս հաշտութեան՝ զի-

Զանեւը ի սահանջանս Օսմանեանց :
 Սահայն Մուրատ արքայ իբրև ետես զի
 վերջինն ՚ի նոսա Իսրահիմ անուն բնաւ
 անխոնարհելի սնդեալ է ՚ի բանս իւր՝
 խնդրելով զհաշտութիւնն այսու պայ-
 մանաւ՝ զի սահմանք երկաքանձիւր պե-
 տութեանց կացցէն մնասցէն որպէս յա-
 ռաջ քան զպատերազմն , ՚ի սրտմտու-
 թիւն բարկութեան բորբոքեալ արկ ըզ-
 դեասպանն ՚ի բանս , և զորս ընդ նմայն
 էին մատնեաց ՚ի թիաւարութիւն , և զնա
 ինքն զՍինան ընկեցեալ յիշխանութե-
 նէն՝ կարգեաց ՚ի տեղի նորա զՍիաւիւշ
 փաշա :

Իսկ պարսկական սպառտերազմին սպա-
 րապետ կացեալ կողմնասպեան եւրո-
 պեան Ֆերհատ փաշա , էառ ընդ իւր
 վաթսուն հազար ենիչէրիս , և երեքարիւր
 հրաղէնս , ռսկի և արծաթ բազում , և ա-
 րուեստաւորս ճարտարս տասն հազար
 ՚ի կառոյցս բերդին Երևանայ , զոր և
 կատարեաց հոյակապ ՚ի քառասուն և
 հինգ աւուրս : Ի նմին ժամանակի այլք
 ՚ի զօրավարաց արշաւեալ ՚ի սահմանս
 Պարսից աշխարհին՝ բազում այն էր զի
 յաղթական գտան քան յաղթեցան :
 Եւ անուն քաջութեան մեծի եթող ՚ի
 սոսա արին Օսման Իւզտէմիր՝ ասպա-
 տակելով ՚ի լեռնակողմանս Կովլասու :
 Զի ՚ի նմին ամի եհաս նմա յօգնութիւն
 և հայտէր փաշա մեծաւ կազմութեամբ
 և ստուարագունդ բանակաւ ՚ի Քէֆէ :

և անախի յետ եռամսեայ աստիանակիր
ուղևորութեան ընդ անմարդի անապա-
տըս ժամանեայ ՚ի Գարբանդ, որ է Գու-
ռըն Ճորայ: Նորին նիզակահպութեամբ
կալաւ Օսման յաղթութիւն մեծ ՚ի
վերայ զօրավարին Պարսից Խմամ գուլի
խանին Գանձակայ, որ յիսուն հազա-
րաւ յարձակեալ գայր ՚ի վերայ Օսմա-
նեանց: Սոքա արխարար մարտ եղեալ
կռուեցան զօրն ողջոյն և զգիշերն ողջոյն,
և ընդ այդն հալածեցին վանեցին ըզ-
Պարսս առ հասարակ, և հասին մինչև ՚ի
Շապուրան և ՚ի Շամախի: Զայսօրինակ
կնքեալ Օսմանայ զսերժ արշաւանան,
եթող կուսակալ կողմանցն զՃաֆէր, և
ինքն դարձ արար ընդ Խրիմ ՚ի Կոս-
տանդնուպօլիս:

Մեծաւ զիջմամբ պատուասիրեաց
Մուրատ արքայ զարդիւնական զօրա-
վարն և առ իւրբազմեցուցեալ ի պատը-
գամի նորում ՚ի ծովեզերին՝ ետ նմա մի
առ մի զրուցարանել զոր ինչ միանդամ
գործեալն էր: Ապա գովեաց զնա և օրհ-
նեաց, և ինքնին իւրով ձեռամբ եղ ՚ի
գլուխ նորին զկրկին վետուրս ականա-
կուռ զարդարեալս, զոր ունէր ինքն ՚ի
գլուխ իւր. ած նմա ընդ մեջ զիւր իակ
զուսերն ականակապ. և հրամայեաց
հազարապետին մեծի, և նա հանեալ
զՕսման արտաքս՝ զգեստաւորեաց զնա
արքունական զգեստաւք յասից մինչև
ցգլուխ, և ած անդրէն ՚ի ներքս: Անդ

Ժամս չորս ձգեցան զսուցասարու թիւն
քնն. և յետ երկից եօթնեկաց ընտրեալ
Օսմանայ 'ի վէղիբ մեծ՝ հանդերձ կրն
քան արքունի ընկալաւ և զսաշտոն
տպարասպետութեան 'ի վարձ վաստակոց
խրոց, և 'ի բուռն հարկանել 'ի նոր ար
շաւանս յԱտրապատական աշխարհ. թէ
պէտ և թշնամիք խր և նախանձորդք
ճգնէին յաչաց հանել զնա թագաւորին,
ասելով էթէ քանդի չէ նա 'ի բնէ որդի
առն քրիստոնէի, վասն որոյ և չկարէ
խոնարհ հպատակութեամբ ծառայել
սպետութեան. և թէ դինեւեր է, և
թմբադեղոյն ամփոնի անձնատուր:

Ընդ այն ժամանակս հեղեղք անձ
րեաց ողողեցին սաստկապէս զԲեապէն
'ի Մէքքէ քաղաքի, մինչև ծածկել
ջուրց և զքարն սևորակ. և Մուրատ ար
քայ 'ի դարման վնասուցն առաքեաց
անդր ոսկիս հարիւր և տասն հազար:

Դարձեալ և 'ի գրգռութեանց դիտ
նականի ուրումն Ապախէքերիմ կոչե
ցելոյ հրաման ետ արքայ փոփոխու
թեան լինելոյ 'ի տարազ գլխարկացն
Հրէից և Յունաց և Հայոց: Երբու զի
գլխարիք նոցին գունով և կթ զանազա
նէին 'ի փակեղանց գխանականցն Տաճ
կաց, հրեայք նարնջագոյն սպաստակով
սպաստառս, Յոյնք կասուտակ, և Հայք
ծաղկանկար: Եւ հրամայեցաւ ադանել
ամենեցուն սոցա գդակս մեծամեծս 'ի
չուխայէ, և դոյզն սպաստառ զնովաւ:

այլ նորա յեռ սակաւուց քառասուն
կամ յիսուն ոսկիս հատուցեալ զեր-
ծան'ի նեղիչ գլխանոցաց անտի : Թշնա-
մի էր Ապտիւլքէրիմ առանձինն և կապ-
կաց, զորս եռ սպանանել ընդ այս գայ-
թակղէցին և նորին ևս Օսմանեանք , և
անուանեցին զնա Մայմուչիքէշ էֆէնտի,
որպէս թէ կապկահալած :

Յամին 1583 կատարեցաւ 'ի կոս-
տանդնուպօղիս հանդէս թլխատութե-
արքայորդւոյն Մէհէմէտայ : Ամ մի
ողջ ծախեցաւ 'ի պատրաստութիւն հան-
դերձանացն, և արդիւնքն ըստ նմին տա-
րազու մեծաշուք յոյժ եղեն , այնպէս
զի չիք ուրեք երբէք լեալ հանդէս այն-
պիսի 'ի պետութեան Օսմանեանց : Թա-
գաւորք ամենայն հրաւիրեալք 'ի Բիւ-
ղանդիոն , արձակեցին անդր զդեսպանս
իւրեանց բաղմապատիկ արքայաւայել
ընծայիւք , և ճարտարք ամենեքեան զա-
մենայն ճիգն իւրեանց թափեցին 'ի զար-
դարանս հանդիսին : Աստանօր ներես-
ցէ մեզ չափ մատենիս պատմաբանել
սակաւուք զհանգամանս հանդիսին .
քանզի ոչ սակաւ սատար լիցի ցուցա-
նել ընթերցանելեացն զմեծութիւն և
զզօրութիւն օսմանեան պետութեան ,
թէ քանի իրաւամիք ահարկու լեալ իցէ
ամենայն ազգաց, որպիսի ճոխութիւն և
փարթամութիւն աւագանւոյն , և զինչ
աշտիճան բարգաւաճանացն ճարտար-
արուեստ ձեռագիտաց ժամանակին :

Չիարձակարանն մեծ տեղի էր հանդիսիցն չորեքհարիւր քայլ յերկայնութիւն և հարիւր 'ի լայնութիւն: Ի վերնակողմն հրապարակին կանգնեալ կայր խոհարան տախտակագործ քառակուսի հարիւր քայլ 'ի մեծութիւն, և յապարանս Իպրահիմայ պատրաստեալ էին պատշգամբ վասն թագաւորին և գլխոյից և արքայորդւոյն: Ստորև առաջի ապարանիցն կառուցեալ կայր շինուած երկայնաձիգ եռայարկ, որոյ ներքնատունքն 'ի պէտս գեասպանացն Եւրոպացւոց կարգեալ էին, միջնատունքն յաղագս պալատական պաշտօնեկից, և վերնատունքն սակս վեզիրաց և կողմնապետաց և կուսակալաց: Ի հանդիպոյ ապարանիցն Իպրահիմայ՝ ուրանօր կայ արդ մզկիթն սուլթան Ահմէտ, կային դասք երաժշտաց և հարսանեկան լսատերք. և առ նոքօք խոնարհագոյն բարձրաւանդակ մեծաշուք վասն գեասպանին Պարաից, և առաջի նորին վանքնգարձակ՝ յորում օշարակք և շաքարեղէն յօրինուածք ազգի ազգիք: Ի հրապարակամիջի անդ կանգուն կային ձողք բարձրաբերձք կրկին՝ ունեւով 'ի գագաթունսն մի մի ջահ մեծ և լի բիւրաւոր կանթեղօք, զորս 'ի գիշերի իջուցանեին 'ի խոնարհ: Հող և խնամք կարգաւորութեան հարսանեացն աւանդեալ էին 'ի կողմնապետն եւրոպեան Իպրահիմ վաշա, ուտելեաց և ըմպելեաց

'ի կողմնասպեանն Ասիոյ ճաֆէր փաշա ,
 և շինուածոց 'ի ծովասպեանն Գըլըճ Ալի
 փաշա . և հինգհարիւր ջրացանք կար
 գեալ էին 'ի սէտս մաքրութեանն հրա
 սարակինն . որք և զգեցեալք ծաղրական
 իմն տարազ զգեստուց 'ի կաշւոյ յօրի
 ներոյ՝ ունէին 'ի ձեռս իւրեանց և տիկս
 իմն յայծակաճէ՝ և հարկանէին նոքօք
 զաղմկարարս . և զօրավար նոցին հե
 ծեալ 'ի վերայ իշոյ՝ խաղալիկ էր ամբո
 խին :

Յառաջնում աւուր ամսեանն յու
 նիտի ել արքայ և ասլա արքայորդին յար
 քունեաց անտի գնալ յապարանս Իսլ
 րահիմայ : Յառաջընթաց լինէին նուի
 րակք գիսակազգեստք , և այլ սպաւա
 տականք և զօրավարք . ասլա գնային ջահք
 հարսանեկանք քսանիւ չափ , յորոց ո
 մանք քսան գրկաչափս էին 'ի բարձրու
 թիւն . և բարձեալ տանէին զսոսա ութ
 սուն ենիչէրիք : Արքայորդին զգեցեալ
 կերպասկարմրագոյն՝ յորոյ վերայ գործ
 էր սակեկար հինգ մասնաչափ 'ի թան
 ձրութիւն , ունէր 'ի գլուխ իւր կրկին
 փետուրս ականակուռս , յաջոյ ունկն
 իւր յակինթ մեծ , 'ի ձեռին իւրում
 զմբուխս մի , և 'ի միւս ձեռն գաշոյն ա
 կանակասլ : Իբրև եհաս առ հայրն իւր
 և համբուրեաց զձեռս նորս , անգէն
 կանդնեցան ջահքն հարսանեկանք և
 հնչեցին նուագարանքն ամենայն առ
 հասարակ : Յետ երկցաւուրոց եկին հա

սինև գլխոյք և բամբռանին անբաւ շաքարեղէնք . և 'ի վերջէ թափորին երկոտասան գերիք գային պոսնացիք արք յուսահատք , որ կամակար անգթութեամբ պատանէին սուսերօք զմիս բաղկացիւրեանց , և շամփրովք խոցոտէին զանձինս : Իսկ 'ի շաքարեղէն յօրինուածսն էին փիղք ինն , առիւծք եօթնևտասն , ընձառիւծք իննևտասն , երիվարք քսան և երկու , ուղօք քսան և մի , ընձուղօք չորեքտասան , համբարուք ինն , արագիլք մետասան , ագռաւք ութ , և բաղք ութ , և աղբիւր մի ողջ 'ի սպիտակ շաքարէ՝ բարձեալ յարանց քսանից : Այլ ևս արք քսան բարձեալ բերէին բերդ մի , և գև վիթխարի , և սիրամարգս հինգ , և 'նոյնչափ աշտանակս , շիշս վեշտասան , կապիկս ութ , ափսեայս արողալիցս երեսուն և երիս , տախտակս 'նարափ երկուս , և եօթն ափսեայս ծովային ձրկամիք , ամենայնն 'ի շաքարէ խոշորք յօրինուածով : Ապա գային շաքարեղէնք ուտելիք բարձեալք 'ի հնգևտասան երիվարաց զարդարելոց . և ապա ջահք մեծագոյնք և բարձրագոյնք քան զառաջինսն , բաժանեալք յեօթն յարկս , որ էին եօթն գնտակք մեծամեծք գոյնագոյն յօրինեալք 'ի մոմոյ , և շուրջ զնոքօք թռչունք , և չորքոտանիք և սլտուղք և հայելիք , որպէս միմի աշխարհս կերպարանելով մանունս : Եւ առ 'ի մարթելոյ անցս սալ ջահիցն հարկ եղև

լայնեւ զփողոցս ինչ՝ քահէլով զառաւ-
տաղս և զտունս գլխովին : Ի վաղիւ անդր
վեղիքն ամենայն ածին մատուցին զըն-
ծայս խրեանց ըստ կարգի , երկվարս
ընտիրս ոսկեասանձս, գիպակս աղնիւս ,
գերիս և աղախնեայս անթիւս , և ոսկի
և արծաթ անհամար 'ի բաղմուծեանէ :
Զօր ամենայն ընդ երեկս արկանելին
'ի հրատարակին աւելի քան զհազար
սկուտեղս բրնձոյ և մէն մի նկանակ
հաց , և քսան եղինք ամբողջ խորովեալք
եղջերք և կճղակօքն հանդերձ . և ընդ
ազդէլ նշանին յարձակեալ խաժամու-
ժըն 'ի վերայ , և 'ի քթթել ական տե-
սանիւր հրատարակն լիաափիւս բրնձով
և խեցբեկովք . և երկերիւր գերիք
թիափարք անդէն մաքրելին զհրատարա-
կըն , և ջրացանք սրակեալ ցածուցանե-
լին զփողին : Զամենայն գիշերս ջահա-
վառուծիւնք լինելին զցայդ , և զցերեկ
անգադար էին խաղարկուծիւնք տեր-
վիչաց , բռնամարտկաց , լարախաղացից ,
աճարարաց , և երաժշտաց , և կեղծ
պատերազմաց :

Յիննեւրորդի աւուրն եօթանասուն
սեղանք արկան յընթրիս դիտնականայն
դասուց , ապա դեսպանք քրիստոնէից
մատուցին զընծայս խրեանց : Աւ յեաւր-
կուց աւուրց սկսան անցանել թափօրք
գնդից արուեստաւորաց ընդ աւուրս
քսան և մի՝ մաղթելով արքայի օրհնու-
թիւնս և աւուրս երջանկուծեան , և

առնուին փոխարէնս ճարտարութեան
 խրեանց լի բռամբ փողս նորասիպս :
 Բնդ հակառակս իրերաց ջանային սոքա
 ազանեւ զդէստս պայծառս և զարդս
 ծաղրականս, և ՚ի զարդարել զսարա
 գլուխս իւրեանց՝ որ կարդ ըստ կարդէ
 Երթեալ ելանէին առաջի արքայի :

Նախընթաց լինէին յօրինողք կանայի
 թաղհարաց և մուճակաց և զանկատա
 նաց՝ ունելով դրօշս ոսկեգիպակս . և
 մանուկ մի գեղատեսիլ ՚ի հանդերձս
 ոսկեհուն մատոյց արքայի մուճակ մեծ
 ոսկեգործ ՚ի կարմիր կաշւոյ : Ձկնի
 նոցա գային բամբակագործք բերելով
 առիւծունս և նհանգս ծովայինս : Աստ
 համետագործք՝ ձգելով ընդ իւրեանս
 խանութ մի ՚ի վերայ անուոց վեցից ,
 յորում նստեալ վաստակէին ոմանք
 յիւրեանցարուեստս : Աստ ծաղողք սա
 րեգօտաց և մետաքսեայ կերպասուց՝
 տանելով դրօշս կարմրագոյնս . և յիսուն
 մանկափ ՚ի հանդերձս շքեղս գնային սա
 տի և անտի կառաց ինչ՝ յորոյ վերայ
 այլ ոմն մանուկ ծաղէր զկերպասն ՚ի վե
 րայ սափրեալ գլխոյ վարժապետին խ
 րոյ իբրև ՚ի վերայ բոլորաձև մարմարիո
 նի : Ձհեա նոցա ելին ՚ի հանդէս թե
 լահանք ոսկւոյ և արծաթոյ, և սպա
 յօրինողք շաքարեղինաց : Յայնմ երե
 կոյի ակրվիչք բոլորեցին զիւրեանց ըզ
 պարս, և ՚ի գլխերին յոյն ոմն երեց ձեա
 ցոյց հրարուեստիւն անտառ մեծ և

պարտէզ: Ի վաղիւ անդր անցին չուա-
 նագործք և մեռաբսագործք նորասե-
 սիլ գլխանոցօք. ապա սղակունտրա-
 գործք և վաճառողք օշարակաց՝ բաշ-
 խելով անդադար օշարակս բազմագու-
 նիս: Չհեա նոցա խաղացին ստղավա-
 ճառք տանելով ձողս երկայնաբերձս
 զարդարեալս ստղովք, և ապա ոսկե-
 թիչք և արծաթագործք մեծաշուք պայ-
 ծառութեամբ՝ հանդերձ երեքարիւր
 մանկուով ոսկեհանդերձ զարդարե-
 լովք: Ապա գային զինագործք՝ յօրինե-
 լով և շիւղով զղէնս, և զհեա նոցա կազմ-
 արարք և թղթագործք թղթեայս ու-
 նելով դրօշս, և երեքարիւր մանկաի
 թղթազգեստ, և տանէին խանութ՝ յօ-
 րոյ ՚ի տորին կողմն մանուկ մի ողորկեր
 զթուղթ, և ՚ի վերոյ մանկուձք երեք
 վերձանէին զկուրանն: Չհեա նոցա խա-
 զային ընկողնագործք և բարձագործք,
 հարիւր և յիսուն մանկուձք ոսկեգի-
 պակք բազմեալք յոսկեզարդ բարձ-
 կնեար: Ապա գային հայելագործք, և
 ընդ նոսա հարիւր և յիսուն մանկաի
 շուրջ պարսառեալք ՚ի հայելեաց, յորս
 հարեալ ճառագայթք արեգական խրա-
 աղէին զտեսանելեացն զաչս, և զհեա
 նոցա սանդրագործացն դասք: Սոքա
 ամենեքեան ՚ի միում միում աւուր ան-
 ցին ՚ի հանդիսի յաւուրս քսան և մի,
 անընդհատ գոլով և այլոց հանդիսից և
 խաղուց զօրհանապաղ: Ապա և ՚ի մեա-

ցեալ աւուրս եօթնեաանս յերևան ե-
լին ներկարարք, նիզակագործք, հնավա-
ճառք, գերձակք, գարբինք, ձկնորսք
և գրավաճառք . և սոքա փոխանակ
նուագածուաց այլոց դասուց զտերվիչս
ունէին ընդ իւրեանս՝ որ գոչէին Եալ-
լահ, հու : Ապա ելին ոստայնանկք և
երկրագործք, մաղագործք և անաղիչք,
մուշտակագործք, նետաշէնք, ծաղկա-
վաճառք և բանջարավաճառք, և խոտա-
վաճառքն փոխանակ գրօշու զեղն ա-
ծէին ցոկակապ : Զհետ նոցա գայ-
ին թաղագործք, ջրկիրք, խորանա-
կարք, կօշկարարք, կաթնավաճառք,
խոյրարարք, բեռնակիրք, և վարսալի-
րայք՝ որ տանէին ընդ իւրեանս խանութ
մեծ, և ՚ի նմա մանկափ մանրիկ սափրե-
լով զմիմեանս : Ապա անցին մանկունք
գարոցաց վարժապետօք իւրեանց, ա-
պա ճախարակագործք, մաագործք, հաւ-
որսք, բաղանեպանք՝ տանելով ընդ իւ-
րեանս զգործիս բաղանեաց, հիւսունք,
երաժիշտք, հացագործք, նուագործք
և նկարիչք, և այլք ընդ ամենայն հա-
րիւր և քառասուն և ինն գառք արուես-
տագիտաց :

Յեօթներորդի աւուր ամսեանն յու-
լիս թլխատեաց զարքայորդին վէզերն
ճէրրահ Մէհէմէտ փաշա, և ընկալաւ
ութ հաղար ոսկիս ՚ի վերայ այլոց սգար-
դեաց : Եւ թիւ մանկաւոյն քրիստոնե-
ից թլխատելոց յայս նուագ զանցանէր
քան զեօթն հաղար :

Յերկարէր ձգէր արդեօք հանգէսն այլ ևս աւուրս բազումս . սակայն գրծտու թիւն մեծ ծագեալ 'ի մէջ ենիչէրեացն և հեծելազօր գնդին՝ դադարեցոյց զամենայն . և թագաւորն ինքնին հարկեցաւ ծածկաբար գնալ յասպարանրա իւր : Եւ ասպարբայորդին Մէհէմէտ վելչասասանամեայ դողով հասակաւ գնաց 'ի Մադնեսիս երկու հազար արամբք ընդ հեծեալ և ընդ հետեակ :

Պատիւ և ընտանու թիւն յոյժ ունէր յայնժամ առ արքայի Իպրահիմ փաշա , որ 'ի սենեկասկետու թեանն սաշտամանէ ամբարձաւ մինչև 'ի փեայու թիւն արքայի : Սա կուսակալ Եգիպտոսի կարգեալ զհետ տարւոյ միոյ կոչեցաւ անդրէն 'ի Բիւզանդիոն . և զճանապարհայննուաճեալ զՏիւրքիս զիտարանջեալս յարքայէ , երբեր նմա ընդ իւր գանձս և սարդեա բազումս . ընդ որս և գահ արքունական համակ ոսկի ականակապ , յոր ցարդ ևս բազմին թագաւորք Օսմանեանց յառաջնում աւուր թագաւորելոյ իւրեանց . և երկուարք ընտիրք ոսկեկազմք , յորոց բազումք արծաթիս ունեին սպայտս 'ի ամբական , և փիղ և ընձուղտ , և այլ ինչ բազում : Եւ Մուրատ արքայ ետ նմա 'ի կնու թիւն զգուսար իւր զԱյիշէ՝ հանդերձ երեք հարիւր հազար ոսկւոյ սաշտատականաւ :

Առաւելագոյն 'ի համարի եր քան

զԳաղթահիմ քաջն Օսմանն փաշա վեզիրն
 մեծ , որ քառասունն հազարաւ էր .
 թեալ 'ի Գամիւէժ՝ էառ զքաղաքն զԽ-
 րասպէս . զի պարսիկ քաղաքապետն գի-
 շերագնաց լեալ էր անտի : Օսմանն կա-
 մեր իմն զերծուցանել զքաղաքն յաւար-
 առու թեհէ . այլ զի տաճկաղանդք ոմանք
 գտան մեռեալք ուրեք 'ի բաղանիս ,
 նմին իրի և խաժամուժ զօրականն ան-
 տանձելի յարձակեալ առ ին ալափ զմայ-
 րութաղաքն Ատրպասականի զերիս ախս
 և զերիս գիշերս : Աստ ամբացոյց Օս-
 մանն զԳամիւէժ և ած զնովաւ պարիսպ
 յերկայնու թիւն երկոտասան հազար և
 եօթնհարիւր գրկաց . այլ ինքն խօթու-
 թեամբ տկարացեալ մեռաւ 'ի ժամա-
 նակի պատերազմին ընդ Պարսս : Ճղա-
 լէզասէ փաշա ամբարձեալ 'ի տեղի նո-
 րա առ ժամն՝ 'ի հինգերորդում ճա-
 կատամարտին և լծ ընդ համզայի ար-
 քայորդւոյն Պարսից՝ տարաւ զյաղթա-
 նակն , և ազգ արար 'ի Աստանդնուպո-
 լիս : Ըստ Օսմանն փաշային խորհրդոյ՝
 զոր 'ի ժամ մահուն գրոշմեալ էր 'ի գիր-
 կամեր Մուրատ արքայ սպարապետ
 կարգել զօրաց զՃղալէզասէ . այլ 'ի շա-
 րախօսել ոսոխաց առնն , անճարացեալ
 թագաւորին՝ կրկին հրովարտակս սար-
 րասպետութեանն ինքնագիրս յլեաց և
 առ Ճղալէզասէ , և առ Ֆերհատ փա-
 շա . և Ֆերհատ խաղաց զօրու ծանու 'ի
 Պարսս : Յայն միջոց ժամանակի քառա-

սուն և ութ անգամ բախեցան Օսմանեանք ընդ Պարսից, և յար ձախողէր նոցա, այլ ուր ուրեմն համզա խան 'ի մասնու թեհնէ թիւրքմէնաց անօգնական մնացեալ յաղթեցաւ 'ի Ճղալէզաոէ զօրավարէն, և սպանաւ 'ի թիւրքմէնէ ումեմնէ :

Ի գէտ պատահեաց ընդ այն ժամանակս ներկի Պարսից 'ի ներքին ևս յուզմանց, և յայլմէ կողմանէ յԱզպէք թաթարաց, մինչև բուռն արքայն Պարսից շահ Աղապաս կամ Շահաբաս, որ թագաւորեաց առ կենդանութեամբ հօրն իւրոյ Խիւտապէնաոէ շահին, դուլարար զինուց ընդ Օսմանեանս : Այլ յառաջ քան զայն Ֆէրհատ փաշա յաղթանակեաց 'ի վերայ հնգեաստան խանից սարսկականաց, և սարսպեաց նոր սարսաօք Նրեան 'ի քարանց մերձակայ եկեղեցեաց մերոյ ազգիս, և Ճղալէզաոէ էառ զՊաղտատ 'ի ձեռաց ինքնագլուխ իշխանաց :

Իբրև յանկ ելանէին առուրք զինադագարմանն, Ֆէրհատ փաշա և Ճաֆէր փաշա արշաւեալ զօրօք բաղմօք 'ի Սիւնիս՝ առին զԳանձակ և սարսպեցին զայն, և Շահաբաս առաւել 'ի տագնապի գողով յարևելա աշխարհին իւրոյ 'ի թաթարաց, քան յարևմուտս յՕսմանեանց, ընտրեալ կալաւ ինդրել 'ի սոցանէ զհարչութիւն, և առաքեաց սրտանդ 'ի Աոտանդնուսօլիս զհայ-

տար Միրզա զորդի եղբօրն իւրոյ Համ-
զայի հազար պարակօք, հազար և հինգ-
հարիւր երկվարօք, և երեքարիւր և ե-
րեսուն ջորեօք, և նախարարք չորք դեռ
պանքն էին: Մեծահանդէս յոյժ եղև
մուտ սոցին ՚ի թագաւորեալ քաղաքն:
Եւ ՚ի պայմանս հաշտութեանն յաւե-
լան ՚ի տերութիւն Օսմանեանց Գա-
վրէժ հանդերձ Ատրպատականաշխար-
հաւն, Գանձակ, և Սիւնիք, Շիրուան,
Վրաստան, և Լորիստան:

Այլ քանդի կասկած ունէր զՕսմա-
նեանս զանհաւատարմութենէ արքային
Պարսից, և զի Սիմոն արքայ Վրաց
ցանդ գուն գործէր հալածել յաշխար-
հէն իւրմէ զՕսմանեանս, ամբացուցին
սորա զԼոռի, զԿորի, և զԱխլցխա, և
նորոգեցին զնաւատորմն իւրեանց ընդ
ձեռամբ նորոյ ծովակալին Հասանայ-
քանդի Գըլըճ Ալի փաշա յանկարծամտ
եղեալ էր: Ընդ այն ժամանակս և մեծ
վեղիրն Սինան կառոյց զհոյակապ ծո-
վահայեաց պառչգամ արքունի տղա-
րանիցն, որ ընդ ժամանակս բաղունս ՚ի
նորին անուն յորջորջէր: Այլ յամին
որ ընդ Պարսս հաշտութեան նշանաւոր
դէսք ասպատամբութիւնն էր ենիչե-
րեաց:

Քանդի ընդ այն ժամանակս յաճա-
խեալ էր անիրաւութիւն ՚ի բաղունս յիշ-
խանացն Օսմանեանց, և հարստահա-
րութիւն անանկաց էր ՚ի տունս նոցա:

որպէս Ճոխագոյնս ամբաստան լինին
 պատմաբանք Օսմանեանց : Թուլացեալ
 մեղկեալ էին 'ի պաշտամունս իջնանու-
 թեան իւրեանց, և 'ի շահ անձանց ևեթ
 ակն եղեալ վաստակէին : Անդասին 'ի
 1584 տմէն հետէ սկսեալ էր նուազել
 յարդ արժէից գրամոց . և ուր 'ի մի
 հոգգայ զուտ արծաթոյ օրէնք էին հա-
 տանել փողս հինգհարիւր ևեթ, հա-
 տանէին աւելի քան զհազար : Զի գրա-
 մահաստութիւնն 'ի ձեռս հրէից էր :
 Զհետ ամաց վեցից վերաստուչ փո-

1 Յասո-րոց անփի Սելիմայ առաջնոյ մինչև
 յասո-րս երկրորդին և որդոյ նորա Մուրա-
 փայ վախտան փողս Օսմանեանց արժէին ոսկի
 մի վինեփոյ կամ Մաճառաց, որպէս Վիայե
 պափմափիքն Սուլթանափէ . և քառասուն փողս
 առնէին դահեկան մի, և մէն մի փող արժէր
 լումայս քսան և լորս՝ ոչ Մանչըր ինչէին : Իսկ
 յամին 1587 յանկարծ ի՜նչ զիջան գինս քրա-
 ճոց կիսով լափ . զի այնուհետև դահեկանն
 արժէր փողս ութսուն, և ոսկին հարիւր և
 քսան : Եւ զի յետ ժամանակաց եռասպափիկ ևս
 վափնարեցան քրամս, մինչև արժել դահե-
 կանին փողս հարիւր և քսան, սովորութիւնն
 կալան յայնմհետէ զէրիս փողս 'ի մի հաշուել, և
 ըսք այնմ նոր հասանել քրամս՝ Փարս անուա-
 նեալ . որով դարձեալ դահեկանն մանրէր 'ի
 փարայս քառասուն, և փարայն 'ի փողս երիս,
 և ոչ ևս փային լումայս 'ի պէքս, որպէս
 ըփան յայժմոս ժամանակիս և փողս :

զԵրանոցին մատոյց առ համարակալն
 արքունի Երկերիւր հազար փողս, զի 'ի
 ուռձիկ զօրականին զնորատիպ դրամսն
 բաշխեացէ. և 'ի չառնուլ նորա ազատո-
 րէն յանձն, դիմեաց համարակալն առ
 Մէհէմմէտ փաշա կողմնապետ Էւրո-
 պեան, որոյ համարձակութիւն մեծ էր
 առ արքայի. և սա բուռն արար համա-
 րակալին՝ առնել այնպէս: Յայնժամ
 բորբոքեցաւ հուր ապստամբութեան
 յենիչերիս և 'ի հեծեալս, և այս առաջին
 անգամ յարձակեցան մտին Էնիչերիք 'ի
 բուռն 'ի ներքս յարքունիս [Թադաւորին,
 և դիմեալք 'ի վերայ վեզիրացն բազմեւոյ
 յատենի՝ 'ի ձայն գոչման աղաղակի պա-
 հանջէին տալ 'ի բաց զգլուխս կողմնա-
 պետին և զհամարակալին միանգամայն,
 'ի զուր աճապարեաց արքայ զեղուլ առ
 նոսա դրամս յուլիս, զի նոքա նզովեալ
 էին զանձինս իւրեանց ոչ ինչ հուպ 'ի
 տուրս լինել մինչև առնուցուն զգլուխս
 արանցն: Հրաման ետ Մուրատս պաշ-
 տօնեից իւրոց, և պահապանաց, փայ-
 տահարաց, պարտիզապանաց և բարա-
 պանաց 'ի զէն ընթանալ սակայն յընդ-
 գէմ կալ ատենակալացն՝ գրեաց [Թա-
 դաւորն ձեռամբ իւրով զվճիռն, եթէ
 «Աչող ընդ փոյթ մատնեացի»: Ազգ ա-
 րար կողմնապետին զվճիռն արքունի
 սենեկապետն մեծ, և հանեալ զնա ար-
 տաքս յատենէն՝ մերկեաց զնորին խկ
 զսուսերն, և գահիճն եհատ զգլուխ

նորա : Ապա գլխատեցաւ և անդարտ
համարակալն . և Մուրատ արքայ իմա-
ցեալ էթէ այլ աւագանին ռոտիք կողմ-
նապետին հնարեալ էին զգաւն , արկ
յիջխանութենէ ընդ այլոց և զվէղիրն
մեծ զՍիափեւչ , և կարգեաց փոխանակ
նորին զՍինան փաշա :

Ստէպ ստէպ հրդեհքն պատահեալք
այնուհետև 'ի թագաւորեալքաղաքին՝
յայտ իմն առնէին էթէ չև էր 'ի սպառ-
շիջեալ ծուխբոցոյ ապստամբութեանն .
վասն որոյ փոխեցաւ զօրապետն ենիչէ-
րեաց Խըզը աղա , և անց 'ի նորա տեղի
դրօշակիրն Մահմուտ աղա : Եւ ոչ 'ի
Բիւզանդիոն միայն , այլ և յամենայն
կողմանս ըայնաժառաղ աշխարհին շը-
փոթք ապստամբութեան յուզէին ցե-
րիս ամն , որք ողորով և բռնութեամբ ուր
ուրեմն ցածեան : Ի Կոստանդնուպօլիս
աննշան ոմն այր սկսաւ ասել զանձնէ՝
թէ ինքն իցէ Մէհաբին , և սպանաւ նա
զցահար 'ի գաւթի մղկթին սուլթան
Պայէզիտայ , ուր սովորն էր մարդարեա-
նալ առաջի ամբոխին , ձևս ինչ յաւազի
գծագրելով : Ապա և վեց ատենադպիրք
արքայի կախեցան , փոխանակ զի խար-
դախեւ կամէին զկնիքն արբուհի՝ առ 'ի
վարելոյ նովաւ ըստ հաճոյս իւրեանց :

Ի Դափլէթ կուսակալն Ճաֆէր փաշա
այսօրինակ շիջոյց զապստամբութիւն
զօրականին սակս նուազելոյ արժէից
գրամոցն : Յետ ծածկելոյ զանձն իւր

առ ժամանակ մի իբրև յահէ ապատամբ
բեւոյն՝ բանս եդ ընդ շրջակայ ազգացն
Մարաց, և ապա խնջոյս կապեաց զօ-
րաց իւրոց արտաքոյ քաղաքին՝ խոտա-
ցեալ անչարայուշ լինել նոցա: Այլ ճիշ-
խեմ. ասէ. յանդիման երևել ձեզ՝ մինչև
'ի բաց դնիցէք զզէնս իւրաքանչիւր և ա-
ռաքիցէք ինձ 'ի սպատանդ յիսուն այր:
Իբրև արարին նոքա ըստ բանիցն, ելին
յանկարծակի Մարքն դարանամուտք
շուրջանակի, և փողոտեցին զնոսա զա-
մենեանն արս հազար և ութհարիւր:

Դարձեալ 'ի Ասատանդնուպօլիս յեա
նորոգ հրդեհի ըստ դիպաց կամ 'ի չա-
րամուտթենէ բորբոքելոյ՝ ապատամ-
բեցին ենիչէրիքն, և խորտակեալ զգլ-
րունս ապարանից կուսակալն Ամրայ
կողոպտեցին զայն, փոխանակ զի մինչ-
դեռ կուսակալ էր այրն Աարնոյ, մա-
հու չափ գանեալ էր զենիչէրի ոմն: Ապա
խուժեցին յապարանս արքունի, և գո-
չէին տալ ինքեանց զգլուխ կուսակա-
լին. և արքայ արկ զնա յԵտիգուէ: Զհետ
ամսոց ութից վերափին նորոգեցաւ
ապատամբութիւնն, որոյ նշան էր մեր-
ժեղն ենիչէրեաց զթան, և հուր հար-
կանել ուրեք. և Մուրատ առ 'ի դար-
ման իրացն ընկեցիկ արար զգորապետ
նոցին, և զվէզիրն մեծ: Զառաջնոյն ըզ-
տեղի կալաւ Խալիլ ազա՝ խտաւացի
յազգէ, և զերկրորդին Սեյափուշ փաշա
այս երրորդ անգամ:

Փոխեցաւ յայնժամ և դէնպէս ան Պոս-
թանզատէ սակս գժտուածեան խրոյ
ընդ դատաւորին ասիացի զօրաց, որ էր
քաջ քերթողն Պաղը . այլ Զէքերեա
կամ Զաքարիա յաջորդ նորին 'ի համ-
բուրել երբեմն զհանդերձս թագաւո-
րին՝ ըմբռնեցաւ 'ի հեծկլտանս և յան-
կարծամահ եղև . և դարձեալ կարգե-
ցաւ Պոսթանզատէն յառաջնում բար-
ձին :

Կարի խնն ճարակէր 'ի նմին ամի և
սրած ութիւնն . վասն որոյ ըստ արքու-
նի հրամանին ամբոխ քաղաքին առ
հասարակ 'ի հրասարակս դիմեալ և 'ի
լերինս ընթացեալ բացօթեայ զպաղա-
տանսն առ Ատոուած մատուցանելին՝
վախճան առնել ահեղ կոտորածին . զի
ընդ էարէնէ գափուսի և եթ օր ըստ
օրէ ելանելին աւելի քան զերիս հարիւր
գիակունս : Փակեցաւ կրպականին , և
որք կարողքն էին ցրուեցան 'ի գիւղօ-
րէս . և թագաւորն ինքնին աւագա-
նուոյն հանդերձ մեկնեցաւ 'ի Ասպիորոն :

Այսպիսեօք ձախող պատահարօք
կնքեալ տան դարուց հագարացոցն
թուականի, ահեղագոյն խռովութեամբ
բացաւ գունն առաջնոյ ամի նորոյ դա-
րուն : Քանզի տեսեալ հեծեւազօրուն
Օսմանեանց՝ եթէ ենիչէրեաց ամբողջ
բաշխեցան ռոճիկքն , և ինքեանց ըստ
մասին և եթ , գիմեցին միահամուռ յա-
տենակալացն վերայ , և 'ի ձայն բարձր

ազազակէին. «Կամիմք զի տացի մեզ գը
լուխ համարակալին»: Ածան նոցա հա
րիւր քահէք յառանձին գանձուէ թա
գաւորին, այլ ՚ի զուր: Ելին առ նոսա
երկոքեան գատաւորքն զօրաց, և յայտ
արարին եթէ քանի եղեռնական օձիր
է հեզուլ զարիւն համարակալին՝ որ
էմիր է ասէին, այս ինքն է արեանառու
մարդարէին իւրեանց: Այլ զօրքն ՚ի տեղ
տարափոյ բռնաքարանց լուեցուցին զնո
սա: Կոչեցան ապա պերճասոս քարոզք
Սիւլէյմանիյէ և Այա Սոփիա մզկիթաց,
սակայն և նոցին բանք ոչ ինչ ազդեցին
առ ըմբոստացեալն: Յայնժամ վէզիրն
Պոյաղը Մէհէմմէա ասէ ցվէզիրն մեծ.
«Եթէ զկողմնապեան մեծ մասնեցէք ՚ի
կամս դոցա, զինչ մեծ է եթէ և զհամա
րակալն մասնիցէք»: Եանմա պատաս
խանի դենպեան Պոսթանզատէ ասէզ
ձայնիւ. «Միթէ ատեան Եղիսայ իցէ
ատեանս այս՝ զի կառափուռք տոհմի
մարդարէին ընդ յատակս տաճարիս
թաւաղլորխաղայցեն»: Յայդուէ մինչև
ցօր հասարակ տեւաց ազմուկ շփոթին
Հրաման ետ արքայ ՚ի զէն ընթանալ
համօրէն պաշտօնէից և սպասաւորաց
սպարանիցն. և նոքա որ ինչ ՚ի ձեռս
դայր ընդգէմ սպասամբացն ուզդեալ
հալածեալ ցրուեցին զնոսա, և ողիս
երեքարիւր յիսուն և եօթն սպանեալ
ամացին ՚ի ծով: Ապա վճարեցան ու
ձիկք հեծեւազօրուն, ընկեցիկ եղեն

համարակալքն երեքին, ևս և վէղիւն մեծ, որոյ փոխան ամբարձաւ դարձեալ Սինան փաշա:

Ենիչէրիք յայսչափ նուազս զչափ առեալ զօրութեան ուժոյ իւրեանց, սկսան ամբոխ առնել և սակս գուզնաքէից ինչ իրաց. հարկ էր ապա ՚ի պատերազմ ուրեք զքօսեցուցանել զնոսա: Եւ Սինան փաշա վէղիւն մեծ՝ ՚ի բնէ ատեցող գոլով Գերմանացւոց, թեւազիր եղև արքայի յառնել ՚ի մարտ պատերազմի յերկիրն Մաճառաց. և պատճառս ՚ի մէջ բերէր զնեղել Օսմանեանց ՚ի կողմանան յայնոսիկ յելուզակաց ոմանց, զորս դանդաղէր կայսրն նկուն առնել: Արձակեցաւ նախ հասան փաշա կուսակալն Պոսնիոյ քսան հազարաւ առնուլ զքաղաքն Սիաէկ. այլ ՚ի խորտակիլ զօրաց նորա վէղիւն ինքնին անց ՚ի գլուխ նորոյ բանակի, և մեծաւ հանդերձանօք խաղացեալ ՚ի Պելկրաս, էառ քաղաքս քանի մի. ընդ որս և զամուրն Ռասայ՝ որ է Եանըզ, և զՔոմորն, ըզփափա և զԹաթա և զԱէափրիմ: Եւ զի նիզակակից էր Օսմանեանց յայնմ մարտի խանն Խրիմու քառասուն հազար հեծելովք, ՚ի հասանել աւուրց աշնայնոյն մեծարեաց զնա Սինան՝ ընծայելով նմին կոնք և ըմպակ արծաթի, և երկվար ընտիր, և դաշոյն և լախտ ականակուռ: Եւ ինքն ևս մեծապարզ և մեծարեալ յարքայէ՝ մեկնեցաւ ՚ի ձմերոց ՚ի Պել

կրատ, զի գորնայնի վերասին ելցէ 'ի մարտ և յասպատակութիւն:

Ընդ այն ժամանակս դրօշն նուիրական որ պահէր 'ի Գամասկոս՝ ածականաի 'ի Կաստանդնուպօլիս բաղմութիւն զօրականաց, և անաի 'ի ձեռն հաղար ենիչէրեաց յուղարկեցաւ 'ի բանակն 'ի Պեղրատ: Այն ինչ խրատուսէին զօրքն

1 Ան ի-ի է Սանճագ շէրիֆ գլխաւորն 'ի Կրօշա մարգարէին ի-բեանց այժեաց սեւեռայր էրիսթասան սինալաթ յերկայնութիւն. որ և լարագոյր էր սենեկին Ախլէի ինքն Մահմէտի, որպէս սսին Օսմանեանս: Զինի մահասանն Մահմէտի էրդի-պէտից պարտմեծ արար Կրօշուան, և յայնմէպէ ինամուկայր սա 'ի պահենաթի սա ամբարպետ Գամասկոսի, Պաղբասթայ և Եգիպտոսի, յորոց էանց սա Օսմանեանս յառանաւ անդ Սելիմայ Ա Ղարիպոս: Զառաւջինն էկաց ճաց Կրօշ 'ի Գամասկոս և իռասալաւ ասղաթին որպէս էրդի իւլ հաճ. այս ինքն է պէտ սխաթասուբայ, ղեծաս հանդիտի յղեր զայն ամ ամի 'ի Սեպտեմբր 'ի գլխի սխաթասորացն կարասանի, մինչև ապա խորագէտ խորհրդով ղեծի վերիցին Սինանայ բերաս 'ի Բագասորեալ ասղաթն, և իայ 'ի պահենաթի յարտանիս: Ան պարեալ այլով ևս Կրօշուան, զոր լարեր ամբարպետն Իմէր, և նուլաս հանդերձ պարտեալ 'ի ասասասան պարասա իերպասիս. և 'ի միջի նոյին մարտան Գորիի գրե ուղեասով բըն Իմէրայ, և արծաթի Գամասկոս վերա-

առ հասարակ, և թուէին տեսանել ըզ
 դրօշուն ինքնին ծալ 'ի ծալ իմն վերամ
 քարձ լինել յօդս, որպէս թէ յառաջ
 ընթաց լինել կամիցի քաջ ակոյեհիցն,
 զորապէսն ենիչէրեաց դարձ արար ձմե
 րել 'ի Վոստանդնուպօլիս. քանզի ասէր'
 թէ չէ օրէն զօրավարի ենիչէրեաց ձմե
 րել ուրեք զատ և որիշ յարքայէ. որով
 փոխանակ առաջնոյ խրատուսե լոյն լու
 ծան լքան զօրականքն: Եւ առաւելաւ
 վհասութիւն նոցին 'ի գոյժ համբաւոյ
 խօթութեան արքայի:

Քանզի Մուրատ արքայ ընդ այն ա
 լուրս կատարեալ մեծահանգէս շքով
 զհարսանիս դասերն իւրոյ 'ի Վոստանդ
 նուպօլիս, տալով զնա 'ի կնութիւն խա
 լիլայ, անկաւ յախտ սրտացաւութեան.
 և գուշակեաց իմն, ասէն, զօրհասն իւր:
 Զի մինչդեռ բազմեալ էր 'ի պատշգա
 մին Սինանայ, և երաժիշտքն նուագէին
 առաջի իւր, հրամայեաց նոցա այսպի
 սի իմն տալս երգել. «Հիւանդ եմ ես,
 ո՞վ օրհաս, հսկեա զինև յայսմ 'ի գի
 շեր»: Յետ սակաւուց յողջունել զնա
 երկուց նաւաց արձակմամբ հրազինուց,
 'ի սաստիկ ցնցմանէ օգոցն խորտակեալ
 հոսեցան ասակափեղկք պատշգամին:
 Ասէ թագաւորն. «Զի է զի յայլ նը
 լագս թնդանօթք ողջոյն նաւատորմին

դէի. այն՝ շուր շէրիֆ՝ Մե ++ էի ընծայեաց եր
 Սէւիմայ Ա:

միանդամայն արձակեալք շտնանէին
 ինչ պատշգամիս , և այժմ 'ի դոյնն
 թնդմանէ հոսեցան ապակիք . այլ ահա
 ընդ պատշգամիս վախճանեմ և ևս ըզ
 կեանս իմ " : Զայս ասէր և թորեցու
 ցանէր զարտասուս ընդ ծնօտան և ընդ
 մորուսն : Եւ 'ի միւսում գիշերին զրա
 ւեցաւ 'ի կենաց' թաղաւորեալ ամս
 քան , և եթող ուստերս քսան և զքս
 տերս քսան և վեց . թող զմեռեալն
 առ կենդանութեամբ նորա . զի ընդ
 ամենայն եղեն նորա որդիք հարիւր և
 երկու : Զուարճասէր ունէր սա բարս ,
 և հեզ էր քան ցասկոտ : Յանկ 'ի պարս
 դուսանաց , նուագածուաց և զաւեշտ
 արար միմոսաց զբունոյր , և ափռէր 'ի
 նոսա բռնաւիւր ոսկիս . և 'ի հասարակել
 աւուրն , որպէս ասէ Փէչույի Իպրա
 հիմ էֆէնափ , ելանէր Մուրատ 'ի բազ
 մականէն ասելով . « Գոհութիւն երկ
 նից , զի զայս ևս օր այսպէս անցուցար " :
 Հանդերձ այսու յարգէր Մուրատ և
 զքերթողս և զխմաստունս , և ինքն ևս
 եթող քերթուածս ինչ :

Յուշ լիցի աստանօր , զի 'ի ժամանակս
 Մուրատայ արքայի յահագին ընդարձա
 կութեան օսմանեան պետութեանս 'ի բ
 բու քսուսսուն կուսակալութիւնք էին ,
 և չորք աշխարհք հարկատուք : ՅԵրոպա
 ութ էին կուսակալութիւնք , աշխարհն
 Մաճառաց . Էրտէլ կամ Գրանսիլլա
 նիս , Պոսնիս , Սէմէնարէ , Բումիլի ,

Քէֆէ, Կրեակէ և Արշիպեղագոս : ՅԱփ-
 րիկէ չորք, Եդիպոսոս, Ճէզայիր, Թու-
 նուզ, և Տրապոզիս : Եւ յԱսիա քսան
 և երեք փոքր Ասիա, Գարաման կամ
 Կիլիկիա, Մարաշ, Ատանա, Կիպրոս,
 Բերիա, Սիդոն կամ Սայտա, Գամասկոս,
 Սեբաստիա, Տրապիզոն, Արաստան, Տա-
 ղըստան կամ Կովկաս, Շիրուան, Կարս,
 Վան, Կարին, Շէհրէզուր, Պասրա,
 Պաղտատ, Մուսուլ, Ամիգ կամ Տիար-
 պէքիր, Ճիստէ, և Մէքքէ : Իսկ հար-
 կատութիւն էին աշխարհն Մոլտաւիոյ և
 Վլահայ, և Էրտէշ, և Բակուղա : Այս-
 պէս ղկրիկին մասունս աշխարհի, յորս
 երբեմն տիրէին Թագաւորք հզօրք աւե-
 լի քան ղքսան, ընդ միով բազկաւ գրա-
 լեալ ունէր արիաբար հզօրեղագոյն
 արքայն Օսմանեանց :



ՍՈՒԼԴԱՆ, ՄԷՏԷՄՄԷՏ Գ

Մ ԵՏԱՒ խնամով թագուցաւ մահ
 արքային Մուրատայ զգալուաւ արքայ-
 որդւոյն Մէհէմէտայ 'ի Մագնեսիոյ՝ ոչ
 միայն յամբոխէն, այլ և յաւադորերոյն
 անդամ : Եւ յետ ութից աւուրց 'ի ժա-
 մանեւ Մէհէմէտայ արձակեցան հրա-
 զէնք և հնչեցին քարոզք զմահն Մուրա-
 տայ և զթագաւորեւ որդւոյ նորին : Ազա
 և իննևտասնեքին արքայորդիքն խեղ-
 դամահ եղեալք 'ի ձեռն համերց պա-
 լտասնն՝ թաղեցան առ սաս հօրն իւ-
 րեանց, և դասերքն Մուրատայ և կանայք
 հանդերձ ամենայն համերբք և միմտօք
 ածան 'ի հինն արքունիս : Ձհետ աւուրց
 ինչ բաշխեցան զօրականին սովորական
 պարդեքն, և 'ի բաժին ենիչէրեաց և եթ
 անկան վեցհարիւր և վաթսուն հազար
 ոսկիք : Փոփոխութիւնք եղեն և պաշ-
 տամանց, և փոխանակ Սինանայ եկաց
 վէղիւր մեծ նախանձորդն նորին Ֆեր-
 հատ փաշա, որ և կարգեցաւ միանգա-
 մայն սպարապետ բանակին 'ի սահմանս
 Մաճառաց :

Սա մինչդեռ գնայր 'ի տուն իւր՝ ո-
 մանք 'ի հեծեւադնդէն ելեալ նմա ընդ
 առաջ՝ խնդրէին 'ի նմանէ ուժիկս յառե-

լուածով. և 'ի խոստանալ նորա առնել
 զայն 'ի ժամու իւրում՝ իբրև բարձրա-
 ցուցին նոքա զբարբառ իւրեանց, ասէ.
 «Չգիտիցէք, զի որ ըմբոստանան ընդ-
 դէմ տերանց իւրեանց՝ ամբարիշտք են,
 և ամուլք կանայք նոցա»: Գազանե-
 ցան զօրքն ընդ այս բան, և յաճախեալ
 զամբոխն՝ գիմեցին առ դէնպետն և
 իննգրէին 'ի նմանէ վճիռ դատաւար-
 տութեան ընդդէմ վէզիրին: Դէնպետն
 արձակեաց զնոսա բանիւք խրատու և
 խաղաղութեան. այլ նոքա թշնամանե-
 ցին և զնա, և երթեալ աղմկեցին առ հա-
 սարակ զընկերակիցս իւրեանց յապրս-
 տամբութիւն: Ի վաղիւ անդր քառա-
 սուն և ութ միլիոն փողք կամ չորեքա-
 ըիւր հազար ոսկիք ելին յարքունի դան-
 ձուէ 'ի բաշխոյս զօրականին. այլ նոքա
 ոչ ինչ բնաւ հուպ եղեն 'ի դրամն, և
 ամբոխ արարեալ գոչէին. «Կամիմք զգը-
 լուխն քերհատայ թշնամանցին մերոյ»: Զ
 անասնար եղեն դէնպետն և ամե-
 նայն աւագանին ցածուցանել զնոսա
 համոզկեր բանիւք, այլ հազիւ ճողոպ-
 րեցան 'ի քարկոծ լինելոյ 'ի նոցանէ
 ցմահ. վէզիրն Լալա Մէհմէտ վերա-
 ւորեցաւ 'ի քարաձիգ լինելոյ նոցին 'ի
 ձեռն իւր. ծովակալն Խալիլ փաշա
 յունկն իւր, և ճէրրահ Մէհմէտ
 փաշա 'ի լանջան: Յայնժամ հրամանաւ
 արքայի ենիչէրիք և սարտիղապան զօ-
 րականք դանահալաճս արարին զհեծե-

լաղօրն , և ցրուեցին ՚ի սպառ : Եւ քան զի կարծե լի էր՝ եթէ վէղիքն ճղալէ զասէ և Սխավիւշ ձեռնառու լեալ իցեն խռովացն՝ առաքեցան յաբարս :

Ընդ այն ժամանակս Ահարոն իշխանն Մոլտաւիոյ վտարանջեաց յՕսմանեանց այլ անեղագոյն քան զնա գտաւ Միքայէլ կամ Միխալ իշխան վլահաց , որ յաւել յապտտամբութիւնն և գործ անագորունութեան մեծի , ՚ի սուր սուսերի կոտորեալ դաւով ՚ի Պուքրէշ չորս հազար Օսմանցիս , և նոյնչափ ևս ՚ի յԵրկէոյ , որ և ճուրճով : Արդ յաւուրս գարնայնոյն խաղաց գնաց վէղիքն մեծ Ֆերհատ յԱդրիանուպօլիս , և անախ ՚ի Ռուսմուզ : Մարդ եղ աշխարհին Օսմանեանց և զվլահս և զՄոլտաւիս , որ յառաջն հարկատուք և եթ էին . կուսակալ Մոլտաւիոյ անուանեաց զկուսակալն Շիրուանայ զՃաֆեր , և վլահաց զՍադուրձի Մէհէմէտ փաշա : Այլ ստիք Ֆերհատայ և կուսակիցք Սինանայ այնչափ ինչ քսիս մատուցին արքայի զնմանէ , զի Ահմէտ աղա սենեկապետն արքունի առաքեցաւ սպանանել զնա :

Աւուրքք յառաջ զգաց Ֆերհատ զիրան ՚ի ձեռն հաւատարիմ լրտեսայ իւրոց . և զարքունի կնիքն աւանդեալ ՚ի ձեռս Սադուրձի Մէհէմէտայ , կարնդ իւր երկս հազար հեծեալս ընտիրս և գիմեաց ՚ի Վոստանդնուպօլիս : ԶՃա-

Նապարհայն պատահեցին նմա գուճոյք զօրացն Սինանայ, որ առեալ այս չորրորդ անգամ զիշխանութիւն վէզիրին մեծի և արձակեալ էր զնոսա 'ի վերայ Ֆէրհատայ՝ ասելով, «Խորան նորա ինձ, և գանձքն ձեզոյ: Ֆէրհատ առ 'ի զերծանելոյ 'ի ձեռաց նոցա եթող 'ի նոսա ըզկարասին և փախեաւ 'ի լերինս, և ապա 'ի Կոստանդնուպօլիս: Անդ 'ի բարեխօս ընկելոյ մօր թագաւորին՝ շնորհեցաւ նմա կենդանութիւնն. սակայն յաւուր միում յանկարծակի յափշտակեաց զնա պոսթանձի պաշին և տարաւ յԵսի գուլէ, և ապա այլ ոմն եկեալ խեղդամահ արար զնա:

Չու արար յերկիրն Ալահայց Սինան փաշա յամին 1595, և կամուրջ արկեալ 'ի վերայ Գանուբ գետոյ անցոյց զբանակն 'ի Պուքրէշ: Յանտառախիտ և 'ի Ճախին տեղւոջ ուրեք մերձ 'ի քաղաքն պատահեալ զօրացն Ալահայց՝ բախեցան ընդ նոսա Օսմանեանք յայգուէ մինչև ցերեկոյ, և առին 'ի նոցանէ երկոտասան թնդանօթս. այլ ապա վարեցան միացան 'ի Ճախճախուտ տեղիան. և Սինան ինքնին խրեցաւ 'ի մօրուտ վայրի. զոր Հասան ոմն այր վիթխարի շարակեալ ապրեցոյց, և յայն սակս կոչեցաւ Պագադձի Հասան: Եւ քանզի Միքայէլ մեկնեալ էր 'ի սահմանած այրս աշխարհին, եմուտ Սինան 'ի Պուքրէշ, փոխեաց զեկեղեցիան 'ի մզկիթս, և զքաղաքն պատանիչափակ արարեալ ամրացոյց:

Յեա ամսոց վեցից Միքայէլ գիմեալ
 էառ զԹերկովիչ : և Մինան հուր ար-
 կեալ 'ի պատնէշս Պուքրէշայ՝ մեկնեցաւ
 անտի հանդերձ բանակաւն 'ի յԵրկէոյ :
 Եւ զի խառն 'ի խուռն խուճապմամբ
 զգարձն առնէին Օսմանեանք, Միքայէլ
 հարաւ 'ի վերջապահս նոցին և տարաւ
 գերի և աւար բազում յոյժ, և ոչ ոք 'ի
 հրոսակաց որ յայնկոյս գետոյն կային
 ապրեցաւ 'ի սրոյ Ալահայց, որով սպա-
 ուեցաւ հատաւ այնուհետեւ այն գունդ
 զօրականաց : Պաշարեաց Միքայէլ և
 զԵրկէոյ աւուրս երիս, և առեալ զայն՝
 կոստրեաց զպահակսն, և զքաղաքն հրը-
 գեհակէզ արար :

Անտի և զօրք կայսեր, յորս էին զօրա-
 վարք գերմանացիք, խաւրացիք, մաւճուք,
 և դաղղկացիք, պատնէշ պաշարմամբ ա-
 ուին զԱրան քաղաք, և զԱլէշկրաս և
 զայլ բերդորայս, և 'ի ճակատամարտս
 ինչ վանեցին զՕսմանեանս : Այս ար-
 մենայնի ձախողութեանց լուրք հեա-
 զհետէ գուժէին 'ի Աոստանդնուպօլիս,
 և խռովեալ էր յոյժ քաղաքն : Յաճա-
 խեաց զտագնասին և սասանութիւն մեծ
 'ի քաղաքին և 'ի փոքրն Ասիա, ուր գիւ-
 ղօրէք մեծամեծք փլուզեալ աւերեցան :

Մէհէմեճա արքայ հրաման եա աղօ-
 թըս հրասպարակաւ առ Ատուած մա-
 տուցանել մանաւանդ սակս յաջող ելից
 պատերազմին, և Մինան փաշա իբրև ե-
 հաս 'ի Աոստանդնուպօլիս, արկաւ 'ի

պատուոյն , և արտօրեցաւ դարձեալ 'ի Մաղղարա: Անց 'ի տեղի նորա Լալա Մէհէմէտ , որ յերկոտասան ամաց միջոցի 'ի նուիրակութեանն պաշտամանէ ամբարձաւ մինչև յայս գերագոյն իշխանութիւն . այլ յետ երկց աւուրց մեռաւ , և անդրէն կարգեցաւ յառաջ նուա՛ բարձին Սինան , որ արդ զութսրնամենիւք ուրեմն էր , և խրոխտագոյն քան զառաջին նուագան . մինչ զի ոչ ինչ երկեաւ յայտ առնել զթշնամութիւն իւր ընդդէմ Իպրահիմայ առաջի նորին խկ արքայի . և յանդիմանեալ զնա յատենի՛ ասէ ցարքայ . « Համբաւէն ոսոխքին իմ եթէ ծերացեալ իցեմ ես և խօթագին և անկարող 'ի հեծելութիւն պատերազմի . եթէ և Իպրահիմ ասիցէ զայս , հասկա ելցէ 'ի բաց յատենէս և մենամարտեսցուք 'ի միասին » . և բուն հարեալ զգօտուոյ Իպրահիմայ ձգէր զնա արտաքս : Նա ինքն Սինան միաբանեալ ընդ վարժապետին արքայի , որ էր քաջ պատմագիրն Սատէտտին , յորդորեաց և հաւանեցոյց զՄէհէմէտ արքայ անձամբ խաղալ 'ի պատերազմն . զի և ենիչէրիք հատեալք 'ի արտունջ՝ անդամ զոսն յոտանէ չփոխեմք , ասէին , եթէ ոչ ելանիցէ ընդ մեզ արքայ :

Չմեռն այն ողջոյն էանց 'ի հանգեր ձանս մեծի պատերազմին , և իշխանք և վէղիւրք անբաւ գանձուք ուղևորեալ 'ի սահմանագլուխան՝ պատրաստեին համ

բարս, կաղմէին զկամուրջս, և զօրածո-
 զով լինէին: Այլ Սինան յանկարծամաս
 եղև, ատելի գտեալ ամենայն աղգաց, և
 մանաւանդ քերթողաց և պատմադրա-
 ցին Օսմանեանց՝ զորս ցանդ յարհա-
 մարհս ունէր. և դասն առ նմա գանձք
 բազումք յոյժ, և վեցհարիւր հազար
 ոսկիք: Եւ ամբարձաւ ՚ի տեղի նորա քեռ-
 այրն արքայի Իսպրահիմ փաշա:

Խաղաց գնաց Մէհմէտ արքայ հան-
 դերձ ասէղ պատրաստութեամբ բանա-
 կին յամսեանն յունիսի յամի 1596, և
 մերձ ՚ի Վարասին կամուրջ արկեալ անց
 պաշարեաց զԷռլաւ քաղաք, որ և է-
 կէր կամ Էկրի: Հրաւեր կարդաց քա-
 ղաքացւոց առ դէնն մահմետական. և
 կամ եթէ անձնատուր ասէ լինիցիք,
 երդուեալ յերիվար իմ և ՚ի սուսեր, զի
 աղատս արձակեցից զձեզ: Յաւուրն
 եօթներորդի հրդեհեցաւ քաղաքն, և որ
 ՚ի միջնաբերդին էին՝ անձնատուր եղեն.
 այլ ենիչէրիքն յարձակեալ կոտորեցին
 զնոսա յանինայ արս չորեքհազար և
 հինգհարիւր. և յայս սակս կոչեցաւ
 Մէհմէտ արքայ յոմանց Ֆաթիհի
 Էկրի:

Ապա եղեն երրեակ պատերազմունք
 մեծամեծք իբացի, և Օսմանեանք սոյժս
 մանաւանդ կրեցին քան հասուցին թըշ-
 նամեաց: Գրեաց թագաւորն իւրով
 ձեռամբ զհակիրճ թուղթս զայս առ
 վեղիրն մեծ, և ասէ. «Դաստիարակ իմ,

զիսորդ լինիցի թէ թողուցում զքեզ աս-
 տէն որպէս սպարասպետ, և ես մեկնի-
 ցիմ 'ի Կոստանդնուպօլիս": Սաստեա-
 տին հակառակ կացեալ էր այսմ խոր-
 հըրդոյ. զնոյն և վէզիրն մեծ արար. և
 յամսեանն հսկտեմբերի ճակատեցան
 կողմանքն երկոքին 'ի դաշտին 'ի Քե-
 բէշթէս': Յաջում թևի կարգեցան
 չորեքին կուսակալքն փոքուն Ասիոյ,
 Գարամանայ, Բերիոյ և Մարաշոյ,
 և 'ի ձախում՝ կողմնասպետն եւրո-
 սեան և կուսակալն Դմիշվարայ. յա-
 ռաջապահ էր կուսակալն Ամգայ, և
 'ի միջավայրին առ նուիրական դրօշուն
 կայր ինքնին թագաւորն: Հարան բա-
 խեցան երկուստեք յայգուէ ցօր հասա-
 բակ, և Մաճառք և Գերմանացիք շփո-
 թեցին զկողմն արքայի. թերևս և զյաղ-
 թու թիւնն ըմբռնէին 'ի սպառ՝ եթէ չէր
 նոցա ընդդէմ հրամանին Մաքսիմիլիա-
 նոսի դքսին մեծի յարձակեալ յաւար-
 կահուց և կարասեաց: Յայնմ պահու-
 մեծի վտանգին Մէհէմէտ արքայ զգե-
 ցեալ գողով զկրկնոց մարդարէին իւ-
 բեանց՝ անյողգողդ և կաց մնաց ընդ դրօ-

1 Ան իսկ է Խըրֆ-ի շէրիֆ, իմ Պի-րաբէի
 շէրիֆէ անսանեալ այծեայ մարգարէին ի-
 բեանց Մահմէտի, որ 'ի պահեսպի իայ 'ի գանձին
 արտանի: Ձայս իբնոց՝ յամն 630 յեռամբ
 իրովագոյց նա Թերեոզի ոսմէն Գ. լայ իդն
 Ձեհհիբ ի շէրեւոյ ոսին Թերեոսծին շիրի-

չաւ մարդարեւին՝ քաջալերեալ 'ի բա-
նիցն Սատէստինայ, և վէզերն ճղալե-
զատէ ելեալ յանկարծակի իւրովքն
հանդերձ 'ի դարանէ սնկաւ 'ի վերայ
Թշնամեաց, որք գեռ ևս տիրեալ արկե-
ղաց դանձուն՝ ռստոսակին 'ի վերայ: Ի
գոյն ժամու ոգիք քսան հազար 'ի Մա-
ճառաց կոտորեցան, և այլք շտապ
տազնապաւ 'ի վախուստ խուճապե-
ցան, և եղէն անկեալքն 'ի ճահիճս և
'ի սուր Թաթարաց աւելի քան զյի-
սուն հազար այր, և անկան 'ի ձեռս Օս-
մանեանց Թնդանօթք ընտիրք իննսուն
և եօթն:

Գովեստ յօրինեալ էր: Ապա ամբարազեան Մի-
ալիէ Ա փնոց ոսկւոյ փնեաց զայն յորդոսոցն
Գլխապայ, և եր ընդ նո-իբրական Գրօշուն:
Ի քառասուն պարսպա զիպակեղէնս իայ
պարսպեալ, և քակի մեանգամ 'ի քարոսը 'ի
հնգեքասաներորդի առաջ Բամազան ամսոյ
Տեժաւ հանդիսի- և յարգանօք 'ի համբոյր ար-
քայի և աւազանւոյն: Զինակիբն Տեժ իա-
ջեալ 'ի իողմանէ իրինոցին՝ քայ զայն 'ի համ-
բոյր ելելոցն, և զհամբոյրեալ քեղիս արեալ
ըսորչի-՝ պարգեւէ զնոյն համբոյրոզին: Յեք
այնորիկ զենպեան և Նազիպ իւլեւրաֆ ըն-
համբոյրեալ մասն իրինոցին լոգանան վեր 'ի
վերոյ 'ի ինք արծաթի, և ներքինապեան
Բաշիեալ զՋո-րն 'ի Բաղմաթի- շիշս և ին-
քեալ առաքել յընծայ առաջիկայ եղելոցն հան-
դի-ին:

Պատճառ սկերծ յաղթանակիս յեռ
արխասիրտ խորհրդականին Սատէտափ-
նայ՝ քաջութիւնն էր ճղալէ զատէ Սի-
նան փաշային . վասն որոյ անդէն ընդ
մտանել իւրում 'ի խորանն արքայի ,
ողջունեցաւ 'ի նմանէ որպէս վէզիւր մեծ :
Իսկ Իպրահիմ փաշա ոչ ինչ հմուտ լի-
նելով եղէլոցն՝ 'ի գործս իշխանութեան
իւրոյ սարապէր տակաւին , զի և կնիքն
արքունի չև էր 'ի բաց առեալ 'ի նմանէ .
և թուէր արքայ սարջացեալ իմն ընդ
փոփոխութիւն երկեան աւուրն : Տագ-
նապեցան ընդ այս Սատէտափն և սենե-
կապեան արքայի Ղազնէֆէր , և չկա-
րէին և ոչ մին 'ի նոցանէ համարձակել
և յուշ առնել արքայի զիրան՝ գիտելով
չափ զսէր և զմտերմութիւն նորա առ
Իպրահիմ : Յայնժամ ախոռապետն
արքունի Ահմէտ աղա յանձին կալաւ
ասել զիրան հնարիւք իմն ճարտարու-
թեան ցարքայ . և զի բիրտ ոմն էր նա և
Թիւրք , որպէս ասէ Նայիմա , եկաց ա-
ռաջի արքայի և ասէ . «Տէր արքայ ,
Սատէտափն էֆէնափիսիթայ՝ զի 'ի յասպ-
ղէլ այլ ևս արքունի կնքոյն առ Իպրա-
հիմայ՝ վտանգ է խռովութեան իրիք
յուզելոյ 'ի բանակին» : Եւ արքայ յեռ
սակաւ ինչ մտախորհ լինելոյ ասէ . «Թող
երթիցէ սենեկապետն մեծ և առեալ
'ի նմանէ զկնիքն տացէ ցՍինան» : Եւ
եղև որպէս ասացն : Այլ Սինան զեան
մեծ հասոյց սկտութեանն 'ի սուղ ժա-

մանակի իշխանութեան իւրոյ : Նախ , զի տարասպայման խառութեամբ հետամուտ եղև դասալիք զօրականաց իբր երեսուն հազարաց . և զորս ամէնն ընդ բռամբ՝ բազում նախատալից մահուամբ վճարէր 'ի կենաց . նմին իրի և որք զերծան 'ի ձեռաց նորա՝ սկսան 'ի խուճբս խուճբս յելուզակել յԱսիա՝ յայտնի ապստամբութեամբ , որպէս տեսցի : Եւ երկրորդ , զի զՂազի քերէյ խան խրխմու ընկէց իշխանութենէ անտի նորա սակաչգալոյն 'ի պատերազմն , այլ առաքելոյ անդր զեղբայրն իւր զՖէթիհ քերէյ . որով ծագեցաւ 'ի խրխմ ազմուկ խոռվութեան մեծի :

Մինչդեռ թագաւորն չու գարծի առնէր 'ի Կոստանդնուպօլիս , եհաս առնա թուղթ 'ի մօրէն իւրմէ , յորում խնդակից լինէր որդւոյն վասն յաղթանակին , և յայտ առնէր զտհաճութիւն իւր ընդ կարդումն 'ի վեզիր մեծ Մինաւայ : Անդէն հրամայեաց Մէհմէտ առնուլ 'ի ձեռաց նորին զկնիքն արքունի . աքսորեաց զնա յԱզշէհիր , և զբարեկամ նորուն զՍասեւտօփն արկեալ իշխանութենէ՝ պատուիրեաց նմա բնակել այնուհետև յանդորբու , և ոչ ևս խառնել իրս պետութեան :

Զքիշեր մի թագայեալ թագաւորին 'ի Տաւուտ փաշա , ուր եկեալ էր նմա ընդ առաջ գշխոյ մայրն իւր Սաֆիյէ սուլթան , 'ի վաղիւ անդր եմուտ մեծա-

շուք յաղթանակաւ 'ի քաղաքն : Ամենայն ուսուէք ձայնք ուրախութեան և բարեմաղթութեանց հնչեին, և մանկըտին երբէք երբէք զամեն կրկնեին : Աւելի քան զերկու հազար արուեստաւորս անցին 'ի հանդիսի . և թագաւորն ընդ փողոցսն զարդարեալս ոսկեհաւ գիպակօք և գոյնագոյն ասուէիւք անցեալ եմուտ յապարանսն . ուր քաջ քերթողն Պաղը մատոյց առ նա զքերթուած մի զիւր 'ի գալուստն արքայի . և տեւաց հանդէսն ջահալառութեանց և ուրախութեանց աւուրս եօթն :

Անդ 'ի Վոստանդնուպօղիս էր յայնժամ գեսպան Շահարասայ եկեալ հազար արամբք ինդակկից լինել թագաւորելոյն Մէհմէտայ, և աւեսուորել զյաղթութիւնս թագաւորին իւրոյ ընդ գէտ իւզպէքաց : Մինչդեռ յայց եկեալ էր գեսպանն առ մեծ վէզիրն իպրահիմ, եհարց սա ցնա՝ եթէ և Շահարաս ուսումնասէր իցէ իբրև զնախնին իւր զՂահմասայ, և զո՞ր ազգ ուսման առաւել յարգիցէ : Եւ նա ասէ . «Է իսկ քաջ ուսումնասէր, և առաւել քան զայն ամենայն ասորժէ նա ընդ իրաւանցն ուսումն» : Յայնժամ իպրահիմ «Այո՛, ասէ, արդարև զիք ինչ հարկաւոր թագաւորի, որպէս արդարութիւն և իրաւունք» : Յատենի վէզիրաց յանդիման լեալ գեսպանն և թագաւորին՝ մատոյց զհրովարտակն Շահարասայ առ

կրասերագոյնն յեօթն վէճերս, որք ձեռն
'ի ձեռանէ մատուցեալ եղին զայն առ
գահոյիւք թագաւորին . և 'ի խոնարհել
դեսպանին 'ի համբոյր դրօշակին Մէ-
հէմէկտայ և յարասանել զհակիրժ
բարեմալթու թիւնն, զայս ևեթ ա-
բար նմա թագաւորն պատասխանի .
« Բարի է, բարի » :

Եկին հասին 'ի Բիւզանդիոն և այլ
դեսպանք եւրոպական և ասիական պե-
տութեանց . յորս նշանաւոր գառա դեռ
պան շէրիֆին Մէքքէի, որ ամէր 'ի
պարզև արքայի զհին ծածկոյթն Քեա-
պէի և գերեզմանին Մահմէտայ : Ընդ
առաջ ելին պարզև բարձ ու զտուն զար-
դարելոյ վէճերքն և դիմնականք . և մե-
ծաւ յարգանօք թափոր կազմեալ 'ի
ձայն թմբկաց և փողոց ամին 'ի մղկթէն
Էյուպայ 'ի պալատն արքունի : Նոյն-
պիսի ջրով առաքեցան ապա յԱրաբիա
նոր ծածկոյթք գործեալք յԱգիպտոս
և յայնժամ սկիզբն եղև սերնդոյն
Մահմէտի՝ որ Էմիր անուանին՝ արաս-
խոյր ունել կանաչագոյն :

Սագուրձի Մէհմէկտ կարգեալ ըս-
պարապեա առաքեցաւ ընդ այն ժա-
մանակս յերկիրն Մաճառայ . և բա-
զում այն էր զի 'ի պարտութիւն մատ-
նեցաւ քան պարտեաց զՔերմանացիս .
և զսողիւտ ձախողանացն արկաներ ըզ-
խանիւն Խրիմու, որ շէկն յօղնութիւն
բանակին : Յայնժամ պատմեալ արքայի

ընդգեմ խորհրդայ վեղիքին մեծի, որ
 և ևս գրգռեալ էր զազմուկն խրիմու՛,
 արկ զնա յիշխանութենէն, և կարգեաց
 փոխանակ նորա զներքիկինն Հասանե
 փաշա: Սա պաշտպանն ունելով զմայրն
 արքայի՛ համարձակ հարստահարէր
 զամբոսին. և զի թշնամի էր Սասեաթի-
 նայ, ՚ի մեռանել Պոսթանզառէ գեն-
 պեաին գուն գործեաց խափան լինել
 զի մի ընտրեացի Սասեաթին: Այլ ար-
 քայ ոչ միայն զհակառակն արար, այլ և
 զկնիքն երարձ ՚ի նմանէ, և զնա հրա-
 մայեաց խեղդամահ տանել, և զինչս
 նորա գրուել յարքունիս: Եւ ասկա
 առաքեաց զկնիքն առ Ճերբահ Մէհեմ
 մեա հանգերձ թղթով որ ունէր օրի-
 նակ զայս. «Եթէ ոչ գնասցես ՚ի պաշ-
 տանանդ որպէս պարան է, մերթեզերձ
 եղիցիս և վատանշան յախտեան»:

Եւ քանզի ընդ այն աւուրս Սաղուր
 ճի Մէհեմմեա ոչ մի ինչ արութեան
 գործ ցուցեալ յաշխարհին Մաճառաց՝
 յուզեաց և զզայրոյթ ցասման ենիչէ-

1 Ձի սա իրին հրովարտիս արձ-իւն-
 աւ երկուսին եւբարս Ղաշի օերէն և Ֆեթիհ
 փերէն՝ երկուսնոն ևս զորհէր իշխանութիւն
 թագաւորելոյ, այլ զընդարտութիւնն ազա-
 փան աանէր ՚ի կոմս արքային: Յորմէ լիւթ
 աննարիւս յաւելցան ՚ի խրիմ. Բնիւ ազա-
 նաւ Ֆեթիհ և ընկեցաւ ազգաբանձնորս, և
 Ղաշի ճաջ իննիւնսն:

րեաց, որ խորասակեցին 'ի գլուխ նորա
զվրան նորին, արկաւ նա 'ի սպարապե-
տութեանն պաշտամանէ, և կարգեցաւ
փոխանակ նորա սպարապետ և վէզիր
մեծ դարձեալ Խպրահիմ փաշա :

Խաղաց գնաց Խպրահիմ յամին 1599
'ի Պեչկրատ, և անախ յերկիրն Մաճա-
ռաց : Այլ նախ հոգացաւ բանիւք շո-
ղոմութեան թակարթեւ զՍադուրձին
'ի խորխորատ կորստեան . վան որոյ
գովեաց և հաստատեաց և զապօրինաւ որ
գործ նորին՝ որով զկուսակալութիւնն
Սեմէնարէի տուեալ էր նա 'ի խանն
Խրիմու, և 'ի ծածուկ ազգ արար զիրացն
'ի Կոստանդնուպօլիս : Անախ եհաս ընդ
հուս զօրավարն ենիչէրեաց Գրինագձի
Հասան, և եբեր զգատակնիք մահու-
տանն 'ի Հխարճըգ, ուր ինքն խակ Սա-
դուրձին հրաւիրեաց զօրավարն 'ի խրա-
խութիւն մեծածախ սեղանոյ, և խի-
լայեաց ևս զնա : Եհան զօրավարն 'ի ծո-
ցոյ իւրմէ զհրովարտակն արքունի, և
արքն որ ընդ իւր էին՝ յարձակեցան ան-
կան 'ի վերայ և սպանին զՍադուրձին
անդէն 'ի բազմականի անդ : Իբրև ազգ
եղև Խպրահիմայ՝ կեղծեաց նա զանդի-
տութիւն և զարմանս և բարկութիւն ևս
ընդ ինքնահրաման գործ զօրավարին .
սակայն և ինքն հրաման ետ թագնա-
բար զօրավարի ումեմն հեծեւոց՝ Ալա-
ճա Մեհեմէտ կոչեցելոյ ձերբակալ
տանէլ զհամարակալ սպանելոյն զԱբ-

մէք ճիշդատէ և արկանեւ ՚ի բանս : Եւան-
 րացատուն եղև տեղապահն վէզերին՝
 զի յանգէտա իւր բանաարգել եղևալ
 էր համարակալն, և բողոքկալաւ առ Իս-
 րահիմ . և նա դարձեալ կեղծեաց չցի-
 տելինչ ամենեկին . և կոչեցեալ զԱլաճա
 յանդիմանեաց զնա և ասէ . « Զինչ այդ
 յանդգնութիւն իցէ բանտել զայր հա-
 մարակալ ըստ անձին հաճոյից » . և մինչ
 դեռ զայսպիսիս ասէր բերանով, զաջոյ
 ձեռին զցուցամանն ճնշելով յափ ա-
 հեկին՝ ակնարկէր սինդագոյնս սահ ու-
 նել համարակալին : Սակայն Էքմէքճի-
 զատէն յետ ժամանակաց ոչ միայն զեր-
 ծաւ ՚ի բանտէ անափ, այլ և հաստատե-
 ցաւ յառաջնում բարձին, և էառ զքէն
 վրիժուն յԱլաճա Մէհեմէտայ՝ գրա-
 ւեալ յարքունիս զինչս նորա պէսպէս
 բարբանոք :

Յայնմ ամի վէզերն մեծ էառ բերդո-
 թայս բազումս՝ զորս գրաւեալ էր Գեր-
 մանացւոց, և ձմերեաց ՚ի Պելլրատ . և
 ՚ի գալ միւսոյ ամին էառ և զամուրն
 Գանիշա կամ Գանիժէ յետ քառա-
 սուն և ութօրեայ սաշարման, յորում
 յիսուն թնդանօթք մեծամեծք անկան
 ՚ի ձեռս յալթականացն :

Այս արշաւանք Օսմանեանց ՚ի Մա-
 ճառս ձգեցան այլ ևս ամս վեց, յո-
 թում ժամանակի գեղք նշանաւորք ե-
 զնն ազմուկ հեծելազօրացն ՚ի Կոս-
 տանդնուպօլիս : Արոց սրամեղալ ընդ

գործս Քերաս անուն կնոջ հրէի, որ
 ինամակալ գտլով իրաց կանանոցին ար-
 քունի՝ խառնէր և ՚ի ինամս պետու-
 թեանն, և կաշառակուրծ ընելով զարս
 անարժանս ժաման առնէր ՚ի բարձս
 աւագութեան, ամբոխ արարին, և ՚ի
 ձայն բարձրկամէին զգլուխ սրառաւոյն
 Եւ տեղասպահ վեղերին մեծի խալիլ
 փաշա երկուցեալ զի մի զլանալով զՏը-
 րեայն՝ մահ նիւթեցէ անձին, և մօր ևս
 թագաւորին, հրաման եւ մատնել զՔէ-
 րա որդւոյն հանդերձ ՚ի ձեռս հեծե-
 լաղօրուն : Իսկ նոքա յարձակեալ ՚ի
 վերայ եղիւլեացն անդէն ՚ի գլուխ
 սանդղոց ատենին գէշագէշ պատառե-
 ցին զկննն և զորդիս նորա, և զյօշա-
 տեալ անդամն կախեցին առ դրամբք
 աւագորերոյն՝ յորոց ձեռս հաւաքերնս
 զկաշառս : Այլ խալիլ վասն այնորիկ
 իսկ ընկեցիկ եղև յիշխանութենէ իւրմէ :

Ահագնագոյն քան զայս յուզէր յա-
 րեւելս խռովութիւն ասպտամբութեան
 ՚ի նմին ժամանակի . զի Ադամուհայիմ
 Գարաեազըձի անուն գնդապետն ևնի-
 չէրեաց ՚ի գլուխ կացեալ քսան հա-
 զար Քրդաց և թիւրքմէնաց փախըս-
 տեայ գնացելոց ՚ի բանակէն որ ՚ի Մա-
 ճառս, զգէմ կալաւ երկիցս և երկցս
 արքունի զօրաց մարտիւ պատերազմի,
 և ամիացեալ յԵդեսիս՝ անուանեաց
 զանձն իւր թագաւոր Աօիոյ : Եւ թե-
 պէտ նա յեւ երկուց ամաց ՚ի պարտու-

Թիւն մասնեալ փախառահան անկառ 'ի
 լերինս ճանիկու , և անդէն մեռաւ ,
 սակայն առ նմին կաշաւ զտեղի նորա
 եղբայրն իւր Տէլի Հիւսէյին , և ընդ նմա
 Շահվերափ և Եռւարդափափ և Դա-
 փիլ զօրավարք ապաստամբ զնոյն . որք և
 յօշոտեալ զգլխակն Ապախւ ընտանայ ' թա-
 զեցին զյօշուածսն յայլ և այլ տեղիս ,
 զի մի կարտոցեն Օսմանեանք այրել զնս-
 սին : Բաղուսն աշխատ արարին սոքա
 զգօրս արքունի , և բազմագոյն վնաս
 վտանգի հասուցին բնակչաց փոքուն Ա-
 սիոյ . այլ յամէ ևս առսքեաց Տէլի Հիւ-
 սէյին զօրավարն իւր զՇահվերափ 'ի
 Աստանդնուպօլիս և խնդրեաց զներու-
 մըն : Եւ ոչ միայն զներուսն , այլ և զբօշ
 և խիւղոյս ընկաշաւ , և զկուսակալու-
 թիւն ևս Պոսնիոյ . իբրու զի ընդ թըշ-
 նամիս հաւատոյ իւրեանց մարտ եղեալ
 քաւեացէ զյանցանսն . և խառնախու-
 ժան զօրք նորա աման 'ի պատերազմ
 'ի Մաճառս :

Յամին 1600 յանկարծամահ վախ-
 ճանաւ ել 'ի կենցաղոյս դենպեան Սա-
 տեասին . յետ սակաւուց և պարա-
 գլուսին օսմանեան քերթողաց Ապախւ
 պագը , և անկեղծ և խոհական պատ-
 մագիրն Ալի էֆէնափ : Այլ 'ի սոցա մա-
 հուն ոչ ինչ այնպէս կարևոր փոփոխու-
 թիւնք եղեն 'ի պետութեան որպէս 'ի
 մեռանեւ անդ մեծի վէջիբին Իպրահի-
 մայ 'ի միւսուսմ ամին :

Քանզի խնամն խաղաղու թեան հնա-
 րեալ ընդ Գերմանացիս՝ մինչդեռ գարձ
 արարեալ գայր խպրահիմ՝ ի Կոստանդ-
 նուպօլիս, հիւանդացեալ մեռաւ. ինչք
 նորակերպան, և գիական ածեալ ի թա-
 գաւորեալ քաղաքն թաղեցաւ ի շիրմին,
 զոր ինքն կանգնեալ էր ի գաւթի անդ
 մզկիթին Շէհզատէ Ճամիաի կոչեցելոյ:
 Եւ կալաւ զանզի նորա, որպէս և զինչս և
 զկինն ևս՝ Եմիշճի հասան. և շտապ ատգ-
 նապաւ զօրու ծանու գիմեաց ազատել
 յերկամեայ պաշարմանէն զամուրն
 Գանիժէ, յորում արիարար և ճարտա-
 րահնար խորամանկու թեամբք ամրա-
 ցեալ մարանչէր զօրավարն թիրեաքի
 հասան, օժանդակիչ իւրունելով յանձ-
 կու թեան պահուն զԳարա իւմէր զմն-
 զի ինքն պատմու թեամբք զանազան է-
 րազոց քաջաւերէր զմարտիկս իւր, և
 իւմէր կեղծեալ զբարեկամու թիւն առ
 պաշարիչան՝ թուղթս պատրողահանս
 ստէպ ստէպ արձակէր ի բանակն Գեր-
 մանացւոց. և առ ի կեղծելոյ արտա-
 սուօք առաջի գերեւոցն քրիստոնէից
 զվիշտս սրտին իւրոյ՝ զի յապաղէ Ֆեր-
 աինանատս սասակացուցանել զպաշա-
 րումն ամրոցին, հանապաղ կրէր ի ձե-
 ոին իւրում թաղկինակ սեաւ թաթա-
 ւեալ ի սոխաջուր. ապա արձակեաց
 ևս զմանս ի գերեաց անախ առ Ֆեր-
 աինանատս: Այլ նա իրբն էառ զուր
 մերձենալոյ մեծի վէզերին, հարկեալ և

ի տասաիկ ճքոյ ձմերայնոյն, ՚ի փախոււտ
խուճապէ ցաւ, թողեալ լքեալ և զկահ
և զկարասի բանակին սջջոյն: Հետամուտ
է զեն ամրականքն փախստեիցն, և զերև-
ցին ՚ի նոցանէ ոգիս վեց հազար, թող
զորս ՚ի սուր սուսերի կոտորեցին. և
Թիրեաքի Հասան մտեալ ՚ի խորան գըք-
սին՝ մատոյց զտղթմն գոհութեան ՚ի
վերայ գահոյից նորին, և ապա ածեալ
սուսերան յերկուս ձեղքեաց զգահն
և նստաւ ՚ի վերայ: Իբրև եհաս անգր
վեղին մեծ, պատուեաց պարզեօք մե-
ծամեծօք զիշխանն քաջ. որ կրկին ևս
մեծարեցաւ՝ առեալ ՚ի մեծէ գրանէն
առանձին նամակ արքունի և յիզդ ոսկի:

Ի գալ ամին միւսոյ էսառ Եմիշձի Հա-
սան պատնէշ պաշարմամբ անգրէն և
զիւսթունի Պեղկրատ և զայլ ամուր ա-
մուր տեղիս, և ՚ի գարձին իւրում ՚ի
ձմերոց ՚ի Պեղկրատ քաղաք, եհաս անգր
խանն Իբրմու Ղազի քերէյ. որոյ քան-
զի կգրարքն Սելամեթ քերէյ, Մէհէմեթ
քերէյ, և Շահին քերէյ յերկրին Օսմա-
նեանց էին, առ ահին թէ գուցէ զմի ոք
ի նոցանէ ՚ի տեղի իւր կացուցանիցէ
Թագաւորն, զայս անգամ անյապաղ
փութացաւ ՚ի բանակն: Եւ վեղին մեծ
աճապարեաց հասանել ՚ի Աոստանգ-
նուպօղիս, սիր աղմուկ մեծ բորբոքէր
գարձեալ յերեսաց հեծելաղօրուն:

Քանզի սոքա յամսեանն յունուարի
յամին 1603 ամբոխ արարեալ ըողոքեա-

լան առ թագաւորն տակս յաճախելոյ
 ապատամբաց յԱսիա. յոյր տակս կամիմք,
 ասեին, գէ՛տ յանդիման խօսելընդ ար-
 քայի: Եւ արքայ ՚ի գուռն կանանոցին և
 բազմեցաւ ՚ի գահոյս՝ ունելով յաջմէն
 յահեկէ զգե՛նպեան և զսեղա գահ վէ-
 զիրին, և գխանականս երեսուն. և ա-
 ռաջնորդք ստամբակելոցն Հիւսէյն
 Խալֆա, Փորեազ Օսման, և Ճիզմի ա-
 նուն ոմն ժպրհեալ մատուցին ՚ի ձեռս
 նորին խկ արքայի, առանց տալոյ զայն
 նախ ՚ի ձեռս վէզիրաց, գիր ամբաատա-
 նութեան, որով պահանջէին սոխաբաւ
 վրէժինդիր լինել յաւադանւոյն վասն
 անխութութեան նոցին. և զի նորս են,
 ասեին, ամենայն չարեացապարտք՝ ոչ
 ինչ աղղելով ակառնդ մերում արքայի
 զհանգամանս աշխարհիս: Սմին իրի և
 սինդէին տալ ՚ի ձեռս իւրեանց յանուա-
 նէ զգլուխս երկուց ներքիննապետացն:
 Հրաման ետ արքայ յակամայ կանս՝ ա-
 ծել վազվաղակի՛ր զկառափունս նոցա.
 և անդէն բերեալ ընկեցան առ սոս
 խոտվայն սեաւ և սպիտակ գլուխն
 արխանադանդք. և արքայ ողջունեալ
 զատենակալան մեկնեցաւ ՚ի ներքս:

Ի նոյն սուրս անհնարին տազնա-
 պաւ եհաս Եմիշճի Հասան ՚ի Վոս-
 սանդնուպոլիս լռիկ մեջիկ, և ՚ի նմին
 գիշերի աղգ արար զգալուստ իւր ար-
 քայի, և գե՛նպեափն, աղաչելով զնա
 ծանուցանել ինքեան՝ և թէ յորում

պահու առաւուսուն հետք իցէ խօսանից
 լինել ընդ նմա զկարեւոր ինչ իրաց : Ի
 վաղեւ անդր ընդ վայր սպասէր նա առ
 ՚ի դե՛նպեաւնն պատասխանելոյ . քանզի
 խռովարարքն գիմնցին առ դե՛նպեան
 Սանուլարն , և առին ՚ի նմանէ վճիռ
 հրամանի՝ եթէ մահապարտ է վէճերն
 մեծ , փոխանակ զի չկարաց վճարել ՚ի
 սպառ զպատերազմն Մաճառաց , և սան-
 ձել զսպասանքան Ասիոյ : Զայն վճիռ
 եցոյց անզապահն Մահմուտ փաշա և
 երկոցուն դատաւորաց զօրացն , և սախ-
 պեաց զնոսա ստորագրել ՚ի թղթին . և
 սպա առաքեաց առ Մէհէմէտ արքայ :
 Իրազցած եղևալ վէճերն դրեաց վաղ-
 վաղակի առ արքայ՝ եթէ համախոհ է
 Մահմուտ ապաստանացն , և խոստա-
 ցեալ է նոցա ոսկիս երեսուն հազար ՚ի
 կորուստ անձին իւրոյ . և թէ հարկ է
 արդ աալ նմա պատասխանի այսպէս .
 « Զոր ինչ միանգամ գործէ վէճերն
 մեծ՝ խնովս գիտելով է , և չկամիմ զի
 որ ձեռնամուխ լինիցի ՚ի նա » : Արար
 արքայ ըստ բանից վէճերին , և զթուղթ
 վճռոյ դե՛նպեափն առաքեաց առ նա
 ՚ի ձեռն սենեկապեափն իւրոյ՝ հրամա-
 նաւ հանդերձ բառնալոյ ՚ի կենաց
 զՄահմուտ . այլ նա վաղ իսկ ճողոպ-
 րեալ էր ՚ի փախուստ :

Իբրև ընթերցաւ վէճերն զվճիռ դե՛ն-
 պեափն , գիտաց զի վճարեալ է այնու-
 հետև վասն իւր . և յայլակերպս և զեալ

փաստեալ գիշերայն և ապաւինեցաւ աւ-
 զօրավարն ենիչէրեաց : Անդր եհաս և
 սրատմադիրն Հասան պէկզատէ , որ էր
 յայնժամ Տէիս էֆէնտի , և գրեաց
 վաղվաղակի ՚ի բերանոյ վէզիրին մեծի
 առ թագաւորն թուղթ , յորում յայտ
 առնէր՝ եթէ գենապեան կուսակից է
 ապատամբաց և այլ թուղթս առ աւա-
 դանին և գլխանականս և զօրավարս՝ որովք
 ազգ առնէր նոցա ժամանեւ ընդ այդն
 ՚ի գաւիթ Սիւլէյմանեկէ մզկիթին : Անդ
 արշալուրչս առ առօտունկանխեցին ժո-
 զովեցան անգանօր ամենայն ենիչէրիք
 սպառապինեալք և վէզիրն մեծ ընդ
 զօրապեալն նոցա կանգնեալ կացին ՚ի
 գլուխ սանդղոցն : Յայնժամ զօրավարն
 ենիչէրեաց ընթերցաւ առ նոսա զինք-
 նագիր հրովարտակ թագաւորին ՚ի խրա-
 խոյս պաշտպանելոյ վէզիրին մեծի ընդ-
 դեմ ապատամբ հեծեւազօրուն : Եւ նոքա
 ընդ մի բերան յայտ արարեալ զյօժա-
 րամիտ պատրաստութիւն խրեանց առ
 հրամանն , յաւելին աղաղակել զի փո-
 խեցի գենապեան : Անդէն հրամայեաց
 վէզիրն ատեան խորհրդոյ կազմել , յո-
 րում գրեցան անուանք գլխաւորաց
 խառվայն , և փոխեցաւ գենապեան Սա-
 նուլլահ , և ընտրեցաւ ՚ի տեղի նորա
 Մուսղաֆա էֆէնտի : Ապա սորին
 վճաւ սպառնալիս մեծամեծս առա-
 քեաց առ հեծեւազօրն՝ եթէ չտայցնեն
 ՚ի գուրս զգլխաւորս խրեանց : Ի վաղե

անդր ձերբակալ եղեն գլխաւորքն ՚ի նոսա Փորեւազ Օսման և Էօրխւզ Մէհմէտ, և կայեալ յատենի աւադանւոյն՝ խօսեցաւ Օսման ընդ Հասանայ համարձակաձայն, և խոտտովան եղև եթէ ՚ի սագրանայ առաջնոյ դէնպետին բերեալ էր նա յայն դործ, և աղաչեաց մի խեղդամահ սպանանել զնա հանդոյն սպիկար կանանց, այլ սուսերաւ դահձի իբրև դքաջ պատերազմական: Եւ վէզիրն հրամանաւ արքայի կատարեաց զինդիր նոցին:

Այլ և վէզիրն մեծ զեղծաւ իշխանութեամբն, և ՚ի յագուրդ իւրոյ քինասինդրութեան զբաղումս յաւագ որբոյն պատուհասեալ, թշնամեցաւ և ընդ բուն բարեկամս իւր՝ ընդ դէնպետին, ընդ զօրտպետին և նիշէրեաց, և ընդ նորոյ ներքինսպետին. որք և չարսխօս լեալ զնմանէ առ մայր թագաւորին, նորուն ձեռամբ առին հրաման յարքայէ՝ զի խեղդամահ լիցի Հասան: Յաւուր միում մինչդեռ արքայ բանակէր ՚ի Տաւուս փաշա, խնդրեաց Հասան մտաւ գտանել առ նա յաղաքս կարևոր ինչ խորհրդոց. և ընկալեալ պատասխանի՝ զմնացէ վաղուեան աւուր, սկսաւ ՚ի կասկած երկիւղի անկանել: Եւ ընդ այգն այն ինչ նստեալ նամականի առնէր առ մայրն արքայի, եկն եհաս առ նա սենեկապետն մեծ Թիւրք Ահմետ անուն հանդերձ հրա-

վարտակաւ արքունի, և անդէն եւզնաց
 Հասան 'ի Սիւալիւճէ' 'ի տուն իւր: Ամ
 բոխ արարին ենիչէրիք, պաշարեցին
 զտուն զօրավարին իւրեանց, և սպառ-
 նային այրել զայն 'ի գլուխ նորա, որ
 պէս և զտուն գէյուեափն և զգատաւո-
 րացն մեծաց, եթէ ոչ հաստատեացի
 անգրէն Հասան յառաջնում' իշխանու-
 թեանն: Փոխեցաւ վաղվաղակի զօրա-
 վար նոցին, և կալաւ զտեղի նորա
 Թիւրք Ահմէտ, որ և գիտաց հանգար-
 տել զնոսին: Եւ յետ աւուրցինչ տանն
 ներքինիք երթեալ 'ի Սիւալիւճէ' քար-
 շեցին հանին զՀասան 'ի տանէ իւրմէ և
 հեղձամղձուկ սպանին: Եւ ընտրեցաւ
 'ի տեղի նորա վէղեր մեծ կուսակալն
 Եգիպտոսի Եաւուզ Ալի Մալգոշեան:
 Որոյ ելեալ յԵգիպտոսէ մեծաւ շքով
 գայր 'ի Թագաւորեալ քաղաքն, և զճա-
 նասարհայն ընդ ամենայն տեղիս պա-
 տուհաս 'ի վերայ կապեալ ստամբակե-
 րոց՝ խաղաղութիւն առնէր: ՅԱզէհի
 քաղաքի եկն անկաւ առ ոտս նորա և
 ապստամբն Ղուրղուր, որ զփայտեայ
 լախան իւր հարստեալ 'ի քաղաքամէջս՝
 կռով նորին սովոր էր արծաթ պահան-
 ջել, և էր ասեն կշիռն հարիւր հազար
 գահեկանի. այլ զսա անդէն առ ոտս իւր
 ակնարկեաց Եաւուզն Ալի կառափնա-
 տել:

Ընդ այն ժամանակս ետ սպանանել
 Մէհէմէտ արքայ զորդի իւր զսուլթան

Մահմուտ: Սա պատանի գոլով կայտառ
 և պատերազմատեր, բազում անգամ
 հայցեալ էր 'ի հօրէն հրաման երթալոյ
 'ի նուաճել զապստամբան Ասիոյ: Յայս
 խնդիր կասկածելի յաւելաւ և գուշա-
 կութիւն շէխի ուրումն, [Թէ պատանին
 այն թագաւորելունիցի . և սպանան և
 շէխն և մայրն ընդ արքայորդւոյն :

Այսչափ մահունք և խռովութիւնք
 ոչ խաղաղութեան ինչ էին գուշակ,
 որպէս 'ի բազմաց հետէ ըղձալին էր,
 այլ առաւելագոյն շփոթից, և ահագին
 պատերազմացն Պարսից, զորոց ժամ է
 կարճ 'ի կարճոյ յիշատակս առնել:

Պահնակ զօրականք Օսմանեանց 'ի
 քաղաքին Բավրիժ ու ելեալ ըստ օրէնս
 հլութեան և կարգի՝ ասպատակեալ էին
 յԱտրպատական աշխարհին . և Շահա-
 բաս արքայ Պարսից, որ վաղու ևս պատ-
 ճառս խնդրէր լուծանելոյ զգաշն խա-
 զաղութեան Օսմանեանց՝ յինն աւուրս
 ժամանեաց յԱսպահանայ 'ի Բավրիժ .
 և 'ի պարտութիւն մատնեալ պատերազ-
 մաւ զսակաւաւոր բանակս նոցին, էառ
 զքաղաքն, ապա և զՆախջուան . և ասպա-
 պաշարեաց զԵրևան, զոր 'ի նոյն ա-
 ւուրս նորաշէն պարսպաւ ամրացու-
 ցեալ էր Օսմանեանց:

Առաքեաց Շահաբաս զՄոլլա Եախշի
 ոմն գեսպանութեամբ առ կուսակալն
 Երևանայ, որում անուն էր Շէրիֆ
 փաշա, տալ զքաղաքն . իսկ նա անպա-

տասխանի արձակեաց զայրն : Եւ Եախ չի առ 'ի սպարուակելոյ զամօթանան՝ յայտարար'ի գարձին իւրում առ Շահ արաս՝ եթէ քանզի չկայր 'ի թղթի անդ կնիք շահին, չեղև ընդունելի : Եւ մին իրի միւս ևս թղթով անդրէն գնացեալ առ Շէրիֆ, զայս ընկալաւ 'ի նմանէ պատասխանի . « Ծորչափ ոչ գնես ջիք զքարինս սպարապիս գլխովք միոյ միոյ 'ի մերոց քաջաց, ցորչափ ոչ կարկառեացին կառափունք Պարսկացդ 'ի բրդունս բրդգունս, չիք ձեզ առնուլ զքաղաքս » : Մինչդեռ մեկնեալ գնայր Եախչի, հարան զօրքն 'ի վերայ և անդէն խոցտեալ սպանին զնա :

Եբրե աղղ եղև այսօրինակ քակտումն գաշանց բարեկամութեանն Պարսից 'ի թագաւորեալ քաղաքն, տեղասպահ վեղիբին մեծի յատեան խորհրդոյ կոչեաց զաւագանին և զգլխանականս, և կարգեցաւ սպարապետ սպարական սատերազմին Սաթթի Հասան փաշա, որ յայնժամ յաքսորս կայր 'ի Տրասպղան :

Չհետ աւուրց ինչ 'ի քսաներորդի երկրորդի աւուրամսեանն գեկտեմբերի մեռաւ Մէհմէտ արքայ : Եւ թէպէտ յիսուն աւուրքք յառաջ տերվիչ ուն աղաղակեալ էր առ նա, որպէս ասեն, « Զգոյշ լեր անձին քում, զի յետ աւուրց յիսնից թշուառութիւն մեծ ունի սպատահել քեզ » . սակայն 'ի վաղիւ ան

գրքը յեւս մահուն չունէր որք ընաւ կաս-
 կած ինչ զխօթութենէ անդամ թ ադա-
 ւորին : Այն ինչ տեղապահն վէզերին մե-
 ծի Գասրմ յատեան բազմէր ընդ այդն ,
 ամնամ սենեկապետն արքունի հրովար-
 տակ իբրև յարքայէ : Գասրմ չկարա-
 ցեալ ընթեռնուլ զգիրն , զի չկային 'ի
 նմա նշանագիծքն սովորականիք , ասէ
 ցսենեկապետն . « Ո՞ այն իցէ որ եւս քեզ
 զթուղթգ . ոչ արքայիէ գիրդ այդ » . և
 յասել նորա եթէ ներքինասպետն , Տէխս
 է՛փէնտին Հասան պէկղատէ ընթերցաւ
 զգիրն յականջս տեղապահին այսպէս .
 « Տեղապահ իշխան , Հայր իմ մեռաւ
 հրամանաւն Աստուծոյ , և ես ամբար-
 ձայ 'ի դահ . և արդ 'ի կարգի կաջիր
 դու զքաղաքդ . եթէ չար ինչ պատա-
 հեացէ , հատից զկառափն քո » : Տե-
 ղապահն գումարեալ յանձն իւր՝ չը-
 գիտէր զինչ առնել իցէ . յետոյ ուրեմն
 գրեաց առ ներքինասպետն օրինակ զայս .
 « Ժամանեաց ինձ , ասէ , արքայագիծ
 նամակ . զոր ջմանամ առ փոքրձ ինչ
 ծառայիս իւրոյ գրեալ իցէ , եթէ ճըշ-
 մարտիւ . արդ լուծանել աղաչեմ զերկ
 բայութիւնս իմ » : Յետ սակաւուց կո-
 չեցաւ Գասրմ յապարանան արքունի ,
 և ետես անդ բազմեալ 'ի դահ զերեցն
 յերկուց օրուոց Մէհէմմէտայ արքայի
 զԱհմէտ , և շուրջ զնովաւ զպալատա-
 կանան առ հասարակ յոմնկայս : Ապա
 'ի գալ թողովել անգր աւագ օրերոյն և

գիտնականաց, ածաւ 'ի գուրս գահն
 արքունի: Կբրև բոլորեցան աւագանին
 զնովաւ, և ահա բացան ներքին դրուք
 կանանոցին. եւ անտիպատանեակն ԱՏ.
 մէտ չորեքտասանամեայ՝ սևաթոյր ու-
 նելով զգլխովն արտախուրակ, և ողջու-
 նեալ զատենակալն ընդ աջ և ընդ
 ահեակ՝ անց բազմեցաւ 'ի գահոյն:
 Յայնժամ նուիրակք արքունի 'ի ձայն
 բարձր կարգացին, Կեցցէ արքայ. և այլք
 համբուրեցին զձեռս արքայ մանկանն:
 Եւ յեա այնորիկ կատարեցաւ հանդէս
 թաղմանն Մէհէմմէտայ:

Այսպէս վճարեաց զերեսուն և
 զեօթն ամաց զկեանս իւր Մէհէմմէտ
 Գ., թագաւորեալ ամս ինն, և բազում
 ինչ 'ի կարևորաց և յոչ կարևորաց արա-
 բեալ ոչ ինքնին, այլ 'ի ձեռն մօրն իւրոյ
 և վեղիրաց իւրոց, զորս յուժ ամաց մի-
 ջոցի երկոտասան անգամ փոփոխեաց:
 Աոցին խառն 'ի խուռն տեսչութեան
 գրեղի են և նուազութիւն արժէից գրա-
 մոց, և լուծուին կարևոր կանոնաց յա-
 զադս թոշակաց և սոճկաց զօրականին,
 զորոց գանգատեն սպատմագիրք Օսմա-
 նեանց:

ՍՈՒԼԴԱՆ ԱՏՄԷՏ Ա

ԹԵՍՏԱՄԵՆՆԵՐԻՆ ԱՏՄԷՏԱՅ ա-
 ռաջնոյ նշանաւորէ 'ի պատմութեանս .
 նախ զի չէր որ մանկագոյն քան զնա
 թագաւորեալ կանխաւ . և երկրորդ
 անգամ՝ զի սա ոչ սպան զէղբայրն իւր
 զՄուսղաֆա , 'ի խնամոց թերևս
 հանոյն իւրոյ Սաֆիլիէի , կամ թէ զի մի
 սպառնիցի յանկարծ տոհմն արքունա-
 կան :

Յեօթներորդում աւուր թագաւո-
 րելոյ նորոյ արքային եկն եհաս և մեծ
 վեզիրն Եաւուզ Ալի , և յայնժամ բաշ
 խեցան պարգևք զօրականին եօթն հա-
 ղիւր հազար ոսկիք ըստ սովորութեանն
 օրինի : Ի չորրորդի աւուր յունուարի
 երթեալ ԱՏՄԷՏԱՅ յԵՅՈՒԱՊ՝ ամ զմիջով
 զսուսերն արքայական . և ապա զգլխոյ
 հանն իւր զՍաֆիլիէ սուլթան հանդերձ
 ազախնեօք նորին և ներքինեօք առա-
 քեաց 'ի հինն արքունիա առ 'ի մտաւ-
 նալոյ իմն նմա զանցեալ մեծ ութի իւր և
 զգօրութիւն՝ որովք վարեցաւ նա զամս
 քսան և ութ . և էր ինքն բնիկ խաւարցի
 յաղգէ 'ի Վենետիկ քաղաքէ :

Յառաջնում ուրբաթուն մեծաւ հան-
 դիսիւ երթեալ ԱՏՄԷՏԱՅ 'ի միկիթ , 'ի

նմին երեկոյի կրճատեցաւ յապարանս վէղերին մեծի: Յետ աւուրց ինչ հարեալ 'ի ծաղկէ՝ հիւանդացաւ, և մեծապէս կասկած երկիւղի կալաւ զքաղաքացիս՝ մինչև սպաքինեաց: Եւ սպահրաման եա արքայ ճղալէ զատէ ծովա կալին սպարապետութե՛ սրաշամամբ խաղալ 'ի Պարսս, և վէղերին մեծի 'ի Մաճառս:

Ընդ այն ժամանակս Շահաբաս արքայ Պարսից վեցամսեայ սրաշամամբ էառ զԵրևան, և ասէ ցՇէրիֆ փաշա. «Այս գոլով դու մտացի և խոհական, զինորդ ոչ գիտացեր չվրիպէլ յայնչափ սրատուոյ և 'ի ճոխութեանց՝ զոր ընդունէիր յինէն »: Եւ սրատախանի Շէրիֆ և ասէ. «Քանզի անհրաժեշտ սարտք են ծառայից՝ ընչիւք և կէնօք չափ նուիրել 'ի սպաս տերանց իւրեանց, ոչ կարծէի երբէք սարսաւանս ընդ այնորիկ լսել յումեքէ »: Եւ Շահաբաս արձակեաց զնա յազատութիւն ըստ սպամանին. այլ ցգիտնականս Օսմանեանց ասէ. «Գնեք էիք որ ետուք զվճիռն, եթէ սպանումն միոյ սարսկի զուգակչիս իցէ կոտորածի եօթանասուն ամբարշտաց »: և հրամայեաց անդէն դառնակակիժ տանջանօք սպանանել զնոսս: Ապա և Էմիրկիւնէ կամ Ամիրգունա իշխան նորին սրաշամամբ էառ զԱզնադալէ, և զընակիչան զհայկաղունս անհնարին տառասանօք վարեաց յԱսպա

հան : Եհաս և Շահարաս ինքնին և էառ զԿարս . այլ 'ի լուր դալասեան ճղալէ զատէ սպարապետին 'ի Կոստանդնուպօլսոյ , շտապ տաղնատլաւ վարեաց ըզհայս իբրև զհօտս խաշանց 'ի Պարսկաստան , և զխոտ դալար և զարմախս երկրին հրձիգ արարեալ անապատ ամայի արար զաշխարհն և մեկնեցաւ 'ի Դավթ , զի և ձմեռն սասախկ 'ի վերայ հասեալ կայր : Կամէր սպարապետն Օսմանեանց ձմերէլ 'ի Շիրուան , ուր կուսակալէր մի ոմն յորդուոց իւրոց : Այլ ընդդէմ կացին նմա զօրականքն և ասեն . «Նաւատորմին կացեալ քո առաջնորդ 'ի Մեսինա զնաւան ամէիր , զի զմայր քո տեսցես . և զբանակս արդ 'ի Շիրուան տանիս՝ զի զորդիդ քո դոցես . արքայն Պարսից փախստական գնայ , և մեզ ջիք ժամանել նմա . սրաշարել զԴավթէ ջան է անօգուտ , և ձմեռն 'ի վերայ հասեալ է , հասլա դարձցուք 'ի փոքրն Ասիա » : Գուն գործեաց ճղալէ համողկեր բանիւք խաղաղել զգօրան . այլ նոքա կործանեցին զվրանն 'ի գլուխ նորին , և նա խոտորեցաւ 'ի Վան : Սակայն և անտի գաղտագնաց եղև յԱրծկէ և 'ի Կարին , զի Շահարաս զօրօք բազմօք եկեալ էր փակել սրաշարել զնա 'ի բերդի անդ . որ և 'ի լաւէ անդ զփախուտոն ճղալեայ՝ մեկնեցաւ յերկիր իւր :

Իսկ 'ի Կոստանդնուպօլսոյ վեղերն մեծ Եաւուզ Ալի յուղի անկեալ մեծաւ

պատրաստու թեամբ գիմեաց յարեմու-
տըս կոյս , և հիւանդացեալ մեռաւ 'ի
Պեղկրաս . և կնիքն արքունի ածեալ առ
Թադաւորն՝ առաւ 'ի տեղապահն Հա-
ֆրդ փաշա . այլ 'ի շառնուլ նորա յան-
ձրն՝ գիտեւ լով չափ զճանրու թիւն պա-
տերազմին՝ առաքեցաւ կնիքն առ Վաշա
Մէհէմէտ փաշա : Սա առ տասկու-
թեան ձմերայնոյն չկարաց առնուլ ըզ-
փէշթ և զԱրան . և թողեալ յերկրին
Մաճառաց զԹոթթամըշ քերէյ զորդի
Ղազի քերէյայ խանին Խրխու , դարձ
արար 'ի Պեղկրաս , և անախ 'ի Բիւզան-
դիոն :

Յայնմ ժամանակի Գասըմ փաշա ,
որ յառաջ տեղապահ էր վէլիքին մեծի ,
անհնարին վիշտս հասուցանէր ժողո-
վրդոց փոքուն Ասիոյ . նմին իրի առաքե-
ցաւ առ նա պոսթաննձի պաշին հան-
դերձ հրովարտակաւ արքունի՝ առնուլ
զգլուխ նորա : Այլ Գասըմ բանագոյն
քան զնա գտեալ՝ դարձոյց յետս զայրն :
Եւ արքայ արկ զնա յիշխանութենէ ,
և արձակեաց զՏէրվիշ աղա զոմն կոչել
զԳասըմ 'ի Կոստանդնուպօլիս բանխօ-
քաղցրութեամբ , խոստանալով երդ-
մամբ չափ անբառնալ զնա վերստին յա-
ռաջին իշխանութիւնն իւր : Անկաւ Գա-
սըմ 'ի հաղբան , և հասեալ 'ի Կոստանդ-
նուպօլիս՝ իբրև եկաց յանդիման ար-
քայի , և հարց զնա Ահմէտ առաջի գէն-
պեաին և ուսուցչին իւրոյ , եթէ զի է

զի այս երկիցս անդամ յամառեալ պրն՝
 գեցար ընդդէմ հրամանիս: Եւ ՚ի պա-
 սանձել նորա եհարց արքայ վճիռ հրա-
 մանի ՚ի գեհակեակն . և ըստ բանի նորա
 ակնարկեաց սրաշունելից իւրոց , և նոքա
 անդէն անկան ՚ի վերայ նորա և գլխա-
 տեցին , և զգլխակն նորա եղեալ ՚ի ձի
 կողավէր յաճեցուցին առ առակէ ընդ-
 քաղաքն: Ահմէտ արքայ կացուցեալ տե-
 ղապահ զՍարրգձի Մուսղաֆիա՝ ասե-
 ցնա . «Եթէ չար ինչ գործիցես , սուր
 կերիցէ և զքեզ որպէս եկերն զԳասըմ»: Եւ
 արդարև գործեաց նա չարիս բա-
 զումս ՚ի սուղ ժամանակի՝ վեր ՚ի վայր
 արարեալ զկարգս պետութեանն , և
 ըստ կամի տալով իշխանութիւնս արանց
 անարժանից , և գլխատեցաւ ՚ի հրամա-
 նէ արքայի :

Ի նմին ամի ծնան Ահմէտայ արքայի
 որդիք երկու , Օսման և Մէհմէտ , և
 վասն անդրանկանն ջահավառութիւնք
 եղէն ՚ի քաղաքին զաւուրս եօթն :

Ընդ այն ժամանակս յաճախելին յԱ-
 սիա օր ըստ օրէ ապստամբութիւնք . զի
 փոխանակ Տէլի հիւսէյինայ յարեան
 Գալէնտէր օղու , Գարա Սայիա , և Սաչ-
 լու խալիլ ՚ի դաւառին Սարուխանայ:
 Այլ մինչդեռ այսպէս երրակի պատե-
 լազմօք նեղէր յայնժամ օսմանեանն
 պետութիւն , հարկ ՚ի վերայ կայր գէթ
 ՚ի միոյն թափել զանձն , զի զերկոցունց
 զփոյթ կալցի , զՊարսից և զասպատամ-

բաց : Սմին իրի վէղերն մեծ Լալա Մէ-
հէմմէա առեալ յարքայէ զիշխանութի
խօսելոյ ընդ Գերմանացիա 'ի հաշտու-
թիւն յեա առնելոյ զԱրան , խաղաց 'ի
Մաճառս , էառ զԱրան , պատկեաց 'ի
ԹագաւորՄաճառաց զՊոչքայ զիշխանն
Էրտէլայ կամ Գրանտիլվանիոյ և դար-
ձաւ ձմերեւ 'ի Պելկրատ : Յեա սակա-
ւուց կոչեցաւ յարքայէ , և 'ի քսութենէ
Տէրվիշ աղայի որ պոսթանձիպաշի էր ,
անկեալ ընդ խխտ հրամանօք արքայի
մանկան , պատուէր ընկալաւ դառնալ
դնալ 'ի սրատերազմ ընդդէմ Պարսից ,
կամ թէ 'ի բաց տալ զկնիքն արքունի :

Մինչև հասեալ նորա 'ի Առասանդ-
նուպօլիս՝ խռովեցան դարձեալ ենիչէ-
րիքն և սպայք , քրթմնջելով սակս յա-
պաղելոյ ռոճկաց իւրեանց . մերժեցին
զթան , և քարաձիգ եղեն 'ի զօրավարս
իւրեանց : Յայնժամ Ահմէա արքայ
վեշտասանամեայ դուրով հասակաւ , լի
սրամտութեամբ զդեցեալ հանդերձ թի-
րանի՝ չոգաւ 'ի պատշգամն Պայեղիտայ
արքայի , և ժողովեալ զաւագանին և
զզօրավարս և զատենադալիրս և զհինա-
ւուրց զօրականն՝ ասէ ցնոսա . « Ապա-
քէն ասացաւ ձեզ 'եթէ ընդ հուպ դարձ-
ցի այսրէն համարակալն որ 'ի գրամա-
ժողովս առաքեալ է , և հատուցին ձեզ
Թոշակքն ձեր . և զի է զի ոչ հաւա-
տայք , և յայսչափ ժպրհութիւն թեա-
կոխէք առաջի դրան խնոյ . տուք 'ի բաց

վաղվաղակի դյանցաւորանն: Առաւելեն
 ամենեքեան ընդարմացեալք յահէ թա-
 գաւորին. և ապա յառաջ մատուցեալ
 մի ոմն ՚ի գնդապետաց՝ ասէ. «Տէր ար-
 քայ, ոչ պաշտասկանք քո են որ ՚ի սոյն
 յանգգնեցան, այլ եկամուտք ոմանք
 սարդեալք ՚ի վաշտ հեծելոց»: - «Ասա
 ինձ զանուանա նոցա» ասէ թագաւորն:
 Եւ զորս անուանեաց գնդապետն՝ առ
 ժամայն գլխատեցան: Եւ ապա ար-
 ձակեալ արքայի զնոսա ՚ի տեղիս իւ-
 րեանց՝ ասէ. «Եթէ այլ ևս անցանկոյէք
 ըստ չափ, սոյն անցք անցցեն և ընդ
 ձեզ ամենեսին»: Բարձին ինքեանք
 իսկ զօրականքն զգիտակունս սպանելոցն
 և գնացին. և ՚ի հասանել համարակա-
 լին ընկալան զթողակս իւրեանց:

Իսկ Աղա Մէհէմէտ յակամայկամս
 ուղևորեցաւ ՚ի սրասերտով ընդդէմ
 Պարսից. այլ անդէն յառաջնում օթե-
 ւանին հարաւ ՚ի կաթուածէ, և ՚ի չորրոր-
 դում աւուրն մեռաւ, և անց ՚ի տեղի
 նորա նախանձորդն իւր Տէրովիչ փաշա:
 Սակայն և նա յեա անչափ բռնութեց
 զինի երկոց ամսոց նշաւակ եղև քինա-
 ինդրութեան հրէի ուրումն: Սա վե-
 րաստուչ գորով շինուածոյ ապարա-
 նիցն Տէրովիչայ հանդէպ արծաթի գրան
 արքունեացն, ծախեալ էր ՚ի նա գանձս
 յուրմս. զոր իբրև գիտաց Տէրովիչ, զյօն-
 սըն սրստեալ ասէ ցհրեայն. «Աարի իմն
 է հաշիւդ»: Իսկ հրեայն հմուտ գորով

ազահու թեան և անադորոյն բարուց
առնն, անդէն պատառեաց զհաշուե-
ղիրն, և ասէ ցնա. «Ծառայ քո հան-
դերձ ընչիւք իւրովք տեառնդ է. և թէ
տեառնդ չէր ինդրեալ յինէն զհաշուն,
ինձ և ընդ միտս անգամ չանկանէր պա-
հանջել առ ՚ի քէն խերևէշ մի»: Այս-
պէս սուտ յուսով խնդացուցեալ զվէ-
ղիրն մեծ, հնարեցաւ առնուլ զվրէժ
զրկանացն այսպէս: Վազմեաց յապա-
րանս նորին ուղի ստորերկրեայ, որ հա-
նէր մինչև մօտ յարքունիս թաղաւորին.
և իրրև հարուստ մի յառաջ մատոյց
զգործն, ազգ արար հաղարապետին, և
նա արքայի: Խորհուրդ կալաւ Ահմետ
արքայ ընդ ուսուցչին իւրում և ընդ
դէնպետին. և ասացին նոքա, եթէ քրէ-
ական յանցանք են այդ վէղիրին: Յա-
ւուր միում ընդ մտանել նորա առաջի
արքայի՝ թիկնապահք սորա խեղդ ար-
կին նմա յատենի անդ. և ՚ի արտփել
նորա ոտիւքն և ձեռք՝ ինքն խակ թա-
ղաւորն եհատ ասեն զգլուխ նորին, և
մահ նորա խնդու թիւն մեծ եղև ամե-
նեցուն:

Յայնժամ առաքեցաւ կնիքն արքու-
նի առ Գույուձի Մուրատ փառա՝ որ
էր ՚ի բանակին ՚ի Մաճառս. և նա վճա-

1 Այսպէս իռլեցաւ նա, զի իմնութեան
ճանախա՞ ՚ի դադերաշէլի-բո՞ւ՞մ ընդ Պարսս
անիւտէլ էր ՚ի ջրհոր ուրե՛ս:

րեաց զգաշնագրութի խաղաղութեան
 ընդ Քերմանացիս առ Գոմորն ամրացաւ
 ՚ի Սիլմվաթորոք գաշաին ՚ի մեաստան
 աւուրամսեանն նոյեմբերի յամին 1606
 յեօթնևտասն գլուխս բանից : Եւ գլու
 խաւոր պայմանք էին , ազատ լինել կայ
 սերն Քերմանացւոց յամ ըստ ամէ հար
 կատուութենէ անախ երեսուն հազար
 սկււոյ՝ զոր ընծայաբերութեան ա
 նուամբ հատուցանէր նա Օսմանեանց ՚ի
 յինամեայ ժամանակաց հետէ . և փո
 խանակ այնորիկ մի անգամ ևեթ հա
 տուցանել երկերիւր հազարս գահեկա
 նաց . և զի մի ևս կոչեացեն Օսմանեանք
 զկայսրն թագաւոր Ալե՛նայի . և գես
 պանս առաքեացեն առ նա ոչ յանկա
 ծից զոք կամ ՚ի ստորնագոյն պաշտո
 նէից , այլ զայնպիսիս՝ որ գոնեա գա
 ւառի միոյ պետք իցեն : Ա յս առաջին
 գաշինք են Օսմանեանց , յորում
 զԵւրոպացիս ըստ իշխանական մասին
 եղբարս և իւրեանց ուխտակալ բարե
 կամս ծանեան , և ոչ ծառայս և հար
 կատուս : Ա յն ամ նշանաւոր է և յա
 զագս մտանելոյ ՚ի մէջ Տաճկաց սովո
 րութեանն ձգելոյ զԾուխ . որ թէսկա
 զառաջինն սասակագոյնս արգելաւ , այլ
 սպա անկորզելի արմատացաւ առ նոսա
 իբրև զխահվէն և զափիոնն :

Քան ՚ի պատերազմէն Մաճառաց ,
 մանաւանդ ՚ի յաճախութենէ ապրս
 տամբաց ածան Օսմանեանք ՚ի հաշտու

Թիւն ընդ Գերմանացիս . վասն որոյ զամենայնուշ իւրեանց դարձուցին այնուհետև յԱսիա ընդդէմ Գալէնտեր օղու , Գարա Սախտ , Գընալը , Գանաքիրլի Մէհէմէտ , Թուփալ Օսման , Միսէլլի չաւուշ , Ճէմէլտ , Ճանպուլատ և Ֆախրէտափն անուն ասպատամբ աւազակաց , որք զօրս գումարեալ և ՚ի զանազան տեղիս բռնացեալ կեղէին զժողովուրդս , և մանաւանդ զտարաբախտ ազգս մեր ընդ ամենայն Հայաստան :

Խաղաց գնաց մեծ վէզիրն Մուրատ յամի 1607 ընդդէմ սոցս , և մանաւանդ ընդդէմ Ճանպուլատայ՝ որ բռնացեալ յերկրին Ասորոց և դրամ և սահառեալ էր յիւր անուն : Վալա յԻկոնիոն զոմանս յաւազակաց անտի . և սպանեալ զնոսս արկ զղիակունս նոցին ՚ի գուբս գուբս : Մի էր ՚ի նոցանէ և Սերրաճղատէ Ահմէտ պէյ . այլ ՚ի բարեխօսեւքաղաքացւոց վասն նորս , զի սանձահարէ ասէին զասպատամբս , կոչեաց Մուրատ զայրն և ասէ ցնա . « Վամիմ էս ՚ի քեզ ասպատան առնել զտեսչութիւն քաղաքիս և գնալ ընդդէմ Ճանպուլատայ . այլ թէ պէտք ինչ լինիցին՝ ո՞րչափ ինչ արս մօրթիցիս տալ ինձ յօժան գակութիւն » : Ըմբռնեցաւ ՚ի ծուղականդր աւազակապեան և ասէ . « Արս երեսուն հազար՝ փոքու իմն աշխատութեամբ » : Մուրատ գովեաց զնա և շնորհս կալաւ զնմանէ . և իբրև էլ նա՝

ասէ ցքաղաքացիան . «Եւ զի նչ լինիցի
 թէ զայսպիսի այր թողուցում էս կեն-
 դանի զհետ իմ ամրանալ յԱկոնիոն ե-
 րեսուն հազար արամեք» : Եւ արկաւ
 այրն 'ի գուբ մահապարտաց : Յերկրին
 Ասորոց եւ ընդ առաջ զորաց վէզերին
 աւազակապետն Ճանապուհատ քառա-
 սուն հազար արամեք , և խորտակեալ 'ի
 նմանէ արիւնըսուչոս պատերազմաւ
 փախտական գնաց 'ի Բերիա . սակայն
 և անտի հաշածեցաւ 'ի կանանց և 'ի
 մանկուոց անգամ քաղաքին քարամեք
 և կոշտիւք , և Մուրատ յաղթանակաւ
 մտեալ 'ի ներքս՝ ձմերեաց անդանօր :
 Իսկ Ճանապուհատ փախուցեալ 'ի Նիկո-
 միդիա , և անտի 'ի Կոստանդնուպօլիս ,
 թողու թեան հանդիպեցաւ յարքայէ ,
 որպէս երբեմն Տէլի Հիւսէյին , և ըն-
 կալաւ զկուսակալութիւն Գալլիարայ .
 և ապա 'ի բնակչաց անտի տեղոյն
 հաշածեալ անկաւ 'ի Պելլրատ և անդ
 սպանաւ :

Ի ժամանեւ գարնայնոյն գիմեաց
 Մուրատ 'ի վերայ Գալէնտեր օշ-
 լու ապստամբին , որ քսան հազարաւ
 ասպատակէր 'ի փոքրն Ասիա : Եհաս առ-
 նա և ճակատեցաւ ընդդէմ բանակի
 նորին : Հարան բախեցան սաստկապէս
 յերկոցունց կողմանց . և այն ինչ ան-
 պարտելի թուէր մնալ սպատերազմն երկ-
 ուստեք , ծերունին Մուրատ իբրև ըզ-
 շանթ կայծական ոտտեաւ յանկաբժ

առաջի թշնամեաց, մերկացաւ զհնդիկ
 սուսերն իւր՝ զոր քառասուն ամօք յա-
 ռաջ օրհնեալ էր արարացի ոմն, շար-
 ժեաց զնա երկցս անգամ ընդդէմ
 թշնամեաց, արձակեցան անդէն միան-
 գամայն հրազէնք համօրէն, և խրախու-
 սեալ բանակին մեծաւ արուժեամբ դի-
 մեցին ՚ի վերայ տապտամբացն իբրև ըզ-
 հեղեղս ջուրց հոսեալ ՚ի բարձանց ՚ի
 դաշտ և ՚ի ձոր, և հալածեցին զնոսս
 մինչև ՚ի սպառ: Ի նմին ժամանակի և
 այլք ՚ի զօրավարաց խորտակեցին զայլս
 յապտամբաց ՚ի Պաղտատ և ՚ի Վիլիկիա,
 մինչև Եհաս և Մուրատ ՚ի թիկունս
 նոցա ՚ի Սեբաստիոյ: Զիննանամենիւք
 ուրեմն էր այրն մեծ, և բազմօրեաց
 ճանապարհորդէր հեծեալ յերկվար. և
 ՚ի ննջեւ իւրում բազում անգամ անջն-
 չացեալ իմն թուէր: Յանդ ընդ բերան
 ամէր զբան իմաստնոյ ուրումն՝ եթէ
 «Պարտ է աւագ որերոյ Մովսէս լի-
 նեւ ՚ի ներքուստ, և Փարաւոն արտա-
 քուստ»: Յառաջ քան զպատերազմն
 առ Աստուած դիմէր աղօթիւք, և ըզ-
 սուսերն շուրջ զիւրև երկցս շողացու-
 ցեալ՝ ապա յարձակէր անձամբ ՚ի թըշ-
 նամիս. և յետ յաղթուժեան բազմեալ
 ՚ի խորանի իւրում՝ փոսս տայր առաջի
 իւր հատանեւ, և զգիակունս անկե-
 լոցն անդր ամանաւ: Յաւուր միում
 մինչդեռ յայս գործ պարապէր, ետես
 զոմն ՚ի հեծեւազօրուէն, որ հափափեալ

զմանուէկ մի և փախչէր : Առջեաց զմա-
նուկն զառաջեաւ, և եհարց ցնա՝ եթէ
զիարդ է զի ՚ի բանակի ապստամբաց
դասնի նա . և յասել նորա եթէ հայրն
խմ առ կարօտութեան հացի նուագա-
ծու էր բանակին, «Ա՛հ, ասէ Մուրատ
վեր ՚ի վերոյ ժպտելով . խրախուսիչ
էր ապա հայր քո ապստամբաց?» . և
հրամայեաց սպանանել զմանուկն : Գը-
թացան դահիճքն յարտատուս անմե-
ղին, և չսպանին զնա . այլ և ոչ ևնիչէ-
րիք, և ոչ սպատաւորք վէզիբին : Յայն-
ժամ Մուրատ ՚ի բաց եղեալ յանձնէ
զսամուրենին՝ կալաւ զմանուկն, և թե-
քեալ զպարանոց նորին առ փոսիւն՝
եղէն զնա իբրև զգառն անմեղ . և ապա
ասէ . «Այսպէս ջնջել արժան է զսեր-
մանս ապստամբութեան, զի մի արմա-
տացին» :

Խստագոյն քան զայս էր պատուհա-
սըն զոր եղ նա ՚ի վերայ էմիրչահ ա-
նուն իշխանին Պէկէհէհրի քաղաքի . որ
թեպէտ և ՚ի բազում նուագս նկուն ա-
րարեալ էր զչունդս ապստամբաց, սա-
կայն բազմագոյն ևս աղետիւք տառա-
պեցուցանէր և կեղեքէր զմօտակայ
չէնան . այլ Մուրատ ցանդ պատուէր զնա
և գթով վարէր ընդ նմա : Այն ինչ կա-
մեր ապա չու առնել բանակաւն ՚ի կող-
մանց անախի, դատաւորն Սէյախէհր
քաղաքի Ֆիլղատէ Աստիւրրահիմ ա-
նուն բազում չարախօսութիւնս մատոյց

Մուրատայ ղԷմիրշահէն : « Ժուժեա
 եղբայր, ասէ ցնա վէզերն . ես հատու
 ցից զպարտս անօրինին » : Մինչդեռ
 Էմիրշահ յընթրիս բազմեալ 'ի վրանի
 տեղապահին գեռ ևս ուտէր զփիլանն ,
 հատասարազուկ ոմն պաշտօնեայ վէզերին
 յանկարծակի հասեալ 'ի վերայ՝ արկ ըզ
 խեղդանն 'ի պարանոց Էմիրշահին և
 հեղձոց զնա այնպէս ուժգին , զի բրինձ
 բլին ընդ ունդունա նորս արտաքս բըղ
 խեալ սորսօրէին :

Կբրև եկին հասին աւուրք ձմերայ
 նոյն , Թադաւօրն 'ի սաղբելոյ Թշնա
 մեաց Մուրատայ՝ յղեաց առ նա պա
 տուէր ձմերելոյ 'ի Կարին , զի գար
 նայնի խաղասցէ ընդդէմ Պարսից : Զար
 մայաւ Մուրատ ընդ հրամանն , և գը
 բեաց պատասխանի , եթէ քանզի չև ևս
 խորտակեալ են 'ի սպառ գունդք աւա
 զակաց առանկն , զինչ շահ իցէ վաղվա
 ղէլ ընդդէմ օտարտաւոյն : Այլ 'ի կրկ
 նել առ նա արքունական հրամանաց՝
 խաղաց զնաց 'ի պատերազմն :

Սակայն զօրքն առ հատարակ հատան
 'ի արտունջ , և Մուրատ յակամայ կամս
 ուղևորեցաւ 'ի Կոստանդնուպօլիս , և
 եմուտ անգր մեծաշուք յաղթանակաւ ,
 և դայր ամէր չորեքհարիւր դրօշս , յօ
 րոց վերայ դրօշմեալ էին խոշորագիր
 տառիւք անուանք ապատամբացն նուա
 ճելոց : Իսկ Թիւ կոտորելոց խառվացն
 յայնմ արշաւանին ոչ ինչ պակաս էր

քան զհարիւր հազար : Պատուեցաւ
 Մուրատ յարքայէ ըստ արժանի վաս-
 տակոցն . և զձմեռն զայն սլարասլեալ 'ի
 հասաստութիւն դաշանց ուխտին ընդ
 Գերմանացիս , սլատրաստէր չուել 'ի
 Պարսս : Այլ նախ խնդրեաց խօսել ընդ
 արքայի առանձինն . և ընկալեալ զխըն-
 գիրն՝ երդմնեցոյց զնա չասել ինչ ումէք
 զխորհրդոյն զոր տացէ նմա : Ապա յայտ-
 նեաց արքայի զհնարան որովք հնա-
 րէր կորուսանել յառաջագոյն զասլրա-
 տամբան Ասիոյ , զՄիւսէլի չաւուշ՝ որ
 'ի Վիլիկիա , և զԵուսուֆ փաշա , որ 'ի
 դաւառին Սարուխանայ բռնացեալէին :
 Եւ արքայ դովեաց զնա և արձակեաց 'ի
 խաղաղութիւն : Ըստ գաղտնի թելա-
 դրութեանն Մուրատայ՝ զՄիւսէլի որ
 սացաւ նենդանօք Զիւլֆիգար կուսա-
 կալն Վիլիկիոյ : Իսկ զերկրորդն զԵու-
 սուֆ ինքն Մուրատ նենդաւ առ իւր
 հրաւիրեաց յԻւսկիւստար , ուր անցեալ
 կայր բանակաւն , որպէս թէ ոչ զոք
 քան զնա ունիցի յարմարաւոր 'ի զորա-
 վարութիւն սլարսկական սլատերազմին :
 Եւ իբրև եկն՝ մտերմութիւն յոյժ կեղ-
 ծեաց առ նա Մուրատ . բազմեցոյց զնա
 առ իւր 'ի նսին բազմականի , զգեցոյց
 նմա և արանցն որ ընդ նմա սլատմուճա-
 նրս սլատուոյ , և ամսօրեայ ժամանակաւ
 դեգերէր անդանօր՝ մինչև էառ զուր
 սպանմանն Միւսէլեայ : Ապա յաւուր
 միում ընդ առաւօտս կոչեաց զԵու-

սու թ նախաճաշէլ ընդ իւր , զի վաղիւ
արձակեցից զքեզ , ասէր , 'ի պատերազ
մին . և ես ալևորս դարձայց 'ի հանգիստ
խմ 'ի Կոստանդնուպօլիս : Եւ 'ի հա
սանել նորա՝ մեծաւ սիրով և գրգանօք
ընկալաւ զնա Մուրաա . «Որդեակ իմ
սիրուն , ասէ , իմն Եուսու թ , եկ բազ
մեաց առ իս 'ի խորանիս , և արբցուք եր
կոքինս 'ի միասին զվերջինն խահվէ , և ո՛
ղիտէ թէ տեսանիցեմ այլ ևս զքաջա
յաղթ որդեակդ իմ » : Ածաւ ըմպելին ,
և մինչև արբեալ էր նոցա՝ եկն եմուտ
սենեկապետն Մուրատայ , որպէս յա
ռաջագոյն բանս եղեալ էին , և ասէ .
«Արդ իսկ ժամանեաց , տէր , կուսա
կալն Աւլունիոյ . զի՛նչ արժանիցէ տալ
նմա պատասխանի » : Զայրացաւ յոգի
իւր ծերունին և գոչեաց . «Ո՛հ , և չկարի
ցեմ վայրկեան մի ժամու յանդորրու
վայելել . հասկա ելից վայրիկ մի . այլ
դուք , ասէ ցտեղապահն իւր և ցերկո
սին ատենագալիսն , ընկերեսջիք փոքր
մի որդեկիս իմում և պատուէսջիք զգա » :
Բազմեցան արքն . և մինչդեռ մատու
ցանէին առ Եուսու թ զխարշ պճղանց ,
որ է փաջա , խոհակերն 'ի տալ անդնմին
միով ձեռամբ զպնակն՝ եհար միւսովն
և ընկէց զփակեղն նորա 'ի դեպին : Յար
ձակեցաւ միւս ոմն և կալաւ զձեռս նա
րա , և այլք հատին զգլուխն և անկեցին
հանդէպ խորանին հուպ 'ի գլուխ Միւ
սելի ջաւուշայ :

Կամէր Մուրատ սպանանել նոյնօրինակ իմն հնարիւք և զէքմէք ճիղատէ Ահմէտ զհամարակալն 'ի սլառձառս յամբ շարժելոյ նորա 'ի ժամանել յօգնութիւն իւր 'ի փոքրն Ասիա 'ի սլառէրազմ . և հրաման ևս էառ նմին իրի յարքայէ : Մինչդեռ համարակալն անցանէր 'ի Կոստանդնուպօլսոյ յԻւսկիւտար և մօտ էր 'ի ծովափն , ահա իբրև զնետ սրաթռիչ անց առ նովառ նաւակ մի , և ձգեաց առ նաթուղթ համառօտ : Ընթերցաւ զայն համարակալն , և անդէն հրամայեաց թիափարացն դառնալ ձեպով 'ի Կոստանդնուպօլիս : Գիտաց զիրան և Մուրատ , և սրամտեալ լռեաց : Ի վաղիւ անդր ազգ արար արքայ համարակալին՝ եթէ յանհնարիցն է ազատել զքեզ 'ի ձեռաց վէշիրին . վասն որոյ զգոյշ լեր անձին քու՛մ : Քաջալերեցաւ համարակալն յանձն իւր , և ծրարեալ հազարս ինչ ոսկւոյ՝ գրեաց առ արքայ թուղթ աղաչանաց այսպիսի . «Յիս տէր իմ արքայ . փրկեա՛ զժառայքս զԱհմէտ 'ի ձեռաց Մուրատայ . հրամայեա՛ զի Պագը փաշա երթիցէ փոխանակ իմ՝ 'իբանակն որպէս համարակալ . խորան իմ և զէնք թող նորա եղիցին » : Յետ աւուրց կոչեաց արքայ զվէշիրն առ իւր . «Ողջամք դալուստքո՛ւ , ասէ , դաստիարակդ իմ , անց բաղմեաց , քանզի ծերեա՛ » : - «Քաւ ինէն տէր , ասէ վէշիրն . գիտէ ծառայքո՛ւ

զատի իւր» . և երկիր եպագ նմա : «Խոն-
դիր մի հայցեմ 'ի քէն , դաստիարակ
խմ» ասէ արքայ : Դարձեալ երկիր ե-
պագ նմա Մուրատ և ասէ . «Տէր խմ
արքայ հայցիցէ խնդիր 'ի ծառայէ իւրմէ,
զի՞նչ զոր հրամայիցես տէր» : «Ազաչեմ
զքեզ շնորհել ինձ զԱհմէտ , և յետս
կալ 'ի խորհրդոյ անտի սպանանելոյ
զնա» : Ոչ այլ ինչ կարաց Մուրատ առ-
նել նմա սրտասխանի՝ բայց զայս .
«հրաման է տեառն իմոյ արքայի» :
«Ազդիւ եկեսցէ նա առ քեզ , ասէ ար-
քայ , այլ մի ինչ անցուցես ընդ նա
չարիս . և եկեսցէ ընդ քեզ փոխանակ
նորին Պազը փաշա» : Ի նմին գիշերի
առաքեաց էքմէքճիզատէ առ վէզիրն
ոսկիս հինգ հազար հանդերձ խոնարհա-
կան թղթով . և 'ի վաղիւ անդր ընկալաւ
զնա Մուրատ գորովանօք , և յարձակելն
զնա ասէ . «Յայսմ հեռէ կեցցուք 'ի խա-
ղաղութեան» :

Ներքինապետն նախանձոտ 'ի գըր-
դուելոյ գենապետին ուր ուրեմն առաջի
արար արքայի , եթէ ծեր է վէզիրն , և
յայն սակս դանդաղի չու առնել 'ի սրա-
տերազմն , զի զերծանիցի 'ի վատտակոց .
այլ յայս նուազ գոչեաց թագաւորն 'ի
վերայ նորա . «Աարկեաց թշուառական ,
ո՞ իցես դու . Մուրատ քաջ ախոյեան
է և նահատակ , և վէզիր իմաստուն և
ծերունի . նա ինձ ստացաւ զԱսիա ող-
ջոյն , և զանձն 'ի բռին եդ յաղագս խմ .
մի ևս այլ լուայց 'ի քէն բան զնմանէ» :

Այսպէս ամիսս չորս կացեալ Մուրա-
տայ խորանաւ յԻւսկիւտար, յամսեա-
ննն նոյեմբերի դարձ արար 'ի Կոս-
տանդնուպօլիս որպէս 'ի սլատերազմէ
մեծէ, և անդորրացոյց զԱսիա:

Ի նմին ամի ծովակալն Խալիլ փաշա,
որ էր բնիկ կեսարացի և հայ ազգաւ,
յաղթեաց տասն նաւուց Մելիտացւոց
'ի նաւամարտի, դերեաց 'ի նոցանէ նա-
ւրս վեց, ընդ որս և զնաւն մեծ Գարա
ճէհէննէմ անուանեալ, որ տանէր թըն-
դանօթս իննսուն, և արս հինգ հարիւր,
հրազէնս հարիւր և վաթսուն, և հրա-
ցանս երկու հազար: Խալիլ նաւաւն այ-
նուիկ մեծաւ արարեալ զյաղթանակ
մալից իւրոց 'ի Բիւզանդիոն, ընկալաւ
յարբայէ թուղթ շնորհակալեաց, և սա-
մուրենիս, և կարգեցաւ վէղիր:

Իսկ 'ի Կոստանդնուպօլիս կառուցաւ
մեծ մզկիթն Ահմէտիէ կամ սուլդան
Ահմէտ կոչեցեալ 'ի գլուխ ձիարձակա-
րանին մեծի. և սլատրաստեցաւ այս ա-
ռաջին անգամ ներքին և արտաքին
ծածկոյթն Քեապէի, որ կանխաւ գոր-
ծէին յԵգիպտոս, և կատարեցան զհետ
միոյ ամի: Յայնժամ շինեցաւ և հոյա-
կապ աղբիւրն որ 'ի Գոփխանէ:

Գարնայնի չու արար Մուրատ յԻւս-
կիւտարէ 'ի Պարոս. և հասեալ 'ի Գա-
վրէժ ընկալաւ թուղթ 'ի Շահաբասայ,
յորում յետ բազում սլանծարանու-
թեանց առաջի առնէր զհաշտութեան

պայմանս ըստ դաշանցն կուելոց ընդ
Դահմասպ և ընդ Սիւլէյման արքայս.
քանզի ցարդ ոչ այլ ինչ կամէի, ասէ, զը-
րութեամբ ուժոյ թշնամութեան խնց
յանդխման առնել, եթէ ոչ զբարեկա-
մութեանս անյողդողդ հաստատութի:
Ես նմա պատասխանի Մուրատ, եթէ
ես չառնում յանձն միջնորդ հաշտու-
թեան ընել առ արքայ, մինչև խոս-
տասցիս տեղի տալ յամենայն վայրաց,
ուր կոխեցին երբէք ամբակբ երիվարաց
Օսմանեանցս: Եւ մինչդեռ ձմերէր 'ի
Կարին, էառ 'ի Շահարասայ միւս ևս
թուղթ, յորում խոստանայր նա փո-
խանակ գաւառացն հատելոց յօսմա-
նեան պետութենէ՝ հատուցանել թա-
գաւորին ամի ամի երկերիւր բեռինս
մետաքսի: Այլ Մուրատ առաքեալ ըզ-
թուղթն 'ի Կոստանդնուպօլիս, չու-
արար անդրէն 'ի պատերազմ:

Ի նմին ժամանակի Կասուհ փաշա
կուսակալն Ամգայ առ յինքն շորթելոյ
ղիշխանութիւն ծերունւոյն Մուրա-
տայ՝ քառասուն հազար ոսկիս խոստա-
նայր թագաւորին, և յիւրոց ծախուց
հողալ զպէտս բանակին, եթէ կարդեա-
ցէ զնա վէղիր մեծ և սպարապետ պարս-
կական պատերազմին: Եւ Ահմէտ ար-
քայ առաքեաց զթուղթն Կասուհայ
առ Մուրատ: Որոյ կոչեալ առ ինքն ըզ-
Կասուհ, և ցուցեալ նմա զթուղթն
ասէ. «Ճանաչիցես զառ?» և Կասուհ

առնաւուան 'ի բնէ՝ թէպէտ և անակըն-
կալ իրաց դիպեալ, անայլայլակ ասէ .
«Իմ է դժածդ» : - «Ասա ուրեմն, ասէ
Մուրատ, պարտիս հատուցանել քա-
ռասուն հազար ոսկիս, և հոգալ զճախս
բանակիս» : Յանձն էառ այրն, և կա-
տարեաց . և 'ի զարմանալ մերձաւորաց
վէղիրին ընդ անդատասպարտ զերծա-
նել եղեւնաւորին՝ ասէ ցնոսա Մու-
րատ . «Այր մի ուժեղակ է դա, և 'ի
հայթայթանս հնարից յաջողակ . և թէ
սպանանէի զդա, զեան մեծ հասուցա-
նէի աշխարհիս : Չէ ինչ օգուտ 'ի մահ
տալ զարս՝ որ իրաց մեծամեծաց իցեն
կարողք 'ի կատարումն» : Եւ ինքն Մու-
րատ 'ի նմին ամի մեռաւ 'ի ճանասպար-
հին, և դիակն իւր ամեալ 'ի Կոստանդ-
նուպօլիս թաղեցաւ հուս 'ի դպրոցն
առ 'ի նմանէ կառուցեալ : Եւ կալաւ
զտեղի նորա նա ինքն Նասուհ : Արդ սա
ժամանեղեալ իւրումն ըղձի, իբրև ետես
զի յամեր տակաւին դեսպանն Պարսից,
արձակեաց զգօրսն յիւրաքանչիւր տե-
ղիս, և ինքն դարձաւ 'ի Կոստանդնու-
պօլիս, ուր մեծահանդէս շքով կատա-
րէին յայնժամ հարսանիք ծովակալին
Խալիլայ ընդ քեռ թաղաւորին :

Քանզի թող զպարզևս աւագանւոյն,
պաշտատականք հարսին առ փեայն
էին սասակ մի ականակասպ, և մուճակք
ոսկեմանք ընդելուզեալք ակամբք սա-
տուականօք . կուրան մի ոսկեկազմ .

տուփ մի բիւրեղեայ լի մեծամեծ ա-
 դամանդիւք և մարդարտօք, որոց միա-
 համուռ գինք էին հարիւր և վաթսուն
 հազար ոսկւոյ. այլ և ապարանջանք,
 քառամանեակք, գօտիք, ծամակալք,
 գինդք և մատանիք, շորս տանէին արք
 քսան և եօթն: Ապա գային մետաքան
 կառք վանդակաւորտօք՝ որ լի էին աղախ-
 նեօք, և ՚ի միում միում երկու ներքի-
 նիք սեաւք: Չհեա նոցա գային ջորիք
 երկերիւր և քառասուն, որ բարձեալ
 բերէին վրանս, կապերտս, դիպակս,
 մահիճս և բարձկնեար: Յեա երկուց
 աւուրց գնաց և հարան ՚ի տուն փեսայ-
 ին, և նախընթաց լինէին նմա հինգ-
 հարիւր ենիչերիք, ութսուն էմիրք, ա-
 սպա գիանականք և տերվիշք և վեղերք
 և գե՛նպեան հանդերձ բազմութեամբ
 նուազածուաց: Ապա խաղային գային
 բարձրաբերձ ջահքն հարսանեաց, և ա-
 սպա ստուլք և շաքարեղէն յորինուածք
 պէսպէս: Չկնի նոցա գային սաշտօ-
 նեայք արքունեացն, և ապա ոսկեպատ
 կառք դշտոյ հարսինն հանդերձ բազ-
 մութեամբ աղախնեաց և ներքինեաց:

Ընդ Նասուհայեկն ՚ի Առստանդնու-
 պօլիս և գեսպանն Պարսից Գատը խան-
 որ թէպէս այր հանձարեղ էր, այլ ՚ի
 յանդիման լինել թագաւորին՝ յապուշ-
 ինն հարաւ ՚ի վայելութենէ փառաց
 նորին, կամ թէ այնպէս կամեցաւ կեղ-
 ծել, և զայս ինչ ևեթ բարբառեցաւ,

էթէ «Շահաբաս ծառայ ձեր է» : Առ
 'ի յաւելուլ և ևս զապշութիւն դեւ-
 սանին՝ հրամայեաց արքայ, և անցին ա-
 ռաջի նորա 'ի հանդիսի ամենայն դասք
 արուեստաւորաց : Եւ դեապանն զի մի
 կարի յետնեալ երևեսցի յօսմանեան
 պերճութենէ, իբրև գիտաց զի արքայ
 անցանել ունէր յանդիման ասարանից
 իւրոց, սփռեաց ընդ սմբակօք երիւարի
 նորին ընդ երկայնութիւն չորեքհարիւր
 դրկաց գիպակս մետաքսեայս, զորս ա-
 սպ ընծայեաց թիկնասպահաց թագա-
 ւորին :

Աշնայնի ուղևորեցաւ Ահմէտ արքայ
 յԱդրիանուպօլիս օրսոյ աղադաւ . և
 պաշտասկանքն սփռեցին ընդ ոտիւքն
 նորատիպ դրամն ոսկւոյ և արծաթոյ
 յարտաքին դրանէ անտի մինչև 'ի ներ-
 քինն, որք և թողան յառ յապուռ հան-
 դիսատեաց : Անդ զոր հանապազ զկնի
 ճաշաժամուն տայր երկուց ոմանց ար-
 տասանել առաջի իւր զմասն ինչ կու-
 րանին : Ապա 'ի Վէլիպօլու յայց ելէալ
 շիրմին Սիւլէյմանայ որդւոյ Օրխանայ՝
 դարձ արար 'ի Վոստանդնուպօլիս, ուր
 ընկալաւ զնշխարս Քեասպէի, այս ինքն է
 զհին ծածկոյթ նորին, զմարդարիտն
 մեծ որ կայր յորմն Քեասպէին ազու-
 ցեալ, և կոչէր ասողմարդարտաց, կամ
 ըստ նոցա Քէվքէպաթիւրիւրէր . զի Ահմէտ
 արքայ փոխան այնորիկ առաքեալ էր
 անդր ադամանդ մի մեծ, զորով յե-

ուեալ կային այլ ևս ադամանդք մեծա-
մեծք երկերիւր քսան և եօթն : Մի 'ի
նշխարացն էր և տաշեղ մի փայտի 'ի ձե-
ղուանէն Քեապէի . և եդան և սոքա 'ի
ներքին սենեակ անդր 'ի կանանոցին ,
ուր սղահեալ կան և այլ նշխարք մար-
դարէին խրեանց :

Անագան ուրեմն յաջողեաց 'ի նմին
ամի և հաշտութիւնն ընդ Պարսս , և ըզ-
յեակար դաշինն գրեացոչ Տէխս էֆէն-
աին , այլ որդին Սատէասինայ դէնպէան
Մէհէմէա . զի էր 'ի նմա առաջին սայ-
ման՝ զդոյշ լինել Պարսից 'ի խօսելոյինչ
բանաանարգանաց ընդդէմ՝ մարտակցաց
մարդարէին խրեանց , և կնոջ նորին
Այիշէի . և թէ սահմանք Օսմանեանց
կացցեն մնասցեն որպէս էինն առ Սէ-
լմաւ . և զի գաւառք զորս հասին Օս-
մանեանք 'ի տէրութենէ Պարսից առ
թագաւորութեամբ Մուրատայ և Մէ-
հէմէասայ երրորդի՝ անգրէն դարձու-
ցին առ նոսա :

Ընդ այն ժամանակս խաղախք յար-
ձակեալ 'ի Սինոպ , 'ի հուր և 'ի սուր
կոտորեցին զբնակիչսն , կործանեցին զէ-
նրս , և տարան աւար բազում : Ընդ որ
վտացաւ յոյժ Ահմէտ արքայ , և մա-
նաւանդ զսյրացաւ ընդդէմ՝ Նասուհայ ,
որ խափանեալ էր զհամբաւաբերան 'ի
գուժելոյ զիրսն առ արքայ : Յայնժամ
լցաւ և չափ ամբարտաւանութեան ,
ազահութեան և անագորոյն բռնու-

Թեանցն Նասուհայ, և ոխերխմ Թշնա-
միք նորա՝ դենպետն և ներքինապետն
և ուսուցիչ Թագաւորին արկին զնմա-
նէ կասկած երկիւղի՝ ի միաս Ահմէտայ՝
եթէ Նասուհ ակն եղեալ է արքունա-
կան աթոռոյն, որպէս գուշակեալ էին
նմա շողոմարարք ոմանք: Դէպ եղև
դարձեալ, զի մինչդեռ Ահմէտ արքայ
յորս հեծանէր յԱդրիանուպօլիս՝ օտար
ոմն բազէ ամբարձեալ յետոյ կողմանէ
հանդիպակաց լերինն յափշտակէր զորս
խրոյ բազէին. «Ո՞վ իցէ ժպիրհն այն,
գոչեաց Թագաւորն, որ լքի յափշտա-
կել զորսն իմ»: Եւ մերձեալ ի տեղին՝
ետես զի էին արք Մէհմեմէտ քերէյայ
եղբօր խանին Խրիմու: Մէհմեմէտ ի
չքմեղս եղև՝ ասելով, եթէ վէղերն մեծ
կոչեաց զիս այսր, և ոսոխք Նասուհայ
հաւանեցուցին արքայի՝ եթէ յայն
տակս հրաւիրեալ է Նասուհ զարեան-
առուն ճինկիղայ, զի ամբարձցէ զնա
ի գահ Օսմանեանց: Արդ ի դառնալ
Ահմէտայ ի Թագաւորեալ քաղաքն,
զգացեալ Նասուհայ զցրտանալ Թա-
գաւորին ի սիրոյ իւրմէ, երիվարս յի-
սուն յիսուն ետ պատրաստել յամե-
նայն իջևանս հանգոյց ի հանգուցէ մին-
չև ի հայրենիս իւր յԱլպանիս. այլ
տեղատպահն իւր Պէհրամ ազդ արար
Թագաւորին, և նա հաստատեաց այ-
նուհետև բառնալ զնա ի կենաց: Իսկ
Նասուհ իբրև ի փորձ վերջին առ ի կա-

բերոյ կալ մնալ 'ի կայի իւրում՝ ասէ
 անդուռնբերանով ցթագաւորն. «Կամ
 լուիցէ արքայ և անասացի խնուս խո-
 ճահան խորհրդոյ, և կամ թող առցէ յի-
 նէն զպաշտօնս, և տացէ ում և կամի,
 և ես առից զդեղ մահու » : Ոչ ևս
 ճանդուրժեալ Ահմէտայ, ասէ ցնա .
 « Մատնիչ դաւաճան, դու ուրեմն դե-
 ղեցեր և զՄուրատ փաշա . քաջ է ա-
 պա » : Եւ յառաջիկայ ուրբաթուն 'ի
 գնալ արքայի 'ի մկկիթ՝ Նասուհ 'ի խո-
 թապատճառս եղև : Արձակեաց ար-
 քայ զպոսթանձիպաշին արամբք ճա-
 թիւրովք ստուգել ինչ զխօթութենէն .
 այլ նորա երթեալ խեղդամահ արարին
 զնա . և մահն Նասուհայ կեանս ետ աշ-
 խարհի, ասէ պատմագիրն Նայխմա, և
 գանձք նորա լինն զգանձն արքունի :
 Զի էին նորա ճազարք ճազարաց զուս-
 տկւոյ, ճազար և ութուտան սուսերք
 ականակուռք, և մինևեթ 'ի նոցանէ ար-
 ժեր ոսկիս յիսուն ճազար : Ունէր և ամ-
 բարանոցս մթերեալս պարտիկ կապեր-
 տիւք և եդիպտացի պատտառակալք, և
 հնդիկ դիպակիւք . և երիվարս ընտիրս ա-
 բարացիս ճազար, և զոյգս ասպատանդաց
 քառասուն 'ի ձոյլ ոսկւոյ, ուղոս ութ-
 ուտան ճազար, ջորիս չորեք ճազար,
 եղինս վեց ճազար, և ոչխարս հինգ ճա-
 թիւր ճազար, ամենայնն արդասիք ճարս
 տաճարութեանց և յախշտակութիւնք :
 Սորա ցասուցեալ երբեմն ընդ շունս

Կոստանդնուպօլսոյ, եւս վարել զնոսին առ հասարակ 'ի նաւակս նաւակս մեծամեծս յԻւսկիւտար:

Էօքիւզ Մէհէմմէտ, որ ապա փեւայացեալ արքայի կոչեցաւ Տամատ Մէհէմմէտ փաշա, ամբարձաւ փոխանակ Նասուհայ 'ի վէզիր մեծ, և կարգեցաւ սպարապետ սպարակական սպառերազմին. զի Շահաբաս ոչ միայն զխոստացեալ բեռինս մետաքսին չև էր առաքեալ, այլ և արշաւեալ 'ի Ալիս՝ երկրակալութիւնս առնէր: Այլ նա ձմերեալ 'ի Բերիս, և ապա սաշարեալ զԵրևան յամին 1616, ընդ բազում ամիսս ոչ յաջողեցաւ առնուլ զայն. նա և համբարք կերակրոց բանակին իւրոյ սպառեցան, և բազումք 'ի զօրացն կոտորեցան 'ի ցրտոյ. նմին իրի եբարձ Մէհէմմէտ զսաշարումնս, և ինքն ևս արկաւ յիշխանութենէ:

Մեծապէս յուսով ակն ունէր անցանել 'ի տեղի նորս տեղապահն իւր Էքմէքձիզասէ Ահմէտ: Յաւուր յորում լինելոց էր ընարութիւն վէզիրին մեծի, կանխեաց գէնապեան առ արքայ, և հարցեալ 'ի նմանէ՝ եթէ ում արժան իցէ տալ զիշխանութիւնն զայն՝ ասէ. «Ըստ կարգի իրաւանց մարթի ակն ունել այնմ Էքմէքձիզասէն»: – «Այո, ասէ արքայ, զի տեղապահ է նա. այլ ես 'ի գէպս ինչ 'ի վերայ հասի զի և ստախօս է այրն, և չէ արժան վէզիրին

մեծի խօսել սուտ” : Յայնժամ և դէնսպեանն ևս հաստատեաց զբանս արքայի , և առաջի արար զԽաչիչ . և արքայ հաւանեցաւ ընդ այն : Իբրև եւ դէնսպեանն , եմուտ տեղապահն առ արքայ , որ և եհարցց ցնա զնոյն բան : Եւ սպաստասխանի տեղապահն փառամուլ . « Եթէ հրամայեացէ տէր իմ արքայ , սպտրաստ է ծառայ քո դնել զանձն իւր 'ի սպաս պաշտաման քո ” : Լուեաց Ահմէտ . և Եքմէքճիղասէն հաւանու թիւն զուսթիւնն վարկուցեալ լի ուրախութեամբ դնաց 'ի տուն իւր : Յայնմ պահու առաքեալ էր արքայ զկնիքն առ Խաչիչ փաշա . և նա նուիրակ զոմն արձակեալ 'ի տուն տեղապահին՝ կոչէր առ ինքն ըզհէիս էֆէնտին , որում անուն էր Եազըճիղասէ : Եմուտ 'ի ներքս նուիրակն մինչդեռ բազմեալ էին նորա 'ի ճաշել , և ասէ ցհէիս էֆէնտին . « Ահ զիրն մեծ կոչէ զքեզ իշխանդ ” : - « Ահ զիրն մեծ աստէն բազմեալ կայ ” ասէ Եազըճիղասէն՝ ցուցանելով զտեղապահն : Պատասխանի եւ նուիրակն . « Խաչիչ փաշայն է վէզիր մեծ ” . և յապուշ կրթեցան երկոքեան :

Իսկ հայազգին Խաչիչ փոյթ կալաւ վանել զԽաղախս սպտերբազմաւ , և նորոգեաց զգաշինս ուխտի ընդ Լէհս և ընդ Գերսմանացիս . այլ մուտ դեսպանի վերջնոցս 'ի Կոստանդնուպօլիս ոչ սակաւ շփոթս արկ անդր : Քանզի դես-

սպանն Չէրնին մեծաւ շքով արար զմուսա
 իւր'ի Կոստանդնուպօլիս հանդերձ փո-
 ղովք և թմբկօք . և որ առաւելն էր, յա-
 ռաջոյ նորա գայր դրօշ սարդեալ՝ ու-
 նելով 'ի մի կողմն զնշան խաչն, և 'ի միւ-
 սուսն զարծուին կայսերական: Եւ զի
 կայր առ Օսմանեանս գուշակութիւն
 իմն, որպէս թէ յերևել 'ի Կոստանդ-
 նուպօլիս խաչանիչ դրօշու՝ կործանել
 ունիցի պետութիւնն, սմին իրի աղմը-
 կեալ խռովեցան Օսմանեանք առ հա-
 սարակ, ևս և թագաւորն ինքնին, և դես-
 սպանն արդելաւ 'ի դիպահոջ: Յաւելան
 ապա կասկածանք 'ի վերայ կասկածա-
 նաց. և առաքելական նուիրակն Կոս-
 տանդնուպօլսոյ արկաւ 'ի ծով, և Յի-
 սուսեանք ոմանք բանտարդել եղեն, և
 զգիշերն ողջոյն պահպանութիւնք եղեն
 'ի քաղաքին: Այլ 'ի դերևել երկիւղին
 աղաւտեցաւ դեսպանն:

Ի միւսում սմին 'ի քսաներորդիերկ-
 րորդի աւուր ամսեանն նոյեմբերի յետ
 ոչ յերկար խօթութեան մեռաւ Ահմէտ
 արքայ ամաց քսան և ութից, թագա-
 ւորեալամն չորեքսասան, և եթող որդիս
 եօթն: Ի սոցանէ երեքեան, Օսման Բ,
 Մուրատ Գ, և Իսպահան Ա, կացին թա-
 գաւորք, իսկ այլք, Մէհմէտ, Սիւ-
 լէյման, Գասրմ և Պայէղիտ սպանան
 յեղբարց իւրեանց յայլ և այլ ժամա-
 նակա: Եւ յիշատակք Ահմէտայ արքայի,
 թող զինուածսն հոյակապս 'ի Կոս-

տանդնուպօղիս և ՚ի Մէքքէ և ՚ի Մէ-
 փնէ , անմուանաղի կան միան յօրէնս
 իւր , զորս յետ երկուց ամաց ՚ի լոյս Է-
 հան Միւէզղինդասէ Ալի ոմն . զի և
 յարդարասիրութեան մասին գրուա-
 տեալ է արքայս ՚ի պատմագրաց :



ՍՈՒԼԴԱՆ ՄՈՒՍԴԱՓԱ Ա

ԹԱԳԱՒՈՐԹ չորեքտասան երևե-
ցան ցարդ որդի 'ի հօրէ առնլով զաթո-
ռըն, վասն որոյ և վէճք յաջորդութեան
թէ գիպէին երբէք, 'ի մէջ հարազատաց
ծապէին: Այս առաջին անգամ կէն-
դանիգտանէր հօրեղբայր ոմն արքայոր-
ւոցն Ահմէտայ, նա ինքն Մուսդաֆա
ամաց քսան և վեցից, որ և սակս երիցու-
թեանն քան զնոսա բազմեցաւ յաթո-
ռըն, զի այս իսկ մի էր յօրինաց ժառան-
գութեան աթոռոյն Օսմանեանց, մը-
տեալ 'ի նոսա 'ի ժամանակաց անտի ճին
կիողխանին: Այլ տկարամտութիւն նորա
և ապշութիւն ընդաբոյս՝ առաւելաւ
իմն յանկարծակի ելմամբն 'ի չորեքտա-
սանամեայ արգելանէ վանդակին:

Եւ էր Մուսդաֆա ըստ նկարագրին
վախտ կերպարանօք և տխրագին, մեծա-
կըն և սակաւամորուս: Ածեալ ընդ մէջ
զսուսերն յԷյուսպ՝ բաշխեաց 'ի զօրակա-
նըս փողս երեքհարիւր միլիոն, կամ ըստ

1 Քանզի այսպէս ինչէր այնուհետեւ
Բնախարանն առանձին իարգեալ սակս արքայ-
որդաց 'ի ներսս յարքանիսն:

այնր ժամու արժէիցն՝ շակիս երեք մի-
լիոն : Ընդ այն ժամանակս հզօրացեալ
էր յոյժ ներքինապէսն Մուսղաֆա .
և երկուցեալ սորա եթէ բռնագոյն քան
զինքն գացի մայր նորոյ արքային , սկսաւ
նախ առաջին հրապարակել զառանձին
գործս և զպարասպունս թագաւորին :
Զի սովոր էր զբօսնուլ Մուսղաֆա՝ լի
բռամբ ոսկիս ճապաղելով ձկանց ՚ի ծով
և յուղւոջ ՚ի գնալ ուրեք յուսակէտս զը-
րամս թօթափեր ՚ի ներքուստ ձորձոցն :
Եւ թէպէտ շէիքն մեծամեծք զասըռ .
թիւն թագաւորին նշանակ սրբութեան
կամէին համարել , և յուսով վառաւո-
րելոյ ՚ի նմանէ՝ ջանային հեռացուցա-
նել յարքայէ զներքինապէսն , սակայն
սորա խորհուրդ արարեալ ընդ գէնպե-
տին և ընդ տեղապահի վէզիրին՝ հաս-
տատեաց ընկենուլ զարքայ յաթոռոյ
անտի :

Հրաւիրեցան ապա աւագանին յա-
տեան իբր ՚ի հատուցումն թոշակաց .
և զՄուսղաֆա զկնի եռամսեայ թա-
գաւորութեանն ՚ի վանդակին արդե-
լեալ՝ հանին թագաւորեցուցին զերեց
որդին Ահմէտայ զՕսման :

ՍՈՒԼԴԱՆ ՕՍՄԱՆ Բ

ՆՈՐԱՆՈՐ բաշխոյք ստորդեաց վաղ
 ընդ փոյթ հաճոյացուցին ատենակա
 լաց և զօրաց զՕսման արքայ . զի յերկ
 ամսոց միջոցի տուան զօրականաց ևեթ
 վեց միլիոն ոսկիք : Բնդ այն աւուրս խոր
 տակուճն խանին խրխմու 'ի Պարսից 'ի
 Տիրաւ դաշտի մերձ 'ի Դավրէժ՝ խո
 նարհեցոյց զՕսման արքայ 'ի հաշտել
 ընդ Շահաբասայ . թէպէտ և մեծ վե
 զիրն խալիլ առ 'ի զբուցանելոյ զզօրս
 իւր՝ խաղաց յԱրտաւիլ, ուր էր յայն
 ժամ Շահաբաս : Առաքեաց սա դես
 պանութեամբ առ խալիլ զմեծունչ
 զոմն՝ Պուրուն Գասրմ անուն . որոյ 'ի
 հողմալից աւուր ժամանեալ 'ի բանակն՝
 մեծաւ խրոխտանօք պանծայր 'ի յաղ
 թանակն Պարսից , և այնպէս յոխորտս
 առաջի առնէր զպայմանս հաշտութե :
 Աէզիրն Տիլավեր փաշա առ 'ի յեղաշքը
 ջեղոյ զմեծախօս ճառատանս դեսպա
 նին՝ եհարց ցնա , եթէ հանապազօր շն
 ջիցէ 'ի Պարսս այսպիսի հողմ ուժդին .
 և համարակալն Պաղը փաշա ասէ ցՏի
 լավեր . «Տէր իմ , այսօր ևեթ շնջէ հողմդ
 այդ ընդ ունչս Գասրմայ» : Այնչափ իմն

աստորժեաց, ասե՛ն, Շահաբաս 'ի լուր
 ճարտար հե՛նգնութեան համարակա-
 լինն, զի առաքեաց նմա 'ի պարգև երկա
 ուղտերամակա բեռնաւորեալս գեղ-
 մամբ: Ի վերջէ հաստատեցան դաշինքն
 'ի նմին 'ի Յիրաւ դաշտի ըստ նախկին
 պայմանաց. այս է, զի հատուցէ Շահ-
 աբաս Օսմանեանց ամի ամի հարիւր
 բեռինս պարսկական մետաքսի, և շահն
 առաքեաց 'ի բանակն ութհարիւր և տա-
 սին ուղտերամակա պաշարաբարձս, և
 առանձին առ վեզիրն սրտուղս և միրզս
 աղգիազգիս: Խաչիլ արձակեաց զզօրն
 'ի Կարին, և ինքն ձմերեաց յԵւզոկիս,
 ուր ընկալաւ յարքայէ թուղթ գովասա-
 նութեան. այլ 'ի հասանել իւրում 'ի
 Կոստանդնուպօլիս՝ ընկեցիկ 'ի պա-
 տուոյն եղեալ՝ միւս ևս անգամ կարգե-
 ցաւ ծովակալ: Զի ծովակալն Կիւղէլձէ
 կամ Չէլէպի Ալի փաշա 'ի նոյն աւու-
 բրս յաղթանակաւ եմուս 'ի Կոստանդ-
 նուպօլիս՝ ամէլով գերիս երկերիւր,
 որք բարձեալ բերէին յուսախրեանց մի
 մի քսակս գրամոյ. յոր յաւելեալ և բազ-
 մազգի հնարս ճարտարութեան ամբար-
 ձաւ 'ի պատիւ մեծի վեզիրութեան, և
 այնչափ իմն ընդ միտ եմուտ թագաւո-
 ըինն, զի որ հզօրագոյնքն էին առ նովաւ՝
 ներքինապեան Մուսդաֆա, և ուսու-
 ցիչն Իւմեր, և համարակալն Պազը փա-
 շա, ևս աքսորել զնոսա յայլ և այլ տե-
 ղիս: Բայց և ինքն ևս ոչ յերկարակեաց

էղեալ մեռաւ յէտ երկուց ամաց , և ինդութիւն մեծ եղև առ հասարակ տաճկաց և քրիստոնէից , որք զերծանի հարստահարութեանց նորա :

Ընդ այն ժամանակս ասող մեծ գիտաւոր երևեալ 'ի Վոստանդնուպօլիս , յահ մեծ պաշարեաց զուամիկն . այլ որ ինչ աղեաից անկնկալութիւն էր հասանել 'ի վերայ՝ յէտ ամաց պատահեցին : Զի 'ի միւսում ամին սպարապետն Իսքէնաէրփաշա նիզակակցութեամբ խանին Խրիմու և Գանթէմիր Միրզային հողայ թաթարաց խորտակեաց զԼէհա առ Տնեսթեր կամ Գուււլա գետով . որում զհետ եկն ասլա մեծ սրտերազմն Լէհաց , և ոչ պարսկականն՝ յորմէ երկիւղ ունէր ժողովուրդն : Այլ և նոր գետպան Շահաբասայ Նէճէֆգուլի ա նուն եկեալ 'ի Վոստանդնուպօլիս բազմապատիկ ընծայարերութեամբ՝ փարատեաց զերկիւղն : Եւ էին ընծայքն հարիւր բեռինք մետաքսի ըստ պայմանեալ սակին , ևս և հարիւր և քսան սամուրենիք , քառասուն մորթք յովազի , երկերիւր և տասն շղաշատեռք , վաթսուն պատմուճանք կերպասիք , իննհարիւր գիւրակք պէսպէս , երկերիւր թաշկինակք ոսկեմանք , հազարանօթք յախճապակեայք , ութսուն կապերոք մեծամեծք , երիվարք երկու , փիղք չորք , անգեղջիւր մի , և վագերք երկու : Աստ 'ի միջոցի գիպաւ սպանումն Մէհէմմէտայ էղ

բօր արքայի 'ի նորուն հրամանէ, և որ պէս ասէ Նայիմա, 'ի յարձակել անդ դահճաց 'ի վերայ անպարտ արքայորդւոյն՝ գոչեաց նա աղիողորմ ձայնիւ. «Ո՛ Օսման, աղաչեմ ես զԱտուած, զի ապականեացէ զկեանսքս և զարքայու-թիւն, և բարձցիս և դու 'ի կենցաղոյս, որպէս բառնաս զիս այսօր» :

Յայնմ ձմերան պատահեաց և պաղուսն Առափորոնի՝ մինչև հեռի անցանել մարդկան յԱւրոպիոյ յԱսիա. յորմէ և սով սաստիկ, այնպէս զի հաց միոյ տրամի արժէր փող մի, և մի կամ երկու լոտերք մսոյ փողս հեղետասան : Յինն հարիւր ամաց հեռէ այսպիսի սառոյցք Առափորի երկիցս աւանդին պատահեալ 'ի Բիւզանդիոն. առաջին յամի 739, և երկրորդ այս 'ի 1621 :

Օսման արքայ յու-թուտասն ամաց հասակին՝ թէպէտև ոգի ցուցանէր պատերազմասէր և արիական, սակայն չէր յոյժ հաճոյ յաչս զօրականին և գիտնականաց, փոխանակ զի կարճէր զառձիկս նոցա : Ահագին էր և յաչս ժողովրդեանն քան սիրելի, սակա ստէպ ըստէպ և գիշերայն ևս շուրջ գալոյ ընդ քաղաքն յայլակերպս, և անաչառ պատահասելոյ զյանցուածս գուզնաքեայս : Նովին խատու-թեամբ պնդեցաւ նա խաղալ 'ի մարտ ընդդէմ Ահհաց. և ոչ ինչ անասցեալ գեօպանի նոցա աղաչանացն՝ 'ի սկզբան ամսեանն մայիսի ու-

վերեցաւ յԱդրիանուպօլիս : Ջճանա-
 պարհայն մինչդեռ անցանէր արքայ ընդ-
 կամուրջ մի՝ յանկարծակի ՚ի վեր երևե-
 ցան ՚ի ծակուց ուստէք տէրվիչք չորք՝
 որ անդանօր ՚ի թաքստի կային՝ առ ՚ի
 կարող ընեւոյ հայցել յարքայէ զո-
 զորմութիւն : Այլ նորա սրտմտեալ ընդ-
 ժտութիւն նոցա անպատկառ և ընդ-
 յարձակումն անակնկալ, որով խրտու-
 ցեալ երիվարին՝ փոքր մի և ընկենոյր զնա
 ՚ի դեռին, հրամայեաց անդէն գլխա-
 տել զնոսա : Յետ տաժանական անցլից
 բանակին ընդ Պալգան ըրինս, եհաս
 և ծովակալն Խալիլ, և ածէր Խաղախս
 երկերկր, զորս գերեալ էր ՚ի Սեաւ
 ծովուն, և սոքա մասնեալ յանգթու-
 թիւն զօրականաց՝ ոմանք յոմնակոխս
 արկան փղաց, կէսք կախեցան, և այլք
 զցահար սպանան : Եամանեալ ՚ի Պել-
 կրատ՝ էր զի ՚ի նաւակս մտեալ զբօնոյր
 արքայ, և էր երբէք զի ՚ի հեծելութիւնս
 և ՚ի նետաձգութիւնս պարապէր. քան-
 զի և կորովի յոյժ էր յաղեղնաւորու-
 թեան. այլ զի երբեմն և առ գերիս և
 ծառ այս իւր անդամ կշռէր զնեան որ-
 պէս ՚ի նշաւակ, ոչ սակաւ նուազեաց
 այնու ՚ի պատուոյն և ՚ի սիրոյ յաչս մե-
 ծամեծաց :

Մինչդեռ բանակեալ կային Օսմա-
 նեանք մերձ ՚ի Խոթութուն, և Ղեհք երկո-
 տասան հազարաւ ՚ի հանդիպոյ, եհաս
 խանն Խրիմու ճանիպէկ քէրէյ. և

իրբն եմուտ 'ի վրանն արքունի, վէզիրն էառ 'ի գօաւոյ նորա զկապարճսն . ընդ որ զառաջինն այլ յայլմէ եղև խանն, այլ ապա իբրև ետես առաջի իւր այլ կապարճս և դաշոյն և համեա՝ համակականակուսս, և խիլայեցաւ պատուական սամուրե՛նեաւ, սփոփեցաւ և բերկրեցաւ յանձն իւր :

Յառաջնում՝ ճակատամարտին յաջողեցաւ Օսմանեանց կոտորել 'ի Ահապարս իբրև հաղար, և Գանթէ՛միր Միրզա վասն իւրոյ արիաբար շահատակութեան կարգեցաւ կուսակալ Օզուփ : Այլ յերկրորդումն և յերրորդում՝ և 'ի չորրորդի յարձակման զեան մեծ կրեցին Օսմանեանք, և անկան 'ի նոցանէ բազումք 'ի քաջաց, ընդ որս և կուսակալն Պուսինայ Գարադաշ Մէհէմէտ . նմին իրի արկաւ վէզիրն մեծ յիշխանութեանէ, և ամբարձաւ փոխանակ նորա Տիւլէր փաշա :

Արիւնըսուշտ յոյժ եղև հինգերորդ ճակատամարտն, որ տևեաց յայդուէ մինչև ցերեկոյ : Օսման արքայ յայտարար յատենի զկամս իւր, ասելով . « Ամենայն փութով պնդութեան ըղձամ՝ ես 'ի ձեռս բերել զանշուշտ յալթութիւնն . և թէ հարկն պահանջեսցէ՝ հնար է ձեզ ընդ իս ձմերել սատանոր » : Այլ անբաւ կոտորածն երկուստեք, և արտունջ զօրականին ընդ բան ձմերելոյն 'ի սաստկաստոոյց կողմանս աշխարհին .

առիպէցին զարքայ խօսել 'ի հաշտու-
 թիւն ընդ Ղեհո, պայմանաւ՝ զի հատու-
 ցեն նոքա խանին խրիմու որպէս կան-
 խան ամ ըստ ամէ քառասուն հազար
 դահեկանս: Աւանդեն Փէչույի և Նայի-
 մա, եթէ յատենի խորհրդոյ եհարց
 ներքինապետն ցՏէպպաղ Մէհէմէտ
 փաշա յանդիման արքայի. «Թագաւորն
 Ղեհաց կարո՞ղ ինչ իցէ ելանել ընդդէմ
 մեր»:— «Եւ կարի իսկ քաջ» ասէ Մէ-
 հէմէտ: «Աարծէի ես, ասէ ներքինա-
 պետն, եթէ դու այր իցես դիտուն և
 հմուտ իրաց սլատերազմի. և ո՞ր շուն
 իցէ թագաւորն Ղեհաց՝ որ իշխիցէ հա-
 կառակ ելանել արքայիս Օսմանեանց»:
 Ասէ ցնա ներքինապետն. «Այս իսկ 'ի
 գրի, եթէ անհաւատիցն դասք մի և եթ
 ազդ են. և զի՛նչ անհնարին իցէ թա-
 գաւորին Ղեհաց նիզակակիցս իւր առ-
 նուլ զթագաւորս Գերմանացւոց, Ռու-
 սաց, Գաղղիացւոց և Իտալացւոց զինու-
 ք և գրամովք հանդերձ»: Արհամարհեաց
 զնա ներքինապետն և ասէ. «Անօգուտ
 վաստակ. խորհուրդ 'ի ծերոց ոմանց
 հարցանել, որ աչս ունին մեծամեծս,
 և միտս չամբաւոր յոյժ»: Սակայն ա-
 լագորեարն արդեամբք յանդիմանեցին
 զպոռոտախօս բանս ներքինապետին, և
 հաստատեցին զխաղաղութիւն: Եւ Օս-
 ման արքայ մխիթարեցաւ ծննդեամբ
 անդրանկան իւրոյ, զոր մայրն նորին
 ուուս յողդէ՝ առեալ ամ կառօք ընդ

առաջ հօրն մինչև յԱդրիանուպօլիս :

Օսման արքայ 'ի գարձին իւրում 'ի Կոստանդնուպօլիս՝ յաւել 'ի խստութիւն իւրառ ժողովուրդն և առ զօրսայն չէ շատ, ընտրեաց իւրկանայս երիտ միանգամայն 'ի վերայ առաջնոյն, և այն ոչ 'ի դերեաց կամ յաղախնայց աննշանից, որպէս օրէնքն սրատուիրէին, այլ յազատաց, և զդուստր Փէրթէվ փաշային, և զգէնպետին : Ենիչէրիքն և հեծելազօրք արդէն զկծեալ էին ընդդէմ թագաւորին՝ սակս ոչդուժեան նորացի և զգին միոյ գլխոյ թշնամեաց, որ էր մի ոսկի, նուազեցոյց նա . թող զգաւն կշտամբանան որովք յանդիմանեալ էր զօրսն վասն սրատութեան նոցին 'ի Լէհաց : Գառնացան նոքա և ևս առաւել յորժամ սոսթանճի սրային գիշերագէտ եղեալ կալաւ զոմանս յենիչէրեաց զի ընպէին զգինի, և ծովահեղձոյց մահուամբ կորոյս զնոսա :

Յետ սակաւուց յայտ արար Օսման արքայ՝ եթէ կամի ինքնին գլխովին իազալ յԱսորիս 'ի նուաճել զԷմիր Ֆախրէտաին ոմն զառաջնորդ ասպտամբաց, և ընդ այս բան առ հասարակ խռովեցան Օսմանեանք, և աւագորեարն զգէմ կալան խորհրդոյն : Յայնժամ հրաման ևս արքայ սրատրաստութիւն մեծ առնել ընդ ծով և ընդ ցամաք, զի կամիմ ասէ յուխտ երթալ 'ի Մէքքէ : Ըստ ջանացին վէզիրն մեծ և գէնպետն խափանել

և զայս խորհուրդ , ասելով և թէ առա-
 շելեա հաճոյ է Աստուծոյ կառուցանել
 արքայի մզկիթ մի , քան թողուլ քանել
 զթագաւորեալ քաղաքն , այլ հզօրագոյն
 քան զնոցայն աշդէին 'ի սիրտ Օսմանայ
 բանքն բքինապէտին և ուսուցչին իւրոյ :
 Որք և յաւելին սողրել նմա , զի ջնջեացէ
 'ի միջոյ զէնիչէրիսն և զսպայս , և ամցէ
 փոխանակ նոցա վարձկանս եղիսպա-
 ցիս և ասորիս , որ հաւատարմագոյն են
 ասէին՝ քան զսոսա , և հզօրագոյնք ևս :
 Ետես թագաւորն և երազ , որպէս թէ
 մինչդեռ ինքն բազմեալ 'ի դահոյս՝ ըն-
 թեռնոյր զկուրանն , եկն եկաց առաջի
 նորա մարգարէն իւրեանց , և յափըշ-
 տակեալ 'ի ձեռաց նորա զմատեանն և
 'ի բաց կորզեալ զզրահն՝ աղտակեաց
 զնա ուժգին : Խառվեցաւ Օսման ընդ
 երազն , և խնդրեաց զմեկնու թիւն նո-
 րին յուսուցչէն իւրմէ . և նա ասէ .
 «Յանդիմանու թիւն է այդ մարգարէին ,
 փոխանակ զի ցարդ ևս դանդաղես յու-
 ղի անկանել 'ի Մէքքէ » : Ոչ շատացեալ
 Օսմանայ այսու մեկնու թեամբ , եհարց
 զնոյն և ցանուանի ծերունին Մահմուտ
 Իւսկիւտարի , որ զհակառակն առաջ
 նոյն ետ նմա սլատասխանի ըստ մտի ա-
 լագանուոյն . զի կուրանն՝ օրինաց նշա-
 նակ է , ասէ , և զրահն աշխարհիս : Զայն
 լուեալ Օսմանայ՝ յայց ել 'ի շիրիմս
 նախնեացն իւրոց : Եւ քանզի 'ի գնալն
 յԱյուսպ հարկ էր ըստ օրինի եզնու զո՞

հել և ոչխարս . յայս նուագ իբրև ոչ
 գտան նոքին առ ձեռն , պաշտօնեայք
 թագաւորին յափշտակեցին զեղինս և
 զոչխարս որ գտանէին 'ի դրունս քաղա-
 քին , և տեարք նոցին զորրորդ մասն
 գնոց նոցա հազիւ թէ ընկալեալ անե-
 ծըս ցաւագինս հանէին 'ի խորոց սրտի :
 Յեա երկուց աւուրց ել արքայ 'ի մղկի-
 թըն յաղօթս ուրբաթու . և առ մեծա-
 մարմին երևելոց և ահարկու տեսանե-
 լեաց՝ զգեցաւ հանդերձ կուռն և լիա-
 հոծ բամբակաւ , մանաւանդ առ լան-
 ջիւքն և կողիւք :

Ապա յեօթնևտասներորդի աւուր
 ամսեանն մայիսի հրաման եա Օսման
 արքայ հարկանել զարքունական վրանան
 յԻւսկիւտար : Գրեաց առ նա գենալե-
 արն վճիռ հրամանի , եթէ ոչ ինչէ պի-
 տոյ թագաւորաց յուխտ գնալ , այլ իւրա-
 ւանց և արդարութեան և եթ միտ գնել ,
 մանաւանդ յերկիւղալից ժամանակս :
 Այլ նա պատառեաց զթուղթն զայն ,
 որպէս ասէ թուղի էֆէնտի : Չնոյն
 թեւագիր եղեն նմա և Մահմուտն Իւս-
 կիւտարի , և արքունի աստեղագէտն
 Մէհմեմէտ Չէլէպի , որ գուշակեաց
 նմա ձախող լինել առաջիկայ իրաց , զի
 չարագուշակ աստեղքն ասէ (երևակն
 և հրատ) են արգ 'ի խեցգեպինն : Այլ
 'ի զուր :

Յաւուր ութուտասներորդի ամ-
 սեանն մայիսի , յորոյ 'ի վաղուն վրանք

Թագաւորին չուէլ ունէին յԱսկիւ-
 տար, ենիչէրիք և սպայք աղմկեալք և
 խռովայոյզք սակս հանդերձանացն, և
 կատաղեալք ՚ի լուր համբաւոյ դալըս-
 տեան եղիպտոսցի զօրականաց, ժողո-
 վեցան միահամուռ յԷթմէյտանին :
 Զնուիրակապետն Չալըճիզատէ զառա-
 քեալն առ նոսա ՚ի Թագաւորէն քար-
 կոծ արարեալ հալածեցին . և ապա խոր-
 հուրդ արարեալ հարցին վճիռ ՚ի գէն-
 պետէն՝ եթէ օրէն իցէ սպանանել իրա-
 ւամբք զայնոսիկ՝ որ թելադիր լինին ար-
 քայի նորաձեռութիւնս առնել, և վատ-
 նել յուսպէտս զինչս Օսմանեանց : Հաս-
 տատեաց գէնպետն զվճիռն, և ասէ .
 Այո : Յայնժամ ենիչէրիք հալածա-
 կան վարեալ բռնաքարամբք զգօրավարս
 իւրեանց զեկեալս ՚ի ցածուցանել զնո-
 սա, գիմեցին յապարանս ուսուցչին
 արքայի, և նա հայէր ընդ պատուհանս
 վերնատան իւրոյ : Ի ձայն բարձր կար-
 դացին առ նա իջանել ՚ի վայր . այլ նա
 կերպարանափոխ լեալ ՚ի փախուստ ա-
 ճապարեաց : Սոքա խորտակեցին զգը-
 րուենն և զապարանսն յաւարի առեալ
 կողոպտեցին : Անտի յարձակեցան յա-
 պարանս վէզիրին մեծի . և զի անզէկք
 էին՝ վանեցան ՚ի պահապանաց գրանն :
 Գիմեցին ՚ի կրպակս զինավաճառաց և
 կամէին յափշտակել զզէնան . այլ յա-
 զաչել կրպակաւորացն, և զի խաւար և
 ընկոյին ևս ՚ի վերայ հասեալ էր, մեկ-

նեցան 'ի տեղիս խրեանց՝ մանաւանդ
'ի խորհուրդ քան 'ի քուն հանգստեան:

Յայնմ գիշերի ատեան կազմեալ խոս-
տացաւ արքայ գիանականաց՝ յեասկալ
'ի խորհրդոյ անտի գնալոյ 'ի Մէքքէ:
Այլ էնիչէրիք և սպայք վաղ քաջ ընդ-
առաւօտն ժողովեալ 'ի գաւիթ մղկթին
Մէհէմէտայի, և մատուցեալ զաղօթս
խրեանց զայգունն, գիմեցին մոլեգնա-
բար 'ի ձիարձակարանն, և գոչէին.
«Սպանցի խմեր էֆէնտի ուսուցիչն
արքայի, ներքինապետն Սիւլէյման, տե-
ղապահն Ահմէտ փաշա, համարակալն
Պապը փաշա, վեզիրն մեծ Տիլավեր փա-
շա, և զօրավարն Նասուհ աղա»: Անդ
'ի ձիարձակարանին էր և գենպետն Է-
սասուլահ հանդերձայլովք մետասան
արամբք գիանականօք. որք և հաւանե-
ցան առաջի առնել արքայի զինգիրս
խոռովելոցն. բայց նախ հարցին ցնոսա-
եթէ բաց 'ի ներքինապետէն և յու-
սուցչէն արքայի՝ չորիցն մնացելոց զինչ
յանցանք իցեն: Պատասխանի ետուն
էնիչէրիքն և ասեն. «Ի գրունս վեզիրին
մեծի քարկոծ եղաք և նետահարածք.
համարակալն փողս անպիտանս հատու-
ցանէ մեզ, տեղապահն խափանէ զառ-
ձիկս հրաժարելոցն 'ի զինուորութենէ,
և Նասուհ գործակիցէ նորա»: Արթեալ
գիանականաց առ արքայ՝ խնդրեցին 'ի
գիմաց զօրացն տալ զգլուխս արանցն այ-
նոցիկ, յաւելին և ազաչել զնա՝ զի յեր-

կուց չարեաց զնուազագոյնն ընտրեալ
կալցի: Թագաւորն արհամարհեաց զնո-
սա. և ՚ի սնգել նոցա աղերսիւ, բար-
կացաւ ընդ նոսա և ասէ. «Արդարեւ
իբրև զգլուխս ապստամբաց խօսիք:
նախ զձեզ խորտակեցից, ապա զնոսա»:
Իբրև նոքա լուեցին, վէզերն հիւսէյին
անկեալ առաջի գահոյից նորա գոչէր.
«Տէր արքայ, եթէ և զիմս խնդրեսցեն
զգլուխ, մատնեա և զիս, միայն թէ գու-
ատրեսցիս»: Արկնեցին և գիտնականք
զիւրեանցն աղերս, այլ ոչ այլ ինչ լը-
ւան պատասխանի, բայց ելանել ՚ի բաց,
և կալ մնալ յարքունիան:

Իսկ խռովարարքն ՚ի յամելոյ նոցին
՚ի միա առեալ զիրացն գէսս, խուժե-
ցին ՚ի գուռնն արքունի, և անընդդի-
մակ մտին ՚ի գաւիթ ապարանիցն: Անդ
ժամս երկուս յաճեալք կոծեալք ան-
գէն աղաղակէին տալ ինքեանց զգլուխ
ուսուցչին, զներքինապետին, և զվէզերին
մեծի, և չէր ինչ պատասխանի: Ապա
խորտակեցին և զերկրորդ գուռն, և ապ-
չարեալ զատեան աւագորերոյն՝ զնոյն
աղաղակ հարկանէին: Դասք գիտնակա-
նաց բազմեալ կային յայնժամ առ եր-
րորդի դրան արքունեացն՝ որ կոչի Պա-
պիւստատէ. և որպէս ասեն, մի ոմն ՚ի
գլխաւորաց անտի նոցա Ղուպարի է-
ֆէնտի կոչեցեալ՝ ասէ ցապստամբան.
«Բանք մեր զլինին լսելի, երթայք և
գուք ինքնին խօսեցարուք»: Զայն տե-

սեալ ներքինեաց ոմանց որ անդ մտա
կացեալ պահ ունէին դրանն փախեան
'ի ներքս . և սոքա զհեա նոցա փողեցին
մտին 'ի ներքսագոյն գաւիթ անդր :
Յայնժամ գոչեաց մի ոմն 'ի նոցանէ .
«Աամխնք զսուլղան Մուսղաֆա» : Զայն
բարբառ կրկնեցին ամենեքեան իբրև ընդ
մի բերան , և 'ի խումբս խումբս շուրջ
եկեալ 'ի սենեակսն և 'ի սրահս անկոխա
հասարակաց մարդկան՝ 'ի վեր և 'ի վայր
հնչեցուցանէին զնոյն բարբառ . «Աա-
մխնք զսուլղան Մուսղաֆա» : Մի ոմն
'ի գիանականաց եցոյց նոցա զկանանո-
ցն , և նորա առ հասարակ անդր ըն-
թացան . և զի շինուածն այն չունէր ինչ
գուռն արտաքուստ , կազմեցին վեր-
ելա 'ի փայտից և յառասանաց և ելին
'ի վեր մինչև 'ի գմբէթ մի , և ահա լը-
ւան պատասխանի նուազ իմն ձայնիւ .
«Աստէ սուլղան Մուսղաֆա» : Յայն-
ժամ քակեցին ենիչերիքն զյարկն , սպա-
նին զերկուս խափշիկ պահանորդս՝ որ
'ի ներքուստ անտի լարեալ զաղեղունս
իւրեանց նետաձիգ կամէին լինել 'ի սո-
սա . և առասանօք վարագուրաց ասե-
նին զմի ոմն յընկերակցաց իւրեանց ի-
ջուցին 'ի ներքս : Եւ ահա Մուսղաֆա
նստեալ յակումբ հնտաի , և զառաջեառ
նորա ազատնեայք երկու : «Տեր արքայ ,
ասէ ցնա որ իջեալն էր , զօրականք ամե-
նեքեան քեզ սպասեալ մնան արտաքոյ» :
Իսկ նա զայս և եթ ասաց նմա 'ի սպ-

տասխանի . Տարաւի եմ : Ձի յերից աւուրց հետէ անսուաղ կայր : Անդէն ի ջուցաւ առ նա ՚ի վերուստ կաշեայ դուլիւ ջուր ըմպելոյ . և ապա հանեալ զնա ընդ երզան հեծուցին յերիվար գէն պետին . այլ զի չկարէր ուղղորդ կալ առ տկարութեանն , ածին զնա ՚ի սրահ արքունական աթոռոյն : Դողայր նա սարսափմամբ ՚ի տեսիլ արանցն սուսերամերկաց շուրջ զիւրե . այլ նոքա հազուսուղ ինչ սփոփեալ անդորրեցին զնա , և ոմանք ընթացեալ ՚ի հինն արքունիս՝ աւետիս ետուն մօրն նորա :

Ի քակել ենիչէրեաց զյարկ վանդակին Մուսղաֆայի , բացաւ յանկարծակի դուռն սենեկին . մղեալ ընկեցան ՚ի ներքս վէղիրն և ներքինապետն , և անդէն փակեցաւ դուռնն . և մոլեգին զօրականքն սու ետեղ սլատառեցին զեղկելիան զերկօսեան :

Արդ իբրև ածին ենիչէրիք զՄուսղաֆա ՚ի սրահն մեծ և բազմեցուցին յաթոռն՝ ստխակին զգլխանականն երկիր սլազանել նմա . և ՚ի շառնուլ նոցա յանձն՝ ասելով եթէ ահա առիք զգլուխըս արանցն զորս խնդրէիք , արդ զի ևս ակրադրութք լինիցիք . ասեն ցնոսա ենիչէրիք . « Այո գտաք զոր խնդրէաքն , գտաք զՄուսղաֆա զթագաւորն մեր » : Ատեն գլխանականքն . « Եղբարք մեր և ընկերակիցք , Օսման արքայ ողջոյն տայ ձեզ և ասէ . ահա ետու ՚ի ձեռս ձեր

զերկոսին արան, ասցե զայլս զորս ՚ ընդ
 բէք, և ասցե անշուշտ. գխտասջիք զի
 թէ թագաւորեացէ Մուսղաֆա, գուք
 ինքնին սորջասջիք ընդ գործ գ ձեր” :
 « Չայդ կանխաւ արժան էր ձեզ ասել,
 գոչեցին նորա. արդ գտոսք մէք զթագա
 ւոր մեր, հասլա և գուք երկիր սագէք
 նմա” : Եւ իբրև տեսին զի անխոնար
 հեղի կան մնան նորա ՚ ի բանս իւրեանց,
 սորա զմերկ սուսերան ամբարձեալ ՚ ի
 վերայ գլխոց նոցա՝ ետուն կատարել
 զկամս իւրեանց. և մի ոմն ՚ ի նոցանէ մե
 աւ առ ահին : Ասլա ամին ենիչէրիքն
 զՄուսղաֆա սատգարակաւ ՚ ի հինն
 արբունիս, և անտի ՚ ի մղկիթն իւրեանց.
 և առ յաճախելոյ ինքեանց օղնականս
 ընդգէմ Օամանայ՝ բացին զբանտս և ըզ
 նաւարանն, և արձակեցին զկապեալն :

Իսկ Օաման արքայ յեա մնանելոյն
 ՚ ի ձեռս սպտտամբաց զՏիլափէր և զնեբ
 քինասլեան, կարգեալ էր փոխանակ
 առաջնոյն ՚ ի վէզիր մեծ զՀիւսէյին փա
 շա, և սա և սոսթանձիպաչին Մահ
 մուա անուն յորգոր լինէին արքայի շա
 հեղ զփրտս ենիչէրեաց ՚ ի ձեռն զօրա
 վարին նոցա, որ զառաջինն ոչ էր ընդ
 խորհուրդս սպտտամբայն, և յեաց
 բանութեամբ երթեալ էր յերկրպա
 գութին Մուսղաֆայի : Արար նաայն
 սէս. և զիչերագնաց եղեալ գաղա ՚ ի
 տուն առնն՝ ասաց նմա խոստանալ ենի
 չէրեաց յխուն ոսկիս ըստ գլուխ և հան

դերձ ծիրանի, և հեծեւադնդին յաւել-
լուած սոճկի փողս տասն, եթէ յան-
ձրն աւնուցուն վերասին խոնարհել
ընդ իւրով ձեռամբ :

Ի վաղիւ անդր իբրև տեսին ենիչէրիք
ղգալուտս զօրավարին իւրեանց՝ դու-
շակեցին զոր ինչ ասելոցն էր . բանս ե-
դին չտալ նմա բնաւ խօսել . և այն ինչ
հասեալ նորա ՚ի գլուխ սանդղոցն՝ զա-
ղաղակ բարձին, «Հարէք, մի տայք խօ-
սել» : Մղեաց արկ զնա մի ոմն ՚ի վայր
ընդ սանդուղսն, և այլք անդէն յօշոտե-
ցին զնա :

Յեա այնորիկ խուժեցին ՚ի տուն զօ-
րավարին, և հանին քարշէցին զՕաման
արքայ ՚ի տեղւոջէ թաքստեան նորա
սպիտակ ներքնաձորձով միով և գիշե-
րային գլխանոցաւ . և սպայն որ կալուն
զնա՝ եդ ՚ի գլուխ նորին զիւր զպատա-
սատուն և զաղտեղի փակեղն, և հեծու-
ցեալ ՚ի գրաստ անպէտ՝ ածին ՚ի ձմերո-
ցրս իւրեանց : Ասմէին ունեւ և զհիւ-
սէյին փաշա և տանել ընդ Օամանայ .
այլ նա զերծեալ ՚ի կապանաց և խու-
սափեալ՝ անկաւ ապա ՚ի սուր հե-
տամտիցն : Եւ պատճառք մեծի ասե-
լու թեան ենիչէրեաց ընդդէմ սմին այն
էր, զի ՚ի պատերազմին Ահհաց փո-
խանակ խրախուսելոյ զնոսա բանիւք
քաղցրութեան՝ աղաղակեալ էր առ
նոսա . « Մի թէ կարօտ ինչ իցէ ար-
քայ զօրականօք : Եթէ էչք անկանիցին,

Երիվարս լծեացուք” : Իբրև Եհան Օսմանն ՚ի տեղին ուր անկեալ դնէր գիական Հիւսէյինայ, յարատու Եհարաւ և ասէ. «Անպարտ էր դա. և թէ անասցեալ էր իմ բանից դորա՝ ոչ գային յիմ վերայ չարիքս այս. խարեցայ ես, աւանդ, ՚ի չար խորհրդոց ուսուցչիս և ներքինս պետին” : Ոչ ինչ աղղէին ցաւաղին խոստովանութիւնք նորա ՚ի սիրտս մօլեդ նեւոցն, որ ընդ ամենայն ճանապարհն անդադար կսկծեցուցանէին զնա դառն նախատանօք և այսպանալից ծաղու լըրբութեան. և նա լալաղին ասէր ցնտա. «Այ ժպիրհք, չիցե՛մ ես թագաւոր ձեր” :

Ժամ էր ճաշու, և յաշտարակայ մղկթացն հնչէին աղօթք ուրբաթուն : Զայն բարբառ կարծեալ զօրացն՝ թէ բողոք իցէ մահուն Օսմանայ, ամբարձին միտքան զձայնս իւրեանց և ասէն. «Մի լիցի ինչ չար Օսմանայ. թող թագաւորեցէ այժմ Մուսղաֆա. պահեցի Օսման յասպաղայ պէտա” : Եւ նոր վեղիրն Մուսղաֆայի Տաւուա փաշա առ ՚ի ցածուցանելոյ զաղմուկն Եհանն զողորմելի արքայն ՚ի պատուհան մղկթին՝ զի տեսցէն ժողովուրդքն թէ կենդանի է : Մուսղաֆա տակաւին ևս ՚ի գողման կայր անդանօք. և ՚ի տաստկանալ աղաղակի իրիք արտաբոյ՝ անդէն ՚ի պատուհանս ընթացեալ ելանէր յալէր մաղցի ՚ի վանդակսն երկաթիս, զի

տեսցէ թէ զինչ իրք իցեն . և հազիւ մեկ
նէր զնա անտի մայրն իւր ասելով ողոր-
քանօք . «Եկ առ իւժ իմ , եկ » :

Օսման արքայ յայնմ միջոցի ողորմե-
լիս բարբառէր առ որս մերձն կային .
էր զի լալով կշտամբէր զնոսա և ասէր .
«Զինչ կամիցիք անցուցանել ընդ ար-
քայս ձեր ս ննիչէրիք , դուք ձերով
ձեռամբ պատրաստէք զկորուստ պե-
տութեանս և զանձանց ձերոց » . և էր
զի յերկիր անկեալ զներուսն հայցէր ,
և ասէր . «Երեկ թագաւոր էի ես , այս-
օր մերկ և թափուր յամենայնէ , յինէն
առջիք դուք օրինակ , զի և ձեզ ոչ մնայ
կենցաղս այս 'ի ժառանգութիւն » : Ե-
հաս զինապետն (ճէպէճիպաշի) ընդ
Տաւուտ փաշային , և արկ զխեղդանն
'ի պարանոց Օսմանայ . այլ նա ուժեղ
գողով և առոյգ՝ կալաւ պնդասպէս ըզ-
չուանն . և զօրագլուխքն գոչեցին . «Դա-
գարեցէք , մի . ապա թէ ոչ , կորեաք մեք
ամենեքեան » : Ասէ Օսման ցՏաւուտ .
«Անագորոյն դու , և զինչ չար արարի
քեզ . բայց զի երկիցս ինայեցի յանձն
քո և չետու 'ի մահ , այլ և յիշխանու-
թիւն ամբարձի » : Դարձեալ ակնարկեաց
Տաւուտ արկանել զխեղդանն , և դար-
ձեալ ընդդէմ կացին զօրագլուխքն :
Յայնժամ ասէ Օսման ցպահակն իւր .
«Ո՞ր կացոյց զքեզ յայդ գործ » . և յա-
սել նորա՝ եթէ արքայ Մուսդաֆա , ա-
սէ . «Արքայն Մուսդաֆա յիմօր է , և

զանունն անդամ զուր անգիտանայ . աղէ
 էկ բայ ինձ զպատուհանս , և թող խո-
 սեցայց առ ծառայս իմ ։ Գթացաւ
 պահակն և եբայ զպատուհանն որ հայէր
 ՚ի գաւիթ անդր մզկիթին . և Օսման խո-
 նարհեալ ընդ այն ասէ . « Ո՞րքազլուիք
 հեծելազօրաց իմոց , ո՞ հինաւուրց էնի-
 չէրիք , ո՞վ հարք իմ , անփորձութեամբս
 մանկականաւ ամայ ես ՚ի սոյն . արդ
 զի է ձեզ յայս չափ անարգութեան զի-
 ջուցանել զիս . և ո՞չ ևս կամիցիք զիս ։
 Նորքս առ հասարակ ձայն բարձին և ա-
 սեն . « Չկամիմք մէք զթագաւորելդ քո ,
 այլ և ոչ զարխնդ ։ Յայնմ պահու զի-
 նապեան միւս ևս անդամ արկ զխեղ-
 դանն . այլ զարձեալ արդել զնա պա-
 հասպանն Օսմանայ ։

Զկնի ճաշուն Մուսղաֆա արքայ
 ամաւ կառօք յարքունիս հանդերձ մար-
 բըն և երկոքումիք աղախնեօք , և բազ-
 մեցաւ յաթուն . և էնիչէրիք խուռն
 դիմեցին անդր և ՚ի տուն զօրավարին
 իւրեանց ՚ի գտանել զերկոտասան քաւ-
 կըս սսկւոյ՝ զորս ամեալէր առ նա Օս-
 ման ՚ի միւսում գիշերին : Յետ ընդ եր-
 կար խիլ արկեալ յուզելոյ մին ևէթ
 գտաւ , և մետասանքն բարձեալ էին ՚ի
 միջոյ . քաղցրասցին որոց վիճակեցանն ,
 ասէ Նայխա : Իսկ Տաւուս փաշա ե-
 թիւք ոմամք գարձեալ էին և տարաւ
 զՕսման յԵափ գուլէ : Ոչ էր չափ բազ-
 մութեան ամբոխին որ խուռն դիմեալ

գնային անդր . այլ ասլա ցրուեցան , և
 դրուեք ամրոցին փակեցան ընդդէմ
 նոցա : Յայնժամ չորեքին արքն այնո
 քիկ սկսան կատարել զէզէռնական ըզ
 գործն : Մարտեաւ ընդ նոսա սասակա
 սէս քաջաբազուկ արքայն . այլ զինա
 սէան 'ի վերջէ արկ 'ի սարանոց նորա
 զխեղդանն և սնդեաց , և միւս ոմն Գա
 լէնտէր օղլու անունն խժարար զկարևոր
 սրն արտրեաց և անշնչացոյց զթագաւորն .
 և ասլա հատեալ զուսկն նորա ածին առ
 մայրն Մուսղաֆայի : Այսպէս զրաւե
 ցաւ 'ի կենաց արքայն Օսման Բ , թա
 գաւորեալ ամս չորս անընդհատ սլա
 տերազմօք արտաբուստ և խուսիւ
 թեամբ 'ի ներքուստ . և էր 'ի մեռանել
 իւրում ամաց ութուսասանից :



ՍՈՒԼԴԱՆ ՄՈՒՍԳԱՓԱ Ա.

ԵՐԿՐՈՐԴ ԱՆԳԱՄ

ՅԱՒՈՒՐ Երկրորդի թագաւորելոյն
 Մուսղաֆայի բաշխեցան սովորական
 պարգևքն իբրու միլիոն մի և հինգհարիւր
 հազար ոսկիք քայց զի Ենիշէրիքն չկամե-
 ին արծաթ առնուլ, այլ ոսկիս խնդրե-
 ին, ամբօխ արարեալ զխմեցին առ Տա-
 ւուա փաշա, յորոյ 'ի տան էր յայնժամ
 Մուսղաֆա արքայ մարքն հանգերձ, և
 գոչեին. «Է՞ր վասն սպաներ զՕսման
 արքայ, զոր մէք տուեալ էաք քեզ յե-
 բաշխի»: Ասէ ցնոսա Տաւուա. «Ար-
 քայն Մուսղաֆա տէր աշխարհիս այն-
 պէս հրամայեաց»: Եւ նորա լուեալ մեկ-
 նեցան առ ժամն: Զհետ երկոց եօթնե-
 կաց միւս ևս անգամ խռով հարեալ 'ի
 մի վայր Էկին Ենիշէրիքն և սպայք և
 խնդրեին զգլուխն Իւմերայ ուսուցչին
 Օսմանայ արքայի: Ի նմին գիշերի և սա-
 լատական մանկափն յարեան 'ի վերայ
 ներքինապեափն սպխտակ ներքինեաց և
 սպանին զնա: Զայն լուեալ զօրակա-
 նացն՝ կոչեցին զՏաւուա և հարցանեին
 ցնա զպատճառս զաւոյն, իսկ նա ասէր

չգիտեւէ ինչ բնաւ : Յայնժամ գիմեցին
առ գե՛նապետն և հարկեցուցին զնա փո-
խել զՏաւուտ . և եղև վէճեր մեծ Մէրէ
հիւսէյին կուսակալն Եգիպտոսի :

Սորա կամեցեալ ցրուել յայլ և այլ
տեղիս զզօրս քաղաքին՝ արկաւ ՚ի սա-
աուոյն . զի իբրև զգացին զերսն Էնիչէ-
րիք և սպայք՝ դարձեալ աղմկեցան և բո-
ղոքեցին ընդդէմ նորոյ վէճերին : Վասն
որոյ եւ հրովարտակ այսպիսի յարքայա-
կոյս կողմանէ . « Ընտրեցէք գուք ընդ
Տաւուտ փաշա , ընդ Վիւրձի Մէհէմ-
մէտ փաշա և ընդ Լէւքէլի Մուսղաֆա
փաշա . իմ առաջի ոչ ինչ է խտիր » :
Մայրն արքայի էր որ ետ զայս վճիռ ՚ի
գիմաց որդւոյն . որ և յետուստ կողմա-
նէ վարագորին խօսեցաւ առ սպա-
տամբան : Իսկ նոքա ոչ միտրանեալք յի-
րեանս՝ ՚ի կամս արքայի արարին սպաս-
տան զընտրութիւնն , և ընտրեցաւ Մուս-
ղաֆա փաշա : Զկնի ամսօրեայ ժամա-
նակի մինչդեռ արքայ էր յասպրանան
որ ՚ի Տաւուտ փաշա , հեծելազօրն ե-
կեալ մատուցին առ նա թուղթ աղա-
չանաց՝ զի արկցի յիշխանութե՛նէ անտի
վէճերն մեծ սակս իւրոյ աչառութեանն
և ազահութեան , և կարդեցաւ փոխա-
նակ նորին Վիւրձի Մէհէմմէտ փաշա .
որ արգարև այր գոլով արժանի այնմ
բարձի , խորհուրդ կալաւ ընդ աւագա-
նւոյն և ընդ գիտնականաց , նորոգեաց
զխաթարեալ օրէնս և զկարգս պետու-

Թեան, և արծարծեաց վերասին զմեծաշուք պայծառութիւն Օսմանեանց:

Սահայն չև էր 'ի սպառ շիջեալ հրդեհ բոցոյ ապստամբութեան զօրականին. որում լուցկիս պատրաստեաց և Ազաղա փաշա բդեաշինն Վարնոյ՝ բանտեալ զոսմանս յենիչէրեաց, և զոսմանս 'ի բաց վանեալ: Որոց հասեալ 'ի Վոստանդնուպօլիս, աղակեցին զզինուորակիցս իւրեանց, և նորոգ խառվութեամբ ստիպեցին զԹագաւորն ընկեցիկ առնել զԱզաղա յիշխանութենէն: Այլ այն չէր շատ:

Զարթեալ 'ի նոսա զիղջ մեծ ընդ մահն Օսմանայ, և յառաջնում աւուր յունուարի յամին 1623 զիմեալ յատեանըն՝ ոչ ևս հանդուրժեմք ասէին կրտսամբութեանց զօրագլխացն մերոց ընդ անպարտ արխանն Օսմանայ, թող որ պատճառն եղև քաւեսցէ զայն. և խնդրէին զմահ սպանողին զարքայ: Այլ իբրև տեսին թէ ոչ ինչ ապրեն բանք իւրեանց, արք տանն 'ի ծերունեաց անտի սպայից երթեալք առ դենտեան՝ խնդրէին զվճիռն առ 'ի նմանէ: Եւ յասել նորա՝ եթէ արժան է հարցանել զիրոգ նախ ցարքայ. զի թէ չիցէ կատարեալ սպանութիւնն հրամանաւ արքայի, մահապարտ է սպանիչն Օսմանայ, առ աւել ևս պնդեցան նորա 'ի պահանջանան: Յայնժամ ել նամակ յարքայէ յորում ասէր. «Ես ոչ ասա-

ցի սպանանել զՕսման . այլ Տաւուս
 փաշա հնարեցաւ զգաւն . որք սպանին՝
 լուծցեն և զվրէժն : Աստաղեցան զօրքն
 առ հասարակ , և զղինապետն գլխա-
 տեալ՝ դափնի ՚ի Թաքսափի և զՏաւուս փա-
 շա քրձաղգեաւ ընդ յարդիւ , և ածին
 չարաչար քարշանօք ՚ի տեղի սլառու հա-
 սին բացաղլուխ և ընդարմացեալ յա-
 հէն : Այն ինչ դահլիճն ՚ի ծունր իջու-
 ցեալ ամբառնայր զմահացու երկաթն ,
 եհան Տաւուս ՚ի ծոցոյ իւրմէ զգառա-
 վճիւ մահուն Օսմանայ զոր գրեալ էին
 դատաւորքն զօրաց , և զարքայագիծ
 վճիւն Մուսղաֆայի , և ՚ի վեր բարձ-
 րացուցեալ զթուղթան սկսաւ աղաղա-
 կել : Անդէն վաղվաղակի ամբարձաւ
 գոչումն ձայնի . « Դադարեա՛ , կաց » : Աւ-
 կէսք գոչէին . հար : Ընթացաւ մի ոմն
 յենիչէրեաց , առ զնա և եդ յերկար .
 և այլք շուրջ սլառեալ զնովաւ ածին ՚ի
 մղկիթ իւրեանց : Չճանապարհայն ո-
 մանք ՚ի խռովարարաց անտիակն ունե-
 լով զի յամբառնալ Տաւուսայ ՚ինախնին
 իւր իշխանութիւն դարձեալ համարձակ
 լցի ինքեանց ՚ի նորանոր յելուզակու-
 թիւնս բուռն հարկանել , խանեցան
 զնովաւ . և նշան ինդրէին ՚ինմանէ , զի
 թէ կացցէ դարձեալ վէզեր մեծ՝ երախ-
 տապարտ ծանիցէ զանձն իւր կարեկ-
 ցութեան իւրեանց . և յառհաւատչեաց
 խոստմանն հասին կորստեցին զգօտի
 նորա և զձորձս և սահեցին : Երբև հա-

սին 'ի մղկիթն' եղին 'ի գլուխ նորա
 զգլխարկն, և զգետտաւորեալ զնա ըստ
 օրինի՝ կարգացին վէղիր մեծ . և սկսան
 ցուցանել նմա այր իւրաքանչիւր զկա-
 պերսաւ նշանակացն : Եւ նա անդեալ գո-
 լով շուրջանակի 'ի խուժանէն՝ զմի ոմն
 'ի մերձակայից կացոյց իւր տեղապահ,
 զմիւս ոմն նուիրակապետ, զայլ ոմն տե-
 սուչ հրովարտակաց : Ի նմին սահու-
 վէղիրն Վիւրճի Մէհէմէտ յատեանկո-
 չեաց զաւագանին . այլ նոցա խռովեալ
 ընդ արկածսն և ոչ ինչ ելի հնարս գը-
 տեալ ցրուեցան : Յայնժամ սենեկա-
 պետն արքայի Տամատի Ահմէտ յանձն ա-
 ռեալ կորզել զՏաւուտ 'ի ձեռաց խռո-
 վելոցն՝ եթէ վէղիրն մեծ տացէ զհրաման,
 գնաց երկերիւր բարապանօք արբունեաց
 'ի մղկիթ սնդր : Ի յանկարծակի գալտե-
 նէ անտի նորա շփոթեցան ենիչերիք
 և 'ի փախուստ խուճսպեցան : Իսկ նա
 ամ տարաւ զՏաւուտ յԵփ գուլէ նո-
 վին կառօք՝ որով զՕսման արքայ տա-
 րեալ էր, և անդէն խեղդամահ արար :
 Չնոյն արարին և ընդ Գալէնտէր օղլուն-
 և երկոցուն ևս գիակունք արկան 'ի
 ծով :

Ոչ սակաւ նախատ լեալ էր աղմկին և
 Մէրէ Հիւսէյին . որ և խոստացեալ ե-
 նիչերեաց հարիւր հազար ոսկիս, այն-
 չափ գրգռեաց զնոսա ընդ գէմութսը-
 նամենի վէղիրին Վիւրճի Մէհէմէտայ
 ներքինւոյ, զի յարձակեցան նորա սպայ-

իւք հանդերձ յատեանն, և ասէն ընդ
երեսս վէղերին. «Գու սպաներ յառա-
ջագոյն զեղբարս մեր, և մէք չկամիմք
զքեզ, և ոչ թողումք ներքինեաց սպա-
կանել զանսչուածիւն աշխարհիս. Եթէ
հակառակ մեզ կացցես, սուսերք մեր
կերիցեն զքեզ»: Յայնժամ Մէհէմէտ
հրաժեշտ կալաւ 'ի սլաշտամանէն և
գնաց 'ի տուն իւր, և սենեկասպետն մեծ
տարաւ զկնիքն առ արքայ. իսկ նա ասէ.
«Տացի առն՝ զորընտրեացն զօրականք»:
Ենդբա ընտրեցին զՄէրէ հիւսէյին: Եւ
'ի հրաժարելնորա 'ի սլաշտոյն՝ մայր
թագաւորին ջանահնար լինէր զխալիւ
զծովակալն ամբառնալ յայն սլաշտն.
այլ Մէրէ հիւսէյին հուսլ 'ի տեղիսն
դատել անց բազմեցաւ յատենի անդ 'ի
տեղւոջ մեծի վէղերին, և անդէն հրա-
ման արար՝ զի Կիւրծի Մէհէմէտ սը-
տրեացի 'ի Պրուսա, և խալիւ 'ի Մալ-
զարա:

Մուսղափա արքայ յայսմ յերկրորդ
հուսի թագաւորութեանն առաւել
ևս յայտ առնէր զանյարմարութիւն իւր
'ի բարձն վսեմական: Ընթանայր ընդ-
սրահս արքունեացն, բախէր զայս և
զայն դուռն, և կոչէր զեղբորորդին իւր
զՕսման յանուանէ՝ զի եկեացէ առցէ
իկնքենէ զբեռն թագաւորութեանն:
Էր զի երիվարաւն հանդերձ կամեր 'ի
նառակ մտանել, և էր զի զնառակն ա-
շաշէր յարքունիս իւր բերել: Եւ 'ի սլա-

բապէլ նորա յայսպիսիս, զամենայն
 խնամս սկեռու թեանն ունէր մայր նո-
 բին, որ յանուն որդւոյն հաստատեաց
 և զգաշինս ուխտի ընդ դեասպանին Ա-
 հաց :

Ստէպ ստէպ և հանապազորդ հրձը-
 դու թիւնք յայտ առնէին դարձեալ ըզ-
 վերահաս իմն խռովութեան վտանգ .
 զի լսէին ենիչէրիք՝ Եթէ սխերիմ թըշ
 նաովն իւրեանց բղեաշինն Վարնոյ Ա-
 ստաղա սպաստամբութեամբ բռնացեալ
 մինչև 'ի կողմանս փոքունն Ասիոյ քա-
 ռասունն հազար զօրօք գողացուցանէր
 զաշխարհն : Ի դարման իրացս հնարե-
 ցաւ յինքն յանգոյց Մէրէ Հիւսէյին զենի-
 չէրիս առատաձեռն բաշխամբ արքու-
 նի դանձուն առ նոսա . և զի հասեալ
 սպառէր գանձն, խորհուրդ կալաւ
 ընդ մօր թագաւորին, և բաղում ինչ բս-
 պաս արծաթոյ և ոսկւոյ 'ի դրամս փո-
 խեաց և զթերին 'ի կեղեքմանէ ամբօխին
 ընոյր : Յայնժամ աղմկեալ հեծեւազօրա-
 ցին գումարեցան 'ի մեծի ձխարձակա-
 րանին, և բողոք հարկանէին ընդդէմ
 անիրաւութեանց և կողմնասիրութեան
 վէղերին մեծի . զի ասէին՝ Եթէ նա զե-
 նիչէրեաց և եթ զկողմն ունի . և թէ-
 սէտ յաղաչանաց և 'ի սպառնալեաց
 դենալեալին և դատաւորաց զօրացն առ-
 ժամն ցրուեցան սոքա, սակայն բռնու-
 թիւնք Հիւսէյինայ՝ մինչև 'ի գանակոժ
 առնէ լզկողմնասպետս և զգխանականս

անդամ, բորբոքեցին զբոց խառվու-
թեան և ՚ի դասս գիանականաց :

Քանզի սոցա առահի ևեթ յանձին
կալեալ էր զթագաւորէն Մուսդա-
ֆայի. և առաւել ևս զկէծեցան ՚ի տալոյ
Հիւսէյինայ ենիչէրեաց և սալայից ըզ-
տեսչութիւն հասից մզկթացն, և ՚ի դա-
նեւոյ նորա զմի ոմն ՚ի նոցանէ՝ որ դա-
տաւոր էր: Ետդովեցան ՚ի մի վայր եկին
՚ի մզկիթ սուղան Մէհէմէտայ, և հա-
տին վճիռ զվէղերէն՝ եթէ մահապարտ
է. զի ՚ի վերայ ամենայն անիրաւու-
թեանցն և անհաւատութեան բանս
բարբառեալ է անդատին մինչդեռ կու-
սակալէրն յԵգիպտոս: Ածին անգրբըռ-
նութեամբ և զդե՛նպեան, և սնդէին ՚ի
դատ կոչել զՀիւսէյին. այլ նա ասէ,
« Մինչև ոչ արկցի Հիւսէյին յիշխանու-
թենէն իւրմէ, ես ոչ եկից. կացէք մնա-
ցէք դուք աստէն, և ես երթեալ բողո-
քեցից զնմանէ առ արքայ » : Այն
ինչ մեկնէր նա անտի, մի ոմն ՚ի սալայիցն
աստատմբաց Պրչագձի օղու անուն
խառնեալ ՚ի ժողով անգր գիանականաց
կատուտակ ձորձով գոչեաց. « Մի թո-
ղուք դմա երթալ. ապա թէ ոչ մեռա-
նիք ամենեքեան » : Այլ ոչ որ անսաց
նմա, և դե՛նպեան գնաց առ արքայ :
Անգ յարբունիս էր յայնժամ Հիւսէյ-
ին ընդ տեղասպահին իւրում և ընդ եր-
կոսին դատաւորս զօրաց. և իբրև եհաս
դե՛նպեան, նա անդէն հրամայեաց իբրև

ի գիտաց արքայի և մօր նորա՝ ցրուել զազընդ մոյթ զժողով գիտնականաց:

Առ աքեցան ՚ի մղկիթ անդրդորավարք երկու յորոց ՚ի մասնե ըն ՚ի ներքս՝ Նահեա և Էֆէնափ, որ կանխաւ դատաւոր էր զօրաց, ասե նաբանէր ինչ առ ժողովականան ջերմաջերմ. և իբրև ետես նա զարան եկեալս՝ աղաղակեաց առ գիտնականան. Հարէք, Հարէք: Եւ նոքա խոնեալ ՚ի վերայ արանցն՝ թշնամանօր և գանխք հաշածեցին ՚ի բաց: Ի նմին սրահու տմանք ՚ի գիտնականաց անափ, ընդ որա և Պրչադձի օղուն, գնացեալ ՚ի ձմերոցն ենիչէրեաց՝ ասեն ցնտա. «Մուսղաֆիա արքայ մանուկ է պակասամիտ, և զինսանս թագաւորութեան սյլք ունին. հապա կամիցիք և դուք զայլ ոմն կարգել մեզ ՚ի թագաւոր»: Եւ նոքա ասեն. «Ուրանօր իցեն տեարքն մեր գիտնականք, անդ ընցուք և մեք»: Հաւատացին արքն բանից անգլուխ զբրտկանին և գնացին յիւրեանս: Իսկ Մերէ Հիւսէյին առաքեաց ՚ի մղկիթ անդրդղլուին Ամիրաց՝ որ կոչի՝ Նազըիս իւլ էշրաֆ, և միանգամայն հրաման եա ենիչէրեաց վառել ՚ի զէն, և ՚ի չանսալ գիտնականաց բանից օղոքանաց՝ ուժ գին ցրուել զնոսա: Եկն այրն ՚ի ժողով անդր, և առ ՚ի հաւանեցուցանելոյ զնոսա ՚ի բանս իւր եհան ՚ի ծոցոյ իւրմէ հրովարտակ արքունի: Գոչեցին յայնժամ գիտնականքն, «Ոչ ինչ ոչ գիտէ

արքայ զհրովարտակդ, այլ այս անուն
 և այն անուն յօրինեալ են զդա՞: Եւ
 հանին զայրն արտաքս: Եւ ապա առին
 զարտախոյր Ագշէմսէտաին շէխին որ
 ՚ի մղկեթի անդ կայր ՚ի պահեստի, պար-
 զեցին զայն ՚ի ձև դրօշու, և գունդա-
 գունդ ելեալ ՚ի մղկեթէն՝ յուղի անկան:
 Ապա և ամենեքեան զիւրեանց թաշկե-
 նակս ՚ի նոյն մերձեցուցեալ՝ սրարդեցին
 զնոսա ևս ՚ի ձև դրօշու, և կարդալով
 զիւրանն խաղային գնային գէպ յար-
 քունիան: Այլ իբրև լուան զգալուսս
 զօրավարին ենիչերեաց իւրեանց վե-
 րայ, կէսք պատճառելով զերեկանալ
 աւուրն՝ ցրուեցան, և որք մնացինն՝ էին
 որ ՚ի սուր ենիչերեաց անկան, և էին
 որ յարսորս առաքեցան, և բազում
 մասամբ ՚ի փախուստ և ՚ի թաքուստ ա-
 ճապարեցին, և զաւուրսբազումս ծած-
 կեցին առ ամօթոյ զերեսս իւրեանց:
 Սակայն եղեն ևս որք ՚ի ծածուկ գըր-
 դուեցին զԱպաղա փաշա վրէժխնդիր
 յառնել սպանութեանն Օսմանայ:

Մէրէ հիւսէյին նուաճմամբ գիտ-
 կանացն յաւել և ևս ՚ի խժգժութիւնս
 իւր, և անդադար էր ՚ի խոշամեղեւոյ և
 ՚ի սպանանելոյ զարս անպարտս. և ՚ի
 լրումն սխերխտ ատելութեան իւրոյ
 ընդգէմ սպայից՝ եղ ՚ի մաի կոտորել
 զնոսա գաւով առ հասարակ: Զոր իբրև
 զգացին նոքա ըստ գիտաց իմն, ամբօխ
 արարեալ գիմեցին յատեան նորս և

դռչելին . « Դու զմեզ կամիս կուտորել , և մեք չկամիմք զքեզի վէղեր մեծ » : Ներքիննապետն և գշխոյն ասացին Հիւսէյինայ 'ի բաց տալ զկնիքն . այլ նա ոչ անտաց , և փախուցեալ անկաւ առ զօրավարն Էնիչէրեաց , որպէս զի բռնութի Էնիչէրեաց վանեացէ զսպայսն : Սակայն Պայրամ փոխանորդ զօրավարին մի առ մի եղեալ էր առաջի Էնիչէրեաց զգառնութիւն և զխաժ գոթութիւն Հիւսէյինայ , և զչահս միաբանելոյ նոցին ընդ հեծելազօրուն : Նմին իրի 'ի բողոքել սոցա ընդ գէմ վէղերին , աղաղակեցին և Էնիչէրեք ընդ մի բերան . « Եւ մեք չկամիմք զվէղեր կողմնասէր . ուր զնուորակիցքն մեր իցեն , անդ եմք և մեք ընդ նոսա » :

Յայնժամ հարկեցաւ Մէրէ Հիւսէյին տալ զկնիքն 'ի գէնապետն՝ ծրարեալ 'ի Թաշկինակի , և նա մատոյց զայն առարքայ . և սպա առաքեցաւ կնիքն առ Քէմանքէշ Ալի փաշա :

Սանոյնժամայն 'ի խորհուրդ բազմեցաւ ընդ գէնապետին , ընդ գառաւորաց զօրացն , և ընդ այլոց աւագաց առ ինկեցիկ առնելոյ զսպիկար Թազաւորն , և ամենեքեան հաւանեցան : Գործ էր դրամն հաւաքել իբրու հազարս հազարաց սակոյ 'ի բաշխոյս սլարգեաց . այլ զօրականքն յանձն առին հրաժարել զայս նուազ 'ի սլարգեաց անտի սակս օգտի սլ. առ թեան : Այսպէս ապա արքայն Մուսթաֆա ամալ յասպարանից

Տաւուտ փաշային անդրէն յարքունիս
ի վանդակն , և ընդ այդն աւադանին և
սրբատականքն առ հասարակ թագա-
ւորեցուցին զերէց որդին Ահմէտայ ըզ-
Մուրատ , որ էր յայնժամ ամաց մե-
տասանից :

Ի ժամանակին յայնմիկ 'ի սլառճառս
տկարութեան արքային և բռնութեան
ըօրականին և ստէպխուովութեանց բազ-
մօք նուազեալ էր նախնի շուք և բարե-
կարգութիւն օսմանեան սլետութեան :
Գաւառք բազումք անկեալ էին 'ի ձեռս
Պարսից , որպէս Աբաստան , Գանձակ ,
Երևան , Պաղտատ և Պասրա . և որ մնա-
ցեալ էին՝ ոչ 'ի ձեռս արդարակորով իշ-
խանաց էին մնացեալ , այլ մատնեալք
յաւար և 'ի յախշտակութիւն սպրս-
տամք բռնակալաց , որպիսի ոք և Ապա-
ղայն էր : Թողից ասել զընչաքաղցու-
թիւնս դատաւորաց , զկաշառասէր
բարս մեծամեծաց , զյոյժ համարձակու-
թիւն գիտնականաց և զայլն , զորոց մի
առ մի զրուցաբանէ Գոչիսպէյ 'ի հան-
ձարեղ մատենին իւրում որ յազագս
սլառճառաց նուազելոյ օսմանեան սլե-
տութեան : Պիտոյ էր ապա թագաւոր
ոք հզօր , որ արդարութեանն վառեալ
սուսերաւ՝ զպատժասլարաից հատուս-
ցէ զարժանին զհատուցումն , և որ տա-
կաւին խեռէ ընկամիցին՝ ահիւ պակուց-
ման սանձակոծեցէ : Եւ ահա այսպի-
սի ոք յարեաւ 'ի ժամանակին Մուրատ

արքայ չորրորդ՝ դեռահասակ արդարև,
 այլ որպէս կորիւն առիւծու՝ ըստ ժա.
 մանակին պիտոյից վաղ հրահանգեալ
 յահարկուածին գիշերասերն ապրս-
 տամբաց :



ՍՈՒԼԴԱՆ ՄՈՒՐԱՏ Գ .

Պ ԱՏԱՆԵԱԿ էր սա միջահասակ, բո-
լորագէտ, թխահեր, մեծակն, առոյգ
և ուժեղակ, և յոյս մեծ ընծայէր
տեսանելեաց՝ եթէ ըստ Տամանակին
կանգնեացէ և պայծառացուցէ ան-
դրէն զսասանեալ պետութիւնն յերե-
սաց ընտանի և օտար շփոթից . որպէս
և արարն իսկ յաջողութեամբ : Առ-
ժամն թէպէտ և ամ ընդ մէջ զուսերն
արքունի ՚ի մետասաներորդի աւուր
ամսեանն սեպտեմբերի, այլ զինամս
տեսչութեան աշխարհին ունէր մայր
նորին գշտոյն Մահփէյքէր, որ և Քիւ-
սէտ սուլդան : Բայց աւանդ զի ձախտ-
ղակի պատահարօք սկսաւ և սորայս
Թագաւորութիւն :

Քանզի նախ դասք զօրականաց ոչ
կացեալ յիւրեանց բանին՝ պահանջե-
ցին առին զսովորութեան պարզեան,
և սպառեցաւ գանձն . զի երկու մի-
լիոնք ոսկւոյ բաշխեցան ՚ի նոսա : Եր-
կրորդ զի ժլատութիւն և բռնութիւն
Քէմանքէշ վէղիրին մեծի՝ զընտիր ըն-
տիր որեար պետութեանն ընկեցիկ
արար յիշխանութեանց, որպէս և

զգենոպեան Եահեա էֆէնափ, և սրահասեցին արք խորհրդականք յատենեն արքունի : Եւ որ մեծն է, մինչքեւ Ազազա երթալով երթայր և բռնանայր ՚ի փոքր Հայս, յԱզարխա անկառ Պաղտաս ՚ի ձեռս Պարսից . զորոյ ղիարգն կարճ ՚ի կարճոյ ամցուք ՚ի յիշատակ :

Պէքիր ոմն զօրավարնուածեալ զիւրն համանուն զՊէքիր զիուսակալն Պաղտասու, մահու շարաւ սպան զնասալա տիրեաց քաղաքին, և առ յինքն ձգելոյ զիուսակալութիւն նորին՝ ազգարար զքաջութեանց իւրոց ՚ի Կոստանդնուպօլիս : Մէրէ հիւսէյին՝ որ յայնժամ վէզիր էր, կարգեաց կուսակալ Պաղտասոյ զՍիւլէյման զոմն . այլ Պէքիր յապատամբութիւն թեալիսեալ ունչս արար զհրամանան : Յայնժամ սպասուէր ևս վէզիրն կուսակալին Ամգայ որում անուն էր Հաֆըզ փաշա՝ խազալ գնալ ՚ի վերայ Պէքիրոյ նիզակակցութեամբ կուսակալացն Մարաշոյ, Սեբաստիոյ, Քելքիւքայ և Միջագետաց Ասորոց . և նա երթեալ սաշարեաց զՊաղտաս :

Տեսեալ Պէքիրոյ զպակասել համբարոց քաղաքին՝ նամակադիր եղև առ Հահարաս արքայ Պարսից՝ տալ ՚ի նա զքաղաքն, և թէ զերծուցի զնա ՚ի սաշարմանէ օսմանեան զօրաց : Եւ Հահարաս, որ պատճառս խնդրէր

ցանդ կժանեւոյ ինչ յաշխարհէն Օսմանեանց, դետպան զոմն առաքեաց հանգերձ թղթով առ Հաֆըզ և ասէ . « Պէքիբ այժմ ընդ Պարսից իշխանու թեամբ կայ . վասն որոյ տեղի տուր այտի . ապա թէ ոչ՝ լուծանին դաշինք ուխտին » : Եւ յասել Հաֆըզայ, « Մէք ՚ի մերում աշխարհի նկուն առնեմք զաստամբն . և զիարդ լուծանիցին դաշինք » , յաւել դետպանն . « Թռչուն որ ՚ի ծառատունկս ուրուք թռուցեալ դադարիցէ , ապաբէն տեառն տեղւոյն անկանի » : Պատասխանի ետ Հաֆըզ . « Իսկ արդ այս թռչուն ՚ի մերում վանդակի աստ է . այլ թէ թռուցեալ դադարեացէ ՚ի միում ուրեք ՚ի ձերոցդ ծառատնկոց՝ ոչ ևս սպահանջեսցուք զնա յետս » : — « Հասէ արդ , ասէ դետպանն . տեղի տուք աստի , ապա թէ ոչ՝ զօրավարն մեր Գարջեղայ երեսուն հազար արամբք վանեացէ զձեզ » : Եւ Հաֆըզ ասէ . « Եթէ լուծջիք դուք այդպէս զգաշինս ուխտին , հատուջիք անշուշտ զարժանին սրաթիւ սրատուհասի » :

Յետ այնորիկ խորհուրդ կալաւ Հաֆըզ ընդ զօրավարս իւր , և շնորհեաց Պէքիբայ զկուսակալութիւնն Պաղտատու ՚ի գիւնաց Մուրատայ արքայի : Սորըջայաւ յայնժամ Պէքիբ ընդ հրաւիրելն զՊարսս , և շնորհս կալաւ Հաֆըզայ . այլ և աղաչեաց մեկնել ՚ի քաղաքէն , զի

աներկիւղ եղէց ասէ: Ազա հրաւիրեալ յընթրիս զգեստսանան Շահաբասայ՝ ասէ ցնոսա . և Կեցցէ յամայր մեծ արքայդ Պարսից՝ որ ազատեաց զմեզ ՚ի սլաշարմանէ: Օսմանեանց որսէս եղբայր և բարեկամ. սպարաատ եմք և մեք նուիրել նմա զմերս ծառայութիւն երբ և պէտք ինչ սահանջեացեն ʔ: Սրտմբտեալ գեստսանաց ընդ բանան՝ ազգ արարին արքայից արքայի: Իսկ Պէքիր կոչեցեալ առ ինքն զերեքարիւր սպարսիկս՝ որ բերեալ էին նմա զփահեղն ՚ի սարգես ՚ի գխնաց Շահաբասայ՝ առ թան կոխեաց զփահեղն, և կախեաց զնոսին զլիս ՚ի վայր ընդ ծայրս սարասաց քաղաքին:

Յետ սահաւ աւուրց եհաս ՚ի Պաղատատ Շահաբաս արքայ շորք բազմօք և սլաշարեաց զքաղաքն: Յայնժամ հափըզ փաշա որ ՚ի Մուսուլ կայր՝ ազգ արար զեղելոցն ՚ի Կստտանդնուսլօլիս, և զորս ՚ի թիկունս խնդրէր հասուցանել. այլ Քեմանքէշ Ալի վեզիրն մեծ յանհոգս եղև: Ափսս երիտակեաց սլաշարումն, և սով սաստիկ անկաւ ՚ի քաղաքն, և ապա Մէհէմէտ որդի Պէքիրայ գաղտ բանագնաց լեալ ընդ Շահաբասայ՝ եբաց գիշերայն զգրունս քաղաքին, և ընկալաւ զՊարսիկսն ՚ի ներքս: Պէքիր հանեալ ՚ի թագրատենէ՝ ածաւ առաջի Շահաբասայանդ առ արքայի բազմեալ կայր որդի

Պէքիրայ Մէհէմէտ . և ասէ ժպիրհն
 ցհայր իւր . և Ահա գտեր դու զսա-
 աիժս երգմնազանցու թեանդ . և ես
 կամեցայ կատարել զնոյն այսպէս: Ար-
 կաւ Պէքիր'ի ժամուն'ի բանտ . և Շահ-
 արաս յեա զինաթափ սունկէ լոյ զգորս
 քաղաքին' 'ի մի վայր ժողովեաց զնոսա
 և սատուիրեաց զորացն իւրոց առ-
 նուլ'ի նոցանէ ըստ գլուխ արս չորս
 կամ հինգ . և փակեալ զգրունս քա-
 ղաքին' խոշտանդել զնոսա զաւուրս
 եօթն, որպէս զի յայանեացեն զգանձս
 իւրեանց: Բազումք յեղկելեաց անտի
 մեռան'ի հարուածսն, և այլք խեղե-
 ցան չարաչար: Կամեր Շահարաս 'ի
 սկզբան անդ կոտորել առհասարակ
 զամենայն բնակիչս քաղաքին . այլ
 գլխաւորն յէմիրս Պաղտասայ Սէյիտ
 Տիւրրաճ անուն հաւանեցոյց զնա
 ինայել գէթ 'ի սարսկազանդ մար-
 դիկն: Ասան որոյ 'ի գիրեա գրոշմէլ զա-
 նուանս ամենեցուն նոցա, և զայլս որ
 աղանդակիցք Օսմանեանց էին' 'ի սուր
 սուսերի կոտորեաց: Արկաւ և Պէքիր
 'ի վանդակ երկաթի, և զաւուրս վեց
 չարչարեալ անբուն' յեօթներորդին
 եգաւ 'ի վերայ խարուկի մեծի' մինչև
 հալեցաւ թանձրամսութիւն նորա,
 որպէս զի յայանեացէ նա զգանձս իւր:
 Կայր հանդէպ նորա բաղմեալ առ Շահ-
 արասայ չարաչուք որդին գաղանամիտ'
 ունկելով 'ի ձեռին զբաժակ դինուոյ,

և ծիծաղէր ընդ աղէտս հօրն խորովե-
լոյ . ո՛հ նախատանաց մարդկեղէն բնու-
թեան : Ապա եղաւ Պէքիր 'ի նաւակ
օժեալ նաւթիւ , և ընկեցաւ 'ի Տիգրիս
դեա , և բոցակիզեալ ընդ նաւակին
մեռաւ ըստ նմին օրինակի որպէս սպա-
նեալ էր իւր զօմն 'ի զօրավարացն Օս-
մանեանց յանդիման ամենայն բնակ-
չացն Պաղտատայ : Այլ ընդ խժողը-
ժութիւն որդւոյն որին սոսկացաւ Շահ-
աբաս ինքնին և աքսորեաց զուսուա-
կանն 'ի Խորասան . ուստի կամեցեալ
նորա փախչել՝ սպանաւ չարաչար :

Խաղաց անտի Շահաբաս 'ի վերայ
այլոց քաղաքացն Օսմանեանց . այլ ուր
ուրեմն եհաս 'ի Կոստանդնուպօլսոյ
քաջառնաւուսն Քիւչիւք Ահմէտ փա-
շա , և հալածեաց զՊարսս 'ի Մու-
սուլայ : Եւ հա՛իբը փաշա դիմեաց 'ի
վերայ Մերտինոյ , զոր դեռ ևս ա-
ռեալ էր Պարսկաց :

Իսկ 'ի Կոստանդնուպօլիս վէրերն
մեծ Քէմանքէշ Ալի սակս իւրոյ հա-
րրստահարութեանց ատելի լեալ էր
ամենեցուն : Եւ ինքն ևս Մուրատայ
արքայի սպանանել զանպարտ այրն Պէ-
պիր Մէհմէմէտ փաշա՝ դիւրահաւան
եղեալ սպայից ոմանց սոսխաց առնն .
որ զուպարտեցին զնա սու վէրերին որ-
պէս թէ կաշառեալ իցէ զբազումս 'ի
զօրականէն առ 'ի կորզելոյ 'ի ձեռաց
Ալեայ զիշխանութիւն նորին : Առա-

քեաց Ալի առ Պէպէր զաներն իւր
զՊոսթանգատէ զգառաւորն եւրո-
պեան՝ զի քաղեացէ բանս՝ ի բերանոյ
նորա և ստուգեացէ Եթէ արդարեւ
հետամուտ իցէ նա այնմ բարձի :

Եկն Պոսթանգատէ, և մինչդեռ ըզ-
պէսպէս իրաց զոոյց արկեալ խօսէին,
եհան ՚ի փակեղանէ իւրոմէ թղթեակ
ինչ՝ յորում էին հաշիւք և գծածք, և
ասէ ցՊէպէր. « Հմուտ եմ ես փոքր ՚ի
շատէ ախտարական գուշակութեանց .
և տեսանեմ զի գու, տէր, յաջորդեա-
ցես զփեսայն իմ զԱլի ՚ի գերագոյն
բարձին » : Պէպէր լուռ և Եթ կայր . և
՚ի կրկնէ ըգառաւորին զնոյն բանս՝ ասէ .
« Եթէ այն հրամանք իցեն վերին տես-
չութեան, բարեոք իցէ » : Ըստ հա-
մարեցաւ Ալի զբանն զայն առ ՚ի մահու
սլարտ ցուցանել զայրն առաջի արքայի .
և յաւուր միում ՚ի գնալ Պէպէրայ առ
արքայ՝ կանխեաց քան զնա Ալի, և
մինչև յանդիման լեալ արքայի ասէ
ցալարախղատան զօրականսն . « Ար-
քայի հրամանք են ստանանել մահա-
սլարտ զոմն . արդ ո՞ ՚իձէնջ յանձին
կալցէ զկատարումն հրամանին » : Մի
ոմն ՚ի նոցանէ Գարա Մահմուտ անուն
հաւատարիմ ծառայ Պէպէրայ՝ ոչ ինչ
ոչ գիտելով յիրաց անախ՝ յանձն էառ
մտադիւր, և վէղերն արամբք ոմամբք
թաքեաւ ՚ի գլուխ սանդղոցն՝ ընդ որ
ունէր ելանել Պէպէր : Եկն ել նա, և

վէղիբն յանկարծակի՝ ՚ի վեր երևեալ՝
կշտամբեաց զնա դառն նախատանօք և
մղեաց ուժգին ընկէց ՚ի յենարա-
նաց սանդղոցն ՚ի վայր : ԵԼ յայնժամ
և Գարա Մահմուա՝ ըստ որում բան
եղեալ էր ընդ վէղիբին . ծանեալ զի
խրում տեառն դահիժ՝ կացեալ էր .
այլ երկիւղ մահուն յաղթահարեաց
զսէր մտերմութեան նորա , և սպան
զՊէպէր :

Սահայն և նա ինքն Ալի փաշա
խորհրդով գէնալեալին Կաստայ և ներ-
քինապետին Մուսղաֆայի սպանաւ ,
և անց ՚ի տեղի նորա Չէրքէս Մէհէմ-
մէա , որ կուսակալն էր Գամասկոսի ,
և կարգեցաւ միանդամայն սպարապետ
ընդդէմ Ապաղա փաշային : Քանզի ՚ի
բազում բղէշխից արձակելոց ՚ի վերայ
առնն՝ էին որ հարան ՚ի նմանէ , և
էին որ ՚ի նորա կողմն հատուածեցան .
քանզի սրածառէր նա քինախնդիր լի-
նէլ սպանութեանն Օսմանայ : Իսկ Մէ-
րէ Հիւսէյին , որ զհեա էր սպարապե-
տութեան և կամ տեղապահութեան ,
ամբատանեալ առ արքայի՝ կախեցաւ :

Ի դաշտաւայրին Աւսարխոյ ճակա-
տեցոյց վէղիբն զզորս իւր ընդդէմ սպրա-
տամբաց , և ՚ի ծածուկ որսացաւ զո-
մանս ՚ի հատուածելոցն բղէշխից՝ զի ՚ի
Ժամ խառնելոյ ճակատուցն՝ յայս կող-
մին անցցեն : Եւ յառնէլ նոցա այնպէս ,
Ապաղա փաշա յեա մարանչելոյ հա-

բուսած մի անհնարին մոլեգնութեամբ՝
 'ի փախուած դարձաւ, և զօրք իւր 'ի
 սուր սուսերի կոտորեցան յՕսմանեանց,
 և բազումք 'ի գերութիւն անկեալ գլխ
 խատեցան: Իսկ Ապաղայի փախուցեալ
 անկեալ 'ի Վարին, անտի փութացաւ
 հնորս հաշտութեան գտանել ընդ մե-
 ծի վէղերին, որ ժամանեալ էր 'ի Դեր-
 ջան. և նա հաստատեաց զնա անգրէն
 կուսակալ Վարնոյ, պայմանաւ զի տա-
 սին գունդս ենիչէրեաց առեալ կար-
 գեսցէ պահապանս բերդին, և մի ինչ
 շար անցուցէ ընդ նոսա. և ինքն խո-
 տորեցաւ ձմերել յԵւգոկիա:

Ընդ այն ժամանակս Մէհէմէտ քէ-
 բէյ խանն խրխմու և ընդ նմա եղբայր
 նորին Շահինքերէյ զօր բազում 'ի Թա-
 թարաց գումարեցին, և զթիկունս իւր-
 եանց հարիւր հազար Նողայ թաթա-
 րօք և ութհազար խաղախօք ստուա-
 րացուցեալ ընդ վզեցան յՕսմանեանց, և
 զերկուս գեսպանս Ռուսաց որ դառ-
 նային 'ի Վոստանդնուպօլսոյ 'ի խրխմ'
 սպանին, և զընծայս նոցա կողոպտե-
 ցին: Յայնժամ կարգեցաւ խան խրխմու
 վերստին Ճանխպէկ քէբէյ. զոր ծովա-
 կալն Տէճէպ փաշա ամ 'ի Քէֆէ, և
 ինքն օսմանեան բանակաւ բախեալ ընդ
 ապստամբան՝ խորտակեցաւ 'ի նոցանէ
 'ի սպառ, և հազիւ ճողոպրեցաւ 'ի նա-
 ւըս իւր: Այսան զեղան թաթարքն յա-
 մենայն կողմանց խրխմու 'ի Քէֆէ, և

Շահին քերէյ հրաման ետ օսմանցի բը-
նակչաց բաղաքին՝ յերկից աւուրց միջոցի
մեկնել ՚ի բաց նաւուք. այլ Տէճէպ փա-
շա աղերսանօք հաւանեցոյց զՇահին՝
տեղի տալ ՚ի Քէֆէէ, և զՄէհէմմէտ
դարձեալ ծանուցեալ խան Խրիստու՝
ուղևորեցաւ ՚ի Կոստանդնուպօլիս:

Ի նմին ամի և գրոհք Խաղախացի բրու-
երկերիւր երկայնաձև նաւակօք մտեալ
ընդ նեղուցն Կոստանդնուպօլսոյ աս-
պատակեցին զէրոստական ծովէ զե-
րըս, և այրեցին զՊիւլիւք տէրէ, զԼնի-
քէօյ և զՍտե՛նիա: Արձակեցան վաղվա-
ղակի ընդդէմ նոցա չորս կամ հինգ-
հարիւր նաւակք, զի մի յառաջ ևս խա-
ղասցեն, և մեծ շղթայ նաւահանդըս-
տին առաքեցաւ ՚ի բերդս Առափօրոնի-
ուր զօրն ցերեկ դադարեալ Խաղա-
խաց՝ դարձան ապաատապատակել յայլ
ծովափունս Պոնտոսի: Այլ ծովակալն
Օսմանեանց բաղմու թեամբնաւուցե-
լեալ ՚ի նաւահանդստեն Առնայի՝ ե-
հար ընկղմեաց զեօթանասուն նաւակս
Խաղախաց, հարիւր եօթանասուն և
երկու նաւակս ձերբակալեաց, և եօ-
թընհարիւր և ութսուն Խաղախա ՚ի
դերութիւն վարեաց:

Քան զամենայն կորուստս ցաւալի
էր Օսմանեանց կորուստն Պաղտատայ-
ամին իրի ՚ի մեռանել Չէրքէս Մէհէմ-
մէտայ յԵւդոկիա, հաֆըզ փաշա կար-
դեալ փոխանակ նորս վեղիր մեծ և

սպարասպետ՝ մեծաւ հանդերձանօք ա-
 րամբ իբրու հարիւր հազարաւ խաղաց
 գնաց և սլաշարեաց զքաղաքն Պաղ-
 տատ, այլ զի սակաւ հրազէնս ածեալ
 էր ընդ իւր, յետ երկամսեայ անդուլ
 վաստակոց ուրուրեմն յաջողեցաւ նմա
 սլատառել զսլարիսպն, և ՚ի բուռն յար-
 ձակմամբ խուժել Օամանեանց ՚ի ներ-
 քըս՝ բռնագոյնս անդրէն ՚ի դուրս վա-
 նեցան ՚ի Պարսից: Ամիսս վեց այսպէս
 սլաշարեալ Օամանեանց զՊաղտատ,
 երբէք երբէք և ընդ զօրավարս Պարսից
 մարտ եղեալ հռուէին արտաքոյ, մինչև
 և հաս յօգնու թիւնքաղաքին ինքն Շահ-
 աբաս զօրու ծանու: Ապա յաւուր
 միում մինչդեռ վէզիրն ՚ի մականախա-
 ղու թիւնս սլարասպեր, դեասպան ՚ի Շահ-
 աբասայ ժամանեաց առ նա. հաֆլղ
 ընթերցեալ զթուղթն՝ հրամայեաց յա-
 ռաջ վարել զհազն, և ՚ի քրթմնջէլ զօ-
 րականաց ընդ տարագէտ արարան՝ ասէ
 նա զայրադին. « Թող մի ոմն ՚ի հու-
 սակալաց իմոց տացէ նմա զսլատաս-
 խանին »: Այսպէս յերկարեալ յան-
 հողս ՚ի խաղի անդ առ ՚ի ցոյց սլարսկին՝
 ապա դարձաւ դանդաղաքայլ ՚ի խո-
 րանն իւր, և ՚ի ինդրել դեասպանին սլա-
 տասխանի՝ ասէ ցնա. « Զկնի սլատե-
 րաղմի տաց »: Բախեցան հողմանքն
 երկոքին միանդամ և երկիցս, և երկուս-
 տեք նախաձկրք բազում գործեցան,
 այլ մարտն մնաց անսլարտելի: Եկն այլ

դեսպան 'ի Շահաբասայ, որ խնդրէր յարքայէն Օսմանեանց զՊարտաւ իբրև 'ի բաժին ժառանգութեան որդւոյ իւրոյ, մանաւանդ տակս գերեզմանին Ալեայ աղանդապետին Պարսից. բայց վէղերն մերժեաց զայն խնդիր, ասէ . « Չիք հնար թէ հրաժեշտ ունիցիմ ես 'ի Պարտաւայ . և այս կամք են մերոյ արքայի՝ զի եթէ Շահաբաս եկեալ իցէ յուխա 'ի շիրխմն Ալեայ 'ի Պարտաւ, և ես երթայց 'ի շիրխմն Սէֆեայ յԱրտաւիլ » :

Այլ իբրև յերկարագոյն նուագս ձը գէր բանագնացութիւնն ընդ դեսպանին՝ զօրականքն ողջոյն աղմուկ հարեալ արտաքոյ աղաղակէին . « Չիյարադեմք այլ ևս աստէն, ուր չիք մեր գըրաստ հեծանելոյ, և ոչ կերակուր ուտելոյ » : Եւ կործանեալ զվրան վէղերին՝ եզին զնա բռնութեամբ յերիւար, և ածին 'ի բերդն . և դեսպանն Պարսից 'ի զնին կայր եղելոցս : Առասակիցք Մուրատ փաշայի կուսակալին Բերիոյ, որ յսլով ուրեք 'ի վտանդ կորստեան արկեալ էր զՕսմանեանս, գիմեալ 'ի վերայ նուիրական դրօշուն՝ կամէին կանգնել զայն հանդէս վրանին Մուրատայ, և կարգել զնա վէղեր մեծ : Այլ քաջ դրօշակիրն Օսման գոչեաց ընդ գէմ նոցա . « Ո՞ր կարէ ընկեցիկ առնել զվէղերն մեծ բայց յարքայէ . ջորջափէ յիս շունչ կենդանութեան, դրօշս նը-

Էրրահանն ոչ մատնեացի 'ի ձեռս ձեր ։
 Նորաբունն արարին նմա, և իբրև դար-
 ձեալ ոչ եթող՝ հասին զբազուկան ։
 Մինչև ժամանեալ 'ի բերդ անդր՝ ելին
 ընդ առաջ աղմկելոցն ոմանք 'ի հինա-
 ւուրց զօրահանէն և հանդարտեցին ըզ-
 նոսա . « Ոչ օրէն՝ ոչ 'ի դէպ է, ասեն,
 բանդել զվէզիր մեծ . և դարձեալ թէ
 յարձակեացին 'ի մեզ թշնամիք՝ զի գոր-
 ծիցեմք անդուխքս ։ Յայնժամ հա-
 բին 'ի բացի զվրան և անդր ամին զհա-
 ֆրդ, և նա ասէ ցնոսա . « Եւ արդ զնչ
 կամք իցեն ձեր եղբարք . և ուր այնո-
 քիկ իցեն որ լաւ համարէին մեռանել
 քան թողուլ զՊաղտատ ։ Յայնժամ
 զաղաղակ բարձին սմենեքեան . « Խա-
 փանեալ են մեզ անցք համբարոց և օգ-
 նու թեան . հասա դարձցուք 'ի տունս
 մեր, զի ոչ ևս հնար է մեզ կալ մնալ
 աստանօր . եթէ իցէ քո սուսեր, փու-
 թա ան այսօր զՊաղտատ . և եթէ ոչ,
 աղաչեացուք զկարմրագլուխան զՊարոս
 զի թողցեն մեզ դառնալ անխափան
 յերկիրս մեր ։ Եւ հաֆրդ յակամայ
 կամս յանձին կալաւ չու դարձի առ-
 նել ։ Չայն իբրև զգաց Շահարաս,
 յետս կոչեաց զհեսպանն՝ զոր առաքել
 առ հաֆրդ, և պատասեալ զնամակն՝
 ասէ . « Ոչ վայելէ ինձ տալ երբէք
 զամբոց 'ի ձեռս զօրաց որք 'ի փա-
 խուսս դառնան վատու թեամբ ։

Բազում աղմկաւ արարին Օսմա

նեանք զգարձն 'ի Պաղատաայ 'ի Մուսուլ, 'ի գետ ամացեալ զամենայն զբեռինա խրեանց, և զընտիր ընտիր թնդա նոթան խորտակեալ. սակայն և այնպէս եհաս զհետ նոցա Շահարաս : Հրաման ետ վեղերն Մուրաս փաշայի վերջապահ զօրօքն զգէմ ունել թշնամեաց . այլ նա ոչ լուար, և Հաֆըզ հարկեցաւ դառնալ տալ ընդ Պարսից պատերազմ, և վանեաց ևս զնոսա, և ապա խեղդամահ արար զՄուրաս : Առ սովոյն վտանգի կերան զօրօքն զճանապարհայն զերթվարս անդամ զիւրեանց, մինչև 'ի հասանել յԱթիգ, որ արձակուրդ շնորհեաց բանակին, և 'ի Կոստանդնուպօլսոյ ընկալաւ խիշայս պատուոյ և բանս քաջալերս սակս վատակոցն յիննամեաց պաշարման անդ, և հրաման ձմերկոյ 'ի Բերիա :

Սակայն որպէս 'ի Կոստանդնուպօլիս հեծեղադունդն և ենիչէրիք 'ի սաղրեոյ Բեճէպ փաշային ազմուկ մեծ յարուցեալ առին զգլուխ իննանամենի տեղապահին Աիւրժի Մեհեմեկտայ, նոյնպէս և 'ի Բերիա կամէին յօշատել զատենագպիրն խրեանց զՄալլոջէ ֆէնտի : Եւ զի և 'ի Կարին խըրտեր Ապաղա փաշա միւս և սանդամ յապատաւ բութիւն, Հաֆըզ փաշա կոչեցաւ 'ի Բերիոյ, և փոխանակ նորա կարգեցաւ վեղեր մեծ Խալիլ փաշա :

Յամին 1626 'ի ստոտկասարոցոյ ա-

ւուրս ամսեանն դեկտեմբերի անց դը-
նաց խաչիչ յԵւսկիւտար, և յայց եւ
նախառ անուանի ծերունին Մահմուտ,
առ որում տարալինեալ էր յառաջ
նում նուազի անդ ընկեցիկ ընկելոյ խ-
րոյ յիշխանութենէն : Մահմուտ զայս
եւթ ասաց ցնա . « Ազա ուրեմն դար
ձեալ սպարապետ կացեր դու և ոչ այլ
ինչ » : Ընդ այս բան սրամտեալ խաչի-
լայ՝ եւ ՚ի բաց ՚ի նմանէ, և խորքն չարա-
գուշակ համարեցան զհակիրճ ասա-
ցուած ծերունւոյն :

Հասեալ խաչիլայ ՚ի Բերիա, դարձ
արար անտի ՚ի կողմանս Վարնոյ . և լը-
ւեալ եթէ Պարսք յարձակեալ գան յԱ-
խլցիսա՝ արձակեաց անդր զկուսակալս
Անգայ, Բերիոյ, Մարաշոյ և փոքուն
Ասիոյ արամիք իբրու հինգ հազարաւ,
և զօրագլուխ նոցա կարդեաց զՏիշլէնկ
հիւսէյին փաշա : Ազդ արար և սպըս-
տամբին Ազազայի նիզակակից կուսա-
կալացն ընկել, և նա ՚ի վերին երևտս յան-
ձին կալաւ . այլ քանզի ընդ ձեռն լրատե-
սաց ոմանց ՚ի բուռն արկեալ էր ըզ-
թուղթ սինչ խաչիլայ՝ յորս յայտնատէս
նիւթէր նա զկորուստ անձին խրոյ, եւ
՚ի Վարնոյ և բանակեցաւ յԻլիճէ՝ որ-
պէս թէ չուեւկամիցի յԱխլցիսա : Իբ-
րև գիտաց զմտեւ լրանակին անդր, յան-
կարծակի յարձակեցաւ գիշերայն ՚ի վե-
րայ ենիջէրեաց և կոտորեաց զնոսա :
Այլ Տիշլէնկ այր քաջամարտիկ, բայց

յանդուզն, յարհամարհս ունեւոյ զգորութիւն Ապագայի՝ դանդաղէր զիմեւ ՚ի վերայ նորա . և զի զցայդն ամենայն տեղատարափ լեալ էր անձրեոյ՝ Տիշկենկ մերկացեալ զհանդերձս իւր և սփռեալ էր ՚ի ցամաքել: Եւ ահա ընդ այդս այգոյն անկաւ Ապագա իւրովքն սպառազինօք ՚ի վերայ հանդարտելոցն յանհոգութեան և խորտակեաց զնոսա: Հեծաւ Տիշկենկ լոկով պարեգօսիւ յերկ վար իւր և արիարար շահատակեաց, այլ ՚ի վերջէ պարտասեցաւ անկաւ խոցոտեալ ՚ի տէգ թշնամեաց . և Ապագա տեսեալ զնա այնպէս արիւնադանդ և ՚ի հանդերձ կանաչագոյն՝ էջ յերկվարէն, և զկիսակենդան գլուխ նորին եղեալ ՚ի գիրկս իւր՝ խօսէր ընդ նմա բանքս ողորմեաց: Եբաց Տիշկենկ զաչս իւր, այլ անդէն դարձեալ ետից, և յեռստակաւուց փշեաց զողին:

Իսկ Ապագա դարձ արարեալ ՚ի Վարին՝ սկսաւ կոտորել զենիշերխ . մորթեալ էր յարար զգորտակեաս նոցա, և անդամ անդամ յօշատեալ կախեաց ՚ի պարխասս քաղաքին, և զայլս ՚ի կուսակալաց ըմբռնելոց խեղդամահս արար: Յուզեաց ընդ ամենայն խորչս ծածուկքս և զթաքթաքուր ենիշերխան և գլխատեաց զամենեւեան:

Զայս ամենայն իբրև լուաւ խալիւ, գնաց պաշարեաց սաստկութեամբ ըզՎարին զաւուրս եօթանասուն. և ՚ի լի

նեւ սաստիկ ձիւնաբերաց՝ մեկնեցաւ
բազում կոտորածիւ զօրացն 'ի ցրտոյ և
'ի հիւսից ձեան յԵւդոկիս :

Մուրատարքայ ծանրացասումն յոյժ
եղև ընդ այս դործ խաչիլայ և արկ զնա
'ի սպառուոյն . և նա դարձեալ 'ի Աս-
տանդնուպօլիս՝ յետ սակաւուց մեռաւ
լի աւուրքք : Խոսրով փաշա բնիկ սրո-
նացի՝ այր խիտ և ահարկու՝ կացեալ
փոխանակ նորա վեղիր մեծ, անակնկալ
ճեպով եհաս 'ի Աարին, և չեթող Ապա-
զայի սրատրատել զանձն իւր 'ի սպ-
աերաղմ կամ 'ի սաշարումն : Հրաւի-
րեաց նախ զասպտամբն յանձնատուր
լինել . և նա յանձին կալաւ՝ վստահա-
ցեալ 'ի խոստումն վեղիրին չապանանե-
լոյ զնա : Եւ արդարև ոչ միայն չապան
զնա խոսրով, այլ և մեծապէս սպ-
առուտիրեալ ամ ընդ իւր 'ի Աստանդ-
նուպօլիս, և ներումն և սպախւս վասն
նորա ընկալաւ յարքայէ . և Մուրատ
արքայ շնորհեաց Ապազայի զկուսա-
կալութիւն Պոսնիոյ :

Էր յայնժամ Մուրատ արքայ եօթն-
ևտասն ամաց, սպառանի բարձրահա-
սակ և հուժկու, և հետաքնին ամե-
նայն կարևորաց 'ի գխութիւն, և
սկսաւ ճանաչել զզօրութիւն իշխանու-
թեան իւրոյ, և 'ի կիր արկանել . զի
թուէր ևս տաղակացեալ ինն 'ի խնա-
մակալութենէ մօր իւրոյ Քիւսէմայ,
որ 'ի հնդից ամաց հետէ ըստ կամի՝

մանաւանդ և ըստ հաճոյս ներքինապէ-
տին Մուսղաֆայի վարէր զտեսչու-
թեանն իրս: Ի սկզբան ամին 1629 ար-
քայ Մուրատ հրաման ետ վէզիրին իւ-
րում խոսրովայ դիմել առնուլ զՊաղ-
տատ . և նա յամսեանն մայիսի յուրի
անկեալ, զամենայն զճանապարհն ներ-
կեաց արեամբ անիրաւ իշխանաց , որ-
պէս ասէն պատմագիրք Օսմանեանց:

ՅԱգչէհիր քաղաքի քարշէցաւ յա-
տեան նորա զրպարտութեամբ Տուր-
մուշ պէյ ոմն իշխան արդիւնական .
ասէցնա վէզիրն բանիւք խտուութեամբ .
« Տուր 'ի բաց զգանձս քո . ապա թէ ոչ
մեռանիս » : Ասէ ծերունին . « Զօրա-
կանս բազումս կերակրեմ ես յիմոց
ծախուց . և ուստի իցեն իմ գանձք պա-
հեաթի » : Եւ 'ի սպառնալ նմա խոս-
րովայ ոչ ևս ժուժեալ առնն՝ գոչեաց
ընդդէմ նորա և ասէ . « Եթէ չե իցէ
հասեալ ժամն իմ , ոչ կարես դու
սպանանել զիս . և եթէ շաղասեսցես
զձեռն քո յարիւն իմ անպարտ , յաւուր
անդ դատաստանին ձեռն իմ լիցի 'ի վե-
րայ սպրանոցի քո : Ամաց աւելի եմ ես
քան ութանից , և նոյնչափ սպիա վիրաց
կրեմ 'ի մարմնի , զորս վիրաւորեցայ յձ
գուտ դենիս մերոյ և սկտութեան .
այլ առ իշխանութեամբ արիւնըսուչս
բանաւորի որ իբրև զքեզդ իցէ՝ լաւ է
ինձ մեռանել քան զկեանս դառնու-
թեան » : Եւ առ ժամայն լուցոյց զնա

երկաթն մահարեր :

Ինձին ամի մեռեալ էր Շահարաս արքայ յեռ քառասուն և չորից ամաց թագաւորութեանն, և սրայաղատեալ եղբորորդինորին Ջամ Միրզա որ և Շահ Սէֆի . սին իրի վստահագոյնս հատեալ անցեալ Օսմանեանց զտարածիդուղին, և ուրեք ուրեք արիարար վանեալ զզօրավարս Պարսից՝ նիզակակցութեամբ իշխանացն Մարաց, առին և զհամատան քաղաք, այն է նախնին Եկբատան՝ երբեմն եօթնարսպեան . և զաւուրս վեց յաւարի առեալ՝ զծառատունկան կոտորեցին, զփայտակերան հրդեհեցին, և ոչ թողին քար ՚ի քարի վերայ ՚ի մնացուածս սլարսպացն, և զսլարսկաղեն բնակիչսն ՚ի սուր սուսերի մաշեալ սպառեցին : Խոտորեցան ապա ՚ի կողմն Պաղտատայ, և զկնի վաթսուն օթևանաց հասեալ սաշարեցին զքաղաքն ՚ի քսաներորդի աւուր ամսեանն սեպտեմբերի յամին 1630 : Ամիս մի ողջ վաստակեալ յականի, ոչ ինչ օգտեցան . և ՚ի սլատճառս վրիպակ խորհրդոց ինչ Խոտորուլայ, և յանխոնջ դիմակալութենէ սաշարեւոյն գերևայաւ արիական ճիգն օսմանեան բանակին, և հրաման եղև չու գարձի առնել : Մեկնեցաւ վեզիրն ձմերել ՚ի Մերտին, և յայտ արար ՚ի գուռն արքունի զկարևոր հարկ առաքելոյ առ ինքն զօրս թաթարաց յօգնութիւն :

Կրրև չէրևեցան թաթարք մինչև ցամառն միւսոյ ամին, աղմուկ յուզեալ զօրացն՝ հարկեցուցին զյոսարով դառնալ յԱմիգ. և մինչդեռ գնայր նա ձըմերել ՚ի Բէրխա՝ հասին թաթարքն հնօտիս զգեցեալ, անկարգ և անդլուխք, և հրամայեցաւ նոցա ձմերել ՚ի կողմանս Կարնոյ: Ընդ այն ժամանակս տարափք անձրևաց յաճախեալ յԱրարխա՝ ողողեցին և զՔեապէ և խարխարեցին զօրմունս նորս, և արքայ Մուրատ հրաման ետ փլուզանել գլխովին զօրմունսն և նորս կանգնել. և որպէս աւանդ է Տաճկաց, այս փառք մեծ է Մուրատայ՝ զի մեռաւ աներորդ կառուցիչ դտաւ Քեապէին:

Չառաջին Քեապէն հրեշտակ իանգնեցին, ասեն նոքա, ըստ օրինակի խորանին՝ որ յերկինս՝ համակ ՚ի լասանլոյլ յախնել: Ձերհորդն իտառոյ Արամ՝ Բերելով նմահրեշտակաց Գարինս ՚ի հինգ լերանց, որ են Լիբանան, Այրարաք, Սինս, լեռան Ձիւննէաց և Փառան: Եւ Գանդի Արամ Գարա, ասեն, զՔեապէն ընդ իւր յերկինս, Սեթ լինեաց զերրորդն ՚ի Գարանց, որ յառաքս ըհեղեղին անհեփացաւ: Ձլրրորդն իանգնեաց Աբրահամ, ըստ ազա նորօգեցին Ամաղիկոցի: Յեք Բաղամ ժամանակաց վերջսփն իտառոյ զնոյն Գառաս ոք, ազա Գառելոյ լեան, ազա Ազառալուհ որդի Ձիւղեյրի, ազա հեճաճ Բանակալ, և զնի

Իսկ 'ի Կոստանդնուպօլիս հեծեալ
 գունդն մատուցեալ արքայի զլծուղծ
 բողոքոյ զինուորակցաց իւրեանց՝ որ 'ի
 բանակին խնդրէին կատարել զաղաչանս
 նոցին և առաքել 'ի բանակ անդր զհա-
 ֆրդ փաշա և զհամարակալն Մուսղա-
 ֆա, որ թշնամիք էին վէզերին և տեղա-
 պահի նորուն Տէճէպայ : Հաֆրդ և
 Մուսղաֆա խմացեալ եթէ դաւ է 'ի
 բանին 'ի կողմանէ Խոսրովայ, ամբաս-
 տան եղեն զնմանէ ընդ դենպետին
 առ արքայ, և զամենայն զինաս ձախո-
 զելոյ արշաւանին արկեալ զնովաւ՝ հա-
 լանեցուցին զՄուրատ ընկեցիկ առ-
 նել զԽոսրով, և նա կարգեաց 'ի տեղի
 նորա երկրորդ անգամ զհաֆրդ : Իբրև
 ազդ եղեն իրքն 'ի բանակ անդր՝ աղմկե-
 ցան զօրքն առ հասարակ, և ասէին .
 « Ո՞ է որ ետ ընկեցիկ առնել զվէզերդ
 մեծ . չկամիմք զայլ ոք սպարապետ բայց
 'ի քէն » . և խնդրէին որոնէին սպանա-
 նել զլծղծաբերն : Այլ Խոսրով 'ի վե-
 րին երեսս խաղաղեաց զնոսա . « Ո՞չ
 ապաքէն ծառայք եմք, ասէ, արքայի .
 նա է որ կարգէ և բառնայ զո ոք և
 կամի . հանդարտ լերուք » : Ապա կըն-
 քեաց զգանձն, կացոյց իւր փոխանորդ
 զԴայեար Մէհէմէտ փաշա, և ընդ
 երկուց ոմանց յուղի անկաւ երթալ

Իննհարիւր երեսուսն և էօնն ամաց այս Մու-
 բար արքայ Դ :

'ի թագաւորեալ քաղաքն : Յանցս Եփրատայ սրտահեաց նմա սենեկապետըն Ահմէտ արքունի նամակաւ , և պահանջեաց տալ զմատանին . և Խոսրով առ վայր մի խորհրդածեալ , եհանապա 'ի ծոցոյ իւրմէ զմատանին և ետ 'ի նա ասելով . « Հրաման է տեսան իմաց » : Ագոց սրտաամաբերին զամուրենին ըստ սովորութեան , պարգեւեաց նմա երիվար և ոսկիս և արձակեաց յետս , և ինքն ուղևորեցաւ յԵւգոկիս :

Յայն միջոց Ժամանակի աղմուկ զօրացն 'ի բանակին և յայլ և այլ կողմանս ածելով ածէր սակս բարձրնկեցութեանն Խոսրովայ . այլ արգասիք չարեացն 'ի Աստանդնուպօլիս եկին 'ի յայտ : Քանզի դիմեալ զօրացն համախումբ 'ի Գուրչունչու խան հուպ 'ի փողերանոցն , և անտի 'ի ձիարձակարանն , սկսան դռչել . « Ասմիմք զգլուխ Հաֆըզայ , զցենպետին Եահեայի , զհամարակալին Մուսդաֆայի » և զայլոց ոմանց , ընդ ամենայն զեօթնևտան որերոյ : Փակեցան կրպակք , և 'ի շիտ թըս մեծամեծս էր քաղաքն ուջոյն : Յառուրն երրորդի կանխեցին սաղստամբքն և զեղան 'ի դաւիթ արքունեաց : Ահզերն Պայրամ փաշա ազգ արար Հաֆըզայ՝ թագուցանել զանձն իւր մինչև անցցէ մըրիկն այն . այլ նա ծիծաղեցաւ և ասէ . « Յայսմ իսկ գիշերի անտի ես զբաղդն խմյերազի . բաւ յինէն եր-

կնչեւ 'ի մահուանէ ։ Եւ եկն եմուտ
աներկիւղ 'ի սպառան : Յայնժամ յեր-
կուս բաժանեցան խումբս աստտամբն,
և կարծէր Հաֆըզ՝ եթէ անցս կամի-
ցին սպարաստել նմա . բայց նորա քա-
րինս երկուտեք կարկառար տեղա-
ցեալ 'ի վերայ նորա արկին յերկարէն ,
և հաղիւ ճողոպրեցին զնա իւրքն շա-
լակաւ 'ի ներքս : Հաֆըզ քանզի կորու-
սեալ էր 'ի խռան անդ զփակեզն
իւր և զվերարկուն , խնդրեաց 'ի տեղի
նոցին այլս , և եմուտ առ արքայ տալ
նմա զկնիքն . և նա զարհուրեալ՝ զայս
միայն սասց . « Երթ , ասրեցո՛ զանձն
քո » . և Հաֆըզ եմուտ վաղվաղակի
'ի նաւակ փոքրիկ փախչել յԵւսկիւ-
տար : Յայնմ սահու ըցան աստտամբն
'ի գաւիթն երկրորդ և յատեան կար-
գային զարքայ : Եւ Մուրատ առ նո-
սա , և յտանկելեաց ասէ ցնոսա . « Զինչ
խնդրէք , ծառայքդ իմ » : Եւ նորա
ասեն . « Տուր 'ի բաց զդուխտ եօթն-
և տասն արանցն , ասպա թէ ոչ՝ չար ևս
արասցուք » . և սկսան մօտել ժպրհու-
թեամբ յանձն արքայի և կամէին իմն
մխել 'ի նա զձեռս : Ասէ Մուրատ լի
ցատմամբ . « Թէ չկամիք լսել ինձ , էր
ասպա կոչեցէք զիս » . և անդէն շուրջ
սպատեալ 'ի սաշտօնէից իւրոց՝ մեկնե-
ցաւ 'ի ներքս յարքունիան : Դիմեցին խոս-
վեալքն հանգոյն մրկածուփ ալեաց
զհետ նորա . այլ փակեցաւ գուռն , և

յորդեայ գոչումն աղաղակին . « Կամ
տացես զլուսինն , կամ կորուսես զա-
թուղ » : Յայնժամ Տէճէտ փաշա
գաղտնի բորբոքիչ ասպտամբու թեանս՝
յայտ արար Մուրատայ զանհրաժեշտ
հարկ կատարելոյ զկամս աղմկելոցն .
և նորա յանհնարս մտեալ առաքեաց
զգոս թանճի պաշին ամել յԵսկիւտա-
րէ զհաֆըզ : Բացաւ գարձեալ գուռնն
ներքին , և արքայ վերստին բազմեալ
յատենի ակնարկեաց չորից ոմանց դը-
խաւորաց ասպտամբացն մտադոյնս
մատչել առ իւր , և խօսեցաւ ընդ նո-
սա բանիւք բազմօք ՚ի բաց կալ յապի-
րատութեան խորհրդոց անտի . այլ
բանք իւր ոչինչ ոչ ազդեցինն առ նոսա :

Յայնմ վայրի հաֆըզ ՚ի թիկանց
կուսէ գրանն կատարէր զօրինական
լուսացումն և զաղօթս , և իբրև ետես
եթէ ոչ ինչ լսեննորքա բանից թագա-
ւորին , եւ եկաց ՚ի մէջ և ասէ . « Տէր
արքայ , հազար դերիք իբրև զիս ՚ի զոհ
մասնեացին վասն քո . զայս միայն ա-
ղաչեմ , զի մի գու սպանցես զիս , այլ
տուր զիս ՚ի ձեռս գոցա , զի մեռայց
վկայական մահուամբ և անպարտ ա-
րիւնս իմ ՚ի գլուխս գոցին եղիցի » : Եւ
սոպա երկրպագեալ ասէ . « Յանուն
Աստուծոյ գթութեանց և ողորմու-
թեանցնս միայն է բարձրեալնս միայն
ամենակալ . Աստուծոյ եմք մեք և առ
Աստուած գառնամք » . և եւ զնայ

արիարար 'ի հրասպարակ անդր : Հե-
 ծէր առ վշտին Մուրատ արքայ, լային
 պաշտօնեայք նորա, և աւագորեարն
 արտասուալից աչօք կային և հայէին :
 Մատեան առ նա մի առ մի սպայքն . և
 հաֆըզ 'ի խոնկէ առ նովաւ զօրացն՝
 ած միում 'ի նոցանէ ուժգին ապտակ
 և տապալեաց յերկիր : Յայնժամ հա-
 րանայքն 'ի վերայ նորա, և վերս չա-
 րաչարս եօթնևտասն եգին 'ի վերայ . և
 ենիչէրի ոմն ծուծր եգեալ 'ի վերայ
 լանջաց նորին եհատ զգլուխն : Հրա-
 մայեաց արքայ և պատեցին զգլխին
 նորա կանաչագոյն կերպասիւ, և ապա
 ասէ . « Արդ թէ կամք իցեն Աստու-
 ծոյ, հասանելով հասցէ 'ի վերայ ձեր
 վրէժ մահու գորա, ո՛ր բռնաւորք, աներ-
 կիւղք յԱստուծոյ, և անպատկառք
 'ի մարգարէէ նորին » : Եւ մեկնեցաւ
 Էմուտ 'ի ներքս, երգուեալ նախ 'ի բրո-
 նագատելոյ նոցին՝ զի այնուհետև
 բարձցին 'ի միջոյ կաշառք, և մի ևս վա-
 ճառեցին իշխանութիւնք, և թե-
 թեաացին ծանրութիւնք հարկաց :
 Յայլում աւուր խնդրեցին ապատամբքն
 և զգլուխ գենպեաին . այլ նա արկաւ
 և թ յիշխանութեանն, որպէս և այլք
 յաւազանեոյն :

Տեսեալ Մուրատայ յայտնապէս՝ ե-
 թէ խոտրով է պատճառ ամենայն
 չարեացս այսոցիկ, պատուիրեաց Միւր-
 թէ զայի կուսակալին Օղուի երթալ

բառնալ զկեանս առնն : Իբրև եհասնա
յԱւդոկիա, գիտաց խոսրով զպատճառս
դաւտեան նորին , և կարգեալ ՚ի
դուռն իւր սահապանս սուսերամեր-
կըս՝ ազգարար Միւրթէղայի գալ առ
ինքն . սպարաստ եմ ասէր կատարել
զհրամանս տեառն իմոյ արքայի : Այլ
Միւրթէղա ճարտարագոյն քան զնա
գտեալ՝ զհրովարտակն և եթ արքունի
առաքեաց առնա . և խոսրով իբրև ըն-
թերցաւ զթուղթն՝ կատարեաց զու-
ցումն և զաղօթսն, գարձաւ ՚ի հարաւ
կոյս, և մատոյց զպարանոց իւր ՚ի խեղ-
դանն :

Յաւուր յորում եհաս գլուխն խոս-
րովայ ՚ի Կոստանդնուպօլիս, գար-
ձեալ ստամբակեցին զօրքն, և խնդրէին
զգլուխս համարակալին Մուսղաֆայի,
զչօրավարին ևնիչերեաց զհասանայ, և
զՄուսայի պատանւոյ մտերմին ար-
քայի : Երևեցաւ նոցա Մուրատ արքայ
և ասէ . « Մուսղաֆա և հատան ՚ի
թագոտի կան, և չիք գտանել զնոսա .
իսկ Մուսայի զինչ յանցանք իցեն » :
'Նոքա ընդ մի բերան գոչեցին . « Ած-
ցին արտաքս արքայորդիքն » : Ելին առ
նոսա չորեքին և զբարքն Պայէզիտ, Սիւ-
լէյման, Գասըմ և Իպրահիմ, և ասեն
ցամբոխն . « Զինչ բանք իցեն ձեր ընդ-
մեզ . մի ևս առնուցուք ՚ի բերան զա-
նուն մեր, և մի զուր տարապարտուց
կասկած և լիս առնէք զմեզ, անկիւղքդ

յԱստուծոյ և անսրատկառք յարքայէ .
 Աստուած է որ պահպանէ զմեզ անկա-
 րօտ ձերու մեզ օղնականութեանն : Իսկ
 խռովարարքն երաշխաւորս խնդրեցին
 վասն կենաց արքայորդւոցն, և գենակե-
 արն և վէզիրն մեծ Տէճէսլ յախուռն
 առին զնոսա յերաշխի, և նորա աման
 անդրէն ՚ի տեղիս իւրեանց :

Տէճէսլ փաշա խաբկանօք էառ յար-
 քայէ և զպատանին Մուտա Խալիֆէ,
 զի տարայց ասէ, ՚ի տուն իմ, և անտի
 ցուցեալ զնա զօրացն՝ հանդարտեցու-
 ցից զնոսա, և յետս կացցեն ՚ի պահան-
 ջելոյ զգլուխս երեցունցն, զնորա և
 զհամարակալին և զզօրավարին ենիչէ-
 րեաց . և թէ չար ինչ պատահեցէ
 նմա, անձն իմ փոխանակ անձին նորա :
 Ի վաղիւ անդր խռնեցան ասպտամբք
 դարձեալ առաջի ասարանիցն Տէ-
 ճէսլայ, և խնդրէին զգլուխն Մուսայի
 Եւ նորա հանեալ զպատանին արտա-
 քրս, որպէս հրաման տուեալ էր իւ-
 րոցն ՚ի ծածուկ՝ մղեցին ընկեցին զպա-
 տանին ՚ի սանդղոց անտի ՚ի վայր, և
 անդէն յօշատեցաւ Մուտա ՚ի հաղա-
 րաւոր սուսերաց . և Տէճէսլ ՚ի բար-
 ձուէ անտի կականաւ գոչէր . « Զի՞
 գործէք ո՞ արք, իմ առեալ է զդա յե-
 րաշխի . աւանդ, աւաղ » :

Խնդրեցան և զօրավարն ենիչէրեաց
 հասան և համարակալն Մուտաֆա,
 և չարամահ սպանան, և զօրականքն ա-

ուեալ կախսեցին զգլխակունս նոցին ըզ-
 ծառոյ գլխ'ի վայր : Սակայն այսու
 ամենայնիւ հանգերձ չեւ ևս ցածեան 'ի
 մոլեգնութեան անտի իւրեանց . նա և
 ևս զգլխեալք՝ զամիսն ըամազան 'ի
 բուն յամենայն անկարգութիւնս ան-
 ցուցին : Ի միւսում ամսեան զինարար-
 քնն ևս 'ի նոսա յաւելան , զի նախանձ
 չարութեան եմուտ 'ի նոսա կախսել և
 զիւրեանց զօրավարն զծառոյ ըստ օրի
 նակի ենիչէրեաց , որպէս և արարին իսկ-
 և ահ երկիւղի 'ի վերայ կայր ամենե-
 ցուն , եթէ գուցէ նորոգեացին դար-
 ձեալ արկածքն Օսմանայ արքայի : Սա-
 կայն Մուրատ արքայ քաջ գլխաց վախ-
 ճան առնել խռովութեանցն և եր-
 կիւղին . և սկիզբն դործոյն մեծի կգ-
 զմահն Տէճէսայ , որում չկարէր նե-
 բել և զմահն Մուսայի , և զյանդուգնե-
 ըաշխաւորութիւն նորա վասն կենաց
 արքայորդւոցն՝ քրէական յանցանօք ,
 ևս առաւել զյանդուգն բարբառն՝ ո-
 լով 'ի կոչել անդ զարքայ յատեան
 ապտտամբացն առացեալ էր . « Տէր ար-
 քայ , արասցիր զօրինական ըւացում-
 նրդ » : Թող զի ոչ անդխտանայր Մու-
 ըատ՝ եթէ Տէճէս է սկզբնառիթ-
 այսր ամենայնի չարեաց :

Յաւուր միում , այն ինչ զարձեալ
 էր վէզիրն յատենէ անտի 'ի տուն իւր ,
 եկն սենեկապետ ոմն և կոչեաց զնա
 անգրէն յարբունիս . և իբրև եհաս 'ի

գուռն, ներքինիք ումանք ցուցին նմա՛ի ձախակողմն կուսէ գոյզն ինչ մուտս, ուր մնայ քեզ ասէն արքայ :

Իբրև ետես Տէճէսդ՝ ի գաւթի անդ զբազմութիւն խափշիկ ներքինեաց՝ զարհուրեցաւ յանձն իւր և գումարեցաւ, և տաղնապէալ յտանառութե՛նէ՝ եմուտ կաղաղով ՚ի մերձակայ սենեակըն, ուր կայր Մուրատ. որ և գոչեաց առ նա. « Եկ, եկ այսր այ գու կաղ աւաջնորդ ապատամբաց » : Զանայր ճգնէր Տէճէսդ անբասիր զանձն առնել, այլ Մուրատ բարձրացոյց ՚ի վերայ նորա զբարբառ իւր. « Ա՛յ անօրէն, ասէ, արա՛ զուայսումնդ » : և ՚ի նոյն յարեալ ասէ. « Հատէք վաղվաղակի զգլուխ գաւաճանիդ » : Եւ զի չէր գահիճն ՚ի սրատրաստի՝ ներքինիքն խեղ գամաս արարին զնա : Իբրև տեսին ապրատամբք զգլխակն Տէճէսդայ առ գլխան արքունի, վարտակալ ցրուեցան ասարեկք : Եւ Մուրատ սկսաւ այնուհետև զօրանալ ինքնիշխան ՚ի թագաւորութեան անդ իւրում՝ ամաց գոլով քսանից :

Կարգեաց նախ վեղիր մեծ զԴասղանը եասար Մէհէմէտ. և ՚ի քսաներորդի իններորդի աւուր ամսեանն մայիսի հրովարտակ արար, զի մի ևս բաշխեացին հեծեղազօրուն սլատիւք նրաշտամանց : Զտտեան կոչեաց ապա ՚ի սլատչգամին Սիւանայ զամենայն զաւագորեալն և

գլխաւորս Ենիչէրեաց. և մինչդեռ նո-
 քա յոսա կային, ինքն բազմեալ յա-
 թոս իւրում խօսեցաւ ընդ նոսա ասեղ
 բարբառով և ասէ. « Եթէ հնազանդ և
 հլու իցեն ինձ հեծելազօրքն իմ, թող
 արձակեսցեն առ իս զամանս ՚ի գլխա-
 ւորաց իւրեանց » : Ապա գովեաց ըզ-
 հաւասարմութիւն Ենիչէրեաց և յոր-
 գորեաց զնոսա յետս կալ յապատամբաց
 անտի. և նոքա ընդ մի բերան երկայն
 աւուրս մտղթեալ նմա ասեն. « Հնա-
 զանդ եմք մեք բանից արքայի, հեռի լիցի
 ՚ի մէջ սպասամբութիւն » : Յայնժամ
 բերաւ ՚ի մէջ կուրանն և նոքա երգուան
 ՚ի նոյն և յանունն Աստուծոյ երեք-
 կին, և արձանագրեցաւ երգումն նո-
 ցա ՚ի մատեանս յիշատակաց : Ապա
 դարձաւ Մուրաս առ գլխաւորս սպայ-
 իցն ժողովելոց յայնժամ ՚ի ձիարձա-
 կարանին և ասէ. « Արք խստամբաւէք էք
 գուք սպայքդ, և գործ մի գժուարին է
 տալ ձեզ ՚ի միա աւնուլ զլան և զօգ-
 տակար : Չերովդ իշխանսիրութեամբ
 խանդարեալ ազականեցէք գուք զպե-
 տութիւնս առ հասարակ, և յաճախե-
 ցէք ՚ի միջի ձերում արս անօրէնս՝ որ
 ոչ ինչ անսան բանից գլխաւորացդ ՚ի
 նոսա, այլ կեղեն զհօգատակս, ուսեն
 զհասս մղկթաց, և ձգեն յանձինս իւ-
 րեանց զանուն վատութեան զապատամբ
 խռովարարաց » : Պատասխանի կտուն
 սպայքն արքայի և ասեն. « Բաւ լիցի

մեզ յանձն առնուլ զանունն աստատա-
բու թեան . այլ բարեկամք եմք մեք բա-
րեկամացն քոց , և թշնամիք թշնամեաց
քոց . դարչիմք մեր ժխմք յանօրէնութեց
դորձեցելոց հակառակ արքայիդ , այլ
չկարեմք խափանել զնոսին ” : Գովեաց
և զնոսա արքայ և երգմնեցոյց . և սպա-
կոչեցեալ զահանաւորս ՚ի դատաւորաց
աշխարհին՝ խօսեցաւ առ նոսա և ասէ .
« Զի է զի ամենեքեան բողոք զձէնջ
հարկանեն , որպէս թէ կաշառակութե-
լննելով նեղէք զհոգատակս իմ ” : Նո-
քա ետուն սրտասխանի և ասեն .
« Մեք ոչ երջէք թիւրեմք զիրաւունս
և ոչ երթամք զհեռ կաշառուց , քաւ ,
մի լիցի . այլ զի չկարեմք արդարու-
թեամբ առնել զիրաւունս , քանզի այն-
պէս բռնադատեն զմեզ սպայքն դոռո-
ղացեալք . և թէ չտամք ինչ նոցա յու-
տեսա , դատափետեն զմեզ իբրև զկա-
շառարեկս ” : Մի ոմն ՚ի դատաւորաց
Արիոյ արաբացի խիզախ՝ եհան անդէն
զսուսեր իւր և ասէ . « Տէր արքայ ,
սուսեր միայն է դարման չարեացս այ-
սոցիկ ” : Աչք արքայի և ամենայն ժո-
ղովոյն դարձան ՚ի հրացայտ կերտա-
րանս առնն . այլ նա ոչ այլ ինչ յաւել
ասել : Յետ այնօրիկ հրատարակեցաւ
երգմնակուռ խոստումն երեցուն դա-
տուցս առ ՚ի սլահելոյ զանդորրութիւն
հատարակաց , սրատուհաս ՚ի վերայ կա-
պեալ երգմնաղանցից զանէծս Աստու-

ծոյ և զմարդարէին իւրեանց, և զհրէշտակաց և զտաճկաց առ հասարակ :

Զհետ երկց աւուրց կամէր Մուրառ սպառսպուռ ջնջել 'ի միջոյ զհեծելաղօր դունդն . այլ յընդդէմ կալ գըլխաւորաց 'նոցին՝ երաշխաւորելով ըզպահպանութիւն երդման իւրեանց, ասէ ցնոսա . « Արկցին ապա առաջի արքունական գրանս գլուխք առաջնորդացն ապստամբութեան » : Յայնժամ սկսաւ կոտորած 'նոցին . և գլուխք էին 'նոցա Սադա Մէհէմէտ, Կիւրծի Ռիզվան, Ճին Ալի, Ճատու Օսման, և այլք բազումք : Եւ որք արտաքոյ 'ի զանազան բաղաքս բռնացեալ էին՝ որպէս Տէլի Ելահի ոմն եղբօրորդի այլոյ ուրումն բռնակալի՝ որում անուն էր Տաղար տէլիսի, և Տէրէլի Խալիլ, և Ելիաս փաշա, 'ի ձեռն քաջ զօրաւարաց ընկալան զպատիժ պատուհասի չարեացն գործելոց, զորոց շնորէ տեղիս մանրապատում լինել : Այլ զբռնագունին 'ի նոսա պատմեացութի կարծոյ զկատարած՝ զԵլիաս փաշայի որ մականուն Սօլադ օղլու անուանէր : Սա 'իբազում պատերազմունս քաջ գտեալ՝ առաւել ևս ապստամբութեամբն հռչակեցաւ . յաւարի էառ զՄագնեսիա, և արհամարհեաց զհրամանն արքունի զընաչոյ 'ի Գամասիոս, և ընդդէմ յարձակման կուսակալաց փոքուն Ասիոյ և Գարամանայ՝ որ էին Բիւլսք Ահմէտ

և Տիկալէր փաշա՝ ամբացաւ ՚ի Պեր-
գամոն: Տեսեալ պաշարողացն զանառիկ
ամբուլթիւն տեղւոյն՝ սկսան յողոք ան-
խանել. առաքեցին առ նա կեռաս և
միրգ և շաքար, և ընկալան ևս ՚ի Կոս-
տանդնուպօլսոյ նամակ արքունի՝ յո-
րում թողուլթիւն շնորհէր նմա արքայ:
Յայն խոստումն վատահացեալ Իլիաս
անձնատուր եղև, և յուղի անկեալ
ընդ Քիւջիւք Աճմէտայ գնաց ՚ի Կոստան-
դնուպօլիս և յանդիման եղև արքայի:
Ասէ ցնա Մուրատ արքայ. « Այր ա-
րեանց, զի է զի ոչ չոգար ՚ի Գամաս-
կոս, զորոյ զկուսակալութիւնն ՚ի քեզ
աւանդէի »: Իլիաս պատճառեաց ըղ-
խօթն լինել: Այլ Մուրատ ասէ. « Որ-
դի անիծից, ոչ խօթ էիր ապաքէն յա-
ղարան վարել զՄագնեսիա զաթու-
նախնեացն խոց: Հատէք զկառափն
անօրինիդ »: Կալան զնա զօրականքն,
և մի ոմն խողխողեաց զնա անդէն դաշ-
նակաւ:

Իսկ Քիւջիւք Աճմէտ որ երաջխաւոր
լեալ էր կենաց առնն՝ գողայր արդ սար-
սափմամբ սակա իւրոյ կենդանութեան,
քանզի գիտէր զբողոք բնակչացն Կեր-
միանու ընդդէմ անձին իւրոյ: Մու-
րատ սուղ ինչ ՚ի լուութեան կացեալ,
ասլա ասէ և ցնա. « Անօրէն դու, էր սա-
կըս տառապեցուցանես զհպատակն
խմ »: Պատասխանի ևս Քիւջիւք Աճ-
մէտ. « Տէր խմ և թագաւոր, խոստո-

վանիմ՝ ահա զի ներդեցի զհպատակս,
այլ զոր ինչ և առի ՚ի նոցանէ՝ ՚ի պէ-
տըս զորուն ծախեցի. եթէ այն չէր,
և ոչ զորս կարէի գումարել, և ոչ սա
այսօր ընդունէր առաջիքս զարժանին
զպատուհաս. և արդարև տակաւին ևս
սպարտապան եմ զորացն վաթսուն հա-
զար գահեկանաց: Այլ ես ՚ի ձեռս
տեառն իմոյ արքայի կամ, ՚ի բո ձեռս
է սպանանել զիս և կամ ներումն չնոր-
հել: Եւ արքայ խրատեալ զնա՝ ըզ-
գեցոյց ասլա նմին պատմուծան վա-
ռաց, և կարգեաց զնա կուսակալ Դա-
մասկոսի:

ՅԱրաբիս ևս ՚ի կողմանս Եմենու և
Հէճաղայ Արաբացիք հարիւր հազար
ասպտամբեալք յերկոյ ամաց հետէ ՚ի
մարտ կաքաւէին ընդ Օսմանեանս:
Քէօր Մահմուտ զօրավար Օսմանեանոց
վանեաց միանգամ զՍէյիտ զիշխանն
Մէքքէի, և ՚ի Մէքքէ հինաբար յափըշ-
տակութիւնս և քանդմունս արար բա-
ղունս: Յետ այնորիկ կատարեալ ան-
դէն զուխան՝ արար և զեօթնաթիւ շըր-
ջանն զՔեսպէիւ. այլ գիտելով չափ
զյանցանս իւր՝ փոխանակ գառնաւոյ
՚ի Կոստանդնուպօլիս խոտորեցաւ ՚ի
Պատրա, և անկեալ ՚ի ձեռս Արաբա-
ցոց սպանաւ, և վերստին տիրեաց
Մէքքէի շէրիֆն Սէյիտ:

Իսկ ՚ի Կոստանդնուպօլիս յետ հան-
դիակոց և ջահաւոց ուրախութեանց

վասն ծննդեան նոր արքայորդւոյ, անկաւ հրդեհ մեծ 'ի դուռն ճիւղ Ալի և տարածեցաւ 'ի նաւահանգստէ անտի մինչև 'ի Մուլա Կիւրանի, և 'ի Ֆէնէս դրանէ մինչև յՌենգափան, և այրեցան՝ ասէն՝ առնիք քսան հազար, երկուք և եւթ անմերձ 'ի հրոյ մնացեալ 'ի մեծ 'ի ընդարձակութեան անդ : Ժողովուրդն կարի իմն զայրագնեալ ընդ դէպսն՝ բազում ինչ խառնախօս լինելին արանջելով 'ի Ժողովս իւրեանց. սմին իրի հրաման եղև կործանելոյ կամ վակելոյ 'ի սպառ զամենայն կրպականին գահավէի : Ապա արգելաւ և ծխածիգն լինել հանդերձ սպառնալեօք մահու, զի պակաս լիցի վտանգ հրձգութեան :

Յամենայն գիշերի շուրջ ընդ քաղաքն յածէր Մուրատ արքայ, և զոր ոք գտանէր անոյս կամ ըմպելով զգահվէ, կամ ծխածիգ լինելով, առ ետեղ 'ի մահ գատապարտէր : Զցերեկ ևս յայլակերպս շրջէր ընդ ամենայն անկիւնս քաղաքին, և իւրով առաջիկայ գտանելովն ցրուէր վարատէր զամենայն Ժողովակս արանց խռովասիրաց : Յաւուր միում մտտեաւ առ մեծանուն ծերունին Սիվասիզատէ, որ 'ի սրառչգամի ուրեք ընդ բարեկամս իւր բանս 'ի մէջ առնոյր զվարուց լաւութենէ, և հրամայեաց իւրոցն հարցանել ցժողովականան թէ զինչ ինչ ունիցին ընդ իւրեանցս. և նորա հանին ցուցին մատեանս

և օրհնարանս : Եբաց Մուրատ զառաջին մտտեանն և ասէ . « Այս խնոյ վարժապետիս Եահեայի գործ է » . ասպա ակնարկեալ և յայլսն՝ ասէ . « Ես չխռովեմ բնաւ զգիտնականս և զգպիրս և զմիանձունս » :

Յաւուր յիշատակի ծննդեան մարգարէին իւրեանց ՚ի մղկեթին սուրբան Ահմէտայ քարոզեաց նախ Սիվասիղատէ , և ասպա այլ ոմն համբաւեալ Գազըզատէ անուն . և սա քանդի համարձակութիւն յոյժ ունէր առ արքայի՛ աներկիւղս բարբառեցաւ ընդդէմ աւագ որերոյ , և առակ ՚ի մէջ բերեալ զմի յարարոց 'Նասրէտափնայ' ասէր . « Արօրադիր լինէր նա երբեմն՝ ըմեալ եղինս երկուս , զմին մեծ և զմիւսն փոքր . և յորժամ երկրորդն չձգէր , նա զառաջինն հարուածէր . և իբրև հարցաւ 'Նասրէտափն զպատճառսն' ասէ . զի մինչև առանկոյն փոքրն զմեծին պատուհաս , ոչ ձգէ սցէ զարօրն » : Բազումք յաւագանւոյն թշնամանս անձանց համարեալ զքանսն՝ կամէին անդէն յափշտակեալ քարշէլ զնա ՚ի բեմբէ անտի . այլ արդէլ զնոսա՝ դենպեան , զի չէ օրէն ասէ առաջի արքայի :

Ընդ այն ժամանակս յարձակեցան Պարսք՚ի վերայ բերդին Աանայ . և Մուրատ առաքեաց փութանակի ընդդէմ նոցա զվէղերն մեծ Մէհէմէտ փաշա , ինքնին ուղեկից լեալ բանակին մինչև

անդր քան զՆիկոմիդիա 'ի Գազըղը :
 Յետ աւուրց գնաց և 'ի Պրուսա՝ ան-
 ցեալ ընդ Նիկոմիդիա , զորոյ զգատա-
 ւորն Վիւմիւ շղատէ անուն գովեացնախ՝
 զի նորոգեալ էր զպարխապս քաղաքին ,
 և հրովարտակ ևս ինքնագիր շնորհեաց
 նմա՝ ոչ ևս ընկենուլ զնա յիշխանու-
 թենէն : Այլ յերթալ իւրում 'ի Նի-
 կիա անհարթ գտեալ զճանապարհն ,
 զի անակնկալ էր գալուստն արքայի և
 անաղգ , հրաման ետ Մուրատ կախել
 զգատաւորն : Յուցանէր այրն զհրո-
 վարտակն արքունի և բողոք հարկանէր
 ընդդէմ հրամանին . այլ 'ի զուր : Եւ
 'ի սահու անգ կախմանն դարձաւ առ-
 ժողովուրդն և ասէ . « Զձեզ ունիմ , ո՛
 Տաճիկք , վկայս անպարտ արեան ի-
 մոյ » : Զերիս աւուրս մնաց նա կա-
 խեալ իւրով փակեղամբն և հանգեր-
 ձիւք գատաւորութեան 'ի դրան քա-
 ղաքին , և ասա իջուցեալ ածաւ 'ի
 թաղուսն՝ ուռգելով զճանապարհն
 արեամբ իւրով :

Ընդ այս գործ գժգմնեցան գիտ-
 նականք 'ի Վոստանդնուսօղիս . և գեն-
 պեան Վիսիզատէ աղգ արար մօր թա-
 գաւորին՝ զի խրատեացէ զորդին իւր ,
 որպէս զի մի անկցի ասէ ընդ անիծիւք
 գիտնականաց , և մի յերկիւղալի ժամա-
 նակիս գրգռեացէ զցատումն ամբօթին :
 Յայնժամ դշխոյն ծանոյց Մուրատայ
 թղթով զիրան , և ասէ . « Ասիւծ իմ ,

փութնա՛ գարձիր յետս . զի զփոփոխման
 նէ աթոռոյդ բանք ընթանան ” : Մինչ
 դեռ յորս հեծանէր Մուրատ՝ ընկա-
 լաւ զթուղթն . և ոչ ինչ հանեալ ու-
 մեք ՚ի վեր , դիմեաց դէպուղիդ ՚ի կոս-
 տանդնուպօլիս , և վաղվաղակի առա-
 քեաց զպոստանն՝ յաշինն աքսորել զԱ-
 խիզատէ ՚ի կիսարոս , որոյ փոխանակ
 կարգեցաւ դէնպետ երրորդ անգամ
 Նահեա էֆէնաի : Ի վաղիւ անգր պա-
 տուէր ևտ արքայ նմին իսկ պաշտօնէի՝
 սնդել զհետ աքսորելոյ դէնպետին ,
 և թէ գտցես սսէ զնա ՚ի մերձակայս
 ուրեք քաղաքիս՝ տպանանիջիր : Եւ
 նորա գտեալ զայրն դեռ ևս յաւանն
 սրբոյն Ստեփանոսի անուանեալ , ե-
 բարձ զնա ՚ի սայլ ինչ յարդի՝ ակնար-
 կութեամբ նորին իսկ Մուրատայ որ
 երիվարաւն խորով եկեալ էր ՚ի տեղին ,
 և տարեալ ՚ի գիւղն մերձակայ խեղդեաց
 զդէնպետն և ընդաւաղեաց ՚ի ծովե-
 զերին : Եւ ևզև Ախիզատէ նախկին
 դէնպետ գատապարտեալ ՚ի մահ :

Մինչդեռ բանակն Օսմանեանց ՚ի
 Բերիա էր , ամբօխեցան ենիչէրիք , և
 պատճառանօք խնդրելոյ դահեկանս ՚ի
 ռոճիկ փոխանակ փողոյ՝ ՚ի մի վայր ե-
 կեալ պատեցին զոռն զօրավարին
 խրեանց և գոչէին . « Չկամիմք մեք
 զքեզ ” : — « Ես եմ որ զձեզ չկամիմ ”
 աղաղակեաց առ նոսա զօրավարն ընդ
 պատուհանս տան խորոյ , և սկսաւ նե-

տաճից լինել 'ի նոսա : Իսկ նոքա գի-
մեալ առ վէզիրն՝ ստիպեցին զնա տալ
ինքեանց զգլուխ զօրավարին և զփո-
խանորդի նորա : Եւ յասել նորա եթէ
փախուցեալ են նոքա . թէ գտանիցեմ՝
տաց 'ի ձեռս ձեր , սկսան քարկոծ առ-
նել զնա : Գրաւեաց վէզիրն զինչս փա-
խուցելոցն , և ազգ արար 'ի Կոստանդ-
նուպօլիս , և Մուրատ արքայ զի կա-
մէր զկորուստ խառվարար զօրապետին՝
արձակեաց զսենեկապետն մեծ , որպէս
զի ուր և գացէ զայրն՝ սպանցէ զնա : Քէօ-
սէ Մէհէմմետ , քանզի այս անուն էր
զօրավարին , ազաչեաց զսենեկապետն
ածել զինքն կենդանւոյն զառաջեալ
արքայի . զի յանհնարիցն է , ասեր , թէ
սպանցէ արքայ զայր վաստակաւոր իբ-
րև զիս : Եւ 'ի ժամանակ իւրում 'ի
Կոստանդնուպօլիս իբրև յանդիմանեղև
արքայի , զայս և եթ լուաւ 'ի պատաս-
խանի ազաչանաց իւրոց . « Որդի անի-
ծից , ոչ ասպքէն գու յուզեցեր զալիս
խառվութեան . և արդ կամիս հանգոյն
ձիթոյ յերեսս ելանել ջուրց . հասէք
զգլուխ անօրինից » :

Յայնմ ժամանակի Քիւչիւք Ահմետ
փաշա կուսակալն Գամասկոսի խաղաց
'ի վերայ Տիւրղի անուանեալ լեռնակա-
նացն Լիբանանու , որոց տիրէր ասլա-
տամբութեամբ Մամն օղու Փախրէտ
տին հռչակաւոր բռնակալն , որ և յԵւ-
րոպա ճանապարհորդեալ էր երբեմն :

Վանեաց ԱՏմէտ զլորս նորա . և զնա
ինքն զապատանեալն յանձաւս ուրեք
ծխահէղձոյցտանջանօք սախակեացանձ .
նաառք լինել , և առաքեաց ՚ի Վոս-
տանդնուպօլիս :

Ի նմին ամի դեսպան արքային Ղե-
հաց Թրեպինսքի անուն եկեալ ՚ի Վոս-
տանդնուպօլիս ՚ի խնդիր խաղաղու-
թեան՝ յանդիման եղև Մուրատայ : Իսկ
նորա զայրագնեալ ասէ ջղեապանն .
« Մի ևս խօսեացիս զխաղաղութենէ ,
այլ զմարտից և զպատերազմաց . ընդ խ
և ընդ Ղեհա ոչ լիցի բարեկամութիւն՝
էթէ ոչ հատուսջիք զհարկն , կործա-
նէսջիք զամբոցս Տնեսդերայ , և խորտա-
կեսջիք զյսազախս » : Եւ երբև ետ նմա
պատասխանի դեսպանն՝ էթէ լաւ է պա-
տերազմն քան զայդպիսի պայմանս ան-
արգութեան , բունն եհար Մուրատ
զսուսերէն խրմէ և ասէ . « Ո՞չ գիտես
զի ինքնահալ եմ ես այնպիսի , յորոյ ՚ի
սուսերէն սարսէն ազգք և ազինք » :
Պատասխանի ետ դեսպանն . « Գի-
տեմ ես զքեզ թագաւոր մեծազօր , այլ
առաքեալ եմ ՚ի թագաւորէ՝ որ և նա
մեծազօր է իբրև զքեզ » : — « Այլ
ես հեղեղեցից զՂեհաստան , ասէ Մու-
րատ , անհամար զօրօք , և ՚ի հուր և ՚ի
սուր մաշեալ ծախեցից » : Ասէ ցնա
Թրեպինսքի . « Իբո ձեռս է դալ անդր ,
այլ յաղթութեան յաջողուածն ՚ի ձե-
ռին Աստուծոյ . և Վատխաւ արքայ ոչ

վերջացի մերկանալ զսուսերն իւր յաղթականն ։ Չարմացաւ արքայ ընդ աներկիւղ համարձակութիւն դեսպանին, և դարձեալ առ իւրսն ասէ . « Արժան էր ձեզ ծառայս լինել հաւատարիմս ըստ օրինակի առնա այսորիկ ։ »

Յետ այնորիկ խաղաց գնաց Մուրատ արքայ յԱդրիանուպօլիս ստուար բանակաւ, առ ՚ի գիմեւոյ անտի ՚ի սլատերազմ ՚ի վերայ Ահհաց, այլ ՚ի խընդրել նոցա ստիպաւ զհաշտութիւն՝ դարձաւ անդրէն ՚ի Վոստանդնուպօլիս և մեծաշուք հանդիսիւ արար զմուտ իւր անդր ։ Չճանապարհայն մինչդեռ անցանէր արքայ ընդ կամուրջ մի, տերվիշք երեսուն որ թագուցեալ էին ընդ նովաւ՝ զի մարթասցեն անխափան ՚ի թիկնապահաց թագաւորին հայցել ՚ի նմանէ աուրս ողորմութեան, յանկարծակի արտաքս ոստեան ՚ի դարանէ անտի, և այնպէս իմն խրատցին զերիվարն արքայի, զի անկաւ նա ՚ի վայր և հրամայեաց առ ետեղ կառաւիմատել զյանդգունան ։ Իբրև եհաս Մուրատ արքայ ՚ի թագաւորեալ քաղաքն՝ արդէլ դարձեալ ընդ սլատուհասի մահու զգահ վէ, զծուխ, զափիտն և զգինի, և ՚ի մահ տալով անաչառ զամենայն յանցաւորս՝ զարհուրեցոյց զարս չարագործս, և շիջոյց գէթ առ ժամանակ մի զկայծակն ասլատամբութեան ։ Այլ ասհադնագոյն գտաւ յաչս բոլորից մահ

հզօր ապստամբին Ապաղա փառայի :

Քանզի սա զկնի մեկնելոյ 'ի կուսա կալու թե՛նէն Պոսնիոյ, և յեա յաղթելոյ Ղեհայ սլատերաղմաւ՝ բդեաշխ գոլով Օզուի, էանց 'ի կարգս վեղերաց, և ընդ արքայի դարձաւ եկն յԱգրիանու սօլսոյ : Այնչափ շնորհս եգիտ սա առաջի Մուրատայ իւրովն սլատերաղմասէր ուլու, զի ցանդ անբաժան էր 'ի նմանէ 'ի տան և արտաքոյ, և Մուրատ արքայ ախորժէր յամենայնի 'ի ձեա զդեատուցն, 'ի փաթոյթս փակեղան, 'ի կաղմս երիվարի և յամենայն գնացս նմանող լինել Ապաղային : Այլ թշնամիք նորա տեղատահն Պայրամ, գենապետն Եահեա, և մտերիմն արքայի Մուսղաֆա զինակիր՝ նշովեալ էին զանձինս իւրեանց 'ի կորուստ առնն, և անդադար կասկածանս յաւելուին 'ի միտս Մուրատայ զնմանէ : Ապա յաւուր միում մինչդեռ ելանէր արքայ երիվարաւն իւրով ընդ Դոփ գափու ըզգնալ ըստ սովորութեան իւրում արտաքոյ քաղաքին, ընդ առաջ ել նմա Ապաղա ընդ էյրի գափու, և կամերիջանել յերիվարէն առ 'ի համբուրելոյ զասպատանդն արքայի : Հրամայեաց նմա Մուրատ մնալ 'ի նուս երիվարին՝ այլ կոչեցեալ վաղվաղակի զզօրական ոմն, որ մերձ ձիավարէր, ասէ ցնա . « Իջ՛ զԱպաղա, և առ 'ի բաց 'ի նմանէ զսուսերն » : Ասէ զօրականն յառ-

նուլ անդ զսուսերն ցԱպաղա . « Չգի-
 տիցէս զի չէ օրէն սուսեր ընդ մէջ ու-
 նելով ձիավարել առ արքայի » : Ան-
 սաց Ապաղա . այլ խնացեալ և զչարխան
 որմնային նմա, սլատրաստեաց յԻւսկիւ-
 տար երիվարս յիսուռն, զի փախիցէ յա-
 րևելս : Սովոր էր նա 'ի խոկալ ինչ կա-
 րևորս գիշերային հանդերձութք զցայ-
 գրն ամենայն զգնալ յածել յառանձին
 վայրս 'ի վեր և 'ի վայր՝ ձգելով դար-
 ձուցանելով միանգամայն զհատս օրհ-
 նարանին զմատամբք իւրովք : Զնոյն և
 յայնմ գիշերի արար . և ազդ եղեալ
 Մուրատայ՝ յաւել 'ի միտս նորս զկաս-
 կածանս առնն : Գարձեալ և վէճն հայ-
 ոց ընդ Յոյնս վասն վանաց սրբոյն Յա-
 կոբայ որ յԵկրուսաղէմ, սլատճառս ետ
 մահուռն Ապաղայի : Զի առեալ սորա 'ի
 հայոց դահեկանս քսան հազար, 'ի հար-
 ցանել արքայի զքանակ կաշառոյն՝ նա
 թոթովելով իմն երկոտասան հազար
 և եթ ասաց լինել : Լցաւ յայնժամ չափ
 սրտմտութեանն Մուրատայ : Ապա
 յաւուր յորում ատեան ունէր կարգել
 սակս դատին հայոց և Յունաց, ել Մու-
 րատ արքայ ընդ արշալուրջան, և դնաց
 'ի դաւիթ Այա Սոփեայի, և զպոսթան-
 ձի սլաշին յայլակերպս 'ի ձև զինուորի
 առաքեաց յատեան անդր, սլատուի-
 րանաւ՝ զի գլխատեցին անդէն հայքն
 եկեալք վասն դատին իւրեանց : Ծա-
 նեաւ տեղասլահն Պայրամ զայրն, և

առեալ 'ի ձեռանէ նորա զմուրհակն՝ որով իբրու էթէ խնդրէր նա զուժիկ զինուորութեան իւրոյ, ետ ցատե՛նա գպիրն, և նշանացի ակնարկութեամբ էհարց ցպոսթանճին էթէ զինչ իցէ, և նա ըստ օրինակի համերցն որ յարքու նիս՝ սնդեաց զըրթունս իւր, որ է նշանակ արեան: Առչեցեալ ապա առ ինքն զսատգամաւորն՝ լուաւ յունկանէ զհրամանն արքայի, և անդէն հրամայեաց դահճաց գլխատէլ զոմանս 'ի հայոց խուռն եկելոց յատեան անդր:

Դարձ արարեալ Մուրատայ յարքունիս՝ ետ կոչել զԱպազա, և փակել 'ի սարափղի. և ապա առաքեաց առ նա զգիր սատուհասին ընդ ձեռն պաշտօնէի ուրումն: « Հրաման է տեառն խնոյ արքայի » ասաց այրն կորովի, և կատարեալ զաղօթան՝ մատոյց զսարանոց իւր սրոյ դահճին: Այսպէս բարձաւ 'ի կե՛նաց վրէժխնդիրն մահուն Օամանայ, ակոյեանն ընդդէմ Պարսից և Ղէհայ, և որ ապատամբութեամբ ցածուցանել կամէր զսպատամբութիւն՝ վէղիրն Ապազա:

Ի նոյն աւուրս արկաւ յարևէ և երգիծաբան քերթողն Նէֆիի: Հնգամեայ ժամանակաւ յառաջագոյն մինչդեռ Մուրատ արքայ բազմեալ յսպարանս իւր որ 'ի Պէշեթաշ՝ ընթեռնոյր զքերթուածս նորա զկոչեցեալսն Նեաք բաղդին Նէֆեայ յանկարծուտ

ինն խռովեցան օգք, և շանթ կայծա-
կան հարեալ առ ռոսս արքայի զարհու-
րեցոյց զնա յոյժ, մինչև պատառոտել
նմա զքերթուածան և կշտամբել զՆէ-
ֆիի • այլ ոչ ինչ արար նմա չար : Ապա
իբրև յաճախեաց նա զանպատկառ նե-
տաձգութիւնսն և յամենայն աւագա-
նին, և մանաւանդ ՚ի տեղապահն Պայ-
րամ, սա բողոք կալաւ զնմանէ առ
արքայ և ընկալաւ զվճիռ մահու նորին :
Գնաց առ նա մահահրաւեր սլաշա-
նեայն և ասէ • « Եկ Նէֆիի, երթիցուք
ի մայրիան ուստի հասցես քեզ զնեոս
բաղգիդ » : — « Անիծեալ Թուրք, ասէ
ցնա քերթողն, և դո՞ւ փայտ դօս աս-
տուածարիլ կամիցիս » : Եւ խեղդա-
մահ եղեալ արկաւ ՚ի ծով :

Ընդ նոյն ժամանակս աներևոյթ ե-
ղև և Պայտանկուր միրզա որդի Տանշա-
հայ արքային Մողոլաց, որ ասպաւինեալ
առ Մուրատ՝ խնդրէր ՚ի նմանէ ձեռն
օգնականութեան ընդդէմ յափշտակո-
ղաց աթոռոյ հօրն իւրոյ • այլ սակս ան-
միտ ամբարտաւանութեան իւրոյ վրի-
պեցաւ ՚ի խնդրոյն : Զի զպարզեան զո-
րրս ընկալաւ յարքայէ յառաջնում ա-
ւուր՝ բաշխեաց ՚ի դռնապանս և ՚ի
փայտաբերս արքունեացն • և քանիցս
անգամ երթայր առ արքայ, տայր բե-
րել զհետ իւր և մօրթ եղջերուի, յորոյ
վերայ վաղվաղակի նստէր բաղմբ : Սա-
կըս որոյ և Մուրատ ոչ ևս յսան յառ-

նէր 'ի գալնորուն . և ապա յերեսս իսկ
 ասաց ցնա՝ թէ չկարեմ ձեռն տալքեզ :
 Յայնմհետէ ոչ ևս ուրեք երևեցաւ
 այրն :

Կամեցեալ յետ այնորիկ արքայն
 Մուրատ անձամբ խաղալ 'ի Պարսս, յա-
 մին 1635 յամսեանն փետրուարի ետ
 հարկանել զվրան իւր յԻւսկիւտար , և
 թափօրիւ իբրու հինգհարիւր խմբից
 արուեստաւորաց էանց յԱսիա : Եթող
 մնալ 'ի Առաստանդնուսօղիս զտեղապահն
 Պայրամ, որում և սլատուիրեաց գլխա-
 տել զսպաստամբն Քախրէատին որ կայր
 անդ 'ի կապանս բանտի , և զորդինորա :
 Եւ ինքն մինչև 'ի ժամանել 'ի Կարին
 անթիւ կոտորածս արար ականաւոր
 մարդկան՝ զորոց միանգամ ամբաստա-
 նութիւնն ինչ լուաւ 'ի բնակչաց կող-
 մանցն և կամ յաւազանուոյն :

Մինչդեռ մերձ 'ի Տէվէլի Գարահի-
 սար կառավարէր Մուրատ արքայ , ե-
 տես զի սրննթաց վաղիւք փախչէր այ-
 ծեամն մի . անդէն 'ի ձի աշտանակեալ
 պնդեցաւ զհետ և սպան զնա գա-
 լաղանաւ ձեռինն , զի անդէն էր . և
 զօրքն յապուշ կրթեալք աղաղակեցին .
 «Օգնութիւն տեսառն Աստուծոյ 'ի վե-
 րայքո» : Քանզի ընդ արիական սրտին
 և ուժով մարմնոյն երևելի էր Մուրատ
 արքայ . բազում անգամ յօգս վերամ-
 բառնայր զյաղթանգամ վեղիւն Մուսա
 փաշա . և 'ի ճանապարհին զամիսս բա-

զուսմս համեա երիվարին բարձ էր նո-
րա, և վերմակ՝ ծածկոյլթ դրաստուն:

Ի կարին եհաս ՚ի բանակն արքունի
և վէզիրն մեծ Գասպանը եասար Մէհէմ-
մետ, որ ՚ի Բերիա ձմերեալ էր. և ՚ի
մատչել իւրում ՚ի համբոյր սօխց թա-
ղաւորին՝ ունելով ՚ի ձեռին զգրօշն
նուիրական, Մուրատ քայլափոխս ինչ
առեալ գնաց նմա ընդ առաջ, կալաւ
առ վայր մի զգրօշն իւրով ձեռամբ, և
ասլա տուեալ զայն ՚ի ձեռս միոյ ու-
րուք ՚ի ներքին պաշտօնէից՝ բաղմեցաւ
գարձեալ ՚ի դահ՝ մինչև անցին զա-
ռաջեալ նորա զօրքն ամենայն հան-
դերձ իւրեանց զօրավարօք ըստ կարգի:

Ի քսաներորդի ութերորդի աւուր
ամսեանն յուլիսի հասին Օսմանեանք
յԵրևան, որոյ կուսակալ էր Էմիրկիւ-
նէ նախարարն Պարսից, և նիզակակից
նմա առաջեալ էր ՚ի շահէն Էմիր Ֆէթ-
թահ զօրավարն քաջ: Հուսլ գնայր բա-
նակն առ պարսպօք քաղաքին, զի հող-
մքն և փոշի սաստիկ խափան լինէր
տեսութեան նոցա: Եւ ասէ ցարքայ
յառաջընթացն նորին. « Տէր արքայ,
աւասիկ հասեալ կամք ընդ պարսպաւ-
Երևանայ. կաց առ վայր մի մինչև ե-
կեսցէ բանակն »: — « Աստ արանց,
դոչեաց առ նա Մուրատ. ուստի՞ քեզ
երկիւղ. միթէ մեռանիցի՞ մարդ մինչև
ժամանեալ օրհասին »: Ի հանդարտել
մրկին պատուէր ետ Մուրատ պաշտ-

րեւղքաղաքն շուրջանակի, և մի առ մի
 քաջալերս կարդայր զօրավարացիւրոց-
 ասէ ցկուսակալն Կարնոյ . « Ահմէս
 փաշա, փոքր ինչ իցէ նուաճել զասլըս-
 տամքն Իլիաս, կամ ձերբակալ առ-
 նել զՖախրէտաին բռնակալ . այսօր է
 օր քաջութեան » : Եւ ցճանապուլաւ
 զասէ, « Յոյց ինձ, ասէ, զզօրութիւն
 քո զերկաթի, որդիդ սողովաաին » :
 Եւ ցՄիւրթէզա . « Հասպա քաջդ, տե-
 սից զհանդէս քաջութեան քո, և քոյոցդ
 առոյդ հեծելոց » : Եւ ցզօրավարն Է-
 նիչէրեաց ասէ . « Տէս քաջ, ոչ արու-
 թեան ինչ դործ է պահ ունել Կոս-
 տանդ նուսուլոյ և ջնել զարբեցողս .
 աստ է ասպարէս քաջայաղթ մարտկաց-
 տեսից որպէս կառուցիս Լնիչէրեօք
 խնովք 'ի պատնշացդ միջի » : Իսկ զհա-
 սարակ զօրակամն խրախուսէր լիարու-
 ուրն բաշխամբ ոսկւոյ և արծաթոյ որ
 'ի քսակս քսակս կային նորա առաջի,
 և ասէր ցնոսա . « Հասպա գայլքդ իմ,
 Հասպա արծուիք իմ, մի կասեսջիք
 յընթացից » : Պատանեակք շուրջ զնո-
 վառ պար առեալ՝ օշարակօք զովացու-
 ցանէին զայնոսիկ որ բերէին առ նա
 գլուխս . և վերաբոյժք անասպարէին
 զամենայն դարմանս մատուցանել վի-
 բաւորելոցն 'ի մարտին :

Եօթնեակ մի ողջ կարկասադէս տե-
 ղացին ուռմէք 'ի քաղաքն և խրամտու-
 ցաւ սարխասն : Եայնժամ առաքեաց

Էմիրկիւնէ զփոխանորդն իւր Մուրատ
սէյ անուն առ արքայ՝ խօսել ՚ի հաշ-
տուածիւն : Ատեան կարգեցաւ հաս-
շտասպ, յորում ՚ի ձայն անկող բարբա-
ռեցաւ արքայ առ դեսպանն և ասէ .
« Զի է զի չեառք զբերդն » : Ետ սպ-
տասխանի դեսպանն . « Որպէս զի ա-
րուածիւն քաջութեան արքայիդ մեծի
հասցէ ՚ի լսելիս շահին, և հնչեացէ մին-
չև ՚ի ծագս աշխարհին Պարսից . յայս
սակս ևեթ մըջմունքս մէք յանդդնե-
ցաք ընդդէմ կալ նորոյդ Սողոմոնի » :
Եւ Մուրատ ասէ . « Թէ խնդրէք ըզ-
ներումն, տուք ՚ի բաց վաղվազակի զա-
մուրդ » :

Ի վաղիւ անդր բացան դրունք Երևա-
նայ . Էմիրկիւնէ անց դնաց ՚ի դրա-
նէ բերդին մինչև ՚ի խորանն արքայի
ընդ մէջ երկկարգեան զօրականաց՝ ո-
րոց ևօթն արանց խորութիւն էր . և
զկնի նորա զօրավարն Պարսից Դահմաս .

Սա այն Մուրատ է, շուրջ ասէն պար-
ճագիրտ մեր՝ էնէն ճապնիւ կայեալ պէտ-
նեանն Պարսից, ՂԱՄԵՃՄԱՆ «Թ» ՚ի Քանա-
քեռոյ արձակեաց ՚ի կոստանդնուպօլիս՝ որ-
պէս թէ ՚ի լքտեալ էնէն յով ուղեալ իցնն
հանդերձանք արշաւանին Օսմանեանց . և ՚ի
Ժամոսի քաղաք ՚ի յեռս նորա թաղեալ շուր-
տա արքայ, առ վէշիբն մեծ, և առ սպա-
րապէտն և առ դենպէտն, հրատէր կարդայր
նոցա փալ յառուսն Երևանայ :

գուրի խան և ԷմիրՖէթթաճ' զսու-
սերս իւրեանց կախեալ զպարսնոցաց
իւրաքանչիւր : « Ահա շնորհեմ քեզ
որ ինչ քեզն անկանի » ասաց Մուրատ
արքայ ցԷմիրկիւնէ , և զգեցոյց նմա
երբեակ հանգերձս սրատուոյ . ետ նմա
փետուր ականակուռ , և գաշոյն և սու-
սեր , և անուանեաց զնա Եուսուֆ փա-
շա : « Զի է , ասէ ցնա արքայ , զի ահա
չորք ամիսք են յորմէ հեօէ ելեալ եմ
ես յատարէզ մարտի , և թագաւորդ
ձեր կանացարար 'ի թագաւորի կայ » :
Ասէ Էմիրկիւնէ . « Հատու է սուսեր
տեառնդ խնոյ , և երիվարդ ահարկու .
ո՞ կարացէ ընդդէմ կալ իշխանիդ յա-
ւիտե՛նիս այսորիկ » : Յետ այնորիկ ետ
արքայի զհամար մթերից գանձուցն
Երեանայ , և ընկալաւ զիւսակալու-
թիւն Բերիոյ , այլ չկարաց վայելել 'ի
պատիւն . փոխանակ զի զայրագնեալ
երբեմն ընդ փոխանորդն իւր ընդ Մու-
րատ , որ և նա 'ի բանակին Օսմա-
նեանց կայր , խողխողեաց զնա ինքնա-
հրաման . վասն որոյ և արկաւ յիշխա-
նութենէ անտի իւրմէ :

Մուրատ արքայ արձակեաց և զզօրս
Պարսից որ յԵրեան՝ գնալ յազատու-
թիւն , թէպէտ և իւրքն յորդոր լինէին մի
ասպրեցուցանել զնոսա : Ապա առաքեաց
'ի Վաստանդնուպօլիս աւետաւորս յազ-
թանակին , և հրամայեաց զաւուրս
եօթն շահաւառութիւնս առնել ան-

դէն : Գրեաց և թուղթ առանձինն առ Պայրամ փաշա , և առ պոսթանձի պաշին Տիւճ , յորում պատուիրէր բառնալ 'ի կենաց զերկոսին եղբարս իւր զՊայէզիտ և զՍիւլէյման . զի խէթ էին նոքա սրտին իւրում յօրէ յորմէ դէն պեան և վէզիրն մեծ երաշխաւոր կացեալ էին կենաց նոցին . և խնդութիւն քաղաքացեացն 'ի սուգ փոխեցաւ ընդ մահ արքայորդւոցն անմեղաց :

Ետապա զկուսակալութիւնն Երևանայ ցՄիւրթէզա փաշա , և հրամանն ետ նորոգել զպարխապս քաղաքին , որոյ շրջապատն ձգէր դիրկս իննևտասն հազար եօթնհարիւր և վաթսուն : Եւ ըզմասն պարսպին ցիննհազար երկերիւր և ութսուն դրկաչափ՝ սահմանեցաւ եւրոպեան զօրաց և բերխացւոց կառուցանել . ութհազար հինգհարիւր և վաթսուն՝ ասիացւոցն և ենիչէրեաց , և այլն գնդիցն Կարնոյ , Գարամանայ և Կարուց : Յաւուրս ութ հանաւ շինուած ըն 'ի դլուխ . և արքայի թողեալ անդէն զօրականս երկոտասան հազար և հրազէնս կարևորս՝ չուեաց 'ի Գափթէթ :

Մինչդեռ անցանէր արի արքայն Մուրատ ընդ գեան Երասխ՝ հարկանէր ջուրն մինչև ցոօսին իւր . յայնմ պահու ձեռն ետ միում ումէք յազկընաւոր զօրականէն որ գետատար լինէր , և զերծոյց զնա 'ի գետապին : Գարձեալ և 'ի Ժամանեւ Օսմանեանց 'ի Ճէվրէս

քաղաք, տեսին զի գուռն նորին այն-
պիսի իմն փայտ էր խառապինդ, զի եր-
կաթ բնաւ չաղգէր 'ի նա: Հրամայ-
եաց Մուրատ արքայ ածել կոծի մի
ծառայ, և ածին արք բազումք. և ա-
ռեալ զայն 'ի ձեռս խորինքնին առան-
ձին՝ եհար սաստկապէս և ջախջախեաց
նովիմք զգուռնն:

Յամսեանն սեպտեմբերի եմուտ
Մուրատ արքայ 'ի Դավրէժ, և յեա եր-
թալոյ 'ի զնին հոյակապ և վաղեմի շի-
նուածոց որ 'ի նմա, հրաման ետ քանդել
աւերել զնոսին. և տունքն կողոպտեալք
յանյադ զօրականէն հրոյ ճարակ եղեն
հանգերձ զուարձ բուրաստանօքն և
պարտիզիւք: Միայն զմզկիթն Ուզուն
Հասանայ անարատ պահեաց, և զայն
'ի խնդրոյ գենպեալին: Եւ զի ձմեռն 'ի
վերայ հասեալ կայր, և Հայաստան աշ-
խարհ ոտնակոխն և կապուտ կողոպուտ
յամենայն արդեանց՝ ոչ ունէր այլ ևս
համբար մատակարարել բանակին, հը-
րամայեաց արքայ չու դարձի առնել:
Աւուրս հնգետասան զկայ էառ Մու-
րատ արքայ յԱթիդ սակս ոտնառու-
թեանն, որք վասն և զմասն ինչ ճա-
նապարհին պատգարակաւ արարեալ
էր, և ապա 'ի քսաներորդի հինգերորդի
աւուր ամսեանն գեկտեմբերի մեծա-
չուք յաղթանակաւ եմուտ 'ի Կոս-
տանդնուպօլիս: Միայն տեղապահն
ունէր 'ի գլուխ զգլանաձև գլխանոցն

հանդիսի Միւճէվէզէ անուանեալ .
 իսկ այլ աւագանին ըստ հրամանի Թա-
 գաւորին նրբաթել կերտասս պատա-
 աեալ էին 'ի գլուխս խրեանց . և զօ-
 լովարն էնիչէրեաց զրահ զգեցեալ , և
 զսաղաւարտիւն շարշ ածեալ էր գեղ-
 նագոյն : Նոյնպէս և Մուրատ արքայ
 յոտից մինչև ցգլուխ սպառազէն զսա-
 հաստեղեալ զոսկէկմբեայ սաղաւար-
 տիւն Թագաձև պարուրէր տեռ ըս-
 պիտակ , և 'ի վերայ ահանակուռ փե-
 տուր շքեղաշուք ըստ տարազու նախնի
 Թագաւորացն Պարսից : Անգաստին յԵրե-
 ւանայ պատուէր յղեալ էր արքայի առ
 Պայրամ փաշա՝ տալ բռել զօրմունս
 քաղաքին Վոսսանդնուպօլսոյ 'ի պայ-
 ծառուծիւն հանդիսի յաղթանակին :
 Ապա հրաման արարեալ էր և զամե-
 նայն բնակիչս Վեսարիոյ և այլոց քա-
 ղաքացն Ասիոյ , որք ըստ մեծի մասին
 հայք էին , զփախուցեալս յերեսաց ա-
 ստատմբաց 'ի Թագաւորեալ քաղաքն
 յերեսուն և 'ի քառասուն ամաց հետէ՝
 դարձուցանել յխրտքանցիւր տեղիս .
 յորմէ անսպատում վիշտք և տառա-
 պանք հասին եղկէլեացն :

Եւ ոչ միայն ստրկացն գասք ընկի-
 ճեալ խոնարհէին ընդ սերճ գաւազա-
 նաւ արքային Մուրատայ , այլև ազատքն
 կարծեցեալ Եւրոպականք որ 'ի Թա-
 գաւորեալ քաղաքի անդ գտանէին :
 Թարգման գեաստանին Վաղշիացւոյ

սակս յանգուգն համարձակութեան
 իւրոյ յատենի, ուր սպաշտական կայր ի
 րաց վաճառականի ուրումն գաղղիա-
 ցւոյ, ցցահարսականաւ: Ա՛նեակեցի ոմն
 վաճառական՝ փոխանակ զի՛ի սլաաու-
 հանէ տան իւրոյ հայեր գիտականք յար-
 քունիս՝ անդէն ՚ի սլաաուհանին կա-
 խեցաւ, իբրու զի կանանւոյ արքունեա-
 ցին նստէր ՚ի զինն: Ամենայն ինչք նո-
 րա յարքունիս գրաւեցան, և որ մի-
 անգամ վաճառակիցք էին նորա գաղ-
 ղիացիք և անգղիացիք՝ արկան ՚ի բանա,
 և քառասուն հազար գահեկանս տու-
 գանեալ հազիւ թէ զերծան:

Ծովակալն Օսմանեանց թշնամա-
 ցեալ ընդ դեսպանին Գաղղիացւոց,
 որում անուն էր Մառչրվիլ, ամբաս-
 տան եղև զնմանէ առ արքայ, և նա
 ՚ի հաճել զսիրելին իւր՝ հրաման ետ
 հանել ՚ի կախաղան զթարգման դես-
 սպանին՝ ունելով ՚ի գլուխ զխոյրն սա-
 մուրենի: Ի բողոքել դեսպանին զիրա-
 ցքս՝ տուաւ նմա սլաաասխանի, եթէ
 տէր է արքայից արքայ յիւրում աշխար-
 հին, և առ ՚ի կատարելոյ զօրէնս սլաաու-
 թեան ոչ ինչ կարօտանայ հրաման հայ-
 ցել ՚ի թագաւորէն Գաղղիացւոց կամ
 ՚ի դեսպանէ նորին: Եւ անդէն առ ժա-
 մայն ինքն իսկ դեսպանն յանկարծակի
 յապուրակի մուծեալ ՚ի նաւ սլաաորաս-
 տական և արկաւ յուղի, և ՚ի սուն իւր
 անգամ չկարաց գառնալ և առնուլ

ընդ իւր կարասի ինչ կամ ծառայս :

Այլ մանաւանդ յՕսմանեանս այնչափ յաճախեալ էր գլխապարտութեան պատուհաս, զի տէրվիչ ոմն Գոյունտէտէ անուն տեսիլ ևս ետես, որպէս թէ մարդարէն իւրեանց գլխատէր իւրով ձեռամբ զհռչակաւոր քարոզն մզկըթին Այա Սոփիայի զԳազըզատէ, փոխանակ զի յուրաստ գայրնա՛ի սրբոց, և դատապարտ առնէր զնուադս և զսար Մէվէվի և խալվէթի անուանեալ տէրվիչաց: Գոյունտէտէ երթեալ վաղվաղակի առ դատաւորն Կոստանդնուպօլսոյ Գարաշէլէսիղատէ Մահմուտ էֆէնտի, ետ ՚ի գիր դրոշմել ըզտեսիլն. և Գազըզատէ յեռ աւուրց ինչ մեռաւ, և թաղեցաւ ըստ իւրումն վարդապետութեանս առանց երգոց և պարուց: Համարակալն խպրահիմ էֆէնտի զակատեալ ՚ի սէր աւագութեան, խոստացաւ արքայի գանձս անթիւս էթէ շնորհեսցէ ինքեան զբարձ վէզիբին մեծի. Մուրատ արքայ յլեաց ըզգիր համարակալին առ նոյն ինքն վէզիբն մեծ, և նա կոչեաց զԽպրահիմ և գլխատեաց զնա:

Յաւուր յորում եմուտ ՚ի Կոստանդնուպօլիս Մուրատ արքայ, հասին սաշարեցին Պարոք Ղերեան: Աճապարեաց վէզիբն մեծ ՚ի Տիգրանակերտէ դալ ժամանել ՚ի քաղաքն Կարնոյ, և անդ լինել զօրաժողով. այլ մինչև

մեկնեալ նորա անտի՝ առաւ Երևան, և Միւրթէզա փաշա վիրաւորեալ մեռաւ: Անխռով մտօք ընկալաւ Մուրատ արքայ զգոյժն, և գիր ևս քաջալերութեան առաքեաց առ վէզիրն մեծ. այլ զքէն վրիժուն թափեաց յՕսման էփէնտի՝ յատենադպիրն ենիչէրեաց, որ զընարութիւն զօրականին յայնմ կարևոր սահու յախուռն և յանխորհուրդս արարեալ էր ՚ի մանկանց և ՚ի խուժանէն: Յղեաց Մուրատ արքայ առ Օսման զմի ոմն յիւրոց սաշտօնէից, որ ոսկիս հարկւր ընծայեալ նմին՝ խնդրիցէ գրել և զինքն ՚ի զինուորութիւն. և նա անդէն գրեաց զնա: Յայնժամ էջ արքայ ՚ի դուռն զօրավարին ենիչէրեաց, ասաց մատուցանել առ իւր զանուանս զօրականացն, և եհարց եթէ ո՞ իցէ այրն գեռ ևս գրեալ ՚ի կարգին: Եւ յանդիտանալ զօրավարին՝ կոչեցաւ ատենադպիրն և մատնեցաւ ՚ի ձեռս գահճաց:

Ընդ այն ժամանակս արի զօրավարն Օսմանեանց Քիւջիւք Ահմէտ փաշա հարաւ ընդ սպարապետին Պարսից Տիւրութեմայ. և ձգեցաւ ճակատամարտն զերկուս տիւս և զերկուս գիշերս: Աքտանդեցաւ Ահմէտ. այլ ժուժեալ յերիվարին քաջութեամբ՝ իբրև ետես զխորտակել իւրոցն ասէ. « Թող ամենայն ոք անձին յիրիութեան հոգացէ. ինձ չիք յաշխարհի յանկալի ինչ քան

զմահ քաջութեամբ : Անդէն եհաս
 'ի վերայ ոմն պարսիկ , և արկ զնա 'ի գե-
 տին . ընթացան և այլք , և հատեալ
 զգլուխն առաքեցին մետաքսապատ առ-
 շահն . և նորա գիտելով չափ զարժա-
 նիս առնն՝ գարձոյց ասպա զկառափն
 նորին առ Օսմանեանս , և թաղեցաւ 'ի
 Գամասկոս :

Իսկ Մուրատ արքայ թէպէտ և առ-
 ժամն ներեալ թուէր զյանցանս վէղի-
 րին մեծի , այլ յամին երկրորդում ըն-
 կեցիկ արար զնա , և կարգեաց 'ի տեղի
 նորին զՊայրամ փաշա , որ խաղաց գը-
 նաց 'ի Բերիա . զի անընդհատ էր սրա-
 տերազմն 'ի սահմանս աշխարհին : Եւ
 նախորդ նորին Գասպանը եասար Մէ-
 հէմէտ կացուցաւ կուսակալ Օղուի ,
 առ 'ի կարելոյ ցածուցանել զերկամեաց
 շփոթս խանիցն Խրիմու : Քանզի Ի-
 նայէթ քերէյ խնդրեալ 'ի Կոստանդնու-
 սօլսոյ զորս յօգնականութիւն ընդ-
 գէմ Գանթէմիր միրզայի իշխանին՝ Նո-
 զայից՝ իբրև չեղև լսելի , յարձակեցաւ
 'ի Քէֆէ , զքաղաքապետն և զգառա-
 ւորն 'ի մահ կա , և զքաղաքն յաւարի-
 էառ . և 'ի կարգել Օսմանեանց խան
 Խրիմու զՊէհաարը քերէյ՝ Ինայէթ
 անկաւ 'ի Կոստանդնուսօլիս . և մինչ
 դեռ վիճէր յատենի թագաւորին ընդ
 Գանթէմիրայ ոսոխին իւրում՝ անդէն
 խեղդեցաւ ակնարկութեամբն Մու-
 րատայ :

Անպակաս էին և յարևմտահողմն աշխարհին Օսմանեանց աղմուկ և սպանութիւնք և անդադար փոփոխութիւնք կուսակալաց և բղէշխից: Եւ 'ի Կոստանդնուպօլիսընդ այն ժամանակս խեղդամահ էղև յՆախագուլէ պատրիարքն Յունաց Կիւրեղ՝ թշնամին Յիսուսեան կրօնաւորաց:

Մագսուտ խան դեսպանութեամբ եկեալ 'ի շահէն Պարսից 'ի հնարս հաշտութեան, ածէր ընդ իւր և պարզև հնդիկ երիվարաց ութ, տաճիկ ուղտ քառասուն, մուշկաղնիւ և ծանրակշիռ, և յամբար անուշահոտ ընտիր՝ 'ի պարկս պարկս կնքեալս մատանեաւ շահին. հակս սամուրենեաց երեսուն, ոսկի խառն և արծաթախառն կապերտս մեծամեծս ութ, և այլ իրս բաղմազինս: Զառաջինն պատուեցաւ նա և իջևանեցաւ յարքունի ապարանսն 'ի Տաւուս փաշա. այլ յետոյ սակս ծանրութեան պայմանացն 'ի նմանէ առաջարկելոց՝ խստադոյնս արդեւաւ 'ի նմին տեղուջ իջևանին իւրոյ: Խցան և հեղուսան պատուհանք սենեկաց նորա, և ամենայն լուսամուտք. և երկուք ոմանք 'ի պաշտօնէից նորա արձակեալք 'ի նմանէ թղթով յայլակերպս առ շահն՝ ձերբակալ էղին և ածան կապանօք 'ի Կոստանդնուպօլիս: Հրաման ևտ արքայ Մուրատ, և կախեցան արքն ահանջատք և սնչատք առ դուրսընակու-

Թեան իւրեանց, և թուղթքն զորս կամէին տանել՝ բեւեռեցան ՚ի դէմս նոցին:

Դեսպանին Պարսից տուեալ էր Մուրատ պատասխանի, և թէ արշաւանն իմ յառնուլ ՚ի ձէնջ զՊաղտատ անխափան վճարեցի, և անտի ապա արձակեցից զքեզ առ տերն քո: Եւ մինչդեռ վէզերն մեծ յԱսիա զօրաժողով լինէր մեծաւ պատրաստութեամբ, ՚ի Կոստանդնուպօլիս հինգ հազար մանկունք քրիստոնէից ևս յաւելան ՚ի նորենիչերիս. և Մուրատ արքայ ՚ի մահ տուեալ զմի յերկուց եղբարց իւրոց մնացելոց զԳասրմ, անց գնաց յԲուսկիւտար մեծաշուք հանդիսիւ յամսեանն ապրիլի յամին 1638: Աշտանակեալ էր արքայ յերիվար համակ երկաթապատ՝ սաղաւարտ ՚ի դուխ իւր ունելով երկաթի, և զնովաւ շղարշ կարմրագոյն՝ որոյ տտունք կրկին հովհարեալ ծածանէին ՚ի վերայ ուսոցիւրոց: Աւուրս քսան և հինգ զտեղի կալաւ բանակն յԲուսկիւտար. և անգ բաշխեցաւ ամենայն ճանապարհն յԲուսկիւտարէ ցՊաղտատ յիջևանս հարիւր:

ԻՆկնոմիդիայ հրաժեշտ տուաւ գիտնականաց դարձ առնել ՚ի Կոստանդնուպօլիս: Այլ չև մեկնեալ նոցա անտի, կամեցաւ արքայ ՚ի փորձ հանդիսի մատուցանել զչորս ոմանս հետամուտ գատաւորութեանն բարձի, որ լեալ իսկ էին երբեմն գատաւորք Պրուսայ, Ե-

գիպտոսի և Ենիշէհրայ: Եւ այս խըն-
դիւք էին առաջարկեալքնոցա յարքայէ,
iս . « Հաւատք գոյացու թիւն իցեն՝ և
թէ սպասահումն, և առ ո՞ր ՚ի սասն
ստորոգութեանց Արիատուաէլի սաս-
կանիցին »: ք . « Որ երդուեալ իցէ ոք
չուաեւ զմիս, համարիցի՝ երդմնազանց՝
և թէ զձուկն ուտիցէ »: Երեքեան ՚ի
քննեւեաց անտի դատաւորաց հայցե-
ցին սարապ ակնարկելոյ ՚ի գիրս . և
չորրորդն Էզհէմզատէ առ ժամն զայս
արար սատասխանի առ երկրորդ խըն-
դիրն . « Հաւատք խնամ ունին սովո-
րութեան, վասն որոյ և սովորութեան
իւրաքանչիւր բարբառոյ . իսկ արդ ս-
վորութիւն մերոյ բարբառոյս միս ա-
սելով չիմանայ երբէք զձուկն, ապա
և որ երդուաւ մասհատ լինել, ձկնակեր
թէ լինիցի՝ չէ նա երդմնազանց »: Իսկ
առաջնոյ խնդրոյն յանձն էառ գրով
տալ զլուծումն, և ընդ բազմակնձիւնն
նրբութիւն բանից առնն ժպտեալ
արքայի՝ սատուեաց զնա վերասին
դատաւորական իշխանութեամբ:

Այն ինչ մեկնեալ էր բանակին ՚ի՛Նի-
կոմիդիոյ, եհասաւ և տաւոր առ արքայ՝
և թէ ծնաւ արքայի որդի մի ՚ի քաղաքի
անդ: Ի կալանս արկաւ այրն՝ մինչև
ստուգեսցի բան նորա . և զի գուտոր
էր նորածինն, այրն այն ցցահար սպա-
նաւ, փոխանակ զի ստութիւն կայր
յաւեախան:

Հուսալ յԻկոնիոն եւ ընդ առաջ ար-
քայի վէճերն մեծ Պայրամ փաշա, և
Խիւլայիւք և երիվարօք և ականակուս
դաշնակաւ մեծարեցաւ 'ի նմանէ :
ՅԱգշէհիւք քաղաքի յայց եւ արքայ 'ի
մենաստան ուրեք գեղեցկանխատ, յո-
րում և ջրվէժ ձեռագործ ակորժ գը-
ղընամբ սահեալ անկանէր : Հաճեալ
յոյժ արքայի ընդ վայրն՝ գրոշմեաց 'ի
պատուհանին ատղս չորս յորում Ագի-
նայ ասեր հանգէա զտեղին : Ապա հը-
րամայեաց գենակեալին յաւելուլ 'ի ատղ-
սըն նովին չափով այլ ևս ատղս չորս .
և նա չև արեգականն 'ի մուտս լեալ՝
չարագրեաց անգէն գրուատիատեղւոյն
և արքայի միանգամայն :

ՅԻկոնիոն ձերբակալ եղև տէրվիչ
ոմն, որ Մէհաթի զանձն իւր անուանեալ
կեղեքէր իւրովքն հանգերձ զգաւա-
ռականն : Աւ զի անխոցելի զնա իւրքն
համարելին, հրամայեաց արքայ 'ի շեր-
տըս շերտս կտրասել զմորթ նորա, և
զմատուանտակաւ յօդակոտոր առնել :

Զհետ այնորիկ ետ սպանանել ար-
քայ 'ի սաղրանաց զինակրին իւրոյ զը-
ժիշկն իւր զԿմիր չէլէպի քանզի սխա-
յեալ ընդ նա զինակրին՝ քսեաց առ ար-
քայի 'եթէ Կմիր չէլէպի սովորէ կլանել
զափիոն . և պատճառանօք մեկնելոյ
յօրինական լուացումն՝ զափիոն եր-
թայ կլանել : Յաւուր միում 'ի մեկու-
սանալ դարձեալ բժշկին սլաւաճաւա-

նօք յաղօթս կալոյ, ասէ ցնա արքայ.
 «Հան'ի ծոցոյ քու մէջ զտուփոգ», և իբրև
 եհան, ասէ. «Զինչ իցէ 'ի դմա»: Ա-
 սէ բժիշկն. «Ափիոն, որ ոչ ինչ է վը-
 նասաբեր»: Ասէ արքայ. «Կեր ապա
 զդա»: Եւ կլեալ նորա հաստ ինչ՝ ասէ.
 «Շատ իցէ, տէր արքայ, և դեղթափն ան-
 չափ կերեալ՝ ապագէն 'ի թոյն փոխի»:
 Այլ թագաւորն բուռն արար նմա
 կլանել զամենայն, և ապա հրամայեաց
 խաղալ ընդ իւր 'ի նարտա: Յետ սուղ
 ինչ պահու ոչ ևս հանդուրժեալ բժըշ-
 կին յայն տաղնասպ՝ ածաւ 'ի տուն,
 ուր ծառայք իւր անթեղայս պատ-
 րաստեալ էին նմա. այլ նա ասէ.
 «Զէ ինձ այդ 'ի պէտա. որ ոսփ իւր
 ունիցի զգինակիր թագաւորին, լաւ իցէ
 նմա մեռանել քան զայնպիսի կեանս»,
 և առեալ օշարակ փչեաց զոգին:

Սուգ մեծ էառ Մուրատ արքայ ընդ
 մահ մեծի վէղերին Պայրամայ յուղեօջն,
 որ արգարև այր էր քաղցրաբարոյ և
 խոհական. և կարգեաց փոխանակ նո-
 րա զԴայեար Մէհէմէտ փաշա: Բա-
 զում խատութեամբ չարամահ արար
 նա յայնմ արշաւանին զանհնազանդս
 հրամանի իւրոյ առ 'ի չձգելոյ զծուխ,
 մինչև եհաս 'ի Պաղտատ. զի զոմանս
 գլխատէր, զկէսս 'ի կախաղան հանէր
 և զայլս մորթեղերձ առնէր:

Ի Մուսուլ գլխատեցաւ Տերվիշ ա-
 զա, որ գարձեալ էր 'ի մանկածողով

առնելոյ 'ի Յունաստան . և ամբաս-
տանէր բազում տառապանս հասու-
ցեալ բնակչաց աշխարհին : Յայնմ հե-
տէ բարձաւ 'ի սպառ և մանկաժողովն
'ի պետութենէ Օսմանեանց :

Անգր 'ի Մուսուլ ժամանեաց 'ի բա-
նակն արքունի և դեսպան ոմն արքային
հնդկաց , որ ընդ այլ ընծայսն ածէր
գօտի մի ականակուռ հարիւր և յիսուն
հազար գահեկանաց գինք , և վահան մի
յունկանէ փղի կազմեալ , և պատեալ
մորթով ռնգեղձեր , և ասէր վասն վա-
հանին զգէմ ունել սուսերաց և ռմբաց
գլխովին : Մուրատ արքայ հրամայեաց
դնել զվահանն 'ի գետին , և իւրով լախ-
տիւն կոփեալ միանգամ խորտակեաց ,
և ասպա լցեալ զայն հինգհարիւր ոս-
կով առաքեաց առ դեսպանն :

Յեօթներորդում ամսեան յետ մեկ-
նելոյ 'ի Աստանդնուպօլսէ եկն եհաս-
բանակն Օսմանեանց հանգէս Պաղ-
տատայ : Յայնմ կողմանէ պարսպաց
քաղաքին , զորով պատ առնու Տիգրիս
գետ , իննսուն և եօթն աշտարակք
էին , և 'ի ցամաքակողմն կուսէ հարիւր
և չորեքտասան : Իսկ շրջապատ պարս-
պացն էր աւելի քան զտասն հազար
քայլ : Յարևմտից գետոյն հանգէս քա-
ղաքին կայ արձակավայրն Գուշար գա-
լէսի անուանեալ , որ և կամրջաւ կցի
ընդ քաղաքին : Արդ վերագոյն քան
զտեղիս զայս 'ի բարձրաւանդակի ուրեք

զկայ էառ Մուրատ արքայ . ապա չև իջեալ յերխլարէն՝ ՚ի գլուխ բանակին կացեալ խաղաց յառաջ, և հրաման ետ պատնէշս և մարտկոցս կանգնել անդէն զքաղաքաւն, և պաշարել զայն շուրջանակի :

Ի վաղիւ անդր հասին և թնգանօթքրն, և բաշխեցան տասն ՚ի վէղիրն մեծ, վեց ՚ի ծովակալն, և չորք ՚ի կողմնապեան Ասիոյ, և սկսան առ հասարակ բախել զպարխապսն : Յաւուրն ութերորդի կործանեցան աշտարակքն, և խրամաանեցան պարխապ . տակայն պաշարեալքն ոչ դադարէին կարկատել զնոսին հողալից կողովովք հիւսելովք յարմաւենւոյ : Յայնմ վայրի գերեթ պարսիկք երկոտասան բերան արքայի ՚ի պարգևս . և նա հրաման ետ զութեցուն ՚ի նոցանէ անդէն հատանել զկառափունս, և չորիցն որ փողաքք էին բուռն արար ելանել կալ ՚ի պատնէշն, և զպարսկականն հնչեցուցանել նուագ պատերազմական առ ահաբեկ զպաշարեալն առնելոյ : Ապա գլխաանեցան և սղբա, և կառափունք նոցին վարսեցան ՚ի գլուխս պատնշաց : Բովանդակ զօրն ՚ի կառոյցս մարտկոցացն պարապէր փութանակի, զի և ինքն իսկ Մուրատ արքայ ՚ի տեղւոջն կացեալ խրախոյս կարգայր առ նոսա . « Հասկա առաքինիք, ցուցէք ինձ զզօրութիւն քաջութեան ձերոյ . մի ոք թերի գլա-

Յի 'ի նախանձուէ գեներիս մերոյ ։

Ի նմին պահու անկան կործանեցան մարտկոցք բազումք , և պարխապք անգամ քաղաքին դղորդեալ հոսեցան ընդ երկայնութիւն ութհարիւր գըրկաչափից . ժամ էր այնուհետև յարձակել 'ի քաղաքն . այլ անդէն ազդեղև , եթէ խրամք և խորափիտք մեծա մեծք հատեալ կան 'իներքուստ , և դարձեալ պատուէր տուաւ բարձրացուցանել զպատնէշսն ։

Մուրատ արքայ ոչ ևս հանդուրժեալ յապաղմանն , կշտամբեաց զվէղիրն բանիւք տաստկութեան : Պատասխանի ետ այրն քաջ . « Թող անշնչացի ծառայ քո Դայեար , տէր իմ արքայ , միայն թէ առցես դու զքաղաքդ » : Քարոզ կարդաց 'ի բանակին՝ պատրաստ ըինել ամենեցուն առ վաղիւն յարձակել հարկանել առ հասարակ զքաղաքն , և անուն յաւխտենից ստանալ անձանց և աշխարհին . և զգիշերն ամենայն խիզախէին քաջքն աղաղակելով , Մեծ է Աստուած ։

Ընդ այդս այգոյն խաղացին անցին զօրքն 'ի պատնչաց անախ հուպ 'ի պարխապն . և վէղիրն մեծ մինչդեռ յառաջինսն արխարար շահատակեալ սուսերամերկ պուզէր պղտորէր զբազմութիւն պարսկական ամբոխին և զյոլովս 'ի նոցանէ տասպատ յերկիր կործանէր , գնդակ հրացանի հարաւ 'ի ճակատն

նորա, և անկաւ անդէն այրն քաջ, և Մուրատ արքայ ասէ հեծեծադին . «Ա՛հ Գայեար, գու ինձ լաւ էիր քան զհարիւր ամուրս որ իբրև զՊաղտատ» : Տուեալ ասլա զմատանին 'ի ծովակալն Գարա Մուսղաֆա փաշա, խրախուսէ զնա յառաջիկայ գործն . «Քաջալերեաց և լեր այր զօրութեան . 'ի քէն ակն ունիմ և առման Պաղտատայ, և անձնանուէր արքանեկութեան կամաց տեառնս քո . տէր ընդ քեզ» : Երկիր եպագ Մուսղաֆա առաջի արքայի և ասէ . «Տարցեն ինձ երկինք կամակատար լինել տեառն իմոյ արքայի, և ինամոյ սքանչելոյդ արժանաւոր հանդիպել» . և անդէն փութացեալ 'ի սլաունէշան՝ խրախոյս կարդայր մազսկացն, որ ոչ սակաւ վճատեալ լքեալ էին ընդ անկումս վէզիրին :

Յարձակեցան առ հասարակ ուժ զին սաստկութեամբ, «Եւ որո՞ւմ աւուր պահիցեմք զմահ մեր» գոչէին առիւծաբար : Անկան զվէզիրաւն բազմութիւնք ականաւոր արանց, այլ նա ոչ կասեցաւ 'ի ջանիցն մինչև առին Օսմանեանք զամենայն զմարտկոցս, և առաւ մեծն Պաղտատ ամուր սլատուարըն Պարսից աշխարհին 'ի քսաներորդի հինգերորդի աւուր ամսեանն զէկտեմբերի յամի 1638 որ օր քառասներորդ էր սաշարմանն :

Անձնատուր եղև կուսակալն Պաղ-

տաստայ Պէկզաշխան, որ ՚ի բնէ հայկազն էր, որպէս ասէ Նուրի էֆէնախ, և էկն ՚ի վրան վէզիրին, և անախ ՚ի խորանն արքունի, ընդ մէջ անցեալ բազմութեան սպայից և զինակրաց երկուստեք կացելոց և ՚ի զէն և ՚ի զարդ վառելոց: Անդ բազմեալ էր Մուրատ արքայ ՚ի գահ ոսկի, և շուրջ զնովաւ դէնպեան և վէզիրք և ոսկեգօտի արքանեակք: Եմուտ նախ վէզիրն մեծ, և զկնի նորա Պէկզաշխան, որ երկիր եսպագ արքայի և խնդրեաց զներումն գիմակացութեանն եզելոյ: Եւ ասէ արքայ. « Ներեալ ձեզ, այլ այժմէն իսկ ելլիք ՚ի բաց ՚ի քաղաքէդ, և երթիջիք յո՛ր և կամք իցէն իւրաքանչիւր. թէ վաղագոյն եկեալ էր քո, ոչ այսպէս զրավաստակ լինէաք. սակայն գովեմ և զհաւատարիմ ծառայութիւնքո զոր հարկանես բնիկ տեառնդ » . և հրամայեաց սլարգեւէլ նմա փեառեր ականակաս, և գաշոյն, և մուշտակ սլատեալ սամուրենեաւ ներքոյ և արտաքոյ:

Ի նմին պահու քանզի բերդականքն գեռ ևս մարտ եզեալ կռուէին՝ լցան զեղան Օսմանեանք ՚ի քաղաքն, աւարեցին զապարանս խանին և զուկայն, և զգիմակացսն ՚ի սուր սուսերի կոտորեցին: Աճապարեաց վէզիրն մեծ ՚ի ներքս՝ ցածուցանել զաղմուկն, այլ ՚ի զուր: Այլ և պատանի ոմն եռանդուն ընթացեալ առ Մուրատ ասէ. « Տեր

արքայ, դու բան ետուր Պարսից չսպանանել զնոսա, այլ մեք ոչ": Ասէ ցնա արքայ. « Զինչ խօսիս": Եւ նա ասէ. « Տէր իմ արքայ, յայսմ պատերազմի անկաւ հայրն իմ, և եղբարք և հօրեղբայրն իմ որդւովքն հանդերձ. արդ զի է զի արդէ լուս յադէցուցանել զվրէժ ինդրու թեան խնոյ զնախանձ. թէ դու ներես Պարսկաց, սակայն մեք ոչ բնաւ": Քրքիջ եբարձ արքայ մեծաձայն, և արձակեաց զպատանին:

Ապա ստուգեալ զգլխմակացն լինել Պարսից դէռ ևս ՚ի քաղաքին, հրաման ետ կոտորել զնոսա. և յերեսուն հազար պարսկաց երէքարիւրքն հաղիւ թէ ՚ի փախուստ ճողոպրեցան, տասն հազարք ՚ի սաշարման անդ կորեան, և բասն հազարք յաւուր առման քաղաքին ՚ի հուր և ՚ի սուր Օսմանեանցն մաշեցան: Յետ այնորիկ խաղաղանալ թուեր քաղաքն. այլ ՚ի բորբոքել և յօդս վերանալ շտեմարանի վառօդոյն մեծաւ շառաչմամբ և բազում վնասուք արանց և տանց և կոտորած իւ ու թհարիւր գումշաց, հրամայեաց Մուրատ արքայ անդէն ՚ի սուր սուսերի կոտորել առ հասարակ զպարսիկ բնակիչս քաղաքին, և քարոզքն աղաղակէին ՚ի բանակին. « Առ որում դասնիցի պարսիկ ոք, սպանցէ, կամ սպանցի": Վի էր բանակն պարսիօք ասպատանելովք անդր յանկասկածս. Մուրատ հրամայեաց

հազար մի 'ի նոցանէ տողել յանդիման
 իւրոյ խորանին, կարգեալ առ միոյ միոյ
 դահիճ մի սուսերամերկ . և յակնար-
 կել իւրում հազարաւոր կառափուռնքն
 միանգամայն յերկիր թօթափեալք
 թաւալեցան : Եւ եղև թիւ կոտորե-
 լոցն 'ի նմին աւուր 'ի քաղաքին և 'ի
 բանակին երեսուն հազար արանց :

Յեօթնևաասներորդի աւուր ամ-
 սեանն յունուարի յամի 1639 չու դար-
 ձի արար Մուրատ արքայ : Ի Մուսուլ
 Եհան յարդեւանէ բանտին զդեսպանն
 Պարսից զՄագսուտ, ագոյց նմա զպատ-
 մուճանն պատուոյ և արձակեաց զնա
 առ արքայն Պարսից հանդերձ թղթով
 որոյ սկիզբն էր . « Քաջդ շահ Սէֆի,
 տէր ամենակալ հասցէ քեզ 'ի թի-
 կունս » . ապա ազգ առնէր նմա զկամս
 իւր ձմերեւոյ 'ի կողմանան , և դար-
 նայնի ելանել 'ի ճակատ մարտի' Եթէ
 ոչ տացեն Պարսք 'ի ձեռս Օսմանեանց
 զգաւառանն պահանջեալս 'ի սոցանէ ,
 և զվախճանն թղթոյն կնքէր այսպէս .
 « Եթէ այր իցես, ելջիր աղէ 'ի դաշա
 ազատ . գործ մի անարժան է արանց
 պետաց շէլանել ըստ սեամս ասպարա-
 նից . վայ որ զանգիտեալ յերիվարէ , և
 'ի նոյն աշտանակիցէ , և սուսեր պս-
 զովատիկ զմիջովն ամիցէ : Չիք հնար
 թէ որ յաւիտենիցն սահմանեցաւ' ոչ
 ելանիցէ 'ի գլուխ . մի զուրապա տաղ
 տապե սցիս ելանել գալ ինձ ընդ տ .

ուաջ : Ողջ կացցէ որ զՃշմարտութեան
կապի զաւելոյ ։

Հասեալ արքայի յԱմիգ քաղաք եւ
սպանանել զՀէլան Որմիացի զՄահմուա,
որ 'ի համբաւ սրբութեան իւրոյ դու-
մարեալ էր զիւրեւ արս իբրեւ քառա-
սուն հազար . և պատճառք ոչ այլ ինչ
պատմին մեռանելոյ առնա՝ բայց միայն
կասկած երկիւղին 'ի բազմութենէ հե-
տևողաց նորա : Եւ մինչդեռ վէճերն
մեծ բանագնաց լինէր ընդ շահին Պար-
սից զխաղաղութեան պայմանաց , և
Քէնաան փաշա ասպատակէր զկող-
մամբքն Էջմիածնի , Մուրատ արքայ
յառաջ վարեալ զգարձն՝ եհաս յԱն-
կիւրիա 'ի հայրենիս դէնպետին Եա-
հեայի , որ և սեղան բազմախորտիկ եւ
արքայի անգանօր՝ հռչակեալ խորո-
վածիւն անտառի :

Ի Նիկոմիդիա ելին ընդ առաջ ար-
քայի զլիաւորք 'ի բնակիչս Կոստանդ-
նուպօլսոյ : Դշխոյ թագաւորին յառա-
ջեաց անտի նաւուք վեց և ել 'ի պա-
տրչգամ Սինան փաշային , ուստի առ-
տարաւ զնա մայրն արքայի 'ի վաղև-
անգր յարքունիս երկոտասան կառօք
և բազմութեամբ աւազորերոյ . և էին
կառք զշխոյին ծածկեալ ոսկեհուն
դիպակաւ , և անխքն արծաթասպառք,
և երիվարք ոսկեկազմ :

Ի նմին աւուր , որ տասներորդ կը
ամսեանն յունիսի , Յամանեաց յիսուն

և ութ նաւուք և արքայ Մուրատ 'ի
 թագաւորեալ քաղաքն, և յաւուրն
 երկրորդի արար զմուտ իւր անդանօր
 հանդիսիւ մեծաւ: Հարիւր փողարք և
 թմբկահարք հնչեցուցանէին զպարս-
 կական նուագսն, քսան և երկու խանք
 տոռն ընդ անձն զօրէն դերեաց զնային
 աստի և անտի թագաւորին, և ինքն ար-
 քայ ըստ տարազու Պարսից սպառազի-
 նեալ գայր՝ մորթ ընձառիւծու զու-
 սովքն ունելով:

Սուղ ինչ աւուրքք յառաջ քան ըղ-
 ժամանեւ արքայի 'ի Կոստանդնու-
 պօլիս մեռեալ էր սուլթան Մուսդա-
 Ֆա բնական օրհասիւն կամ գեղով մա-
 հու որպէս համբաւէր, և որպէս ռամ-
 կին սովորութիւն է կարծել յիշտ զա-
 րանց մեծամեծաց:

Յամսեանն սեպտեմբերի եհաս գես-
 պան արքային Պարսից Մէհէմմէտ
 Գուլի խան՝ ածեալ զյեակար գաշինն
 հաստատելոյ ընդ նմա 'ի վէզիրէն մե-
 ծէ. որով Օսմանեանք թողուին ան-
 դրէն 'ի Պարսս զԵրևան, փոխանակ
 նորին կալեալ 'ի ձեռս զՊաղտատ: Եւ
 ատեանն արքունի արդարեւ ատեան իմն
 էր յաղթանակի: Զի անդ էին բայց 'ի
 գեսպանէն Պարսից և գեսպանք Անդ-
 ղիացւոց, Գերմանացւոց և Ալեքեակե-
 ցւոց, և արքայ բազմեալ 'ի դահ սակե-
 պատ՝ չորիւք արծաթի սիւնակօք, յո-
 րում գեղեցկագրեալ էր Մահմուտ

Ճէլէպի ոմն զտաղս ճէվի քերթողին
յառուսն Պաղտատայ ¹ :

Իսկ վէզերն մեծ հաստատեալ զդա-
շինս հաշտութեան ընդ Պարսից , և
արձակեալ զգորսն յիւրաքանչիւր տե-
ղիս , մինչդեռ դառնայր դայր 'ի Կոս-
տանդնուպօլիս , զճանապարհայն պա-
տուասիրեաց մեծապէս շքով զդեասպա-
նըն Պարսից որ դնայր յաշխարհ իւր :
Ելին ընդ առաջ վէզերին աւագորեարն
ամենայն հանդերձ գիտնականօք . և ժա-
մանեալ յարքունիս՝ մատոյց նա զգը-
րօշն նուիրական առ արքայ , երկիր ե-
պագ առաջի նորա , և յարուցեալ կանգ-
նեցաւ՝ ձեռս 'ի ձեռս զլանջօքն պա-
տեալ : Ասէ ցնա արքայ . « Ողջամբ
իցէ դալուստ քո , դաստիարակ իմ ,
արժանապէս արդեանցդ եղիցի քեզ 'ի
վայելըս հացն իմ » . և զգեցոյց նմա
զտամուրեկնին :

¹ 'Նշանաւոր էն շրեթին քողք թերեւսա-
ծին՝ շրեթ 'ի Տէլ Բերե Ռիյաշի 'ի պարսա-
նեան շրեթոյ ճեվեայ .

Որդե՞ շերի՞ն Քե՛տասն
աշխարհ ըստե՛ս առնու՛ պապ ,
Եւ քողքո՞ջէ թե՛ւ հանդեպ
Ի՞բր ըստ ըմբ իսանդոսմանդ ,
Ու յերի՞նչէն սասանեալ
Տապնել 'ի Տահ և 'ի սուր .
Ի Բոսան ըլլի՞նք գայն 'ի գայն
շոգի՞ն յօնել ճգադի՞ր :

Ընդ ժամանակս արշաւանին Օսմա-
նեանց՝ ի Պաղտատ Եռւսու Ք փաշա կու-
սակալն Ք.է.Քէի նիզակակցու թեամբ
Փիալէ քեահեային վանեաց և խորտա-
կեաց բազում անգամ զխաղախս որ
նեղէին զխանն Խրխմու զՊահատըր քե-
րէյ : Գարձեալ և ոչ սակաւ շփոթք
յուզեցան յայնժամ ՚ի Պոսնիա և ՚ի
Վենեաիկ, զորոց զվէպսն չտանի մա-
տենիա չափ : Պոսնիա յետոյ ուրեմն
զինու բռնութեամբ նուաճեցաւ, և
Վենեակեցիք յանձն առեալ ծանր
ծանր պայմանս՝ ՚ի խնդիր Էղեն հաշ-
տութեան :

Մուրատ արքայ զհետ գարձին ՚ի
Պաղտատէ՝ ՚ի շինութիւնս պարասէր
և ՚ի բարեկարգութիւնս աշխարհին :
Յաւուրսն յայնոսիկ երևեցաւ ՚ի Վոս-
տանդնուպօղիս այր ոմն ափրիկեցի, որ
պարծէր հմուտ լինել արուեստի ու-
կեգործութեան : Հրաման ևս արքայ
տալ նմին զկարևոր նիւթան ՚ի փորձ
ճարտարութեան նորս, և իւր խի-
առաջի ասաց նմա զհանդէսն առնել :
Արկ ափրիկեցին զարծաթն ՚ի բովս,
և Էհան անափ ոսկեգոյն. և ՚ի փոր-
ձաքար մատուցեալ՝ յանդիմանեցաւ
անյաջողել իրացն : Խոստանայր և
պնդէր խի այլն յաջողագոյնս առ-
նել զփորձն երկրորդ. սակայն ար-
քայ նշանացի ակնարկեաց պաշտօ-
նէիցն, և անդէն առ ոստ բազմոցին

Իւրոյ խեղդամահ արարին զեղկեւին, և սրտատակաւ 'ի նորին վերարկու, և վեմ զսարանոցէն կապեալ ընկեցին 'ի ծով հանդէպ սրտոչգամին: Մինչդեռ յԱմիգ 'ի մահ տայր արքայ զէխն Որմեայ՝ ըմբռնեալ էր յոմնառութիւն ստատիկ, և համարեցան ամենեքեան ըզգէպսն 'ի վեժ անպարտ մահու անն սրտահեալ, նոյն և այժմ ստատկացաւ 'ի վերայ արքայի զաւուրս տան:

Ապա վտանգեցաւ և 'ի ցաւոյ միջաց, և ոչ ինչ զգուշանայր յօդոց և 'ի գիներբուաց՝ յոր հրատուրէր զնա առաւելապէս Էմիրկիւնէ սարսիկ՝ որ երբեմն իշխանն էր Երեանայ, և յայնժամ 'ի Վոստանդնուպօլիս շնայլութեան սարապէր: Անկաւ ապա Մուրաա արքայ 'ի մահիճս մահու, և թէպէտ կասկածէր 'ի մտի զօրհասէն իւրմէ, սակայն մահ սպառնացաւ առ հասարակ բժշկաց՝ և թէ ոչ ապրեցուցանիցեն զնա 'ի վտանգէ անտի: Կամեր 'ի մահ մասնել և զեղբայրն իւր զԻպրահիմ՝ առ 'ի թողոյ զսայազատութիւն ակթուոյն 'ի զինակիրն իւր մտերիմ, որպէս ասեն ոմանք, և կամ որպէս այլք ասեն՝ զի երկիր ռնէր և թէ կենդանեաւ իւրով թագաւորեցուցէ ամբօխն զԻպրահիմ: Իցէ այս որպէս և է, այլ մայրն իւր ապրեցոյց զԻպրահիմ, և ցՄուրաա աւետաւորեցաւ մահ Իպրահիմայ: Կամեր արքայ տե-

սանել զդիակն եղբօր իւրոյ . և յասել բժշկաց՝ եթէ այն տեսիլ վտանգեացէ անշուշտ և ևս զարքայ , և յաւելցէ ըզտադնապ տենդին, ճգնէր ոսանուլ ինքնին յանկողնոյ անախ . այլ արգելաւ ՚ի տկարութենէն և ՚ի զինակրէն : Ուր ուրեմն յետ աւուրց հնգետասանից յինն փետրուարի մեռաւ արքայ Մուրատ Դ , սմաց երեսուն և միոյ , թագաւորեալ ամս եօթնևտասն ասէղ զօրութեամբ , և զապտտամբութեան զբաղմագլուխն վիշապ զբունեալն յաշխարհին Օսմանեանց յսմաց հետէ՝ ՚ի նորին արիւն հեղձամահ արարեալ :

Ի վերջին ամս կենաց իւրոց ՚ի բնատուր գեղեցկութիւն արքայիս մեծի յաւելեալ էր և խստութիւն ասարկու . և խորշոմութիւնքն անկեալք զյօնիւք նորա սարսափելի գործէին տեսանելաց զհայեցուածս նորա : Ոչ էր չափ և սահման ուժոյ բազկաց նորա , և ոչ ճարտարութեան յարգնընկէցն լինել , և նեաք նորա կորովիք հեռագոյնս ընդ ոստուցեալ քան զգնասկ ՚ի հրացանէ՝ թափ անցանէին ընդ կարծրութիւն տախտակաց երկաթեաց օրոց չորք մատնաչափք էին թանձրութեանն : Որսասէր յոյժ ունէր նա բարս . և որսորդք երեսուն հազար շրջէին ընդ նմա յանտառս երկոց , մանաւանդ ՚ի վերջայն : Ակնարկի զուրցաարութեանցն արուեստ բարդաւաճեաց յոյժ յաւու-

բրա նորա . զի յայս իսկ ստիպէր զամենեւեանն ահն և հոյն ահարկու թագաւորին : Յեւանել նորա ցանդ երկվարաւ 'ի զքօսանս ուրեք՝ ենիչէրեք 'ի վերդ և 'ի բիր հալածէին զամբոխն յառաջոյ նորա , և սլաշոծնեայքն արքունիքան զգերեաց բաղմուծիւն հպատակէին ակնարկուծեան նորա : Եղև օր զի մինչդեռ կայր նա 'ի բարձրաւանդակի ուրեք՝ անկաւ 'ի ձեռանէն թուղթինչ 'ի գետին . թօթափեցան իմն իբր 'ի վախից ուրեք սլաշոծնեայքն ամենեքեան ընդ սանդուղս տեղւոյն . մին 'ի նոցանէ՝ ոտաւաւ ընդ սլատուհանն և խորտակեաց զղիտ իւր , յափշտակեաց զթուղթն , և կաղս 'ի կաղս ած զայն սու արքայ , և ընկալաւ 'ի նմանէ բարձ իշխանութեան մեծի : Մեծ էր խատուծիւն նորա 'ի սլատուհասել զյանցաւորս . և յեօթնեակ ամսն ևեթ 'ի վերջինս թիւ արանց սպանելոց զանցանէր քան զյխառն հազար . իսկ որ կոտորեցան ընդ բովանդակ եօթնևտասրն ամս թագաւորութեան նորա՝ ոչինչ սպակաս հաշուին քան զհարիւր հազար . և ինքն իսկ սովոր էր ասել . « Ալևորել արևորի վրէժխնդրութիւն , այլ ծերանայ և ոչ երբէք » : Սասաիկ էր հրաման սլատուիրանի նորա ընդդէմ գինեւանց և գահվէի և ծխոյ , ոչ այնչափ զի յօրինաց անտիգենին արդէլեալ են սոքա , որչափ առ 'ի խափան արկա-

նեւոյ որոց յայսպիսի գումարմանց ամբ
բոխին յառաջ դան յոյզք և խռովու
թիւնք . այն զի նա ինքն անճնատուր էր
'ի խրախճանս գիներբուաց , և զՊէքրի
Մուսղաֆա զհամբաւեալն յարբշու
թեան և 'ի զաւեշտարար բանս՝ ոչ մի
այն ոչ սրատուհասեաց , այլ և հաճու
թիւն իմն ցուցանէր ընդ կատականս
նորա ¹ :

¹ Յաճախ են և ծանօթ իսկ հասարա
կաց արտրտ և ասացուածք Պէքրի Մուսղա
ֆային , զորոց լէ մեզ ասքանօր երկարաբան
լինել : Ուրիւն իոյն իաւսք 'ի գրի հարկանել
և զայլոց անբաւ պատահարաց զբոյրս զուար
ճալիս և ոյիքանիս՝ որ մինչև յայսօր յա
ծին 'ի Բերանս Օսմանեանց , և սին այսմ
մեծազօր արքայիս Մուրադայ և որոց աս
սովաւ սկանաւոր անխանց մեծաւ ճաստքի գան
արտէօք 'ի Դեղ :



ՍՈՒԼԴԱՆ ԻՊՐԱՏԻՄ

Օ ԴՈՅԺ մահու առաջին Մուրա-
 տայ և զաւետիս թագաւորելոյն իւրոյ
 լուեալ Խպրահիմ 'ի խռանէ պաշտա-
 կանայն ընթացելոյ առ նա 'ի վան-
 դակ անդր, պնդագոյնս ձգեաց զգու-
 արն սենեկին իւրոյ, և զհրաւերն զոր
 կարդային առ նա 'ի գահ արքունի՝
 դաւաճանութեան իմն կերպարանս
 համարէր. այնչափ զահի հարեալ էր
 յերեսաց եղբորն իւրոյ երիցու: Բա-
 ցին պաշտօնեայքն պատկառատ իմերը-
 նութեամբ զգուռնն, բայց կարացին
 ոչ ածել զնա 'ի հաւատ իւրեանց բա-
 նից. մինչև եկն առ նա մայրն նորին
 Քիւսեմ սուղան և ած բազում ողոր-
 նօք մինչև 'ի սրահ անդր, ուր անկեալ
 դնէր գիական Մուրատայ: Յայնժամ
 հաստատեցաւ Խպրահիմ ընդ հաւատափ
 մահ նորին, և հանգերձիւք սգոյ յու-
 զարկեալ զնա ցգուռն արքունեացն,
 ածաւ ապա զսուսերն արքունի ընդ մէջ
 յէյուսպ ըստ առաջնոցն օրինի: Մա-
 տեան յերկրպագութիւն նորոյ արքայ-
 իս աւագանին և գիանականք ամենայն,
 և մայր նորա յանուն որդւոյն խոստա-

ցաւ սրահէլ զնոսա յիւրաքանչիւր իշխանութեան :

Արձակեցան անդէն աւետաւորք և առ սկտութիւնս Եւրոպայ, առ թագաւորս Ղէհաց, Ռուսաց, Անգղիացւոց, Գաղղիացւոց, Հոլանտացւոց, Ալեքստիկեցւոց և Գերմանացւոց . և դեասլանք ՚ի սոցանէ հասեալ բազմապատիկ ընծայիւք՝ հաստատէին զպայմանս ուխտի բարեկամութեանն : Այլ մեծարանս յոյժ ընկալաւ քան զամենեօին դեասլանն Պարսից Իսրահիմիտան, և գարձաւ անդրէն հանդերձ պարսկական գերութեամբն որ ցայնժամ արդէլեալ սրահէր յԵսիպուլէ, և աւետաւոր սպանման Էմիրկիւնէի խանին Երեւանայ : Քանզի սա որ յամաց հեռէ ՚ի մի ՚ի գիւղից Առափորի շուայտութեանց պարասլէր, յաւուր միում խեղդամահ եղև ՚ի տան վեզերին մեծի . և սրտաճառք, « Զի ոչ ինչ պիտանացու էր կեալ նորա » ասէ Քեաթիպ չէլէպի :

Զկնի երկուց ամաց եկն և այլ դեասլան յաշխարհէն Պարսից Մագսուտիտան անուն հարիւր և յիսուն արամէք, որ ածէր զաւետիս թագաւորելոյն Շահաբասայ երկրորդի՝ որդւոյ Շահսէֆեայ՝ հանդերձ ծանրադին ընծայիւք . որ էին զխաղկք ոսկեմանք վաթսուն, շղարչք հնդկաց եօթանասուն, անօթք եօթն լցեալք յամբարաւ և միշ

կող, աղերդունք քսան և եօթն, յախ-
ճապակի վաթսուն, կապերոք մեծա-
մեծք քսան և վեց, ուղտք յիսուն ոսկե-
սանձք, տաճիկ ուղտք տասն, և երի-
վարք ընտիրք չորեքտասան :

Սասանութիւնք և հրդեհք և անձրեք
նորանշանք ոչ սակաւ տաղնապեցու-
ցին զնուժանն 'ի սկզբան թագաւորու-
թեանն Նաբոհիմայ արքայի . այլ վաղ
'ի մուացօնս արկան նոքին յերեքօրեայ
ջահավառութեանց և հանդիսից սակս
ճննդեան երկուց արքայորդւոց, Մէ-
հէմմէտայ՝ որ ապա և թագաւորեաց, և
Սիւլէյմանայ : Եւ առաւել ևս նապաս-
եղև սփոփանայ և անգորրութեան
ամբոխին խոհական տեսչութիւն մեծի
վէզիրին Գարա Մուսդաֆայի : Զինա-
բարձրացոյց զարժէս դրամոց, և գյարդ-
միոյ գահեկանի, որ էր 120 փող, սահ-
մանեաց յութսուն փողս : Աարդեաց
որիշ որիշ գինս ամենայն վաճառուց,
և հրաման ետ ճշգրիտ աշխարհապիր
առնել ամենայն պետութեանն, որով
խափանեցան ոչ սակաւ հարստահա-
րութիւնք . քանզի և գիւղորէք ամայա-
ցեալք 'ի բնակչաց զնոյն հարկէին հար-
կըս՝ զոր ինչ առ Մէհէմմէտաւ Բ :
Իբր 'ի չգիտանա եղև նորամուտ սովո-
րութեան պնչադեղոյ, որով զուար-
ճանայր ժողովուրդն փոխանակ ծխա-
խոտոյն խատադոյնս արդեւոյ 'ի Մու-
րատայ . և գութ մեծ ունէր առ բրիտ-

տոնեայս հպատակս արքունի, և գիւրաւ տայր նոցա հրաման 'ի կառոյցս եկեղեցեաց :

Յամին երկրորդի թագաւորութեանն Խպրահիմայ, այն ամ էր 1641, խաղացին Օսմանեանք ընդ ծով և ընդ ցամաք յառումն բերդին Ազախու, որ և Ազով, գրաւելոյ 'ի Խաղախաց: Այլ յետ եռամսեայ պաշարման հարկեցան 'ի բաց կալ անախ, ոչ այնչափ յարիութեանէ ամրականացն (որ էին արք պատերազմի չորեքտասան հազար, և մարտիկ կանայք ութ հազար), որչափ յանմիաբանութեանէ խանին Խրիմու Պահատրայ ընդ Օսմանեանս, և 'ի ճարակելոյ սրածութեանն ախախի 'ի բանակի նոցին: Սակայն 'ի միւսում ամի Մէհմէտ քերէյ յաջորդեալ Պահատրայ՝ էառ զԱզով հարիւր հազար թաթարօք, և սպարապետն Օսմանեանց Սուլդանզատէ Մէհմէտ զհետ երկց աւուրց ժամանեալ անգր՝ ամրացոյց և ևս զբերդն զինու զօրօք և շինութեամբք :

Ընդ այն ժամանակս յամի 1643 Հիւսէյին Նասուհիաշազատէ, նա ինքն է որդի հռչակաւոր վեզիրին մեծի Նասուհայ, կուսակալ էր Վարնոյ. սա բազում անգամ բանս նախատանայ խօսէր զվեզիրէն մեծէ՝ Չորսպաճի զնա կռչելով, իբրու 'ի դասէ ենիչէրեաց ամբարձեալ յայն պատիւ՝ անգէտ գրոց դպրութեան: Անաստեաց ապա և հը-

բամանի վէճերին, որ յուշ առնէր նմա՝
 եթէ չէ օրէն սահմանակալ բղէջից
 հրովարտակա առնել վաւերականաւն
 արքայի որպէս գուգ առնես. և նորա
 յետս անդրէն առաքեալ զպատգամա-
 ւորն ասէ. « Իմ բնիկ պայազատու-
 թեան ժառանգութիւն է՝ վաւերակա-
 նաւն արքունի վարել, որ վէճերս եմ
 և վէճերի որդի, և ոչ տեառն քո՝ վա-
 րանդի փախուցելոյ յաշխարհէն Առ-
 նաւուտաց »: Ծանրացատումն եղև ընդ
 այս վէճերն մեծ, և առաքեաց նմա հը-
 բաման արքունի ելանել գնալ ՚ի Սե-
 բաստիա և առնուլ զբղէջիութիւն քա-
 ղաքին. և ՚ի ծածուկ աղջ արար բնիկ
 բղէջի տեղւոյն՝ զինու բռնութեամբ
 ընդդէմ կալ եկաւորին: Սակայն պար-
 տեցաւ այրն առաջի Հիւսէյինայ և ան-
 կաւ. և Հիւսէյին ոչ շատացեալ իշ-
 խանութեամբն՝ դէմ եղ գնալ բաղ-
 մաձեռն գնդաւ ՚ի Առտանդնուպօլիս՝
 դատ գնել ընդ վէճերին մեծի:

Զահի մեծի հարան Բիւզանդացիք
 ընդ համբաւն, մինչև փակել և զկըր-
 պականին. այլ վէճերն մեծ հրամայեաց
 անդրէն բանալ զնոսին, և արձա-
 կեաց ընդդէմ որդւոյն Նասուհայ ըզ-
 կողմնապեան Ասիոյ զԶիթթէլի Օսման
 փաշա: Նհար վանեաց զսա հակառա-
 կորդն առ Նիկոմիդեաւ, և հուպ եկն
 և հաս մինչև մօտ Եւսկիւտար ՚ի Պուլ-
 զուրլա, ուր եօթնեակա երիս ժամա-

վաճառ եղև՝ ասպաւինեալ 'ի սպասիր
խոստումն շողումարարաց իւրոց, որք 'ի
Կոստանդնուպօլսոյ յուսացուցանելին
զնա առնուլ ընդ հուս զարքունական
մատանին :

Իսկ վէզիրն մեծ և ոչ մի ինչ 'ի հնա-
րից ոչ եթող առ 'ի դաւով իմն կար-
թեւոյ զայրն, և ընդ ձեռն միոյ ուրուք 'ի
վաղեմի բարեկամացն Հիւսէյինայ հա-
ւանեցոյց զնա դալ յեւրոպեան ծով-
եզերին, և առնուլ զկողմնապետու-
թեանն սաշտօն : Եկն Հիւսէյին և
կաթեր հաշտել ընդ վէզիրին մեծի որ-
պէս ոսոխ համազօր քան որպէս մնա-
սասարա յանցանայ • այլ իբրև ետես-
նա զիւրոցն զօրավարաց անդէն անկա-
նել առ ոտս մեծի վէզիրին և խնդրել
զներումն, աճապարեաց փախչել ընդ
որդւոյ իւրում Մէհէմէտայ առ խանն
Խրիմու : Սակայն ժամանեաց նմա սոս-
թանձիպաչին քառասուն արամբք
մերձ 'ի Տուսճուգ, և կալեալ ած 'ի
Կոստանդնուպօլիս : Եւ վէզիրն մեծ
յետ ազգի ազգի սատու հասակոծ զայ-
րն առնելոյ՝ էտ կտտամահ սպանա-
նել զնա, և զկառափն ընկենուլ ար-
տաքս առ դրան արքունի : Ալի եղբայր
նորա խեղդամահ եղև, ոմանք յաղ-
գակցաց նորա արկան 'ի կալանս, և
այլք յաքսորս առաքեցան :

Այս խատու թիւն վէզիրին մեծի ընդ-
գէմ ոսոխաց իւրոց և ևս գրդուեաց զնա-

խան ձորդս իւր, որ էին առաւել լայն, ս
վէղերն Սուլդանդասէ, զինակիրն ար-
քայի Եուսուֆ փաշա, և ուսուցիչն ար-
քայի Հիւսէյին էֆէնափ, որ մտգական
արուեստին հմուտ զանձն ցուցանելով
և նովին շնորհս դասնելով առաջի
դշխոյին Վիւսէմայ և Թագաւորին իսկ՝
պատուեցաւ ՚ի նոցանէ յոյժ յոյժ,
Թէպէտև տգէտ էր ամեննին և առանց
դպրութեան • և դիւանակաւք և ռա-
միկն անուն նախատանաց և դէպ Նմա
կոչեցին Ճինձի խօճա: Սորա երե-
քեան դիւրաւ միաբանեցին ընդ իւ-
րեանս և զՎիւսէմ սուլդան, զի ՚ի հե-
րուն հեաէ սպանեալ էր վէղերին զվե-
սայ նորա զզինակիրն Սիւլէյման:

Յաջողեցան և բանս ինչ քաղել ՚ի
բերանոյ նորին ընդդէմ հրամանաց
Թագաւորին • զի անտեան և մատակա-
րար կանանոցին արքունի՝ որում Վեա-
հեա խաթուն ասեն՝ հրաման տուեալ
էր յիսուն սայլս փայտի ածել ՚ի ներ-
քրս • և կատարումն հրամանին յապա-
ղեաց աւուրս ինչ առ ՚ի կարևոր գործոց
՚ի վերայ հասանելոյ: Արդ մինչդեռ վէ-
ղերն մեծ բազմեալ կայր յատենի, և չև
ևս էր ժամ արձակելոյ ատենակալացն,
պատուէր և հաս յարքայէ լուծանել
վաղվազակի զտուեանն, և վէղերին գնալ
անդէն առ արքայ • և Ձի է, գոչեաց
արքայ ընդդէմ նորա, զի է զի չև ևս
տուան ՚ի կանանոցն յիսուն սայլք

փայտից ”: Պատասխանի եւս վէճերն .
 « Տային վաղ ընդ փոյլթ ”. և յաւել
 ասել անդէս իմն և տարածամ հա-
 մարձակութեամբ . « Տէր արքայ, և
 իցէ ինչ հարկ կոչել յասենէ զփո-
 խանորդս քո վասն յիսուն սայլից փայ-
 տի, որ հազար և հինգ հարիւր փողոյ
 գինք իցեն, և այսպէս վեր ՚ի վայր առ-
 նել և յաստղել զիրս կարևորս . իցէ ինչ
 ՚ի դէս տեառնդ իմուժարքայի զփայ-
 տից հարցանել ցժառայ քո և ոչ զիրաց
 աշխարհիս մեծի, և զասմանաց նորս,
 և զգանձուց ”: Զայս իբրև գիտաց
 դենպեան Եասէա էֆէնաի՝ զգուշա-
 ցոյց ՚ի ծածուկ զվէճերն, և խրատ ևս
 կարևոր եւս նմա՝ մի երբէք արհամար-
 հել զքան ինչ, զոր մեծ համարիցի ար-
 քայ : « Ո՛չ ասպքէն ՚ի նորին օգուտ
 խօսիմ եւս զճշմարիան, ասէ Մուսղա-
 ֆա . կամ թէ շնթել ինչ պարս իցէ .
 լաւ է ինձ ազատօրէն մեռանել քան ՚ի
 գերութեան կալ մնալ ”: Յայսպիսիս
 զակատեալ խորհուրդս, գիտաց Գարս
 Մուսղաֆա զվտանգն յորում անկեալ
 կայր . և առ խարդաւանելոյ զզինակիրն
 զոր սատճառս շարեացն վարկանէր,
 հնարեցաւ որսալ զքամովք զգլխաւորս
 ենիչէրեաց, որպէս զի մերժեացեն նորս
 զթան յառաջիկայ հանդիսին, և բողոք
 կալցին զիրօխտանաց զինակիրին՝ որ իւ-
 բով ինքնասաճոյ գնացիւքն խափան լի-
 նէր իշխանութեան վէճերին մեծի : Ի

վեր ելդաւն ձախողակի, զի և նորա ոչինչ մտերմութեամբ էին ընդ Մուսղաֆայի . այլ և մի ոմն 'ի նոցանէ, Միւսլիհէտափն անուն ինքնին պատմեաց զիրսն արքայի: Ասէ ցնա խորասիմ արքայ . « Եթէ սպանանիցեմ ես զդասախարակն իմ, զայրացին ընդ իս ծառայքն իմ եթէ ոչ »: — « Մի արացե՛ն Էրկինք, ասէ Միւսլիհէտափն . չիք 'ի ծառայսքո խտտասարանոց որ և ստամբակ . այլ և ինդացե՛ն ամենեքեան ընդ մահ վէզիրին »: Եւ յառաջնում աւուր տարեմաին Տաճկաց յամի 1643 'ի քսաներորդի Էրկրորդի աւուր ամեանն մարափ մինչդեռ Էրկուք ոմանք վիճէին յատենի առաջի մեծի վէզիրին, թագաւորն որ յետոյ վանդակապատին կայր՝ բախեաց ընդ վանդական, զի լուծցի ատեանն: Գնաց վէզիրն 'ի տուն իւր, և եղեալ 'ի ծոց իւրում զկուրան մի դարձաւ անդրէն յարքունիս ընդ գուռն Էրկաթի, ուր ճեմն առնոյր թագաւորն, որ և ասէ զայրադին ցՄուսղաֆա . « Կարի է համարձակութիւնդ, դասախարակ իմ, այդպէս անկոչ գալ մտանել առ իս իբրև 'ի տուն հօր քո »: Այն ինչ սկսանէր վէզիրն Էրգմնակուռ լինելով անբասիր զանձն առնել, ասէ խորասիմ . « Ստես 'ի գլուխ քո . գու ինքն իսկ ես առաջնորդ խառվութեան ենիչէրեաց, որպէս քաջ գիտեմ . այլ ոչ պակաս:

ինձ այր՝ որում տաց զմատանի սեռու-
 թեանս խնոյ ։ և ասէ ջարսթանճի
 պաշին . Ա՛ռ : Չխնացաւ այրն եթէ
 զմատանինն և եթէ հրամայիցէ արքայ
 առնուլ ՚ի նմանէ , եթէ և զգլուխն ևս .
 և զառաջինն արար : Գարա Մուսդա-
 ֆա ՚ի տագնապ մահու հասեալ չո-
 քաւ ՚ի տուն իւր , և այլափոխեալ ըզ-
 հանդերձան՝ փախեաւ ընդ երգս կա-
 նանոցին : Իբրև ամ պոսթանճի պաշին
 առ թագաւորն զմատանինն և եթէ , բոր-
 բոքեցաւ նա ՚ի սրամտութիւն բար-
 հութեան , և ասէ . « Բէք ինձ վաղ
 վաղակի զգլուխ անօրինին » : Յայնժամ
 գիմեաց նա հինգ հարիւր զօրականօք
 յապարանս վէզիրին . և Գարա Մուս-
 դաֆա չէր ՚ի միջի . և արձակեաց
 զարս իւր այսր և անդր ՚ի յոյզ և ՚ի խըն-
 դիր փախտաականին : Նղկելի վէզիրն
 երթեալ թագուցեալ կայր առ Նալը
 մղկթաւ ընդ բարդիւք խոտոյ , զի գի-
 շերայն փախիցէ . և մի ոմն ՚ի զօրակա-
 նաց նշմարեալ ՚ի վերուստ զնղրատումն
 խոտոյն՝ ընթացաւ անդր հանդերձ
 այլովք : Գարա Մուսդաֆա զգէմ
 կալաւ նոցա սուսերան . այլ պար-
 տասեալ ՚ի բազմութենէ նոցին՝ կա-
 պեցաւ , և ըստ հրամանի թագաւո-
 րին խեղդամահ սպանաւ ՚ի հրապա-
 րակին խօճա փաշայի և գխակն նորա
 ամաւ նախ առ խպրահիմ արքայ և
 ապա թաղեցաւ :

Ի յոյզս ընչից նորա երեսուն հազար ոսկիք և եթ գտան, և ակունք ոչ բազում, և յապարանան ՚ի սենեկի ուրէք պատկերք կամ կենդանագիրք հինգ ՚ի վերայ գահու միոյ սնդեալք պղնձի բեռօք, և էին կենդանագիրք խր և չորից գլխաւորաց պետութեանն, և համարեցաւ ռամիկն՝ թէ հմայս ինչ հմայէր նոքօք վէզիրն, և շնչ ինչ տարագէտ. զի ընդ այն ժամանակս ոչ միայն յարևելս, այլև յարևմուտս գիւրահաւատ յոյժ գտանէին մարդիկ հմայից և բժժանաց և ատաւարաց: Սակայն ոչ անտեղի իցէ և զայն կարծել, զի սիրող գոչով վէզիրս նկարուց և կենդանագրաց, և յայնմ սենեկի գաղեալստէր զնոսա՝ զի միամբաստանեացի որպէս յանցաւոր օրինացն՝:

Այս վախճան եղև մեծի առնն, որ ՚ի հնգեակ ամս տեսչութեան խրոյ

¹ Օրէնք ի՛նքսքս արգելուան Տաճկաց առհասարակ զամենայն նկար և զքանդակ՝ անշուշտ առ ՚ի մերժելոյ զնոսա ՚ի պաշտամանէ զբօշելոց. սակայն յարի՛ յօրէնան և այս պարճառք՝ ելէ լէ արժան ապականել զհրաշակներքն ՚ի սքեղծութեան յետաց արարչին զճարտ՝ զհանգսնաբիպն ինչ կամելով ճշգրտեցողու նել. և թէ յառուրն կապարածի նկարք և քանդակք ճարտիկեղէն իերպարանաց պահանջեցեն յիւրեանցն ճարտարաց և զոգի, զոր զն արգելօք ռանիցին սոքա քաւ նոցին:

անչափ բարեկարգութիւնս և շինութիւնս արար ՚ի սկսութեան Օսմանեանց, և թէպէտ անդէտ դարութեան էր, այլ քաջ ՚ի վերայ հասեալ կարևոր պիտոյից նորին ասէր ընմ անդամ - « Գիտեմ, զի չեմ արժանի այսմ բարձի, և առ չգոյէ լաւագունից և և թ ամբարձեալ եմ ես ՚ի սոյն » : Թշնամի էր յոյժ կաշառաց, վասն որոյ և սարգևս անգամ շառնոյր յումէքէ, բայց միայն յորժամ իշխանութեան ոք հասեալ և զօրինաւոր տուրսն հատուցանէր : Յաւուր միում մտերիմն իւր Հիւսէյին էֆէնտի ետես զնա զայրադնեալ ընդ ասե՛նադպիրն իւր ընդ Ահմէս սէյ, փոխանակ զի սահանջեալ էր նորա դրամս վասն թղթոյ իրիք աղաչանաց մատուցելոյ առ ինքն : Բազում ինչ խօսեցաւ ընդ նմա Հիւսէյին, և ամս քեաց զնա . գիտասջիր ասէ, զի թէ լուծցես զնա յիշխանութենէ անտի, ոչ գտցես զայլ ոք ճարտար և վաստակաւոր հանգոյն առնն : Մինչդեռ հրաժարեալ մեկնէր Հիւսէյին, գոչեաց վէզիրն զինի նորա . « Լուր ինձ միւս ևս անգամ, Հիւսէյին էֆէնտի . է և այլ ինչ թերութիւն յասե՛նադպիրդ անշնորհ, զի յասե՛նի մինչդեռ էաց առաջի իմ, ներքուստ սարեգօտին տեսանի արձակեալ զանկատանացն կապք . ուսո՛ աղաչեմ ամփոփ ունել զանձն իւր և վայելագոյնս հանդեր .

ձիւն : Բան էա Հիւսէյին • և ած զԱն-
ձեա սէյ 'ի համբոյր ձեռաց վէղղին :

Զկնի Գարա Մուսղաֆայի ընկէ ցիկ
եղէն և սատեւցան մակնայն մտերխմք
նորա , և փոխանակ նորա կարգեցաւ
վէղղի մեծ կուսակալն Գամասկոսի
Սուլղանդատէ Մէհէմէտ մահանուա-
նեալն ճիւղան Գափուճուպաշր : Տա-
րի մի ողջ անցանէր մինչև եհաս 'ի
Գամասկոսէ նորոգ վէղղին . և յեա երկց
աւուրց գառասպարտեաց 'ի մահ զկա-
տակաւոր ծովապեան զՓիալէ փաշա :
Քանզի սա յարշաւել իւրում նաւա-
տորմաւ 'ի Տրասօլիս՝ ընկալաւ 'ի կու-
սակալէ կողմանցն , որ կոչէր Տայի Մէ-
հէմէտ , անօթս սակոյ և արծաթոյ ,
և գունաս իմն յսկոյ սրբոյ՝ յսրոց վէ-
րայ դրոշմեալ էր անուն թագաւորին :
Դամանեալ Փիալէ 'ի Կոստանդնու-
պօլիս՝ զանօթան ընծայեաց արքայի ,
այլ զգունասն անձին սահեաց • և մի
ամն 'ի նաւապետաց իւրոց Հիմար օղու-
անուն՝ արգարև անմտութեան արա-
րեալ գործ , որպէս ծաղրէ Նայիմա ,
մասնեաց զՓիալէ • և խեղդամահ եղև
այրն 'ի հրամանէ արքայի :

Յայնմամի 'ի տօնախմբութեան ծնըն-
դեան մարգարէին Տաճկաց առանձին
գէպք եղէն , զի ճինձի խօճա գատա-
ւոր գոլով ասիակողման՝ փոխանակ խո-
նարհագոյնս բազմելոյ քան զգատա-
ւորն եւրոպեան՝ գտնէրէց գտաւ քան

զնա : Միւիտ Ահմէտ , քանզի այս ա-
 նուն էր դատաւորին , սրամտեալ ընդ
 այս անարդանս իւր՝ անդէն իսկ ՚ի քա-
 ռոզու թեանն պահու առաքեաց զփո-
 խանորդ իւր առ վէզիրն և բողոք կա-
 լաւ առ նա : Տեսեալ վէզիրին ե թէ
 մարթ է դրամս յառնէ անախ քաղէլ , ա-
 սէ զնա յունկանէ . « Չիք հնար , բայց
 ե թէ դենպէտ լինիցիս » : Միւիտ Ահ-
 մէտ առաքեաց առ նա վաղվաղակի քը-
 սակս ոսկւոյ ե թանաքունն , ապա և
 այլս հարիւր , և եհաս որում ըղձանայ-
 ըրն : Սակայն ճինճի խօճաւեր թալով
 երթայր և մեծանայր , և զբարեկամս
 իւր ՚ի զանազան պատիւս ամբառնայր
 ըստ կամի : Վանդնեաց նմա թագաւո-
 ըրն և հոյակապ ապարանս , և նորին
 խրատու խաղաց գնաց յորտս յԱզրիա
 նուպօղիս : Եւ թէպէտ վաղ գարձ ա-
 բար անախ խոնարհեալ յաղաչանս վէ-
 զիրին , սակայն ոչ ինչ լաւագոյն խնամ
 կալաւ իրաց պէտու թեան . զի ճինճի
 խօճա ընդ այլոց շողոքորթաց փոխա-
 նակ խրատս բարիս թելադրելոյ գեռա-
 հասակ արքային , շատ համարէր զառ-
 ՚ի տարապայման հեշտու թեանցն ար-
 կածս նորին և զմեղամաղձի և զդողդոջ
 ման ասաս իւրովք կեղծուպատիր մե-
 գական դիւ թու թեամբք ՚ի բաց փարա-
 տէլ ՚ի նմանէ առ ժամանակ մի :

Յաւուրս ժամանակացն այնոցիկ պե-
 տու թիւնք Եւրոպայ գեռ ևս ելնելու

զմիմեամբք առնէին 'ի մեծարել զգու-
 ռին օամանեան գահուն, և զբարեկա-
 մութիւն նորին հայցել: Յամհագոյն
 քան զայլն ժամանեաց 'ի Առասանդ-
 նուարօլիս 'ի գլխաց Ֆերաֆինանտոսի կայ-
 սեր Վերմանացւոց ծերունին Չեր-
 նին, այն որ իբրու երեսուն ամօք յա-
 ռաջ 'ի ձայն նուարաց և 'ի գրօշս սար-
 ղեալս մտեալ էր 'ի թագաւորեալ քա-
 ղաքն: Անձրևաթաց էր օրն և տղմուտ՝
 յորում սահման էր գնալ 'տնա առ ար-
 քայ. վասն որոյ բազմօք զգէմ կալաւ
 նուիրակացն որեկեալ սախակէին զնա զը-
 նալ անյատաղ առ արքայ. ապա թէ ոչ
 մահ մնայ ասէին վէղերին մեծի, և թե-
 րևա քեզ իսկ գլխովին: Յանհնարս մը-
 տեալ արդոյ ծերունւոյն՝ գնաց ընդ
 նոսա հանդերձ երևելի ընծայիւք զորս
 ընդ իւր բերեալ էր. այլ խոստահմ ար-
 քայ սաստկագոյնս բարբառեցաւ առ
 նա. « Զի է զի ցայս վայր յապաղե-
 ցեր, սուէ. մի թէ անդէտ իցէ թագա-
 ւորն քո զի արդ հնգեակ ամբ են յորմէ
 հեաէ եսս թագաւորում. ոչ այսպէս
 սամի բարեկամութիւն »: Եւ սենե-
 կատեաք արքունի ըստ բանիցն արքայի
 կռակին իմն զարթուածս իւրեանց ան-
 հեթեթս. բանդի այնպէս իմն ճնշեալ
 ունէին զգետաւանն, և այնչափ կբեալ
 խոնարհեցուցանէին զնա ցգեալն, և
 այսր անգր ձգձգէին, զի և մատանին
 ադամանդեայ 'ի մատանցն անկեալ

կորնչէր. որ և 'ի վաղիւ անդր դատեալ
դարձուցաւ առ 'նա :

Աչ ինչ նուազ քան զճինճին սիրելի
էր Իսրայէլի մայր և զինասիրն Երուսաղիմ,
որ բնիկ դադմատացի գոլով ատելու
թեամբ իմն վառեալ էր ցանդ ընդ Ալե-
նեակեցիս . և իբրև կարգեցաւ սա ծո-
վապետ՝ պատճառս ինդրէր կճանելոյ
ինչ պատերազմաւ 'ի նոցանէ : Դեպ
եղև Մեքիտացոց հինաբար աւազա-
կել առ Կրետեա զնա Սիւնայիւ լիւ
անուն ներքինտպեաին՝ որ գնայր 'ի
Մէքքէ, և ծովապետն անգէն բորբո-
քեցոյց զթագաւորն յառումն Կրե-
տեայ 'ի ձեռաց Ալենեակեցոց : Ընկա-
լաւ 'ի նմանէ և զխոստումն փեսայանա-
լոյ արքայի, և եւ 'ի Կոստանդնուպոլ-
սոյ ահեղ պատրաստութեամբ իբրու-
չորեքարիւր նաւուց ընդ պատերազմիկ
և ընդ նպարակաւոր, յորս էին յիսուն
թնդանօթ մեծամեծք, յիսուն հազար
գնասակք երկաթիք, եօթն հազար ենի-
չերիք չորեքստասան հազար սպայք, յի-
սուն հազար թռչակաւորք, և այլ շատ
մարդիկ . թող զերոտպետն և զասիացի
զյուզան՝ որոց պատուէր հրամանի
լեալ էր ըստ գաւառաց գաւառաց
դաւ ժողովել 'ի Չէշմէ որ հանգէւոյ
Քիայ :

Յամուեանն յունիսի յամին 1645 պա-
շարեցին Օսմանեանք զամուր քաղաքն
Կրետեայ զԿանէա ընդ ծով և ընդ

չամոք, և յեա երկուց ամսոց սըն-
դագոյնս 'ի նեղ արկին զնոյն. մինչև
ստիպեցան անհաւանքն անձնատուր
լինել՝ սրայմանաւ ողջամբ 'ի բաց ելա-
նելոց բնակչացն : Հաւանեցաւ Եու-
սուֆ փաշա և տիրեաց քաղաքին. և ա-
պա կարգեալ 'ի նմա սահապանս՝ զե-
կեղեցիսն փոխեաց 'ի մզկիթս, և զու-
մանս 'ի կուսակալաց սարգևօք մեծա-
րեալ՝ արձակեաց զզօրսն յուրաքանչիւր
ակղիս, և ինքն գարձ արօր մեծաւ
փառօք ընդ Քիոս 'ի Կոստանդնուպօ-
լիս՝ ածեալ արքայի 'ի սարգև սիւնս
Երկուս յաղնիւ մարմարիոնէ :

Սուլթանդատէ վեզիրն մեծ որ 'ի
սկզբանէ հեռէ հակառակ կայր խոր-
հրդոց արշաւանին և չդագարեր 'ի չա-
րախօսելոց զսարաուպեան և զխորհրդ-
գակցէնորին զՃինճի Խօճայէ, առաւել
ևս զկեցաւ մախանօք ընդ յաջողուած
իրացն Եուսուֆայ, և անբաստան եղև
զնմանէ՝ որպէս այն թէ կաշառարեկ
լեալ Եուսուֆ 'ի Վենեակեցւոց, և
յայն սակա աղատս արձակեալ էր
զբնակիչս Կանեաց : Նմին հակառակ
դչխոյն Քիւսէմ և Ճինճի Խօճա զա-
մենայն զլնասն զվեզիրաւն արկանէին.
նա ինքն, ասէին, ոսկիս վաթսուէն հա-
ղար ընկալեալ 'ի դեսպանէն Վենեա-
կեցւոց՝ ջանդ ընդ դիմանայր սրատերազ-
միս, և այժմ զուր տարապարտուց քսիս
մատուցանէ, առ բեղ զքաջէ սպա-

բապեաւէն : Հրաման ետ արքայ դալ
խօսել երկոցուն ոսոխաց առաջի խը-
ւ վէճերն խրոխտացեալ 'ի մեծազօրն խը-
խշիանու թիւն ' համարձակեցաւ ան-
պատէհս անգամ բարբառել առ Նու-
սուք, մինչև ասել . « Աղէ արկ 'ի բաց
միանգամ զյեզյեզուկ մեծամտու-
թիւնդ » : Ապա մինչդեռ բազմէր նա
յաակնի' եկն յարքայէ սենեկապեան
մեծ և էառ զմատանին առ 'ի նմանե-
կ սայր ցեռուսուք . այլ 'ի հրաժարել
նորա բացէ 'ի բաց , ընտրեցաւ 'ի տեղի
նորա Սալիհ փաշա :

Սահայն ոչ պակասեցին այլ ևս թըշ-
նամիք ծովապետին , որք ուր ուրեմն
յաջողեցան յաչաց հանին զնա թագա-
ւորին : Առջեաց Իսրահիմ զՆուսուք ,
և հրամայեաց նմա խաղալ գնալ վաղ-
վաղակի երեսուն նաւուք յառումն ող-
ջոյն կղզւոյն Արեւեայ : Եւ յառաջի
առնել սպարապետին զանկազմութիւն
նաւուցն , և զեղանակին ցրտութիւն ,
կշտամբեաց զնա թագաւորն սակա ա-
զատս արձակելոյն զքնակիչս Աանեայ .
« Երթ գնա , ասէ , վաղվաղակի . սպա-
թէ ոչ ' մահ մնայ քեզ » : Նուսուք
փաշա թերևս ասարևինեալ 'ի մտերմու-
թիւն խը նախկին և 'ի փետայն լինել
արքայի' ասէ ցնա . « Տէր իմ արքայ , չէք
գուք ծանօթ իրաց նաւաստութեան .
զի առանց թխալարաց չեւանեն ցակա-
նաւք » : — « Անորէն , գոչեաց Իսրահիմ ,

դու ինձ զնաւաստու թիւն ուսուցանի
ցեա՞ . և ասէ ցարտած անձիպաշին . « Ած
ինձ զգլուխ դորա » : Յապաղեաց այրն
զկտտարումն հրամանին . անկան առ
տաս թաղաւորին վէղիրն մեծ և համա
բակալն . այլ ընդ վայր : Գրեաց Եռ
սու Ք առ սրբայ թուղթ աղաչանաց .
« Առ սէր նորածնի որդւոյդ և դստերդ
խնայեա յիս ասէ , և շնորհեա ինձ ըզ
կեանս իմ » : Եւ սրաշտօնեայն ած զա
ղերսն առ արքայ . այլ նա ևս առաւել
զայրացաւ . և անդէն ածաւ գլուխն
Եռսու Քայ : Եւ իբրև ետես արքայ
զխարտիչագեղ ծնօտս առոյգ երիտա
սարգին՝ ասէ հեկեկանօք . « Եղնկ
գեղեցիկդէմ տանս . աւանդ » :

Ազգ եղև Նալրահիմայ եթէ տորմիզ
Վենեակեցւոյ արշաւեալ 'ի Պեղտօ
նես և ստպատակու թեամբ տարեալ են
դերիս իբրու հինգ հազար և 'ի զայրուցս
եռանդան սրտին հրամայեաց կտտորել
առ հասարակ զամենայն քրիստոնեայս
Դենպեան Կպուսայիս չեա զվճիռ
հրամանիս , քանզի յայտ է ասէր՝ 'ի գլ
խահարկէ, զի 'ի Բիւզանդիոնս եթ երկու
հարիւր հազար քրիստոնեայք են ընդ
յոյն և ընդ հայ : Յայնժամ ասէ Նալ
րահիմ . « Անխայեցից ես 'ի հպատակ
օրն իմ . այլ օն կտտորեացին վաւանկք
ամենայն , և նախ առաջին սպայն Վե
նեակոյ » : Սակայն վէղիրն և գենպե
արն և այլք յաւագանւոյն մեծաւ ա

դերսանօք խափանեցին զահագնալուր
հրամանն, որու մտիսեալ խակ էին պատ-
րաստել զանձինս իւրեանց եւրոպա-
կանք առ հասարակ դիմեալք յեկեղե-
ցիս : Յայնմ հետէ բնակարանք դեպա-
նաց պետուածեանցն քրիստոնէից հաս-
տասեցան 'ի Պէյօղլու և 'ի Ղալադիա .
խակ 'ի Կոստանդնուպօլիս յԱլէքիէր խանն
մնացին միայն իշխանքն Մուտալիոյ,
Ալահայ, Էրտէլի, և Տակուզայի :

Ընդ այն ժամանակս Սուլթանդատէ
Մէհմէտ արձակեցաւ տարապե-
տուածեանս պաշտամանք յառումն Արե-
տեայ, և անդ յետ դոյզն յաղթանակաց
ըմբռնեալ 'ի տե՛նդէ մեռաւ . և փոխա-
նորդ նորին հիւսէյին փաշա առեալ
քանի մի բերդորայս՝ պաշարեաց և
զԳանախա զմայր քաղաքացն Արետեայ :
Այլ 'ի մեռանել և ծովապետին Մու-
սայի, և 'ի յապաղել նիզակակից զօ-
րաց երթալ 'ի Արետէ՝ դիմեցին Ալե՛նեա-
կեցիք և կալան զնեղուց Միջերկրակա-
նին, որ է Չանադ գալէսի, իւրեանց նա-
ւատորման, և զպաշարիչսն Գանախոյ
նեղէին ներքուստ և արտաքուստ : Չա-
խաղ էին իրք Օսմանեանց և 'ի կողմանս
Գաղմասիոյ և Մաճաուաց, և յԱօխա
ևս բազմացեալ էին սպասամբու թիւնք :

Աչ ինչ լաւագոյն հանգամանք իրաց
էին 'ի բուն խակ 'ի թագաւորեալ քա-
ղաքին . նա անախ խակ հոսէին ընդ աշ-
խարհն ջուրքն սղատրեալք յականէ :

Ձի որպէս ամբաստան լինին յերկարա-
 դոյնս պատմադիրք Օսմանեանց, գրա-
 ւեալ էին զսիրտ թագաւորին կանայք և
 սիրելիքնորա, և ըստ կամս հրաման տայ-
 ին բաշխել զիշխանութիւնս ըստ առա-
 ւելութեան կաշառաց և պարգևաց: Տի-
 րեալ էր զեղևութիւն յարքունիս, և
 շողմարարք շուրջ պատեալ զարքայի՝
 հաւանեցուցանելին զնա՝ և թէ ամենայն
 բանք և խորհուրդք նորին աստուած,
 ազդեցիկ պատգամք իցեն անհա-
 ւակելիք: Աէզիրն մեծ Սալիհ փա-
 շա խեղդամահ սպանաւ, փոխանակ
 զի յետ պատուիրելոյ արքայի չվարել
 սայլս՝ ի քաղաքին՝ պատահեաց նմա ընդ
 առաջ սայլ մի: Տուաւ կնիքն արքու-
 նի ցՄուսա, և Ահմետ պէյ՝ այն որ ա-
 տենադպիր լեալ էր Գարա Մուսդա-
 իայի վէզիրին մեծի՝ գահեկանս երեք-
 հարիւր հազար մատոյց արքայի, և յին-
 քն շորթեաց զիշխանութիւնն մեծ:
 Եւ զի կարճատոս հասցուք, ցայն
 վայր եհաս սիրասպետութիւն կանանց
 ի վերայ ոգւոյն Իսկրահիմայ, զի ըստ
 յորգորանաց միոյ ի նոցանէ՝ զարգա-
 րեաց զմարուս իւր ահամբք պատուա-
 կանօք. ընդ որ բազում տրտունջք և
 զեն յամբոխին՝: Չմնաց ի քաղաքին

1 Քանզի շարագոս շահի համարիւ Տաճիկ
 զշարգարանս Տորոսաց, և Փարսոն Եէթի
 Բագուսորս այսօրինակ պճնէր առին:

մտրթ աղնիւ և յամբար և իւղք անուշուք՝ որ ոչ զեղան յարբունիս • և ժողովուրդն նեղէր ՚ի սովէ և ՚ի տուայտանաց աղքատութեան : Այլ չափարոնջման և բողոքոյ նոցին լցաւ ՚ի յաճախութենէ բռնութեանց վէղերին մեծի Ահմէտայ :

Քանզի սա մտեալ յանխորհուրդս զհետ կաշառուց , և առ հաստատուն մնալոյ ՚ի կայի իւրում ոչ միայն չխափանէր , այլ և տածէր ևս և գրգռէր զխեղածիւր իղձս թաղաւորին : Այսմէր արքայ Իսլրահիմ սամուրենիս ագանեւ յոտից մինչև ցղլուխ , սամուրենեօք սրտեւ զամենայն որմունս ապարանիցն • ահանակուս նաւակս կաղմեւ վասն իւր , ահանակաւ կասս վասն միոյ ՚ի գլխոյից իւրոց • և Ահմէտ զամենայնի այսորիկ զգինան հանէր ՚ի կեղեքանաց ժողովրդեան , և նորանոր հարկս սահանջէր ՚ի մեծամեծաց և ՚ի սոսկականաց և ՚ի դիւանականաց անդամ :

Համարձակեցաւ Մէհմէտ շէլէսի գատաւորն Ղալադիոյ յանգխմանեւ զվէղերն յաղագս այսոցիկ : Արկաւ զիւրեղքուրձ , եգ ՚ի գլուխ իւր զկնգուղ , և գէս ուղիղ երթեալ յապարանս վէղերին՝ կշտամբեաց զնա լիաբերան , և բողոքէր խօսել ընդ արքային իսկ գլխովին • « Աստօքէն մի յերից աստիանոցէ , ասէր , ընդ իս • մեռանեւ ՚ի ձեռաց ձերոց , այն ինձ բերկրութիւն

է, զի վկայեմ վասն արգարու թեան,
 արտասահման լինել է քաղաքէս, և
 այդ ոչինչ անախորժ իցէ ինձ, զի ահա
 յերկուց ամսոց հետէ սասանի աստեր
 կիր. կամ թէ լուծանել է պաշտամա
 նէս, և ահա ես ինքնին հրաժարեմ
 բացէ ՚ի բաց, զի լաւ է ինձ տէրվել
 լինել կնդղաւս և քրձով, քան դատաւոր
 սլճնազգեստեալ, և ականատես վկայ
 անիրաւ դնացից ։ Չայրացաւ յոյժ
 վէզիրն յոգի իւր. այլ պնդեցաւ առ
 ահի առաւելագոյն չարեաց ։

Գարձեալ և ՚ի դասս զօրավարաց էր
 ոմն Գարա Մուրատ անունն, այր հուժ
 կու և վիժխարի, որ դեռ ևս գարձ ա
 լարեալ էր ՚ի Արեւեաց ։ Առ սա ևս ե
 կեալ մի ոմն ՚ի հարկահանացն ինդրէր
 դրանս ՚ի պէտս ծախուց սամուրենեաց
 և յամբարոյ վասն կանանոցին արքու
 նի. ընդ որ հայեցեալ սորա մուկիսն՝
 գոչեաց ընդդէմ նորա և ասէ. « Ի Արե
 ւեաց դառնամ ես, և գնտակ և վառօդ
 և եթ աճեմ ընդ իս. զյամբար և զսա
 մուրենի ճանաչեմ իսկ ոչ, և զքամբ
 չեն առ իս. ել ՚ի բաց ։ » ։

Աչ անգիտանայր Ահմէտ զայս և
 զսոյնպիսի գէպս, և թէ կարի իմն զկը
 ծեալ էին ընդդէմ իւր Էնիչէրիք, և
 գլխաւոր զօրսպետքնոցին Գարա Մու
 րատ, Միւսլիհետափն, Պէկդաշ, և Գա
 ռաչաւուչ. վասն որոյ խորհեցաւ դաւա
 ճանել զսոսա անդէն իսկ ՚ի իրախու

Նրա հարսանեաց դասերն խրոյ, յոր
հրաւիրեալ էր զնոսա : Չգացին նոքա
զգաւն, և պատճառս իմն պատճա-
ռեալ՝ մի ըստ միջէ մեկնեցան ՚ի տու-
նրա խրեանց, և անտի յՕրթա ճամփ
անուանեալ մզկիթն ենիչէրեաց : Ժո-
ղովեցին անդէն զգնդապետան և զհին-
աւուրց ենիչէրիս, և հաստատեցին
բառնալ ՚ի միջոյ զվեզիրն : Ընդ այդն
եկին հաւաքեցան անգր ՚ի կոչ սոցաւն
և ամենայն զօրք և գիտնականք հան-
դերձ գե՛նապետաւ, և միաբան հաւա-
նութեամբ առաքեցին կոչել զվեզիրն,
այլ առաջեալն ՚ի փախուստ դարձաւ :

Արձակեաց արքայ զոմն ՚ի պաշտօ-
նեկից խրոյ առ գե՛նապետն հարցանել
զպատճառս Ժողովոյն, և նա ասէ .
« Մինչև ոչ տայէ արքայ ՚ի ձեռս մեր
զվեզիրն մեծ, ոչ լուծցի Ժողովս » :
Կամէր սրաշտօնեայն բանս ինչ ընդգէմ
գնել, և ասա փոքր միւս ևս և անդէն
տապաւստ անկանէր : Կարգեցին Ժողո-
վականքն վեզիր մեծ զճերուհին Սո-
ֆու Մէհէմէկա փաշա, և մինչդեռ ՚ի
սոյն պարսպէին՝ եկն եհաս յարքայէ
Գաւուզճի Մուսղաֆա և ասէ . « Ար-
թիցէ այր խրաբանչիւր ՚ի տաւն խր,
և գե՛նապետն և նորրնափր վեզիրն եկեա-
ցեն առ արքայ » : Չաւաջնին ընդգէմ
կացին Ժողովականք, այլ ապա վեզիրն
յանձին կաշաւ երթալ, և խոյրահիմ ետ
ցնա զմատանին և ասէ . « Ահա ընկեցիկ

արարի զԱճմէա . այլ զհարգ հնար իցե
 ինձ մասնել զնա, զի վեասոյ իմ է .
 աւես զի զերծուայես զնա : Մէհէմ
 մէա խիլայեալ յարքայէ, իբրև գար
 ձաւ 'ի մղկիթն և սրտամեաց զբանս
 թագաւորին, չհաւանեցան ժողովեալ
 քրն . և վէզիրն գարձեալ անգրէն
 առ թագաւորն լի զարհուրանօք և
 արտասուելով սկսաւ ասել զինգիր
 ժողովրդեան : Գոչեաց առ նա թա
 գաւորն զայրագին . « Այ հինա
 ւուրց շուն, այգպէս ուրեմն յուզե
 ցեր զամբոխն, զի վէզիր լինիցիս . քաջ
 է . անցցէ միանգամ միրիկս այս, և ես
 հատուցիցբեզ » . և յարձակեալ 'ի վերայ
 նորա գանեաց զնա բռնցի : Այլ յայլ
 մէ և զեալ գարձաւ Մէհէմմէա 'ի տուն
 իւր, և զմուշտակն մատանեաւն հան
 գերձ ծրարեալ առսքեաց առ գեն
 պեան՝ ազաչելով ազտոս առնել զան
 ձրն իւր 'ի դժուարակիր բեռանէ ան
 ակ . այլ ապա վերստին ածին զնա 'ի
 մղկիթն Միւսլիհէտախն և Պէկդաշ :
 Առան գրուեք քաղաքին . սրտուեր
 յղեցաւ առ գլխոյ մայրն արքայի՝ քաջ
 խնամ ունել արքայորդւոց . և զլիա
 ւորք ժողովականաց գիմեալ յարքու
 նիս՝ կամէին զի տայի 'ի գուրս Աճմէա, և
 խղրահիմ արկցի յաթուոյն : Մուղա
 իա նուիրակապեան արքուձի սպառ
 նայր յանուճ թագաւորին ցրուել ըրու
 նութեամբ զժողովն . այլ ձերուձին

Միւս շէտափն բարբառեցաւ առ նա և
ասէ . « Տե՛ս իշխան քաջ . բռնութիւն
Թագաւորին կործանեաց ահա զպե-
տութիւնս անիրաւութեամբք . տիրա-
պետեալ են կանաչք, և դանձն արքունի
բովանդակ չէ շատ 'ի լուսն հաճոյից
նոցա . տիրեալ են այլադէնք քառասուն
բերդից 'ի Պոսնիա, և ահա դրաւեալ
ունին զնեղուցն Չանադ գալէսի . զի է
զի ոչ ինչ դարման որ տանի այսմ ա-
մենայնի : Այլ արդ թող վախճան լի-
ցի կաշառակրծութեանց, հեռացին
յարբայէ կանանցն բաղմութիւնք, տա-
ցի 'ի ձեռս մեր վէղերն Ահմէտ, և շատ
է » : Չայսր ամենայնի զուր հասոյց
Մուսղաֆիա առ Թագաւորն, և իս
հրաման եւս սլալատական զինուորաց
սլատրաստիլ 'ի մարտ ընդ խռովարարս,
և յարդարել կաղմէլ զթնգանութան յոր-
մունս արքունեաց : Յայնմ գիշերի
գիտնականք ոչ մեկնեցան 'ի բնակարա-
նացն ենիչէրեաց . զի ասէին ցնոսա
զորագլուխքն՝ և թէ չիք հնար թէ թո-
ղովիցեմք զձեզ դարձեալ 'ի վաղիւ :

Իսկ վէղերն Ահմէտ 'ի նմին իսկ գի-
շերի հարսանեաց որդւոյն խիթացեալ
զարագուշակ ելից իրացն՝ 'ի փախուստ
աճապարեաց և չողաւ Թագեալ 'ի տան
Տէլի Պարատէրայ բարեկամին խրոյ :
Անտի գնաց 'ի տուն հաճի Պէհրամայ
ուրումն . այլ սա մտանեաց զնա ան-
գէն 'ի ձեռս նորոյ վէղերին : Սոփու

Մէհէմմէտ միտիթարեաց զԱհմէտ, և ասէ : « Դիւրին իմն է խաղաղել զամբոխըն ճապարակամբ գրամոց . գու երթայժմ ՚ի ներքին սենեակն և հանգիր » : և նոյն ժամայն առաքեաց առ դէնպէտըն առնուել զգատակնիք մահու նորա : Իսկ Ահմէտ ՚ի տաղնապ երկիւղի մեծ ըմբռնեալ՝ ըմպէր անդադար բաժակս բաժակս ցուրտ ջրոյ : Յայնմ սրահու եկեալ տեղապահ վեղերին՝ Հիւսէյին ազա՝ համբուրեաց զքղանցս հանգերցից Ահմէտայ և սրահանջեաց զհաջիւղանձուցն, որով անշուշտ փրկեացիս ասէ : Խնդրեաց Ահմէտ եղէգն և թուղթ, և դրեաց ՚ի նմա քսակս երեք հարիւր ընդ ամենայն : « Եւ այն զինչ իցէ, ասէ Հիւսէյին . հարկ է զբովանդակն հարկանել ՚ի դրի » : և Ահմէտ յաւել ՚ի հաջիւն զոյ մի : Եւ յաւել տեղապահին թէ կարի փոքր ինչ է, և հանն ՚ի ծոցոյ իւրմէ ոսկիս երեք հազար և ետ ՚ի ձեռս նորա :

Իբրև գնաց այրն, Ահմէտ սահաւիկ ինչ ՚ի կողմն ընկեր զի ննջեացէ, և ահա զարթոյց զնա մի ոմն յապուրակի և ասէ : Ժողովականք խնդրեն զքեզ, այլ վեղերն մեծ բարեխօս եղիցի վասնքս : Յարեաւ էջ Ահմէտ ընդ սանդուղան, և ահա մի ոմն կալաւ սնդապէս զբաղուկ նորա . դարձաւ և ետես զի էր գահիճն Գարա Ալի, զոր բաղում անգամ վարեալ էր նորա ՚ի սկեսս իւր . « Ազջ

կորդի անօրէնն՝ դռչեաց առ նա Ահմէտ .
 և նա ասէ . « Ո՛հ տէր խմ » . և համբու-
 րեաց զքանջս նորա : Ածին զնա դահիճ-
 քնն մինչև ՚ի դուռն քաղաքին՝ և գլ-
 խատեալ արկին զգիականն ՚ի հրապա-
 րակ անդր :

Ատելի էր ամենեցուն և դատաւորն
 եւրոպեան զօրաց Միւլադդապ անուն .
 և սա մինչդեռ գնայր ՚ի ժողով գիա-
 նականացն՝ փակեղն ասագին ունելով
 ՚ի գլուխ իւր և մեկնոց լայն և ճոխ զթի-
 կամբքն , Մէմէքղատէ դատաւորն ա-
 սիացի զօրաց մտրակեաց զերիվար իւր
 և յառաջեաց քան զնա . և գե՛նպեան
 ասէ ցՄիւլադդապ , « Երթ գնա ՚ի
 բաց , և մի՛ ևս երևեացիս աչաց խնոց » :
 Զայն իբրև տեսին որք առ գե՛նպե-
 տուն էին՝ յարձակեալ ՚ի վերայ դա-
 տաւորին հարին ընկեցին զփակեղնն ՚ի
 դիտոյ նորա . հասին և զօրականք և քար-
 շեալ ընկեցին զայրն յերիվարէն , և
 պատառեցաւ գլուխ նորա , և այնպէս
 արիւնաթաթաւ գնացեալ ընկէց զան-
 ձրն իւր առաջի գե՛նպետին , և պաղա-
 տէր օգնութիւն ՚ի նմանէ . այլ սա հայ-
 եցաւ իսկ ոչ ՚ի նա : Յայնժամ մեր-
 կացին զՄիւլադդապ ՚ի զգեստուցն , և
 յօշատեցին զնա :

Կամէին զօրքն յօշատել և զճինձի
 Խօճա . այլ քանզի նա վաղու ևս նուա-
 սացեալ էր ՚ի նախնի պատուոյն .
 գթացան ոմանք յայրն և զերծուցին՝

փոխեալ զփահեղն նորա ընդ անարդ
դգակի և զսամուրեննին ընդ դձուձ
թիկնոցի յանկեան ուրեք մզկըթին :

Ի նմին աւուր զօրքն և գիանականք
ժողովեալք ՚ի մզկիթ սուրբան Ահմէ-
տայ՝ առաքեցին արս առ մայր թագա-
ւորին, և ասէին ածել զանդրանիկ ար-
քայսորդին զՄէհէմէտ և թագաւորե-
ցուցանել փոխանակ խորահիմայ, զոր
չկամի ժողովուրդն : Առչեաց զչխոյն
զժողովականն յարքունիս, զի չէ օրէն
ասէ թագաւորել ումէք երբէք ՚ի մզ-
կըթի, և քանզի պոսթանձիք ևս զժողո-
վորեան կողմն կալեալ էին, անվասնդ
մտին յարքունիս գեհակեան, երկոքեան
գատաւորք զօրաց, և զօրասպետք ե-
նիչէրեաց, և հասին մինչև ՚ի գուռն
կանանոցին : Անդ եւ առ նոսա զչխոյն՝
տեռ ունելով սեպոյն ՚ի զլուխ իւր,
և ՚ի լուռ և եթ կալ ամենեցուն առա-
ջինորա սկսաւ յանդիմանել զխորհուր-
դըս նոցին և կշտամբել. « Եւ իցէ ասէ
պարս և պատշաճ այսօրինակ խռով
հարկանել. ոչ ասպէն ծառայք էք
գուք ամենեքեան և ուտէք զհաց տանս
այսօրիկ » : Ետ նմա պատասխանի ծե-
րունին Միւսլիհէտտին ցածու թեամբ
և արտասուախառն պատճառաբանու-
թեամբ. « Արդար են բանքդ, ասէ, գո-
րովագու թ զչխոյ. այլ ոչ ասերախ-
տու թիւն է որ յայս ած զմեզ, և մա-
նաւանդ զիս որ յու թսուն ամայ հետե

վայելեմ 'ի բարիս տանս այսորիկ. այլ զի ոչ կարեմք անկարե կիր աջօք նկատել զչորժանուսն հոյակոպ սոհմիդ, և մեծ 'ի թագաւորութեանս : Ա՛հ, իցնէ թէ վաղու ևս մեռեալ իմ յաշխարհէ, և չտեսնեմք զաւուրս զայստօիկ, յորս անմտութիւն և անիրաւութիւն և չբաշտութիւն թագաւորիս վեր 'ի վայր դարձուցին զաշխարհս : Մի, աղաչեմ, մի հակառակեցի դշտոյդ մեծ խորն գրուածացս ծառայիցքոց, որ օրինաց եմք դորժողիւրք, և դատակնքով դեն պետին և դիմնականաց առ հասարակ միաբանեալ եմք 'ի սոյն ʔ :

Զայստօիկ և զայլ ինչ բազում խօսեցան անդանօր և յուրովք 'ի դիմնականաց, և դշտոյն որ ոչ միայն ոչ անգիտանայր զիրաւացին լինել խնդրոյ ժողովոյն, այլ և ինքն իակ տաղակացեալ էր յանուղղայ դնացից որդւոյն իւրոյ, յեւ բազում ինչ բանից՝ իբրև ետեսեթէ չիք հնար դարձուցանել զնոսա 'ի խորհրդոցն, եմուտ 'ի ներքս, և հանեալ զմանուկն Մէհէմէտ եօթնամեայ՝ արտախոյր ունելով 'ի գլուխն վայելուչ՝ բազմեցուցին 'ի գահն սպարապետեալ անգէն առ դրանն, և աղապակեցին, Աեցցէ արքայ :

Յանձն արար դշտոյն զմանուկն 'ի ինտանս զգուշութեան սալապականաց և մեկնեցաւ, և դիմնականքն ընդ աւագանւոյն երթեալ առ Իսկրահիմ՝

ասեն . « Տէր արքայ , ըստ հրամանի
 դիտնականաց և աւագ որերոյն անց
 դնա՛ ՚ի ներքսակողմն » : — « Անօրէն գա-
 լածանք , գոչեաց ընդգէմ նոցա Իս-
 րահիմ , ոչ թագաւոր իցեմ ես . զինչ
 կամիցի այդ լինել » : Աստիւլազիզէ-
 ֆէնաի խտագոյնս ետ նմա պատաս-
 խանի . « Չես գու , ասէ , թագաւոր .
 զի առ ոսն հարեր զօրէնս և զիրաւու-
 նրս , և կործանեցեր զաշխարհս . վասնե-
 ցեր յու մպէսս զգանձն արքունի , կա-
 շառք և անդթու թիւն թագաւորեալ
 են փոխանակ քո » : Կագէր Իսրահիմ
 կատաղաբար ընդ գենպետին և ընդ
 զօրագլուխս ենիչէրեաց , և ստէպ ըս-
 տէպ աղաղակէր . « Արդ չիցեմ ես
 թագաւոր . զինչ կամիցիք ասել գուք » :
 Պատասխանի ետուն սենեկապետք նո-
 րա . « Այո՛ , թագաւոր ես , այլ ար-
 ժան է և հանդչել քեզ սակաւիկ մի » :
 « Եւ ընդէր ելանիցեմ , ասէ , ՚ի գահէ
 ասաի . և զիարդ թագաւորեացէ ձեզ
 մանուկ մի ապիկար և անչափ տհաս
 դարձեալ , եթէ զիս չկամիք՝ մի թէ և
 չիցէ իմ որդի մանուկն այն » : Եւ սկը-
 տաւ նախատել և անիծանել զգեն-
 պետն և զորս ընդ նմա . այլ խտա-
 գոյն կշտամբանս ընկալաւ առ ՚ի նո-
 ցանէ , զորս ոչ արժան համարի պատ-
 մադիրն ամէլ ՚ի յիշտակ : Ուր ու-
 ընմն զինակիրն և միւս ոմն ՚ի պաշտօ-
 նէից մտին ընդ անթովքն և ամէին ՚ի

ներքս . այլ նա զկայ առեալ վիճեաց
 գոչեաց այլ ևս , և ապա ձեռն զձե-
 ռամբ ամեալ ասէ . « Այս էր ապա
 իմ ճակատագիր . այս հրաման է Աս-
 տուծոյ » . և ամառ ՚ի սենեակն ա-
 նուանեալ Գուշխանէ : Ի վաղիւ անգր-
 խցին և զպատուհանս տանն , և զին
 ևեթ բաց թողեալ՝ անախ զոգեպա-
 հիկն կարկառեին նմա սարսաւորք
 երկու :

Անցին ՚ի վերայ աւուրք տասն , և ա-
 հա սպառքն ՚ի արտունջ հատանէին սա-
 կրս կարի իմն գեռահասակ լինելոյ
 նորոյ արքային : Եւ գենպեան հանգերձ
 աւագանուով հաստատեցին բառնալ
 ՚ի կենաց զԽաղրահիմ , թէ գուցէ չարա-
 գոյն ինչ գէպք սրատահեացեն : Խուսա-
 փէին գահիճքն , և ինքն իսկ Գարս
 Ալի , սրահուցեալք ՚ի մեծեղեռն գոր-
 ծոյն . այլ վէճիրն և գենպեան ամին
 վարեցին զնոսա բանութեամբ ՚ի
 Գուշխանէն :

Նստէր Խաղրահիմ ՚ի փակարանի անգ-
 գլխանոց փոքրիկ ունեւով ՚ի գլուխ ,
 և կուրան ՚ի ձեռին . և իբրև ետես ըզ-
 գահիճան՝ որոց երբեմն բազում անգամ
 հրամայեալ էր՝ առ ինքն եկեալս , սկը-
 սառ ողորմագին ձայնին աղաղակել .
 « Չիցէ որ յորոց զհաց իմ ուանն , որ ինձ
 օգնական լինիցի ՚ի յեաին սրահուս ,
 աւանդ ինձ աւանդ » : Եւ գարձեալ առ
 գենպեան ասէ . « Տէս Ապախաղրահիմ .

էս ոչ սպանի զքեզ, որպէս թեւա-
գրեին ինձ բարեկամքն իմարդ գո՛ւ զիս
սպանանէս” : Եւ մինչդեռ յերկա-
րէր 'ի կշտամբանան ընդդէմ գե՛նալե-
տին և ամենայն աղգին, կալան զնա
դահիճքն և խեղդամահ արարին, և
ապա զգլխակնն տարեալ թաղեցին 'ի
գուռն Այա Սոփիա մզկիթին :

Այսպէս զրաւեցաւ 'ի կենաց նորս
այս Սարգանապաղչոս յու՛թուտանե-
րորդի աւուր ամեանն օգոստոսի յա-
մին 1648, թագաւորեալ ամս ու՛թ,
գոլով ամաց երեսուն և չորից, և էր
գեղասպառչած, ահարկու, արագա-
խօս և վաղվաղուկ :

' Ի զս-ր է է-րոպեան պափաճանից ո-
ճանց պափաճառս ածել ճահուան Իպրահիմայ
զայն, զի խմելոցեալ իցէ առնուլ իւր ինու-
թեան զդոսսաբ գինեպէտին, և 'ի շառնու-
սորս յանյն՝ արգելելու նմա ճփանել յարքա-
նիս . զսր ոչ արդեօք լուելին վիպագիրք օս-
ճանէանց, որ այնչափ ճիսանան 'ի պափել
զանարժան գեղա խմանոցին Իպրահիմայ :

Յ Ա Ն Կ

ԱՌԱՋՆՈՅ ՀԱՏՈՐԻՍ



ԱՋԳԱԲԱՆՈՒԹԻՒՆ ՆԱԽՆԵԱՑՆ	
ՕՍԽԱՆԵԱՆՑ	1
Ա. Սաւաքան Օսման Ա, Ղարաբ	8
Բ. Սաւաքան Օրխման Ղարաբ	18
Գ. Սաւաքան Մարտաք Ա, Ղարաբ Խիւսաւիկի քիւիւար	26
Դ. Սաւաքան Պայէզիբ Ա, Եւլաբ	41
Ե. Սաւաքան Մէհմէտէք Ա, Չի	79
Զ. Սաւաքան Մարտաք Բ, Էրզրում	95
Է. Սաւաքան Մէհմէտէք Բ, Փա	128
Ը. Սաւաքան Պայէզիբ Բ, Վիլի	215
Թ. Սաւաքան Սէլիմ Ա, Եսա	257
Ժ. Սաւաքան Սիւլէյման Ա, Գա	305
ԺԱ. Սաւաքան Սէլիմ Բ, Հալի	403
ԺԲ. Սաւաքան Մարտաք Գ	429
ԺԳ. Սաւաքան Մէհմէտէք Գ	466
ԺԴ. Սաւաքան Ահմէտ Ա	495
ԺԵ. Սաւաքան Մարտաք Ա	525

Ժ.Զ.	Սուղամն Օսմն Բ	527
	Սուղամն Մաստաֆա Ա, երկ.	
	բարդ անգան	548
Ժ.Է.	Սուղամն Մահար Գ	561
Ժ.Ը.	Սուղամն Իպրահիմ	638





31 1/2

400

